

# SCOTUS ACADEMICUS

S E U

Univerſa Doctoris Subtilis  
THEOLOGICA DOGMATA  
R. P. CLAUDII  
FRASSEN

Ordinis Min. Reg. Obſ. Lectoris Jubilati, & Sacrae  
Facultatis Pariſienſis Doctoris.

TOMUS UNDECIMUS.

*De Euchariftia, & Confirmatione.*



VENETIIS,  
Apud NICOLAUM PEZZANA.

---

MDCCXLIV.

SUPERIORUM PERMISSU, AC PRIVILEGIO.



# I N D E X

Disputationum, Articulorum, Sectionum, & Quaestionum,

Qua in hoc undecimo Tomo continentur .

## TRACTATUS SECUNDUS.

De Sacramentis ordinatis ad firmandam, & roborandam animae sanitatem, ac sanctitatem . pag. 1

### DISPUTATIO PRIMA.

De Sanctissimo Eucharistiae sacramento. 3

#### ARTICULUS PRIMUS.

De sacramento Eucharistiae secundum se. 5

Sectio I. De existentia, essentia, & institutione sacramenti Eucharistiae. ibid.

Quaestio I. Utrum Eucharistia sit unum ex novae legis sacramentis. 6

Quaestio II. In quo praecise, ac formaliter consistat ratio essentialis huius sacramentis. 15

Quaestio III. Utrum sacramentum Eucharistiae sit unum specie infima. 24

Quaestio IV. Utrum Eucharistiae sacramentum convenienter institutum fuerit, & ante incarnationem institui potuerit, etiam Adamo non peccante. 31

Sectio II. De materia ex qua confici debeat sacramentum Eucharistiae. 37

Quaestio I. Quinam panis, & quale vinum legitima sit materia conficiendi Christi D. corporis, & sanguinis. 40

Quaestio II. Utrum panis, ex quo conficitur Eucharistia, debeat esse azymus, aut fermentatus. 48

Quaestio III. Utrum, & quo jure aqua sit vino consecrando miscenda. 68

Sectio III. De forma, per quam consecratur Eucharistia. 81

Quaestio III. Utrum Christus D. aliquibus verbis usus fuerit in consecratione sui corporis & sanguinis. 82

Quaestio II. Utrum Sacerdotes novae legis eisdem omnino verbis consecrent corpus, & sanguinem Christi, quibus ipsemet consecravit. 85

Quaestio III. Quenam verba sint de essentia

formae consecrationis Christi corporis, & sanguinis. 93

## ARTICULUS SECUNDUS.

De Existentia Christi D. sub speciebus Eucharisticis. 106

Sectio I. De vera, reali, ac substantiali Christi D. praesentia sub speciebus Eucharisticis, necnon & de erroribus in eam pugnantibus. ibid.

§. I. Probatur vera, realis, & substantialis corporis, & sanguinis Christi praesentia in Eucharistia ex verbis Christi D. Eucharistiam promittentis. 118

§. II. Probatur eadem veritas ex verbis Christi D. instituentis Eucharistiam. 123

§. III. Probatur haec eadem veritas ex Traditione divina, & Apostolica. 129

§. IV. Probatur eadem veritas ex traditione, & constanti doctrina SS. Patrum. 133

§. V. Probatur eadem realis Christi D. corporis, & sanguinis in Eucharistia praesentia rationibus Theologicis. 153

Sectio II. De Transubstantiatione panis, & vini in corpus, & sanguinem Christi. 158

Quaestio I. Utrum tota substantia panis, & vini in corpus, & sanguinem Christi convertatur. 159

Quaestio II. Quenam sit actio transubstantiatio, an scilicet productiva, vel solum adductiva corporis Christi sub speciebus Eucharisticis. 171

## A P P E N D I X.

De accidentibus Eucharisticis. 182

Sectio III. De modo quo Christus D. est, & operatur in Eucharistia. 185

Quaestio I. Quomodo Christi D. corpus, & sanguis sub speciebus Eucharisticis consistant, & existant. 186

Quaestio II. Quid, & quomodo Christus D. agere possit in Eucharistia. 199

Quaestio III. Utrum, & quid corpus Christi pati possit in Eucharistia. 204

A 2

A R-

## ARTICULUS TERTIUS.

<i>De Ministris, Susceptoribus, &amp; Effectibus sacramenti Eucharistiae.</i>	211
<i>Seçtio I. De Ministro Eucharistiae.</i>	ibid.
<i>Quaestio I. Utrum consecratio hujus sacramenti ita sit propria, ac peculiaris Sacerdotibus nova legis, ut à nullo alio, etiam in casu necessitatis, fieri possit.</i>	ibid.
<i>Quaestio II. Quis sit legitimus Minister dispensando Eucharistia.</i>	218
<i>Seçtio II. De suscipientibus Eucharistiam.</i>	221
<i>Quaestio I. Quae, &amp; qualis sit necessitas Eucharistiae suscipiendae.</i>	ibid.
<i>Quaestio II. Utrum Communio sub utraque specie potuerit Laicis ab Ecclesia prohiberi, &amp; iustus de causis fuerit prohibita.</i>	230
<i>Quaestio III. Quenam requirantur dispositiones ad debitam receptionem hujus sacramenti.</i>	242
<i>Seçtio III. De variis, ac mirandis divinae Eucharistiae effectibus.</i>	251
<i>§. I. Primus effectus Eucharistiae erga animam.</i>	ibid.
<i>§. II. Secundus effectus Eucharistiae respectivè ad animam.</i>	252
<i>§. III. Tertius effectus Eucharistiae erga animam.</i>	254
<i>§. IV. De tribus effectibus Eucharistiae erga corpus sumentis.</i>	255

## - A P P E N D I X.

<i>De Missae sacrificio.</i>	256
<i>Quaestio I. Utrum Missa, seu Eucharistia celebratio, sit verè, ac propriè dictum sacrificium.</i>	259
<i>Quaestio II. Quale sit, &amp; in quo formaliter consistat Missae sacrificium.</i>	270

<i>Quaestio III. In quam actione essentialiter consistat Missae sacrificium.</i>	277
<i>Quaestio IV. Pro quibus possit offerri Missae sacrificium.</i>	283
<i>Quaestio V. Qualis sit valor, &amp; effectus sacrificii, &amp; quomodo possit applicari.</i>	287

## DISPUTATIO SECUNDA.

<i>De sacramento Confirmationis.</i>	298
--------------------------------------	-----

## ARTICULUS PRIMUS.

<i>De essentia sacramenti Confirmationis.</i>	ibid.
<i>Quaestio I. Utrum Confirmatio sit verum, ac propriè dictum novae legis sacramentum, &amp; quandonam à Christo fuerit institutum.</i>	299
<i>Quaestio II. Quenam sit legitima materia sacramenti Confirmationis.</i>	302
<i>Quaestio III. Quenam sit forma legitima, &amp; valida Confirmationis.</i>	318

## ARTICULUS SECUNDUS.

<i>De precipuis, ac propriis sacramenti confirmationis effectibus.</i>	322
<i>Quaestio I. Utrum, &amp; quenam specialis gratia per sacramentum Confirmationis conferatur.</i>	323
<i>Quaestio II. Utrum Confirmatio impraescribibilis, nec possit iterari.</i>	325

## ARTICULUS TERTIUS.

<i>De Ministro, &amp; subiecto sacramenti Confirmationis.</i>	329
<i>Quaestio I. Quenam sit legitimus Minister sacramenti Confirmationis.</i>	330
<i>Quaestio II. Quae sit necessitas hujus sacramenti, &amp; quanam sint capaces illius susceptionis.</i>	342





# TRACTATUS SECUNDUS DE SACRAMENTIS

Ordinatis ad firmandam, & roborandam Animæ  
Sanitatem, ac Sanctitatem.



NUMERIS licet gloria titulis celebranda sit, ac mirum in modum commendanda celestis nostri Medici, & divini Samaritani pietas, & effusa in nos misericordia, quid nostris morbis, & animi languoribus nedum succursum esse voluerit per ea Sacramenta, qua ad sananda peccati vulnere, & eluendas eorum sordes, ac reliquias abdergendas instituit, ac ordinavit: sed novo, ac geminato beneficio restauratam animæ sanitatem, ac sanctitatem per sacramenta Eucharistie, ac Confirmationis confirmare, & propagare dignatus fuerit.

Ea enim est huius utriusque Sacramenti virtus & efficacia, ut acceptam ab homine Christiano, & iusto sanctificantem gratiam, geminata, ac uberius irriguo secundatam, in singulos Christi fideles derivent, ac diffundant. Per Eucharistiam enim nutrimur ac vegetamur: per Confirmationem autem adveniens annus demonum & hominum insistentes occursum armamur ad prælium, & ad victoriam, & coronam accingimur.

Quantum autem (ut in huius quarti libri prefatione, ac delineatione pronotatum est) nobis menti fuerit prius de Ordine, ac Matrimonio, (quibus gratia propagatur, ac diffunditur in alios) quam de Eucharistia & Confirmatione disputare: nihilominus, re maturius librata, consultius iudicavimus præscriptum nobis ordinem tantillum invertere, ut quorundam ex nostris Fratribus Eucharistie delineationem ac tractationem, quam primam expellantibus, votis, ac desideriiis faceremus satius.

Est & aliud huiusmodi nostri suscepti laboris, ac innovata ordinationis argumentum, ipsa videlicet Eucharistie dignitas & præminentia, qua utique tanta est, tamquam à nostris sensibus, ac animi conceptibus remota, ut vix ullus sit mortalium, qui illam rudiori licet penicillo delineare audeat, ac representare. Quis enim ethelocquentissimorum hominum linguis loquatur, aut Angelorum, verbis exprimere possit infinitam illam benignitatem, qua subministrato nobis in terra eodem cibo, quo beati in celo regnantes pascuntur, Ecclesia triumphantis delicias nobis adhuc mediis inter, hostes militantibus conferre voluit adorandus Salvator, ac sempiternam Paradisi felicitatem anticipato beneficio nobis propinare? Nullum certe divinius ab eo beneficium avantissimus filius hac in vita conferri, nullum æterna, quam in futuro sæculo parat felicitatis dulcius ac illustrius pignus præbere potuit, quam suspendendum hoc Eucharistia Sacramentum, in quodam convivio, & convivium, inquit S. Hieronymus, & quo effectum est.

Fraffen Theol. Tom. XI.

ut divinitate unâ Christi carni agglutinati, spiritu Christi, & ipsa Divinitate viveamus. Nam, ut præclare ait Tertullianus: Caro corpore & sanguine Domini vescimur, ut anima de Deo saginetur. Scilicet Deus corpore suo, ac divino sanguine homines alit, ut eos propria vilitate relictâ, ad generosam celi propiam, ac felicitatem sublimaret; quidquid enim dulcedinis, & gloria ex divinitate corpori suo accedit, largissimè communicat corpus suum in Eucharistia sumenibus, ut meriti de Eucharistia dictum, ac in ea consummatum Christi D. oraculum consuevit S. Cyrillus, quo Patrem æternum de Discipulis alloquens, agebat: Ego claritatem, quam dedisti mihi, dedi eis, ut sint unum, sicut & nos unum sumus. Quo certè vota hominum vincit Dei liberalitas, & hujus sacramenti munificentiam, audacem eorum superat ambitionem; quis enim tanta elatione superbi- ret, ut præsumat æquè generosum sanguinem habere, ac ipsum Deum, & claritatem ac gloriam Christi ambire?

Unde in hoc divinissimo mysterio divinus amor merito Tertulliani verbis dici potest: Sublimatus in consummationem: de illo namque S. Cyprianus intelligit illud Davidicum: Omnis consummationis vidi finem: & optimo quidem iure, nam in Eucharistia consummatur, plantâ divina omnipotentia, memoriam faciens mirabilem suorum; quando misericors & amator Dominus semetipsum dat esum timentibus se, consummatur sapientia, quam claudens in exiguo, quando edificans sibi domum miscuit vinum, & posuit mensam, consummatur amor, quia, ut festinè quidam ait: In hoc Sacramento Hercules fixit columnas, & dixit: Non plus ultra: Nam, inquit sacer Evangelista, hujus Sacramenti delineationem referre gestiens, cum dilexisset suos, qui erant in mundo, in finem dilexit eos: scilicet excurrit quantum potuit divinus amor, ut in homines sua munificentia pignora effunderet: at vos cum ultimam detrahit, extremamque limitem in Eucharistia Sacramento attingisset, sua exundantis in homines veluti prodigalitatis magnitudinem miratus, ac penè stupens, stetit, positisque columnis, dixit: Non plus ultra.

Quæ omnia præclare colligit, & expendit Concilium Tridentinum, cum ait: Salvator noster, discessurus ex hoc mundo ad Patrem, Sacramentum hoc instituit, in quo divitiæ divini sui erga homines amoris velut effudit, memoriam faciens mirabilem suorum, & in illius sumptione colere nos sui memoriam præcipit, suamque annuntiare mortem, donec ipse ad judicandum mundum veniat. Sumi autem voluit Sacramentum hoc tanquam spiritualem animarum cibum, quo alantur, & confortentur viventes vita illius qui dixit: Qui manducat me, & ipse vivet propter me: & tanquam antidotum, quo liberemur à culpis quotidianis, & à peccatis mortalibus præservemur. Pignus præterea id esse voluit futuræ nostræ gloriæ, & perpetuæ felicitatis; adeoque symbolum unius illius corporis, cujus ipse caput existit, cuique nos, tanquam membra, arctissima fidei, spei, & charitatis connexione adstrictos esse voluit, ut id ipsum omnes diceremus, nec essent in nobis schismata.

Quin etiam (addit Arcudius) divini hujus Sacramenti excellentia, dignitas, & majestas tanta est, ut præ illo neque bona censeantur esse cætera. Quid enim (inquit sacer ille Zacharias) bonum ejus est, & quid pulchrum ejus, nisi frumentum Eleazarum, & vinum germinans virgines? In alia quippe Sacramenta influit quidem Christus D. atque concurrat ad producendam gratiam, cæterum universalis instar causæ, quæque in celo existit, non adeo immediate attingit effectum: hic præter illam adæquatam divinam vim effectricem, quam impartit aliis Sacramentis, ipsemet Auctor virtutis est præsens, & cum suscipiente mediis speciebus mira conjunctione se se devincit. Unde in aliis mysteriis, veluti per rivulos quosdam cœlestem gratiam à capite ductam participamus, hic in proprio fonte Auctorem bonorum spiritualium uberime degustamus: Quanta igitur dignitas inde in hominem derivetur, qui honor, quæ nobilitas, quæ divitiæ, quod pignus amoris, quæ emolumenta inde emanare solcant, quis mortalium aut verbis explicare, aut mente assequi poterit? Hæc ille.

Nihilominus quoniam scire non patitur tam referta, tamque necessaria dicendi materies idcirco hujus divini sacramenti delineationem, quantum ex aliorum dictis, & scriptis, maxime subditi Doctores, tamen affugebit in sequenti Disputatione auspicabimur.

# DISPUTATIO PRIMA.

## De Sanctissimo Eucharistia Sacramento.

**T**anta est hujus divini Sacramenti magnitudo, ut culm illius eximias doctas, ac cælestes prærogativas perspicacissimi quique, juxta ac elegantiissimi sacri Auctores, nec verbo, nec mente possent assequi, plurius in illius commendationem, & encomium illustres appellationes congesserunt. Sic ab ipsis nascentis Ecclesie primordiis, illud appellavit S. Dionysius, *sacrisacrum divinitissimum*. Ignatius autem antidotum mortis, *pharmacum immortalitatis*. Origenes, *panem beatitudinis*. Tertullianus, *Eucharistiam medicam*: Amphylochius junior, *feretrum immortalitatis*: Athanasius *panem beatificantis*; Chrysologus *eternæ vite cibarium*; Cyprianus, *Alimoniam immortalitatis*, & *vite æternæ portionem*; Hieronymus, *omnium novitatum novitatem*: Damascenus, *omnium officinarum miraculorum*; Bernardus, *sanctum sanctorum, Sacramentum Sacramentorum, amorem amorum, dulcedinem dulcedinum*.

Sic cæteri quique SS. Patres encomiis, ac periphrasticis nominibus, in hujus divini Sacramenti commendationem, & laudes excurrunt. Verum, quoniam longum esset omnia ejusmodi encomia persequi, idcirco ne diutius in limine detineamur, solum juvat hic ea percernere nomina, quæ ad institutum nostrum juvant, & rerum dicendarum elucidationem.

Sciendum igitur in primis, hoc Sacramentum à vocabulo Græco *εὐχαριστία* appellatur *Eucharistiam*, id est, *bonam gratiam* seu *gratiarum actionem*, nam *εὐ* significat bene, & *χαρις* idem est ac *gratia*. Appellatur, inquam, *bona gratia*: Tum, quia continet in se Christum D. qui vera gratia dici potest, atque charismatum fons: Tum quia vitam æternam, qua scriptum est, *gratia Dei vita æterna*, præsignificat: Nec verò minis aptè *gratiarum actio* appellatur, Tum, quia in ejus institutione Christus gratias egit, etenim *accipiens panem fregit, ac gratias egit dicens, Hoc est Corpus meum*, Math. 16. Tum quia ad gratias Deo pro universis beneficiis referendas, nihil hac purissima hostia Deo acceptius offerre possumus: nam inquit S. Augustinus lib. de spirit. & littera cap. 11. *Cultus Dei in hoc maxime constitutus est, ut*

*anima ei non sit ingrata, unde in verissimo, & singulari sacrificio Domino Deo nostro agere gratias jubemur. Tum denique, quia Sacramentum hoc est memoriale mirabilium omnium, præcipue verò Redemptionis, quo vel uno cætera gratiæ beneficia continentur, nam ex 1. Cor. 10. Quotiescunque manducabitis panem hunc, vel calicem bibetis, mortem Domini annuntiabitis*. Quapropter S. Chrysost. hom. 25. in c. 8. Matth. Optima, inquit, beneficiorum cussus est ipsa memoria beneficiorum, & perpetua gratiarum actio, propterea tremenda, ac salutaria illa mysteria, quæ in omni synaxi celebramus, Eucharistiam nuncupamus, sunt enim beneficiorum recordatio plurimorum, caputque ipsum divine erga nos providentiæ ostendunt, nosque faciunt debitas semper gratias exolvere.

Secundò, ratione materiz, ex qua potissimum conficitur, appellatur *panis*: Sic Joan. 6. *Panis, quem ego dabo, caro mea est pro mundi vita*. Quam utique appellationem sortitur, tum propter materiam præcedentem ex qua conficitur, tum propter accidentia panis, quæ post consecrationem permanent, ratione quorum extrinsecam panis formam, & figuram refert; quemadmodum Gen. 18. & 19. Angeli in humana specie apparentes; appellantur homines; tum demum, quia sicut pane corpus hominis vescitur, & saginatur: Ita Christus D. se in convivio Eucharistie manducantibus dat spiritus pinguedinem.

Dicitur etiam *fractio panis*, Tum quia frangere panem in Scripturis, idem est ac panem comedere, vel comedendum distribuere: Sic Act. 2. *Frangentes circa domos panem, sumebant cibum*. Eucharistia autem distribuitur fidelibus: Tum quia in ipsa institutione Christus D. Luc. 22. dixit Discipulis: *Accipite, & dividite inter vos*. Unde S. Paulus, 1. Cor. 19. *Panis, quem frangimus, nonne communicatio corporis Christi est*? Hinc Luc. 24. Discipuli euntes in Castellum Emaus cognoverunt Dominum in fractione panis.

Ratione significati, appellatur corpus, & sanguis Christi D. quia nimirum utrumque sub speciebus continetur: unde Tertullianus lib. de resurr. carnis c. 8. præclare ait:

*Toto corpore, & sanguine Domini vescitur, ut & anima de Deo saginetur.*

Ratione verò signi, & significati simul, dicitur, *sacramentum corporis*. & sanguinis Christi. Ita S. Aug. lib. 1. de peccatorum mer. c. 24. *Optime, inquit, Periti Christi-ani baptizantur nobil aliud quam salutem, & sacramentum corporis Christi, nihil aliud quam vitam vocant.*

Ratione loci in quo celebratur, & conficitur, nominatur solitò *Sacramentum Altaris*. Ita idem S. Aug. Ep. 50. *Convivium Domini, inquit, unitas est corpori, non solum in sacramento Altaris, sed etiam in vinculo pacis.*

Ratione suscipientium appellatur *sacramentum fidelium* à S. Aug. scim. 2. de verbis Apost. c. 1. tum quia soli fideles sunt illius suscipiendi capaces: tum quia illis solis dicebatur, quod de hoc divino mysterio clare dicebantur, audire; nam coram Catechumenis non nisi obscure, & cum maxima cautela de eo fiebat sermo, tum maxime quia in illo veluti centro unitur fidelium religio, & non nisi ad exhibendum debitum Deo cultum fideles solebant ad illud convenire.

Unde etiam hac ratione appellatur *Synaxis*, id est Conventus seu Congregatio. Ita S. Dionysius lib. de Eccles. Hierarchia c. 3. Tum quia præcipuus fidelium Conventus sit ad hujusdivini Sacramenti venerationem, & participationem: hinc S. Ignatius epist. ad Ephesios monebat fideles, *Date operam ut sapienter congregemini ad Eucharistiam, & agere Synaxes*. Tum quia est Sacramentum unionis, concordie, & pacis inter fideles.

Qua etiam ratione vocatur *Communio*, hoc est communis fidelium unio, tum inter se, tum cum Christo; nam communicatione corporis, & sanguinis Christi, fideles non solum cum ipso Christo D. sed etiam invicem sociantur, quæ enim sunt eadem unitæ, sunt etiam eadem inter se, unde Apost. 1. Cor. 1. *Unus panis, & unum corpus multi sumus, omnes qui de uno pane, & de uno calice participamus*. Quæ verba expendens S. Aug. tract. 29. in Joan. exclamat: *O Sacramentum pietatis! o signum unitatis! o vinculum caritatis*. Litabant utique ad invicem Judæi, quoniam panem concordie non intelligebant, nec sumere volebant, nam qui manducant talem panem, non litant ad invicem, quoniam unus panis.

Eadem pariter ratione dicitur *mensa Do-*

*mini*: Tum, quia fideles ad Eucharistiam convenientes, ad sacras Christi D. corporis, & sanguinis epulas, & cœlestis convivium quo anima Deo saginetur, ad Altaris cancellos, tanquam ad sacram mensam accedebant. Unde Apost. 1. ad Cor. 10. *Non potestis mensam Domini participes esse, & mensam demoniorum*. Tum quia post susceptam divinam Eucharistiam solebant fideles ad communes epulas accedere, in quibus pauperes à ditioribus reficiebantur, & eidem mensæ accubebant.

Quæ utique refectio, seu quod convivium vocabatur *Agape*, cujus meminit S. Judas in Canonica Epistola, dum arguit fideles, qui ventri nimium indulgebant post sacram Synaxim: *Hi sunt, inquit, in epulis suis (græcè in agapis) macula, convivantes sine timore, &c.* Et Apost. 1. ad Cor. 11. scribens: *Cum convenitis, inquit, ad manducandum, scilicet corpus Domini, invicem expellatis: Si quis ejurit, domi manducet. Convenientibus nobis in unum, jam non est dominicam Cœnam manducare, unusquisque enim suam cœnam præsumit ad manducandum, & alius quidem esurit, alius autem ebrius est. Numquid domos non habetis ad manducandum, & bibendum aut Ecclesiam Dei contemnitis, & confunditis eos, qui non habent*. Quibus arguit nonnullorum divitum inter fideles ventris ingluviem, qui ut lautius post sumptam Eucharistiam epularentur, sese subtrahabant à consortio pauperum, & seorsim ab eis mensæ accubebant.

Ritum Agapæ describit S. Chrysost. hom. 27. in c. 11. 1. ad Cor. ubi de fidelibus nascentis Ecclesiæ ita scribit: *Statim diebus mensæ faciebant communes, & peracta Synaxis, post sacramentorum communionem, invitabant convivium, dicitur quædam cibis suppeditantibus pauperibus vocatis, & omnibus communiter vescentibus*. Ipse præterea in Antiochianis in Apologético scribens: *Quia nostra de nomine suo rationem sui ostendit, vocatur enim Agape, quod est apud Græcos alitio, quantis, cumque sumptibus conficit, lucrum est pietatis nomine facere sumptum, siquidem inopes refrigerio isto juvantur. Solebant autem hæc convivia fieri in templis, & sacris locis: verum propter quod non d. m. fidelium immoderantiam sanctum est in Conc. Laodic. can. 28. Non oportet in domini locis, seu Ecclesiæ Agapæ facere, & intus manducare, vel accubitus fieri. Quæ utique sanctio innovata est in Synodo 7. can. 74.*

Ratione *subtilis*, & *solatii*, quo vegetari, ac recreari solent fideles in extrema infirmitate hoc divino cibo refecti, appellatur *Viatum*: id est, *cibus itinerarius*. Tum quia hoc Sacramento ad æternam felicitatem via sternitur, & munitur: *Tum quia* fidelibus in periculo mortis constitutis ex præscripto Ecclesiæ sacramentum hoc ministrari debet, quo arctam viam, quæ ducit ad vitam, in illis momentis extremis grandiori periculo septam inoffenso pede possit decurrere; unde in Concilio Nyceno can. 16. statuitur, *Deus, qui ad exitum veniunt, etiam nunc lex antiqua regulari quo servabatur; ita ut si quis egredietur de corpore, ultimo, & necessario viatico minime privetur.*

Ratione temporis, & horæ, quo primum instituta fuit, appellatur *Cœna*, quia videlicet Sacramentum hoc in novissima Cœna à Christo D. priusquam pateretur, institutum est; Cujus utique sacræ Cœnæ appellationem nonnulli desumunt ex illis *Apostoli verbis* supra laudatis, *Convenientibus vobis in unum, iam non est dominicam Cœnam manducare.* Hæc enim de Eucharistia dicta esse volunt S. August. epist. 18. & S. Eligius hom. 15. Quamvis etiam non pauci existiment Apostolum eo loco de Cœna Dominica, & Eucharistia non esse locutum, sed de convivio communi, quo nascentis Ecclesiæ fideles unâ reficiebantur simul in unum dives, & pauper.

Ratione *dignitatis*, & *variorum effectuum* variis aliis nominibus, & gloriæ titulis à SS. Patribus illustratur ut patebit in hujus Disputationis decursu.

Ut autem hujus divini Sacramenti (quod Germanus Constan. inopolitanus vocat *arctam luminum*) tractatui aliqua lux affluat, præsentem disputationem, ut fieri solet, tres in Articulis totidem Sectionibus dividendos distribuemus, quorum *Primus* hujus divini Sacramenti existentiam, institutionem, & naturam aperiet: *Secundus* realem Christi D. corporis, & sanguinis præsentiam sub speciebus panis, & vini, & utriusque substantiæ in idem corpus, & sanguinem transubstantiationem, & exilendi, operandi, ac patiendi modum declarabit: *Tertius* denique illius Ministrum, Susceptores, & effectus designabit. Quoniam autem Eucharistia nedom Sacramentum est, sed etiam Sacrificium novæ legis; idcirco tribus his articulis addidem Appendicem de augustissimo Missæ Sacrificio.

## ARTICULUS PRIMUS:

De Sacramento Eucharistiæ secundum se.

**C**onsentiunt omnes quorquoc Christo per sacrum Baptisma nomen dederunt, ipsum pridie, quàm pateretur, & absoluta cœna legali, Eucharistiam instituisse, cum accipiens panem, similiter & calicem in sanctas, ac venerabiles manus suas, dedit Discipulis suis, dicens: *Accipite, & manducate, hoc est corpus meum: & Bibite ex hoc omnes; hoc est enim sanguis meus, &c.* Hanc enim apertam veritatem testantur nedum sacri Evangelistæ, discretis verbis semel, & iterum explicat Apostolus, docent cujusvis sæculi SS. Patres, Concilia definiunt, Fideles omnes profitentur; sed nequidem ipsi Heterodoxi reclamant. Verum triplex capitalis occurrit libranda difficultas, & controversia de hujus divini Sacramenti institutione, & realitate. Cum enim inquit sentent. Magister dist. 8. tria hæc sint distinguenda: *unum, quod tantum est Sacramentum; alterum quod est Sacramentum, & res; tertium, quod est res; & non Sacramentum;* seu quod idem est, cum in Sacramento sit ratio formalis, ratio significans, & id quod significatur. Hinc triplex capitalis movetur controversia. *Prima* circa hujus Sacramentalis signi existentiam, essentiam, & institutionem. *Secunda* circa res significantes, nempe species panis, & vini: *Tertia* circa rem significatam, videlicet carnem, & sanguinem Christi. Quæ utique triplex controversia, ut perspicacius ac distinctius libretur, & discutatur, ipsam tribus in sequentibus Sectionibus examinabimus.

## SECTIO PRIMA.

De existentia, essentia, & institutione Sacramenti Eucharistiæ.

**T**ria maxime hic occurrunt determinanda: *Primum*, utrum revera Eucharistia sit Sacramentum: *Secundum*, utrum sit unicum Sacramentum, vel multiplex: *Tertium* qua die, & hora fuerit institutum; quorum resolutio patebit ex tribus sequentibus questionibus.



Q U Æ

## Q U Æ S T I O P R I M A.

*Utrum Eucharistia sit unum ex novæ legis Sacramentis.*

**N**otandum primò, seu potius repetendum ex jam pluries dictis, ad perfectam Sacramenti rationem, & constitutionem, tria potissimum desiderari, nimirum *Primò*, quod sit signum sensibile divinitus institutum; *Secundò*, quod significet gratiam ordinatam ad hominum sanctificationem; *Tertiò*, quod sit permanens, & Ecclesie, quandiu perseverabit illius in hoc seculo status, à Deo concessum. Quærimus ergo utrum tria hæc Eucharistie competant, unde veri, & perfecti novæ legis Sacramenti rationem obtineat.

*Notandum secundò*, quod etsi omnes hujus temporis hæretici ultro fateantur Eucharistiam esse novæ legis Sacramentum; attamen non ita consentiunt in assignanda hujus divini Sacramenti ratione, nam illam in solo usu, non autem in re permanenti volunt consistere; *Lutherani* namque docent usum, in quo reponunt Eucharistie Sacramentum, eos omnes actiones esse, quas ipse Christus D: exercuit in hujus Sacramenti institutione, nimirum acceptionem panis in manus, benedictionem, fractionem, distributionem, & manducationem: Ita explicat Kemnitius in examine Concilii Tridentini 2. parte ad caput 37 & Canonem 4. Sessionis 13. *Calvinus* autem lib. 4. Instit. c. 17. contendit, panem, & vinum Eucharisticium non habere rationem Sacramenti, nisi cum actus sumitur, ait enim nu. 37. *Quæro qua virtute putant, hostiam esse rite consecratam? nempe verba illa proferunt, Hoc Est corpus meum: ego vero contra objiciam, simul dictum esse, Accipite, & Manducate, neque id de nihilofaciæ; cum enim præcepto annexa sit promissio, & dico hanc sub illo ita inclusam, ut separata fiat omnino nulla. Et nòm. 39. impudenter non minis, quam impiè Ecclesie doctrinam vellicat, cum ait: Totam siquidem vim consecrationis à Sacerdotis intentione pendere voluerunt, quasi hoc nihil ad populum pertineret, cui mysterium maximè explicari oportuerat: inde autem natus est hic error, quod non observans promissionem illam, quibus conficitur consecratio, non ad elementa ipsa, sed ad eos, qui recipiunt, destinari; atqui non panem alloquitur Christus sui*

*corpus suum fiat, sed Discipulos habet manducare; atque illis corporis, & sanguinis sui communicationem pollicetur. . . . Hæ rationibus clarè patet, repositionem Sacramenti, quam nonnulli urgent, ut ægrotis extra ordinem distribuatur, inutilem esse. Eius ex parte describit Antonius de Dominis lib. 9. de Repub. Christiana c. 6. n. 237. ubi asserit Eucharistie Sacramentum ab una quidem publica Communionem, ad aliam usque manere pro iis, qui non participarunt in publica Communionem, velut advenis aut ægrotis; non verò si diutius subsistat Eucharistia, habebit rationem Sacramenti.*

*Notandum tertiò*, Sacramentum Eucharistie congruentissimè fuisse institutum, cujus utique quatuor congruentiæ rationes profert Doctor dist. 8. qu. 1. n. 3. Congruum, inquit, est Christum esse nobiscum in tali signo sensibili, ut magis excitetur quilibet ad reverentiam, & devotionem ad Christum; & hoc patet de facto, quod quasi omnis devotio in Ecclesia est in ordine ad illud Sacramentum; propter hoc enim Clericus majori diligentia persequitur officium divinum in ordine ad Missam. Propter hoc etiam populus devotus audit Missam, cum sit aliquod aliud officium Ecclesiasticum. Propter hoc etiam singuli cum majori diligentia confitentur, quando intendunt secundum ordinationem Ecclesie, saltem semel in anno communicare. *Secundò*, Congruum fuit post generationem spirituales confecti etiam nobis nutrimentum spirituale, & illud magis congruè nobis datur sub similitudine nutrimenti corporalis: nutrimentum autem corporale præcipuum consistit in pane, & vino. *Tertiò* congruit, quod signum sensibile, sub quo nobis Deus voluit se dare, haberet ordinem ad verba aliqua ab aliquo Ministro proferenda; quia aliter nesciremus, quando in tali signo esset Christus, & quando non, & sic peteret reverentia debita, & devotio. *Quartò*, Congruum fuit, quod in prolatione illorum verborum Minister esset in Ecclesia excellens, scilicet Sacerdos, per cuius actum ministerialcm Christus sic incipiat esse nobiscum: *Ita* Doctor; quibus ita præmissis, duo hic supersunt determinanda; *Primum*, utrum Eucharistia sit verum novæ legis Sacramentum; *Secundum*, an consistat in usu, vel in esse permanenti.

C O N.

## CONCLUSIO PRIMA.

**E**ucharistia est verum ac propriè dictum nova legis Sacramentum. Hæc est de fide, determinata in variis Conciliis, maxime Nycæno can. 18. & lib. 3. de divina mensa, Constantinopolitano sexto actione 8. Trulensi can. 28. Nycæno secundo actione 6. Lateranensi sub Innocentio tertio cap. firmiter: sed præcipue Florentino in decreto Eugenii, & Tridentino in omnibus Canonibus de Eucharistia.

Idem docent omnes SS. Patres cujusvis sæculi, & ea veritas ita constantissima est, ut nullus unquam existeret hæreticus, qui eam expressè negaverit: licet enim plurimi malè senserint de hujus venerandi Sacramenti efficacia, representatione, ritu, & usu, nullus tamen, ut observat Vasquez, disp. 167. cap. 1. negavit unquam Eucharistiam esse verum, ac propriè dictum Sacramentum: vel si qui eam veritatem in dubium revocaverint, ita absurdè dogmatizaverunt, ut infantem magis quàm aliquid, quod levitationis indicio niteretur, proterentes apparerent; quemadmodum Bogemili apud Eutychem 2. parte Panopliæ tit. 23. can. 27. qui Eucharistiam, nihil aliud esse, quàm orationem Dominicam, & Evangelii lectionem somniabant. Imò, ut notat Præcolus parte 11. verbo *Mabumetes*, infamis ille Pseudo-Propheta, qui omnes prope Evangelicas veritates in suo Alcorano pessumdavit, & interpolavit, nihilominus in 4. cap. fatetur, hoc Sacramentum esse veneratione dignum.

Idipsum etiam aperta suadet ratio: Sacramentum enim est signum sensibile ex institutione divina significans effectum gratuitum ordinatum ad nostram sanctificationem: nec Eucharistia est ejusmodi: Primò namque, est signum sensibile per species panis, & vini: Secundò: significat effectum gratuitum, nempe corpus, & sanguinem Christi, idque ex institutione divina: licet autem præcisè non significet immediatè gratiam accidentalem; tamen (inquit Doctor dist. 8. num. 4.) significat effectum aliquem Dei gratuitum, scilicet esse corporis, & sanguinis Christi sub tali specie: gratia autem in definitione Sacramenti non accipitur tantum pro gratia accidentali, sed pro effectu Dei gratuito.

*Addit quòd etiam gratiam sanctificantem*

hoc Sacramentum significat, & infert suscipientibus, nam Joan. 6. cum dixisset Christus: *Panis, quem ego dabo, caro mea est*. statim subdit, *Qui manducaverit hunc panem, vivet in æternum*. Et rursus: *Qui manducat me, vivet propter me*.

*Dices primò*, Sacramentum novæ legis est signum gratiæ, quæ confertur illud suscipienti: sed Eucharistia non est ejusmodi. Major constat ex dictis de Sacramento in communi. Minor pariter, quia Eucharistia perseverat in Altari post consecrationem, ubi nemini gratiam confert: igitur &c.

*Respondet Doctor*, num. 6. quòd gratia duplex est, una subsistens, altera accidentalis, sive inhaerens; *Prima* est corpus Christi; sive Christus ipse: *Secunda* verò est gratia habitualis animam sanctificans. Primam gratiam immediatè significat, ac repræsentat Eucharistia; secundam verò mediatè. Unde distinguenda est minor: Eucharistia non significat gratiam sanctificantem immediatè, transeat: mediatè, nego. *Addit quòd etiam* hanc gratiam immediatè significet, & conferat, quoties Eucharistia dignè recipitur.

*Dices secundò*: Sacramenta novæ legis efficiunt quod significant: sed id Eucharistia non præstat: significat enim verum corpus, & sanguinem Christi contineri sub speciebus consecratis; species autem ejusmodi præsentiam non efficiunt; nulla enim virtus finita potest eam præsentiam causare.

*Respondet Doctor ibidem*, argumentum quidem optimè concludere adversus Thomistas, qui contendunt Sacramenta causare physice quod significant, non autem contra suam doctrinam, assentientem, Sacramenta esse dumtaxat causas morales gratiæ, quam significant. Unde, inquit Doctor, *propositio*, Sacramenta efficiunt quod significant, *accipienda est disjunctivè*, *Quia per accommodationem*: ita quòd si Sacramentum significet aliquid fieri, *Quia conferri*, illud reverà per Sacramentum, tanquam per signum efficax sit, *Quia conceditur*; quemadmodum contingit in Sacramentis, quæ in usu consistunt: si autem significat aliquid esse, sicut contingit in hoc Sacramento; quod est permanens, illud per Sacramentum, tanquam per signum verax est. Nam sicut Deus instituit assistere signo sensibili ad gratiam conferendam in Sacramentis successivis; instituit assistere per consecrationem specibus panis, *Quia vini*, ut sub eis præsentia-

luer

*iter continetur corpus, & sanguis Christi. Et ideo cum dicitur: Nulla virtus finita potest agere ad esse corporis Christi in Sacramento, concedo proprie loquendo de actione physica, potest tamen aliqua virtus finita, vel aliquid virtutis finita esse dispositio immediata, hoc est, causa moralis ad esse corporis Christi ibi, non à se, sed à Deo assistente ibi, & hoc modo insinuat istas species, post consecrationem assistat eis, tanquam causis moralibus ipsum moventibus ad efficiendam hanc præsentiam corporis Christi.*

*Dices tertio:* Sacramenta novæ legis constant rebus pro materia, & verbis pro forma: sed Eucharistia non est ejusmodi, quia verba, quæ sunt forma Sacramenti, debent simul esse cum Sacramento: verba autem Eucharistiz non sunt simul cum Eucharistia, tum quia illa subsistit, verbis non remanentibus, tum quia dum verba actu proferuntur, nondum est Eucharistia, sed tantum in fine prolationis verborum: igitur Eucharistia non est Sacramentum novæ legis.

*Respondet ibidem Doctor,* majorem esse veram de Sacramentis habentibus esse successivum, & quorum tota virtus, & ratio consistit in usu, non autem de Sacramento Eucharistiz, quod habet esse permanens, quodque propterea non potest habere verba, quæ sint successiva, pro forma sui esse permanentis. Quoniam requirit verba pro forma consecrationis, seu ut fiat Sacramentum, non verò ut factum perseveret: unde non est de ratione essentiali Sacramenti, quod intrinsicè consistat rebus pro materia, & verbis pro forma: sed solum, quod res, & verba necessaria sint, ut Sacramentum conficiatur: Unde verba consecratoria requiruntur in hoc Sacramento, tanquam forma extrinsecè efficiens, non autem ut efficiens, & constituens.

*Dices quarto:* Duo Sacramenta non possunt ordinari ad eundem effectum: sed Eucharistia ordinatur ad conferendum animæ robor, & gratiæ augmentum, quod per Confirmationem tribuitur; igitur cum confirmatio sit Sacramentum, hanc rationem sibi vindicare non potest Eucharistia.

*Distinguo majorem:* Ad producendum eundem effectum specificum, concedo: genericum, nego; & similiter distincta minore, neganda est consequentia: Quamvis enim Confirmatio, & Eucharistia ordinentur ad augendam gratiam in homine justificato: hoc tamen augmentum ab utro-

que Sacramento collatum, non est ejusdem rationis, quia Confirmatio confert augmentum gratiæ per modum roboris, & spiritualis fortitudinis ad fidem propugnandam. Eucharistia verò, ut nutrimentum per modum refectionis spiritualis ad resarciendas deperditas animæ vires per assiduos passionum motus & æstus imminutas, nec non ad eas augendas, ut homo fiat expeditior, & vegetior in suis spiritualibus muniis obeundis.

## CONCLUSIO SECUNDA.

**S**acramentum Eucharistia non consistit in solo usu, seu sumpcione: Hæc est de fide determinata in Concilio Tridentino sess. 13. Can. 4. his verbis: *Si quis dixerit, peracta consecratione, in admirabili Eucharistia Sacramento, non esse corpus, & sanguinem Domini nostri Jesu Christi, sed tantum in usu dum sumitur, non ante, vel post, & in hostiis, seu particulis consecratis, quæ post communionem servantur, vel supersunt, non remanere verum corpus Domini, anathema sit.* Et cap. 3. sic ait: *Illud in Eucharistia excellens, & singulare reperitur, quod reliqua Sacramenta tunc primum sanctificandi vim habent, cum quis illis utitur: at in Eucharistia ipse sanctitatis Auditor ante usum est. Nondum enim Eucharistiam de manu Domini Apostoli susceperant, cum verè tamen ipse affirmaret, corpus suum esse, quod præbebat, & semper hæc fides in Ecclesia fuit, statim post consecrationem verum Domini nostri corpus, verumque ejus sanguinem, sub panis, & vini specie, una cum ipsius anima, & Divinitate existere. Quibus verbis Concilium nedum decernit, sed etiam ratione probat nostram assertionem.*

Tunc enim verè est Sacramentum Eucharistiz, quando verum est, adesse corpus Christi, & sanguinem: at ante sumpcionem, & usum, id verum est: igitur hoc Sacramentum non consistit in sumpcione, & usu: Majorem negare non possunt hæretici, quippe ideo volunt, hoc Sacramentum consistere in solo usu, quia existimant, tunc tantum in eo esse corpus, & sanguinem Christi. Minor autem probatur; tunc in nocte cænz aderat corpus Christi præsens, cum ipse Christus dixit: *Hoc est corpus meum*; si enim tunc præsens non fuisset, hæc propositio fuisset falsa, & Christus mendacium protulisset: sed antequam comederetur, & biberetur Eucharistia.



charistia Christus D. illa verba protulit in præfenti: *Hoc est corpus meum*: non autem in futuro, hoc erit corpus meum: igitur tunc revera præfens erat Christi corpus.

*Confirmatur* ex eo quòd Lucæ 22. Christus D. ministrando calicem Apostolis, dixit: *Hic est calix novum Testamentum in sanguine meo, qui pro vobis fundetur*, &c. Igitur sanguis Christi fuit in calice, priusquam esset in ore bibentium, maxime cum Apostoli omnes ex uno, & eodem calice biberint, nec Christus ea verba protulerit, nisi dumtaxat semel. *Insuper* Apostolus 1. ad Cor. 10. *Qui manducat, & bibit indigne, judicium sibi manducat, & bibit, non agnoscens corpus Domini*: Censet ergo, Corinthios, quos ibi docet, & arguit, potuisse discernere Domini corpus à communibus cibis, sed nisi corpus illud ante manducationem fuisset, non potuisset discerni: igitur, &c.

*Confirmatur iterum*: Tunc est Eucharistiæ Sacramentum, quando panis fit sacramentalis per Ministrum, ut docent Calvinistæ, & quando Christus Deus homo substantiæ panis, & vinitaliter præfens adest, & sit verum ejus corpus, ac verus sanguis, ut volunt Lutherani: sed hæc fiunt antemanducationem, & bibitionem actualem: panis enim fit sacramentalis per Ministrum, quando ab illo benedicitur, ad prolationem horum verborum, *Hoc est corpus meum*; nam, ut fateretur Beza, illa verba non sunt merè historica, sed operatoria, quia præstant, ut substantia panis transeat ab usu communi ad sacramentalem, qui utique transitus præcedit manducationem, & bibitionem Eucharistiæ: nam Minister, sive Calvinista, sive Lutheranus, longè pridem hæc verba profert super panem, & vinum præparatum, antequam quisque ex fumentibus particulam accipiat, maxime quando plurimi adsunt communicaturi: igitur oportet, ut jam sit Sacramentum, quando quisque panem, & vinum accipit, ac proinde Sacramentum istud non potest consistere impliciter in usu.

*Reponunt Hæretici primò*: Christum D. non prius verba consecrationis protulisse, quàm panem, & vinum manducandum, & bibendum suis Discipulis dedit, idque probant ex verbis Matth. 26. ubi legimus, *Accipit Jesus panem, & benedixit, ac fregit, deduxitque Discipulis suis, & ait: Accipite, & manducate, hoc est corpus meum*.

*Verum respondeo*, quòd non ex verborum ordine, sed ex vero sensu, & significatione, quid Christus D. prius, aut posterius in ultima cœna fecerit, sit intelligendum: alioquin liceret inferre, Christum nonnisi post actionem bibendi verba consecrationis calicis protulisse: nam D. Marcus cap. 14. ait, *Accipio calicem gratias agens, dedit eis, & biberunt ex eo omnes, & ait illis: Hic est sanguis meus novi Testamenti, qui pro multis effundetur*. Hæc tamen illatio prorsus esset absurda, quia pronomen (*hic*) demonstrativum est, ac subinde indicat præsentiam sanguinis Christi: Si autem Christus ea verba protulisset, postbibitionem Apostolorum, non potuisset indicare præsentiam suum sanguinem, quia nihil ejus amplius remansisset; nec etiam Apostoli sumpsissent Sacramentum, quia jam manducatus fuisset panis, & potatum vinum, antequam verba prolata fuissent, per quæ illa materia sacramentalis fieret: igitur nulla est præfata hæreticorum responsio.

*Reponunt aliosecundo*, cum Calvino locis in 2. Notabili laudatis, verba illa, *Hoc est corpus meum*, prolata quidem fuisse ante manducationem, sed non fuisse impleta, nec habuisse effectum, nisi in ipsa manducatione: Quia inquit, cum aliquid promittitur sub conditione præcepti, non impletur promissio, nisi præceptum impletur: Christus autem simul conjunxit promissionem, & præceptum, promissio siquidem fuit: *Hoc est corpus meum*: præceptum vero: *Accipite, & manducate*; igitur corpus Christi non fuit præfens, vel significatum, nisi cum Apostoli susceperunt, & comederunt panem.

*Verum*, hæc gratis, & omnino liberè fingit Calvinus: Si enim ea verba, *Hoc est corpus meum*, promissionem includerent, deberent exprimi per verbum futuri temporis, sicut fit in omnibus promissionibus, quæ exarantur tam in veteri, quàm in novo Testamento, ut constat maxime in repromissio effectus hujus Sacramenti, Joan. 6. *Qui manducaverit ex hoc pane, vivet in æternum*, sed Christus D. non dixit, hoc erit corpus, sed, *Hoc est corpus meum*; ergo salum est, ea verba promissionem continere.

*Deinde*, si illa verba promissionem præcepto conjunctam continerent, illius promissionis impletio sequeretur, non autem comitaretur actuale Eucharistiæ manducationem: ideoque fidelis Eucharistiæ Sacramentum, & Domini corpus non haberet,

dum

dum panem & vinum suscipiunt, sed tantum postquam manducassent, & bibissent: in omnibus enim ejusmodi promissionibus, actio quæ fuit imperata, præcedit impletionem promissi, quia promissionis impletio est effectus actionis imperatæ: Causa autem, ut constet ex Philosophia, natura saltem, suum effectum antecedit.

Adde quod consequens etiam istud censetur absurdum, ex ipso Calvino; nam eodem cap. num. 34. asserit, malos visibile Sacramentum in Eucharistia dente premere, corde verò non comedere; bonos verò sumere etiam Sacramentum, & Sacramenti virtutem: igitur prius incipit esse Sacramentum Eucharistiz, quam à bonis, vel malis comedatur.

Probat secundò Conclusio ex constanti Ecclesiz praxi, quæ quovis sæculo consuevit asservere sanctam Eucharistiam, tum ut esset in venerationem fidelibus, tum ut deferri posset ad absentes, tum ut ministraretur tanquam viaticum infirmis: id siquidem testantur plurimi SS. Patribus, maxime verò Justinus Martyr Apostolorum discipulus, qui Apologia 2. circa finem affirmat, quod sacris in Ecclesia peractis, Diaconi solebant ad absentes deferre sanctificatum panem, & vinum, quod alimentum Eucharistiz dicitur: *Postquam*, inquit, *Antistes gratiarum actionem perficit, & populus omnis apprecatus est, Diaconi ex pane, & vino consecratis partes dividunt unicuique præsumum, & ad absentes portant: Hic cibum vocatur Eucharistia*.

Legimus etiam in actis S. Luciani Presbyteri Antiocheni, apud Surium prima Januarii, quod cum in carcere positus super proprium pectus, veluti vivum altare divina celebrasset mysteria, & Christi corpus consecrasset, partem hostiæ consecratæ sumpsit, alteram presentibus Fidelibus distribuit, aliam verò ad Fideles absentes per manus Diaconorum direxit.

Similiter S. Irenæus epist. ad Victorem Papam, quæ extat apud Eusebium lib. 5. historiæ cap. 24. refert, quod illius temporis consuetudo erat, ut Papa mitteret Eucharistiam ad alios Episcopos in signum pacis, & Communionis.

Tertullianus pluribus significat, fidelis suo tempore solitos esse hostiam in manibus accipere, & eam domum deferre, ut urgente necessitate, aut persecutione, illam secretò sumerent. Hinc lib. 2. ad uxorem

cap. 5. eam adhortans, ne, dum vita sanctus fuerit, alterum ducat maritum, maxime verò infidelem, ait: *Non sciet maritus, quid secretò ante omnem cibum gesses, & si sciverit, panem non illum credit esse, qui dicitur*. Unde lib. de Orat. cap. 14. hujus etiam piz consuetudinis mentionem faciens, ait: *Accepto corpore Domini, & reservato, utrumque salvum est, & participatio sacrificii, & executio officii*. Idipsum testatur S. Cyprianus serm. de Lapsis, ubi refert, quod cum quedam mulier arcam suam, in qua Domini sanctum fuit, manibus indignis tentasset aperire: igne inde surgente deterrita est, ne auderet attingere. Addit: *Est alius, qui & ipse maculatur, sacrificio à Sacerdote celebrato, pariem cum ceteris ausus est latenter accipere: sanctum Domini edere, & contrahere non potuit, cinerem ferre se apertis manibus invenit*. Documento unius ostensum est, Dominum recedere, cum negatur, nec immerentibus ad salutem prodesset, quod sumitur, quando gratia salutaris in cinerem, sanctitate fugiente, mutetur.

Idipsum præ cæteris luculento testimonio confirmat S. Basilii epist. 289. quæ est ad Cæsariam Patriciam, ubi cum dixisset, quaternis singulis septimanis communicamus, Dominica die, feria quarta, in parasceve, & sabbato; scilicet per dies etiam alios si Martyris alicujus memoria celebratur: subdit: Quoniam verò per tempora illa persecutionum cogebantur homines necessarii à Sacerdote, vel Ministro non presente, propriis manibus percipere communionem, non est nisi supervacaneum, ut democretum, illam ipsam rem non esse graviter, & inique ferendam: eo quod inveterata consuetudo, hoc ipsum teipsum consummatum dederat. Nam & illi omnes, qui per Eremos vitam Monasticam instituunt, ubi copia non suppetit Sacerdotis, cum habeant domi Communionem, de suis manibus illam percipiunt. Alexandriz autem, & per Ægyptum, unusquisque etiam de plebe, ut plurimum habet domi suæ Communionem. Nam cum semel Sacerdos sacrificium peragat, & distribuat, qui susceperit illud integrum simul & quotidie de illa sumperit quam à dante acceperat Sacerdote, credere debet, & tenetur nec injutiosè eamdem suscipere, & percipere. Nam & in Ecclesia ipsa, Sacerdos partem aliquam in manus tradit, & illam apprehendit

„ qui percipit, cum omni libera potestate,  
 „ atque ita suis propriis manibus eandem  
 „ suo ori admotam ingerit. Idem igitur,  
 „ quoad potestatem est, sive quis de ma-  
 „ nu sacerdotis partem unam aliquam  
 „ percipiat, sive partes simul quampluri-  
 „ mas.

Eandem veritatem confirmat S. Ambrosius lib. de obitu Satiri fratris circa medium, ubi ejus in Deum observantiam probat maximè ex eo quod in periculo naufragii constitutus requisierit Eucharistiam à Christianis qui simul erant in eadem navi, qua accepta ligavit in oratio, & cum ipsa se confidenter in mare deiecit, ac facilièr ad litus pervenit: *Quid igitur, inquit, observantiam ejus erga Dei cultum prædicem? Qui priusquam perfectioribus esset initiatus mysteriis in naufragio constitutus, cum ea, qua verberetur, navis scopuloso illisa vado, & urgentibus hinc atque inde fludibus solveretur, non mortem metuens, sed ne vacuus mysteriis exiret à vita, quos initiatus esse cognoverat, ab his divinum illud fidelium sacramentum poposcit, non ut curiosos oculos inferret arcanis; sed ut fidei suæ consequeretur auxilium. Etenim ligari fecit in oratio, & orarium involvit collo, atque ita se deiecit in mare, non requirens de navis compage resoluta tabulam, cui supernatanti juvaretur, quoniam fidei solius arma quaesierat. Itaque his se testum, atque munitum satis credens, alia auxilia non desideravit: simile quid refert S. Hieronymus ep. ad Rusticum de S. Exuperio Episcopo Tolozano: Nihil, inquit, illo datus, qui corpus Domini canistro vimineo, sanguinem portat in vitro.*

Porro hanc consuetudinem abrogavit, ac proscripsit Concilium Tolcanum primum anno Christi 400. ubi can. 14. ita decernitur: *Si quis autem acceptam è sacerdote Eucharistiam non sumpserit, sicut sacrilegus procellatur.* Quibus verbis prohibetur sub anathemate, ne quis deinceps acceptam Eucharistiam conservet, & eam secum deferret. Idem vetitum fuit in Concilio Rothomagensi laudato ab Ivone Carnotensi can. 2. Nihilominus his Ecclesiasticis interminationibus non obstantibus, nonnulli fideles diversis agitati motibus acceptam Eucharistiam, diutino adhuc tempore servaverunt. Narrat enim Krantziius lib. 6. hist. Vand. alorum c. 24. quòd circa annum 1183. quidam Pastor Vvandalus acceptum in die Paschatis sacramentum non deglutivit, sed re-

posuit in summitate sui pedi pastoralis, ut esset in propugnaculum sui gregis, quo facto noctibus singulis cum ingentes ignis faces super dictum illud pedum pastorale apparerent, hoc prodigio concitatus loci Episcopus una cum commissa sibi plebe Pastorem accessit, requirunt utrùm sciat illius prodigii causam. Rem ille ex ordine pandit, quibus auditis Episcopus una cum loci plebano Rectore, & universa Clero, ac ingenti populi multitudine pedum illud pastorale summa cum reverentia ad Monasterium Orbacense deferunt, ubi plurima miracula patrata fuere.

*Secundò,* Mos erat antiquitus servandi Eucharistiam pro communicandis fidelibus vita sanctis, qui sacrum Viaticum ante mortem recipere non potuerant, ut refert S. Gregorius Magnus lib. 2. Dialogorum c. 24. ubi narrat, quòd cum S. Benedictus audivisset juvenem ex suis Monachis mortuum, ac tumulatum, semel & iterum è sepulchro à terra rejectum, mandavit super demortui pectus recondi sacram Eucharistiam, & cum ea sepeliri: quo facto quievit in sepulchro tumulatum cadaver, nec ut prius, à terra fuit rejectum.

Hæc autem ceremonia maximè servabatur erga Episcopos, refert enim S. Amphilochius Episcopus Iconie (si reverà ipse sit Auctor vitæ S. Basilii, ut purat Sixtus Senensis lib. 4. Bibliothecæ sacræ) quòd cum S. Basiliius certa quadam die sacra mysteria celebrasset, panem Eucharisticum tres in partes distribuit, quarum unam servari voluit, ut cum ea post mortem sepeliretur. Idem contigisse in funere S. Gutherii Episcopi Lindispharnensis, qui mortuus est anno 587. narrat Fortunatus Episcopus Treverensis lib. 4. de Officiis Ecclesiasticis cap. 41. Quam utique consuetudinem colligit diu in Ecclesia viguisse doctissimus Alapaipa Episcopus Aurelianensis lib. 1. Observationum, Observatione 9. & 10. quandoquidem hujusmodi prohibita fuerit in Concilio Carthageniensi tertio, ubi decernitur: *Placuit, ut corporibus defunctorum Eucharistia non detur: Dignum enim à Domino, Accipite, & edite, cadavera autem nec accipere possunt, nec edere, cavendum est etiam ne mortuos baptizari posse, fratrum infirmitas credat, quibus nec Eucharistia daretur: est.* Idem definitum est in Concilio Antiodorensi celebrato anno 590. can. 12. ubi legitur: *Non licet mortuis nec Eucharistiam,*

nec

nec osculum tradi, nec velo, nec palliis corpora eorum involvi.

*Quarto*, servabatur etiam antiquitus, quæ supererat post fidelium communionem divini Sacramenti reliquæ, ut postmodum convocatis innocens puerulis baptizatis manducandæ, ac confundendæ traderentur. Unde Nicephorus infra laudandus asseruit, eos puerulos debuissse esse jejunos. Cujus utique praxis occasione, idem ibi refert Constantinopoli magnam accidisse miraculorum temporibus Justiniani Imperatoris, & Patriarchæ Mennæ, nempe, quod filius Judæi ejusdem arte vitriarii, unâ cum aliis puerulis ad edendas divinæ Eucharistiæ reliquias fuisset ad vocatus, & eas sumpsisset: hoc ubi rescivit illius Pater, in odium facti, ipsum ligatis manibus, & pedibus in fornacem ardentem projecit, ubi cum tribus diebus mediis in flammis stetit inecolumis, à propria matre inde ereptus, miraculum evulgavit. Id ipsum refert etiam Evagrius lib. 4. Historiæ cap. 35. & Grægorius Turonensis lib. 1. de gloria Martyrum cap. 10.

*Quinto*, servari solebat in Altari propter fidelium devotionem, ut docet S. Chrysostomus homil. 24. in priorem ad Cor. Si sanguinem cupis, inquit Christus, non idolorum aram brutorum cede, sed meum altare vero sanguine cruentas, pro cede brutorum seipsum iussit offerri, quando ipsum videris, propositum Dei corpus, dic: Propter hoc corpus non sum amplius terra, & cinis, sed liber homo corpus clavibus confixum, & flagellis casum non tulit mors. Hoc corpus etiam jacens in præsepio reveriti sunt Magi: tu verò non in præsepio vides, sed in Altari: non feminam ipsum tenentem, sed Sacerdotem adstantem.

In idem conspirat S. Cyrillus in epistola ad Celosyrium, de quibusdam, qui dicebant, quod corpus Christi non remanebat sub hoc Sacramento, si in crastinum reverteretur, quia, inquebant de Agno Paschali, qui erat figura hujus Sacramenti, non remanebat quidquam usque mane, ut præcipitur Exod. 12. De illis, inquam, qui id asseriebant, sic ait: *Insaniant quidam, dicentes, mysticam benedictionem cessare à sanctificatione, si quæ ejus reliquæ remanserint in diem subsequentem, Non enim mutatur Sacramentum corporis Christi, sed virtus benedictionis, & vivificans gratia jugis est.* Hujus veritatis illustre proferit exemplum S. Gregorius Nazianzenus infra laudandus de sorore

sua, quæ ante altare coram augustissimo Sacramento procumbens, sanitatem obtinuit.

*Sexto* servabatur in Altari ut deferretur ad ægrotos, sic enim statuitur in Concilio Nicæno can. 13. his verbis: *de his, qui ad exitum veniunt, etiam nunc lex antiqua, regularisque, servatur, ita ut si quis egreditur de corpore, ultimo, & necessario viatico minime privetur. Quod si desperatus, & consecutus Communionem, oblationisque particeps factus, iterum convalescit, sit inter eos, qui Communionem orationis tantummodo consequuntur.* Generaliter autem omni culibet in exitu posito, & poscenti sibi communionis gratiam tribui, Episcopus probabiliter ex oblatione debet. Ex quibus colligit Groperus lib. de asseruatione corporis, & sanguinis Christi art. 2. cap. 16. Eucharistiam à reddita Ecclesiæ pace in templis servari solitam, ut deferri posset ad ægrotos. Si enim nullum esset reservatum viaticum, multi haud dubie, vel nocturnis, vel aliis, quibus fas non est consecrare viaticum, horis, subito exitalibus correpti morbis, atque supremo illo necessario è corpore emigrassent: cum tamen Concilium velit cura, & diligentia, atque probatione Episcopi agendum esse, ut ne quis Viatico decrauderetur.

Hinc decernitur in Concilio Turonensi secundo, ut corpus Domini componatur in Altari sub Crucis titulo, qui nempe reponi solet in Altaris medietullo, & Felix Episcopus Bituricensis, qui ipsi Concilio interfuit, curavit elaborari vasa aureum insigni instar turris ad asservandam Eucharistiam, ut refert Venantius Fortunatus in Epigrammatibus: Unde clerici, & Monachi Antiocheni conquerruntur in Conc. Constantinopoli sub Menna art. 5. de suo Patriarcha Severo, quod fregerit, & vendiderit columnas auræ, in quibus Eucharistia servabatur: Eandem querimoniam instaurat Antonius Monachus in Concilio Nicæno secundo actione 7.

Id ipsum confirmat S. Clemens, vel quisquis est Auctor constitutionum Apostolicarum lib. 8. c. 13. ubi loquens de Eucharistiæ reliquiis remanentibus post communionem fidelium, ait: *Sumant Diaconi reliquias & in tabernaculum inferant.* Nam, inquit, epist. 2. Reliquias fragmentorum corporis Domini custodire debent, ne qua putredo in sacrario inveniat, ne cum id negligenter agitur, corpo-

*corpi Domini gravis injuria inferatur.* Porro per sacrarium, & tabernaculum intelligit locum in quo propter varios usus, & nominatim propter Communionem infirmorum, sacræ hostiæ reconduntur, & asservantur, sicut jam olim asservari solebant. Inde usus argenteorum, vel aurearum columbarum, idest, vasorum, vel pixidum, quæ sub illa figura, in symbolum Spiritus S. formabantur, ad sacram ibi Eucharistiæ asservendam. Hinc etiam in primitiva Ecclesia usus turrium argenteorum, in quibus corpus Christi asservari solebat, ut colligitur ex Gregorio Turonensi lib. de Gloria Martyrum c. 26. ubi sic ait: *Accepta turre, in qua ministerium ( seu mysterium ) Domini corporis habebatur, ferre hanc ad osium capitis Diaconi, ac templum ingressus est, ut eam Altari superponeret.* Inde palaphorij quoque nomen quod juxta Græcum *σπυρίδιον* spongi thalamum significat, & propterea illi arcule vel pixidi olim inditum, in quaincludebatur corpus Christi asservandum. Hinc denique cibarii nomen, quo passim à Latinis eadem pixis, vel arcula appellari solet, eo quod verum animæ cibum contineat, scilicet Christum, qui Joan. 6. ait: *Caro mea verè est cibus.* Ex quibus omnibus aperte constat, semper in Ecclesia Dei creditum esse, quod non simul cum usu designat esse corpus Christi in Sacramento Eucharistiæ, sed quod permanenter in eo conservetur.

*Dices primò:* Veterum Patrum sententia fuit nil esse Eucharistiæ esse servandum, ut constat I. capite *Tribus* de consecr. dist. 2. quod petitur ex S. Clementis epist. 2. *Tanta in Altario holocausta offerantur, quanta populo sufficere debeant: quod si remanserint in crastinum non reserventur, sed Clericorum diligentia consumantur:* igitur Eucharistia non est asservanda.

*Nego consequentiam:* Ita quippe constituit S. Clemens Ecclesiæ nascentis tempore, quia communio sacræ tam frequens erat, ut sacramentum ægris asservare necesse non esset: id autem noluit observandum secutus ætatis, in quibus Eucharistiæ usus non erat futurus adeo frequens.

*Adde quod,* Eucharistiæ reliquiarum comestio præcipiatur Clericis, quoad minores particulas fragmentorum corporis Domini, sed exceptis parvibus illis, quæ servantur in usus infirmorum. Hinc ibidem antea scribitur: *Tribus gradibus commissæ sunt Sacramenta divinarum secretorum, Presbytero, Dia-*

*Essen Thol. Tom. XI.*

*cono, & Ministro, qui cum timore, & tremore Clericorum reliquias fragmentorum corporis Domini custodire debent, ne quæ putredo in Sacrario inveniat, ne cum neglegenter agitur, portioni corporis Domini: gravis inferatur injuria, ut suprà dictum est.*

*Obijcies secundò Origenem in 7. Levitici hom. 5. scribentem: Dominus panem, quem Discipulis dabit, & dicebat illi, Accipite, & manducate, non dissulit, nec servari jussit in crastinum:* ergo contra Domini præceptum militavit qui servant Eucharistiæ.

*Nego consequentiam:* Multa quippe Dominus per Apostolos, & Ecclesiæ ordinavit, quæ per se non jussit: Unde nec Origenes ibi probare vult Eucharistiæ asservari non posse, sed placere Deo sacrificium laudis recens novum, spirituale; non autem vetus, ut erat apud Judæos, & Gentiles, id autem ostendit exemplo Domini, qui Eucharistiæ à se consecratam continuò manducari jussit: Addit etiam quòd panem portari vetat in via, ut semper, inquit, recentes quæ intra se gerit Verbi Dei panes proferat. Unde constat Origenem tropologicè omnino loqui.

*Dices tertio:* S. Ambrosius in 1. Cor. 11. indignum, inquit, dicit Apostolus, cum esse Domino, qui aliter mysterium celebrat, quàm ab eo sit traditum: ergo nihil in eo potest agi, nisi quod agit Christus, nihil etiam omitti potest eorum, quæ Christus egit.

*Nego consequentiam:* Nam dato quòd hujusmodi commentaria sint reverè S. Ambrosii, particula hæc (aliter) opponitur devotioni, & reverentiæ huic Sacramento debite, non ceremoniis accidentalibus institutionis hujus Sacramenti: conqueritur enim ibi S. Paulus de Corinthiis, qui multa Christianis indigna, fuisin Agapis admittentes, accedebant ad Eucharistiæ. Inde subjicit Commentator: *Non enim potest devotus esse, qui præsumit aliter, quàm datum est ab Autore;* ideoque præmonet, ut secundum ordinem traditum, id est, sublati distinctionibus, & ebrietatibus, quas arguit Apostolus ibi: *Devota mens sit accedentis ad Eucharistiæ Domini.* Et explicans quod ait Apostolus: *Probet autem seipsum homo, subijcit: Devoto animo, & cum timore accedendum ad Communionem docet (Apostolus) ut sciat mens reverentiam se debere ei, ad cuius corpus sumendum accedit.*

B

Di.

*Dices quariò:* Hefichius lib. 2. in Levit. c. 8. ait: Quod reliquum est de carnibus, & panibus, in igne incendi præcepit, quod nunc videmus etiam sensibilibiter in Ecclesia fieri, ignique tradi quæcumque remanere contigerit inconsumpta, non omnino ea, quæ una die, vel duabus, aut multis servata sunt, ut enim apparet, non hoc Legislator præcepit, sed quod reliquum est incendi jubet: ergo vetitum erat Hefichii tempore reliquias Eucharistiæ servare.

*Distinguo consequens:* Reliquias, quæ præ nimia vetustate, vel asservatione putredinem, aut aliquid simile contrahunt, ex quo manducanti nausæam, aut horrorem afferre possent, concedo, ne fiat enim injuria Sacramento, tradebantur ille species igni, velut elemento omnium purissimo consumende, sicuti Missale Romanum c. 10. Rubricarum de defectibus circa Missam, jubet, ut vomitus ejus, qui sumpserit Eucharistiæ, comburatur, si species in eo consumptæ non appareant; Reliquias, quæ fuerint immunes ab ejusmodi periculis, & integre, nego: nam ex Hefichio, tradi ea igni oportet, ut ea consumat, quæ sunt inedibilia, idest, non manducabilia.

*Dices quintò:* Ex Evagrio 4. histor. cap. 35. vetusta consuetudo Constantinopoli fuit, ut, si quando multa admodum particulæ puri, & immaculati corporis Christi Dei nostri supersessent, pueri impuberes, qui scholas frequentarent, accenserentur, easque manducarent: Nicephorus 17. hist. c. 25. scribit, pueros, quibus Eucharistiæ reliquæ dabantur, incorruptos esse debuisse, & jejunos, ex iis qui ludum litterarum frequentarent, & se quondam ex eorum numero fuisse, quia vehementer à prima ætate studebat in sacris Aedibus versari. Et ex Matisconensis Concil. 2. can. 6. Quæcumque reliquæ sacrificiorum post peractam Missam in Sacratio supersederunt 4. vel 6. feria apud illos, utrim interest, ad Ecclesiæ adducantur, & indicto eis jejuniis easdem reliquias vino confusas, percipiant: ergo partes Eucharistiæ non asservabantur in Ecclesia.

*Distinguo consequens:* Partes minores, quæ non ita facile poterant asservari; vel etiam majores, quæ non erant necessariæ ad ægotantium communionem, concedo: majores quæ necessariæ fuerunt in Viaticum, & Communionem infirmorum, nego, nam

ubi consecratio Dominici corporis, & sanguinis adeo frequens non erat ob perfectiones infidelium, asservabantur Eucharistiæ formulæ in usum infirmorum, & absentium.

*Dices sextò:* Humbertus Cardinalis lib. contra Nicetam, qui est in appendice tomi 12. Baronii, dicit: *Dominus non benedixit sanctum panem, & servavit frangendum in crastinum, nec fregit tantum, & reposuit, sed frustum statim distribuit;* igitur censet, panem Eucharisticum asservari non debere, sed statim præsentibus, ac debite paratis assistantibus ministrari.

*Distinguo consequens:* Censet non debere conservari panem Eucharisticum jam consecratum, ut iterum inserviat in oblationem, & sacrificium pro diebus sequentibus: quem admodum facere solebant nonnulli Græci, concedo, censet non debere servari in usum, & communionem infirmorum, aut absentium, vel etiam ut fidelibus exhibeatur in venerationem, nego: Humbertus enim ibi arguit Græcos, quòd tempore Quadragesimæ, duobus solum diebus, Sabbato scilicet ac Dominica, necnon & Annuntiationis die consecrarent, ac Eucharistiæ offerrent. Aliis verò quinque diebus hebdomadæ præsanctificatis uterentur, & ita fieret apud illos isti s diebus sacrum præsanctificationum, idest, oblatio sacrificii jam antea peracti, ut decernitur in Concil. Trullano can. 52. cujus utique Can. hæc ratio erat quia dies jejunii dies luctus, & expiationis est: offerre verò sacrificium Deo, festum est agere, cum ipsa Communionem corporis, & sanguinis Dominici jejunia solvi putabant vulgò Græci, quod apertum est ex Humberti verbis, ait enim: Hodie, sive tertia, sive quacumque fiat à vobis, Missa non fit, nisi perfecta, nec reservatur ex oblatione pars aliqua, ut per dies quinque agatur inde Missa imperfecta: quia nec Apostoli leguntur quidquam ex illo primo corporis, & sanguinis Christi mysterio sub ipsa cæna distribuere reservasse: nec actus eorum indicant eos aliquando tale quid egisse, aut præcepisse, quin impò. Lucas 11. narrat Actor. 1. Erant fideles perseverantes in doctrina Apostolorum, & communicatio- ne portionis panis, quæ communicatio qualiter, & quibus diebus fieret, post pauca demonstrat, dicens: Quotidie perseverantes unanimiter in templo, & frangentes circa domos panem, su-

sumebant. Ex se verax Evangelista testatur sub Apostolis Fideles quotidie orasse, & panem fregisse: Et vos qui estis? qui dicitis duobus tantum diebus Missam perfectam fieri debere, reliquis quinque imperfectam? nempè si in panis fractione, & communicatione, nonnisi perfectam actionem Missæ debemus accipere, quemadmodum & ipsum Dominum legimus non imperfectam, sed perfectam commemorationem suis Discipulis tradidisse in pane à se benedicto, & mox ab eo distributo.

*Dices septimò:* Ecclesia non alio fine volebat servari Eucharistiam, nisi ut ministraretur ægrotis, & eis inserviret in Viaticum. Unde Morinus lib. 8. de penit. c. 14. n. 2. ait: Consuetudo hodierna, corpus Christi propter fidelium Communionem reservandi recens est, à Monachis Mendicantibus primum introducta, deinde ab aliis plerisque usurpata, quæ nondum tamen Romani Ritus Rubricas expungere potuit.

*Nego antecedens:* Contrarium enim appareret ex dictis; Eucharistiam enim servabant primis fideles, tum ut ea reficerentur, tum ut à periculis ejus beneficium liberarentur; & ad eam, tanquam ad propugnaculum, & subsidium recursum haberent. Cujus utique illustre exemplum profert S. Gregorius Nazianzenus Orat. 11. quæ funebris laus est Gorgoniæ sororis suæ: *Ea cum ægrotaret, desperatis omnibus aliis auxiliis, intempesta nocte fugit ad omnium Medicum, ad ejus altare cum fide procumbit, eumque, qui super ipso honoratur (Christum interpretatur Helias Cretensis) imitata mulieris, qui diuturnum sanguinis fluxum patiebatur, audaciam, & peccatricis amorem invocans magno clamore, multisque lacrymis, & variis eum nominibus appellans, & ejus omnia prodigia commemorans, ait, se non dimissuram priusquam sanitatem obtinisset, & si quid uspiam antispasmodi pretiosi corporis, & sanguinis manus reconsiderat, veluti thesaurum aliquem lacrymis admiscens, & eo veluti pharmaco totum corpus perungens, statim liberatam se morbo sensit.*

Constat igitur jam pridem consuetudinem fuisse in Ecclesia servandi Eucharistiam, ut esset motivum, & objectum devotionis fidelium, necnon ut fidelibus in celestem alimoniam ministraretur; cum enim divinum hoc sacramentum maxime fuerit in-

stitutum, ut deserviret spirituali animarum nutritioni, haud dubium est, quin potissimum ob hunc finem jugiter asservata fuerit in templis, ac subinde apertè liquet Morinum turpiter hallucinari, cum audacter, & temerariè pronuntiat corpus Christi reservandi consuetudinem propter communionem fidelium, à Monachis esse introductam.

*Dices ultimò:* Nusquam Christus asservationem Eucharistiæ præcepit: ergo non est asservanda.

*Distinguo antecedens:* Non præcepit explicitè, concedo, implicitè, nego: Dedit enim Eucharistiam ut cibum, qui permanens est, & dicitur esse paratus omnibus Christianis, ideoque debet asservari. *Secundò,* nego consequentiam, Ecclesia quippe jubere potest ea, quæ spectant ad Sacramentorum, & mysteriorum reverentiam, & ad fidelium utilitatem, cum ei credita sit dispensatio mysteriorum Dei, & ab Trid. sess. 21. c. 2. Tum Apostolis speciatim de iis, quæ spectant ad Eucharistiæ dispensationem, & curam, & venerationem, 1. Cor. 11. scribit Paul. *Cetera, cum venero, disponam.* Hinc enim sequitur non tantum à Christo, sed etiam ab Apostolis, & ab Ecclesiæ ritus Eucharistiæ præcipi posse, ut evidentiùs constabit ex dicendis.

## Q U Æ S T I O S E C U N D A .

*In quo præciè, ac formaliter consistat ratio essentialis hujus sacramenti.*

**N**otandum primò: in Sacramentis legis Evangelicæ tria potissimum solere distinguui: *Primò* quidem id quod est Sacramentum tantum, seu signum sensibile, & efficax gratiæ, ac subinde quod significat, non autem significat, ut lotio corporea per aquam in Baptismo sub præscripta verborum forma, quæ significat interiorem animæ ablutionem à peccatis. *Secundò,* res sacramenti, seu id quod significatur, & declaratur per signum sensibile, ejusque effectus, aut fructus sacramenti, nempè gratia sanctificans sub aliquo speciali charactere, sic in Baptismis Sacramentis, seu significata est gratia regenerans, sive emundans ab omni sorde peccati tam originalis, quàm actualis. *Tertio,* id quod est Sacramentum, & res Sacramenti simul, id est signum, & res significata, seu quod significat, & quod significatur.

catur; sic in Baptismo character spiritualis animæ impressus, dici potest aliquo sensu res significata per abluitionem aquæ cum expressa invocatione sanctissimæ Trinitatis & etiam signum spirituale, quia ipse significat gratiam sanctificantem, qua regeneramur in filios Dei per Christum. Circa controversiam est, quod in Eucharistia res Sacramenti sit gratia nutriendi, seu per modum alimonie spiritualis animam reficiens: Sacramentum autem, & res Sacramenti simul, sit corpus, & sanguis Christi, quod equidem significat gratiam nutriendam, seu reficientem, & significatur per speciem panis, & vini. Dubium autem est, quid sit Sacramentum tantum formaliter, & proprie sumptum.

*Notandum secundò*, quatuor potissimum in Eucharistia posse considerari: *primò* quidem consecrationem panis, & vini: *secundò* species panis, & vini consecrati: *tertiò*, corpus, & sanguinem Christi sub consecratis speciebus realiter delitescens. *quartò* tandem usum, & sumptionem hujus Sacramenti, puta manducationem, & bibitionem corporis, & sanguinis Christi. Queritur autem in quonam coram constituenda sit ratio formalis Sacramenti, circa cujus resolutionem quadruplex est capitalis Theologorum sententia: *prima* contendit, Sacramentum Eucharistie consistere formaliter in consecratione, seu actione illa mirabili, qua convertitur panis in corpus Christi, & vinum in ejus sanguinem, quæ utique actio idcirco dicitur consecratio, quia per illam species consecrantur, hoc est, factæ, ac venerandæ sunt, continentque rem sacratissimam, nempe corpus, & sanguinem Christi, quæ utique sententia tribuitur Gabiæli, Marfilio, & Cajetano q. 36. art. 6. in quam etiam propendet Lugo disp. 1. sect. 6. ubi probabiliter tueretur, actionem transubstantiativam, qua ponitur Christus sub speciebus, non esse omnino à ratione intrinseca Sacramenti Eucharistie excludendam. *Secunda sententia* ait, Sacramentum Eucharistie consistere formaliter in aggregato, seu composito ex speciebus, & verbis consecrationis, tanquam pro fundamento proximo, & integro relationis significationis sacramentalis, cujus terminus est corpus, & sanguis Christi per species, & verba consecrationis connotatus in recto. Ita plurimi Recentiores cum Valentia, & Suarez. *Tertia* censet, Sacramentum Eucharistie essentialiter consistere ex specie-

bus simul, & ex corpore, & sanguine Christi, itaut utrumque ad essentiam, & substantiam hujus Sacramenti pertineat. *Quarta* tandem sententia contendit hoc Sacramentum essentialiter consistere in speciebus consecrationis significantibus corpus, & sanguinem Christi realiter, ac substantialiter sub illis contineri. Ita sentiunt Aletius q. 10. memb. 3. art. 3. S. Bonaventura dist. 9. part. 2. art. 1. q. 2. necnon & Subtilis Doctor dist. 8. quæst. 1. Cui subscribunt omnes fidelissimi ejus Discipuli, uno, aut altero excepto; puta Centino, qui disp. de Eucharistia n. 15. cum quibusdam Thomistis arbitrat, hoc Sacramentum essentialiter consistere in aggregato ex speciebus, & corpore, ac sanguine Christi.

*Notandum tertio*, Consecrationem distinguam duplicem: unam quidem interiorem, & exteriorem alteram. Exterior, & sensibilis est usus, & prolatio verborum sacramentalium facta per Sacerdotem ex debita intentione supra materiam idoneam, interior vero, & insensibilis est miranda illa conversio substantiarum panis, & vini in corpus, & sanguinem Christi. Porro certum est, hanc internam consecrationem non habere rationem formalem Sacramenti, seu signi sacramentalis: nam omne sacramentum insensibile est, interna autem consecratio non est sensibilis, ac subinde solum superest difficultas de consecratione exteriori, utrum videlicet concurrat ad rationem formalem hujus Sacramenti constituendam per modum forme informantis, & constituentis ipsum Sacramentum, aut per modum cause intrinsecæ illud efficientis.

### CONCLUSIO PRIMA.

**C**onsecratio exterior non est pars intrinsecæ constituentis formaliter Sacramentum Eucharistie. Hæc est Doctoris loco supra laudato n. 9. ubi ait: Istud Sacramentum non habet aliqua verba pro forma, quia tunc non esset Sacramentum permanens cum verba non possint esse, nisi in successione: tamen ipsa consecratio Sacramenti consistit in fieri, & ideo requirit aliquam formam verborum. Sed illa non est forma Sacramenti, sed consecrationis Sacramenti, & pro tanto illa possunt dici verba sacramentalia, quia ad Sacramentum pertinentia, tanquam forma consecrationis ejus, quæ consecrativa



eratio est inceptio sacramentalis, sed non dicuntur sic sacramentalia, sicut verba Baptismi, illa enim sunt sacramentalia, quia forma Sacramenti.

Quibus verbis Doctor aperte probat, verba consecrationis non esse Sacramentum Eucharistiæ, nec aliquid ad illud specialiter spectans, quia, *inquit*, Sacramentum Eucharistiæ est res permanens, ut patet ex præcedenti conclusione; unde non consistit in usu ut cætera Sacramenta, sed consecratio non est quid permanens, verba enim consecratoria effluunt facta prolatione, ac proinde non possunt essentialiter spectare ad constitutionem hujus Sacramenti.

Deinde, Sacramentum hoc est essentialiter animæ cibus, & alimonia spiritualis: sed actio per quam cibus conficitur, non est cibus ipse, sed tantum via, & tendentia ad cibum: igitur consecratio, quæ est actio, per quam conficitur Eucharistia, non potest esse illius pars essentialis.

Denique, actio causæ efficientis, non est ipsa res, cujus est efficiens causa, vel efficiencia, neque confessio Sacramenti, seu causa Sacramentum operans, & efficiens est ipsum Sacramentum, sed consecratio est confessio, vel actio effectiva Eucharistiæ Sacramenti: consecratio enim est Christi sermo operatorius, quo fit & conficitur hoc Sacramentum, ut præclare docet Ambrosius lib. 4. de Sacram. c. 2. & refertur dist. 2. de consecrat. c. *panis est*, ubi ait. Quomodo potest, qui panis est, corpus esse Christi? Consecratione. Consecratio autem quibus verbis est, & cujus sermonibus? Domini Jesu. Nam per reliqua omnia, quæ dicunt, laus Deo deferitur, oratione petitur pro populo, pro Regibus, pro cæteris. Ubi venit ut conficiatur venerabile Sacramentum, jam non suis sermonibus Sacerdos, sed utitur sermonibus Christi. Ergo Christi sermo hoc conficit Sacramentum. Quis sermo Christi? nempe is, quo facta sunt omnia: jussit Dominus, & factum est cælum: jussit Dominus, & facta est terra: jussit Dominus, & facta sunt maria: jussit Dominus, & omnis creatura generata est. Vides ergo, quam operatorius sit sermo Christi. Si ergo tanta vis est in sermone Domini Jesu, ut inciperent esse quæ non erant, quantum magis operatorius est, ut sint, quæ erant, & in aliud

*Fraßen Theol. Tom. XI.*

commutentur? Et sic, quod erat panis, ante consecrationem, jam corpus Christi est post consecrationem, quia sermo Christi creaturam mutat, & sic ex pane fit corpus Christi, & vinum cum aqua in calice mixtum sit sanguis consecratione verbi coelestis.

*Confirmatur*: Quia in Eucharistia id proprie habet rationem Sacramenti, quod prædicè significat gratiam cibantem, & immediata sui ipsius applicatione ad subjectum debite dispositum in eo gratiam illam producit: Sacramentum enim novæ legis est signum efficax gratiæ sanctificantis in eo cui applicatur, sed consecratio non applicatur immediate ei, qui suscipit Eucharistiam, sed tantum materiæ consecrandæ, quam transubstantiat in Christi corpus, & sanguinem, nec in suscipiente gratiam nutrientem efficit: hæc enim producit, quando de facto sumitur Eucharistia Sacramentum, quam utrique sumpcionem præcedit ipsa consecratio, nec cum ea subsistit.

Nec valet reponere, eam subsistere moraliter in speciebus consecratis, tanquam in effectu, sicut consensus matrimonialis, quamvis physice transierit, tamen remanet in effectu. Hæc, inquam, responsio nulla omnino est, moralis enim existentia non est physica, & sacramentalis, seu signi sensibilis, quæ utique necessaria est ad existentiam propriè dicti Sacramenti, alioqui forma Baptismi collati, & absolutio præterita sacramentalis, tamdiu dici possint existere, quamdiu perseverat eorum effectus, scilicet gratia, & character, quod utique falsum est, alioqui æquè dici posset Baptismi Sacramentum adhuc formaliter perseverare in nobis, ac perseverat Eucharistiæ Sacramentum in altari facta consecratione: igitur talis existentia moralis formæ consecrationis, non sufficit ut dicatur perseverare sub ratione Sacramenti sensibilis, & permanentis.

*Dices primò*: Si consecratio non possit esse de essentia Sacramenti Eucharistiæ, maxime quia repugnat rem aliquam esse simul causam formalem, & efficientem ejusdem compositi: sed ita non est; licet enim Sacerdos sua benedictione conficiat aquam lustralem, seu benedictam, ipsa benedictio est simul causa efficiens, & formalis, quia simul aquam benedictam efficit, & constituit. Similiter licet anima sit causa efficiens illius partis substantiæ, quæ aggre-

B 3 ratque

ratur per nutritionem, nihilominus est ejus forma, quia ipsam informat, sicut & totum compositum: igitur à simili, verba consecrationis simul efficienter concurrunt ad constituendum corpus Christi sub speciebus, & sunt causa formalis illius compositi, quod ex speciebus, & eisdem verbis resultat.

*Nego minorem:* Repugnat enim, aliquid esse simul causam formalem, & efficientem ejusdem compositi, quia tunc idem esset causa sui ipsius, in tantum enim aliqua dicitur causa efficiens alicujus compositi substantialis, in quantum formam productam materia; unde si eadem esse posset causa formalis, & efficiens respectu ejusdem compositi, idem esset causa efficiens sui ipsius.

Neque exempla adducta contrarium evincunt: Non quidem primum, quia benedictio passiva in aqua, est aliquid morale, non verò quid physicum, & benedictionem illam passivam concipimus in aqua, ut distinctam à benedictione activa Sacerdotis. Similiter pars, quæ de novo aggeneratur per nutritionem, non habet pro forma solam animam rationalem, sed novam formam mixti, quam in viventibus præter animam admittimus: cum autem anima rationalis sit indivisibilis, hac nova parte corporis producta, & eam informandam anima se se indivisibiliter protendit.

*Dices secundò:* Sacramenta novæ legis efficiunt, quod significant, sed sola consecratio in Eucharistia efficit præsentiam corporis Christi: igitur illa præcisè habet rationem sacramenti.

*Respondet primò,* minorem esse veram de Sacramentis, quæ consistunt in usu, ut jam diximus, non verò de Eucharistia, quæ consistit in esse permanenti: *Secundò* dico, verba consecrationis concurrere quidem ad constitutionem sacramenti in fieri, non vero in facto esse. Unde, inquit Doctor. num. 5. „usus verborum sacramentalium est quædam via ad Sacramentum, quia in termino prolationis verborum incipit effectus Sacramentum.

*Dices tertio:* Ex Concilio Florent. Sacramenta novæ legis perficiuntur rebus ut materia, & verbis ut forma: Unde postmodum loquens de Sacramento Eucharistiæ, dicit, illius materiam esse panem, & vinum, formam autem verba, quibus conficitur Sacramentum: igitur reverà verba con-

secrationis sunt de essentia sacramenti. *Confirmatur;* idè enim in aliis Sacramentis verba sunt forma intrinseca, & pars essentialis, quia determinant materiam ad significandam gratiam: ergo sicut in aliis Sacramentis verba sunt forma intrinseca, & pars essentialis: ita & in Eucharistia. Major constat, Minor verò probatur. Species enim consecratæ non significant corpus Christi præsens, nec gratiam sanctificantem nisi ratione consecrationis, quæ fit per verba determinata: igitur species illæ non habent vim significandi, nisi quatenus determinantur per verba ad significandam gratiam.

*Nego antecedens:* Et ad probationem desumptam ex auctoritate Concilii Florentini, dico illius sententiam debere per distributionem accommodam applicari, diversimodè diversis Sacramentis, itaut de illis, quæ consistunt in usu, dici possit ipsa consistere ex rebus, & verbis intrinsecè, de Eucharistia verò quæ non consistit in usu, dumtaxat extrinsecè, quatenus videlicet verba consecrationis concurrunt ad illius consecrationem, suntque forma consecrationis.

Quæ utique explicatio quadrat intentioni Concilii. Cum enim jam dixisset, omnia novæ legis Sacramenta tribus perfici, materia, forma, & Ministro, postea loquens de Sacramento Eucharistiæ, dicit materiam ejus esse panem, & vinum, formam autem verba quibus conficitur Sacramentum: sed panis, & vinum sunt materia, non Sacramenti Eucharistiæ, ut satis ex se constat, sed consecrationis: ejus ergo verba quoque erunt forma Sacramenti, quatenus sunt forma consecrationis. Ex qua doctrina facile conciliari possent prædictæ sententiæ, ut inquit Hiquius loco citato, dicendo, Eucharistiam dupliciter considerari posse, vel duplicem habere rationem, aliam in fieri, & sic constitui intrinsecè per formam verborum aliam in facto esse, & ut est Sacramentum, permanens, & sic forma ejus sunt species sacramentales; & ad rationem superius allatam, qua probatum est, Consecrationem non esse signum sacramentale, quia non potest applicari ad causandam gratiam proximè, sicut applicantur species sacramentales, dici potest, quòd proximè causat gratiam subsistentem, remotè verò gratiam sanctificantem eo modo, quo diximus disp. præced. Baptismus causare gratiam fictione recedente, quod sufficit ad efficaciam ipsius

ipſius Sacramenti ſalvandam in eo caſu, etiam in ordine ad effectum gratiæ, ut ibi dictum eſt.

*Dices* 4. Quod eſt ſignum rei ſacræ nutrientis animam, eſt Eucharistiæ Sacramentum; Eucharistiæ quippe Sacramentum eſt Evangelicę legis ad ſpiritualem animæ nutritionem inſtitutum: at confeſcratio ſenſibilis eſt ſignum rei ſacræ nutrientis animam, putâ corporis, & ſanguinis Domini, ergo &c.

*Diſtinguo* majorem; Rei ſacræ formaliter, id eſt, quæ ſacrâ ſit ut forma, nempe gratiæ formaliter animam ſanctificantis, concedo: Rei ſacræ cauſaliter, & effectivè, ut Chriſti corpus, & ſanguis eſt res ſacrâ, quia formam ſanctificatiſ in anima ſuſcipientis efficit, & gratiam alimentitiâ in anima ſuſcipientis operatur, nego: quia confeſcratio non applicatur immediatè homini ſuſcipienti, ſed materię tranſubſtantiandę, id eſt, ſubſtantiæ panis, & vini mutandę in corpus, & ſanguine Chriſti.

## CONCLUSIO SECUNDA.

**S**acramentum Eucharistiæ non eſt formaliter quid compoſitum ex ſpeciebus confeſcratis, & ex corpore, & ſanguine Chriſti D. Ac ſubinde corpus, & ſanguis Chriſti non ſunt partes intrinſecę, & eſſentialiter hujus Sacramenti formaliter accepti. Probatuſ; In eo non eſt ſtatuenda ratio formalis Eucharistię, quod ex ſe non habet rationem ſigni ſenſibilis; ſed Chriſti D. corpus, & ſanguis non habent rationem ſigni ſenſibilis: igitur nec poſſunt concurrere ad conſtituendam rationem formalem Sacramenti. Major conſtat; ratio enim ſigni ſenſibilis, eſt quid eſſentialiter pertinens ad Sacramentum novę legis, nec minis Eucharistiæ, quàm aliis Sacramentis convenire debet, ut docet Trid. ſeſſ. 3. c. 8. *Communio*, inquit, hoc quidem eſt ſacratiffimæ Eucharistię cum cæteriſ Sacramentis, ſymbolum eſſe rei ſacrę, & inviſibilis gratiæ formam viſibilem: verum illud in ea excellens, & ſingulariter reperitur, quòd reliqua Sacramenta tunc primùm ſanctificandi vim habent, cùm quis illis utitur: at in Eucharistiâ ipſe ſanctificatiſ Auctor ante uſum eſt. Minor etiam conſtat, ſiquidem corpus, & ſanguis Chriſti non ſunt ſigna ſenſibilia, & viſibilia, ac ſubinde non habent rationem partialem Sacramenti formaliter accepti: igitur ſacramentum Eu-

charistiæ non eſt quid formaliter conſtitutum ex corpore, & ſanguine Chriſti.

*Repones* fortè, Corpus, & ſanguinem Chriſti eſſe ſenſibilia per aliud, ſcilicet per ſpecies confeſcratas, quæ utique ſenſibilitas videtur ſufficiens ad rationem formalem Sacramenti: nam Contritio, quæ eſt pars ſacramenti pœnitentię, eſt tantum ſenſibilis per aliud, nempe per Confeſſionem, aut ſigna externa doloris.

*Verùm* ſi tantum Chriſti corpus, & ſanguis ſint ſenſibilia per acciſens, conſequens erit, quòd etiam dumtaxat per acciſens, & extrinſecè, non autem intrinſecè ſpectabunt ad rationem Sacramenti, ſicque non concurrent partialiter ad illam intrinſecè conſtituendam. Nec quidquam urget exemplum allatum de Contritione; Tum quia, ut diximus, actus pœnitentis non pertinent ad rationem formalem ſacramenti Pœnitentię, ſed ſunt tantum illius partes integrantes, aut materia circa quam tendit Abſolutio Sacerdotis: Tum, quia ſenſibilitas ſigni Sacramentalis talis eſſe debet, ut proveniat ex aliquo ſigno ex natura rei ſignificante.

Unde etiam gratis conceſſo quòd Contritio eſſet pars ſacramenti Pœnitentię, nulla eſſet paritas inter eam, & corpus, & ſanguinem Chriſti, quia actus interioſes voluntatis poſſunt eſſe ſenſibiles, ratione alicujus ſigni exterioris ex natura rei illam ſignificantis, dolor enim internus per ſigna externa ſignificari ſolet ex natura rei: ſecus autem eſt de ſpeciebus Eucharistiicis, quia nihil habent poſt confeſcrationem, quod inducere poſſit ſenſibilitatem in cognitionem præſentię corporis, & ſanguinis Chriſti ſub illis quippe quantum ad ſenſibilitatem, eodem modo prorfus ſe habent poſt confeſcrationem ac ante, unde illorum ſenſibilitas non poteſt inducere innoticiam corporis, & ſanguinis Chriſti ex natura rei, ſed ſolum ex fide, & institutione Chriſti: igitur illa corporis & ſanguinis Chriſti ſenſibilitas per acciſens non ſufficit ad formalem rationem Sacramenti.

*Confirmatur*: corpus, & ſanguis Chriſti ſunt ſignificatum in Eucharistiâ: igitur non habent rationem ſignificantis, ac ſubinde Sacramenti. Conſequentiâ patet, quia implicat idem ſimul eſſe ſignum, & ſignatum: ſignatum enim, eſt dumtaxat terminus relationis ſigni. Adde quòd in aliis Sacramentis ſignum non conſtituitur eſſentialiter à ſig-

gnato, tanquam à tota sua essentia, vel ejus parte: Baptismus enim non constituitur per gratiam, quam significat, tanquam per partem sui, vel totam suam essentiam, & consequenter res significata non potest habere rationem formalem signi. Antecedens patet ex Concilio Tridentino supra laudato, expressè enim distinguit symbolum, & formam visibilem à corpore, & sanguine Christi, quæ significat, Christus enim in Eucharistia non potest esse symbolum, aut forma visibilis sui ipsius, ac subinde nec habere potest rationem partialem Sacramenti.

**Respondet:** Illud omne, quod à Christo institutum est ad significandam practicè gratiam, debet intrinsecè pertinere ad rationem Sacramenti: sed Christi corpus significat practicè gratiam, ac subinde licet sit res significata per Sacramentum, nihilominus potest esse ejus pars intrinseca: quamvis enim implicet, ut idem respectu ejusdem sit simul signum, & signatum, attamen respectu diversorum utrumque potest fortiri: Unde corpus Christi respectu specierum habet rationem signati, quia species sunt signum corporis Christi, non speculativum dumtaxat, hoc est representans corpus Christi, sed practicum, idest, efficaciter, & practicè significans sub illis speciebus realiter corpus Christi contineri, respectu verò gratiæ sanctificantis nobis conferendæ in sacramento sumptione, ipsum quoque corpus Christi habet rationem signi practici, & efficacis, ideoque hac ratione spectat intrinsecè cum speciebus ad rationem Sacramenti.

Verùm hæc solutio vim argumenti non tollit, quia Sacramentum est, quod à Christo instituitur pro signo practico gratiæ, quæ est primarium significatum Sacramenti Eucharistiæ; nam primaria consideratio hujus Sacramenti est esse permanens, ac proinde Tridentinum hanc differentiam ejus statuit ab aliis c. 3. cit. Unde in hac solutione fit transitus à gratia subsistente, cujus hoc Sacramentum est signum, ad gratiam accidentalem.

**Dices primò:** plurimi è SS. Patribus aperte asserunt, Sacramentum Eucharistiæ constare ex corpore, & sanguine Christi; ita enim S. Ipatius epistola ad Smyrnenes, ubi loquens de quibusdam hæreticis ait: *Eucharistias, & oblationes, non admittunt, quod non consistant, Eucharistiam esse carnem*

*Salvatoris Jesu Christi, quæ pro peccatis nostris passa est, quam Pater sua benignitate suscitavit &c.* Similiter Justinus in Apologia ad Antoninum Imperatorem: *Alimentum hoc appellatur Eucharistia, neque ut communem panem istam sumimus, sed quemadmodum per verbum Dei caro factus est Christus Jesus Salvator noster, & carnem, & sanguinem salutis nostræ causam habuit, ad eundem modum etiam eam alimoniam: Incarnati illius Jesu carnem, & sanguinem esse hujus edendi &c.* Et S. Irenæus lib. 4. c. 24. ait: *Eucharistiam duobus rebus constare, nimirum terrenam, & cælesti.* Et S. Augustinus, vel potius sanctus Prosper in libro sententiarum, ut refertur de consecratione dist. 2. c. *Hoc est*, aperte docet Sacrificium Ecclesiæ duobus constare, scilicet visibili elementorum specie, & invisibili Domini nostri Jesu Christi carne, & sanguine: Modis omnibus, inquit, approbare contendimus sacrificium scilicet Ecclesiæ, duobus confici, duobus constare, visibili elementorum specie, & invisibili Domini nostri Jesu Christi carne, & sanguine, Sacramento, & re Sacramenti, idest, corpore Christi, sicut Christi persona constat, & conficitur Deo, & homine, cum ipse Christus verus sit Deus, & verus homo: quia omnis res illarum rerum naturam, & veritatem in se continet, ex quibus conficitur. Conficitur autem sacrificium Ecclesiæ Sacramento, & re Sacramenti idest, corpore Christi. Est igitur sacramentum, & res Sacramenti, idest, corpus Christi. *Item:* Caro ejus est, quam forma panis operant in Sacramento accipimus, & sanguis ejus, quem sub vini specie, & sapore potamus. Caro videlicet carnis, & sanguis Sacramentum est sanguinis: carne, & sanguine, utroque invisibili, intelligibili, spiritali significatur visibile Domini nostri Jesu Christi corpus, palpabile, plenum gratia omnium virtutum, & divina maiestate. *Item:* Sicut ergo cælestis panis, qui verè Christi caro est, suo modo vocatur corpus Christi, cum reverà sit Sacramentum corporis Christi, illius videlicet, quod visibile, palpabile, mortale, in cruce est suspensum, vocaturque ipsa immolatio carnis, quæ Sacerdotis manibus sit, Christi passio, mors, crucifixio, non rei veritate, sed significante mysterium, sic Sacramentum

„ fidei, quod Baptismus intelligitur, fides est.

Idem habet *Lanfrancus*, & *Algerius* lib. 1. de Sacram. c. 4. Sacramentum, inquit, non solummodo pro alterutro, id est, pro signo, vel pro signato, sed etiam pro utroque invenitur: igitur revera Christi D. corpus, & sanguis habent rationem Sacramenti, saltem partialiter.

*Nego consequentiam*: Dumenim sancti Patres, & Ecclesiæ Doctores dicunt, sacramentum Eucharistiæ duobus constare, scilicet ex visibili elementorum specie, & invisibili corpore, & sanguine Christi, hoc modo loquendi nihil aliud docere prætendunt, quam quod Christi D. corpus, & sanguis simul sint cum speciebus consecratis, nihil interim curantes, an utrumque sit de ratione formali Sacramenti, necne, de quibus ipsis non erat cum hæreticis controversia. Quantum verò ad Capitulum *Hoc est*, nil ex eo contra nostram assertionem evincitur: Tum quia ibi agitur de Sacrificio, non verò de Sacramento Eucharistiæ. Tum quia sufficeret ibi Christi D. corpus distinguere à ratione Sacramenti, cum ait: Sacramentum Eucharistiæ esse: rem consecratam, corpus verò Christi esse rem Sacramenti, quæ utique veritas evidentiùs patebit ex sequenti Conclusionem.

### CONCLUSIO TERTIA.

*Sacramentum Eucharistiæ formaliter, & essentialiter consistit in solis speciebus consecratis, quatenus connotant corpus, & sanguinem Christi sub ipsis contineri*. Itaque *lucilius* Doctor n. 7. Si autem omnino quæras, inquit, quæ sit forma hujus Sacramenti: Dico, quod ipsa species visibiles sunt materia, id est, primum fundamentum relationis significativæ, & ipsa significatio est ibi formale, sicut in aliis Sacramentis. Probat ut primò auctoritate Ecclesiæ, quæ in officio dicit in honorem hujus Sacramenti, in sequentia Missæ canit: *Fractio demum Sacramento, ne vacillet, sed memento, tantum esse sub fragmento, quantum toto tegitur*. Fractio autem est dumtaxat specierum, non autem rei sub speciebus contentæ, ut colligitur ex sequentibus verbis: *Signi tantum sit fractura, quæ nec status, nec natura signati minuitur*.

Idem docet *Innocentius III.* ut refertur cap. Cum *Martha* de celebratione Missarum

ubi ait: *Distinguendum est substitit inter tria, quæ sunt in Sacramento discreta, videlicet formam visibilem, veritatem corporis, & virtutem spirituales. Forma est panis, & vini, veritas carnis, & sanguinis, virtus unitatis, & caritatis. Primum est sacramentum, & non res. Secundum est sacramentum, & res. Tertium est res, & non sacramentum: sed primum est sacramentum gemina rei: secundum est sacramentum unius, & alterius res existit. Tertium est res gemini Sacramenti credimus igitur, quod formam verborum, sicut in Canone reperitur, & à Christo Apostoli, & ab ipsis eorum acceperunt Successores.*

Idem docet *Magister sent. dist. 8. & Hugo Victorinus* lib. 2. de Sacram. part. 8. c. 7. Cum unum sit sacramentum, inquit, tria ibi discreta proponuntur, species visibiles quæ visibiliter cernitur, veritas corporis, & sanguinis, quæ sub visibilis specie invisibiliter creditur, virtus gratiæ spiritualiter, quæ cum corpore, & sanguine invisibiliter, & spiritualiter percipitur. Quod enim videmus, species est panis & vini, quod autem sub specie illa credimus, verum corpus Christi est, & verus sanguis Jesu Christi, quod pendit in cruce, & qui fluxit de latere. Nec per panem, & vinum corpus, & sanguinem tantum significari credimus: sed sub specie panis, & vini verum corpus, & verum sanguinem consecrari, & speciem quidem visibilem sacramentum esse veri corporis, & veri sanguinis: corpus autem, & sanguinem sacramentum esse gratiæ spiritualis. Et quemadmodum species illic cernitur, cujus res, vel substantia ibi esse non creditur, sic res ibi veraciter, & substantialiter præsens creditur, cujus species non cernitur. Videtur enim species panis, & vini, & substantia panis, & vini non creditur: creditur autem substantia corporis, & sanguinis Christi, & tamen species non cernitur. Quod ergo videtur secundum speciem, Sacramentum est, & imago illius, quod creditur secundum corpus veritatem: & quod creditur secundum corpus veritatem, Sacramentum est illius, quod percipitur secundum gratiam spiritalem. Sacramentum ergo Alti is, & Eucharistia divina, in vero corpore, & sanguine Christi Domini nostri Jesu Christi, imago est, secundum speciem panis, & vini, in qua

qua cernitur, & res est secundum substantiæ veritatem, in qua creditur ille, atque percipitur: Et rursum quod nunc visibiliter secundum Sacramenti speciem, & corporaliter secundum carnis, & sanguinis Christi veritatem Christum in altari sumimus, Sacramentum est, & imago, quod ipsum eundem invisibiliter, & spiritualiter secundum gratiæ infusionem, & Spiritus S. participationem in corde sumere debemus. Ergo divinisissima Eucharistia, quæ in altari, & secundum panis, & vini speciem, & secundum corporis, & sanguinis Christi veritatem visibiliter, & corporaliter tractatur, Sacramentum est, & signum, & imago invisibilis, & spiritualis participationis Jesu, quæ intus in corde per fidem, & dilectionem percipitur. Ita Hugo Victorinus, quibus aperte significat, species consecratas habere rationem Sacramenti, seu signi Sacramentalis, corpus autem, & sanguinem Christi D. esse rem significatam in hoc Sacramento.

Eadem veritas confirmatur ex confessione fidei Berengarii, quæ habetur de consecratione dist. 2. cap. *Ego Berengarius*, ubi coram 113. Episcopis in Synodo Romana collectis profitetur, Confentio S. Romanæ, & Apostolicæ Sedi, & ore, & corde profiteor Sacramentis Dominicæ mensæ, eandem fidem me tenere, quam Dominus, & venerabilis Papa Nicolaus, & hæc S. Synodus auctoritate Evangelica, & Apostolica tenendam tradidit, mihi que firmavit: scilicet, panem, & vinum, quæ in altari proponuntur, post consecrationem non solum Sacramentum, sed etiam verum corpus, & sanguinem Domini nostri Jesu Christi esse, & sensualiter non solum Sacramentum, sed in veritate manibus Sacerdotum tractari, frangi, & fidelium dentibus atteri, jurans per sanctam, & homousion Trinitatem, & per hæc facere sancta Christi Evangelia: Eos vero, qui contra hanc fidem venerint, cum dogmatibus, & sectatoribus suis æterno anathemate dignos esse pronuntio. Quod si ego ipse aliquando contra hæc aliquid sentire, aut prædicare præsumpsero, subjaceam Canonum severitati: lecto, & perlecto, sponte subscripsi.

*Dices primo:* Ex Concilio Florentino, materia hujus Sacramenti est panis, & vi-

num: sed panis, & vinum non sunt materia specierum consecratarum; illæ namque, non sunt ex pane, & vino, neque panis & vinum in ipsas convertuntur: igitur species Eucharisticæ non sunt formaliter Sacramentum Eucharisticæ.

*Distinguo minorem:* Si illæ species spectentur secundum se, concedo: si secundum usum, & rationem sacramentalem, ut in se continent Christi D. corpus, nego: licet enim panis, & vinum non sunt materia specierum consecratarum, sunt tamen materia, ex qua illæ species habent, ut sint sacramentum, & in se continent Christi D. corpus, habeantque rationem ad ipsum ut præsens substantialiter.

*Dices secundò:* Ex eodem Concilio Sacerdos in persona Christi D. loquens conficit Eucharisticæ Sacramentum per verba consecrationis: sed non conficit species panis, & vini: igitur ex mente Concilii, illæ non sunt sacramentum Eucharisticæ.

*Distinguo minorem:* non conficit eas simpliciter, & secundum entitatem, seu prout sunt opus naturæ, non enim Sacerdos efficit colorem rubrum, vel alium, neque rotunditatem, neque quantitatem specierum, concedo: non eas efficit, quatenus sunt consecratæ, & ut sint Sacramentum, ac opus gratiæ, nego: Sacerdos enim consecrando panem, & vinum, & per verba consecrationis efficiendo, utriusque transubstantiationem, facit sacramentum, & species efficit consecratas.

*Dices tertio:* ex Concilio Trid. sess. 13. c. 5. Sacramentum Eucharisticæ secundum se est adorandum vero cultu latræ: Nullus enim inquit, dubitandi locus relinquitur, quin omnes Christi fideles pro more in Catholica Ecclesia semper recepto, latræ cultum, qui vero Deo debetur, huic sanctissimo Sacramento in veneratione exhibeant, neque enim ideo minus est adorandum, quod fuerit à Christo D. ut sumatur institutum, nam illum eundem Deum præsentem in eoadesse credimus, quænam Patet æternus introducens in orbem terrarum dicit: Et adorent eum omnes Angeli Dei &c. Atqui species consecratæ non debent cultu latræ adorari, quia, ut sæpe docet septima Synodus solus Deus hoc latræ cultu debet adorari.

*Respondet primò distinguendo maiorem:* sacramentum Eucharisticæ debet adorari cultu latræ secundum id quod in eo continetur, concedo: nam illud est Christi D. corpus quod

quod reverà adorandum est cultu latitiæ, propter unionem hypostaticam, ut diximus in tractatu de Incarnatione, agendo de Adoratione Christi D. ita debet adorari secundum signum continens, per se, nudè, & simpliciter sumptum, nego: Dum enim Concilium Tridentinum decernit, Sacramentum Eucharistiæ adorandum esse cultu latitiæ, dici potest, quòd ibi accipiat continens pro contento, scilicet Sacramentum pro Christo, qui in eo continetur; unde cum doctrina illa reducitur ad definitionem fidei, sic proponitur in Canone 6. *Si quis dixerit in sancto Eucharistiæ Sacramento, Christum unigenitum Dei filium non esse cultu latitiæ etiam externo adorandum, anathema sit.* Ubi Christus dicitur adorandus in Sacramento.

*Respondeo secundò negando minorem:* Species enim consecratæ dici possunt adorati vel simul cum ipso Christo D. & prout conjunctæ sunt ejus corpori, & sanguini, quem continent; vel prout à Christo D. & ejus corpore, & sanguine distinctæ sunt, & habent secundum se propriam dignitatem oriundam ex eo, quòd Christi D. corpus, & sanguinem contineant. *Priori modo,* adorantur eodem cultu, quo Christus D. ita tamen ut res primò adorata sit Christus ipse, concomitanter autem, & quasi implicitè adorantur illæ species. Et certè si accidentia naturalia corporis Christi cultu latitiæ sunt adoranda, quia ita unum cum corpore Christi faciunt, ut ea quitangit, & videt, corpus Christi tangere, & videre censetur, quidni idem de speciebus Eucharisticis dici licebit, quas qui tangit, & videt, corpus Christi tangere, & videre juxta Patrum loquendi modum censetur? Nudas ergo species in illo cultu non apprehendimus, sed in Christum verum adorationis motivum mentem attrollimus: Adorantur species illæ, non quòd rationem formalem, ob quam adorantur, in se habeant, sed quia Christocam rationem habenti conjunguntur. Hac ratione adoratur humanitas Salvatoris, quia cultum terminat, cuius motivum est solus Deus.

*Si verò species considerentur posteriori modo, & tantum secundum se, & ut distinctæ à Christo D. censent aliqui Theologi, adorationem illam non esse perfectam adorationem latitiæ, sed hyperdulæ, quia licet dignitas, quam mutuatur illæ species ex sui conjunctione ad Christum, sit ma-*

jor omni excellentia creata, minor tamen est dignitate humanitatis Christi, consideratæ quatenus hypostaticè unitur Verbo divino; ac subinde minori adoratione est adoranda.

Sunt tamen aliqui Theologi, qui affirmant, ipsissimè speciebus secundum se consideratis adorationem latitiæ respectivè esse impendendam. Ita censet Caspensis: *Notanda enim sunt, inquit, illa verba Concilii Tridentini, (Huic Sacramento sanctissimo) quæ de speciebus ipsis consecratis sunt intelligenda; unde non solum Christus in hoc Sacramento existens adoratur latitiæ, sed etiam species ipsum continentes: sicut adoratur crux, & imago Christi, & potiori jure, quia imago repræsentat nobis Christum solum objectivè præsentem, species verò consecratæ repræsentant corpus Christi etiam realiter præsens. Porro, inquit Hiquæus, ad adorationem latitiæ respectivæ sufficit repræsentatio, & tactus, ut patet in cruce, & imaginibus: at in venerabili Sacramento species realiter continent Christum, & ipsum realiter præsentem demonstrant.*

*Instabis:* Si species Eucharistiæ possent adorari, ex eo quòd Christum in se contineant, sequeretur patiter posse adorari Ciborium, & Tabernaculum, quippe cum pari ratione Christum D. præsentem contineant: sed falsum consequens: ergo, & antecedens.

*Nego sequelam majoris:* Non enim est paritas inter Tabernaculum, aut Ciborium, & species Sacramentales; quia inter Ciborium, & Sacramentum non datur illa Sacramentalis, & inseparabilis unio ex pacto divino, qualis reperitur inter species consecratas, & corpus Christi D. sub illis realiter contentum.

*Dices quartò:* Eucharistia est verus cibus animæ: sed species consecratæ non sunt animæ cibus: *Tum,* quia nullibi in Scriptura hoc nomine appellantur, quod solum tribuitur corpori Christi dicentis Joan. 6. *Caro mea verè est cibus, & sanguis meus verè est potus. Tum,* quia gratia quæ animam spiritualiter cibatur, ac reficit, non producitur à speciebus consecratis, sed ab humanitate Christi: igitur illæ species non habent rationem formalem Sacramenti.

*Distinguo minorem:* Species Eucharistiæ non sunt animæ cibus spiritualis, & immediatus, concedo: sensibilis, & mediatius sal-

saltem, nego. Sciendum est enim, quòd in Eucharistia distingui potest triplex animæ cibis, unus quidem sensibilis, puta accidentia panis, & vini, quæ sensibilibiter manducantur, & bibuntur: & alii duo insensibiles, quorum unus est corpus, & sanguis Christi, quæ sub illis sensibilibus sumuntur; alter verò est gratia, qua anima cibatur, & nutritur spiritualiter, quæ producit, & suscipitur in receptione sacramenti: Species autem sacramentales sunt cibis sensibilis, & continent utrumque alium cibum insensibilem, & invisibilem, corpus quidem Christi actualiter, & realiter, gratiam autem virtualiter, & causaliter: Dum igitur dicimus, quòd Sacramentalis animæ cibis fuit species, hoc intelligendum venit de cibo sensibili, & duos insensibiles cibos continente, ac conferente.

Ex his itaque sequitur, Sacramentum Eucharistiae definiri posse: *Sacramentum novæ legis significans effectum gratium, nempe corpus, & sanguinem Christi, realiter contineri sub speciebus consecratis, ordinatum ex institutione divina ad producendam gratiam sanctificantem, quatenus est animæ cibis.* Vel ut definit Doctor dist. 8. q. 1. n. 2. *Eucharistia est sacramentum corporis Christi, & sanguinis veraciter contentis sub speciebus panis, & vini, post consecrationem factam a sacerdote sub certis verbis cum debita intentione prolatis, ex institutione divina, veraciter signans corpus Christi, & sanguinem sub eis realiter contineri.*

Circa quam postremam definitionem duo observat Doctor: Primum quòd illa sit vera, quia nimirum nulla pars ipsius repugnat alteri: de ex Aristotele 5. Metaphysicorum, illa ratio, seu definitio non est falsa, cujus nulla pars alteri repugnat, igitur &c. Probat majorem, nempe quòd nihil in ea definitione repugnat: possibile est enim sine contradictione, corpus Christi contineri sub specie panis, & sanguinem sub specie vini, ut probabitur inferius possibile est etiam ista signa instituta esse à Deo, ad significandum veraciter illa signata sub eis contineri, quia quod Deus potest facere, potest per aliquod sensibile signum à seipso impositum significare. Secundum, quòd reverà effectum significatum contineat, scilicet corpus Christi, quod utique probat auctoritate Scripturæ sacræ, maxime ex illo Matthæi 26. ubi Christus post cœnam istud sacramentum instituit, ut sub istis speciebus

verum corpus ejus, & verus sanguis veraciter contineretur, & non tantum tunc, quando ipsemet confecit, sed quòd postea hoc sacramentum à Sacerdotibus in Ecclesia conficeretur, ad quod dedit auctoritatem, subdens ibi, & dicens Apostolis: *Hec facite in meam commemorationem.* Ita sublevis Doctor.

### QUÆSTIO TERTIA.

*Utrum sacramentum Eucharistiae sit unum specie infima.*

**N**otandum primò, citra controversiam esse, quòd Sacramentum Eucharistiae sit aliquo modo unum, quippe sub omnibus speciebus consecratis idem Christus D. qui unus est, continetur. Er insuper ordinatur ad compaginandam fideliū unitatem quippe per hujus divini sacramenti participationem omnes Christi fideles in unum corpus mysticum adunantur, juxta illud Apostoli 1. ad Cor. 10. *Unus panis, unum corpus, multi sumus omnes, qui de uno pane, & de uno calice participamus;* unde S. August. tract. 26. in Joan. præclare observat, Christum D. corpus, & sanguinem suum in eis rebus commendasse, quæ ad unum aliquid rediguntur ex multis; namque aliud in unum ex multis granis conficitur, aliud in unum ex multis acinis confluit. Verum difficultas est, & controversia non levis inter Theologos de modo hujus unitatis, cum enim duo sint genera specierum consecratarum, una panis, altera vini, & duæ consecrationis formulæ, una corporis, altera sanguinis Christi D. ambigitur an Eucharistia ratione diversarum specierum consecratarum dicenda sit unum, vel plura sacramenta, idque vel specie, vel numero.

*Notandum secundò*, unitatem specificam esse duplicem: unam quidem intermediam & mediatam, quæ respectu scilicet superioris sit species, respectu autem inferiorum sit genus, sic in linea prædicamentali, omnia genera sub ente supremo dici possunt species per comparationem ad superiores gradus, qui de eis enuntiantur, alia verò est species infima, seu atoma, quæ videlicet de diversis specie subjectis non potest enuntiari, sed dumtaxat de distinctis numero, sic homo dicitur species atoma, quia de solis numero diversis enuntiat. Porro cum Sacramenta non habeant aliquam unitatem physicam



eam, aut metaphysicam, quia constant rebus, & verbis natura diversis, sed dumtaxat moralem, qualis reperitur in rebus artificialibus, & dependentibus ex instituentis arbitrio, quæ ea ratione non habent unitatem, nisi quatenus integræ sunt, & partibus sibi convenientibus absolutæ, ut exercitus, domus, &c. Idcirco hic non movetur difficultas de unitate physica, aut metaphysica Sacramentorum, sed tantum de ipsorum unitate morali, quæ aliquam habet analogiam cum rebus unitate metaphysica constantibus.

*Notandum tertio:* Sacramentum Eucharistiæ considerari posse, vel materialiter, seu penes materiam, ac substantiam panis, & vini, nec non utriusque species post consecrationem perseverantes, vel formaliter, hoc est penes rationem formalem signi, seu quatenus ordinatur ad significandum Christi D. corpus, & sanguinem, vel nutritionem spirituum in animâ, aut spiritualem, aut mysticam fidelium invicem unionem. Queritur ergo qua ratione Eucharistia censeri possit unum, aut multiplex Sacramentum; circa cuius resolutionem duplex capitalis quantum ad unitatem specificam fuit veterum Theologorum sententia: *Prima* quidem Majoris, & Gabrielis in 4. dist. 8. qu. 2. asserentium Eucharistiam esse simpliciter plura Sacramenta, specie infima, unum verò specie subalterna, seu genere proximo: *Altera* verò opposita sententia est *Alensis* p. 4. qu. 10. memb. 3. art. 1. *S. Bonaventuræ* dist. 8. p. 2. art. 2. qu. 2. & *S. Thomæ* par. 3. qu. 73. art. 2. quibus subscribit Subtilis Doctor dist. 8. qu. 1. Tria itaque hic sunt statuenda: *Primum*, utrum Eucharistia sit unum, vel multiplex Sacramentum, tam materialiter, quam formaliter, idque specie non solum subalterna, sed infima: *Secundum*, ex quo maximè petenda sit ejusmodi specifica unitas: *Tertium*, utrum plures species consecratæ sint unicum dumtaxat Sacramentum, an verò multiplex numero.

### CONCLUSIO PRIMA.

**E**ucharistia materialiter sumpta dici potest multiplex Sacramentum; formaliter verò, & propriè, ac simpliciter loquendo, dici debet unum unitate specifica infima. Hæc est communior, & verior quoad utramque partem, quarum *prima* constat ex modo loquendi, tum SS. Patrum, tum Ecclesiæ, & Conci-

liorum, non raro appellantium Eucharistiam *Sacramenta*: sic de consecratione dist. 2. sæpius Eucharistia dicitur in plurali numero *Sacramenta*; nam ex Alexandro primo epist. 1. c. 4. refertur, an *Sacramentorum* oblationibus, quæ inter Missarum solennia Domino offeruntur, passio Domini miscenda est. Et cap. *Comperimus* ex Gelasio Papa epist. ad Macaricum, & Joannem Episcopos, legimus: *Comperimus autem, quod quidam sumpta tantummodo corporis portione à calice sacri corporis abstineant. Qui proculdubio (quoniam nescio qua superstitione docentur obstringi) aut integra Sacramenta percipiant, aut ab integris arceantur, quia divisio unius, ejusdemque mysterii sine grandi sacrilegio non potest provenire.* Et cap. *Tribus gradibus*, ex Clemente Papa epist. 2. *Tribus gradibus commissa sunt Sacramenta divinatorum secretorum, idest, Presbytero, Diacono, & Ministro, qui cum timore, & tremore Clericorum reliquias fragmentorum corporis Domini custodiant debent.*

Similiter ex Concilio Carthaginensi Can. 24. *In Sacramentis corporis, & sanguinis Domini, nihil amplius offeratur, quam Dominus ipse tradidit, idest, panis, & vinum aqua mixtum.* Et Can. 29. *Sacramenta Altaris non nisi à jesu bonis celebrantur.*

Ratio conclusionis est, quia Sacramenta materialiter plura sunt, ubi duplex est materia significans primariò res diversas: at in Eucharistia duplex est materia significans primariò res diversas, puta panis, & vinum; nam panis primariò significat Christi carnem, & secundariò tantum sanguinem: vinum significat primariò sanguinem, & secundariò tantum carnem.

*Probatur secunda pars*, nempe quòd Eucharistia formaliter sumpta, sit una unitate specifica, eaque infima. *Primo* quidem autoritate Catechismi Tridentini de Eucharistia num. 10. ubi ait: *Licet duo sint elementa, panis scilicet & vinum, ex quibus integrum Eucharistiæ Sacramentum conficitur: non tamen plura Sacramenta, sed unum tantum esse, Ecclesiæ autoritate docti confitemur: aliter enim septenarius Sacramentorum numerus, quemadmodum semper traditum, atque à Conciliis, Lateranen-* *si, Florentino, & Tridentino decretum est, constare non poterit: Nam cum hujus Sacramenti gratia unum corpus mysticum efficiatur, ut Sacramentum ipsum rei, quam efficit, con-*

„veniat, unum esse oportet, atque unum  
 „quidem, non quia individuum sit, sed  
 „quia unius rei significationem habet. Nam  
 „quemadmodum cibis, & potio, quæ di-  
 „versæ res sunt, ad unam tantum rem adhi-  
 „bentur, ut scilicet vires corporis reficiantur:  
 „ita etiam duas illas diversas Sacramen-  
 „ti species respondere consentaneum fuit,  
 „quæ cibum spirituales significarent, quo  
 „mentes sustentantur, & recreantur. Qua-  
 „re à Domino Salvatore dictum est: *Caro*  
 „*mea verè est cibus, & sanguis meus verè*  
 „*est potus*. Ex Concilio citatis, Lateranen-  
 „se generale sub Innocentio secundo, non  
 „numerat quidem distinctè septem Sacra-  
 „menta, sed ex variis canonibus satis cla-  
 „rè colliguntur, maximè ex Florentino  
 „in Doct. de Sacramentis, Tridentino  
 „sess. 7. can. 1.

Confirmatur hæc veritas ex modo loquen-  
 di Ecclesiæ, quæ Eucharistiam nomine sin-  
 gulari Sacramentum appellare solet; ma-  
 ximè in Officio festi corporis Christi, ubi  
 dicitur: *Tantum ergo Sacramentum veneremur*  
*cernui*. Et frequentius Partes, ac Concilia  
 loquuntur de Eucharistia tanquam de uno  
 Sacramento. Constat maximè ex Late-  
 ranensi cap. *Firmiter*, ex Florent. in instru-  
 ctione Armenorum, & ex Tridentino, sess.  
 7. ubi asseritur esse dumtaxat septem novæ  
 legis Sacramenta, & non plura, numerant-  
 que Eucharistiam tanquam unicum ex illis  
 Sacramentis: igitur ex sententia eorum Con-  
 ciliiorum constat, Eucharistiam esse unicum  
 Sacramentum specie infima: si enim esset  
 specie multiplex, seu unum dumtaxat specie  
 intermedia, non posset dici unum Sacra-  
 mentum; quemadmodum leo, & homoli-  
 cèt convenient in ratione animalis, tam-  
 quam generis proximi, vel speciei sub-  
 alternæ, non possunt dici simpliciter  
 unum animal, sed dici debent plura ani-  
 malia.

Hanc autem veritatem sic explicat Do-  
 ctor q. 1. n. 4. *De unitate huius Sacramenti*,  
*dico, quòd bene possibile esset plura sensibilia*  
*concurrere in fundamento unius Sacramenti sim-*  
*pliciter, ut supra dictum est de ablutione, &*  
*verbis in fundamento relationis Baptismi: sed*  
*ubi neutrum illorum est aliquid illius Sacra-*  
*menti, sine altero: Hic autem & species*  
*panis continet suum signatum, sine specie-*  
*bus vini, & è converso. Ideo dico, quòd cor-*  
*pus Christi potest accipi strictè, prout includit*  
*partes animatas anima Christi, cujusmodi*

*non est sanguis, licèt sit in potentia propinqua,*  
*ut convertatur in carnem animatam, & sic*  
*corpus est aliud essentialiter à sanguine, &*  
*in se etiam potest esse aliud signatum, &*  
*per consequens, potest esse huius proprium signum*  
*sicut est & propria definitio. Alio modo cor-*  
*pus potest accipi, ut omnia illa includit,*  
*quæ pertinent ad totum corpus organicum;*  
*sive sint partes animatae, sive sint alie non for-*  
*maliè animatae, ut humores, & spiritus. Et*  
*hoc modo sanguis est aliquid corporis, primo*  
*modo accipiendo corpus, licèt ipsum, & san-*  
*guis sint primò diversa signata, tamen consti-*  
*tuunt unum totale, quod est corpus secundo*  
*modo, & ita signum pro unitate integritatis,*  
*non autem indivisibilitatis. Congruit autem,*  
*hoc Sacramentum habere talem unitatem in-*  
*tegritatis, & non indivisibilitatis, quia est*  
*ad completam nutritionem animæ, quæ signi-*  
*ficator per completam nutritionem corporis,*  
*completa autem nutritio corporis fit ex aliquo*  
*uno unitate integritatis, non unitate indivi-*  
*sibilitatis, scilicet ex alimento, non enim*  
*nutrit sufficienter cibus sine potu, nec è*  
*converso.*

Ex quibus inferunt, Hiquæus, Mastrius,  
 Aretinus, & plurimi Scotistæ, hoc Sacra-  
 mentum non esse unum unitate indivisibilita-  
 tis: siquidem duas habet partes, ex quibus  
 integratur, scilicet speciem panis, & vini;  
 id autem quod est simplex, aut indivisibile,  
 non habet partes, ut constat ex angulo, &  
 puncto: sed tantum esse unum unitate inte-  
 gritatis, quia in se includit duo signa parti-  
 cularia, quæ primò significant propria signi-  
 ficata, & proxima, scilicet corpus, & san-  
 guinem Christi, & duo remota, scilicet ci-  
 bationem, & potum spirituales.

Itaque, inquit Mastrius disp. 3. q. 2. n. 38.  
 sicut in rebus physicis plures substantiæ di-  
 versæ speciei possunt concurrere ad unam  
 substantiam unius speciei, etiam atomæ,  
 integrandam, ut patet de carne, ossibus, &  
 nervis ad constitutionem corporis humani  
 unius speciei atomæ, concurrentibus, ita  
 pariter in præsentī species panis, & vini  
 concurrunt ad componendum totum inte-  
 grale Sacramentum per modum partium di-  
 stinctæ speciei, quia reverà forma, & ma-  
 teria corporis est tam distinctæ speciei à for-  
 ma, & materia sanguinis, quàm à materia,  
 & forma cuiuscumque alterius Sacramen-  
 ti, & præterea in ratione signi formaliter  
 sunt instituta ad significanda signata omni-  
 no diversa, loquendo de significatis rati-

proximis, vel primariis, quàm remotis, vel secundariis.

Et enim quando consecratur panis ex vi verborum, continetur & ponitur ibi tantum corpus Christi primo modo sumptum, & ex concomitantia solum ponitur ibi sanguis, quia verum Christi corpus sine sanguine non reperitur; similiter dum consecratur vinum, ex vi verborum est sanguis Christi, & corpus per concomitantiam, ut notat Doctor 4. dist. 10. q. 4. ad 2. Et præterea sunt instituta ad significandam, & communicandam gratiam secundum diversissimam considerationem: species enim panis significant gratiam, ut remotum, & secundarium signatum, quatenus habent proportionem aliquam cum cibo, & species vini significant gratiam, quatenus habent proportionem cum potu, quæ omnia arguunt specificam earum distinctionem, etiam in ratione signi ob specificam diversitatem significati uniuscujusque tam primarii, quàm secundarii. Et quidem, quando dicimus utramque speciem habere se tanquam partem integram hujus Sacramenti, non in eo sensu intelligendum est, ut illum integre tantum secundum aliquam perfectionem debitam, non tamen essentialem; sicut pes & manus, hominem integre dicuntur: sed quòd qualibet earum deficiente, desinat esse hoc sacramentum quoad suam integritatem essentialem. Unde species panis, & vini sunt partes essentielles materiæ hujus Sacramenti, ita ut ex utraque specie integretur materia essentialis ejus, & ex partialibus formis, quibus consecratur panis, & vinum, integretur una integra forma essentialis. Ex quo sequitur, quòd quando Doctor in hac questione docet, quòd caro, & sanguis Christi pertinent ad integritatem hujus Sacramenti, non loquitur de quacumque integritate, sed de integritate essentiali: ut etiam notavit Aretinus dist. 8. q. 2. ar. 2. ita Mastrius.

Inde tamen inferre non licet, utramque speciem consecratam seorsim ab alia, non habere rationem veri, ac propriæ dicti Sacramenti, contrarium enim expressè docuit Concilium Trid. sess. 21. c. 3. ubi ait, *faciendum esse sub altera tantum specie totum, atque integrum Christum, verumque Sacramentum sumi: ac propterea quod ad fructum attinet, nulla gratia necessaria ad salutem eorum defraudari, qui nam solum speciem accipiunt.* Unde certum est, quòd in utraque specie seorsim considerata repetiatur essentia Sa-

cramenti materialiter, & implicite spectati, seu quoad rem significatam, scilicet præsentiam corporis, & sanguinis Christi, & perfectam animæ refectionem spirituaalem. Verum non ita reperitur formaliter, & explicitè, seu quoad modum significandi, quia species panis explicitè, & formaliter significant corpus, seu carnem Christi per modum cibi, species autem vini explicitè, & formaliter significant sanguinem Christi per modum potus, licet reverà sanguis etiam sub speciebus panis, & caro sub speciebus vini. Nec aliud certè significare voluit Concilium Trid. siquidem eo loci dumtaxat decernit contra hæreticos, Communionem non esse necessariò faciendam sub duabus speciebus, quia communicantes sub una dumtaxat specie nihil minus suscipiunt, nec reficiuntur spiritualiter, quàm communicantes sub utraque, cum in earum qualibet sit totus Christus. Neque per illam particulam *verum Sacramentum*, intendit Concilium alteram speciem per se sumptam esse absolute integrum Sacramentum Eucharistiæ quoad essentiam, non enim dicit sub altera tantum specie, totum atque integrum; sed ait sumi, *totum atque integrum Christum, & verum Sacramentum*, ut videlicet discernat inter integritatem, seu totalitatem, & veritatem Sacramenti. Unde in cujuslibet speciei susceptione recipitur quidem Christus totus & integer, nec non & verum Sacramentum, licet Sacramentum integrum non recipiatur, quantum ad formalem, & distinctam rationem significandi.

*Dices:* Si ex utraque specie conficiatur unum integrum Sacramentum essentialiter, consequens erit, quòd sub una tantum specie, scilicet panis, non sumatur integrum Eucharistiæ Sacramentum, ac subinde quòd fiat injuria Laicis, dum speciebus vini privantur: sed hoc militat in Concilio Trident. supra laudatum; igitur qualibet species seorsim ab alia habet rationem integri Sacramenti, & consequenter Eucharistiæ non est unum, sed multiplex Sacramentum.

*Distingo sequelam majoris:* Non sumitur integrum Sacramentum, quantum ad rem significatam, & totalem effectum Sacramenti, nego: siquidem sub qualibet specie totus Christus continetur, ut animam spiritualiter reficiat: non sumitur totum Sacramentum, quoad modum formalem,

& di-

& distinctum significandi, concedo. Nec inde fit ulla injuria Laicis communicantibus dumtaxat sub una specie, quia, ut diximus qui unicam speciem recipit, totum suscipit Christum, & eodem modo spiritualiter reficitur, ac si duas species reciperet, quod utique hoc accommodato exemplo declaratur. Si aliquis frustum panis comederet, & biberet vini portiunculam, alius autem eandem vini quantitatem pari quantitati panis imbibitam exhaustiret, reverà manducarent, & biberent quoad rem alimenti, necnon & quoad frustum manducationis, non autem quoad modum utriusque sumptionis.

*Urgebis:* Quælibet species seorsimsumpta continet integram Eucharistiæ essentiam, siquidem Eucharistia prædicatur essentialiter de singulis speciebus consecratis, ac subinde quælibet species est simpliciter Sacramentum totale, & consequenter Eucharistia non est dicenda unum Sacramentum specie infima.

*Nego antecedens,* Si intelligatur quantum ad rationem formalem significandi, & ad ejus probationem dico, Eucharistiæ sacramentum essentialiter de singulis speciebus prædicari, & singulas partes consecratas verè appellari Eucharistiæ in hoc sensu, quod sicut partes substantiales hominem constituentes in ratione substantiæ totalis, & completæ, vocantur substantiæ, non quidem totales, sed partiales, ita species istæ unum Sacramentum constituentes verè quidem appellantur Sacramenta, sed partialia, quæ invicem concurrunt ad constituendum unum specie integrum sacramentum Eucharistiæ.

*Dices secundò:* Totuplex est Eucharistiæ sacramentum, quotuplex materiæ consecratio, quia Sacramentum hoc perficitur consecratione materiæ, at in hoc Sacramento duplex est materiæ consecratio, quia duplex est materia, nempe panis, qui convertitur in corpus Christi, & vinum, quod convertitur in ejus sanguinem, quæ utraque materia seorsim consecratur, & per distinctam consecrationem sibi correspondentem: igitur est etiam duplex, & verè, & propriè distinctum Sacramentum.

*Distinguo majorem:* Totuplex est materialiter, & secundum quid, concedo: formaliter, & absolute, nego: quamvis enim illæ significationes, & illa signa sint diversæ rationis, quia tamen sunt ligna partialia,

possunt unum totale signum specie atoma constituere, sicut ex anima, & corpore, quamvis sint diversæ rationis, resultat unum specie atoma, scilicet homo.

*Quæres: ex quo capite petenda sit unitas specifica Eucharistiæ.*

*Respondes,* ipsam posse repeti ex triplici capite, nempe ex unitate contenti, scilicet Christi corporis, & sanguinis, qui continentur sub utraque specie, secundò ex unitate usus, hoc enim Sacramentum ordinatur ad commemorandam Passionem Christi D. dicente Apostolo 1. ad Cor. *Quotiescumque manducabitis panem hunc, & calicem bibetis, mortem Domini annuntiabitis:* tertio ex unitate finis, scilicet refectionis spiritualis, quæ fieri debet per cibum, & potum proportionaliter ad corporalem refectionem. Veriustamen, ac melius colligitur hæc unitas ex priori capite, nempe ex parte contenti, & significati, quia sacramentum Eucharistiæ formaliter acceptum, est relatio quædam signi ad corpus Christi: cum ergo relationes suam unitatem, & distinctionem specificam desumant non solum à fundamento, sed maxime à suo termino, longè convenientius colligitur unitas hujus Sacramenti ex unitate corporis Christi sub utraque specie contenti, quam ex unitate refectionis spiritualis, ad quam hoc Sacramentum ordinatur, siquidem corpus, & sanguis Christi est primarium, ac principale significatum in hoc Sacramento; gratia autem sanctificans animam, & spiritualiter nutrens, est dumtaxat secundarium, ac subinde Eucharistiæ unitas, congruentius petitur ab unitate corporis Christi, quam ab unitate refectionis spiritualis.

*Nec obstat,* quod hoc Sacramentum fuerit institutum, ut esset reffectio spiritualis animæ: hic namque finis non fuit unicus ejus institutionis, sunt enim & alii fines, propter quos Christus voluit permanenter esse præsens in Eucharistia, nempe ut à nobis adoraretur, ut esset nobiscum usque ad consummationem sæculi, necnon ut esset Sacerdos, victima, & jure sacrificium.

## CONCLUSIO SECUNDA.

**S**acramentum Eucharistiæ est numero diversum, non quidem ex pluralitate, & numero sumentium, sed ex pluralitate numeris

*merica specierum consecratarum.* Hæc conclusio tribus partibus constat, quatum probatur *Prima*.

*Primo*, quia ubi sunt plures materiæ, & formæ, plures etiam adæquatæ significationes, & gratiæ sacramentales alicujus Sacramenti numero distinctæ, plura utiq; sunt numero Sacramenta; quare plura sunt numero Baptismata? quia numero multiplicantur ablutiones, & invocationes Trinitatis, & regenerationes, aut gratiæ regenerantes: at ubi plures in pluribus Ecclesiis, aut Altaribus Sacerdotes Eucharistiam celebrant, sunt plures in Eucharistia materiæ, formæ, & significationes numero distinctæ: tum ubi sunt multi communicantes, multæ sunt spirituales animæ refectiones, multæ nutrimentales gratiæ. *Secundo*, species consecratæ Parisiis existentes, & Romæ, non sunt eadem numero; nam alioquin eadem species simul essent in duobus locis adæquatis, & in uno desinerent, in alio permanerent, quod nemo dixerit: at Eucharistiæ Sacramentum supponit pro speciebus consecratis, ut in se corpus Christi continent, & in iis ita sumptis essentialiter Eucharistia consistit, & una species significat gratiam refectionis independentem ab altera. *Tertio*, si esset unicum dumtaxat numero Sacramentum, maxime propter unitatem corporis, & sanguinis Christi sub singulis speciebus existentis: sed hæc ratio nulla est, quippe ex precedenti questione constat, corpus, & sanguinem Christi non constituere formaliter hoc Sacramentum, nec habere rationem signi, sed dumtaxat significationi: igitur cum Eucharistia sit essentialiter signum sensibile, continens corpus, & sanguinem Christi realiter, nihil obstat, quin plura sint numero Sacramenta, & plures significationes, licet sit unum, & idem numero significationum.

*Probatur secunda pars*, nempe quod hæc unitas non petatur ex parte fuscipientium: *Tum quia* Eucharistiæ sacramentum, antequam inferviat ad unam, aut plures animæ refectiones, supponitur esse reverà Sacramentum in esse suo singulari, aut individuali constitutum, existit enim in rerum natura; igitur illius unitas numerica non petitur ex ordine ad unam animæ refectionem, aut sumptionem: *Tum quia* quodlibet ens permanens habet principium unitatis numerice permanens, & independentem a quolibet extrinseco; sed Eucharistiæ sacramentum est ens permanens: igitur habet suum

*Erassen Theol. Tom. XI.*

esse, suamque unitatem independentem à quolibet fuscipiente. *Tum denique quia* una, & eadem numero hostia potest à pluribus sumi, putà si aliquis hostiam jam ab alio sumptam, & ob stomachi debilitatem ejectionem speciebus in corruptis sumeret, quo in casu esset idem numero Sacramentum, quia esset eadem species significans idem Christi corpus, essent tamen distincti fumentes: igitur unitas numerica Sacramenti stare potest cum pluralitate fumentium, ac subinde ab eis non est repetenda Sacramenti unitas, aut pluralitas numerica.

*Tertia pars ex dictis facili colligitur*; quolibet enim species consecrata est significativa præsentie corporis, & sanguinis Christi, estque significatio practica, & effectiva gratiæ independentem ab alia; ac subinde ejus numerica distinctio petitur à diversitate speciei consecratæ; sicut enim pluralitas numerica aliorum Sacramentorum desumitur à pluralitate numerica signorum sensibilium, ex quibus constituantur; ita dicendum est de Eucharistia.

*Dices primo*: Eo modo sacramentum Eucharistiæ est unum, quomodo multi fideles sunt unum Christi corpus mysticum, Apostolus enim ait, unitatem panis, & calicis, quibus aluntur fideles, efferationem cur omnes sint unum Christi corpus. 1. Cor. 10. *Unum corpus multi sumus omnes, qui de uno pane, & de uno calice participamus*; sed omnes ubique fideles unum numero Christi corpus mysticum, nempe Ecclesiam unam numero component: igitur, &c.

*Nego majorem*: Omnes enim fideles sunt unum numero corpus Christi mysticum eo quod habeant unum numero caput Christum, cui maxime uniuntur cum accipiunt ejus corpus, & sanguinem in Eucharistia contentum; non autem, quod unum numero sumant Eucharistiæ sacramentum: Hinc Apostolus unum ibi panem, & calicem accipit methonimicè pro reuna contenta sub specie panis, & in calice, non pro speciebus panis, aut vini; nam hæc sunt numero plures, & distinctæ.

*Dices secundo*: Ex Canone in Christo semel de consecr. dist. 2. ex S. Ambrosio in cap. 10. epistolæ ad Hebr. *Sicut quod ubique offertur unum est corpus, & non multa corpora, ita & unum sacrificium*, id est, unum numero, sicut & Christi corpus: igitur unum est etiam ubique sacramentum Eucharistiæ, non multa numero.

C

Re.

*Respondet* sensum canonis esse, quod Sacramentum est unum ratione principalis offerentis, & ratione rei oblatæ, scilicet hostiæ, seu victimæ: quia Christus ipse præcipuus est offerens, & hostia, quæ offertur, concedo: ratione ritus, & modi sacrificandi, nego: quia sacrificium crucis fuit crucentum, absolutum, & redemptionis consummativum: sacrificium autem Altaris est incruentum, relativum, commemorativum, & applicativum; unde verbis objectis subjicitur: *Pontifex enim ille est, qui hostiam obtulit nos mundantem: ipsam vero offerimus etiam nunc, quæ tunc oblata consumi non potest; quod nos facimus, in commemorationem sui ejus quod factum est: hoc enim facite, ait, in meam commemorationem.* Et iisdem verbis ita præmittitur: *Offerimus quidem, sed ad recordationem moris ejus, & una est hostia, non multa: Quomodo una, & non multa? Quia semel oblatus est Christus; hoc enim sacrificium exemplum est illius, id ipsum, & semper id ipsum, proinde unum est hoc sacrificium; alioqui quoniam in multis locis offertur, multi sunt Christi? nequaquam, sed unus ubique est Christus, & hic plenus existens, & illic plenus.* Unde diversa sunt etiam numero sacrificia, quia sunt oblationes, & Missæ distinctæ, hinc Ecclesia pluraliter in Collectis appellat sacrificia: *Sacrificiis præsentibus, quæsumus Domine, placatus intende.*

*Dices tertio:* Si Dei filius distinctas assumeret humanitates, in pluribus locis esset idem homo; si Petrus esset in diversis locis, & haberet diversas albedines, esset idem albus: ergo cum idem Christus sit unus numero sub diversis speciebus Eucharisticis, idem est, ac unum numero sacramentum Eucharistiæ.

*Nego consequentiam.* Unitas enim numerica hominis accipitur ab unitate numerica suppositi, seu subsistentiæ: suppositum autem esset unum, & idem numero, si Dei filius multas assumeret humanitates; unitas albi fumeret ex unitate subjecti: Porro si Petrus in pluribus locis distinctis haberet albedines, esset unum subjectum, at unitas Eucharistiæ sacramenti petitur ab unitate specierum Eucharisticarum, quæ non sunt quid unum, sed multa diversis in locis.

*Dices quarto:* Si pluralitas numerica sacramenti Eucharistiæ desumeretur ex diversitate numerica specierum consecratarum, sequeretur, quod fumenstres hostias consecratas, imò ejusdem hostiæ diversas par-

ticulas, diversa recideret Sacramenta, siquæ plures gratias, vel gratiæ gradus reciperet, quàm qui unicam dumtaxat speciem consecratam susciperet; siquæ longè melior esset conditio plures particulas suscipientis, quàm unicam dumtaxat consecratam formulam: sed consequens illud est contra communem Ecclesiæ praxim, & sententiam: igitur & illud unde sequitur.

*Distinguo primam sequelam:* Plura essent Sacramenta physice, & materialiter, concedo: moraliter, nego: quia tunc omnes sumuntur per modum unius refectionis spiritualis; eo modo quo in conviviis corporalibus plures cibi, & plures potus materiales, dicuntur unum convivium, quia unica sumptione morali applicantur ad reficiendum corpus. Unde licet unitas, vel pluralitas sumptionis nihil per se conferat ad unitatem, vel pluralitatem hujus Sacramenti, quatenus Sacramentum est, confert tamen in ratione convivii: Cujus utique nulla congruentior ratio assignari potest, quàm divina voluntas, quæ ita hoc Sacramentum instituit, ut plurium specierum sumptio, si ve simultanea, si ve successiva, dummodò omnes hujusmodi sumptiones unicam dumtaxat moralem efficiant, & ordinentur ad eandem refectionem spirituale, etiam eandem gratiam producant, licet qualibet ex illis nata sit ex se conferre eandem gratiam, si sola proponeretur sumenda in ea refectione; quemadmodum si quis pluribus peccata sua confiteretur, & ab eisdem simul, aut successivè absolveretur, unam tantum gratiam sanctificantem, & peccati remissionem reciperet.

*Urgebis:* Quando plures causæ physice applicantur per unicum applicationis actum, earum quælibet non minus producit suum effectum, quàm si per distinctum actum applicaretur: igitur licet plures physice sumptiones unam moralem numero efficiant, si tamen plures species plura essent Sacramenta, reverà plures causarent effectus, nempe diversos gradus gratiæ.

*Nego paritatem:* Quamvis enim ad eandem applicationem diversarum causarum in rebus physicis sequatur diversus effectus, non ita tamen contingit in causis moralibus; etenim si duo baptizent, vel ungant, vel absolvant, non erit propterea multiplex Baptismus, vel unctio, vel peccati remissio, ita pariter dicendum de speciebus consecratis, quæ ad eandem refectionem

nem spiritualement recipere; tunc enim ordinarentur ad unum, & eundem effectum, nempe ad eandem animæ nutritionem.

Hinc fateor, unitatem illam nutritionis, ac refectionis non efficere quidem unitatem numericam Eucharistiæ, quia illa jam præsupponitur ad eam refectionem; nihilominus illam connotat, & inservit ad huiusmodi numericam distinctionem agnoscendam.

#### QUÆSTIO QUARTA.

*Utrum Eucharistiæ Sacramentum convenienter institutum fuerit, & ante Incarnationem institui potuerit, etiam Adamo non peccante*

**N**otandum primò, certissimum esse, quòd cum Christus D. huius divini Sacramenti sit institutor, inde egregium effulget argumentum, non nisi præclara ob motiva, & propter urgentes rationes huiusmodi institutionem fuisse peractam; cum enim sapientissimus sit, imò divina ipsa sapientia, non nisi librato consilio cuncta molitus, & operatus est. Juvat autem huius institutionis præcipuos fines, ac urgentiora motiva expendere, tum ex parte Dei, cum ex parte hominum, nec non & ex parte ipsius Christi D. hoc Sacramentum instituentis.

Notandum secundò, seu potius revocandum ex dictis in Tractatu de Incarnatione, quòd etiam si Adamus non peccasset, nihilominus Verbum Dei fuisset incarnatum, non quidem ut esset Redemptor hominum à captivitate diaboli, & peccatorum expiator, sed alios ob fines, nempe ad communicandum aliis hominibus Incarnationis beneficium, per gratiæ augmentum, nec non ut esset hominum caput, Princeps, & Legislator: Quæritur autem utrum in illa hypothese institutum fuisset Eucharistiæ Sacramentum.

Notandum tertio, aliquid posse incipere esse dupliciter; videlicet simpliciter, & secundum quid: incipit esse simpliciter, quando reverà existentiam accipit, & verum est dicere, res nunc est, & immediate antè non fuit: incipit autem esse secundum quid, quando accipit modulari quædam existendi accidentalem, quem prius non habebat; sic dum paries de novo fit albus, non accipit esse simpliciter, sed tantum secundum

quid, nempe secundum modum albedinis, qua afficitur. Quæritur autem, utrum Christi D. corpus potuerit existere, & fieri præsens in Eucharistia, antequam ex Virgine conciperetur (sensu enim quæstionis non est, ut quidam perperam existimant, utrum corpus Christi potuerit esse in Eucharistia ante conjunctionem carnis cum divinitate; certum enim est, quòd ante illam unionem, corpus non esset corpus Christi, ac subinde, si per Incarnationem intelligatur conjunctio carnis cum humanitate, evidens est, quòd Christi D. corpus non potuerit fieri præsens in Eucharistia ante Incarnationem. Sed difficultas est, utrum ex hypothese, quòd prius non fuisset divinitas cum humanitate conjuncta, nec nata, nec formata fuisset humanitas per conceptionem naturalem, sed vel per creationem, vel per alium modum divinitus formaretur, eodem instanti, quo proferrentur verba consecrationis, Christi D. corpus, & sanguis, possent eo instanti fieri præsentia sub speciebus Eucharisticis.

#### CONCLUSIO PRIMA.

**C**onvenienter admodum institutum fuit Eucharistiæ Sacramentum. Probat primum: Ut Deus suam in nobis sapientiam, potentiam, & dilectionem commendaret: *Dilectionem* quidem, & amorem: *Cum enim dilexisset suos, in finem dilexisset*; id est, ultra finem viæ, vel usque ad ultimum finem amoris seu ultra omnem amoris modum; namque, inquit S. Chrysostomus in c. 13. Joan. *Nihil omisit, quod vehementer amantem decet*. Unde Concilium Trident. sess. 13. cap. 2. *Salvator noster discessurus ex hoc mundo ad Patrem, Sacramentum hoc instituit, in quo divinitas sui erga homines amoris velut effudit.*

Sapientiam verò; nam Sapientia ædificavit sibi domum, miscuit vinum, & posuit mensam, cum hoc divinum sacramentum instituit, ut omnes filios proprio carnis ac sanguinis edulio reficeret, sicque pretioso veluti amoris, & charitatis vimine, ac vinculo homines ad Divinitatis contubernium promoveret.

Potentiam denique, Eucharistia namque tot miraculis fulget, quot stellis cælum; cum enim miraculorum tria distinguantur genera, quorum aliqua præter naturam, alia supra naturam, alia contra naturam:

hæc omnia in hujus Sacramenti institutione mirum in modum effulgent. Enim-vero præter naturam est, totam substantiam in aliam, nulla remanente materia, transire, & transubstantiari: supra naturam est, idem corpus pluribus simul adesse locis, nulla prorsus ratione continuis, aut contiguis; contra verò naturam, quod sine subiecto accidentia subsistant, & corpus sine extensione locali, vivum, & integrum appareat, qualiter Christi D. corpus est in adorando Eucharistia Sacramento.

*Secundò*, conveniens erat in ipsius Christi D. gloriam, & honorem, ut institueretur divinum illud sacramentum: *Primò* quidem, ut majori ac perpetua veneratione apud hos esset, cum ipsum habeamus præsentem, cui vota simul, & obsequia impendamus: cum ergo discessurus esset à Discipulis in propria specie, conveniens erat, ut apud ipsos maneret in specie Eucharistica, utque in absentia Imperatoris exhiberetur veneranda ipsius imago. Quam utique rationem eleganter expendit Eusebius Emislen. hom. 4. de Paschate: *Quia*, inquit, *corpus assumptum ablatusque erat ab oculis nostris, & fidebus illaturus, necessarium erat, ut die eorum Sacramentum nobis corporis, & sanguinis sui consecraret: ut colebatur jugiter per ipsum, quod semel offerebatur in pretium. Ut quia quotidiana, & indefessa currebat pro hominum salute redemptio, perpetuo esset etiam redemptionis oblatio, & perennis visibilis illa viveret in memoria, & semper præsens esset in gratia verè unica, & perfecta hostia, fide assumenda, non specie, nec exteriori censenda visu, sed interiori affectu.*

*Deindè*, non modicum cedit in Christi D. gloriam, quod jugiter apud nos recolatur Passionis ejus beneficium: cum enim sine fide Passionis Christi, nunquam omnino salus esse potuit, Rom. 3. *Quem proposuit Deus propitiationem per fidem in sanguine ipsius*: hinc oportuit omnitempore quidpiam apud homines esse repræsentativum Dominiæ Passionis, cujus in veteri Testamento præcipuum erat Agnus Paschalis. 1. Cor. 5. *Rascha nostrum immolatus est Christus*. Ei verò successit sacramentum Eucharistia, quod est rememorative præteritæ Christi Passionis, sicut illud fuit præfigurativum futuræ: fuit igitur conveniens, ut imminente Passione celebrato veteris legis Sacramento novum institueret; *Ut umbra cederet corpori, & cessarent imagines sua præsentia ve-*

*ritatis, antiqua observantia novo tollitur Sacramento, hostia in hostiam transit*, inquit S. Leo ser. 7. de Passione.

Conveniens etiam fuit nostri causa, ut institueretur hoc divinum sacrificium, non solum ut Ecclesia haberet iuge sacrificium, sine quo nulla unquam vera Religio consistit, sicque haberemus divinam victimam, qua Deo supremo Domino divinos impenderemus honores, & iratum nobis numen ipsius immaculati Agni sanguine placaremus: sed maxime ut hac cœlesti alimonia spirituales nostram vitam in Baptismate acceptam foveremus. Sicut enim vita animalis quotidiano cibo indiget, quo calor nativi humidum radicale continenter depalescentis jacturas resarciat: ita suscepta in Baptismo gratia, & in Confirmatione aucta intestinis concupiscentiæ æstibus in justis etiam agonem manentibus citò deperiret, nisi frumento Electorum, & vino virgines germinante per lignum vitæ præignato novæ creaturæ vita repararetur.

Hinc S. Chrysost. homil. 45. in Jo. *Hic sanguis*, inquit, *facit ut imago in nobis regni floreat: hic sanguis pulchritudinem, & nobilitatem animæ, quam semper irrigat, & nutrit, languescere non sinit. Quia in re suavisissima clementissimæ Domini providentiæ mirè relucet, ut sicut venit fructus esu propagans, ejusque propago in mortem, & infinitas calamitates incurrit: ita cœlestis cibi esu vitam habeamus, & abundantius habeamus, ut unde mors oriebatur, inde vita resurgeret, & medela foretetur inde hostis unde laxerat. Nam sicut de priori cibo dictum est, Gen. 2. *Quacumque dixeris ei comedere, morte morietur*, ita de posteriori, Jo. 6. *Qui manducat hunc panem vivet in æternum*. Rectè Basilii in c. 3. 16. *Quemadmodum corpora nostra convalescunt, ac firmanur sub æterna sumptione congruentium alimentorum: ita quiddam est, quod consentaneè pascit animam, eique suggerit vegetas vires ad bonitatem conciliandam. Quid illud tandem est? Nimirum quod dixit Dominus, quia caro mea verè est cibus, & sanguis meus verè est potus. Quibus autem non suppetunt hæc, eis utique deficit robur panis, & aquæ.**

Probari potest insuper conveniunt institutionis Eucharistia, ex eo quod congruentissimum fuit, ut Christus D. impleteret omnia, quæ de ipso vaticinati fuerant Prophetae, & præsignant veteris Testamenti imagines, ac figuræ: at plurimæ fuerant hujus



augustissimi sacramenti in veteri Testamento Prophetiz, & figuræ, quod utique constat, *primò* quidem quantum ad oracula Prophetarum; nam, inquit S. Ambrosius in Psal. 38. *Eorum quæ celebrantur in hoc Sacramento, vetustissimum prædiciò fuit in sermonibus Prophetarum.* Et quidem Genes. 47. dicitur de hoc sacramento: *Lavabit in vino stolas suas, & sanguine uxoris pallium suum,* at ut explicat S. Cypr. lib. 2. epist. 1. *Quid aliud, inquit, dicitur sanguis uxoris, quam vinum calicis Domini sanguinis?* Eundem locum simul cum isto Hierem. 1. *Mittamus lignum in panem ejus,* de eodem sacramento explicat Tertull. lib. 4. contra Marcionem in fine. Præterea Prov. 9. dicitur, *Sapientia mactavit bestias suas, miscuit in cratere vinum suum, &c.* Quod idem S. Ciprian. ibid. de hoc Sacramento vult intelligi. Insuper Ps. 21. dicitur: *Manducaverunt, & adoraverunt omnes pingues terræ.* In quem locum ita August. *Tunc manducaverunt, quando adducti sunt ad mensam Domini, & ibi accipiunt de corpore, & sanguine ejus.* Insuper Ps. 98. *Adorate scabellum pedum ejus.* Quem locum S. Ambrosius lib. 3. de Sacramento c. 12. interpretatur de adoratione Eucharistiæ. Itaque, inquit, *per scabellum terra intelligitur: per terram autem caro Christi, quam bodie quoque in mysteriis adoramus, & quam Apostoli in Domino Jesu adoraverunt.* Cui concinit S. Augustinus in eadem Psalmi verba: Quo modo, inquit, adorabimus terram, cum dicat aperte Scriptura, Dominum Deum tuum adorabis, & hic dicit: *Adorate scabellum pedum ejus?* Exponens autem mihi quid sit scabellum pedum ejus, dicit, *Terra autem scabellum pedum meorum.* Anceps factus sum, timo adorare terram, ne damnet me, qui fecit cælum, & terram. Rursus umco non adorare scabellum pedum Domini mei, quia Psalmus mihi dicit, *Adorate scabellum pedum ejus.* Quæro quid sit scabellum pedum ejus, & dicit mihi Scriptura: *Terra scabellum pedum meorum: fluctans convertit me ad Christum, quia ipsum quæro hic, & invenio quomodo sine impietate adoretur terra, sine impietate adoretur scabellum pedum ejus.* Suscepit enim de terra terram, quia caro de terra est, & de carne Mariæ carnem accepit. Et quia in ipsa carne hic ambulavit, & ipsam carnem nobis manducandam ad

*Erasen Theol. Tom. XI.*

salutem dedit: nemo autem illam carnem manducat, nisi prius adoraverit. Invenit enim quemadmodum adoretur tale scabellum pedum Domini, & non solum non peccemus adorando, sed peccemus non adorando. *Hec S. Augustin.*

Congruebat pariter, inquit Alensis 3. p. q. 10. memb. 1. ar. 1. Sacramentum hoc variis figuris adumbrari, tum ratione dignitatis, tum ratione difficultatis ad credendum, tum ratione significationis: *Ratione quidem dignitatis*, quia Sacramentum istud inter Sacramenta novæ legis erat excellentissimum, ut dicunt Expōitores Scripturæ unde quia expectabatur, quasi donum Dei excellentissimum, congruebat ut præfiguraretur, & sicquodam modo certificaretur, & ex hoc magis consolaretur, & expectati dignitas ostenderetur. *Ratione difficultatis* quia cum inter cætera credibilia sit difficillimum ad credendum: conveniebat, ut manu ductione figurarum progrediretur ad illius credulitatem. *Ratione significationis* quia Christus passus, quod datur vita fidelibus, hoc Sacramento signatur, & continetur, congruebat ante Christum passum aliqua figura præfigurari, similiter & hoc Sacramentum, quod signatur, & continetur.

Quamvis autem Magister sententiarum dumtaxat enumeret quatuor figuras hujus Sacramenti, nihilominus octo solent præcipue recenseri, inquit ibid. Alensis: *Prima* præfiguratio fuit in oblatione panis, & vini Melchisedech, Genes. 14. *Secunda*, in Agno Paschali, Exodi 12. *Tertia* in manna, Exodi 16. *Quarta* in aqua, quæ fluxit de petra, n. 20. & 1. Cor. 10. *Quinta*, in diversis sacrificiis in lege, de quibus Lev. 2 & sequentibus. *Sexta* in hædo, quem coctum obtulit Manue. Jud. 13. *Tulit badum de capris, & libamenta, & posuit supra psaltrem,* & c. *Septima*, 1. Reg. 13. in favo mellis, quod Jonathas virga convertit ad os suum. *Octava* in fluxu aquæ, & sanguinis, quæ fluxerunt de latere Christi, Joan. 19. dicit enim Augustinus, quod fluxus ille fuit figura Baptismi, & Eucharistiæ.

*Prima* autem figura fuit signum hujus Sacramenti, quantum ad exteriorem formam, & effectum primum, scilicet refectorem spiritualem; in illa enim oblatione panis, & vini repræsentata fuit forma exterior, & refectio spiritualis: unde sicut hic in re, ita ibi fuit in figura.

In *secunda*, scilicet Agno Paschali fuit

C 3 figu-

figura Sacramenti, & rei, idest Christi, qui est Sacramentum, & res; ipse enim est res contenta, & figurata, & sicut Agnus paschalis datus fuit in signum liberationis à servitute Ægypti, ita Agnus iste in signum liberationis à servitute diaboli: non enim debet dari hoc Sacramentum nisi existentibus in gratia. Præterea, innocentia Christi figurata fuit per agnum. Præterea, datus est in refectiorem, & ita congruit refectiōi spirituali, quæ fit in hoc Sacramento. Præterea per hoc, qui offerri debuit, si agnus non haberetur, signatur, quod Christus fuit offerendus pro peccatis nostris. Præterea in Agno paschali figurata fuit sumptio huius sacramenti: quod patet per hoc, quod maxime tangitur ibi modus comedendi.

In tertia figura, scilicet in manna, signatur effectus suavitatis, qui concipitur in hoc Sacramento, & delectatio: *Panem de celo prestisti eis*, &c. Suavitas enim saporis in manna signat plenitudinem gratiæ in Christo, de cujus plenitudine accipiens anima delectatur.

In quarta, scilicet in aqua, quæ fluxit de petra, signatur effectus huius Sacramenti, scilicet extinctio æstus peccati, & ablutio peccati, ut patet ex verbo S. Ambrosii supra dicto.

In quinta figura, idest in sacrificiis signatur oblatio Christi, quæ in hoc Sacramento representatur: oblatum enim fuit in Passione, tanquam holocaustum, & tanquam hostia pacifica, & quasi victima pro peccato, in quantum enim innocenserat, nullius debitor; immolatio illius holocaustum fuit, quod non obtentu aliquo offertur, sed solum in obsequium Dei. In quantum autem fiebat in reconciliationem hominis faciendam cum Deo, & Angelis, fuit ejus immolatio hostia pacificorum: quia fecit unam Ecclesiam ex Angelis, & hominibus. Quantum autem ad satisfactionem pro peccatis nostris, scilicet in quantum fuit redemptio nostra, fuit victima pro peccato. Unde in victima pro peccato pars sanguinis fundebatur circa basim Altaris holocausti, pars aspergebatur in tabernaculo contra Dominum: quadam parte linebantur cornua Altaris thymiamatis Levit.4. Effusio sanguinis circa Altare holocaustorum fuit generale in omni sacrificio: sed in victima pro peccato inferebatur in tabernaculum, & aspergebatur contra velum, sive Dominum, quo notatur redemptio à culpa, & linebantur

cornua Altaris thymiamatis, quo notatur redemptio à pena.

In sexta, scilicet in oblatione Manue, ubi offerrebatur hœdus super lapidem, Jud. 13. figuratum fuit, in quo debet fieri oblatio, sive super quod: quia super Christum, idest, in fide Christi: *Petra autem erat Christus*.

In septima, de qua 1. Reg. 14. figuratum fuit, quale erat, quod erat offerendum, & qualis debet esse offerens, qui debet habere viram sanctitatem, (Jonathas enim gratia interpretatur) & Ordinis dignitatem: quod significatum fuit in hoc, quod virga intincta convertit mel in os suum, talis enim debet esse, qui debet tractare illum, qui per favum mellis signatur: idest, habens in se duas naturas, divinitatis, & humanitatis.

In octava autem, scilicet in fluxu sanguinis, & aquæ figuratur, à quo habet virtutem hoc sacramentum, scilicet à Christo passio, sive à sanguine Christi: & non à converso.

Potissima autem, ac præcipua hujusmodi figurarum fuit *Agnus Paschalis*: quia Eucharistia cibus est, & Eucharistia simul in omnium redemptionem, eorumque captivitas pretium offertur; immolatur enim, & offertur, ut hostia Deo: datur autem accipientibus, ut vitæ æternæ cibus, & alimonia immortalitatis: Christi verò sanguis in ea contentus, est pretium Redemptionis, & delet chirographum nostræ damnationis: Agnus autem Paschalis eas omnes Eucharistiæ rationes præfigurabat, non enim præcipiebatur immolari solum, sed etiam comedi: Et sanguis ejus (quo Israelitæ linierunt postes, & superluminaria suarum ædium, ut ab Angelo exterminatore protegerentur, & eriperentur à durissimo Pharaonis jugo) non obscure præfigurabat Christi sanguinem, quo nos exterminio peccati, duraque tyrannide dæmonis eximimur.

Præterea Israelitici Agni circumstantiæ representabant eam, quæ spectant ad Eucharistiam: panes enim azimi, cum quibus debebatur, indicabant Eucharistiæ materiam, & puritatem, cum qua manducari debet: Civitas Hierosolymorum, in qua sola poterat immolari, significabat Ecclesiam Catholicam, in qua dumtaxat Eucharistia verè, & legitime consecrari, manducarique potest: Lætuæ agrestes, & amaræ quævis herbe, cum quibus debebatur, arguebant amaritudinem penitentiae, qua disponi debemus ad Eucharistiam.

charistiam. Omnes cœtus filiorum Israël, & universa populi multitudo, quæ quotannis cum edere debebat, figurabat Ecclesiam quotannis Eucharistiam accipere debere. Manducari solum poterat à circumcisis, & non contaminatis, ut indicaretur Eucharistiam edendam esse solum à Baptizatis, & ab omni peccato mundis. In una domo comedi debebat, ut significaretur Eucharistia in sola Ecclesia Catholica sumenda cum unitate charitatis, qua Fideles inter se jungerentur, & cum Christo. Edebatur à stantibus ad iter agendum accinētis, ut Viaticum, quo significabatur Eucharistia velut Viaticum in hac vita peregrinantium ad vitam, & patriam cœlestem. Representabat Christi Passionem, unde sicuti coniungenda non erant ejus ossa, sicuti cruce Jo: 19. non frangeretur Christicrura: ut Scriptura impleteretur, *Os non comminuetis ex eo*: Sic Eucharistia Christi Passionem ut memoriale repræsentat, & quamquam species dividantur, nulla Christi divisio fit in Eucharistia. Carnes Agni solum assæ poterant edi, quia coquuntur citius ea, quæ assantur, ut ostenderet accedentes ad Eucharistiam, amoris Dei fervore accendebere, &c.

## CONCLUSIO SECUNDA.

**S**acramentum Eucharistiæ absoluta Dei potentia potuit institui ante Incarnationem, ut de factis peracta est. Ita Doctor dist. 10. q. 4. n. 6. ubi cum probasset modum sacramentalium non dependere ab existentia naturali simpliciter, concludit, quod ante Incarnationem potuit ita verè Eucharistiæ fuisse sicut nunc, hoc tam quoad significationem, quantum ad rem signatam, & contentam.

Quod unique sic probat: Quod est indifferens ad modum existendi naturaliter, vel sacramentaliter, potest alterutro modo existere, sed corpus Christi ita est: ergo sicut de facto extitit modo naturali, antequam existeret modo sacramentali, ita viceversa potuit existere modo sacramentali, priusquam existeret modo naturali. Probat minorem: Si existentia sacramentalis dependeret ab existentia naturali, maximè vel tanquam effectus à causa, vel tanquam proprietates ab essentia, vel tanquam accidens à subiecto, sed neutro modo totaliter dependeret, non quidem tanquam effectus à causa, quia præsentia sacramentalis non causatur

per præsentiam naturalem, sed fit per omnipotentiam divinam, neque etiam tanquam proprietates ab essentia, siquidem præsentia sacramentalis non fluit necessariò ex præsentia naturali; hi enim duo modi existendi non sunt inter se necessariò connexi, & sine invicem subsistere possunt: nam de facto prius extitit præsentia naturalis, quam sacramentalis, & si Christus deperderet suam præsentiam naturalem, seu modum existendi quantitativum, & extensivum, nihilominus subsistere posset secundum modum existendi sacramentalem sub speciebus Eucharisticis. Nec tandem una dependet ab alia, tanquam accidens à subiecto; quippe, ut mox dictum est, una scorsim ab alia potest subsistere, quod apparebit evidentius ex solutione objectionum.

*Dices primò*: Non potest esse, nec concipi Eucharistia sine Christi D. sanguine, & corpore: utrumque enim connotat, & continet; sed non potuit esse Christi D. corpus, & sanguis ante Incarnationem, siquidem hæc est ipsa humanitatis à Verbo assumptio: igitur, &c.

*Distinguo minorem*: Ante Incarnationem absolute, & simpliciter acceptam, ut est unio Filii Dei cum humana carne quocumque modo sumpta, concedo: ante Incarnationem, ut est actus peracta, prout est unio cum humana carne naturali, seu locali quantitatis extensione prædita, nego: per Incarnationem enim hoc posteriori modo sumptam, incarnati Verbi corpus habuit ubi naturale, seu locale quantitativum, & extensivum in utero Virginis, sine quo quidem ubi Eucharistiæ potuit absoluta Dei potentia constitui, per solam Dominici corporis, & sanguinis præsentiam sacramentalem.

*Insuper*: Sacramentalis præsentia necessariò naturalem supponit, quia non potest absolute Christi corpus habere sacramentalem in Eucharistia præsentiam, antequam habeat esse naturale, sed habere non potest esse naturale ante Incarnationem, ut est actus peracta, per hanc enim habuit, ut esset homo naturaliter.

*Nego majorem*: Aliud enim est, esse naturale Dominici corporis, aliud ipsius in loco præsentia naturalis; cum enim aliquid à loco movetur in locum, mutatur præsentia naturalis in loco; nam ipsum ejus esse naturale, nihil est aliud, quam ejus existentia substantialis, aut substantia na-

turalibus affecta proprietatibus, ipsa verò naturalis ejus in loco præsentia modum aliquem habuit occupandi locum externæ quantitati, & extensioni corporis accommodatum: omnis autem præsentia naturalis, aut sacramentalis essentialiter à corpore pendet ut à subjecto, quod afficit atque modificat, & ejus esse, vel existere naturale necessario supponit, saltem prioritate naturæ, quia sine illo nec esse, nec concipi potest, ut nec figura sine re figurata, nec unio sine re unita: Sacramentalis ergo præsentia supponit existentiam substantialem, aut naturalem substantiam corporis, non autem ejus in loco præsentiam naturalem, seu localem, absque hac enim esse potest.

*Urgebis:* Prius est rem existere simpliciter, quam secundum quid: sed naturalis existentia est existentia simpliciter, Sacramentalis autem tantum secundum quid: igitur hæc illam præsupponit, necessario, & consequenter ubi non præcedit naturalis existentia, Sacramentalis sequi non potest.

*Nego minorem,* quantum ad secundam partem, cum enim modus existendi simpliciter, nihil aliud significet, quam rem aliquam esse realiter, sequitur, quod in ea hypothese, qua Christi D. corpus tantum existeret modo Sacramentali, reverà existeret simpliciter; quippe tunc ibi haberet esse reale, & reverà productum, non autem solum esse adductum, ut nunc est: nunc enim reverà non produceretur Christi corpus sub speciebus Eucharisticis, sed jam productum, & existens adducitur, & ibi fit realiter prærens, ut patet articulo sequenti.

*Inflabit iterum:* Si corpus Christi ea in hypothese haberet esse simpliciter sub speciebus Eucharisticis, sequeretur, quod postmodum non posset formari ex purissimo Virginis sanguine, sique illa fieri non posset Mater Dei, ac subinde ea in hypothese Incarnatio esset impossibilis: sed consequens est absurdum: ergo & id unde inferitur.

*Nego majorem:* Quamvis enim corpus Christi præxisteret in Eucharistia, posset Deus convertere purissimum Virginis sanguinem in corpus Christi, quod fieret prærens in utero Virginis dependenter ab ejus consensu; non ficus ac idem corpus, licet existens in Cælo, sit prærens sub speciebus Eucharisticis per conversionem substantiæ panis in ipsum. Quam utique solutionem licet ex-

pendit, & explicat Doctor n. 8. ubi ait: *Dico, quod possibile esset, illud idem corpus fuisse formatum de sanguinibus Virginis, & hoc sub modo essendi naturali, non obstante, quod Eucharistia præcessisset vera: sed illa formatio non fuisset tunc acceptio corporis, nisi secundum quid, & tota ratio est, quia quod sic incipit, præbabet esse simpliciter.* Quibus verbis Doctor significat corpus Christi D. in ea hypothese formari posse ex conversione sanguinis Virginis in ipsum, & produci in utero ipsius: non quidem quoad esse simpliciter, & primarium, quia jam habet esse verum, & reale in Eucharistia, sed quoad existendi modum connaturalem, hoc est, extensum, & circumscriptivum, quem utique existendi modum in Eucharistia non obtinet.

Porro hac in hypothese non aliter B. Virgo concurreret ad formationem corporis Christi, ut doctè observat Hiquerus in Commentatio n. 19. quam subministrando materiam prærequirit ad formationem, seu existentiam illius corporis modo naturali, nec non & concurrente ad illius nutritionem, & augmentum, & reliquis dispositiones, & affectiones, quæ consequerentur ad animationem, & existentiam naturalem ipsius corporis in suo sinu; unde non concurreret ad formationem primariam corporis, sed tantum ad secundariam, quam Doctor appellat inceptionem secundum quid: Si autem requiras utrum in eo casu B. Virgo dicenda esset Mater Christi.

*Respondet,* quod tantum esset illius Mater secundum modum, quo procederet ab ipsa, & non aliter; unde cum jam illud corpus haberet esse præexistens, B. Virgo non concurreret ad illius formationem in fieri simpliciter, sed tantum secundum quid, hoc est secundum modum existendi naturalem, quæ utique formatio dici posset conceptio saltem secundum quid, propter locum, in quo fieret, siquidem corpus fieret prærens modo naturali in eo loco, ubi posset formari quoad esse simpliciter, nisi jam aliunde illud esse haberet.

*Dices secundò:* Impossibile est aliquod corpus prius esse realiter alicubi, quam illud ex quo formari debet, reverà existat in rerum natura, sed corpus Christi secundum Dei ordinationem formari debuit ex purissimo Virginis sanguine: igitur non potuit esse alicubi, nec subinde habere existendi modum naturalem priusquam existeret

B. Vir-

B. Virgo, & subministraret materiam for-  
pandi illius corporis.

*Distingo majorem:* Si tale corpus forme-  
tur modo naturali, & per veram genera-  
tionem, concedo, si fiat supernaturali, &  
per creationem, aut per transubstantia-  
tionem alicujus materiæ præexistentis in  
ipsum; nego: ea autem in hypothesi Chri-  
sti D. corpus formaretur, & fieret præsens  
per transubstantiationem materiæ panis præ-  
existentis in ipsum, ut existeret modo Sa-  
cramentali, coque vero, & reali: ac subin-  
de ut hunc haberet modum existendi, non  
præquereretur sanguinem B. Virginis.

*Dices tertio:* illud, quod potest esse ali-  
cubi sacramentaliter pro eodem instanti,  
divitim potest esse naturaliter, & modo sibi  
connaturali, sed corpus Christi ante In-  
carnationem Verbi non potuit existere natu-  
raliter: igitur nec sacramentaliter.

*Distingo majorem:* Si res spectentur se-  
cundum præsentem dispositionem, concedo  
si ut fieri possent in præsentem hypo-  
thesi, nego. Fateor equidem, quòd nunc  
temporis corpus Christi non possit esse ali-  
cubi sacramentaliter, quin alibi modo con-  
naturali existat. Verùm in præfata hypo-  
thesi posset existere sacramentaliter absque  
eodòd alibi connaturaliter existeret, quia  
in Eucharistia haberet verum esse, & rea-  
le secundum entitatem, quamvis non ha-  
beret connaturalem modum existendi.

*Dices quarto:* Existencia Sacramentalis ita  
dependet à connaturali, ut hac pereunte  
illa pereat: quia Sacramentalis existencia  
tantum addit modum existendi supra cor-  
pus Christi existens modo naturali: igitur  
cum modus non possit subsistere sine re,  
cujus est, ita nec existere potest corpus  
Christi sacramentaliter, quin præexistat mo-  
do naturali, ac subinde non potest esse  
præsens sub speciebus Eucharisticis ante  
Incarnationem.

*Distingo:* Ita dependet rebus stantibus,  
& ordinatis, ut sunt à Deo de facto or-  
dinatæ, concedo: aliter de possibili ordina-  
dæ, nego: sicut enim ad delitionem sacra-  
mentalibus existentia, non definit existencia  
naturalis: ita nec posita hypothesi, ad de-  
litionem existentia naturalis, non esset ne-  
cessè, quòd Sacramentalis desineret, cum  
Deus unam ponere, & conservare possit  
independentem ab alia.

## CONCLUSIO TERTIA.

**P**robabile est, quòd Sacramentum Eucha-  
ristiæ fuisse institutum, etiam si Adamus  
non peccasset. Probatur, tum quia Deus non  
minis homines innocentes dilexit, quàm  
reos, & perduelles, ac subinde non mino-  
ra eis contrulisset beneficia: sed omnium  
præstantissimum est corpus Christi in Eu-  
charistia, est enim summa divini in nos  
amoris effusio, nec non & ultima divinæ dile-  
ctionis meta, ac subinde probabile est quòd  
in statu innocentia, hoc Sacramentum foret  
instituentum. Tum quia quòd maxime  
congrueret divinæ sapientiæ, & bonitati,  
verisimile est Deum esse facturum, sed Eu-  
charistiæ institutio Adamo non peccante  
talis esset, enimverò id deceret: *Primò*, ut  
cæteris individuis naturæ humanæ commu-  
nicaretur Incarnationis beneficium, Eucha-  
ristia namque, ait S. Chrysost. est veluti  
quædam Incarnationis extensio: *Secundò*,  
ut majoris sanctificationis, & gratiæ pleni-  
tudo in omnes, & singulos homines exun-  
daret, longè enim superior gratia confertur  
per hoc Sacramentum, quàm per quodecum-  
que aliud medium à Deo instituentum. *Tertio*,  
ut homines haberent dignum Deo offere-  
ndum iuge sacrificium, cum infiniti pretii  
victimam ei offerant in oblatione incruenta  
proprii Dei Filii, qua certè immolatione  
nulla potest esse Deo dignior, nec homi-  
nibus utilior.

Advertendum autem, quòd ea in hypo-  
thesi Eucharistiæ Sacramentum non foret  
in memoriam Passionis Christi, cum enim  
Christus D. in eo statu non foret morta-  
lis, nec moriturus, quia assumpsisset cor-  
pus impassibile, non potuisset aliquod Sa-  
cramentum institui in commemorationem  
mortis, quam non esset passurus.

## QUÆSTIO SECUNDA.

De Materia ex qua confici debeat Sacramentum  
Eucharistiæ.

**C**UM Eucharistiæ Sacramentum fuerit  
institutum ad spirituales animæ nutri-  
tionem, & refectiorem per modum eccle-  
sticis, & divini convivii, conveniens fuit  
duplici ex materia confici: altera panis,  
ex cuius consecratione, ac transubstantia-  
tione Christi D. corpus fit substantiali-  
ter,

ter, ac realiter præsens sub remanentibus speciebus confectis, altera vini, ex qua sanguis efficitur.

Porrò circa utramque variè errarunt hæretici, in primis enim Gnostici à Simone Mago exorti, & à Nicolao uno ex septem Diacanis confirmati, & adausti, horrendum in modum prolapsi sunt, quorum spurciloquia quoniam horret animus cogitare, satius duxi eorum deplorandas execrationes, ac abominationes ex S. Epiph. lib. I. adversus hæreses hæresi 26. n. 24. reficere, ubi sic de eis spurcissimis hominibus scribit : Cum salutandi, ac complectendi causa manum porrigunt, eam infra palmam contrectando, ac defricando leniter titillant, eoque signo ejusdem religionis hospitum esse demonstrant. Inde postea quam mutuò se agnoverint, ad convivium accinguntur. Quod ipsum tametsi pauperes sunt, ingenti epularum apparatu, vinoque & carnibus instructissimum præbent. Finiro convivio cum satietate venas distenderint ad libidinem proritant. Tum vir ab uxore discedens sic eam alloquitur; Surge, & fratri charitatem exhibe. Ita ad concubitum venit. Pudet me bona fide, quæ apud illos turpissimè perpetrantur, exponere, quemadmodum ait Apostolus; Quæ apud ipsos sunt, turpe est dicere. Verùm quæ illos facere nihil pudet, neque me pudebit eloqui, ut qui scdissima illorum flagitia audierunt, horrore quodam afficiantur. Etenim præacto stupro, subinde contumeliosè scelum vocibus appetentes, utriusque maris profluvium cavis manibus excipiunt, ac sublati sursum oculis scdum illud, & abominabile, manibus præterentes consistunt, ac preces concipiunt; Militares quidem & Gnostici ad universorum, ut ajunt, parentem, cui & quod manibus gestant offerunt, cum hoc solemni carmine. Hoc ribimonus, nimirum Christi corpus, offerimus, atque ita tum eo vescuntur, & impurissimas suas sordes degustant, itaque dicunt: Hoc est corpus Christi, & hoc est Pascha: Idcirco corpora nostra patiuntur, & Christi supplicia confiteri coguntur. Eodem modo quoties mulier menstruus fluxus parit, scdissimum illum sanguinem collectum una omnes absorbent. Atque hoc est, inquit, sanguis Christi.

Propterea in Apocryphis legunt: *Vidi*

*arborem duodecim fructus quotannis ferentem, & dixit mihi: Hoc est lignum vite.* Idipsum de mensuris mulierum profluvii interpretantur. Ceterum cum inter se venerem exerceant, liberos tamen suscipere prohibent. Non enim prolis studio, sed ut libidini suæ serviant, ei corruptelæ vacant. Ita miseris hominibus diabolus illud, & opus Dei fraudibus suis implicatum per ludibrium traducit. Proinde sic libidini satisfaciunt suæ, ut impurissimum semen in seipso recipiant, neque illud ad propagandam sobolem emittant, sed sua ipsi turpitudine pascant. Quòd si fortè quippiam excreti feminis immisionem antevertit & ex eo gravida facta sit mulier, audi quid demum flagitiosus aggrediantur. Nam informem adhuc særum ex utero detractum quocunque iis tempore visum, infantem, inquam, abortione projectum in mortuario pistillo tundunt. Cui ad vitandam naucaem mel ac piper cum aliis aromaribus, & unguentis admiscunt. Tum in unum collecto porcorum, ac canum sodalizio, unusquisque è comminuto infantuli corpusculo digito delibatur. Sic humanis carnibus pasci ad orandum Deum se se convertunt. Et cupiditatis, inquit, princeps nequaquam nobis illudit, sed quod exiderat fratri nostro collegimus. Atque id perfectum esse Pascha demum exsultant. Præter hæc alia insuper dira, atque execranda committunt. Cum enim rursus in se mutuò bacchari ac furere cœperint, resperis spurcissimi humoris profusione manibus consurgunt, atque ita scdatis gerentes toto corpore nudi comprobantur, ut ea re majorem sibi apud Deum fiduciam acquirant. Ita S. Epiphanius.

*Ophis*, sicut ait Augustinus hæresi 17. à colubro, seu serpente nominari, coluber enim, seu serpens Græcè dicitur *Ophis*, colubrum, qui decipit Adam, Evam, Christum arbitrantur; sed, & verum colubrum nutriunt, & venerantur, qui, & incantantes Sacerdote, egreditur de spelunca, & ascendit super Altare innixum speluncæ, & oblationes eorum lambit, & involvens se circa eas regreditur ad speluncam; & ita confingunt oblationes in Eucharistiam, quasi à serpente Christo, ut illi putant, sanctificatas. Hi videntur statuisse, hujusce serpentis

con-

contactum, ut quid pertinens ad proximam Eucharistiæ materiam.

*Artotyria*, ex S. Augustino hæresi 28. panem caesum offerunt in hoc Sacramento, dicentes à primis hominibus oblationes de frugibus terræ, & ovium fuisse celebratas; ideo dicti sunt à nomine, *artos*, idest panis, & caesus, à mixtura panis, & caefei. Valdeque existimare videtur Artotyritas noluisse caesum esse materiam corporis Christi in hoc Sacramento, quia Epiphanius hæresi 49. solum ait, eos ita dictos esse, quia suis in mysteriis panem, & caesum apponebant, quod non evincit, eos in Sacramenti materia statuisse caesum. Verum S. Augustinus ait, eos obtulisse panem, & caesum in hoc Sacramento; quod autem offeratur in eo, videtur esse materia. Deinde dicuntur hæretici, quod obtulerint caesum, at si non obtulissent, ut Eucharistiæ materiam, idem non essent hæretici.

His successerunt scelus turpitudine non minus infames *Catapryge*, à Phrygia, quam incolebant, nominati, qui aliam materiam pro Eucharistia assignabant, sin æquè impuram, certè magis feram. Nam, ut refert S. Augustinus, lib. de Hæresibus hæresi 26. Sacramenta fœcula habebant; infantis enim anniculi sanguine, quem de toto ejus corpore minutis punctuonum vulneribus extorquebant, quali Eucharistiæ suam conficiebant, admixta tamen farina, ut panem conficerent, puerum inde mortuum habebant pro Martyre, supersitem pro magno Sacerdote. Ortum duxit hic non tam hominum, quàm belluarum grex à Montano hæreticorum post hominum memoriam amen. tissimo, qui se Spiritum Paraclæum adjutricibus infans mulieribus Prisca, & Maximilla somnia inanissima pro veris Prophetiis venditantibus, commiscebatur, cum ne quidem sensu communi præditus esset. Istos hæreticos secuti sunt Pepusiani idem de sanguine infantium pro Eucharistiæ materia conficientes ut Hæresi 27. refert S. Augustinus.

Errant pariter *Aquarii*, qui, ut refert S. Augustinus hæresi 64. aquam dumtaxat in poculo Sacramentali habebant, abstinentes à vino: Unde *Encratitas*, seu abstinentes, referente Theodorico se nominabant: Ideo autem solum aquam adhibebant, quia, ut scribit S. Cyprianus epist. 63. timebant, ne fervente Decii persecutione, ex potati Sacramentalis vini odore prode-

rentur, in quo apparet eorum animi imbecillitas, quoniam sanguinem Christi bebant bibere, quomodo propter Christum sanguinem fudissent? Idem censuerunt Manichæi, qui vinum ut fel draconis, & veluti liquorem diabolicum execrabantur.

Ipsi è diametro adversati sunt Armeni quidam, contendentes vinum purum nulla prorsus aqua permixtum adhiberi debere ad consecrationem calicis, ut colligitur ex Canone 32. Synodi Quini sextæ, seu Trullani, ubi legitur; *Quoniam ad nostram cognitionem pervenit, quod in Armenorum regione vinum tantum in sacra mensa offerunt, aquam illi non miscerent, qui incruentum sacrificium peragunt, adducen- Ecclesie Doctorem Joannem Damascenum: hac dicentem in interpretatione Evangelii secundum Mattheum Familia 83. Quamobrem non aquam bibit, cum Surrexit, sed vinum.... Ut non ab hoc tempore posterum ignorantia teneantur, Patris sententiam orthodoxi aperimus: cum enim improba Hydroparastolarum, hoc est, eorum, qui aquam offerebant, antiqua hæresis esset, qui pro vino sola aqua in proprio sacrificio usi sunt, refellens, hoc divinus vir detestabilem ejusmodi hæresis doctrinam, & ostendens quod directè Apostolicæ Traditioni adversetur, quod & jam dictum est affirmavit; nam & in sua Ecclesia, ubi est illi pastoralis ministratio tradita, aquam vino miscendam tradidit, &c.*

Hunc errorem restaurare visus est Lutherus, lib. 1. contra regem Angliæ, ubi docet melius esse, si aqua vino non miscetur: cum hæc mixtio, inquit, sit merum signum humanum, pessimumque, & nihilnam habeat significationem.

Et accensendi sunt *Græci Recentiores*, qui quamvis panem, & vinum aqua permixtum pro legitima conficiendæ Eucharistiæ materia admittant, valde tamen exorbitant circa qualitatem panis, existimantes nullam fieri consecrationem, nisi fiat in pane fermentato; unde irritam censent Latinorum consecrationem in azimis. Qui omnes errores, ut proscribantur, tria hac in Sectione statuenda: *Primum*, quod panis, & vinum sit legitima materia conficiendæ Eucharistiæ: *Secundum*, quod panis ille potius debeat esse azimus, quàm fermentatus: *Tertium*, quod vinum in calice debeat misceri aqua, ut digna sit, ac legitima conficiendi Christi sanguinis materia.

## QUÆSTIO PRIMA.

*Quisnam panis, & quale vinum legitima  
sit materia conficiendi Christi D.  
corporis, & sanguinis.*

**N**otandum primò, ex Seraphico Doctore in 4. dist. 11. part. 2. art. 1. Sacramentum Eucharistiæ sapienti, ac iusta ordinatione confici ex speciebus panis, & vini: Siquidem Sacramentum istud, inquit, non solum continet corpus Christi verum, sed etiam connotat mysticum, ad ejus sanctificationem ordinatur, ac subinde conveniens fuit, ut hoc Sacramentum eis in rebus institueretur, quæ utrumque corpus repræsentarent, & experirent. Et quoniam, inquit, corpus mysticum est ex multis aggregatis in unum, talia elementa esse debuerunt, quæ ex multis aggregantur in unum, tale autem est panis, quia est ex multis granis puris, tale etiam est vinum, quod est ex multis racemis puris: ideo rectè unionem corporis Christi mystici signat. Corpus autem Christi verum continetur in hoc Sacramento ut cibus, quia propter hoc institutum est Sacramentum, non ut cibus qualiscumque, sed ut cibus conveniens, cibus efficax, cibus sanans, cibus omnibus communis: ideo debuit institui signum, quod quidem esset cibus habens istas proprietates. Cibus autem magis conveniens est panis de frumento, & vinum, & hujusmodi signum est, quod natura non generat ex frequentatione fastidium, quod non convenit de aliquo cibo. Est etiam efficax in confirmando, quia panis confortat, & vinum lætificat. Est etiam sanus, sicut dicit Isac in dietis, quia uterque ad sanitatem facit. Ulterius est cibus communis, & utilis, maxime inter Gentes rationabiliter viventes. Unde Damascenus: Confuetudo est hominibus manducare panem, & bibere vinum, ideo eo jugavit eis Dominus Divinitatem, & fecit ea corpus, & sanguinem suum, ut per hæc, quæ sunt secundum naturam consueta, in quibus vita conservatur, ad ea, quæ sunt supra naturam, anima transferretur.

Notandum secundò: Panem esse multiplicis speciei, maxime verò triplicis, ratione videlicet rerum, ex quibus conficitur: alius

enim fit vel ex fructibus arborum, ut castaneis, ficibus, amigdalis, nucibus, &c. necnon & radicibus, qualis est ille, qui fit in Insulis Americæ, vulgòque appellatur *cassave*: Alius ex leguminibus, putà ex fabis, &c. quæ in siliquis, aut tegminibus, vel foliolibus crassioribus nascuntur: Alius denique ex granis, quæ generali appellatione frumenta dicuntur: quamquam enim frumenti vox per antonomasiam triticum significet, tamen generaliter comprehendit omnia semina, quæ habent culmum, & spicas, quæve falce metuntur, sicque frumenti nomen genericum est ad triticum, hordeum, siliginem, avenam, &c. Quæritur ergo quinam ex eis panibus sit materia necessaria non solum necessitate præcepti, sed etiam Sacramenti, itaut irritum foret Sacramentum, si in alia materia conficeretur.

Notandum tertio: Vini etiam multiplicem esse speciem; aliud enim est, quod exprimitur ex arborum fructibus, quale est vinum malorum granatorum, vel pomorum, aut mororum; aliud verò vinum de vite, seu vitigineum, quod per excellentiam, & antonomasiam *vinum* appellatur. Quæritur itaque quale debeat esse vinum, ut censetur apta, & idonea materia hujus Sacramenti.

## CONCLUSIO PRIMA.

**P**anis, & vinum sunt materia necessaria conficiendæ Eucharistiæ. Hæc est de fide; ea siquidem est Eucharistiæ conficiendæ materia necessaria, quam Christus D. usurpavit, & quam servandam Apostolis, & eorum Successoribus tradidit, sed hæc sunt panis, & vinum: panis quidem, nam Matth. 26. Marci 14. & Lucæ 22. ac 1. Cor. 11. legimus, quod Jesus accepit panem, benedixit, fregit, deditque Discipulis, dicens: *Accipite, & manducate, hoc est corpus meum*: Vinum pariter, licet enim Evangelistæ recitando institutionem, dicant tantum Christum D. accepisse calicem; attamen Matthæus, & Marcus statim interpretantur, calicem istum fuisse calicem vini: subiiciunt enim, Christum statim dixisse: *Nam bibam amodò de hoc genimine vitis, donec bibam illud*, &c.

Nec obstat, quòd S. Lucas videatur fecisse mentionem duplicis calicis, communis scilicet, & sacri, atque innuere prædicta verba potius de calice communi esse intelligenda,



Ha, quam de sacro, cum illa refert à Christo dicta, ante consecrationem panis. Non, inquam, id obstat, quia S. Augustinus lib. 3. de consensu Evangelistarum c. 2. docet, unum eundemque calicem à S. Luca bis memoratum: semel quidem præoccupando, iterum autem post panis consecrationem: Eaque constans est, ac firma Ecclesie traditio, ut constet

Primum quidem ex Concilio Apostolorum can. 3. ubi decernitur: *Si quis Episcopus, aut Presbyter, præter ordinationem Domini, alia quædam in sacrificio offerat super Altare, id est, aut mel, aut lac, aut pro vino siccetram, aut confecta quædam, aut volatilia, aut animalia aliqua, aut legumina, contra constitutionem Domini faciens, congruo tempore deponatur.*

Idem decernit Concilium Braccarense cap. 54. *Non oportet, inquit, aliud in Sacramento offerri præter panem, vinum, & aquam, quæ in ipso Christi benedicuntur, quia cum in cruce penetrat, de corpore ejus sanguis fluxit, & aqua hæc tria unum sunt in Christo Jesu: hæc hostia, & oblatio Dei in odorem suavitatis.* Similiter Carthaginense Tertium cap. 24. *In Sacramento corporis, & sanguinis Domini, inquit, nihil amplius offeratur, quam quod ipse Dominus tradidit, hoc est panis, & vinum aquæ immixtum.* Idem ex Triburiensi cap. 19. *Constituimus, & confirmamus, ne ullus sine commixtione vini, & aquæ sacra mysteria conficiat, sed ut dua partes sint vini, quia major est majestas sanguinis Christi, quàm fragilitas populi.* Idem tradunt Concilia Florentinum in Decreto Eugenii, & Trident. sess. 13. cap. 3.

Ratio hujus institutionis, & ordinationis, non alia est, quam Christi D. instituentis voluntas: congruentiæ autem hujus plurimæ sunt, maxime verò quatuor, quas sic egregè expendit Catechismus Romanus de Eucharistia num. 19. Primum enim, inquit, panis, & vini symbola Christum nobis significant, ut vera est hominum vita: ipse enim Dominus ait: *Caro mea verè est cibus, & sanguis meus verè est potus.* Cum igitur corpus Christi D. vitæ æternæ alimentum illis præbeat, qui ejus Sacramentum purè, & sanctè suscipiunt, rectè iis potissimum rebus conficitur, quibus hæc una continetur, ut fideles faciliè possint intelligere, pretiosi corporis, & sanguinis Christi communionem mentem, animumque saturari. Nonnihil etiam

hæc ipsa elementa ad id valent, ut eam cognitionem accipiant homines esse in Sacramento corporis, & sanguinis Domini veritatem. Nam cum panem, & vinum in humanam carnem, & sanguinem vi naturæ quotidie immutari animadvertamus, facilius adduci possumus hac similitudine, ut credamus panis, & vini substantiam in veram Christi carnem, verumque ejus sanguinem cœlesti benedictione converti. Affert etiam aliquid adjumenti hæc elementorum mutatio ad adumbrandum quod fit in anima. Ut enim, etsi nulla extrinsecus panis, & vini mutatio apparet, tamen eorum substantia in carnem, & sanguinem Christi verè transiit: ita etiam tametsi in nobis nihil immutatum videtur, interiori tamen ad vitam Eucharistiz Sacramenta accipimus. Accedit ad hæc, quòd cum unum Ecclesie corpus ex multis membris compositum sit, nulla re magis elucet ea conjunctio, quam panis, viniq; elementis. Panis enim ex multis granis conficitur, & vinum ex multitudine racemorum existit, atque ita nos, cum multi simus, hujus divini mysterii vinculo arctissime colligari, & tanquam unum corpus effici declarant. Ita Catechismus.

Quibus denotat congruum fuisse panem, & vinum in Eucharistiz sacramento materiam adhiberi, quadruplici de causa; videlicet, quia panis, & vinum sunt materia conveniens admodum usui, significationi, & effectui Eucharistiz, cum respectu cujusque sumentium, tum respectu totius Ecclesie. Usui quidem, qui est manducatio, habetur enim communis; nam, ut aqua sumitur in Baptismo ad usum spiritualis ablutionis, quia corporalis ablutio communiter in aqua fit: ita panis, & vinum, quibus homines communiter efficiuntur, in Eucharistia sumuntur ad usum manducationis spiritualis, instituta quippe sunt, ut spirituale convivium: at in convivio perfecto præcipuus est usus panis, & vini. Significationi, quæ est Christi Passio: hanc enim imitantur expressius: nam, ut in Passione Christi sanguis à corpore separatus est, ita hoc in Sacramento, quod est ejus memoriale, scorsim accipitur panis, ut Sacramentum corporis, vi verborum ita confectum, & vinum ut Sacramentum sanguinis, aliorum etiam verborum vi consecratum: Unde Christi

fit corpus ut passum, & affixum cruci representatur per panem, Hierem. 11. *Mutamus lignum in panem ejus*, idest, crucem in corpusejus; ex Hieronymo in Hieremiam, & Tertulliano contra Judæos, cap. 11. & 4. contra Marcionem cap. 19. nam ut panis fit ex granis, quæ magno labore metuntur in agro, teruntur in area, commoliuntur in piltrino, tum in clibano coquitur: ita Christi corpus attritum labore, & tribulatione incredibili, tum & afflictionis igne percoctum est. Vinum autem exprimit sanguinem effusum in Passione, Genesis 49. *Lavabit in vino stolam suam, & in sanguine uos pallium suum*, idest, in proprio cruore suam humanitatem. Hinc Isaia 64. Christus dicitur calcasse torcular, & expressisse vinum ex uva, quia sicut vinum ex uvis in torculari calcatis, & expressis prælo fluit, ita Christi sanguis laborum, & cruciatuum vi fluxit ex ejus corpore.

Denique respondent, *Effedui* spectato in unoquoque sementium, operatur enim efficacius, quia panis sustentat, & reficit, vinum excitat, & animat, Psalmo 103. *Panis cor hominis confirmet; Vinum letificet cor hominis*. Unde Ezechielis 4. panis vocatur baculus, & alibi *robur*; & vinum *hominum letitia*, quia pane ut baculo innitimur; ideo minatur Deus fe populo baculum, & robur panis crepturum: at ex Commentario 1. Corinth. apud Ambrosium cap. 11. hoc Sacramentum valet ad tuitionem animæ, & corporis, ideo corpus Christi sub specie panis pro salute corporis; sanguis verò sub specie vini pro salute animæ offertur, quia Levit. 17. *Anima carnis in sanguine est*.

*Respondent* etiam, *Effedui* respectu totius Ecclesiæ; liquidum integrantur aptius, & uniuntur arctius, Ecclesia quippe constituitur è diversis fidelibus, ut panis fit è pluribus granis, & vinum è multiplicibus uvis, & acinis, 1. Cor. 10. *Multis unum corpus sumus*, &c.

*Dices* 1. Omne quod representat spiritualement alimoniam, est legitima, & sufficiens Eucharistiæ materia, quia cujuscumque Sacramenti materia judicari debet ex intentione Christi; porro intentio Christi, cum instituit Eucharistiæ, fuit exhibere, seu representare spiritualement alimoniam, & sui corporis, ac sanguinis communicationem per elementa, seu signa communis, & usitati potus, & cibi: sed ubi panis, & vinum

non reperiuntur, alia, quæ substituantur eorum loco, communem in cibum, & potum, representant alimoniam spiritualement, & Dominici corporis, & sanguinis communicationem, ut carnes, pulmenta, cervisia, & similia; ergo hæc sunt sufficiens, & legitima Eucharistiæ materia.

*Distingue majorem*: Quod representat ex institutione Christi, concedo: ex aliqua solim congruitate, convenientia, vel idoneitate, nego: Duplex enim est hominum cibus, & potus, unus qualiscumque, quohomines utcumque vescuntur, & aluntur, & quo citra singulare, perfectum, exquisitumve convivium utuntur, esto satis ordinariè quibusdam in locis ratione caritatis ciborum, sterilitatis regionum, & paupertatis incolarum, & ejusmodi, sint radices aliarum, castaneæ, & similia bene multa, quibus utuntur pro pane nonnulli. Alter exquisitus, quo solent homines uti, quando perfectum, lautum, & singulare convivium celebrant, & ejusmodi sunt panis, & vinum; panis quidem, in Scriptura quippe manducare panem, est refectionem fumere, Matth. 15. *Non lavant manus suas, cum panem manducant*. Aut epulari, seu convivari, Lucæ 14. *Cum intrasset Jesus domum cujusdam Principis Pharisæorum Sabato manducare panem*, idest, epulari, quare quempiam invitare ut manducet panem, idem est, ac illum ad convivium hortari; Sapientia quippe Proverb. 9. sic ad suum invitat convivium: *Venite, comedite panem meum*: vinum autem, ut habet adagium, est anima convivii; quare Sapientia ad suum convivium ita hortatur, *Et bibite vinum, quod miscui vobis*. Christus autem instituit Eucharistiæ, ut convivium exquisitum, & omnino perfectum, Isaia 25. *Facies Dominus exercituum omnibus populus in monte hoc convivium pinguium, convivium vindemiarum, convivium pinguium medullatorum, vindemia defæcate*; vel, ut habent Septuaginta, *Facies convivium omnibus Gentibus super montem istum*; bibent letitiam, seu bibent in letitia, bibent vinum, unguentum unguento. Quod Eusebius 1. de demonstratione Evangelica cap. 10. tribuit Eucharistiæ: quare Christus in Eucharistiæ materiam instituit panem, & vinum nec aliquid aliud eorum loco substitui potest.

*Dices secundò*: Sacramentum Eucharistiæ ubique Gentium debet celebrari, juxta illud Malachia 1. *Ab ortu Solis ad occasum magnum est nomen meum in Gentibus, & in omni loco*

facta

*sacrificatur, & offertur nomini meo oblatione munda.* Sed plurima sunt loca, in quibus nec vinum nec panis propriè dictus possunt reperi, imò etiam nec deferri, aut in eis conservari: igitur dicendum est, Christum D. instituisse Eucharistiæ in pane, & vino dumtaxat analogicè sumptis, putà panem verum, & verum vinum, ubi possent haberi: qualemcumque verò cibum, & potum, qui panis, & vini vices gererent, ubi panis, & vinum haberi non possent. Major constat. Minor probatur: primò quidem quantum ad panem; quia plures Americæ populi non alio pane vescuntur, quàm è radicibus plantarum confecto, quantum autem ad vinum, asserit Vولاتerranus in Geographia, quòd in Norvergiam, ob imensa frigora vinum deportatum non possit conservari, sed citò acescat. Unde Innocentii VIII. concessione asserit permisisse fuisse, sine vino calicem sacrificare: igitur, &c.

*Nego minorem:* Quamvis enim triticum, & vinum in omnibus mundi plagis non nascantur, tamen in omnes possunt deportari, maxime quantum ad usum Eucharistiæ, ut experientia in dies demonstrat: unde narratio Vولاتerrani tota videtur fictitia. Primò, quia nullum extat concessio- nis illius instrumentum; si autem ea foret vera, fieri non posset, ut in re tam inusitata, tantique momenti aliquid non extaret ejusmodi monumentum: Secundò, falsa est hujus concessionis ratio: tantum enim abest, ut vinum acescat in Norvegia, imò ibi tam accommodatum potu reperitur, ut in ea regione Laici nolint communicare, nisi sub utraque specie.

*Dices tertio:* Illa confensio est legitima materia conficiendæ Eucharistiæ, quæ offerri consueverat à fidelibus ad Altare: sic nectum panem, & vinum, sed etiam alia plurima offerre consueverant, putà lac, uvas, oleum, spicas, mel, &c. igitur ex iis poterat confici Eucharistia.

*Distingua majorem:* Quod offerebatur ad consecrationem, concedo: quod offerebatur in gratiarum actionem, aut ad Religionis exercitium, & Clericorum victum ac sustentationem, nego: Fateor equidem, quòd antiquitus fideles offerre solerent ad Altare, instante tempore consecrationis, oleum, lac mel, &c. ut colligitur ex prædicto, cap. 24. Concilii tertii Carthaginensis; nam post laudata verba subiicit: *Primitiæ verò, seu mel, seu lac, seu alia, quæ solent offerri, quamvis*

*in Altari, tamen habent propriam benedictionem, & à divinis Sacramentis distinctionem.* Verum hæc non offerebantur in oblationem sed in gratiarum actionem, ut constat ex Can. 3. Apostolorum; unde Can. 4. subditur. *Offerre non licet aliquid ad Altare præter novas spicas, & uvas, & oleum ad luminaria, & thymiama, id est, incensum, tempore quo sancta celebrantur.* Et Can. 5. *Reliqua poma omnia ad domum Primitiæ Episcopo, & Presbyteris dirigantur, non offerantur in Altari.*

Hoc ipsum luculenter explicat Concilium Vvormaciense, c.4. ubi ait: Cum omne crimen, atque peccatum oblati Deo sacrificiis deleatur, quid de cætero pro delictorum expiatione Domino dabitur, quando in ipsa sacrificii oblatione erratur? Audimus enim quosdam schismatica ambitione detentos, contra divinos Ordines, & Apostolicas institutiones lac pro vino in divinis sacrificiis dedicare: Alios quoque intinctam Eucharistiæ populis pro complemento Communionis porrigere: Quosdam etiam expressum vinum in Sacramento dominici calicis offerre: alios verò pannum lineum, multo intinctum per totum annum reservare, & in tempore sacrificii partem ejus aqua lavare, & sic offerre. Quod quàm sit Evangelicæ, & Apostolicæ doctrinæ contrarium, & consuetudini Ecclesiasticæ adversum, non difficile ab ipso fonte veritatis probabitur, à quo ordinata ipsa Sacramentorum mysteria processerunt. Cum enim Magister veritatis verum salutis nostræ sacrificium suis commendaret Discipulis, non illis lac, sed panem tantum, & calicem sub hoc Sacramento cognovimus dedisse; legitur enim in Evangelicæ veritate: Accipit Jesus panem, & calicem, & benedicens dedit Discipulis suis. Cesset ergo lac sacrificando offerri, quia manifestum, & evidens Evangelicæ veritatis exemplum, illuxit quòd præter panem, & vinum, aliud offerri non licet.

Idem decernit Concilium Baraccharensetertium c.10. ubi ait: *Audimus quosdam schismatica ambitione detentos contra divinas, & Apostolicas institutiones, mel, & lac pro vino in divinis sacrificiis. . . . Quod quàm sit Evangelicæ atque Apostolicæ doctrinæ contrarium, & consuetudini Ecclesiasticæ adversum, non difficile ab ipso fonte veritatis probatum,*

basum, à quo ordinata ipsa Sacramentorum mysteria processerunt; ait enim Evangelista: Accipit Iesus panem, & calicemq; &c. Cesset ergo lac in sacrificio offerri, quia perveniens exemplum ad Altare mel, & lac afferre non licet. Et ex Althodorenſi Canone 8. Non licet in Altario in sacrificio divino mellitum (quod mustum appellatur) vel ullum aliud poculum extra vinum cum aqua mixtum: quia ad grandem reatum, & peccatum pertinent Presbytero illi, quicumque aliud poculum extra vinum in consecratione sanguinis Christi offerre præsumperit. Ex Matificonenſi secundo, Can. 4. Statuimus, ut omnibus Dominicis diebus altaris oblatio ab omnibus viris, & mulieribus offeratur, tam panis, quam vini. Ex Lateranenſi, cap. firmiter: Christi corpus, & sanguis in Sacramento Altaris, sub speciebus panis, & vini veraciter continentur, transubstantiatis pane in corpus, & vino in sanguinem. Idem habent posteriora Concilia suprà à nobis laudata.

## CONCLUSIO SECUNDA.

**M**ateria conficiendi Christi D. corporis, debet esse necessariò panis triticeus aqua naturali coalescens, & igne decoctus. Hæc conclusio tribus partibus constat, quarum prima est apud omnes Catholicos, & expressè colligitur ex Concilio Florentino. Tum sess. ult. ubi interrogati Græci à summo Pontifice de materia Eucharistiæ conficiendæ, respondent his verbis: *De pane, sive azimo, sive fermentatus fuerit, Græci non curant, dummodo ex tritico constet.* Tum ex litteris unionis, in quibus definitur: *In azimo, sive fermentato pane tritico corpus Christi veraciter conficitur:* Tum denique ex decreto unionis pro instructione Armenorum, ubi legitur: *Tertium est Eucharistiæ Sacramentum, cujus materia est panis triticeus, & vinum de vite.*

Nec valet reponere, Concilium Florentinum verbis illis significasse solum panem triticeum esse de necessitate præcepti, non verò de necessitate Sacramenti: Non valet, inquam, quia de aqua naturali, quæ à Conciliis Trident. & Florent. eodem modo definitur esse materia Baptismi, dici non potest, quòd sit solum necessaria necessitate præcepti, & non Sacramenti: Tum, quia eo modo definitur ibi panis triticeus esse materia necessaria conficiendi corporis quo

vinum de vite, consecrandi sanguinis: sed hoc est materia necessaria simpliciter, non solum ratione præcepti, sed etiam Sacramenti: ergo & ille: Tum, quia hæc censetur Apostolica Traditio, quam Ecclesiæ auctoritas firmavit, ut docet Catechismus Romanus, num. 13. Tum denique quia panis ille dicitur materia hujus Sacramenti à quo Eucharistia dicitur panis, & sub quo fuit prænuntiata: at is est triticeus: Nam Psalm. 147. *Adipe frumenti satiat te.* Osee 14. *Vros tritico.* Quos textus de Eucharistia omnes Patres, & Doctores interpretantur.

Dices primò: Concilia, & Patres dum de materia Eucharistiæ conficiendæ loquuntur, sæpè dicunt esse panem ex frumento; sed teste S. Ildoro lib. 17. ethymolog. cap. 3. & Plinio lib. 18. historia cap. 7. & Varrone de re rustica c. 48. frumentum est genus ad omnem speciem grani quod habet aristas: ergo, &c.

Distinguo minorem, apud profanos, transeat; apud sacros Auctores, & juxta Scripturæ modum loquendi, nego. Siquidem Deuteronomii 7. Hierem. 41. Ezech. 4. Joel. 1. Frumentum distinguitur ab hordeo, milio, & aliis granis: Ergo non est genus ad illa, sed pro tritico usurpatur; ut evidenter constat ex his verbis 46. Genes. Joseph iussit ministris, ut implerent saccos eorum tritico, & illi portantes frumenta in afinis suis profecti sunt.

Dices secundò: Quodlibet vinum de vite sufficit ad consecrationem calicis, sive interum sit album, sive rubrum. Ergo & quilibet panis.

Nego consequentiam: Siquidem unum vinum ab alio tantum differt accidentaliter, hoc est, vel ratione caloris, saporis, aut majoris vel minoris virtutis: Panis autem ex diversis specie granis diversus est specie: Ergo sicut quilibet aqua non sufficit ad Baptismum, ita nec quilibet panis ad Eucharistiam.

Urget: Ex quolibet pane fit eadem nutritio corporea, & idem sanguis: Ergo ex quolibet etiam fieri potest corpus Christi in animæ cibum. Nego paritatem, aliàs sequeretur quodlibet edulium, sive fructus, sive herbæ, &c. posse consecrari, ex iis enim fit idem sanguis, & eadem nutritio.

Dices tertio. Conficiendæ Eucharistiæ materia est panis usualis, & communis, ut omnes fatentur; sed tali non idem est in omni-

omnibus Provinciis, in pluribus namque (ut diximus supra) triticum non repetitur, ut apud plures Americæ Provincias, &c.

*Concedo maiorem, & minorem distinguo.* Non idem est per accidens, concedo: per se, nego: statim namque ac triticum ferece, & metere norunt, cum cuilibet pani omnes præferunt: indicium est ergo hunc panem per se esse usulem, & communem.

Nec reor Evangelium alicubi prædicari, quin pariter divina providentia ibidem triticum suppedit, ut in tali regione hoc adorandum Sacramentum possit confici. Quare, si in aliquibus Regionibus non repetitur triticum, vel ibi deportari debet, ut habeatur materia necessaria conficiendæ Eucharistiæ, quemadmodum ex India, & aliis partibus Orientalibus asportatur balsamum in plagas Occidentales, & Septentrionales pro conficiendo Chrismate, vel certè abstinendum erit à consecratione, maxime cum realis Eucharistiæ sumptio non sit necessaria necessitate mediæ, sed tantum præcepti.

*Probatur secunda pars,* nempe quòd panis ille confici debeat ex aqua naturali. Tum quia panis usualis est necessaria huius Sacramenti materia, sed panis quo solent uti homines ex aqua naturali coalescit. Tum quia farina compacta ex butyro, oleo, &c. non habet rationem panis, sed placentæ, aut tortæ.

Nec refert quòd humor ille possit absorberi, & in speciem panis absumi, quia sive absumatur, sive substantialiter remaneat, semper fieri debet mixtio; hæc autem usualiter fit ex aqua naturali. *Insuper* triticum non remanet in substantia panis, nihilominus necessariò requiritur: ergo licet aqua absumatur, nihilominus est necessaria. Nec etiam obstat, quòd panis ex aqua rosacea confectus forè non differat specie physica ab eo, qui conficitur ex aqua naturali, quippe cum potissima substantia illius mixti, scilicet farina, quæ ejusdem rationis est in utroque. Non obstat, inquam, sufficit enim, quòd differat specie morali, quemadmodum panis ex amydo confectus non confectur materia sufficiens consecrationis, sive specie distinguatur, sive non, quia non est panis usualis.

*Probatur denique tertia pars,* nempe quòd panis debeat igne decoqui. Tum quia tali pane Christus est usus, ergo & nos debemus uti. Tum quia pasta non est panis, nec ci-

*Frasen Theol. Tom. XI.*

bus aut alimentum hominum: ergo nec potest esse signum alimenti spiritualis. An autem panis, & pasta specie differant, non arbitratur Doctor, quippe cum per decoctionem pastæ in furno, vel alio modo, sit solum exhalatio aquei humoris commixti cum partibus farinæ, talis autem mixtio fit per intrapositionem, ergo separatio non mutat speciem, verum esto pasta tantum accidentaliter differat à Massa cocta panis, non potest tamen esse legitima materia consecrandæ Eucharistiæ, quia non est panis usualis, & ad nutritionem hominis ordinata, quem utique panem Christus D. ad consecrationem usurpavit, quæ etiam ratione neque massa frixa, neque elixa, est sufficiens materia consecrationis, quia non est simpliciter panis communis, & usualis.

### CONCLUSIO TERTIA.

**M**ateria conficiendi Christi D. sanguinis; debet esse vinum vitigineum. Hæc conclusio constat ex præcedentibus, in quibus declaratum est, tum ex Scriptura, tum ex Conciliis, maxime verò ab exemplo Christi D. qui peracta hujusmodi Sacramenti institutione, dixit Matth. 26. *Non bibam amodo de hoc gemmine vitis*, ubi *ly* hoc designat materiam, quæ erat in illo calice: ergo etiam vinum de vite. Secundo, quia solum vinum de vite propriè, & simpliciter dicitur vinum, sicut solum oleum de oliva, propriè & simpliciter vocatur oleum: Tertiò, quia vinum vitis magis convenit effectui hujus Sacramenti, quia est spiritualis læticia, de illo enim dicitur Psalm. 103. *Vinum lætificat cor hominis*. Cum autem vitigineum possit considerari sex modis; *Primo*, quatenus exprimitur de uvis non maturis, quomodo dicitur *agresta*, seu omphacium; *Secundo*, quatenus adhuc continetur in uvis jam maturis non expressum, & dicitur *batrus*, seu racemus: *Tertiò*, quatenus est recter expressum, habetque multas adhuc fæces admixtas, & dicitur *mustum*; *Quarto*, quatenus est defæcatum, & dicitur *defrutum*; *Quinto*, quatenus est congelatum; *Sextò*, quatenus est acetosum. *Deßium* autem est in quoniam horum valida fiat consecratio, quod ut innosceat.

*Dico primo*, nullam esse consecrationem in *agresta*: Tum, quia id decernitur in Missali Romano in defectibus Missæ ex parte materiæ: Tum, quia non minus à vino

D

spe.

specie discrepat, quàm sanguis à carne; diversas enim à vino habet qualitates, siquidem illud digestum est, hoc indigestum; illud odoriferum habet liquorem, hoc penitus nullum, illud virtutem habet calefaciendi, hoc frigefaciendi.

Idem dicendum de *botro*; Tum, quia vinum non est sufficienter Sacerdoti præsens, cum illud neque tactu, neque odoratu percipiat: Tum, quia quamdiu liquor est in uva, magis habet rationem comestibilis, quàm bibilis, non enim dicimur bibisse, sed manducasse uvas, & racemos, ac proinde non est aptus ad significandum effectum spiritualem hujus partis Sacramenti, quæ est spiritualis animæ potus. Insuper sicut materia conficiendi corporis, est simpliciter efus, & res manducabilis, ita à pari materia conficiendi sanguinis debet esse simpliciter potus, seu res potabilis. Si tamen concederetur, vinum substantialiter, & formaliter in uvis contineri: (quod plerique non immeritò negant, quippe cum eadem sit ratio vini in uva, ac olei in olea, oleum autem non est formaliter in olea, cum sit tantum subilior pars mixti, quæ per compressionem exprimitur) non viderem cur sic contentum, & inclusum vinum, non esset sufficiens consecrationis materia, nam licet ejus accidentia non apparent per se, sed tantum ratione vasis includentis, quid inde? quippe cum vinum in dolio reclusum possit consecrari, licet per sola dolii accidentia innotescat; habet pariter ab intrinseco rationem potabilis, & potus, quæ tantum per accidens impeditur, ratione scilicet uvæ includentis, & tam bene pronomen *hic* illud demonstrabit, ac demonstrat in calice, & in dolio. Verùm hæc esset contra praxim.

Dices *tertiò*, mustum validè consecrari: Tum quia habet rationem potus, etque per se, & immediatè præsens consecranti. Tum denique quia id edocet Innocentius lib. 4. de sacrificio Mislæ, cap. 30. Licet, inquit, diligenti studio optimum vinum sit querendum, ut sacrificium offeratur, vitium tamen vini non maculas munditiæ sacramenti; quæ circa fros vinum novum quod dicitur mustum, fros vinum acidum quod appellatur acetum, in sacrificium offerantur, Sacramentum conficitur, & divinus consecratur. Idem definit Julius Papa Epistol. ad Episcopos Ægypti, ejusque definitionem approbavit, ac innovavit Concilium Braccarense III.

cap. 1. ubi legitimam conficiendi Christi corporis, & sanguinis materiam aperiens, hæc habet. *Nam quod de expresse botro, idest, de uvæ granis populus communicatur, valdè est omnino confusum, sed si necesse sit, bonus in calice comprimitur, & aqua misceatur, quia juxta canonem calix Dominicus vino, & aqua permixtus debet offerri, &c.* quæ habentur de consecrat. dist. 2. cap. 7.

Dices *quartò*, Acetum esse ad consecrationem insufficiens: Tum quia, non habet rationem potus: Tum quia specie differt à vino, ut constat, tum ex diversis utriusque effectibus, tum auctoritate Aristot. 8. Meteor. cap. 14. ubi acetum comparat cadaveri, ita quòd sicut cadaver, ut volunt aliqui, discrepat substantialiter à corpore vivo, ita acetum à vino, & Galenus in Commentario Aphorism. confert vini corruptionem per acetum, corruptionis sanguinis, ita quòd sicut corruptus sanguis nulla vi primam potest recipere formam, ita nec corruptum vinum primum in statum potest restitui. Unde cum Innocentius suprâ dixit, acetum posse consecrari, intelligendus est non de aceto formaliter, sed de vino accedente, sic pariter intelligendus venit Isidorus lib. 20. Ethymol. cap. 3. ubi acetum inter species vini recenset.

Ex his apertè refellitur Aquliariorum insulsum dogma, quod etiam egregiè explodit ac refellit S. Cyprianus epist. 63. ad Cecilium: 1. quidem ex factò Christi. Admonitus, inquit, autem non scias, ut in calice offerendo Dominica traditio servetur, nec aliud fiat à nobis, quàm quod pro nobis Dominus prior fecit, ut calix qui in commemorationem ejus offertur: mixtus vino offeratur.

2. Ex figuris, & prophetiis Sacramentum hoc in vino offerendum præsignantibus, quarum plures refert, præsertim oblationem Melchisedech in pane, & vino. Nam, inquit, quis magis Sacerdos Dei summi, quàm Dominus noster Jeshu Christus, qui sacrificium Deo Patri obtulit, & idem obtulit, quod Melchisedech obtulerat, panem, & vinum, suum scilicet corpus, & sanguinem. Plures pariter citat Prophetias. Prov. 9. Sapientia edificavit sibi domum, miscuit vinum. Genes. 49. Lavabit in vino stolam suam, & in sanguine uvæ, &c. Quibus subdit. Numquid rubicunda vestimenta aqua potest facere, aut in torculari aqua est, quæ pedibus calcatur, aut prelo exprimitur? Vini utique mentio est, & ideo ponitur, ut Domini sanguis vino intelligatur,

gatur, & quod in calice Dominico postea manifestatum est Propheetis, ut ab annuntiantibus prædicaretur.

3. Ex mystica vini significatione, & effectu, quorum præcipuos assignat his verbis: *Epoto sanguine Domini, & poculo saluari exprimitur memoria veteris hominis, & fit obliuio conversationis pristinae secularis, & messum pedus ac istis quod prius peccatis arguentibus premebatur, divina indulgentia letitia resalvatur.*

Post hæc in eos invehitur, qui mane aquam, vespere autem vinum in sacrificio adhibebant. Ea enim quarundam Ecclesiarum vetus fuit consuetudo, ut aliquæ bis in die, semel mane, & semel Vespere sacrificium offerrent, ut ibidem indicat Cyprianus; his verbis, *Cum illa sibi contemplatione aliquis blanditur, quod etsi mane sola offerri videatur, tamen cum ad canendum venimus, mixtum calicem offerimus.*

Quam utique consuetudinem ibidem redarguit, ex eo, quod etsi Christus D. mixtum calicem post cenam Eucharistiam celebrare non debemus. *Christum, inquit, offerre oportebat circa vespem diei, ut bora ipsa sacrificii ostenderet casum, & vespem mundi, sicut in Exodo scriptum est. Et occidit illum omne vulgus filiorum Israel ad vespem. Et iterum in Psalmis: Allevatio manuum mearum sacrificium est vespertinum: nos autem Resurrectionem mane celebremus. Et quia Passionis ejus mentionem in sacrificiis omnibus facimus (Passio enim est Domini sacrificium, quod offerimus) nihil aliud quam quod ille fecit facere debemus, &c.* Quibus verbis S. Cyprianus profert rationes, quare Christus D. vespere celebraverit, nos autem mane, nempe Christus in memoriam Passionis suæ, quæ fieri debebat ad vespem, ut sacrificium vespertinum, ideo celebrare voluit ad vespem, nos autem Resurrectioni Domini matutino tempore recolentes, etiam mane celebramus.

Verum hæ rationes non ita fuerunt efficaces, ut omnes Ecclesias in eandem sententiam pellicerent, constat enim consuetudinem diu viguisse in Ecclesiis quibusdam, ut Eucharistia consecraretur, & sumeretur etiam post vespem, ut colligere licet ex Concilio tertio Carthaginensi celebrato anno 397. in eo namque can. 29. legimus. *Ut sacramenta, non nisi à sejunis hominibus celebrentur, excepto uno die anniversario, quo cœna Domini celebratur.* Quam utique consue-

tudinem celebrandi post cenam die Jovis majoris Hebdomadæ, suo adhuc tempore viguisse testatur S. Augustinus epistol. 118. ubi ad Januarium requirentem, an feria 5. ultimæ Hebdomadæ Quadragesimæ offerendum esset mane, & rursus post cenam. *Ad hæc (inquit S. Augustinus,) ita respondeo, ut quid bonum sit faciendum, sit divina Scriptura præscribat auctoritas non sit dubitandum, quin ita facere debeamus, ut legimus, ut jam non quomodo faciendum, sed quomodo Sacramentum intelligendum sit, disputemus. Similiter etiam si quid bonum tota per orbem frequentat Ecclesia. Nam & binc quin ita faciendum sit, disputare, insolentissima insania est. Sed neque hoc, neque illud inest in eo, quod tu quaeris. Restat igitur, ut de illo tertio genere sit, quod per loca, regionesque variatur. Faciat ergo quisque quod in ea Ecclesia, in quam venit, invenerit. Quibus aperte significat S. Augustinus, eam consuetudinem bis celebrandi Feria 5. majoris Hebdomadæ suo adhuc tempore vigere apud quasdam Ecclesias, quam utique abrogavit Honorius III.*

Cum autem Aquarii hunc errorem invexissent in Ecclesias, ne ad sacram Synaxim horis matutinis accedentes, & sumentes Christi D. sanguinem sub speciebus vini in suis coetibus antelucanis, postmodum deprehendi, & accusari possent ut Christiani, ut, inquam, hanc persecutionis ansam declinarent, censuerunt matutinis horis posse offerri solam aquam, vespertinis verò calicem vini aqua permixti, quos in eadem epistola sic carpit S. Cyprianus: *Ceterum, inquit, omnis Religio, & veritatis disciplina subvertitur, nisi id quod spiritualiter præcipitur, & fideliter reservetur, nisi si in sacrificiis matutinis hoc quis videret, ne per saporis vini redoleat sanguinem Christi. Si ergo incipio, & à Passione Christi in persecutionibus fraternitas retardari, dum in ebullitionibus discitis de sanguine ejus, & cruore confundi. Porro autem Dominus in Evangelio dicit, Qui confusus me fueris, confundes eum Filius hominis. Et Apostolus quoque loquitur, dicens: Si hominibus placerem, Christi servus non essem. Quomodo autem possumus propter Christum sanguinem fundere, qui sanguinem Christi erubescimus bibere?*

## QUÆSTIO SECUNDA.

*Utrum Panis, ex quo conficitur Eucharistia, debeat esse azymus, an fermentatus.*

**N**otandum primò, nomine panis *azymi*, cum panem intelligi, qui absque fermento conficitur: *fermentati* verò, qui ex fermento coagulatur, & intumescit. Quæritur autem uter eorum sit conveniens materia conficiendæ Eucharistiæ. Circa quam resolutionem gravis est controversia inter Ecclesiam Latinam, & Græcam: Cum enim Græci auctore Photio Patriarcha Constantinopolitano à Latinis infenso schismate circa annum 660. descivissent, Romanam Ecclesiam plurium errorum ceperunt accusare, maxime verò circa annum 1053. quo tempore Michael cognomento Cerularius Patriarcha Constantinopolitanus, & Leo Archiepiscopus Acridanus vehementem adversus Latinos epistolam ad Episcopum Kouvensem scripserunt, in qua Ecclesiam Latinam accusabant, quòd Sabbata in Quadragesima custodiret, cum eo die jejunaret, quòd suffocatis vesceretur, quòd Alleluja in Quadragesima non psalleret, quòd demum in azymo Eucharistiam conficeret: Ultimum autem morem inde ibi reprehendunt, quòd vox *azymus* quæ in Evangelio habetur, significat panem elevatum, sic dictum à fermento, & sale, à quibus calorem habet, & elevationem: azymus autem est similis luto, nihil saporis habens, vel elevationis. Habetur hæc epistola tom. 4. Bibliothecæ Patrum editionis Parisiensis, quam Humbertus Cardinalis Episcopus Silvacanidæ in Latinum idioma translatam, ad Leonem IX. quintum Pontificatus sui annum agentem misit.

Scripsit etiam ad Michaelem Patriarcham, & Leonem Archiepiscopum Leo Papa, cujus epistola ordine prima in voluminibus Conciliorum legitur. Ad summum Pontificem rescripsit Patriarcha, Ecclesiæ unitatis, & pacis cupidus, vel certè simulator: cui Leo Papa epist. 6. in Domino congratulatus est. Anno sequenti 1054. Humbertum, & Fridericum Cardinales Legatos suos Constantinopolim misit Papa, per quos ad Imperatorem Constantinensem Monomachum scripsit, laudans ejus pacis zelum, & Michaelis damnans audaciam, qui aperta persecutione in Latinam exardescens Ecclesiam,

anathematizare non timuerat omnes, qui Sacramenta attrectant ex azymis. Scripsit etiam idem Papa ad Patriarcham, quem novum Ecclesiæ Latinorum calumniatorem, & publicum persecutorem appellat. Præsentibus Imperatore, Proceribus, & Legatis, Nicetas Monachus Pectoratus, librum de azymo adversus Latinos sub ipso nomine editum reprobavit, qui liber insistentibus Legatis jussu Imperatoris in ignem projectus est. Sequenti verò die Nicetas Legatos adivit, & anathemate in suos errores iterum à se lato, in Legatorum gratiam, & familiarem amicitiam receptus est. Ita refertur in Actis brevioribus, quæ extant tom. 4. Bibliothecæ Patrum. Michael verò in errore pertinax, colloquium & præsentiam Legatorum vitavit. Hinc Græci schismatici Latinos *Azymitas* palam vocitare ceperunt, necnon eorum in azymis consecrationem necdum irritam, sed & omnino profanam non minus erronè, quàm impiè dixerunt.

*Notandum secundò*, Græcos cum Latinis circa hanc controversiam enodandam in plurimis consentire: *Primò* quidem, quòd Judæi soliti essent suum celebrare Pascha die 14. primi mensis ad vespæram, ita præcipiente Deo. Exodi 12. & num. 9. his verbis: *Faciant filii Israel Pascha in tempore suo decima quarta die mensis hujus ad vespæram*, idest, primi mensis. Sic enim decernit Deus: Exodi 12. *Mensis iste*, in quo præcipitur comedant Pascha, *vobis erit principium mensis, primus erit in mensibus anni*: Primus autem mensis erat *Nisan*, teste Josepho, seu Martius, qui ordiebatur à Novilunio propius accedente ad æquinoctium vernale, sicque dies ille decimus quartus mensis, erat aliquis dies Aprilis, apud Nationes computantes dies, & Annos non secundum Lunæ cursum, ut Judæi, sed juxta setiem, qua Sol Zodiacum perulstrat. Qui verò immundi erant apud Judæos, differebant celebrationem Paschæ ad menscm sequentem: ita præcipiente Deo, ibidem: *Homo, qui fuerit immundus super anima, sive in via procul de Gente vestra, faciat Pascha Domini in Mense secundo decima quarta die mensis ad vespæram*.

*Convenit secundò*, eodem die, quo Pascha celebrabant Judæi, ipsi pariter interdictum fuisse usum fermentati panis, ita præcipiente Domino: Exodi 12. n. 18. & sequentibus. *Primo Mense quarta decima die mensis*



si ad vesperam comedetis azyma, usque ad diem vigesimam primam ejusdem mensis ad vesperam; septem diebus fermentum non invenerit in domibus vestris, qui comedetis fermentatum, peribit anima ejus de cætu Israel, tam de adventu, quam de indigenis terræ: Omne fermentatum non comedetis, in cunctis habitaculis vestris comedetis azyma. Idem præcipit Levitici 23. his verbis: Mense primo quarta decima die mensis ad vesperam Pchase Domini est, & quinta decima die mensis bujus, solemnitas azymorum Domini est, septem diebus azyma comedetis, &c.

Ex quibus liquet, duas festivitates, nimirum Agni Paschalis, & Azymorum, una, eademque Vespera celebrari solitas, diversæ tamen erant: *Primo*, quia solemnitas Agni Paschalis unius tantum diei fuit, & ad vesperam solum illius diei celebrabatur: Azymorum autem solemnitas prorogabatur ad dies septem: *Secundo*, quia dux illæ celebritates fiebant ob distincta Dei erga Israelitæ beneficia: azymorum enim solemnitas ex eo fluxit, quod populus Israel ab Ægypto libere egressus asportatam inde farinam absque fermento sub cineribus in deserto coxerit, & panem azymicum comederint; unde Deus Exodi 12. *Observabitis azyma, in eadem enim ipsa die educam exercitum vestrum de terra Ægypti.* Festivitas verò Agni Paschalis originem habuit ex conservatione Primogenitorum Israel eo tempore, quo primogenita Ægyptiorum ab Angelo exterminatore interficiebantur: Unde Exodi 12. præcipit Deus Israelitico populo: *Decima die mensis bujus tollas unumque Agnum per familias, & domos suas. Sin autem minor est numerus, ut sufficere possit ad vescendum Agnum, assumet vicinum suum, qui junctus est domui suæ, juxta numerum animarum, quæ sufficere possunt ad eum agni.* Erat autem agnus absque macula, masculus anniculus, juxta quem ritum tolletis & hœdum. Et servabitis eum usque ad quartam decimam diem mensis bujus, immolabitisque eum universa multitudo filiorum Israel ad vesperam, & sumens de sanguine ejus, ac ponens super utrumque possem, & in superlaminaribus domorum, in quibus comedent illum. Et edent carnes nocte illa assas igni, & azymos panes cum lactucis aggregatis. Non comedetis ex eo crudum quid, nec coctum aqua, sed tantum assum igni. Caput cum pedibus ejus, & intestinis vorabitis. Nec remanebit quidquam ex eo usque mane, si quid residuum fuerit, igne frascen Toze. Iom. XI,

comburetis. Sic autem comedetis illum: *Rents vestros accingetis, & calceamenta habebitis in pedibus, tenentes baculos in manibus, & comedetis sfinanter: est enim Pchase (idest transitus Domini.)* Et transibo per terram Ægypti nocte illa, percutiamque primogenitum in terra Ægypti ab homine usque ad pecus, & in cunctis diis Ægypti faciam judicia ego Dominus. Erat autem sanguis vobis in signum in ædibus, in quibus eritis, & videbo sanguinem, & transibo vos, nec erit in vobis plaga disperdens, quando percussero terram Ægypti; habebitis autem hunc diem in monumentum, & celebrabitis eam solemnem Domino in generationibus vestris cultu sempiterno. Ex quibus liquet, solemnitates agni Paschalis, & azymorum diversas fuisse, eodem tamen die celebrari solitas.

Nec moveri debet, quòd Pascha celebrabatur decima quarta die primi mensis ad vesperam, solemnitas autem azymorum dumtaxat die decima quinta, inde namque non licet inferre, ejusmodi solemnitates diebus distinctis fuisse celebratas, enimverò Judæi solemnitates celebrare solebant, à prima vespere ad aliam vesperam dici festi, Deo ita ordinante Levitici 23. *ad vespera in vesperam celebrabitis Sabbata vestra: vespera autem duas in partes distribuatur: prior incipiebat paulò post meridiem, Sole jam vergente, & declinante ad occasum: posterior ab occasu Solis ad finem crepusculi vespertini.* In priori parte vespere, Agnus Paschalis parabatur in victima, & immolabatur: in posteriori autem parte comedeatur in legali cœna, sicque secunda vespera diei Paschatis erat prima vespera diei azymorum, ex qua die necessum erat omne fermentatum panem eliminare, & remove a domibus filiorum Israel.

Notandum teriò, ex S. Chrysostomo hom. 82. in Matthæum, Judæos solitos esse duplicem facere ecenam eo die, quo suum Pascha celebrabant, prima legalis erat, idest, à lege præcepta in memoriam transitus Israelitarum ab Ægypto, quæ utique fiebat à stantibus, & cum reliquis cæremoniis suprâ recensitis: Secunda communis erat, & vulgaris post legem celebratam, fieri solita pro corporali refectioe totius familiæ, quæ ubi numerosa erat, non poterat unico agno anniculo cum panibus azymis, & modicis aggregatis lactucis satiari. Difficultas autem est, utrùm Christus D. eo anno, quo mortuus est, solam hanc vulgarem

cenam celebraverit, non autem legalem, ut censet Auctor incertus, cujus meminit Phocius in sua Bibliotheca n.115. in quam utique sententiam propendit Antonius de Dominis lib. 5. Reipublicæ cap.6. num.277. licet dicat eam à se potius dubitative tractatam. Idem docuit Villagagnonus, ut refert Sanctesius repetit.1. de Eucharistia c.7. quam pridem antea docuerat, ut testatur Theophylactus in cap.26. Histor.

Quatuor itaque hic præcipue sunt statuenda: *Primum*, quod uterque panis, tam azymus, quam fermentatus sit materia sufficiens Eucharistiæ conficiendæ: *Secundum*, quod azymus sit convenientior, utpote cum in eo Christus Dominus consecraverit. *Tertium*, quod Christus comederit agnum Paschalem eo anno, quo mortuus est: *Quartum*, quod instituerit Eucharistiæ die 1. azymorum.

### CONCLUSIO PRIMA.

**P**anis tam azymus, quam fermentatus est sufficiens materia consecrandæ Eucharistiæ. Hæc est communis apud Catholicos, eamque tradit Doctor dist.11. quæst.6. n.6. ubi ait: Hoc ergo simpliciter tenendum, quod de necessitate panis consecrabilis, non est, neque quod sit azymus, neque quod sit fermentatus, quia secundum S. Anselmum lib. de azymo, & fermentato, non differunt essentialiter azymus, & fermentatus, & ideo non negamus verè conficere Græcos.

*Probat*ur tum ex Concilio Florentino, ubi legimus: *Item definimus in azymo, si-ve fermentato pane tritico, corpus Christi venaciter confici, Sacerdotesque in alterutro, ipsam Domini corpus conficere debere, unumquemque juxta Ecclesiæ suæ, siue Orientalis, siue Occidentalis consuetudinem.* Patet hujus assertionis veritas: Tum quia uterque panis triticeus est, & censetur panis propriè dictus: de fermentato non dubitant Græci, sed nec dubitare debent de azymo, quippe Matth. 26. Marci 14. Lucæ 22. id ex quo Christus conficit suum corpus, verè panis dicitur: is autem fuit azymus, ut dicemus conclusione sequenti. Tum quia panis, quem fregit in Castello Emaus, Lucæ 24. revera fuit azymus, quippe cum hoc factum sit secundum Nos tertius die azymorum, aut, ut volum Græci, secunda die quo tempore apud Judæos

nullus erat fermentati usus: ut panis, ille quem ibi fregit, & benedixit Christus, simpliciter dicitur panis: *Factum est, inquit, dum recumberet cum eis, accepit panem, & benedixit, ac fregit, & porrigebat illis.* Et infra, *Cognoverunt eum in fractione panis.*

*Dices primò*: Ille panis est apta materia conficiendæ Eucharistiæ, qui propriè dicitur panis usualis, sed talis est solus fermentatus: igitur &c.

*Distinguo minorem*: Talis est per accidens, concedo: simpliciter, & per se, nego: is enim panis dicitur per se usualis, qui ex triticea farina, & aqua naturali confectus, igne decoquitur, & in usum, ac nutritionem hominum cedit, qualis utique est etiam panis azymus: unde etiam inserviebat Judæis per septem dies ad eorum nutritionem; idcirco autem fermentatus magis frequentatur, quam azymus, quod in fermentato sit major delectatio, & ad satietatem, & refectionem amplior dispositio videatur.

*Dices secundò*: Panis Eucharisticus apud Græcos appellatur *âpros*, quod verbum cum elevationem significet, & deducatur ab *âpro*, quod est tollo, etiam connotat fermentum, quo massa panis attollitur, & elevatur: igitur non est alius panis simpliciter dictus, quam fermentatus.

*Nego consequentiam*: Primò namque vanum est argumentari ab ethymologia nominis, nam à diversis diversæ traduntur ethymologię; aliunde verò nomina non semper ex proprietate, & natura sua, sed ut plurimum ex beneplacito, & hominum instinctu significant. Dico secundò, utrumque panem, azymum scilicet, & fermentatum in Scripturis indiscriminatim *âpros* appellari: nam Genes. 18. & 19. panes subcinericios quos dedit Abraham, & Loth Angelis *âpros*, *arips*, erant azymi, ut patet Levitic. 2. quos Scriptura vocat *âpros mediorum*. Ps. 74. panem celi, &c. panem Angelorum *âpros* *âpros*, *âpros* *âpros*, &c. Videatur de hac questione Humbertus, tomo 11. Biblioth. Patrum.

*Dices tertio*, cum Calvino lib. 3. Instit. cap. 17. num. 43. Ecclesiam semper usurpassè panem fermentatum, & vulgare ante tempus Alexandri Romani Episcopi, qui primus azymo pane delectatus est, ut rudis, & ignaræ plebis oculos traheret magis in admirationem, hoc novo spectaculo,

culo, quàm ut animos proba religione pelliceret, à vera Religione institueret: igitur panis azymus non est præ cæteris usurpandus.

*Nego antecedens:* Impudentissimè enim, ut assolet, mentitur Calvinus, nec solum malitiam, sed & ignorantiam in hac sua fabulosa narratione prodidit; unde etiam quis fuerit Alexander ille hujus moris inflictor, omnino tacet, ne aperti mendacii convinceretur: Quod utique facili negotio contingere poterat, quod enim Ecclesia semper usurpaverit azymum panem pro materia legitima conficiendæ Eucharistiæ, haud obscure colligitur ex S. Epiphonio hæresi 3. ubi Ebionitarum hæresim referens, & refellens, ait: *Mysteria autem faciunt ad imitationem Sanctorum in Ecclesia ab anno in annum per azymos, hoc est, non fermentatos panes, & alteram mysterii partem per aquam solam.*

Hoc etiam aperit testatur Leo nonus in epistola 6. ad Michaellem Constantinopolitanum, ubi inter cætera scribit: *Quis non suspescat, quod post tot Sanctos, & orthodoxos Patres, per mille, & viginti à Passione Salvatoris annos, novus calumniator Ecclesiæ Latinorum emerissit, anathematizans omnes, & publicam persecutionem excitans, quicumque participarentur Sacramentum ex azymis.* Idem tradit Innocentius III. lib. 4. *Mysterium Missæ cap. 4.* ubi de ritu panis azymi erroris à Græcis insolenter accusato agens sic habet: Ab ipsis ergo beatis Apostolis Petro, & Paulo, quos vivos habuit, & de sanctos custedit, hunc sacrificii ritum accepit, quem hæcenus inviolabili cultu servavit. Idem tradit Algerus lib. 6. cap. ult. *Nulla, inquit, ratio cogit, ut azymum à Christi sacrificio repellatur: dignum est ut quod Christus instituit (omnis autem Ecclesia præter Græcam à primordio sui ex Traditione Principum Ecclesiæ, Petri scilicet, & Pauli celebravit) indefinenter conservet.* Testatur etiam Rupertus lib. de divinis officiis cap. 22. *Consuetudini S. Romanæ Ecclesiæ nunquam in Sacrificio fermentatum admittendi, totam Græciam, nescio qua auctoritate suffragante, refragati.*

## CONCLUSIO SECUNDA.

**P**anis azymus consecranda Eucharistiæ convenientior est, quam fermentatus. Tum quia Christus D. id probavit suo exemplo,

quippe primo die azymorum, quo nihil fermentati apud Judæos erat, Eucharistiæ sacramentum confecit: Tum quia panis ille magis congruit significandis proprietatibus hujus Sacramenti: azymus enim puritatem, candorem, simplicitatem, humilitatem, & incorruptionem denotat, quæ tum Christo sub Eucharistia latenti, tum Fidelibus ad hoc Sacramentum accedentibus propriè conveniunt: è contra verò fermentum in Scriptura, plerumque morum corruptionem, & ementiam virtutem denotat: Sic Lucæ 12. Christus Discipulos monet: *Attendite à fermento Phariseorum, quod est hypocrisis:* Unde Apostolus 1. ad Cor. 5. *Nescitis, quia modicum fermentum totam massam corrumpit: expurgate veter fermentum, ut sitis nova conspersi, sicut estis azymi, etenim Pascha nostrum immolatus est Christus, itaque epulemur non in fermento veteri, neque in fermento malitiæ, & nequitie, sed in azymis sinceritatis, & veritatis, sinceritatis quidem contra peccati corruptionem, veritatis autem contra figuras veteris legis.*

*Dices:* Christus D. abrogavit omnia legalia, sed panis azymus est cæremonia legalis, ut constat ex dictis in precedenti conclusione: igitur non est apta Eucharistiæ conficiendæ materia.

*Distinguo majorem:* Abrogavit legalia, quæ significabant Christum venturum, & quæ Evangelicis præceptis, & institutis adversantur, concedo: omnia prorsus, nego: *Ad minorem dico,* quod si argumentum quidquam efficeret, etiam probaret abstinentiam esse à fermentato, utpote legali, siquidem Levitici 7. & 13. panes fermentati erant Deo offerendi.

Ex his sequitur, non improbandum esse morem Græcorum pane fermentato utentium: Tum, quia id decernit Concilium Florentinum: & expressè monet Leo nonus in prima epistola ad Michaellem Constantinopolitanum, in qua inter cætera conqueritur de ejus in Latinis sævitiis: *Ut ferretur, inquit, omnes Latinorum Basilicas, penes vos clausis, Monachis monasteria, & Abbatibus tulissit, donec vestris viderent institutis: ecce in hac parte Romana Ecclesia, quamò discretior, & clementior vobis; siquidem cum intra, & extra Romanam plurima Græcorum reperiantur monasteria, sive Ecclesiæ, nullum eorum adhuc turbatur, vel prohibetur à paterna traditione, sive consuetudine, quin potius sua-*

detur, & admonetur eam observare: Tum, quia mos ille celebrandi Græcorum in fermentato suis congruentiis non caret: *Primo*, quia panis fermentatus habet quamdam elevationem, qua significat, Christum panem esse vivum, qui de cælo descendit, quo fideles vegetati ad cælestia promoven- tur: *Secundo*, fermentum panem simplicio- rem efficit, necnon & ferventorem; fer- mentum enim à fervore dictum videtur, quo denotat gratiæ suavitatem, & charitatis fer- vorem, ex hoc Sacramento amoris, & spi- ritualis suavitatis excipiendum: *Tertio*, quia ideoque Latini in azymis consecrant, ut de- signent, Verbum sine ulla commixtione car- nem suscepisse; Græci verò offerunt fermen- tatum, quia Verbum indutum est carne, et- que verus Deus, & verus homo: igitur unus- quisque sive Græcus, sive Latinus suæ Ec- clesiæ consuetudinem, ac ritum in cele- brando servare potest.

Imò tenetur, ut patet ex Decreto Euge- nii, in Concilio Florentino, & ex litteris unionis, necnon & ex motu proprio san- cti Pii V. qui incipit Providentia Romani Pontificis, &c. anno 1566. ubi revocans omnes facultates, vel licentias celebrandi, Græcos more Latino, & Latinos more Græ- co, subdit: *Quibusvis Presbyteris tam Græ- cis, quam Latinis precipimus in virtute san- ctæ Obedientiæ, & sub indignationis nostræ, ac perpetuæ suspensionis à divinis panis, di- strictius inbibemus, ut deinceps Presbyteri Græ- ci (præsertim uxorati) Latino more, & La- tini, Græco ritu, hujusmodi licentiarum, & facultatum, aut aliquovis prætextu, Missas, & alia divina officia celebrare, vel celebrari facere non presumant.*

### CONCLUSIO TERTIA.

**C**hristus D. reverà eo anno, quo mortuus est, Pascha Judæorum celebravit, & una cum Discipulis Agnum Paschalem comedit. Pro- batur perspicuis Scripturæ testimoniis, maxi- mè ex cap. 26. S. Matthæi, ubi legimus: *Prima die azymorum accesserunt Discipuli ad Jesum dicentes: Ubi vis paremus tibi come- dere Pascha? At Jesus dicit. Ite in civitatem ad quendam, & dicite ei: Magister dicit: Tempus meum prope est, apud te facio Pascha cum Discipulis meis. Et fecerunt Discipuli, sicuti constituit illos Jesus, & paraverunt Pa- scha. Vespere autem factio discumbebat Jesus enim duodecim Discipulis suis; cenantibus au-*

*tem eis, accepit Jesus panem, &c. Marci 14. Prima azymorum, quando Pascha immolabant, dicunt ei Discipuli: Quò vis eamus, & pare- mus tibi ut manduces Pascha? ... & parave- runt Pascha. Vespere autem factio venit cum illis duodecim, & discumbentibus eis... & manducantibus illis, accepit Jesus panem. Lu- cæ 22. Venit autem dies azymorum, in qua necesse erat occidi Pascha. Et misit Petrum, & Joannem, dicens: Euntes parate nobis Pa- scha, ut manducemus: at illi auxerunt: Ubi vis paremus?... & dicitis Patris familias do- mus: Dicit tibi Magister; Ubi est adversorium, ubi Pascha cum Discipulis meis manducem?... & paraverunt Pascha, & cum facta esset bo- ra, discubuit, & duodecim Apostoli cum eo. Ex quibus apertis testimoniis in idem col- lineantibus, sic ratiocinari licet; Christus D. ex iis locis opere complevit quod promise- rat per hæc verba, *Facio Pascha*, quia Chri- stus neque falli potuit, cum esset omniscius, nec fallere, cum esset optimus: at ea ver- ba Christi, *apud te facio Pascha*, significant esum agni Paschalis, licet enim in Scriptu- ra facere Pascha, occidere Pascha, immo- late, sacrificare Pascha, & similes locutio- nes etiam ad victimas præter agnum Pascha- lem accommodentur, attamen comedere Pascha, non invenitur in Scriptura, nisi ad esum agni Paschalis pertinere.*

Deinde, Christus eo modo sensuque re- spondet, se facere Pascha, quo Discipuli interrogaverant, alioquin enim equivoca- tio fuisset in responsione Christi: Sed Di- scipuli sciscitatu fuerant de vera, & prop- riè dicta manducatione Paschæ, dicunt enim Matth. 26. *Ubi vis eamus ut paremus, & manduces Pascha?*

Denique, Christus ipse facere Pascha per manducationem explicat, ait enim, Marci 14. *Ubi est refectio, ubi Pascha cum Discipulis meis manducem?* Luc. 22. *Euntes parate vo- bis Pascha, ut manducemus... Dicit tibi Ma- gister, Ubi est adversorium, ubi Pascha cum Di- scipulis meis manducem?* Et in ipsa Cæna dixit: *Desiderio desideravi hoc Pascha manduca- re vobiscum, antequam patiar: dico enim vo- bis, quia non manducabo illud, donec implea- tur in regno Dei: Sed hoc Pascha fuit agnus Paschalis, quem Christus eo comedit anno, quo mortuus est; desiderabat enim illius manducationem, quod spererat consum- mandæ redemptionis hominum, ob quam homo factus est: 1. Corint. 11. Corinthus ac- cepit calicem postquam cœnavit: at ea cœna,*

post—

postquam consecravit calicem, alia non est, quam legalis, in qua manducabatur agnus Paschalis, non potest enim esse communis, & vulgaris cœna, nam in hac Eucharistiam instituit; hanc enim instituit in aliqua cœna, Math. 26. *Cœnantiibus eis*: in ea cœna discumbebat cum Discipulis, Marci 14. *Discumbentibus eis*, & *manducantibus*: ergo non potest fuisse cœna legalis, in qua convivz stantes agnum edebant: ergo superest ut sit cœna vulgaris.

*Confirmatur*; quia Christus D. non venit legem solvere, sed implere, & ut testatur, Math. 5. *Jota unum, aut unus apex non prateribit à lege, donec omnia fiant*; igitur cùm strictè præceptum esset Judæis, ut Pascha comederent, non est verisimile Christum D. illud præceptum non implevisse.

*Dices primò*: Si Christus comedisset agnum Paschalem, maxime eo die, quo dixit Discipulis, ut sibi pararent Pascha: at id dici nequit. *Tum*, quia serius ac tardius ipse cogitasset de parando agno Paschali, præcipue cùm hoc ipso die ipse cum Discipulis non esset in urbe Hierosolymitana, dixit enim eis; *ite in civitatem* &c. *Tum*, quia Exodi 12. præcipitur, ut die decima primi mensis agnus adduceretur in domum, & ibi fervaretur usque ad 14. diem, donec immolaretur, quod utique Christus D. facere non potuit, cùm eadem die, quæ erat immolandus agnus, nondum haberet domum præparatam, ubi Pascha celebraret, ac subinde nec paratum haberet agnum; igitur eodem die quo Eucharistiam instituit, non comedit agnum Paschalem.

*Nego minorem*: Nam, ut optimè observat Sanctiæius *repetitione* 1. cap. 7. ex Josepho lib. 5. de bello Judaico, c. 45. fuit apud Judæos in more positum, ut Hierosolymitani cives externis in urbem adventantibus Pascha celebrandi gratia, agnos, cœnacula, & omnia necessaria præpararent, & pretio accepto, aut gratis postulantiibus ministrarent: cùm ergo Hierosolymitani agnos necessarios pro se, & pro exteris decima die mensis primi præparare essent soliti, & eos servare usque ad diem 14. consulto potuit Christus D. ipso die 14. primi Mensis suos delegare Apostolos ad eum quem erant recepturi portantem aquæ amphoram, qui jam comparaverat Agnos in usum Paschæ.

*Dices secundò*: Si Christus manducasset agnum Paschalem, maxime in ea cœna, quam fecit cum Discipulis: sed ita non est,

siquidem agnus Paschalis manducabatur à stantibus, & baculostententibus in manibus, item cum festinatione, & quidem assus, non autem aqua, aut alio liquore coctus, ut præcipitur Exodi 12. ac subinde nullum in ea cœna erat jus carniū, in quo panis posset intingi: sed talis non fuit cœna, quam Christus fecit cum Discipulis, illa namque fuit prolata, longo permixta sermone, lotionē pedum interrupta, institutione Sacramenti Eucharistiæ insignis: in ea Christus cum Apostolis accumbebat mensæ, jus aliquod carniū erat, in quo panis Jude porrectus intinctus est: igitur indicia valida probant observatam à Christo non esse legalem cœnam, neque Paschalem agnum ab eo manducatum esse, cùm Eucharistiam instituit.

*Respondet*, hæc omnia facili negotio conciliari, dicendo Christum D. ut facere solebant Judæi, duas cœnas celebrasse, legalem unam, in qua Christus, & Apostoli stantes, & baculos tenentes in manibus, Agnum ex legis præcepto festinanter comederunt, communem alteram, & usitalem, in qua Christus cum Apostolis discubuit, quam prolixo sermone miscuit, & ex qua surrexit; ut Discipulorum pedes lavaret, & cætera præstitit, quæ ab Evangelistis narrantur.

*Dices tertio*: Non erat conveniens, ut agnus typicus comederetur eodem tempore, quo verus agnus in novo Paschate erat edendus, quia figura non stat simul cum veritate, nec umbra cum luce: at in ultima cœna, quam fecit Christus, verus agnus erat comedendus in Eucharistia: igitur in ea agnus Paschalis non fuit manducatus.

*Distinguo majorem*: Non fuit conveniens, ut id fieret in eadem omnino cœna, concedo: in diversa, & distincta, nego: nihil enim convenientius erat, quam ut post celebratam figuram veritas succederet. Quam egregie sic explicat S. Leo ser. 7. de Passione: *Oportet*, inquit, *ut manifesto implerentur effectus, quæ diu fuerant figurato promissa mysterio, ut omnem significativam visum vera removeret; & uno expleretur sacrificio variarum differentiæ victimarum. Nam omnia illa, quæ de immolatione agni divini per Moysen fuerant præstita, Christum prophetarunt, & Christi occisionem propriè nuntiabant. Ut ergo umbra cederent corpori, & cessarent imagines sub præsentia veritatis, antiqua observantia novo soluitur Sacramento, bestia in bestiam transit, sanguinem sanguis excludit, & legalis festi-  
vitas dum mutatur, impletur.*

CON-

## CONCLUSIO QUARTA.

**C**hristus D. comedit agnum Paschalem ritu Judaico, scilicet die decima quarta primi mensis, ac subinde verè consecravit in azymis. Hæc jam sufficienter patet ex dictis, & probatur manifestissimis Scripturæ sacræ textibus, nam Matth. 26. legimus: *Prima die azymorum accesserunt Discipuli ad Jesum, dicentes: Ubi vis paremus tibi comedere Pascha? At Jesus dixit: Ite in civitatem ad quendam, & dicite ei: Magister dicit: Tempus meum prope est, apud te facio Pascha cum Discipulis meis. Et fecerunt Discipuli, sicut præceperat eis Jesus, & paraverunt Pascha, &c.* Subditque Evangelista: *vespere factu recubuisse, & manducasse cum Discipulis suis, & canantibus eis, accepit Jesus panem, benedixit, fregit, deditque Discipulis suis, &c.* ergo primo die azymorum consecravit, ac proinde in azymis. Et Marci 14. *Primo die azymorum, quando Pascha immolabant.* Et Lucæ 22. *Venit dies azymorum, in quo necesse erat occidi Pascha.* Ex quibus sic argumentari licet: Prima dies Azymorum in qua Judæi Pascha immolabant, erat dies decima quarta primi mensis ad vespeream, à quo tempore ad septem usque dies non licebat Judæis habere fermentum in suis domibus: sed Christus D. Pascha comedit, & Eucharistiam instituit hæc prima azymorum die: igitur consecravit in azymis.

*Respondent Græci* his evidentibus concussis, & fracti oraculis, hos tres Evangelistas esse lapsos errore, & eos à S. Joanne emendandos. Verum hæc responsio aperta est blasphemia in Spiritum Sanctum, qui non minus trium illorum Evangeliorum est Author primarius, quam quarti, nam Evangelistæ fuerunt tantum Amanuenses Spiritus S. qui cilm semper sit infallibilis, utpote Spiritus veritatis, quemadmodum censetur non errasse in dictando Evangelio S. Joannis, ita nec in aliis utique dictandis errare potuit, alioqui tota nutaret Scripturæ autoritas, & veritas; qua enim ratione unus, aut alter Evangelista errasse dicitur, pari ratione cæteros errore lapsos quis poterit cogitare?

*Adde quod* hæc etiam erronea responsio ab ipomet S. Joanne proferbatur; quæcunque enim scribit ab his verbis capitis decimi terti: *Ante diem festum Paschæ*, ad historiam usque Passionis illa omnia fuerunt

peracta post cœnam legale prædie mortis Christi, ut colligitur ex his verbis: *Sciens Jesus, quia venit hora ejus, ut transcat ex hoc mundo ad Patrem.* Hæc enim voces, *Ante diem festum Paschæ*, idem significant, ac prædie Paschæ. Similiter hæc verba: *Venit hora ejus, ut transcat ex hoc mundo*, idem significant ac instare diem Passionis ejus; sed Christus mortuus est die decima quinta: igitur dies immediatè præcedens erat dies decima quarta. *Probat minor*: Passio, & mors Christi in eum diem incidit, quo Præses unum ex vinctis dimittere solebat, & quo Pilatus dimisit Barrabbam: ex Lucæ 18. cap. & initio 19. Joannis, ubi dimissio Barrabbæ, Christi flagellatio, tum & crucifixio referuntur, ut uno eodemque die factæ. Porro Barrabbæ dimissio facta fuit 15. Luna vel in illa die prima solemni azymorum; ibi quippe Pilatus apud Joannem ait: *Est consuetudo vobis, ut unum vobis dimittam in Pascha.* Matth. 26. *Per diem solemnem.* Marci 15. Lucæ 23. *Per diem festum*: dies autem in paschate festus, non erat alius, quam primus, & ultimus azymorum; Exodi 12. Cum igitur conveniant Græci, Christi D. Passionem non incidisse in ultimum diem azymorum, qui pariter solemnis erat, etiam fateantur necesse est, eam fuisse peractam die decima quinta, ac subinde Christum D. die præcedente, nempe 14. manducasse agnum Paschalem, & Eucharistiam instituisse.

Quam utique veritatē aptè tradunt Latini Patres: nam Author sermonis de cœna Domini apud Cyprianum, ait: *Inter Sacramentales epulas obviavit sibi instituta antiqua, & nova, & consummato agro, quem antiqua Traditio proponebat, consumptibilem cibum Magister apponit Discipulis.* Et S. Hieronymus in cap. 26. Matth. *Prima azymorum 14. primi mensis, quando agnus immolatur, & Luna plenissima est, & fermentatum abjicitur.* Similiter S. August. epist. 85. reddens rationem, quare 4. & 6. scia jejuna solet Ecclesia, circa finem epistolæ ait: Illa ratio reddi videtur, quod considerato Evangelio, ipsa quarta Sabbati, quam vulgo quartam feriam vocant, concilium reperiuntur ad occidendum Dominum fecisse Judæi. Intermissio autem uno die, cujus vespere Dominus Pascha cum Discipulis manducavit, qui finis fuit ejus diei, quem vocamus quintam Sabbati, deinde traditus est ea nocte, quæ jam ad sextam Sabbati, qui dies Passionis ejus

,, ma-

manifestus est, pertinebat. Hic dies primus azimorum fuit à vespere incipiens. Sed Matthæus Evangelista quintam Sabbati dicit fuisse primam diem azimorum, quia ejus vespere sequente futura erat cœna Paschalis, qua cœna incipiebat azimum, & ovis immolatio manducari. Ex quo colligitur quartam Sabbati fuisse, quando ait Dominus: Scitis, quia post biduum Pascha fiet, & filius hominis tradetur ut crucifigatur. At per hos dies ipse jejunio deputatus est, quia sicut Evangelista loquitur, & dicit: Tunc congregati sunt Principes Sacerdotum, & seniores populi in atrium Principis Sacerdotum, qui dicebatur Caiphas, & fecerunt consilium ut Jesum dolo teneant, & occiderent. Intermissio autem uno die, de quo dicit Evangelium: Prima autem azimorum accesserunt Discipuli ad Jesum, dicentes: Ubi vis paremus tibi comedere Pascha? Hoc ergo die intermissio passus est Dominus, quod nullus ambigit, sexta Sabbati, quapropter & ipsa sexta rectè jejunio deputatur; jejunia quippe humilitatem significant.

Subscribit S. Leo serm. 7. de Passione Domini: Divino, inquit, intelligentis dispositum fuisse consilio, ut sacrilegi Judæorum Principes, & impii Sacerdotes, qui serviendi in Christum occasiones sepe quaesiverant, nonnisi in solemnitate Paschali exercendi furoris sui acciperent potestatem.

Idem docent Græci Patres, ut optimè probat Arcudius lib. 3. cap. 4. & 5. Primò quidem Origenes tract. 35. in Matthæum, exponens illud Christi D. ad Discipulos: Scitis, quia post biduum Pascha fiet: ait: Si post biduum, utique Luna decima quarta. Similiter Epiphanius lib. 1. hæresi 30. agens contra Ebionitas, qui esum carniū damabant, eos confutat exemplo Christi, qui tempore Paschatis comedit carnes: Quomodo verò, inquit, de esu carniū non statim ipsorum dementia redargueretur: Primum quidem Domino edente Pascha Judæorum? Pascha autem Judæorum erat agnus, & azima, &c.

Hoc præcipuè testatur S. Chrysostomus, cujus autoritate suum errorem potissimum tueri nituntur Græci Schismatici: scribit autem homil. 81. in Matthæum: Alius, inquit, Evangelista dicit: quia vespere illo non solum comedit Dominus Pascha, verum et-

iam comedendo dicebat: Desiderio desideravi hoc Pascha manducare vobiscum: quare hoc Pascha, idest, hoc anno comedere Pascha desideravit? quia videlicet tunc salus orbi offerenda, tunc mysteria tradenda, & tristitia per mortem essent fuganda. Quòd autem hæc verba non solum de Paschate Judæorum, verum etiam de Eucharistia novo Paschate intelligenda sint, tradit S. Chrysostomus homil. 82. dicens: Hæc de causa desiderio desideravi hoc Pascha vobiscum comedere, hoc est tradere vobis res novas, & Pascha dare, quod vos spirituales faciat. Et iterum propterea neque antea tradidit mysteria, sed cum deinceps cessare debebant legalia. Quibus verbis proscribit quorundam Græcorum elusionem, dicentium Christum celebrasse quidem Pascha, sed anticipato die, hoc est, decima tertia, non autem decima quarta, dicit autem S. Chrysostomus, quòd non antea Christus tradidit mysterium Eucharistiæ, sed illa vespere, quando Judæi comedeant Pascha.

Idem restatur homil. 33. Tunc, inquit, immiserunt in eum manus, & tenuerunt illum ipsa nocte, in qua comederunt Pascha, tanta insania, tantoque furore agitantur. Testantur autem Evangelistæ, Christum à Judæis captum esse, statim ac Pascha manducavit, & Eucharistiam instituit: nam S. Joan. cap. 18. cum retulisset egregium illum ac prolixum sermonem, quem Christus habuit ad Discipulos post petactam cenam, & institutam Eucharistiam, ait: Hæc cum dixisset, egressus est cum Discipulis suis, trans torrentem Cedron, Et tandem homil. 84. exponens illud Joan. Non intrarunt in Prætorium, ne contaminarentur, sed ut comederent Pascha: ait: Quid igitur dicendum est? videlicet cupiditate ita occidit Christum, eos legem dissolvisse, & alia die Pascha comedis? Neque enim Christus tempus Paschatis violasset, qui sub vespere illud comederit, sed illi audacissimi homines, & vel sexcentarum legum conculcatores; cum enim ira accensi valde essent, & sæpe conati occidere ipsum minime potuissent, ex desperato cum eam cepissent, tempus Paschatis negligere maluerunt, modo ardentes eade animos non expleverunt. Quibus verbis Chrysostomus non contradicit iis, quæ dixit homil. 83. nempe Judæos Christum apprehendisse ipsa nocte qua comederant Pascha; enim verò hic loquitur de Judæis universis, seu de plebe Judaica, Homil. autem 84. loquitur de Principibus Sacerdotum, quos

quos dicit legum conculcatores, etiam non observasse tempus edendi Paschatis, quod eorum animus valde intentus esset ad inferendam necem Domino.

Confirmatur mens S. Chrysostomi ratione, qua utitur homil. 82. *Cujus rei gratia venit ad Pascha*, inquit, *omnibus semper ad ultimum Passionis diem, non esse adversarium legi se ostendit*; quare, cum diceret Christus, legis antiquæ observantissimus, juxta illud Matth. 5. *Non veni solvere legem, sed adimplere*: non est credibile illum prætermisurum fuisse esum Paschatis, qui tunc tot divinis mandatis præcipiebatur.

Obijciunt *Græci*, *Primo*, varios Scripturæ textus, quibus probare nuntunt Christum D. anticipasse solitum diem comedendi Paschatis, & illud comedisse die 13. *Primo* quidem proferunt illud Joan. 13. *Ante diem festum Pascha*, sciens Jesus, quia venit hora ejus, ut transiret ex hoc mundo ad Patrem, &c. Igitur eo tempore, quo lavit pedes Discipulorum, nondum erat inceptum festum Paschatis, nec incepti dies azymorum; alioqui non diceret Evangelista, *Ante diem festum Pascha*: sed in ipso die festo Paschæ.

*Secundo*, proferunt illud Joannis 18. *Ministri Judæorum adducunt Jesum ad Caipham in prætorium: erat autem mane*: & ipsi non introierunt in prætorium, ut non contaminarentur, sed ut manducarent Pascha: igitur nondum Pascha comederant, sed ipsum erant comesturi, ac subinde dies ille erat 14. & consequenter Christus, qui nocte præcedente comederat agnum, anticipavit solitum diem Paschatis.

*Tertiâ* proferunt illud Joannis 19. *Erit autem parasceve Pascha hora quasi sexta*, quando Pilatus sedit pro tribunali judicaturus Christum: Parasceve autem idem est ac vigilia, seu dies preparatoria, in qua nempe disponebantur omnia, quæ pro celebrando Paschate necessaria erant.

*Quartò* proferunt illud Matth. 26. ubi dicitur, quod Principes Sacerdotum consilium inierunt, ut Jesum dolo tenerent, & occiderent: dicebant autem: *Non in die festo, ne jortis tumultus fieret in populo*.

*Respondeo primo*, nomen Paschatis variis, sed maximè quatuor modis in Scriptura usurpari, ut observat Innocentius tertius lib. 4. de celebratione Missarum cap. 2. *Primo*, pro eo solo die, in quo immolabatur Agnus Paschalis, sic Lucæ 22. *Appropinquabat dies*

*festus Judæorum, qui dicitur Pascha*. *Secundo*, pro ipso agno Paschali, sic ibidem: *Venit autem dies azymorum, in quo necesse erat occidere Pascha*: Tertiò, pro cibis Paschalibus, seu victimis, quæ diebus illis azymorum offerri solebant, & quibus per septem dies vesci licebat: animalia enim sic à populo oblata dicebantur *pasche*, juxta illud 2. Paralipomenon cap. 25. ubi legimus: *Dedit Josias omni populo, qui ibi fuerat inventus in solemnitate Pasche, agnos, & baddos de gregibus, & reliqui pecoris triginta millia, boum quoque tria millia ... ad faciendum pasche*. Quartò denique pro vero Agno Paschali: sic 1. ad Cor. 5. *Pascha nostrum immolatus est Christus*: alterutro ex quatuor prædictis modis intelligi, ac dissolvi possunt prælatæ Scripturæ autoritates: sed, ut facilius diluantur, placet eas singillatim expendere, & explicare.

*Respondeo ad primum*, diem festum Paschæ dupliciter accipi, nempe vel pro die artificiali, idest ab ortu Solis, ad ejusdem occasum, vel pro die legali: idest à prima vesperta incipiente, ad secundam desinentem: Prior dicebatur propriè dies festus, posterior verò primus dies azymorum: prior erat dies decima quinta integra, quæ urique solemnitas erat: posterior verò erat dies decima quarta, à cuius quidem pomeridiana parte incipiebat ritus celebrationis Paschæ, sic etiam nunc fit in nostratum solemnitatum vigiliis, non autem erat solemnitas, & festiva, ut declaratur num. 28. v. 16. *Menfe autem primo, decima quarta die mensis, pasche Domini erit, & decima quinta solemnitas*. Porro Christus D. Paschalem agnum comedit cum Discipulis die 13. ad vespertam, & sic ante diem festum Paschæ, idest in vespere antecedente diem solemnem-artificialem.

*Ad secundum dico*, nomine Pascha ibi non intelligi Agnum Paschalem, sed Paschales victimas, quæ etiam Pascha dicebantur: juxta illud Deuteronomii 16. *Immolabis Domino Pasche de ovibus, & bubus, &c.* quorum quidem sacrificiorum pars una cremabatur in holocaustum, secunda cedebat in usum Sacerdotum, tertiâ verò comeditur à populo, ut præcipitur Num. 28. postulabatque legalem in edentibus mundiciam, ut observat Josephus lib. 2. antiquitatum cap. 3. Quoniam autem Judæi immundiciam legalem contrahebant ex societate, & concubernio cum infidelibus; ideoque illi qui Jesum duxerunt ad Pilatum, noluerunt ingra-



di in prætorium, ut non contaminarentur, sed ut manducarent Pascha, idest illas victimas Paschales.

*Repones* cum Spalatensi, hanc equidem munditiam pro ejusmodi sacrificiorum participatione requisitam fuisse in Sacerdotibus, & Levitis, non verò in Laicis, ut colligitur ex 2. Paralip. cap. 30. v. 15. ubi legitur: *Congregati sunt in Jerusalem populi multi, ut facerent solemnitatem azymorum in mense secundo ... Immolaverunt autem Phasæ 14. die mensis secundi: Sacerdotes quoque, & Levitæ sanctificati obtulerunt holocausta in domo Domini ... Suscipiebant verò Sacerdotes effundendum sanguinem de manibus Levitarum, eo quòd multa turba sanctificata non esset, & idcirco immolarent Levitæ Phasæ istis, qui non occurrerant sanctificati Domino: magna etiam pars populi de Ephraim, & Manasse, & Issachar, & Zabulon, quæ sanctificata non fuerat, comedit Phasæ, proindeque sanctificatio legalis necessaria non erat in populo, & Laicis: sed qui duxerunt Jesum ad Prælatum, non erant Sacerdotes, sed eorum Ministri: igitur non desudabatur in eis munditia legalis ad comedendas victimas Paschales, & consequenter mundities, quam requirebant, non erat ad eas victimas manducandas, sed reverà ad manducandum agnum Paschalem; igitur dies illa, qua crucifixus est Dominus, erat tantum dies decima tertia.*

*Respondeo* ad majorem, quòd etsi major mundities requireretur in Sacerdotibus, quàm in Laicis, aliqua tamen in his desiderabatur; nam etsi Regis Ezechiz jussu magna populi pars, quæ sanctificata non fuerat ab immunditiis legalibus, tamen id eis concessum est per dispensationem, scilicet ob urgentem necessitatem reconciliandi filios Israël inter se dissidentes circa cultum Dei, qui per hujusmodi solemnitatem Paschalem invicem sociati sunt in eundem Dei cultum.

*Adde* quòd hæc victimarum manducatio, ab immundis laicis ibidem notetur facta contra legem præscriptam; scribitur enim: *Magna pars populi ... quæ sanctificata non fuerat, comedit Phasæ, non juxta quod scriptum, & oravit pro eis Ezechias dicens; Dominus Deus propitiabitur cunctis, qui in toto corde requirunt Dominum Deum Patrem suum, & non imputabis eis, quòd minus sanctificati sunt, quem exaudivit Dominus, & gloriatus est populo. Igitur reverà peccasset*

populus, manducando Paschales victimas, cum immunditia legali, nisi cum eo divinitus fuisset dispensatum.

*Ad minorem dico*, falsum esse, quòd soli Laici recusant ingredi in Prætorium ne contaminarentur; liquidem cum eis erant Sacerdotum Principes, & Levitæ, legimus enim Marci 15. *Summi Sacerdotes cum Senioribus, & Scribis, & universo Concilio vincientes Jesum duxerunt, & tradiderunt eum Pilato: cum autem Præses toleret eis dimittere per diem festum unum ex vincitis, quemcumque petissent, & vellet dimittere Jesum, Pontifices concitaverunt turbam, ut magis Barabbam dimitteret eis. Itaque dicitur petiti, eos, qui noluerunt ingredi Prætorium, ne contaminarentur, sed ut comederent Pascha, fuisse Principes Judæorum, Scribas, Sacerdotes, & Pontifices, qui intermittentes ea, quæ necessaria erant ad celebritatem dici festi, se totos impendebant in procuranda Christi morte.*

*Ad tertium dico*, nomine *Parasæve*, non intelligi vigiliam, sed diem præparatoriam, seu feriam sextam, in qua præparabantur ea, quæ necessaria erant, non quidem ad esum Agni Paschalis, ut volunt Græci, sed ad victum pro sequente Sabbato: Quamvis enim prima die azymorum liceret Judæis cibaria parare, ut legitur Exodi 12. id tamen victum erat diebus Sabbati, ut habetur Exodi 15. & 35. Quòd autem S. Joannes hic *Parasæve* nomen usurpaverit, non respectivè ad Pascha, sed ad diem Sabbati, ipsemet luculenter indicat, cum ait c. 19. *Judæi quoniam Parasæve erat, ut non remanerent in cruce corpora Sabbato, &c.* sed id evidentiùs explicat S. Marcus cap. 15. cum ait: *Erat Parasæve, quod est ante Sabbatum, dicitur autem Parasæve Pascha potius quàm Parasæve Sabbati, vel quia erat unus ex septem diebus Paschalibus, vel quia erat pridie Sabbati incidentis in dies azymorum, seu Paschales.*

*Ad quartum dico*, illamquidem sententiam fuisse quorundam ex una parte consilium, venit alteram partem prævaluisse, judicando scilicet, non esse negligendam occasionem oblatam de Christo capiendi, quamquam dies s. itus immineret.

*Obijciunt secundò*: Diebus festis, maxime in azymorum solemnitate nihil operis festis facere Judæis licebat, ut habetur Exodi 20. at co ipso die, quo Christus crucifixus est, Joseph ab Arimathæa mercatus est

syn-

syndonem in sepulturam corporis Jesu, quod à Pilato petiit, & obrinuit, ipsum de crude deponens involvit ipsa syndone, & reposuit in monumento, quod erat excisum in lapide, & advolvit lapidem ad ostium monumenti, ut legitur Marci 15. & ibidem, pie mulieres emerunt aromata, ut venientes ungerent corpus Jesu; sed hæc opera die festo non erant licita, utpote servilia: igitur Christus non fuit Cruci affixus die festo azymorum, qui erat 15. sed die 14. præcedente, & consequenter si manducavit Agnum Paschalem cum Discipulis, id præstitit anticipato tempore, nempe die 13.

Nego minorem: Josephi enim, & piarum mulierum opera erga Christi D. corpus, tumulandum, minimè erant servilia, sed eximie charitatis, quæ utique diebus festivis licebat exequi; legimus enim Tobie 2. *Post hæc verò, cum esset dies festus Domini, & factum esset prandium bonum in domo Tobie, dixit filio suo: Vade, & adduc aliquos de Tribu nostra, timentes Deum, ut epulentur nobiscum. Cùmque abisset, reversus nuntiavit ei, unum ex filiis Israël iugulatum jacere in platea. Staturum exiliens de accubitu suo, relinquens prandium, jejunus pervenit ad corpus, tollensque illud portavit ad domum suam occultè, ut, dum Sol occubisset, eautè sepeliret eum. Cùmque occultasset corpus, manducavit panem cum luctu, & tremore, memorans illum sermonem, quem dixit Dominus per Amos Prophetam: Dies fissi vestri convergentur in lamentationem, & iudicium. Cùm verò Sol occubisset, abiit, & sepelivit eum. Igitur diebus festivis licebat mortuos sepelire, ac subinde ea sibi comparare, quæ necessaria erant ad illud impendendum obsequium.*

Nec refert, quod Judæis non liceret diebus festivis aliquem accusare, aut damnare, hoc, inquam, non obstat, cum enim Christum D. tanquam Pseudo-Prophetam Dei adversarium, & Mosaicæ legis expugnatorem exiliterent, idcirco putabant se obsequium Deo præstituros, si eum ipsomet die Paschali occiderent, ut sic Deo fieret satis, & irrogata ipsi injuria resarciretur.

Obijciunt tertio: Varias S. Chrysostomi sententias, maximè verò ex hominibus, de proditione Judæ, ubi inter cætera scribit: *nam, & circumcisionem sustinuit, & Sab- batica observavit, & festivitates celebravit, & azyma* (Nota) comedidit, & Hierosolymis

*cuncta hæc peregit: sed nulli horum nos subje- di sumus. Quippe clamat Paulus. Si circum- cidamini, nihil vobis Christus proderit. Et de azymis versus ait: Itaque epulemur non in fer- mento veteri, neque in fermento malitiæ, & nequitie, sed in azymis sinceritatis, & verita- tis. Nostra enim azyma non sunt farina humore macerata, & temperata, sed sincerum instrui- tum, vitæque honesta. Cùm igitur S. Chrysos- tomus dicat nulli horum nos subjacere, non debemus celebrare in azymis.*

Respondet, Arcudius lib. 3. cap. 6. Sanctum Chrysostomum meritò dicere nos nulli horum subiectos esse, quia neque azyma in sacrificio adhibemus tanquam lege quadam Christi D. adstricti, cùm sac- crificium optimè fiat etiam in pane fer- mentato.

Urgebis: Eodem modo loquitur S. Chrysostomus de azymis, ac de circum- cisione, & de observatione Sabbati, aliisque festivitibus. Et tamen si quis modò circumcideretur, vel alias Ju- dæorum festivitates observaret, pecca- ret, gravissimè: ergo eodem modo si azyma offerat.

Respondet idem inter ea, quæ refert S. Chrysostomus, esse nonnulla adiutoria qualia sunt azyma, & etiam locus Hierosolymorum. Nam etiam Hierosolymis possemus sacrificare, non ita tamen ac si alibi non possumus, ut Judæi non poterant. Ita etiam uti azymis, non tamen de necessitate simpliciter, quasi etiam in fermentato confici nequar. Quamvis modò non fiat liberum cui- que, sed institutum proprium, & anti- quum unicuique servandum est.

Deinde, absolute dicit, uti azymis more Hebræorum, omnino prohibitum esse, non secus atque prohibitum est circum- cisio, & observatio reliquarum celebra- tum, & ita nulli horum subjicimur, ut si aliquid horum observaremus, gravis- simè peccaremus, ac uti azymis more lati- norum, nullum proferri esse peccatum, in- dè fieri ad imitationem Christi. Quod ex eodem Chrysostomo facile probari potest. Nam Chrysostomo nonnulli ob- jiciebant, Pascha cum azymis fieri de- bere, hæc sunt ejus verba in eadem ora- tione: *Nam hoc etiam audio, multos dicen- tes, Pascha cum azymis esse. Non negat autem Chrysostomus ita solitum fuisse fieri, sed negat Judæos ex defectu loci*

habere azyma, quamvis reverà haberent. Non enim celebrabant Pascha Judæi Hierosolymis. *Quòd autem apud eos (Judæos) non sint azyma, audi Legislatorem dicentem: Non poteris celebrare Pascha in quolibet urbium tuarum, quas Dominus Deus tuus dat tibi, sed in loco ubi invocatum fuerit nomen ejus, Hierusalem intelligens.*

Si igitur Chrysostomus negat, Judæos celebrare Pascha cum azymis, quia non debito loco celebrant, quanto magis negaret hic Doctor Latinorum azyma esse azyma, quæ non una, aut altera, sed omnibus prorsus Judaicis carent circumstantiis? Alioquin, si absolutè, & universè ea damnaret, damnaret etiam factum Christi, qui, eodem Chrysostomo teste, peracto legali Paschate, novum Pascha in eodem mense per azyma instituerat. Quia tamen non ita instituerat, quasi de necessitate requirentur azyma, propterea Chrysost. per azyma interpretatur sanctimoniam vitæ, morumque puritatem, quæ nimirum azyma necessariò exiguntur ab his, qui verum Pascha celebrant, sive illud materialiter cum fermentato pane, sive cum azymis celebrent. Et quoniam Christiani illi judæizantes factum Christi opponebant: *Cur igitur eo tempore Christus fecit? Quod est dicere, cur Christus, & tempus cum Judæis observavit, & adhibuit azyma?*

Ad hoc respondet Chrysostomus: *Quoniam vetus Pascha figura erat alterius Paschæ futuri, oportebat autem veritatem figuræ succedere, ostensa prius umbra, tunc in eadem mensa veritatem induxit, inducenda autem veritate, umbra deinceps subducitur, & extra suum tempus est (hoc est, cessavit umbræ tempus) sic Chrysostomus. Quare azyma per se nullo modo sunt improbanda, ut neque fermentata, nisi adsint circumstantiæ Judaicæ, & ritus antiquæ legis. Tunc enim utraque improbarentur. Qua ratione damnat ea Canon Apostolicus 70. Si quis, inquit, Episcopus, vel Presbyter, vel Diaconus, vel omnino ex Clericorum catalogo jejuna cum Judæis, vel cum ipsi festi dies agat, vel ab ipsi Xenia accepti, ut azyma, vel quidpiam simile, deponatur. Si verò sit Laicus, segregetur.*

Quamquam, ut verum fatear, cum esse Canonem Apostolorum non existi-

mo; Quomodo enim in Asia Joannes, & Philippus Apostoli, aliique non pauci Antiquitus cum Judæis Pascha celebrassent, ut refert Polycrates? Quomodo plures alii Christiani cum Judæis jejunassent, teste Chrysostomo, si id Apostoli sanctio canone prohibuerant, & cur ipse Chrysostomus agens contra illos Judæizantes, & Patres Nycænos, pro se citans, præsentem canonem citare prætermisit? Imò & ipsi Patres Concilii Nycæni cur Apostolorum decreta ad persuadendum cæteris in medium asserre neglexerunt? *Hec Arcudius.*

Addit insuper quòd ejusmodi Canonem semper servarunt æquè Latini, æque Græci, neutri enim accipiunt à Judæis azyma, neque jejunant, neque dies festos agunt cum Judæis, aut more Judæorum.

*Obijciunt quartò:* Christus instituit Eucharistiam pridie quam pareretur: sed passus est Luna 14. igitur instituit Eucharistiam Luna 13. ac proinde antediem azymorum, & sic non consecravit in azymis. *Major patet ex Evangelio. Minor probatur,* passus est tribus diebus, & tribus noctibus antequam resurrexit, siquidem tribus diebus, & tribus noctibus jacuit in sepulchro, ut ipse prædixerat, *Matth. 12.* his verbis, *Sicut Jonas fuit in ventre ceti tribus diebus, & tribus noctibus, sic erit filius hominis in corde terræ tribus diebus, & tribus noctibus:* at Christus resurrexit prima Sabbati, id est die Dominica: igitur reverà mortuus est, & sepultus die 14.

*Nego minorem,* contrarium enim apertè colligitur ex dictis. Unde ad ejus probationem dico tres dies, & noctes, quibus Christus D. jacuit in sepulchro non esse intelligendas de diebus, & noctibus completis, & integris, sed per Synecdochem, ut præclarè explicat Alensis 3. part. qu. 20. memb. art. 3. *Sexta feria, inquit, cum nocte præcedente erit una dies, & ita per Synecdochem fuit ibi illa die: item fuit ibi per totum diem Sabbati cum nocte præcedente, & ita esse totum illum diem naturalem absque Synecdoche; item nox præcedens Dominicam Resurrectionis cum ipsa die est una dies naturalis, & per illam noctem fuit ibi, & ita per diem naturalem, id est, per Synecdochem, & ita per tres dies naturales fuit in sepulchro.*

*Instabis.* Ea die resurrexit Christus D. qua Ecclesia ejus resurrectionem celebrat, tertia videlicet ab ejus morte; at sæpè Ecclesia

sia celebrat ejus resurrectionem Luna 15. semper enim celebrat Christi resurrectionem prima die Dominica post diem 14. quo Judæi suam Pascha celebrant, ne videlicet eorum ritus videatur imitari, si eodem, ac illi, die, festum Paschatis celebrat; porro ea die 15. interdiu est Dominica, quando videlicet Pascha Judæorum seu Luna 14. primi mensis incidit in diem Sabbati; ergo signum est, quod Christus mortuus sit Luna 13. alioqui tres dies & noctes etiam per Synecdochem non occurrerent inter diem mortis Christi, & ejus resurrectionis: Et insuper celebraretur Christi D. resurrectio eo tempore, quo ipse adhuc mortuus jacebat in sepulchro.

*Distinguo majorem*, eodem naturali, nego: Ecclesiastico, concedo: Ecclesia enim non celebrat Christi Domini resurrectionem aliquo die qui determinatè correspondeat Lunæ, seu diei 17. primi mensis in qua surrexit, alioqui cum dies illa incidat plerumque in aliquam seriam Hebdomadæ, & non semper in diem dominicum, Ecclesia deberet festum Paschæ non semper celebrare die dominico, sed quovis die in quem Luna 17. incideret, sicut celebrat Christi D. nativitatem die 25. Decembris, quacumque die occurrat sive feriali, sive Dominica. Hoc igitur unum intendit Ecclesia, ut prima die Dominica post Pascha Judæorum, Pascha novum celebrat, tum ut significet Christum D. surrexisse à mortuis ipsa prima die Dominica post celebratum Judaicum Pascha, ut testetur ex hac diversitate diei, quo novum Pascha celebrat, se fateri vetus Pascha Judaicum fuisse omnino abrogatum.

Unde distinctè sancitum est, ne Christiani eodem die, quo Judæi, Pascha celebrent. Legimus enim in Canone 7. Apostolorum, *Si quis Episcopus, Presbyter, Diaconus sacri Pasche diem ante vernum æquinoctium cum Judæis celebraverit, deponatur, abiciatur.* Hinc S. Ignatius epist. 8. ad Filip. *Si quis cum Judæis Pascha celebret, participes est eorum, qui Dominum occiderunt.* & Apostolos ejus. Quod utique præclare explicat S. Victor. i. summus Pontifex epist. i. ad Desiderium Viennensem, in qua scribit, *Ut sancta fraternitas tua à Presbyteris, qui Apostolorum in carne viderunt, erudita est, qui & Ecclesiam ad tua usque tempora vixerunt, non 14. Luna cum Judæis, sed a 15. usque ad 21. Pascha celebravit Ecclesia Catholica, non*

*enim jam umbram, sed veritatem, quæ umbra legis celebratur, quærit. Hanc doctrinam Romæ Petrus, & Paulus instituerunt, ut in azymis sinceritatis, & veritatis Pascha ageretur, qui enim cum Judæis Pascha agere voluit, quid nisi umbram diligit, ut agni carnes non in veritate, sed in umbra figurante manducant? Presbyteris Galliarum litteræ mittentur, ut observent Pascha, non cum Judæis negatoribus Christi, sed cum sequacibus Apostolorum prædicantibus veritatem Christi.*

*Obijciunt quintò*: Id in praxi habebant Judæi ex Majorum Traditione, quod, quando Luna 15. contingebat feria 6. non ordiebantur solemnitatem Paschæ feria 5. ad vespem primam, sed tantum ad secundam, sicque discebant festum Paschatis in sequentem diem, ut traditum fuerat à temporibus Eldæ post reditum à captivitate Babylonica, & instaurationem templi perfectam, sicque Sabbatum erat primus dies solemnitatis: sed, inquit, ita contigit anno, quo Christus passus est, unde Judæi tantum inceperunt solemnitatem Paschalem ad eam vespem diei 15. in qua Christus passus est, sicque Christus hanc solemnitatem præveniens, suum Pascha manducavit feria 5. cum pane quidem azymo ad id necessario, sed manducato Paschate, assumptoque fermentato pane adhuc eo die licito propter translatum Pascha in sequentem diem, cenam usualem iniit, & inter cenandum Eucharistiam instituit, non quidem in azymis, sed in fermentato, quo utebatur.

*Nego majorem*: Si enim viguisset ea legis interpretatio tam antiqua Traditione firmata, quare tum Apostoli nullo monente Christum rogassent, *Ubi vis paremus tibi comedere Pascha?* si illo ipso die Pascha non fuisset comedendum? Quorsum assererent Evangelistæ, diem azymorum venisse, in qua necesse erat comedere Pascha, si reverà Paschalis dies in sequentem esset procrastinandus? quoniam pasto induci potuisset homo ille Hierosolymitanus, ut commodaret suum cœnaculum ad Pascha comedendum contra ritum Gentis, & ordinationem Principum Sacerdotum? Quomodo tandem tam altum hujus Traditionis, & Interpretationis legis silentium esset apud Philonem, & Josephum accuratissimos cœremoniarum, & legum Israelitici populi Scriptores, necnon & apud Patres Græcos, & Latinos, qui

qui sæpè meminerunt Paschæ Judæorum, & ex eis plurimi constantissimè asserunt, Judæos in suo Paschate celebrando, semper observasse lunam 14.

*Obijciunt sexto:* Si Christus D. passus esset, & mortuus primo die azymorum, dies Pentecostes eo anno incidisset in diem Sabbati: at hoc est contra communem Ecclesiæ traditionem quæ existimat diem Pentecostes, & Spiritus sancti descensum contigisse die Dominica, ut scribit S. Clemens lib. 5. Constit. cap. ultimo, August. serm. 154. de Tempore, S. Leo Epist. 81. Ergo non est mortuus primo die azymorum. Probatur major. A secunda die azymorum, in quo Judæi offerebant Deo manipulum, jubetur Levitici 23. *Numerabitis ergo ab altero die Sabbati in quo obtulistis manipulum primitiarum, septem hebdomadas plenas, usque ad alteram diem hebdomadæ septimæ, id est quinquaginta dies, & sic offeretis sacrificium novum Domino*, scilicet in die Pentecostes: sed in hypothesi dies ille cadit in diem Sabbati, nam 7. hebdomadæ faciunt 49. dies, & hæc in prædicta hypothesi finiunt FERIA 6. & proinde cum dies sequens sit Sabbatum, in quo completur quinquagesimus, sequitur inferendum, quòd isto anno festum Pentecostes incidit in diem Sabbati.

*Respondet Bellarminus*, id fuisse consuetudinis apud Judæos, ut quinquaginta illi dies numerarentur a primo die profano post festum Azymorum; unde, quando secundus dies erat Sabbatum, tunc non a secundo, sed a tertio hæc incipiebat numeratio: Ratio enim cur non a primo, sed a secundo die azymorum hæc fieret numeratio, non alia assignari potest, quàm quia secundus dies profanus erat, & in ea plura fiebant operaservilia, ut manipulorum collectio, &c. quæ primo die facere non licebat ob festivitatem; sed dies Sabbati non minus erat festivus; unde merito suprâ dixit Scriptura, *ab altero die Sabbati*, non verò *ab altero die Paschæ*, ut forte si quod aliud festum, putà Sabbatum incidere in secundam diem azymorum, hæc computatio fieret non a secunda illa die, sed a die sequenti, quæ esset profana. At ita contigit eo anno, ut secundus dies esset Sabbatum. Ita Bellarminus.

*Respondent alii*, hanc numerationem fieri à secunda die azymorum non inclusivè, sed exclusivè, quæ computatio satis familiaris est in Scriptura, sic 2. Paral. cap. 3.

*Fraffen Theol.* Tom. XI.

dum dicitur, *Facta est grandis celebratio in Jerusalem, qualis à diebus Salomonis non fuit.* &c.

Qua in supputatione tempus Salomonis non includitur. Et ideo cum secundus dies ille azymorum anno, quòd Christus mortuus est, incidere in Sabbatum, certum est hanc computationem inceptam fuisse à die sequente, nomine Dominica, qualiter etiam nos supputationem ordinamus.

*Nec refert*, quòd die Sabbati omne opus servile, qualis erat ista manipulorum collectio, secundo die azymorum facienda prohiberetur. Dico enim, quòd cum talis manipuli collectio esset in usum religiosum, & in divinum cultum, sicut eodie licebat occidere, purgare, & lavare sacrificanda animalia, quidni & licuisset colligere manipulos Deo offerendos?

*Ex his patet facilis solutio* illius vocabuli *Sabbatum secundò primum*, de quo S. Lucas cap. 6. *Factum est autem Sabbato secundo primum, cum transiret per sata Discipuli ejus vellebant spicas.* &c.

Cum enim 7. hebdomadæ integræ, ac proinde 7. Sabbata numerarentur à secundo die azymorum ad festum Pentecostes; primum Sabbatum dicebatur, & primum, & secundum. Primum quidem respectu aliorum: secundum autem respectu primi diei azymorum qui etiam ob solemnitatem, Sabbatum dicebatur, ut patet ex dictis.

*Reponit Maldonatus:* Mensis, in quo numeratio hebdomadarum fieri debebat, erat *Nisam* respondens nostro Martio: sed ille non erat, in quo Discipuli vellebant spicas: tum quia eo mense nondum maturæ erant: tum quia tempore Passionis, Ministri calefaciebant se ad prunas, quia frigus erat; Ergo segetes non erant maturæ.

*Nego minorem*, & ad primum dico, quòd mens Martio segetes erant maturæ in Palestina; siquidem Deuter. 16. hic mensis dicitur novarum frugum *Observa mensem novarum frugum*, & *verni primum temporis*: Insuper Levitici 23. præcipitur, ut post tridie diei primæ azymorum offerantur manipuli spicarum: credibile autem non est eos manipulos, & segetes oblatas fuisse, antequam grana formata fuissent, & aliquatenus maturassent.

*Ad secundum dico*, mirum non debere videri, quòd ea nocte, qua captus est Christus D. milites tanto frigore premerentur, ut opus habuerint recurrendi ad prunas; inter-

E dum

dum enim contingit, ut noctes etiam mense Augusto sint frigidissimæ; ut maximè accidit anno præcedente 1675. quidni mense Martio vigere ac urgere potuerit vehementissimum frigus noctis tempore in Palestina quamquam diu propter Solis æstus segetes ad maturitatem propenderent?

Quæres 1. *Utrùm vespæra, in qua Christus, & Judæi comederunt Agnum Paschalem, fuerit secunda seu præcedens noctem diæ artificialis 15. sequentis.*

Affirmo. Tum quia vespæra ibi debet accipi, qualiter accipitur in aliis Scripturæ locis: sed in aliis intelligitur pro secunda vespæra. Sic Exodi 18. *De mane usque ad vespæram*: 2. Reg. 2. *Jejunantes usque ad vespæram*, &c. Tum quia eo die, & in ea vespæra comedi debet Agnus ille, quo Judæi in Ægypto primum Deo præcipiente id celebrant: at id celebrant in posteriori vespæra diei 14. nam Exodi 12. eadem nocte comedunt Agnum Paschalem, & egrediuntur de Ægypto: at egressi sunt nocte præcedente diem 15. artificialem ut patet ibidem, unde etiam ob id ab ea incipiebat usus azymorum.

Dices 1. Ea nocte, qua comederunt, prohibiti sunt egredi de domibus suis: igitur eadem nocte non sunt egressi.

Nego consequentiam: Et dico, prohibitionem illam factam fuisse dumtaxat propter vitandum percussorem Angelum: at ubi Israelitæ audivissent ex clamore Ægyptiorum jam trucidatos fuisse omnes primogenitos, ac subinde exterminatorem Angelum recessisse, securi egressi sunt de domibus suis, nec non & de terra Ægypti, ut legitur Exodi 12. v. 41. *Eadem die egressus est omnis exercitus Domini de terra Ægypti*, Et v. 51. *Eadem die eduxit Dominus Filios Israel de terra Ægypti per turmas suas*. Itaque Moyses non præcepit Israelitis, ut de domibus suis ea nocte non exirent absolute, sed ut non exirent, quamdiu percuterentur Ægypti primogenita, seu donec Angelus intericiens illa transisset, & ab Ægyptiis urgerentur, & cogerentur exire.

Dices 2. Mutuati sunt Israelitæ ab Ægyptiis auræ, & argentea vasa, multamque suppellectilem, & abstulerunt Exodi 12. at non id potuissent, si eadem nocte comedisent agnum, se continuisent in domibus, dum exterminarentur Ægypti primo-

genita, & exiissent ex Ægypto; vix enim una dies integra satis erat illis omnibus exequendis, & alioquin nocturno tempore mutuari non potuissent ea vasa.

Nego minorem; Cum enim Israelitæ præmoniti fuissent à Moysè de brevi futuro suo discessu, faciliè potuerunt colligere suas farcinas, & ab Ægyptiis petere vasa, priusquam in unum aliquem locum convenirent, & ederent Pascha; maximè cum Deus dedisset eis gratiam coram Ægyptiis, ut postulatæ eis commodarent, sicut legitur Exodi 12. & insuper Ægyptii plurimis jam fracti plagis eos quamprimum egredi cogerent.

Dices 3. Priusquam egredierentur Israelitæ, convenerunt in Ramesse, ut legitur Num. 33. ex quo loco profecti sunt die altera Phasæ, ut ibidem legitur:

*Profecti de Ramesse mense 10. 15. die mensis primi, & altera die Phasæ filii Israel in manu excelsa, videntibus Ægyptiis, & sepelientibus primogenitos, quos percusserat Dominus, castrametati sunt in Socoth*: igitur cum altera dies Phasæ sit illa, quæ sequebatur immediate celebrationem Paschæ, non eadem nocte comederunt agnum, & exierunt ex Ægypto; igitur comederunt Agnum Paschalem ad primam vespæram.

Nego consequentiam: Quia manducaverunt Agnum in fine diei 14. discesserunt ex Ægypto die 15. summo mane ante Solis ortum; si enim ad primam diei 14. vespæram comederunt agnum, non altera die profecti sunt de Ramesse, sed tertia die post esum agni; fuisset enim inter esum agni decima tertia luna ad vespæram, tota dies 14. & initium 15.

Instabis: Non potuerunt filii Israel convenire in Ramesse ea nocte, qua manducaverunt Pascha: igitur nulla solutio. Probatur anteced. Cum Ramesse oppidum non esset ita amplum, & dilatatum, ut in eo tota Israelitarum multitudo posset congregari, oportuit ut ibi convenientes habitarent in tentoriis: sed ea nocte, qua manducaverunt Pascha, non erant in tentoriis: Tum quia Deus jussit, ut Agni sanguine Israelitæ limerent postes, & superliminaria domorum: id autem non potuissent exequi, si Agnum Paschalem occidissent, & manducassent in tentoriis: Tum quia vœvit Moyses, ne quis egredieretur usque mane de domo sua; non autem dixit de tentoriis suis: igitur ea nocte, qua comederunt agnum Paschalem, non convenerunt in Ramesse, sed

sed tantum die sequenti & consequenter manducaverunt Agnum Paschalem ad primam, non autem ad secundam vespem.

*Nego antecedens*, & ad ejus probationem dico, Hebræos non dici congregatos in Rameffes, quasi omnes fuerint in oppido Rameffes: sed in ea regione, quæ Rameffes vocabatur ab oppido, quod erat in ea præcipuum; Hebræi namque, quando fuerunt in Ægypto, habitaverunt in terra Gessen prope Rameffes. Nam Genesis 47. cum Pharaó dixisset Josepho, ut patri, & fratribus suis traderet terram Gessen, statim subditur: Joseph verò patri, & fratribus suis dedit possessionem in Ægypto in optimo terræ loco Rameffes, ut præceperat Pharaó. Porro Israelitæ à Moysè Deo jubente admoniti accesserunt ad loca viciniora oppido Rameffes, quò forent ad exitum expeditiores: videntur autem in iis partibus admixti fuisse Ægyptiis, & non in tentoriis habitasse, alioquin non potuissent ab amicis, & vicinis vasa, vestisque mutuari.

Nec obstat, quòd Josephus lib. 2. Antiquitatum cap. 5. scribat: *illucescente 14. luna, omnes ad exitum animalia sacrificabant*. Non, inquam, obstat; hæc enim vox, *illucescente*, non significat, cum instaret decima quarta dies, sed cum adfuit, seu cum jam adisset illa dies. Quæ utique significatio ex eodem colligitur: nam lib. 3. Antiquitatum cap. 10. scribit: *Mense Xanthico, qui nostris Nisan vocatur, & annum exorditur luna 14. Sole Arietem obtinente, quandoquidem hoc mense ab Ægyptiaca servitute liberati sumus; sacrificium, quod tunc excentes fessio diximus Pascha nominatum, quotannis instaurare lege jubemur, celebramusque per sodalitiam, nihil è victimis in sequentem diem relinquentes, quæst. 15. & azymorum festivitas prima.*

Quæres 2. *Utrum Christus D. instituerit Eucharistiam, dum adhuc cum Discipulis Judas præsens adesset.*

*Affirmo*: Id enim apertè docet, & testatur S. Lucas, siquidem ubi dixit Christum consecrasse panem, & calicem, ac utriusque prolata consecratoria verba retulit, immediātè subdit Christum dixisse: *Verumamen ecce manus tradentis mecum est in mensa*: Ergo Judas consecrationi præsens aderat.

*Insuper consecratum panem, & calicem omnibus præsentibus obtulit, testè S. Marco, qui fatetur omnes ex consecrato calice bibisse, & biberunt ex eo omnes*: at Judaserat ex Apostolis: Ergo cum aliis Christi corporis, & sanguinis particeps fuit.

*Repones* fortè S. Matthæum 26. & Marcum 14. asserere Judam vix unguenti pretiosi in Bethania supra Christi pedes effusione ægrè tulisse, obmurmurasse, & à Christo reprehensum deseruisse ceteros Apostolos, ipsumque ad principes sacerdotum illicò properasse: igitur cœnæ cum cæteris non adfuit.

*Nego consequensiam*: Hæc enim apertè militat, & in prædicta Lucæ verba & in S. Joannem testantem Christum Judæ cœna facta pedes lavisse; imò Matthæus ipsemet asserit Judam in cœna cum cæteris Christum rogasse, *numquid ego sum Rabbi?* ait illi, *Tu dixisti*; & immediatò subjungit, *Camantibus illis, &c.* Idem ibidem habet Marcus. Ergo vel dicendum cum S. Augustino sæpè facta, non secundum factorum ordinem, sed veritate Evangelistas referre. Vel asserendum Judam quidem secretò abiisse à Bethania ad principes Sacerdotum, & iterum ad Christum rediisse, ut exploraret locum opportuniorem eum tradendi Sacerdotum ministris.

*Confirmatur* ex Actorum cap. 1. Judas dicitur Episcopus, & Sacerdos, sicut scriptum est Psal. 68. *Episcopatum ejus accipiat alter*; sed Apostoli ordinati sunt Sacerdotes, & Episcopi tantum in institutione Eucharistiæ: igitur cum aliis Judas præsens aderat.

Eandem veritatem affirmant Origenes tract. 35. in Matth. S. Chrysost. homil. de predicatione Judæ S. Cyrill. lib. 9. In Joannem, & Author term. de cœna apud S. Cyprianum, ubi loquens de Apostolis manducantibus agnum Paschalem, ait. *Nec Judas ad veterem viam pertinens diabolo inroadente, & occupante animum ejus, egredi cogebatur: sed ubi sacrum cibum mens perditionis tetigit, & sceleratum os panis sanctificatus intravit, parricidalis animus vim tanti sacramenti non sustinens, quasi palea de area exussus est, & præceps ecurrit ad preditionem, & pretium, ad desperationem, & laqueum.*

S. Hieronymus in illud Marci: *Biberunt ex eo omnes*, ait: *Et Judas bibit, sed non saturatur, nec sitim extinguit ignis æterni, qui indigne mysteria Christi suscepit.*

*S. Aug. in Psalm. 10. in ea verba: Iustus autem quid fecit? ait: Christus quid fecit vobis, qui traditorem suum tanta patientia pertulit, ut ei primam Eucharistiam confectam manibus suis, & ore suo commendata, sicut cæteris Apostolis traderet? Idem affirmant S. Leo serm. 3. & 7. de Pass. ante medium; & plures alii, quos citat Vasquez disp. 217. cap. 2.*

*Obijcies primò plures è sanctis Patribus expressè aut tacitè contrarium tenentes. Expressè quidem S. Clementem lib. 5. constit. cap. 13. Cùm autem tradidisset nobis antistipa mysteria pretiosi corporis, sanguinis sui absente Juda egressus est. Innocent. III. lib. 4. de mysteriis Missæ cap. 13. S. Damian. epist. 64.*

*Respondeo ad S. Clementem, hæc verba absente Juda, non ad præcedentia, sed ad sequentia egressus est, esse referenda, sicque testantur Evangelistæ; nam Judas prius exierat, quàm Christus egressus iret in hortum. Ad alios Patres dico, fortè aliquos in ea versari sententia; vel fortè velle Judam non fuisse quidem participem effectus sacramenti, ac sic caruisse tali sacramento, quid enim prodest sacramentum absque illius effectu?*

*Obijcies secundò: Judas accepta intincta buccella continuo exivit ab Apostolorum consortio, ut Christum traderet: sed nec illa buccella fuit sacramentum, ut definit Concil. 3. Bracharense; & asserit S. August. tract. 62. in Joan. neque etiam post institutum sacramentum fuit porrecta: ergo Judas præsens non adfuit, dum Eucharistia fuit instituta.*

*Concedo maj. & primam partem minoris, sed nego posteriorem. Hunc siquidem ordinem servavit Christus, ut primò cœnam legalem cum Discipulis faceret. Secundò, ea peracta cæremoniali cœna, quæ fieri debebat à stantibus, & succinctis, ac baculum in manu per modum viatorum gerentibus, recubuit, & accubuit usuali mensæ cum duodecim, ac inter cœnandum proditorum præsignavit, ac futuram instantemque suam Passionem pronuntiavit. Hac autem peracta cœna, surrexit à mensa, pedes lavit, & iterum recubens sermonem habuit de humilitate, & postea ex residuo pane, & vino Eucharistiam instituit, ac ministravit singulis. Demum cum id moris esset apud Hebræos, referente Baronio, ut mensæ præfectus buccellam panis, in combammate, ex lactucis a-*

*gestibus confecto intingeret, intinxit & Christus buccellam panis usualis, quàm Judæ tradidit, & ei dixit: Quod facturus es, fac citius. Cùm autem Judas, accepisset buccellam, exivit continuo: Hoc est, non expectavit prolixum illum sermonem, quem eo absente Christus ad Discipulos habuit.*

*Ita pariter sentit S. Aug. nam præcitata homil. 62. sic loquitur: Non autem, ut putant quidam negligenter legentes, tunc Judas corpus Christi accepit; intelligendum est enim quòd suum omnibus distribuerat Dominus sacramentum corporis, & sanguinis sui. Ubi & ipse Judas erat, sicut S. Lucas evidenti-ssimè narrat, ac deinde ventum est, ubi secundum narrationem Joannis aperiti-ssimè Dominus per buccellam tinctam suum exprimit traditorem.*

*Petes 3. Utrum panis azymus fuerit semper in Ecclesia Latina, & Occidentali frequentatus.*

*Affirmo, idque colligitur primò ex Leone IX. epist. 6. quæ est ad Michaelem Constantinopolitanum, his verbis: Illud, autem, inquit, quis non stupefcat, quòd post tot Sanctos, & Orthodoxos Patres, post mille, & viginti à Passione Salvatoris annos, novus calumniator Ecclesiæ Latinorum emerissit, anathematizans omnes, & publicam persecutionem excitans, quicunque participarentur Sacramentorum ex azymis. Quibus verbis significat per mille, & viginti annos hoc est, à Passione Christi ad sua usque tempora Ecclesiam Romanam confecisse ex azymis.*

*Probatur secundò ex Innocentio Tertio lib. 4. Mysteriorum Missæ c. 4. ubi verba faciens de differentia ritus Orientalis, & Occidentalis Ecclesiæ circa azyma, simulque de insolentia Græcorum Ecclesiam Romanam in eo hæresis accusantium, ita loquitur: Ab ipsis ergo beatis Apostolis, Petro, & Paulo, quos vivos habuit, & defunctos custodit, hunc sacrificandi ritum accepit, quem hæcenus inviolabili cultu servavit.*

*Probatur tertio ex Algero lib. 1. cap. ult. Quia ergo, inquit, nulla ratio cogit, ut azymum à Christi sacrificio revellamus, dignum est, ut, quod Christus instituit, (omnis autem Ecclesia præter Græcam a primordio sui ex Traditione Principum Ecclesiæ, Petri scilicet, & Pauli celebravit,) indolentè conservet.*



*Probat*ur quare dicitur Ruperto lib. 2. de divinis officiis cap. 22. his verbis : Cur sancta Romana Ecclesia nunquam in sacrificio fermentatum admiserit, non otiose quaeritur, nec inutiliter scitur; maximè quia consuetudini huic tota Græcia refragatur; nam de fermentato Græci immolant, nescio, qua auctoritate suffragante. Denique opposita sententia nullis fulcitur solidis rationibus.

*Obijci*es primò: Olim consecrabatur in pane à fidelibus oblato, ut ex Concilio secundo Marisconensi can. 4. suprà dictum est; imò verò Ebionitæ notati sunt propterea, quòd panibus azymis mysteria celebrarent.

*Respondeo*, panem à fidelibus oblatum ad usum Eucharistiæ non fuisse fermentatum, sed azymum; quid enim verat fideles obtulisse azymum? Quantum ad Ebionitas hæresis notatissunt, non quia azymis utebantur, sed quia illis utendo existimabant se legem Mosaicam unà cum Evangelio observare: in coitaque notati sunt, in quo errabant; error autem non est conficere in azymis, sed animo Judaico conficere.

*Obijci*es secundò ex S. Ambrosio lib. 4. de Sacramentis cap. 4. Panis, qui est materia Eucharistiæ, est panis ultratus: talis autem non est azymus, sed fermentatus: ergo, &c.

*Respondeo concessa majore, nego minorem.* Panis enim azymus est panis ulualis, quamvis non ita delectabilis. Responsio est Humberti loco suprà citato. Adde S. Ambrosium opponere panem utilitatem pani consecrato, hæc sunt ejus verba: Tum fortè dicis, Meus panis est ultratus, sed panis iste, panis est, ante verba Sacramentorum, ubi acciderit consecratio, de pane fit caro Christi: igitur hoc in loco panis ultratus idem est, quod panis prophanus.

*Obijci*es tertio: Ante tempora schismatis Photii, azyma non erant in usu, fuissent enim Latinis objecta à Græcis, qui omnia, in quibus Latini ejus adversabantur, tanquam crimina opponebant; imò huc usque nullus canon azymorum meminit: ergo, &c.

*Respondeo negando antecedens:* Erant enim azyma in usu ante Photii tempora, sed nondum crimini vertebatur: Primò itaque sub Leone IX. exprobratum est Latinis, quòd azyma consecrarent, ex quo non sequitur tunc primò invaluisse usum azy-

*Fraffen Theol. Tom. XI.*

morum: aliàs dicendum esset, Ecclesiam Latinam tunc primò abstulisse à canendo *Alleluja* in Quadragesima, & quia tunc primò suffocata comedit, quia tunc primò id fuit objectum à Græcis.

Petes 4. *Utrum Ecclesia universalis intermisserit celebrationem Eucharistiæ propter hæresim Ebionitarum*, & Quartodecimanorum.

*Respondeo* id non videri probabile. Primò quidem de Ebionitis: Tum quia nullus è sanctis Patribus, aut Pontificibus, aut veteribus historicis id asserit, sed solum quidam Scholastici id sine ulla auctoritate, aut fundamento affirmant, dicentes cum S. Thom. 3. par. quæst. 74. art. 4. Alexand. qu. 10. membr. 4. &c. utramque Ecclesiam Græcorum, & Latinam à tempore Apostolorum in azymo instar Christi consecrass; postea verò exorta Hæresi Ebionitarum, qui dicebant post Christum legalia esse servanda (ut referunt S. Epiphanius, hæres. 30. & Irenæus advers. Hæres. cap. 36. libro primo. Augustinus libro de Hæresibus ad quod vult Deus. Hæres. 9.) utramque Ecclesiam in fermentato consecrass, verò cessante occasione, Latinam Ecclesiam ad pristinum morem rediisse, Græcam autem fermentatum oblinato animo conservasse, quibus etiam obiter subscribit Doctor 4. dist. 11. quæst. 6.

Et quidem confirmant auctoritate Leonis Papæ. Verum quis fuerit ipse Leo Papa non affirmant, & meritò quidem, quippe cum nullus à primo ad nomen hujus controversiæ meminerit, nec ipse Leo nomen id concessit, imò in epistolis ad Michaelem contrarium statuit, ac ipsum hæc de re novum Ecclesiæ Latinæ reprehensorem asseruit, multò minus id asseruit. Imò S. Epiphanius suprà laudatus dicit eos hæreticos imitatos fuisse Sanctorum celebrandi morem in azymis.

Nec pariter id congruè fecisset Ecclesia, ab intentoque fine id faciendo excidisset. Nam cum in hoc imitaretur Christum, multoque magis hoc modo dignitatem hujus mysterii significaret, non erat rationi consentaneum hunc panem relinquere, cum plura alia Ecclesiæ retineat à Christo tradita, quibus Judæi in suis cæremoniis utebantur, nam utebantur aqua in suis baptismatibus, oleo in suis unctionibus, &c. nec tamen aquam in Baptismate, nec oleum in Confir-

E 3 ratio-

matione, aut Extrema-Unctione propterea abjicere liceret.

Adde quòd, cùm Ebionitæ in eo erraverint, ut temperantiz prætextu in sola aqua calicem consecrarent: ad vitandum hunc errorem, Ecclesia tamen nusquam abstulit à mixtione aquæ cum vino, ne in tali mixtione aliquid cum Ebionitis commune haberet.

Denique si ab eo tempore Ecclesia Græca in fermentato consecrasset; id fuisset ultimum tempore SS. Chrysostomi, Basilii, & Epiphani, qui multo post sepultam Ebionitarum hæresim vixerunt: at id falsum esse deprehenditur testimonio Epiphani.

Confirmatur autoritate Innocenti III. lib. 4. de mysteriis Missæ cap. 4. ubi refert, & refellens Græcorum argumentum, quo contendunt, nos judaizare in azymis consecrantes, hæc ait. *Scidendum ergo, quòd non omnes antiquæ legis consuetudines abiecit Ecclesia, sed quasdam provida consideratione retinuit, ducente sponsa ad sponsum in Canticis: Omnia poma nova, & vetera dilecte mi servavi tibi. Adhuc enim conficit oleum unctionis, & ibus suavitatis incendit, adhuc solvit decimas, & primitias, adhuc habet candelabrum, & lucernas, & velles, & vasa, & Pontifices, & Levitas. Nam si propterea repudiandum est azymum, quia lex illud admisit, pari ratione repudiatur fermentatum, quia lex statuit in Levitico, offerrent panes fermentatos cum hostia gratiarum. Non solum enim de constitutionibus legalibus, verum etiam de scriptis Gentilium libenter assumit Ecclesia, si quid in eis probè dictum, vel factum agnoscit, & tanquam mulieris caprivæ rejecat ungues, pilosque superfluos, ut ab alienigena falsitate mundata, thalamum veritatis digna sit introire. Post pauca subdit. Cæterum id solum Latinis sufficere contra Græcos, quòd Constantinopolitanam Ecclesiam multarum hæreseon corruptio fermentavit, ut non solum hæreticos, verum etiam hæresiarchas produceret: Romanam autem Ecclesiam super Apostolica fidei petram stabili soliditate fundatam, nulla prorsus hæretica pravitate procella potuit conqussare, sed illud semper integra fide servavit, quod ab iphi accepit Apostoli. . . . . Ab iphi ergo B. Apost. Petro, & Paulo, quos & vos habuit, & dejunctis custodi, hunc sacrificii ritum accepit, quem hactenus inviolabili cultu servavit. Græci verò postquam tunicam Domini inconsutilem diviserunt, ut perpetua divisionis scandalum inter-*

*ponerent, sacrificii ritum temerè mutaverunt, quos Leo nonus per epistolam ad Imperatorem Constantinopolitanum directam super variis confutavit erroribus.*

Siquidem illa gravis Latinos inter, & Græcos anno 159. primum innovata, & 198. renovata Controversia, non movebatur de azymis non edendis, sed de Paschate, quod Asiatica Ecclesia celebrabat 13. Luna Martii, quaque die incideret, Dominica, aut ferialis Latini verò, secus sentientes, affirmabant, celebritatem Paschalem tantum esse faciendam die Dominica, quo scilicet Christi Resurrectio contigerat. Eam tunc primus omnium movit Polycarpus, cùm enim Romam adventasset, convenissetque Anicetum tunc Romanum Pontificem, ultatam in Asia consuetudinem de celebrando Paschate invertere tentavit Anicetus, verum reluctantem Polycarpum à sententia dimovere non potuit, eo quòd assereret, id Asianos accepisse à S. Joanne Evangelista, cujus ille Discipulus, & auditor fuerat, & sic pace integra, charitate illasa, unusquisque in sua sententia permansit. Ut loquitur S. Irenæus natione Græcus, officio Lugdunenlis Episcopus in epistola ad Victorum.

Cùm autem diversus celebrandi Paschatis ritus, formandi schismatis esset occasio, Judaismi que renovandi, Ebionitis non leve præberet argumentum, Pius summus Pontifex anno 159. referente Eusebio in suo Chronico, decretum tulit, quo omnes ad festum Paschatis die Dominico celebrandum adigebat.

Verum cum nitamur in vetitum, inde factum est, ut plures Ecclesiæ rebellarent, magnaque in eis orta fuit hac de re contentio, quæ, ut sedaretur plura pluribus, imperante, & sollicitante Victore coacta sunt Concilia, putà Romanum, cui ipsemet Victor; Ponticum cui Palmas; Palestinum, cui Theophilus Cæsarientis, Gallicum, cui Irenæus; Ojroenum, & alia innumera, inquit Euseb. lib. 5. histor. cap. 22. in quibus uno sensu, sententiaque una decretum est, Pascha esse die Dominico celebrandum, juxta Apostolicam traditionem, quam omnes isti Patres ab Apostolis acceptam sibi vindicabant, inquit Eusebius.

Idque merito, nam S. Proterius Alexandrinus Episcopus epist. ad S. Leonem Romanum Pontificem, quam habet venerabilis Beda lib. de ratione temporis cap. 42. asser-

atit-

affirmat, S. Petrum eandem veritatem Romæ docuisse, & ab eo acceptam S. Marcum Ægyptiis tradidisse. Si autem eo antiquiore desideres, habes S. Ignatium, qui temporibus Apostolorum vixit, & Alexandrinam Ecclesiam, quam Petrus fundarat, & Paulus edocuerat, administravit, quem proinde nonnisi, quod ab Apostolis acceptat, scripsisse nemo sane mentis denegabit: Is enim epistola 6. ad Magnesianos Asiæ populos, ait: *Celebrandum diem Dominicum, ut dierum principem, & resurrectioni Christi dicatum.* Et ad Philippenes, de non celebrando Paschate more Judaico hæc contestatus incutit: *Si quis cum Judæis celebrat Pascha, aut Symbola festivitatis eorum recipit, participes est eorum, qui Dominum occiderunt, & Apostolos eius.*

Imo ipsius S. Joannis testimonio rata haberi videtur celebratio Paschæ die Dominico, nam cum Apocalypf. 1. ejus diei meminerit tanquam celebris in Ecclesiâ; quænam quæso potuit esse ratio talis solemnitatis, nisi quod esset jam Christi resurrectioni dicatus, in eoque fideles religiosi studiis Dominicæ resurrectionis sacramentum recolere? At si more Judaico 14. Luna esset illa dies habenda, cum incerta esset, utpote quæ singulis annis mutaretur, omnis diei Dominicæ (quæ prima erat) celebrandi ratio cassa videretur. Non tamen inficior, S. Joannem id statuisse initio nascentis Ecclesiæ, ut Judæis ad fidem amplexandam faciliorem viam sterneret; Paulum imitatus, qui Timotheum Episcopum circumcidit, ne Judæis infensus, & odiosus videretur.

Exinde tamen nullatenus firmanda, & probanda erat Asianorum sententia, licet in suo Concilio ex Victoris ordinatione hac de causa inito statuerint servandam esse Patrum suorum traditionem de celebrando Paschate die 14. in eoque cessanda Ecclesiastica jurgia, ut patet ex epistola, quam Polycrates Ephesiorum Episcopus hujus Concilii præpositus misit, aliorum, & suo nomine, ad Victorem, in qua plures ex suis prædecessoribus nominat, qui eundem ritum servavere, & subdit: *Ego igitur fratres, qui sexaginta quinque annis in Domino vixerim, qui multis cum fratribus per orbem dispersis de fide communicaverim, qui universam Scripturam studiose eolverim, his, quæ nobis ad terrorem obijciuntur, minime conturbor: me enim majores dixerant, magis Deo, quam hominibus obtemperandum.* Ex quo inferto Victo-

rem Asianis minitatum fuisse excommunicationem, nisi priorem de celebrando Paschate 14. die mutarent sententiam, ut die Dominico resurrectioni Domini sacro, unâ cum cæteris Ecclesiis agerent.

Verum, ut patet, nihil in obduratis profuit tanti Pastoris communicatio; quapropter, ubi Victor ex accepta Asianorum epistola novit eorum in veteri suo tuendo ritu pertinaciam, emisso novo ad eos edicto, à Fidelium communione rescidit, & rescissos omnibus aliis notificavit, ut referunt Nycephor. lib. 4. c. 38. & Eusebius lib. 5. c. 24. ubi cum uterque proferat Victorem nimis concitata diligentia, & nemine consulto, talem edidisse sententiam, quam proinde plures Episcopi non probarunt, subdit Eusebius, S. Irenæum id pariter cum cæteris ægrè tulisse. Unde quamvis de Paschate die Dominico celebrando eandem cum Victore haberet sententiam, tamen suo, & cæterorum Galliæ Episcoporum nomine, *Victorem arguit, quod non rectè fecerit abscindere à corporis unitate tot, ac tantas Ecclesias Dei, quæ morem sibi antiquitus traditum custodirent.*

Plura autem momenta protulit in Victorem S. Irenæus, sed præcipuum petebatur ex Victoris prædecessoribus, putâ Aniceto, Pio, Hygino, Telephoro, Sixto, qui licet ipsi cum Asianis festum eodem die non colerent, nec colere aliis permitterent, tamen cum Asianis Episcopis pacem, & concordiam perpetuò retinuerunt, nec ab Ecclesiâ propter id unquam fuerunt ejccti; imo ipsi Eucharistiæ, (& ut habet Nycephorus) *Sacramentum corporis, & sanguinis Christi ad eos direxerunt.*

Verum S. Irenæi pace dixerim, eum rem non ea, qua decebat, attentione ponderasse, siquidem quamdiu cum Catholicis tantum actum est, tolerabile visum fuit Romanis Pontificibus permittere Asianos more Judæorum 14. Luna celebrare, at cum hæc indulgentia hæresis validandæ esset occasio, ab ea desistere consultum visum est; Cum enim his temporibus invaluissent in Asia Montani hæreses, qui eadem cum Asianis sentientes, nisi quod illi Lunæ cursum Judæorum more, hi autem Solis, observabant, Pascha celebrandum esse 14. die affirmabant, secus verò facientes erroris insinulabant, ut testis est Pacianus libro de Catholico nomine ad Sympronianum.

Cum, inquam, hæc hæresis ita serperet, ut

nullatenus intra Asiæ limites contineretur, sed in alias mundi Provincias grassaretur, ipsam etiam pervaderet Ecclesiam Romanam, ex eoque Blastum, aliquam frustra ambientem Ecclesiæ dignitatem infecisset, ut Author est Tertull. de Præscript. cap. 53. eam indulgentiam diutius tolerare, idem videbatur, quod Schismaticis favere. Quamobrem etiam durum, ac violentum visum est multis remedium Victoris Papæ, pernecessarium tamen ad ulcus intrinsecus, intrinsecusque serpente tabo curandum, cum præfertim non eadem esset Asianorum causa, quæ fuerat antea tempore Policarpi, quandoquidem olim illi ex Indulgentia, hi ex necessitate tali die Pascha celebrandum esse affirmabant. Hæc Baronius ad annum 198.

### QUESTIO TERTIA.

*Utrum, & quo jure aqua su vino consecrando miscenda.*

**N**otandum primò, unum fuisse ex Armenorum erroribus, quod existimarent, aquam non esse vino consecrando admiscendam, ut apparet ex Canone 32. Concilii Trullani, ubi hic error, ut supra notavimus, refertur, & refellitur; illos autem in ipsum errorem induxit sententia quædam S. Chrysostomi perversæ, & malè ab eis intellecta: hic enim expendens illa verba Christi D. *Non bibam de hoc genimine vitis*, homil. 83. in Mathæum scribit: *Cujus rei gratia, non aquam, sed vinum post Resurrectionem bibit, perniciosam quamdam hæresim radicatus evellere voluit: quandoquidem enim sunt nonnulli, qui aqua in mysteriis utantur, ut ostenderent quia, & quando hoc mysterium tradidit, & quando post Resurrectionem sine mysteriis eandem mensam apposuit vino usus est. Ex genimine, ait, vitis, quæ certè vinum, non aquam producit. Ideo autem Armeni nolabant admiscere aquam vino consecrando, quoniam cum inficerentur hæresi Eutychiana, duarum in Christo naturarum unionem nolabant agnoscere, ut notat Nectephorus libri 18. cap. 53. Vinum, inquit, aqua non temperatum ashibent in divina reficienda, unam in Christo naturam designantes, neque sicuti nos calicem mescunt, per quam mixtionem duarum in Christo naturarum, unionem declaramus. Hunc autem errorem pridem damnatum, ac sepulchrum restaura-*

runt hujus temporis hæretici: Lutherus enim primo contra Regem Angliæ scripto, fatuos, & stolidos putat eos, qui peccatum esse sentiunt sine aqua celebrare: Nonnulli autem Calvinistæ gravius exorbitantes, sacrilegos, falsarios esse, ac blasphemos hæreticos pronuntiant, qui vinum cœnæ miscent aqua, cò quod ad Evangelii puritatem sua adiciant commenta. Contra quos Errores reclamant omnes Catholici, affirmantes vinum consecrandum debere necessariò esse aqua delibutum.

*Notandum secundò*, quod etiam Catholici Doctores invicem consentiant de necessitate miscendi aquam vino consecrando, non conveniunt tamen circa rationem hujusce astruendæ necessitatis: Quidam enim tempore S. Bernardi contendebant, mixtionem illam necessariam esse necessitate Sacramenti, non secus ac panis, & vinum, scribens enim ad Guidonem Abbatem de tribus fontibus: *Ajunt, inquit, sensisse alium Scriptorem, non posse videlicet absque tribus, idest pane, vino, & aqua hoc sacrificium esse, ita ut si quodlibet deesse contigerit, reliqua non sanctificetur*: Quam utique sententiam S. Bernardus videtur non improbare, subdit enim, *sed de hujusmodi unusquisque in suo sensu abundat*. Eam autem expressè tuetur Armaçanus lib. 9. de quæstionibus Armenorum c. 9. ubi docet, mixtionem illam ita necessariam esse, ut si Sacerdos aquam in calice vel incuria, vel oblivione non admisceat, irrita potus, ac invalida sit consecratio, contra quem licet reclamant cæteri Theologi, affirmantes, hanc aquæ cum vino consecrando admixtionem non esse necessariam necessitate Sacramenti, sed præcepti; dissentiunt tamen, utrum præceptum istud divinum sit, an dumtaxat Ecclesiasticum. Duo itaque hic maximè sunt statuenda: *Primum*, utrum reverà fieri debeat hæc aquæ cum vino consecrando admixtio: *Secundum*, quo jure id debeat impleri.

*Notandum tertio*, duplicem esse Eucharistiæ significationem, respectivè ad duplex Christum D. corpus; naturale videlicet, & mysticum. *Primò*, in quantum ordinatur ad representandum Christi D. corpus, & sanguinem, quæ realiter, & substantialiter continet, utpote cum utrumque sit verè, ac substantialiter præsens sub speciebus Eucharisticis, ac per eas representetur, & significetur: *Secundò* verò ordinatur ad representandum Christi D. corpus mysticum, liqui-

dem

dem ait Apostolus 1. Cor. 12. *Calix benedictionis, cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est? Quoniam unus panis, unum corpus multi sumus omnes, qui de uno pane participamus.* Prior autem significatio sacramentalis est, posterior verò tantum moralis, & mystica.

## CONCLUSIO PRIMA.

**A** Qua vino consecrando est permiscenda. Probatur primo ab exemplo Christi Dom. qui vinum aqua mixtum consecravit, ut colligitur ex Liturgiis S. Jacobi: *Similiter postquam cœnavit, accipiens calicem, & permiscens ex vino, & aqua.* Tum S. Marci: *Similiter, inquit, & calicem postquam cœnavit, accipiens, fadique vini, & aqua commixtione.* Tum S. Basilii: *Similiter, inquit, & cum calicem ex genimine vitis accepisset, miscuisset, &c. Probatur secundo, ex Concilio Carthageniensi 31. can. 24. supra laudato: Ut, inquit, in Sacramenti corporis, & sanguinis Domini nihil amplius offeratur, quam quod ipse Dominus tradidit, hoc est, panis, & vinum aqua mixtum.* Idem ex Concilio Trullano can. 32. ubi liturgiæ S. Jacobi, & S. Basilii fit mentio.

Hanc veritatem probant SS. Patres ex mysticis significationibus, & representationibus, quas hujusmodi mixtio ostendat: Primum namque representat Dominicæ Passionis Sacramentum, & sanguinem, & aquam, quæ ex Christi Domini pectore lancea transfixo fluxerunt, ita Alexander primus Pontifex episc. 1. c. 4. *In Sacramentorum oblationibus, inquit, quæ inter Missarum solennia Domino offerantur, Passio Domini miscenda est: ut ejus, cujus corpus, & sanguis conficitur, Passio celebretur, ita ut repulsi opinionibus superstitionum, panis tantum, & vinum aqua permixtum in sacrificium offerantur: Non enim debet (ut à Patribus accipimus, & ipsa ratio docet) in calice Domini, aut vinum solum, aut aqua sola offerri, sed utrumque permixtum, quia utrumque ex latere ejus in Passione sua profusus legitur.*

Secundo probant ex significatione unionis fidelium cum Christo capite, cum enim Sacramentum Eucharistiæ representet unionem Christi cum Ecclesia, vinum, & aqua id apertissime significant, quia vinum significat Christum, ex Zach. 9. *Vinum genuitans Virgines:* sive, inquit S. Hieronymus.

vinum boni odoris ad Virgines, per quod intelligimus Dominum Salvatorem, ipse est vinum, quod lactificat cor hominis, & bibitur ad his Virginibus, quæ sunt sanctæ corpore, & spiritu, ut inebriatæ, & gaudentes sequantur Ecclesiam. Aqua autem populos significat: Ita præ cæteris Julia 11. epistola ad Episcopos per Ægyptum, ut refertur de consecratione dist. 2. cap. *Cum omne crimen, ubi ait: Cum in calice vino aqua miscetur, Christo populus adunatur, & credentium plebs ei, in quem credit, copulatur, & jungitur. Quæ copulatio, & conjunctio aquæ, & vini sic miscetur in calice Domini, ut mixtio illa non possit separari. Nam si vinum tantum quis offerat, sanguis Christi esse incipit sine nobis. Si verò aqua sit sola, plebs incipit esse sine Christo: ergo, quando utrumque solus offertur, in quo vini tantum efficientia designatur, Sacramentum nostræ salutis negligitur, quod per aquam significatur. Non enim potest calix Domini esse aqua sola, aut vinum solum, nisi utrumque sibi miscetur. Et ideo, quia jam ex hac plurima, & multiplex maiorum manavit sententia, omnis deinceps talis error, atque presumptio cessare debet, ne perversarum inordinata compositio statum veritatis emoret. Et ideo nulli deinceps licitum sit aliud sacrificiis divinis offerre, nisi juxta antiquorum sententiam Conciliorum, panem tantum, & calicem vino, & aqua permixtum: de cætero aliter, quam præceptum est, faciens, tamdiu à sacrificando cessabit, quamdiu legitima Pœnitentiæ satisfactione correctus, ad gradus sui officium redeat, quod amisit.*

Idem docet S. Cyprianus episc. 63. quæ est ad Cæcilium, ubi loquens de hac mixtione, ait, *Aquas namque populos significare in Apocalypsi Scriptura divina declarat, dicens: Aquæ, quas vidisti, super quas sedet meretrix illa, populi, & turba, & gentes Ethnorum sunt, & lingue.* Quod scilicet perspicimus, & in Sacramento calicis contineri. Nam quia nos omnes portabat Christus, qui & peccata nostra portabat, videmus in aqua populum intelligi, in vino verò ostendi sanguinem Christi. Quando autem in calice vino aqua miscetur, Christo populus adunatur, & credentium plebs ei, in quem credidit, copulatur, & conjungitur. Quæ copulatio, & conjunctio aquæ, & vini sic miscetur in calice Domini, ut commixtio illa non,

,, pos-

possit ab invicem separari. Unde Ecclesiam, idest, plebem in Ecclesia constitutam, fideliter, & firmiter in eo quod credidit, perseverantem, nulla res separare poterit à Christo, quominus hæreat semper, & maneat individua dilectio. Sic autem in sacrificando calice Domini offerri aqua sola non potest, quomodo nec vinum solum potest; nam si vinum tantum quis offerat, sanguis Christi incipit esse sine nobis, si verò aqua sit sola, plebs incipit esse sine Christo, quando autem utrumque miscetur, & adunatione confusa sibi invicem copulatur, tunc Sacramentum spiritale, & cœlestis perficitur. Sic verò calix Domini non est aqua sola, aut vinum solum, nisi utrumque sibi miscetur, quomodo nec corpus Domini potest esse farina sola, aut aqua sola, nisi utrumque adunatum, & copulatum, & panis unius compage solidatum. Quo & ipso Sacramento populus noster ostenditur adunatus, ut quem admodum grana multa in unum collecta, & commolita, & commixta panem unum faciunt, sic in Christo, qui est panis cœlestis, unum sciamus esse corpus, cui conjunctus sit noster numerus, & adunatus.

Idem legimus in Matthæi Commentario apud Anselmum c. 26. Quia & vos in Christo, & in vobis Christum manere oportet, vinum Dominici calicis aqua miscetur; attestante enim Joanne, *aqua populi sunt*; & neque aquam solam, neque vinum solum, ut nec granum frumenti solum sine aquæ mixtione in pane cuiquam licet offerre, ne talis oblatio, quasi caput à membris fecerendum esse significet, & ibi Christum sine nostræ Redemptionis admixtione mortem pati potuisse, vel nos sine illius Passionis salvari, ac Patri offerri posse consignat.

Tertio, hæc mixtio etiam deservit ad significandam unionem duarum in Christo naturarum, ut notat Nycephorus supra à nobis laudatus. Quarto, etiam indicat transformationem nostræ mortalitatis in immortalitatem: nam, ut notat S. Ambrosius lib. 5. de Sacramentis c. 1. *Tangit Sacerdos calicem, redundat aqua in calice, & salus in vitam æternam*. Has rationes complectitur Concilium Trident. sess. 22. c. 7. ubi scribit: *Monet deinde sancta Synodus, præ-*

*ceptum esse ab Ecclesia Sacerdotibus, ut aquam vino in calice offerendo miscerent, tum quòd Christum D. ita fecisse credatur, tum etiam quia è latera ejus aqua simul cum sanguine exierit, quòd Sacramentum hac mixtione, & cum aqua in Apocalypsi Beati Joannis populi dicantur, ipsius populi fidelis cum capite Christo unio representatur.*

*Dices primò:* Veritas debet respondere figuræ: sed in sacrificio Melchisedech, quod fuit figura Eucharistiz, fuit tantum panis, & vinum, non autem aqua: ergo neque in Eucharistiz Sacramento debet aqua admisceri.

*Distinguo maiorem:* Aliqua ex parte, concedo: omni ex parte, nego.

*Ad minorem* responderet S. Ambrosius lib. 4. de Sacram. c. 1. Diximus ergo, inquit, quòd in Altari constituitur calix, & panis. In calicem mittitur vinum. Et quid aliud? Aqua. Sed tu mihi dicis: Quomodo ergo Melchisedech panem, & vinum obtulit? Quid sibi vult admixtio aquæ? Rationem accipe. Primò omnium, figura, quæ ante præcessit tempore Moysi, quid habet? Quia, cum staret populus Judæorum, & murmuraret, quòd aquam invenire non posset, iussit Deus Moysi, ut tangeret petram de virga. Tetigit petram, & petra undam maximam fudit, sicut Apost. ait: *Bibebant autem de consequenti eos petra: petra autem erat Christus*. Non immobilis petra, quæ populum sequebatur. Et tu bibe, ut te Christus sequatur. Videmysterium. Moyses, hoc est Propheta; Virga, hoc est, verbum Dei. Sacerdos verbo Dei tangit petram, & fluit aqua, & bibit populus Dei. Tangit ergo Sacerdos calicem, redundat aqua in calice, salus in vitam æternam, & bibit populus Dei, qui Dei gratiam consecutus est. Didicisti ergo hoc, &c.

*Dices secundò:* Scriptura sacra damnat, ac reprobat mixtionem aquæ cum vino; nam Isaïæ 11. Deus Judæis exprobat, quòd aquam vino miscerent: *Vinum tuum, inquit, missum est aqua*: igitur hæc aqua in calice mixtio est improbanda.

*Distinguo antecedens:* Scriptura improbat mixtionem, quæ fit in fraudem à cauponibus, qui purum vinum se vendere professi, decipiunt ementesca mixtione, concedo; nam Propheta per ejusmodi mixtionem exprobat Judæis corruptam animi sin-

ceritatem, ita interpretatur S. Hieronym. quæ sit ad sobrietatem ab iis, qui bibunt, nego, nam est opus temperantiæ, quod multa bona significare potest, & efficere; idcirco Sapientia Prov.9. dicit: *Bibite vinum, quod misui vobis.*

*Dices tertio:* Si fieri deberet aquæ mixtio in calice, maximè propter exemplum Christi D. vel propter significationem aquæ illius, quæ ex perforato ejus latere fluxit: sed neutrum rectè asseritur: Primò, quia non constat Christum bibisse aquam; imò S. Chrysost. id apertè negat, ut observavimus in primo notabili. Similiter Innoc. III. ut refertur can. *In quadam nostra*, de celebratione Missarum, negat posse vero argumento probari, quòd in sacramento Eucharistiæ admiscenda sit aqua vino, ex eo quòd aqua de latere Christi fluxerit, non enim aqua, sed phlegma inde manavit: igitur non ita est faciendum.

*Nego minorem:* Cujus contrarium apparet ex dictis. Ad S. autem Chrysostomum dico cum Patribus Trullanis can.32. cum ibi reprobare Hydromasistas hæreticos, qui (teste Theodoretò lib.1. hæretic. fabulatum c. 20.) puram aquam in sacrificium offerebant: idcirco non vetuit aquæ mixtionem cum vino, utpote cum Ecclesiæ suæ, putà Constantinopolitanæ, id faciendum esse tradiderit. Ad Innocentium autem dico, illum quidem concedere, quòd ex hoc solo argumento, & momento ea veritas, & praxis efficaciter non possit probari; non autem denegat aliis rationibus suaderi posse, maximè autem ex continua praxi totius Ecclesiæ.

## CONCLUSIO SECUNDA.

**A**dmixtio aquæ in calice non est de essentia calicis consecrandi, neque de jure divino præcepta, sed tantum Ecclesiastica. Hæc est communis quantum ad omnes partes: primamque apertè docet Concilium Trid. suprâ laudatum his verbis: Monet deinde sancta Synodus, præceptum esse ab Ecclesiâ, si Sacerdotibus, ut aquam vino in calice, licet offerendo misceant. Si enim id à Christo D. præceptum esse crederet, frustrâ adderet ab Ecclesiâ; alioquin pari jure dicere potuisset, ab ea præceptum esse, ut nonnisi in vino fieret consecratio: quod sanè ridiculum esset, & ineptum. Unde Concilium Florent. reprehendit Armenos,

quòd non miscentes aquam vino, ab universali utriusque Ecclesiæ ritu discreperent; hisque verbis statuit. *Decernimus igitur, ut etiam ipsi Armeni se cum universo orbe Christiano conforment, eorumque Sacerdotes in calicis ablutione paululum aquæ, prout dictum est, admisceant vino.*

Si autem hoc divino præcepto faciendum esse arbitrareretur, id sanè subjicisset, nec solam universalis Ecclesiæ consuetudinem assignasset.

Hoc ipsum indicat Julius Pàpa epistola ad Episcopos per Ægyptum; & habetur de consecr. dist.2. cap. *Cum omne crimen*, ait, hunc ritum fieri juxta canonum ordinationem. *Calix Dominicus*, inquit, *juxta canonum præcepta vino, & aqua permixtus debet offerri, quia videmus in aqua populum intelligi, in vino verò sanguinem Christi:* subditque integram S. Cypriani sententiam suprâ memoratam.

*Dices.* Quod præceptum est à Christo, non solo Ecclesiæ præcepto faciendum est: sed hæc aquæ cum vino mixtio, est à Christo instituta, & sub præcepto tradita: Ergo. Prob.1. ex regula S. Augustini lib.2. de baptis. contra Donatistas c.7. & lib.4. c.34. *Ea, quæ communiter, & perpetuò in Ecclesiâ servantur, nec probantur primitus constituta ab aliquo Concilio, aut Ecclesiæ præcepto ordinata, credendum est, à Christo fuisse instituta, & ordinata:* Sed admixtio aquæ cum vino est ejusmodi; nam Alexander I. qui fuit 5. Pontifex à Petro, ait, se accepisse à Patribus, hanc mixtionem esse faciendam.

*Secundò,* idem affirmant Concilia: siquidem Carthag. 3. can. 24. & Africanum, can.4. hoc præceptum divinum, & Dominicam traditionem appellant. *In Sacramentis corporis, & sanguinis Domini*, inquit, *nil amplius offeratur, quam quod ipse Dominus tradidit; & hoc est panis, & vinum aqua mixtum.* Et Conc. Aurlan. IV. c.4. id evidentius aperit, nam postquam dixit vitum aqua miscendum in calice, rationem hujus reddens, ait: *Quia sacrilegium judicamus aliud offerri, quàm quod in mandatis sacratissimus Salvator instituit.* Imò Concil. Vormacense, can.4. eandem aquæ ac vini necessitatem insinuat, cum dicit, *Non potest in calice Domini esse aqua solum, aut vinum solum, nisi utrumque misceatur.*

Idem habet S. Cyprian. laudata epist. ubi loquens de aquareis, ait: *Non hoc faciunt,*

ciunt,

*ciunt, quod Jesus Christus D. Deus noster sacrificii hujus auctor, & Doctor fecit, & docuit. Paucis interpolis: Sed quando aliquid Deo inspirante, & mandante precipitur, necesse est Domino servus fideliter obtemperet. Et circa medium illius epistolæ, ait: Invenimus non observari à nobis, quod mandatum est, nisi ea, quæ Dominus fecit, nos quoque faciamus, & calicem Domini par ratione miscentes à divino magisterio non recedendum, &c. quid evidentiùs ad præceptum divinum indicandum?*

*Respondeo ad 1. concessa majore; ad ejus minorem, hanc aquæ admixtionem sufficienter probati ab Ecclesia fuisse institutam, ut patet ex dictis, & ex eo quod Alexander asserat, se hunc ritum à Patribus accepisse, quo denotatur, hanc institutionem antiquam esse, non verò à Christo.*

*Ad Concilia Carthaginense, Africanum, & Aurelian. dico, ea non loqui de mixtione aquæ cum vino, dum dicunt, sicut Dominus tradidit, sed de oblatione vini in calice, ita quod non aliud quàm vinum liceat offerre, nec aliquid vini loco supplere, etsi liceat equam vino miscere: quod colligitur ex Concilio Antiocheno. an. 590. celebrato, ubi alludens ad ea, quæ in prioribus Conciliis decreta fuerant, c. 8. hæc habet: Non licet in Altario in sacrificio divi no mellitum, quod mistum appellant, nec ulum aliud poculum extra vinum cum aqua mixtum offerre, quia ad grandem reatum, & peccatum pertinet Presbytero illi quicumque aliud poculum extra vinum in consecratione sanguinis Christi offerre præsumpserit.*

*Ad Concilium Vvormacense dico non posse quidem licitè calicem Domini in vino solo consecrari propter Ecclesiæ præceptum, posse verò validè.*

*Ita pariter respondendum est ad S. Cyprianum. Dum verò ait, non esse admonitos, & edoctos à Christo, non præceptum, sed exemplum intelligit. Dum verò id esse mandatum, & à Christo traditum loquitur, non de mixtione aquæ, sed de vino, non autem de simplici aqua offerenda intelligendus est. Vel per mandatum intelligit exemplum à quo recedere nefas esset.*

*Urgebis: Nefas est recedere à Christi exemplo, sed vinum in calice miscuit, ergo & nos miscere debemus. Concedo totum.*

*Subsumes: Sed quod Christus fecit, præcipit, ut idem fieret à sacerdotibus novæ legis.*

*Distinguo, Omnia tum substantialia, tum accidentalialia, & cærimonialia, nego, substantialia sacramentorum, putà materiam, & formam, concedo, aliàs priusquam fieret consecratio, essent lavandi pedes, Agnus Paschalis comedendus, &c.*

*Urgebis: Eo modo mixtio vini, & aquæ sese habet ad calicem consecrandum, quo farina triticea, & aqua sese habent ad componendum panem consecrandum in corpus Christi: sed hæc sunt essentialia, ut dictum est: Ergo & illa. Probat major auctoritate tum Julii Papæ suprâ laudati de consecrat. dist. 2. c. Cum omne crimen: tum S. Cypriani citata epist. Sic calix Domini non est aqua sola, aut vinum solum, nisi utrumque sibi miscetur, quomodo nec corpus Domini potest esse farina sola, aut aqua sola, nisi utrumque admixtum fuerit, & copulatum, & panis unius compage solidatum.*

*Respondeo materiam consecrandi calicis posse considerari, vel ut est ordinata ad sacramentum, vel ad mysticam significationem unius populi cum Christo: Porro non de priori, sed de posteriori Patres illi sunt intelligendi: nam S. Cyprian. subdit. Sicut grana multa in unum collecta, & commolita, & commixta panem unum faciunt, sic in Christo unum sciamus esse corpus, cui conjunctus sit noster numerus, & adunatio. Hanc autem genuinam ejus mentem esse, evidenter constat ex iis, quæ prius dixerat, & probaverat ex figuris, & textibus Sac. Script. nempe vinum esse necessariam materiam consecrandi & offerendi calicis; ibi enim concludens, ait. Vade apparet sanguinem Christi non offerri, si desit vinum calici, nec sacrificium Dominicum legitima sanctificatione celebrari, nisi oblato & sacrificio nostrum responderet Passioni. Non ergo censet aquam esse materiam necessariam, cum solius vini meminerit.*

*Inhabis: Si consecratio fieret in solo vino, non minùs repræsentaret illam mysticam unionem Christi nobiscum; eo enim modo quo dicimur ab Apostolo unus panis, unum corpus, etiam dici possemus unus calix, unitate incorporatæ cum capite, & unitate vitæ à capite ad nos emanantis; Ergo non ob eam unionem significandam dicitur aquæ cum vino mixtum necessaria.*

*Distinguo antecedens: Repræsentaret simpliciter, concedo: æquè propriè, & secundum Christi exemplum, & intentionem, ne-*



nego: cum enim, inquit S. Cyprianus, aqua populum, vinum autem Christum significet, utriusque commixtio hanc unionem perfectissime significat.

*Urgebis iterum:* Idem S. Cyprianus ibid. ait: In sanctificando Christi D. calice, offerri aqua sola non potest, quomodo nec vinum solum potest; ergo pariter necessitatis censet esse aquam, ac vinum.

*Nego consequentiam:* Et ad antecedens dico, S. Cyprianum intelligendum esse secundum aliquam comparisonem, ita quod aqua sola non possit offerri sine peccato, sicut nec vinum solum; non autem vult, quod irrita foret consecratio in solo vino, sicut si fieret in sola aqua: unde etiam non subdit: Si offeratur vinum solum, non erit sanguis Christi, imò ait: Si vinum tantum quis offerat, sanguis Christi incipit esse sine nobis: ergo supponit, sanguinem Christi posse esse in solo vino; non autem idem dicit de sola aqua, ait enim: Si verò aqua sit sola, plebs incipit esse sine Christo.

*Subsumes:* Statim addit S. Cyprianus: Quando utrumque miscetur, & adunatione confusa sibi invicem copulantur, tunc Sacramentum spirituale, & celeste perficitur: igitur censet, Sacramentum non posse constitui, nisi ex permixtione vini cum aqua.

*Distinguo antecedens:* Sacramentum spirituale perficitur accidentario, quoad significationem speculativam unionis Ecclesiæ membrorum cum capite suo, concedo: essentialiter, nego: nametsi desit aqua, vinum in Christi sanguinem convertitur. Unde videtur ibi S. Cyprianum accipere Sacramentum non strictè, pro signo gratiæ practico, qualia septem in Evangelica lege numerantur, sed universum & lac, pro signo quocumque rei spiritualis, etiam speculativo, ita quod perficiatur spirituale Sacramentum, & mystica significatio, cum aqua miscetur vino, nam, ut ait ibi, Sacerdos vice Christifere fungitur, qui, id quod Christus fecit, imitatur, & sacrificium verum, & plenum tunc offert in Ecclesia Deo Patri, si incipiat offerri, secundum quod ipsum Christum videat obtulisse, puta si vinum est solum, & non aqua, sacrificium est verum, at non plenum, quia non habet significationis, & representationis plenitudinem: si sola sit aqua sine vino, neque plenum est sacrificium, neque verum: si vinum est cum aqua,

sacrificium est verum, & plenum, quia sacrificii naturam habet, & omnem effectum, atque significationem.

Petes Primò: *Quanam aqua sit in calice miscenda.*

*Respondeo,* illam debere esse naturalem, & elementarem: *Tum quia* id suadet exemplum Christi D. qui talem aquam vino miscuisse creditur: *Tum quia* Concilia, & SS. Patres aquam calici miscendam, appellant aquam simpliciter, qualis est sola naturalis, & elementaris: *Tum denique quia* hæc aqua mixtio idcirco fit, ut significet unionem populi fidelis cum Christo capite, & aquam, quæ è latere perfosso Christi D. emanavit: sed aqua, quæ in Apocalypsi representat populum est, naturalis simpliciter, illa, quæ fluxit ex latere Christi, fuit vera elementaris, & naturalis, ut docet Innocentius III. lib. 3. constitutionum const. 134 ubi improbat sententiam illius, qui asserbat in Eucharistia aquam converti in flegma, docetque, quod sicut verus spiritus, & verus sanguis in Christo, ita vera fuit aqua, quæ è latere ejus exivit, dicente S. Joanne: *Tres sunt, qui testimonium dant in terra, spiritus, sanguis, & aqua.*

Addit quod si non fuisset aqua, sed flegma, non dixisset Joannes: *Qui vidit aquam exivisse, sed flegma:* nec in homine verum generationis Sacramentum fuisset ostensum, cum per sacramentum Baptismi non regeneremur in flegmate, sed in aqua.

An verò aqua vino consecrando permiscenda debeat relinqui in sua naturali frigida conditione, an verò calefieri; apud Latinos in sua naturali conditione relinquitur; apud Græcos caleat, ut significet fervorem Spiritus sancti: utriusque Ecclesiæ consuetudo approbatur in Concilio Florentino, ac proinde à Theologis improbari non debet.

Petes Secundò: *In quam quantitate aqua sit vino consecrando miscenda.*

*Respondeo,* debere misceri in modica quantitate. *Probat*ur primò ex Honorio summo Pontifice, ut refertur de celebratione Missar. c. *periculosus*: scribit enim: *Periculosus in tuis partibus incedit abusus, videlicet quod in majori quantitate de aqua in sacri-*

*crificio ponitur, quàm de vino. Cùm secundum rationabilem consuetudinem Ecclesie generalis, plus scilicet de vino, quàm de aqua sit ponendum. Similiter ex Eugenio in Florentino: Eucharistia vino ante consecrationem aqua medicissima debet admisceri, Decernit ibidem, ut Armeni Sacerdotes paululum aquæ vino misceant.*

Ratio est, quia si tantum aquæ poneretur, ut solveretur vini species, non perficeretur Sacramentum; non enim perfici potest, nisi sit vinum, ac non esset amplius vinum, quia per nimiam aquæ copiam destrueretur. Deinde parva quantitas aquæ sufficiens, & conveniens est ad significationes mysticas, ob quas hæc aquæ mixtio fit. *Primo*, quia per excessum vini supra quantitatem aquæ, designatur excessus dignitatis personæ, naturæque Christi divinæ supra naturam ejus humanam. *Secundo*, per excessum vini super aquam, indicatur excessus meritorum Christi supra hominum peccata: ergo representantur homines ad Eucharistiam, ut parati, accedentes, in Christum aliquo modo mutari, non verò Christum in homines. Nam, inquit S. August. 1. 7. confessionum, c. 10. loquens in persona Christi: *Cibus sum grandium, cresce, & manducabis me, nec tu me mutabis in te, sicut cibum carnis tæ, sed tu mutaberis in me.*

Petres tertio. *Utrum aqua vino mixta convertatur in sanguinem Christi per consecrationem.*

*Respondet*, hac de re varias olim fuisse Theologorum sententias, quarum præcipuas declarat Innoc. III. ut refertur de celebr. Missar. §. *Quæstio*, ubi scribit Archiepiscopo Lugdunensi: Quæsiisti etiam, utrum aqua cum vino in sanguinem convertatur: Super hoc autem opiniones apud Scholasticos variantur. *Aliquibus* enim videtur, quod, cùm de latere Christi duo præcipua fluxerint Sacramenta, Redemptionis in sanguine, ac regenerationis in aqua, in illa duo vinum, & aqua, quæ commiscetur in calice, divina virtute mutantur, ut in hoc Sacramento plene sit veritas, & figura. *Alii* verò tenent, quod aqua cum vino transubstantiatur in sanguinem, cùm in vinum transeat mixta vino, licet Physici contrarium asseverent, qui aquam à vino per artificium posse asserunt separari. *Præterea*

potest dici, quod aqua non transit in sanguinem, sed remanet prioris vini accidentibus circumfusa, ita quod vini saporem assumit, quod inde convincitur, quia si post calicis consecrationem aliud vinum mitatur in calicem, illud quidem non transit in sanguinem, nec sanguini commiscetur, sed accidentibus prioris vini commixtum corpori, quod sub eis latet, undique circumfunditur, non madidans circumfusus, ipsa tamen accidentia vinum appositum videntur afficere, quia si aqua fuerit apposita, vini saporem assumit. Contingit igitur accidentia mutare subjectum, sicut & subjectum contingit accidentia permutare: cedit quippe natura miraculo, & virtus supra consuetudinem operatur. Sed nec inconveniens creditur, aut absurdum, si aqua in corpore Christi esse credatur, cùm legatur de illius latere processisse. *Et infra*: Verum inter opiniones prædictas illa probabilior judicatur, quæ asserit aquam vino mixtam in sanguinem transmutari, ut expressius eluceat proprietates Sacramenti: Nam cùm aquæ multæ sint multi populi, juxta quod alibi legitur: *Beati qui seminatis super omnes aquas*, idè vino aqua unitur, ut Christo populus adunetur: per hoc enim, quod suscepit ipse de nostro, & accepimus ipsi de suo, tam insolubili nexu conjungimur, ut qui est unum cum Patre per ineffabilem unitatem, fiat unum nobiscum per admirabilem unionem, ac per hoc, ipso communiter mediante cum Patre, unum efficiamur. *Pater*, inquit, *sancte, serva eos, quos dedisti mihi, ut sint unum, sicut & nos, non pro his rogo tantum, sed pro eis, qui crediduri sunt per verbum eorum in me, ut & ipsi in nobis unum sint, & mundus credat, quia tu me misisti.*

Innocentio subscribit illustrioris Theologæ Principes, P. Alensis 4. p. q. 10. n. 4. art. 10. S. Thomas 3. p. q. 74. ar. 8. Subtilis Doctor dist. 11. q. 7. n. 2. ubi ait: *Quia quando aqua apposita non convertitur in sanguinem, nisi prius conversa sit in vinum, ita modica est apponenda, & ita semper, quod ante consecrationem possit converti in vinum.* Probatur autem hæc sententia: Illud tantum immediate vertitur in sanguinem Christi, quod est materia calicis consecrandi: sed aqua non est materia conse-

crant-

erandi calicis, igitur illa non potest immediate converti in sanguinem Christi: Major constat. Minor verò probatur: *Tum quia* SS. Patres, & Concilia agendo de materia calicis in Eucharistia consecrandi, docent esse vinum de vite, non autem aquam: sic S. Hieronym. lib. 2. contra Jovinian. de Christo D. sic ait: *In typo sanguinis sui, non obtulit aquam, sed vinum.* Et S. August. lib. 3. de Trinitate, c. 4. *Corpus Christi, & sanguinem dicimus,* inquit, *illud tantum, quod de fructibus terræ acceptum, & prece mystica consecratum ritè sumimus ad salutem spirituales,* & *memoriam pro nobis Dominice Passionis.* Et ex Concilio Carthaginensi III. can. 24. *Non amplius in sacrificiis offeratur, quam de vinis, & frumentis.*

*Deinde,* Illud solum immediate convertitur in sanguinem Christi, quod ab eo institutum est pro legitima materia consecrandi calicis, siquidem solus ipse materias Sacramentorum novæ legis instituit, sed Christus non instituit aquam tanquam materiam consecrandi calicis, & transubstantiationis, quia illa non miscetur vino consecrando ex mandato Christi, sed tantum ex præcepto Ecclesiæ, igitur, &c. *Deinde,* illud solum immediate transubstantiatur in Christi sanguinem, sub cuius accidentibus, aut speciebus sanguis Christi consecratus continetur, & conservatur in calice substantialiter, at Christi sanguis continetur solum, & conservatur sub speciebus vini, non sub speciebus aquæ; Tridentinum enim aliud non asserit.

*Denique,* si sub aquæ speciebus in calice Christi sanguis esse posset, in iis a vino, vinnique speciebus separatis adhuc posset existere, ex aliquibus enim Physicis aqua vino mixta, per artem chemicam ab eo separari potest, ut ipsi volunt: ergo species aquæ consecrata posset a speciebus vini separari: si autem Christi sanguis in calice sub aquæ speciebus fuisset, post ejusmodi separationem, cum adhuc servare posset: sola quippe separatione Christi sanguis ab iis non recederet, quia tamdiu consecratæ species Christi corpus, & sanguinem servant, quamdiu maneret in iis substantia rerum consecrarum, si conversæ non esset, at aquæ substantia maneret adhuc in iis speciebus, si tantum a vino separarentur, ergo consecrata Christi sanguinem seorsim a vini speciebus in se retinerent, at hoc est absurdum, si posset enim aquæ species in

se Christi sanguinem habere seorsim a vini speciebus, aqua seorsim a vino consecrari posset, quod est hæreticum.

*Repones,* materiam quidem per se consecrationis esse vinum de vite dumtaxat; materiam autem per accidens, & ratione alterius, esse particulas aquæ vino permixtas; siquidem ex ipsis, & vino fit potus aptus ad nutrimentum: cum autem Concilia, & SS. Patres dicunt, solum vinum esse materiam Sacramenti, loquuntur de materia per se, non verò per accidens.

*Verum contra:* Sicut Sacramentum Eucharistiæ est per se non solum in toto sensibili, sed etiam in singulis particulis materiæ consecratæ, ita ratio materiæ idoneæ ad hoc Sacramentum debet non solum consistere in toto sensibili vini, sed etiam in singulis ejus partibus, ut possint per consecrationem converti in sanguinem Christi. Deinde Concilium Trid. sess. 13. can. definit facta consecratione, & conversione panis in corpus, & vini in sanguinem, manere solas species panis, & vini, nulla facta mentione aquæ, & specierum ejus; ergo vult rationem materiæ consecrationis convenire solum vino. Et in eadem sess. can. 3 definit, in sacramento Eucharistiæ sub unaquaque specie, & sub singulis cujusque speciei partibus facta separatione, esse corpus, & sanguinem Christi, sed sub illis particulis, in quibus non sunt qualitates, & proprietates vini (siquidem in illis non fuit substantia vini, sed solum aquæ) si separarentur ab illis, non erit sanguis Christi, cum non habeant proprietates vini: ergo partiæ aquæ vino admixtæ, quæ non sunt conversæ in substantiam vini, non sunt partes alicujus speciei consecratæ: ergo nec materia consecrationis.

*Repones* iterum, probabile esse quòd sub illis speciebus aquæ a vino separatis maneat sanguis Christi, sicut manet sub speciebus vini, quamvis aqua a vino separata, non sit apta consecrationis materia; plura enim interdum requiruntur ad rei effectiorem, quam ad illius conservationem.

*Contra.* Hæc responsio directè militat tum in Concilio Trid. docens, non nisi sub speciebus panis, & vini conservari corpus, & sanguinem Christi, tum in ipsam rationem; siquidem solæ illæ species possunt Christum continere, ex quarum substantia Sacramentum potest confici; at ex sola aquæ substantia non potest Sacramentum con-

confici: ergo neque sub solis speciebus aquæ poterit conservari.

*Addo quod eodem modo Patres, & Concilia asserant, vinum esse materiam Eucharistiæ conficiendæ, & conservandæ, sicut panis triticeus est materia conficiendi, ac conservandi corporis Christi: sed si hostiæ conservandæ admisceatur aliqua pars farinæ hordeaceæ, aut alterius generis in notabili quantitate, illa nullo modo convertitur in corpus Christi, neque, si separaretur à partibus panis triticeæ consecrati, conservaret præsentiam corporis Christi: sicut enim antequam panis triticeo uniretur, non erat materia apta ad consecrationem, ita neque fictalis, eo quod panis triticeo uniatur, nisi in panem ipsum substantialiter convertatur: igitur à simili, aqua vino permixta, aut ab eo confectio separata, non potest esse materia apta ad consecrationem, & conservationem sanguinis, si enim antequam uniretur, non erat materia ad consecrationem sanguinis idonea, ita neque talis fieri potest per solam unionem, & juxta positionem cum vino, sed per solam conversionem in vini substantiam.*

*Obijcies primò varias SS. Patrum, & Conciliorum auctoritates suprà à nobis expressas, asserentes vinum aqua permixtum esse materiam calicis consecrandi. Ita præcipuè Alexander I. Epistola ad orthodoxos, & habetur de consecratione dist. 2. c. 1. Non habet, inquit, in calice Domini, aut vinum solum, aut aqua sola offerri, sed utrumque permixtum offeratur, quia utrumque ex latere ejus in Passione profuxisse legitur, &c. ubi dicitur, æquè offerri aqua, ac vinum, sed vinum non offertur nisi per consecrationem: ergo æquè in sua substantia manet aqua ante consecrationem, ac vinum. Urget etiam S. Cyr. suprà citatus illa ep. 3. ar. 63. qui ait, tunc Sacramentum celeste efficitur, quando aqua, & vinum confusa admixtione copulantur, &c. quod non fit, nisi utrumque in sua substantia maneat. Item e. 4. de consecr. dist. 2. quod sumptum est ex Concilio Martini Papæ, dicitur, Vinum, & aqua dicuntur offerri, & benedici, &c. quod nequit fieri, nisi aqua maneat in substantia ante consecrationem. Item S. Ambr. lib. 4. de Sacramentis, c. 5. Ante verba Christi, calix est vino, & aqua plenus, ubi verba Christi operata fuerint, sanguis efficitur. S. Aug. de Trinitate, c. 14. Aqua mittitur in calicem, & fit sanguis conversione verbi celestis.*

*Similiter Paschasius Corbejensis lib. 1. de corpore Christi, c. 11. Nec dubium, inquit, quin sub hoc mysterio bibamus aquam, quam, inquit, ego dabo ei, & fiat in eo fons aquæ salientis in vitam æternam, propterea non inconvenienter etiam ob hoc ibidem aqua consecratur, non quod aqua permaneat, sed versatur in sanguinem, ut significet quid fides præcipiat. Ex quibus inferre licet: Aqua dicitur à Patribus, & Conciliis benedici, offerri, consecrari, converti in sanguinem: igitur remanet in sua substantia, donec sic convertatur, & consequenter ex sententia SS. Patrum aqua immediate convertitur in sanguinem.*

*Nego consequentiam; Dum enim SS. Patres docent, vinum aqua mixtum offerri debere, intelligendi sunt de obligatione præparatoria, & sic verum est, quod aqua nondum in vinum conversa offeratur. Vel intelligendi sunt de oblatione essentiali, seu consecratoria, & sic pariter verum est, quod aqua in vinum conversa mediata convertatur in sanguinem Christi; nemo enim eorum dixit, aquam immediate in sanguinem converti, sed quod simpliciter, & absolute convertatur in Christi sanguinem, dum ipsa prius in vinum conversa est.*

*Inflabis: Si aqua non converteretur in sanguinem Christi immediate, & quin prius converteretur in vinum, inepta esset SS. Patrum locutio, dum asserunt aquam converti in sanguinem Christi, sicut ineptè, & ridiculè diceretur quis convertere herbam in propriam substantiam, quia manducat agnum, qui herbam in suam carnem converterat; igitur intelligendi sunt SS. Patres de conversione immediata.*

*Nego antecedens: Conversio enim mediata rectè, & legitime vera censeri potest, quanquam res, quæ dicitur converti, non existat in sua substantia dum fit illa conversio, nam panis, & vinum rectè dicuntur in carnem, & sanguinem mutari, quamvis hæc non subsistant in sua substantia, dum fit illa in carnem conversio, sed per stomachi decoctionem in chilum transierint, & per hujus conversionem in sanguinem, & sanguinis in carnem. Potest igitur hoc communi loquendi modo aqua dici permanere, etiam si vinum fit conversa; maxime cum ipsa aqua in vinum conversa adhuc aquæ appellationem retineat, ut legimus 1. Jo: Ut autem gustavit Architrachus aquam vinum factam.*

*Addo*

*Adde* quod sicut elementa dicuntur manere in mixto, in quod convertuntur, licet non maneant secundum propriam formam, ita eadem proprietate dici posset aquam mutari in sanguinem, quamvis prius fiat vinum. Non tamen cum tanta proprietate dici potest quis convertere in propriam substantiam herbam, quam agnus ab eo comestus manducavit, quia hæc comestio herbe à manducante agnum nimium remota est, & pluribus conversionibus intermixta. Hac ratione solvendus est pariter S. Justinus Martyr apologia 2. pro Christianis, ubi ait circa finem: *Posteaquam, & is, qui præest, gratias egit, & populus omnis benedixit, is, qui apud nos Diaconus dicuntur, dant unicuique eorum, qui adjunt, percipiendum panem, vinum, & aquam, que cum gratiarum actione consecrata sunt, & ad eos, qui adjunt, perferunt, atque cibis hic apud nos Eucharistia nominatur, &c.* Ubi dicit dari post consecrationem panem, vinum, & aquam ratione specierum; intelligendus est enim S. Justinus, non quidem literaliter, quasi species aquæ remaneant post consecrationem, sicut & vini, sed præparatorie, quia calix consecrandus debet esse permixtus aqua, & vino.

*Obijciat secundo* Concilium Triburienſe, cap. 19. in quo præcipitur, ut in calice apponantur duæ partes vini, & tertia pars aquæ: sed dum tanta apponitur aqua, facile non potest in vinum converti ante consecrationem: igitur ex mente Concilii non est necesse, quod aqua prius in vinum convertatur, quam fiat consecratio, & consequenter potest immediatè consecrari, & in Christi sanguinem converti.

*Respondet primo*, Concilium illud fuisse dumtaxat Provinciale, cujus decretum rescissum est, & emendatum per Concilium Florentinum præscribens toti Ecclesiæ, ut aqua modicissima vino consecrando apponeretur. *Dico secundo*, Concilium istud in suo Decreto non attendisse ad conversionem aquæ, sed solum ad retinendam mysticam significationem unionis populi cum Christo, ad quam retinendam voluit, ut nunquam major, quam tertia pars aquæ misceretur, ut constet ex ipsius Concilii verbis, ait enim: *Non debet in calice vinum solum, aut aqua sola offerri, sed utrumque permixtum, quia utrumque ex latere Christi fluxit, sed sic, ut duæ partes sint vini, tertia vero aquæ; ratio est, quia major est dignitas sanguinis* Thol. Tom. XI.

*Christi, quam fragilitas populi.* Quod autem ob illum alium finem ab Ecclesia intentum, ut scilicet aqua convertatur prius in vinum, quam in sanguinem, multo minor aquæ portio sit admiscenda, patet ex Concilio Florentino cit. quod præcipit, ut admisceatur modicissima.

*Obijciat tertio*: In prima Calicis consecratione aqua conversa fuit immediatè in sanguinem Christi: igitur etiam ita nunc fieri credendum est. Probatur antecedens: Cum enim Christus D. sobrietatis, sicut & aliarum virtutum sectator esset zelantissimus, haud dubium est, quod uberiores aquam infuderit calici consecrando: sed aqua illa non potuit converti in vinum; referre enim Evangelista, quod accipiens calicem benedixit, & dedit Discipulis suis, dicens: Accipite, & bibite ex hoc omnes; tam modico autem tempore non potuit hæc aqua largiter super vinum infusa in vinum converti: igitur immediatè conversa est in Christi sanguinem.

*Nego minorem*: Christus enim in Institutione hujus Sacramenti pie credidit calicem vini aqua dumtaxat modica miscuisse, maxime cum id faceret non modo usuali, & solius temperantiæ causa, nec ut communem potum præpararet, sed propter significationes mysticas, prima conclusione expressas. *Adde quod*, ut colligitur ex Liturgia S. Jacobi, Christus D. post illam mixtionem aquæ multas interposuit actiones ante benedictionem, & consecrationem calicis, ac subinde sat temporis effluxit inter mixtionem, & consecrationem, ut aqua illa posset in vinum transmutari. Unde etiam Ecclesia ad imitationem Christi statuit, ut modica aqua vino consecrando admisceretur, non quidem immediatè ante consecrationem, sed tali mora interposita, quanta sufficere possit ad ipsius aquæ in vinum conversionem.

*Obijciat quarto*: Forma calicis, *Hic est calix sanguinis mei, vel hic est sanguis meus*, designat totum liquorem in calice transire in Christi sanguinem: sed sæpius accidit, quod, dum hæc verba proferuntur, aqua nondum sit in vinum conversa, putâsi infusa fuerit in majori copia, vel si vinum sit minus generosum, & valde debile: igitur, aut illa aqua remanet secundum substantiam in calice, aut immediatè convertitur in sanguinem Christi; sed dici nequit, quod remaneat secundum substantiam: Tum quia

quia daretur occasio idololatræ Christi fidelibus, quippe eis proponitur adorandum id omne, quod est in calice, & consequenter, si aqua remaneret secundum substantiam, fideles id, quod est in calice, adorantes, committerent idololatriam quippe, cum puram creaturam adorarent. Tum quia Sacerdos liquorem calicis, in quo esset illa aqua, bibens, non remaneret jejunos, atque adeo non posset illo die aliam Missam celebrare, quando id jure, aut privilegio conceditur, ut in die Natalis Domini.

*Nego posteriorem partem sequela minoris:* Illa enim forma consecrationis calicis solum indicat vinum, & non alium liquorem, calix enim supponit pro vera, & necessaria materia consecrationis, quale est solum vinum, unde si musca, aut gutta mellis, vel aquæ rosæ caderet in calicem paulo ante consecrationem, illa non transirent in Christi sanguinem; quippe cum non sint materia consecrabilis, idem autem dicendum est de aqua nondum in vinum conversa, quippe cum hæc non sit materia necessaria calicis, sed tantum illius appendix.

*Ad primam autem probationem dico,* inde non sequi ullam committi idololatriam, quia populo non offertur adorandum, nisi quod est adorationis capax, nempe sanguinem Christi D. Neque fideles, adorando calicem, suo cultu in aliud feruntur, quam in Christi sanguinem, & ea, quæ ipsi per se connectuntur, non verò in ea, quæ ei junguntur per accidens: unde si musca, vel aliquid aliud cadat in calicem consecratum, non adoratur à populo, neque ibi ulla est idololatria.

*Ad secundum dico,* quod in eo casu solvetur quidem jejunium naturale, quod consistit in abstinencia cujusvis potus, & cibi, non verò jejunium Ecclesiasticum, seu Canonicum, id est, ab Ecclesiæ Canonibus præceptum; ea siquidem aquæ bibitio cum Sacramento conjuncta, non prohibetur ab Ecclesiâ ante iteratum sacrificium in diebus ab Ecclesiâ concessis; hæc enim admixtionem aquæ tanti facit ob ejus mysticas significationes Ecclesiæ, ut non prohibeat iterari sacrificium à Sacerdote, qui naturale jejunium haustu aquæ Sacramento mixtæ solvit: cum enim jejunium imperavit Ecclesiâ, solum ad Eucharistiæ venerationem, & majestatem commendandam, & ea majestas imprimis commendatur aquæ mixtione cum vino: Et ne præterminatur ea mixtio, ma-

luit Ecclesiâ Sacerdotem, qui, potando parum aquæ Dominico sanguini mixtum, aliqua ratione solvit jejunium naturale, iteratò posse Missam eodem ipso die celebrare, quam ab aqua vino consecrando miscenda etiam in his angustiis cessare.

*Obijciunt quoniam:* Aqua est corpus simplex, quod nequit transire in mixtum, nisi concurrentibus tribus aliis elementis, ut docet Aristoteles, lib. de Generatione cap. 10. Quod utique confirmatur experientia, quia per artem chemicam separari etiam potest aqua à vino consecrato: igitur illa non potest converti in vinum, ac subinde converti debet immediate in sanguinem Christi.

*Nego antecedens:* Quamquam enim aqua sit elementum, tamen reverà converti potest in mixtum: falsum enim est, quod ex elemento non possit fieri mixtum, siquidem pisces formantur ab aquis, ut docet Doctor in 2. dist. 25. Ad Aristotelem dico, eum ibi non negare aquam converti posse in corpus mixtum, maxime in vinum, ibi enim contrarium asserit; agit enim de distinctione augmenti, quæ fit per nutritionem à mixture vini cum aqua, dicit autem: Cum in hac quoque mixture id, quod im-  
perat, id est, prædominatur, ut si id  
vinum fuerit, excrevisse dicatur: om-  
nes enim istius mixture congestæ par-  
tes, non aquæ, sed vini naturam reti-  
nent, & illius opera efficiunt: igitur  
censet vinum convertere in se aquam,  
quia ejus naturam, & efficaciam re-  
tinet.

*Ad experientiam autem petitam ex chemicis,* respondeo, quod aqua, quæ ex vino consecrato posset elici, non esset aqua substantialis, & elementaris, sed quidam aqueus humor, quem vinum etiam depuratum in superficie quandoque continet, estque ipsius vini pars tenuior, & subtilior, quæ, licet colorem aquæ præ se ferat, tamen saporem, & alias affectiones vini redolet.

*Obijci denique:* Hanc sententiam de conversione aquæ in vinum, præquam in sanguinem Christi, recens esse commentum excogitatum à Theologis scholasticis; nam ante ipsorum tempora communis erat Ecclesiæ sententia, aquam in calice, sicut & vinum converti immediate in sanguinem Christi, ut colligitur ex epistola Causfredi Clavallensis Monachi, quam scripsit ad Albanensem Episcopum Cardinalem, quam refert Baronius sub finem anni 1188. in qua  
obicit-

observat circa hoc tempus magnam in Gallia hac de re subortam fuisse controversiam, nonnullis affirmantibus aquam in Christifanguinem converti, cæteris verò id negantibus, scribit enim: Ad partes enim Gallie, sicut nostis, hoc anno cum vestra benedictione, novam, & mihi hætenus inauditam ventilati inter aliquos reperi questionem de substantia aquæ, quæ vino mixta in calice similiter offertur, & an ipsa similiter cum eodem vino in sanguinem convertatur: *Et cum attulisset quædam, quibus probat, Christum miscuisse aquam vino, deinde subjungit:* Igitur circa hoc, & ejusmodi, affirmantium totius mixti liquoris, qui in calice continetur, in sanguinem Domini conversionem, ratiocinatio studiosa versatur. Authoritates etiam quasdam protulere, quas præsentis Scripturæ consummationi duximus referendas; nam qui iis super hoc adversantur, ex nullis Antiquorum, sive etiam Modernorum scriptis, tam evidentia testimonia protulere suæ assertionis. Ceterum innituntur potissimum uni verbo, quod principales Sancti in duabus speciebus panis, & vini consecrationem perfici perhibentes, nullam in verbo illo aliquis diversæ speciei, nullam aquæ fecerint mentionem. Ad quod respondetur eis, quod non consuevere homines mixturam vini, & aquæ, nec si quantitas aquæ prævaleat, aquam nuncupare, sed vinum. Præterea calicem legitur Dominus accepisse, non vinum, quamvis continens Evangelista posuerit pro contento. Sacerdos quoque cum Missam celebrat, quid dicere solet attendendum; Similiter postquam cenatum est, accipiens, & hunc sacrosanctum calicem (in quo videlicet continetur vinum mixtum aqua) benedixit, & dedit Discipulis fuis dicens: Accipite, & bibite ex hoc omnes, hic est sanguis meus, &c. *Afferit deinde Patrum auctoritates, quibus affirmant sententia comprobatur, quas supra citavimus, & subjungit:* Cæterum pars adversa auctoritates priores utcumque permittit, dicens: Vinum, quod aqua mixtum est converti, sed non propter aquam mutari. Testimonium verò Paschali, quod evidens est, eadem pars contemnit, licet magnum ipsius B. Papa Gregorius in libro Dialogorum perhibeat testimonium sanctitati, sicut Hildebertum ajunt verficatorem

fuisse, non Ecclesiasticorum dogmatum assertorem. De Algero dictum, Nescimus hominem, ipsius tamen nullum adhuc comperi librum, & Sancti, vel eujuscumque Doctoris auctoritatem similiter suffragari. *Deinde petit quid tenendum sit doceri: subdit Baronius:* Quid autem rescripserit ad petitam consultationem Cardinalis Episcopus Albanensis, non invenimus, sed aliud rescribere non potuisse certum est, quàm quod credidit, & custodivit semper Sancta Romana Ecclesia, nimirum aquam simul, & vinum transubstantiari in sanguinem Christi. *Qui etiam infra in fine anno 1192. contrariam sententiam vocat super exortam heresim.*

Ex quibus infert Coninch qu. 74. nu. 160. *Primo*, fuisse tunc temporis communissimam opinionem, aquam non converti in vinum ante consecrationem, quia cum, hac conversione admissa, potuisset tam facile utraque sententia concordari, aut altera alterius argumentis respondere, incredibile omnino est, potuisse accidere, ut neutra pars ullam ejus faceret mentionem, si credidissent vel probabiliter eam fieri. *Secundo* ait, affirmantes ipsam conversionem locutos fuisse de conversione immediata: cum tunc nemini veniret in mentem mediata illa conversio. Infert *tertio*, cum Gaufredus dicat, usque ad illa tempora fuisse inauditum in Ecclesia, aquam non converti in sanguinem, fuisse communem omnium opinionem eam absolute semper converti in sanguinem, sive convertatur prius in vinum, sive non. Infert *quarto*, Innocentium III. non approbasse nostram sententiam, imò verò improbasse, si verba illius attendantur, imò probabilius est, eum nullam fecisse illius mentionem.

Verum respondet Hiquerus commentario in dist. II. qu. 7. n. 28. contrarium postremæ hujus illationis apparet ex verbis Innocentii: *Quærebatur*, inquit, *utrum aqua cum vino in sanguinem convertatur: Super hoc autem opinioniones apud Scholasticos variantur; Aliquibus enim videtur, quod cum de latere Christi duo fluxerint præcipua Sacramenta Redemptionis in sanguine, ac regenerationis in aqua, in illa duo, vinum, & aqua, quæ commiscuntur in calice, divina virtute mutantur, ut in hoc Sacramento plene sit veritas, & figura. Alii verò tenent, quod aqua cum vino transubstantiatur in sanguinem,*

cum in vinum transeat aqua mixta, licet Physici contrarium asseruerint, qui aquam à vino per artificium posse asserunt separari. Propterea potest dici, quod aqua non transit in sanguinem, sed remanet prioris vini accidentibus circumfusa, &c. Deinde infra concludit: Verum inter opiniones prædictas illa probabilior iudicatur, quæ asserit, aquam cum vino in sanguinem transmutari, ut expressius eluceat proprietates Sacramenti, &c. Assignat rationem, quam aliàs adducunt priora Concilia, ut populus Christo maneat coadunatus. Hæc, quam veram censet Pontifex, est secunda in ordine, quia prima dicit aquam mutari in aquam, quæ fluxit ex latere Christi: secunda dicit manere in propria substantia: tertia autem cum vino mutari in sanguinem, quia convertitur in vinum: nam illud quod dicit de Physicis, non spectat ad Theologos, & in responsione sequitur contrarium, ita omnes Theologi interpretantur Canonem.

Confirmatur. Interpretatio ex ipso Innocentio lib. 4. mysteriorum Missæ cap. 29. ubi disserit an aqua in sanguinem convertatur, & partem affirmativam docet contra eos, qui negant aquam converti, cap. 30. rejiciens opinionem eorum, qui dicunt non aquam naturalem, sed phlegma exivisse ex corpore Christi, docet modum, quo convertitur: Quibusdam verò, inquit, non absurdum videtur, quod aqua cum vino transiit in sanguinem, ea videlicet ratione, quod aqua per admixtionem transiit in vinum, & vinum per consecrationem transiit in sanguinem. Quis enim ambigat aquam in vinum transire, cum multo vino modicum infunditur aqua? Alioquin tota vini substantia propter guttam aquæ mutatur, ut quoddam fiat ex ipsi confusum, quod nec fit aqua, nec vinum, &c. Ecce quomodo Pontifex resumens casum propositum in capite Cum Maribus, doceat aquam cum vino mutari in sanguinem, ita ut prius mutetur in vinum aqua. Hæc ergo fuit communis sententia Theologorum tunc temporis, quam Pontifex, tam in illo Decreto, quam etiam in doctrinali discursu super Missa est secutus.

Addit Hiquæus, quod cum Innocentius tertius Parisiis studuerit, & à Clemente tertio inter Cardinales fuerit assumptus, eo tempore, quo Gaufridus supradictus florebat, ac tandem paulo post ad summum Pontificatum erectus, haud dubium

est, cum resolvisse sensum quæstionis, & controversiæ, de qua fuerat interrogatus. Porro controversia illa erat, an aqua superinfusa vino consecrando converteretur in sanguinem Christi. Communis sententia id affirmabat, quam etiam docet Innocentius; negabant verò alii, purantes ex opinione Physicorum aquam, utpote elementum, non posse ulla ratione converti in corpus mixtum, quale est vinum; ac proinde eam manere in propria substantia in calice. Neque aliam controversiam insinuat Gaufridus in sua epistola: proposita enim sententia inter affirmantes, & negantes, subjungit fundamenta sententiæ affirmativæ, quam communem appellat: *Primo*, quia calix Domini fuerat mixtus: *Secundo*, quia aqua mixta simulæ, non remanet converso pane in corpus, ergo etiam, nec mixta vino: *Tertio*, quod falsum esset elementum non posse converti in corpus mixtum: igitur communis sententia affirmans tunc temporis erat, quod aqua posset converti in vinum, virtute agentis naturalis, ac subinde idem docebant, quod postea docuerunt, ac communiter docent Theologi, nempe, aquam prius converti in vinum, quam in sanguinem, virtute ipsius vini prædominantis; alioqui hæc ratio non fuisset ad propositum, si nempe sustinuissem, aquam immediate converti in sanguinem virtute divini; siquidem de hoc nullus salva fide dubitare potuit. Ac subinde, ut colligit Hiquæus, perperam nonnulli Recentiores cum Coninch, colligunt, communem fuisse sententiam tempore Gaufridi, quod immediate verteretur in sanguinem.

Nec contrarium colligi potest ex illis omnibus Authoribus, quos ipse Gaufridus laudat, nempe Algerum lib. de Sacramento Altaris cap. 5. Adonem Camedacensem Episcopum in canonem Missæ, Berengiosum Abbatem, de laude, & inventione sanctæ Crucis lib. 1. cap. 16. Stephanum Eduensem Episcopum lib. de Sacramento Altaris cap. 14. & Paschasium Corbejensem lib. de vero corpore, & sanguine Christi cap. 11. Hi namque omnes expressè, ac diserte docent, vinum converti in sanguinem; ac subinde censent, aquam vino permixtam, esse jam in vinum conversam, dum fit illa vini conversio in sanguinem.



## SECTIO TERTIA.

*De forma, per quam consecratur Eucharistia.*

**C**onsentiant omnes Catholici Doctores, formam consecrationis corporis, & sanguinis Christi in his maxime verbis consistere, *Hoc est corpus meum, & Hic est sanguis meus*: Id enim aperte docet Apostolus, 1. Cor. 11. ubi referens formam, qua Christus D. consecravit, hanc profert: *Hoc est corpus meum, & Hic est calix sanguinis mei*. Verum dissentiunt hæretici, maxime Lutherus lib. de abroganda Missa privata, ubi deridet sacram Eclesiæ Romanæ praxim, quod verba consecrationis minime velit esse vulgata, solisque reservata Sacerdotibus, nec ab iis, nisi in intimo sacrarum rerum secreto agentibus, tractanda: Quibus, inquit, in toto orbe oportet nihil esse notius, neque vulgatus.

Calvinus autem lib. 4. Instir. cap. 17. nu. 19. eandem Ecclesiæ doctrinam, & praxim, ea, qua solet, impudentia, damnaans, scribit: Nihil magis præposterum fieri in cæna potest, quam si vertatur in mutam actionem, quod sub Papæ tyrannide factum est: totam siquidem vim consecrationis à Sacerdotis intentione pendere voluerunt, quasi hoc nihil ad populum pertineret, cui mysterium maxime explicari oporteret. Inde autem natus est hic error, quod non observabant promissiones illas, quibus conficitur consecratio, non ad elementa ipsa, sed ad eos, qui recipiunt destinari. At qui non panem alloquitur Christus, ut corpus suum fiat, sed Discipulos jubet manducare, atque illis corporis, & sanguinis sui communicationem pollicetur. Nec alium ordinem docet Paulus, quam ut una cum pane, & calice promissionis fidelibus offerantur. Ita est sane: Non hic magicam aliquam incantationem imaginari nos deceat, ut satis sit verba demurmurasse, quasi ab elementis exaudiantur, sed verba illa vivam predicationem esse intelligamus, quæ Auditoris edficeret, quæ intus penetret in eorum animos, quæ cordibus imprimatur, ac insideat, quæ efficaciam in complemento ejus, quod promissa, exerat.

Ejus hæreticæ impietatem, & in Ecclesiæ Catholicæ odium æmulatur, & vincit Ostinianus lib. 1. & 2. *historiæ sacramentariæ* cap. 1. ubi cum dixisset benedicere, re, consecrare, seu sanctificare panem, & vinum, non esse incantare, & occultare

ra quadam vi verborum panem, & vinum transelementare, transubstantiare; sed esse ea divinis, sacrisque usibus destinare, nimirum ut, quæ communia erant corporum alendorum adminicula, fiant efficacia deinceps symbola carnis, & sanguinis Christi. In Ecclesiâ deinde Romanâ ore perculso blasphemans, ait eam hæc in re, quemadmodum in aliis, Ethnicos egregie imitari, quin & Magos, eorumque artem æmulari, dum verba consecrationis tam sollicitè occultat, & à vulgi auribus removet. Scarpus verò controversia 2. de sacra Cæna qu. 4. Preces, & totam institutionem ad consecrationem pertinere ait, quem sequitur Chamærus lib. 6. cap. 5. addit tamen consecrationem distingui à forma, ut totum à parte: consecrationem autem vult esse in tota Christi institutione, ne exclusis quidem Ecclesiæ precibus, quibus à Deo postulat fieri, quod Christi institutione continetur: formam verò non diffinitur illis verbis contineri: *Hoc est corpus meum, & Hic est sanguis meus*.

Deinde verò iræ, acerbatisque suæ viri adversus Ecclesiâ genio hæretico, & infructu, atque ore mendaci evomens, subjungit, se cum suis improbare magicam illam vim, quam Papistæ verbis ipsis tribuunt, quasi iis indita quædam potentia mysterium peragat, & aliter operetur, quam per significationem in animis humanis. Hæc Hæretici, quid Catholici, ex sequentibus clarebit.

Testatur etiam Cardinalis Bessarion lib. de Sacramento Eucharistiæ, Græcos recentiores censere Eucharistiâ confici precibus Sacerdotum, quia suis in Liturgiis hoc modo habetur: *Rogamus Pater, ut mittas spiritum tuum super nos, & super hæc apposita munera, & fac panem istum pretiosum corpus Filii tui, & quod est in calice, pretiosum sanguinem Filii tui*. Hujus sententiæ præcipui defensores fuerunt Nicolaus Cabasilas in expositione liturgiæ cap. 27. Marcus Ephesinus in speciali opusculo de forma Eucharistiæ, & Simeon Thessalonicensis in Liturgia, qui omnes licet doceant debere verba Christi proferri, illis tamen opposita elementa non consecrari asserunt, nisi Sacerdotis oratione applicentur.

Tria itaque hæc in Sectione sunt determinanda: *Primum*, utrum Christus D. in consecratione sui corporis, & sanguinis aliquibus verbis usus fuerit: *Secundum*, utrum

cisdem verbis uti debeant Sacerdotes novæ legis in consecrando Christi D. corpore, & sanguine: *Terrium*, quænam verba consecrationis sint de essentia formæ, & quomodo profertur debeant significativè, seu assertivè, vel solum historicè, & recitativè.

### QUÆSTIO PRIMA.

*Utrum Christus D. aliquibus verbis usus fuerit in consecratione sui corporis, & sanguinis.*

**N**otandum primò, eam esse plurimum Theologorum sententiam, maximè Innocentii III. lib. 4. de mysterio Missæ cap. 6. *Archiepiscopi*, ut refertur cap. *Qui celebravit*, de consecr. dist. 2. *Francisci Mayronis* in 4. dist. 8. q. 1. a. 5. *Caibarini* in opuscul. de hac re edito in Concilio Tridentino, &c. docentium Christum D. ratione potestatis excellentiæ absque omni verborum forma consecrassè, verba tamen postmodum protulisse, quibus in Ecclesia futuris temporibus Eucharistia à Sacerdotibus novæ legis consecraretur. Sunt etiam qui existimant, Christum D. verbis quidem, & oratione consecrassè, sed nobis ignotis. Ita præcipuè Erasmus, qui in suis annotationibus in 1. epist. ad Cor. cap. 11. dixit: *Utinam Paulus traderet nobis illa verba, quibus consecratus est panis ille à Christo: nam illa, Hoc est corpus meum, potius sunt porrigentis, quàm consecrantis*. Cæteri vero Theologi docent, Christum D. reverà verbis consecrassè suum corpus, & sanguinem, his videlicet, *Hoc est corpus meum*, & *Hic est sanguis meus*, Quæ utriusque sententia apud Catholicos jam receptissima, ut evidentiùs appareat, & firmeretur efficacius,

*Notandum secundo*, Christum D. cum hoc Sacramentum instituit, quatuor juxta narrationem Evangelistarum fecisse, nempe gratias egisse, benedixisse, & fregisse panem, ac Discipulis distribuisse.

Porro, inquit illustriss. Marca in dissert. de Eucharistia, Christum D. morem istum benedicendi panem usurpavit Judæis familiarem, qui cibum nullum, aut vinum sumere soliti, nisi priùs tanquam Conditori, Donatorique *Χαῖρος τῷ Θεῷ* laudes, & grates egissent addita precatione, ut notum non solum ex Thalmudicis scriptoribus, sed etiam ex Philone, atque Josepho. Precatio isthæc, à Judæis *sanctificatio* dici-

tur, quoniam nisi ea præcessisset, cibum pro profano habebatur: ea verò adhibita, *sanctus*, idest, quo vesci fas esset. Quem morem commendat Paulus, cibum nullum recipiendum docens, quin cum *gratiarum actione* sumatur, quippe sanctificari per verbum Dei, & *orationem*. Ubi observabit lector, *gratiarum actionem*, per *orationis* verbum à Paulo ipso explicari: quia duobus pietatis officia unica formula conjuncta erant. Nempe, ut adnotavit Josephus, *Iussa est gratiarum actio, quæ & ad recipiendum beneficium jam acceptum refertur, & ad futura mala amolenda*. Ex quo factum, ut passim, quando de panis benedictione sermo instituitur, promiscuè pro eodem ponantur, *Benedicere*, & *gratias agere*. Quod in historia panum multiplicandorum Matthæus, & Lucas dixere, *Cælum, inuens benedixit*, Joannes sic expressit, *Gratias agens dedit*. Marcus verò, *Gratias agens fregit*. Non mirum ergo, si in recitandis verbis de sacro pane Lucas, & Paulus dixerunt, *Gratias agens*, quod Matthæus, & Marcus, *Benedicens*.

Plena autem, & propria locutio est, *Gratias agere Deo*, quæ integra reperitur, & quidem in mentione frangendi panis, Act. 27. quod tantumdem valet, ac Lucæ illud cap. 1. & 2. & 24. & Jacobi 3. *Benedicere Deo*. Sed Hebræi, atque istos secuti Hellenistæ, qui Græcè scribentes, vim Hebræicarum dictionum in Græcas invexerunt, amant locutionis compendia; quare *benedicere alicui* dicunt, pro plena phrasi, quæ est *benedicere Deo pro aliquo*. Quod loquendi genus non solum apud 70. Interpretes, sed etiam in Evangeliiis reperire est, ut Marci 10. Lucæ 2. 9. & 24. Hac ratione, *Benedicere poculo*, dixit in hoc argumento Paulus, & *Gratias agere*. Non enim minus rectè dicitur *υψερχομαι ὑπὲρ* aut *νομιζω* *Gratias agere panis, vel poculo*, quàm *υψερχομαι* benedicere. Quo Apostolorum exemplo Christiani veteres usi sunt, ut patet ex Justino, qui dixit *υψερχομαι ὑπὲρ*, panem Eucharisticum, live, in quo gratiæ acta sunt.

Cæterum formula communis *benedictionis*, sive *gratiarum actionis*, apud Hebræos hæc erat. *Benedixit Deus noster, Dominus mundi, qui produxit panem de terra*. De vino similiter dicebant: *Benedixit Deus noster, Dominus mundi, qui creavit genimen vitis*. Sed diebus festis accedebat mentio beneficii, cujus tum memoria celebrabatur, ut in Pa-

scia.

schate, liberationis ex Aegypto. Quare Christus in hac Eucharistiae institutione, non pro veteri tantum panis creatione gratias egit, sed etiam pro redemptione generis humani, quæ in eo articulo posita erat, ut quasi perfecta haberi possit, cujus memoriam hoc Sacramento consignabat. Veteres Christiani hac in re secuti sunt Dominum, conjungentes in peragenda Eucharistiae formulis, gratiarum actiones, tum pro veteri creationis rerum aspectabilium ad usum hominis beneficio, tum præcipue pro liberatione à peccatis per Christi mortem adeptæ, ut patet ex Justino, & Irenæo. Quo sensu in vetustissima quoque Missa Latina hæc leguntur: *Per Christum D. nostrum, per quem hæc omnia Domine semper bona creas, sanctificas, vivificas, benedixisti, & prebas nobis.* Hæc Marci.

Observat insuper Vasquez disp. 96. n. 39. Christum nunquam usum in cæna, aut prandio cum Discipulis fractione panis, nisi una ex duabus causis, aut quia non satis haberent panem ad manducandum, aut quia corpus suum consecrare voluit, & discipulis suis distribuere. Ob priorem causam usus est Matth. 14. Marci 6. & Luc. 9. & Joan. 6. cum ex quinque panibus saturavit quinque millia virorum, ut fractione ipsa illis ostenderet virtutem suam, qua panes illos multiplicavit: ob posteriorem autem causam fregit panem Matth. 26. & Mar. 14. & Luc. 22. ut ipsa fractione Discipulis suis significaret effectum peculiarem Sacramenti, quod statim operaturus erat, nempe unionem, eò quod ex eodem pane manducaturi, sicut etiam ex eodem calice bibituri essent. Et ideo existimo, hunc peculiarem morem frangendi panem inter plures, Christum semper retinuisse; atque à Discipulis euntibus in Emaus Luc. 24. in ipsa fractione panis agniti fuisse, quod nunquam ea uteretur in communi mensa, sed in sola Eucharistiae administratione.

Notandum tertio: in Christo D. duplicem fuisse potestatem circa Sacramentorum institutionem, & consecrationem, videlicet potestatem ordinariam, seu exemplarem, & potestatem capituli, seu excellentiæ: Prior fundabatur in dignitate Legislatoris, qua Christus D. ab æterno Patre in Dominum, Ducem ac Legislatorem delegatus, Ecclesiam tanquam cælestem, ac spirituale regnum instituit, legibus, ac divinis sanctionibus, & præceptis insinuat, & Sacramentis,

tanquam fontibus aquæ salientis in vitam æternam, ditavit, ac fecundavit: Posterior verò ortum ducebat ab ipsa incarnati Verbi persona, quæ nullis creaturarum administriculis, utpote divina, in suis molienti operibus egebat; sed pro nutu, & absolute voluntatis imperio quidquid placitum erat, poterat exequi. Porro hic non est sermo de potestate excellentiæ; siquidem ultro fateor, Christum D. potuisse, si ita placuisset, solo divinæ suæ voluntatis nutu absque ullius sermonis administriculis suum corpus, & sanguinem sub speciebus panis, & vini constituere; sed dumtaxat sermo est de potestate ordinariæ, & exemplari, ea scilicet, qua in cæteris Sacramentis usus est, utrum videlicet reverà in consecratione sui corporis, & sanguinis usus fuerit illdem verbis, quæ Sacerdotes novæ legis ad hujus Sacramenti consecrationem usurpant, cui quæstioni ut fiat satis, sit

## CONCLUSIO UNICA.

**C**hristus D. consecravit suum corpus per hæc verba. Hoc est corpus meum, & suum sanguinem his verbis: Hic est sanguis meus, vel, Hic est calix sanguinis mei. Probatur primò autoritate Concilii Tridentini sess. 13. cap. 4. ubi hæc habet: *Quoniam autem Christus Redemptor noster corpus suum, id, quod sub specie panis offerebat, verè esse dixit; ideo persuasum semper in Ecclesia Dei fuit, idque nunc denuo sancta hæc Synodus declarat, per consecrationem panis, & vini conversionem fieri totius substantiæ, &c.* Ex quo sic argumentor: Christus per id consecravit, ex quo Ecclesia colligit factam fuisse, & fieri transubstantiationem: sed illa facta est, & fit per prædicta verba: ergo, &c.

Idem insinuant SS. Patres: Primò, Justinus in secunda Apologia pro Christianis circa finem: *Hic etiam cibis, qui per præces sermonis, quem ab ore recipimus, consecratus est, & quo sanguis, carnesque nostræ communione aluntur, Jesu Christi ejus, qui homo factus est, & carnem, & sanguinem accepimus.* Ex quo infero primò Christum consecrasse per preces sermonis, idest, per verba: secundo, consecrasse per sermonem, quem ab eo accepimus: sed nullum alium sermonem ab eo accepimus, præter *Hoc est corpus meum, &c.*

Item Tertullianus lib. 4. contra Marcionem

nem cap. 40. *Acceptum panem, & distributum Discipulis, corpus suum illum fecit, Hoc est corpus meum*, dicendo.

Similiter Aulior sermonis de Cena apud S. Cyprianum: *Ex quo à Domino dictum est, inquit, Hec est caro mea, &c, Hic est sanguis meus, quousqueque bis verbis, & hac fide dictum est, panis iste supersubstantialis, & calix solenni benedictione sacratus, ad totius hominis vitam, salutemque proficit: Chrysostomus pariter homil. 60. ad populum Antiochenum, loquens de consecratione à Christo in cena facta, ait, Qui namque dixit, Hoc est corpus meum, & verbo factum confirmavit. Idem docet S. Ambrosius lib. 4. de Sacramentis cap. 17. cum ait: Cum panem accipiens diceret, Hoc est corpus meum, plane monstratur, verbum illud operatorium fuisse.*

Denique, omittis alius, S. Damascenus lib. 4. de Fide cap. 15. ait: *Sicut Deus dicendo, Fiat lux, fecit lucem: ita dicendo, Hoc est corpus meum, & Hic est sanguis meus, perfecit hoc Sacramentum. Quod pariter insinuat Apostolus, 1. ad Cor. 11. dicens: Accipite Jesus panem, & fregit, ac dixit, Hoc est corpus meum.*

Dices primo: Christus D. panem consecravat, antequam diceret, *Hoc est corpus meum*; siquidem panem tunc consecravat, cum eum benedixit: sed prius benedixit, quam verba illa protulerit, in testante Evangelista Matthæo 26. à nobis memorato. Insuper Marci c. 14. apparet, Apostolos jam bibisse calicem, quando Christus dixit: *Hic est sanguis meus*. Denique Discipulis in Castello Emaus Eucharistiam sine verbis ullis consecratam porrexit, dicente S. Luca cap. ult. *Accipite panem, & benedixit, ac fregit, & porrexit illis*: igitur Christus non consecravat per præfata verba.

Respondet negando consequentiam: & ad primum dicunt aliqui, per benedictionem ibi expressam non debere intelligi consecrationem, sed piam aliquam super panem precationem, & orationem, & divinæ potentie, ac munificentie super illum invocationem, qua ipsius mox futuram consecrationem, & transmutationem postulabat: Quod utique docet Concilium Tridentinum sess. 13. cap. 1. dicens: *Post panis uniusque benedictionem, se suum corpus illi præbere, ac suum sanguinem deferri, ac percipere verbis testatus est.*

Verum quoniam plurimi de SS. Patribus as-

serere videntur, quòd illa benedictio Christi fuerit sui corporis, & sanguinis consecratio; maxime S. Chrysostomus, homil. 25. ubi ait: *Cum benedictionem dico, Eucharistiam dico*. Et S. Ambrosius lib. de iis, qui initiantur cap. 9. *Hic est panis, quem benedictio consecravit: maior est jus benedictionis, quia benedictione etiam natura ipsa mutatur*. Similiter Aulior sermonis de cena Domini apud S. Cyprianum: *Calix, inquit, benedictione Domini sacratus, ad totius hominis vitam, salutemque proficit*. Idem pariter docet S. Remigius in caput 10. epistolæ ad Cor. & S. Bruno in cap. 11. ejusdem epistolæ; quam utique sententiam pariter docent Innocentius III. lib. 4. de mysterio Missæ cap. 6. Lyranus in 1. ad Cor. cap. 11. & Catechismus Romanus loquendo de forma Eucharistiæ, &c.

Idcirco respondet 2. negando minorem, & ad ejus probationem dico cum S. Augustino lib. de consensu Evangelistarum cap. 30. & 44. sacros Evangelistas non semper eundem ordinem in recitando servavisse, quo res gestæ sunt: atque adeo cum Evangelistæ dicunt, quòd Jesus accepit panem, benedixit, fregit, deditque Discipulis suis, dicens: *Accipite, & manducate, hoc est corpus meum*, hæc non sic sunt intelligenda, quasi eo ordine facta fuerint, quo referuntur: sed sensus eorum est, *Accipite Jesus panem, & gratias agens, benedixit, dicens: Hoc est corpus meum*, seu dum Jesus benediceret, frangeret, & daret Discipulis suis, hæc verba dixit: *Accipite, & manducate, hoc est corpus meum*. Ita explicat Catechismus Romanus laudandus infra quæst. 3. nu. 15.

Quantum autem ad factum Christi in Castello Emaus memoratum Lucæ ult. dico, quòd Christus tunc Eucharistiam consecravit, profertendo verba consecratoria, quamquam S. Lucas hanc circumstantiam non expresserit: vel si eam formam omiserit, tunc usus est potestate excellentiæ, qua pro suæ voluntatis arbitrio potuit suum corpus præfens fecisse sub speciebus panis. Ad authoritatem peritam ex S. Marco jam factum fuit satis in præcedentibus.

Dices secundò: Verba illa: *Hoc est corpus meum*, sunt demonstrativa rei jam præsentis, & existentis: ergo jam corpus Christi præfens erat, quando illa Christus D. protulit.

Distinguo antecedens: Sunt demonstrativa rei præsentis, & ibi realiter existen-

tis, concedo: præexistentis, & prius ibi positæ, nego.

*Dices tertio:* Quando Christus instituit Sacramenta, & materiam, & formam designavit, quam usurpare deberent Ministri in Sacramentis conferendis, ipse talem formam conferendo ejusmodi Sacramenta non usurpavit: igitur etiam si dicendo, *Hoc est corpus meum*, præscripserit Sacerdotibus novæ legis formam consecrandi sui corporis; inde non est consequens, quod ea passiter fuerit usus. Patet antecedens; dum enim Christus remisit peccata, sive per Baptismum, sive per Pœnitentiam, non usurpavit ea verba, quæ postmodum designavit pro forma utriusque Sacramenti; non enim legimus eum baptizasse, dicendo: *Ego te baptizo in nomine Patris, &c.* nec quando condonavit peccata pœnitentibus refertur dixisse, *Ego te absolvo*: igitur &c.

*Nego consequentiam:* Et ratio discriminis est, quod, ut optimè notat Arcudius lib. 3. cap. 27. quando Salvator dixit: *Euntes, docete omnes gentes, baptizantes eos in nomine Patris, & Filii, & Spiritus sancti*, tunc illis verbis Christus neminem baptizavit, sed instituit, quomodo Apostoli Baptismum exercere deberent: Similiter quando dixit: *Quorum remisistis peccata, remittuntur eis*, designavit materiam saltem remotam hujus Sacramenti, nempe peccata, & formam, nimirum verba, quæ hanc remissionem explicarent: illo tamen tempore cum hæc diceret, ipse nullum remisit peccatum.

*Idem* dicendum de cæteris formis, ac materiis Sacramentorum: ac verò quando dixit, *Hoc est corpus meum*, non solum formam præscripsit, qua confici posset illius adorandum corpus, sed tevera etiam panem propositum consecravit, & suum corpus effecit. Porro hujus quæstionis solutio, & resolutio planior, ac plenior apparebit ex sequenti.

## QUÆSTIO SECUNDA.

*Utrum Sacerdotes novæ legis ejusdem omnino verbis consecrent corpus, & sanguinem Christi, quibus ipsemet consecravit.*

**N**otandum primò, sensum quæstionis non esse, ut, ille eadem numero verba, quæ Christus D. cum Eucharistiam instituerat, & consecraret, protulit, physicè, &

entitativè considerata, quatenus reverà à Christo prolata fuerunt, nunc operentur consecrationem ejusdem corporis, & sanguinis: certum enim est, quod illa Christi D. verba præterita, jam verè, & realiter non existunt, sed statim ac illa protulit, ita effluerint, ut nulla ratione amplius possint physicè existere, aut agere. Sed tantum quæstio movetur de repetitione eorundem verborum, quæ à Sacerdote proferuntur: utrum, inquam, repetita eorundem verborum prolatio sit efficax, & necessaria ad constituendum corpus, & sanguinem Christi sub speciebus panis, & vini; quod ut evidentiùs appareat, *Observandum* insuper, Eucharistiam considerari posse duobus modis, scilicet in fieri, vel in facto esse, seu quatenus efficitur actu, vel quatenus consecrata permanet, ac juxta sequebatur: in hoc enim discrepat Eucharistia à cæteris Sacramentis novæ legis, quod alia in usu dumtaxat consistant; hæc autem maxime habeat esse permanentem, ac post suam consecrationem tamdiu perseveret, quamdiu integrè, & incorruptè conservantur, & subsistunt species Eucharisticæ. Hic autem non est sermo de Eucharistia quatenus consideratur in facto esse; certum enim est, quod sic spectata nullam habeat formam verborum; siquidem verba formæ Sacramentalis simul cum illo Sacramento subsistunt: Eucharistia autem perseverat, non permanentibus verbis, quibus illa conficitur, ac subinde verba non possunt dici propriè forma Eucharisticæ, sed potiùs consecrationis, nisi fortè eo sensu, quo Concilium Florentinum panem appellat Eucharisticæ materiam, non quod panis remaneat cum Eucharistia, sed quod sit materia, ex qua conficitur.

*Notandum secundò:* Eam esse peculiarem quorundam recentiorum Græcorum sententiam, quod sola verba, quibus diximus Christum consecrasset, & quibus Ecclesia Latina pro forma consecrationis utitur, non sufficiant ad consecrationem, nisi adiciantur preces, & orationes quædam, quibus à Deo postulatur, ut panis convertatur in corpus Christi, & vinum in ejus sanguinem. Ita præ cæteris docuit Nicolaus Cabasilas in expositione Liturgiæ cap. 27. 29. & 30. scribit enim cap. 27. *Deinde, inquit, pretiosa dona (Sacerdos) consecrat, & totum sacrificium peragitur. Et quoniam modo? Cum venerandam illam cœnam narravis, & quomodo ipsam ante Passionem dedit sanctis suis Di.*

Discipulis, & quod accepit calicem, & quod accepit panem, & adis gratiis sanctificavit, & quod dixit ea, per quæ significavit mysterium, & cum ea ipsa verba dixit, deinde prociidit, & orat, & supplicat, ut divinas illas voces ipsius unigeniti Salvatoris nostri etiam ad dona propolita applicet, & suscepto ejus sanctissimo, & omnipotente spiritu, convertatur quidem panis in ipsum pretiosum, & sanctum ejus sanguinem. Hæc cum oravit, & dixit, universum sacrificium perfectum est.

Idem docet Marcus Epheliorum Antistes in lib. de verbis consecrationis, ubi ait, quod non solum à voce dominicorum verborum sanctificantur divina dona: verum à consequente oratione, & benedictione Sacerdotis. Similiter Hieremias Patriarcha Constantinopolitanus in censura Augustanz Confectionis cap. 10. Invocatione, inquit, & gratia Omnipotentis, sacrorumque rituum Anstistis Spiritus, sacrarum precationum, & divinorum oraculorum interventu, panis quidem in ipsum Domini corpus; vinum vero in ipsum Christi D. sanguinem convertitur, & transmutatur. Quibus verbis, si per preces, & divina oracula, nihil aliud intelligat, quam Christi D. verba, reverà nobiscum sentit: sin autem, recentium Græcorum erroneæ sententiæ subscribit. Porro quàm absurdum sit hæc sententia, demonstrabit sequens Conclusio.

Notandum tertio, aliquid dici, ac pronuntiarî posse duobus modis, nempe vel *bystoricè*, seu *recitativè*, aut *materialiter*, quod tantum refertur tamquam ab alio dictum, itaut illud ipsum non asseratur, nec negetur ab eo, qui ejusmodi dictum refert, ut cum dicimus: *Ariftoles dixit mundum esse ab æterno*, & *Deo coævum*: neque enim hæc dicendo affirmamus, aut negamus esse verum, vel formaliter, & *significativè*, seu *asseritivè*, quando videlicet per verba, quæ pronuntiamus, aliquid affirmare, vel negare intendimus, ut cum dicimus, *Filius Dei factus est homo*. Hinc controversia emergit inter Theologos, quoniam ex his modis verba consecrationis à Sacerdote proferantur, quidam enim dicunt, verba formæ tantum recitativè, & historicè proferri. Ita *Lamocentius III.* lib. 4. de mystico Miste, cap. 17. *Durandus* in 4. dist. 8. q. 2. *Picus Mirandulanus* in Apologia suarum asserctionum q. 10. *Caibarianus* opusculo de verbis consecrationis, & plures alii Recensiores. E contra vero

Gabriel sect. 48. in Canonem. *Vasquez* 3. p. disp. 200. cap. 3. & aliqui ex Recensioribus, existimant, ea assertivè tantum, seu formaliter, & significativè proferri. Cæteri verò contendunt illa verba recitativè, & significativè dici; non enim pugnat aliquid dici recitativè simul, & significativè, nam cum dicimus, *Christus D. dixit: Nisi quis renatus fuerit ex aqua, & Spiritu sancto, non intrabit in regnum Cælorum*; hæc recitativè dicimus, nempe Christum ea verba dixisse, & assertivè, nimirum Baptismum esse necessarium ad vitam æternam consequendam.

Duo itaque hæc in questione occurrunt determinanda: *Primum*, utrum Sacerdotes novæ legis faciant Eucharistiam per eadem verba, quæ Christus D. protulit: *Secundum*, utrum ea verba proferant recitativè simul, & assertivè.

### CONCLUSIO PRIMA.

**R**evera Sacerdotes novæ legis faciunt Christi D. corpus, & sanguinem per eadem verba, quibus primò ipsemet Christus D. Eucharistiam confecit. Ita definitur in Decreto Eugenii, ubi docet summus Pontifex, consecrationem fieri verbis Salvatoris, quibus Sacerdos in persona Christi loquens Sacramentum hoc conficit, sed hæc sola verba, *Hoc est corpus meum, &c.* sunt verba Christi, eaque Sacerdos in persona Christi pronuntiat: igitur censet ad formam consecrationis sufficere ea Christi D. verba.

Probatur itaque Conclusio auctoritate SS. Patrum, maxime Græcorum, imprimis vero Justinii Martyris, qui apol. 2. pro Christianis ita scribit: *Non ut communem panem, nec ut communem potum hæc sumimus, sed quemadmodum per verbum Dei incarnatus Jesus Christus Salvator noster, & carnem, & sanguinem pro salute nostra habuit, sic etiam per orationem verbi Dei ab ipso Eucharistiam factum cibum, ex quo sanguis, & carnes nostræ per mutationem aguntur, illius incarnati Jesu, & carnem, & sanguinem esse edocui sumus*. Quibus verbis comparat Justinus Eucharistiam cum Incarnatione, & ad eum modum fieri docet, sicut & Incarnatio: non ergo censet eam fieri per humanas preces.

Et subscribit S. Gregorius Nyssenus in oratione Catechetica cap. 37. *Responde igitur, inquit, etiam nunc Dei verbo sanctificatum panem, in Dei verbi corpus credimus unum-*  
ta. 1.

tari. Etenim corpus illud panis erat potentia, sanctificatum est autem in habitatione Verbi, quod in carne habitavit. Itaque qua ex causa panis in eo corpore mutatus in divinam virtutem transiit, eadem de causa nunc etiam idem fit. Ut enim illic Verbi Dei gratia sanctum efficit illud corpus, cuius firmamentum ex pane constabat. Et ipsum etiam quodammodo panis erat: sic etiam hic panis, ut ait Apostolus, per verbum Dei, et orationem sanctificatur, non quia comeditur, eo progrediens, ut Verbi corpus evadat, sed statim per verbum in corpus mutatur, ut dictum est à Verbo, Hoc est corpus meum.

Favet etiam S. Chrysostomus hom. 2. in 2. ad Timoth. Volo tamen, inquit, adiacere tale mirabile. Et nolite mirari, neque turbemini. Quid verò istud est? Sacra ipsa oblatio, sive illam quis beatus Sacerdos, sive illam Paulus, sive Petrus offerat, eadem est, quam dedit Christus ipse Discipulis, quamque Sacerdotes modo quoque conficiunt. Nihil habet ista, quam illa, minus. Cur id? Quia non hanc sanctificant homines, sed Christus, qui illam ante sacerdotem. Quemadmodum enim verba, quae locutus est Christus, eadem sunt, quae Sacerdotes nunc quoque pronuntiant, ita et oblatio eadem est. Eademque ratio Baptismi est.

Adjungi potest Eusebius Emisenus homil. in ramis palmarum: Qui dixit tunc per se, inquit, modo dicit per suos Ministros, Hoc est corpus meum, et tanta est ejus verbi virtus, et efficacia, ut statim fiat, quod dicitur. Et in sermone de corpore, & sanguine Domini. Quando, inquit, benedicens verbis caelestibus creaturae sacris Altaribus imponuntur, antequam invocatione summi Numinis consecrentur, substantia illic est panis, et vini, post verba autem Christi corpus, et sanguis est Christi. Theophylactus in cap. 6. Joannis. Transformatur, inquit, arcanis verbis panis iste per mysticam benedictionem, et accessionem Spiritus sancti in carnem Domini: at quae talia possunt esse arcana verba, si non sunt Christi? Quae non propterea dicuntur arcana, quod secretò pronuntientur, cum Sacerdos Graecus clara voce ea proferat, sicut & Christus: sed tum quia celebrantur Gentilibus, tum etiam propter significatum, & mirabilem vim in eis contentam. Haec ex Patribus Graecis.

Idem docent Latini Patres, imprimis Autor sermonis de cena apud S. Cyprianum:

Hoc est, inquit, corpus meum. Manducaverant, et biberant de eodem pane secundum formam visibilem, sed ante verba illa cibum ille communis tantum nutriendo corpori commodus erat, et vite corporalis subsidium ministrabat, sed ex quo à Domino dictum est, Hoc facite in meam commemorationem, haec est caro mea, et hic est sanguis meus; quousque his verbis, et hac fide altum est, panis iste substantialis, et calix benedictione solenni sacra- tus, ad totius hominis vitam, salutemque proficit, simul medicamentum, et balneum ad sanandas infirmitates, et purgandas iniquitates exiens.

S. Ambrosius in libro 4. de Sacramentis cap. 4. Tu, inquit, forte dicis, Meus panis est usus: panis iste, panis est ante verba Sacramentorum, ubi accesserit consecratio, de pane fit caro Christi. Quae sit ista consecratio, explicat in eodem capite, his verbis: Quomodo potest, quod panis est, corpus esse Christi? Consecratione. Consecratio igitur, quibus verbis est, et cuius sermonibus? Domini Jesu. Nam reliqua cum dicuntur, laus Deo offeratur, et ubi venit, ut conficiatur venerabile Sacramentum, jam non suis sermonibus Sacerdos, sed utitur sermonibus Christi. Et in libro de iis, qui Mysteriis init. cap. 9. Quid si tantum valuit humana benedictio, ut naturam convertere (recenter miracula Moysis, Helix, & Helix) quid dicemus de ipsa consecratione divina? ubi verba ipsa Domini Salvatoris operantur? Nam Sacramentum istud, quod accipis, Christi sermone conficitur. Et in Ps. 38. Et si nunc Christus videtur offerre, tamen ipse offertur in terris, quando Christi corpus offertur. Immo ipse offerre manifestatur in nobis, cuius sermo sanctificat sacrificium, quod offertur. S. Augustinus ser. 26. de verbis Domini: Ante verba Christi, quod offertur in Altari, panis dicitur: Ubi Christi verba de promissa fuerint, jam non panis dicitur, sed corpus appellatur.

Hic adde Paschasius libro de corpore Domini, cap. 5. dicentem: Hoc Sacramentum non meritis, non verbis humanis, sed proculdubio divinis efficitur, et consecratur mandatis. Sed verbo Creatoris, Hoc est corpus meum, in hoc verbo creatur illud corpus, quia divinum verbum est, et omnipotentia plenum.

Adde quoque Remigium Altiisiodorensis de celebratione Missae: Christi ergo virtute, inquit, et verbis, iste panis, et calix ab initio est consecratus, et semper consecratur,

tur, & consecrabitur. Ipse enim loquens per Sacerdotes verba sua celesti benedictione sanctum corpus, & sanguinem suum perficit. Adjice quoque Stephanum Eduentem de Sacramento Altaris cap. 14. ajentem; Credimus & quod, cum benedixit, corpus suum fecit, & in his verbis, Hoc est corpus meum, Hic est calix sanguinis mei, data est virtus Sacramenti, dixit enim & facta sunt. Et cap. 15. Fides nostra est, & verè credendum est, quod Sacerdote proferente hæc verba, Hoc est corpus meum, jam non est panis terrenus, sed ille panis, qui de calo descendit: Item virtute verborum istorum, Hic est calix sanguinis mei, vinum convertitur in sanguinem. Adde & Odonem Cameracensem in expositione Canonis. Tolle, inquit, verba Christi, non sunt Sacramenta Christi: Vis fieri Christi corpus, & sanguinem? appone Christi sermonem: facit sermo veritatis, quod dicit, quia ipse dixit, & facta sunt, ipse mandavit, & creata sunt. Sine dubio fit in creatura, quod Christi sermo dicit de creatura. Est enim omnipotens sermo tuus, o Genitor: fit ergo sermone Christi corpus, & sanguis Christi.

Hæc traditione permotum Concilium Trident. sess. 13. cap. 1. docet Christum Eucharistiam his perspicuis verbis, Hoc est corpus meum, instituisse. Et cap. 3. docet vi verborum, solum corpus sub specie panis, solum sanguinem sub specie vini poni. Ergo supponit verbis illis consecrari panem, quibus solum corpus significatur, consecrari vinum illis, quibus unus sanguis significatur, at ejusmodi verba non sunt alia, quam recensita verba Salvatoris, ergo &c.

Eandem veritatem suadet ratio Theologica: Tum quia Sacerdotes Christi vices obeunt: ergo non aliis verbis, quam iis, quibus usus est, & quæ instituit, ut debent, hæc autem non sunt illæ Græcorum preces, quas nulla Scriptura sacra continet, sed verba à nobis assignata: Tum quia idcirco Græci, imò & hæretici colligunt hæc verba, Ego te baptizo, esse formam Baptismi, quia Christus dixit, Baptizantes eos in nomine Patris, &c. sed ipsemet hoc Sacramentum instituendo, dixit: Hoc est corpus meum: Ergo hæc verba formæ rationem obtinent. Tum denique quia, Sacramentorum materiz debent esse perpetuæ, & immutandæ, ut diximus, sed Ecclesiæ preces hoc in mysterio celebrando ulitari solitæ, tales non sunt; quippe cum pro Ecclesiæ

libito mutari possint, ut decernit Concilium Milevitanum secundum, cui S. Augustinus interfuit, in quo can. 12. statuitur. Ut preces vel orationes, seu Missæ, quæ probate fuerint in Concilio, sive præstationes, sive commendationes, seu manus impositiones, ab omnibus celebrentur, nec aliæ omnino dicantur in Ecclesia, nisi quæ à prudentioribus traditæ, vel comprobate in Synodo fuerint, &c.

Obijciunt primò, Ss. Patres asserentes, Eucharistiam confici, ac consecrari oratione Sacerdotum: ita enim docet Justinus Martyr Apolog. 2. ubi docet oratione confici Eucharistiam. Et S. Dionysius de Ecclesiastica Hierarchia cap. 3. docet consecrationem fieri post illa verba, Hoc facite in meam commemorationem; loquens enim de Consecratione, ait, Postquam divinus Pontifex laudavit, & venerandam, intellectualemque speculationem (operum Christi) mentis oculis perspexit, ad symbolicam eorum consecrationem venit, idque secundum Traditionem divinam, unde religiosè simul, & ut Pontificem decet, post sacras divinorum operum laudes, se purgat, dum primò devotè ad eum clamat, Tu dixisti, Hoc facite in meam commemorationem, deinde cum rogavit ut dignus fiat hæc consecratione, & ad similitudinem Christi hæc divina perficiat, calicque distribuat, & ii, qui Sacramenta participaturi sunt, dignè sumunt, consecrat divinis, &c. Quibus verbis significat consecrationem fieri tantum post laudata verba: Hoc facite in meam commemorationem. Porro hæc dumtaxat proferuntur post prolata verba, Hoc est corpus meum: igitur censet corpus Christi confici solum per orationes. Unde cap. ultim. vocat formas Sacramentorum consecratoria invocatione:

Similiter Irenæus lib. 4. contra hæreses cap. 34. docet Eucharistiam fieri invocatione Dei: Quæmadmodum, inquit, qui est à terra pacis, percipiens invocationem Dei, jam non est communis panis, sed Eucharistia ex duobus rebus constans, terrena & celesti, sic & corpora nostra, &c. Idem docet Eusebius Emisenus ser. 5. de Paschate, dicens: Benedicendo verbis celestibus creatura sacris Altaribus imponuntur, antequam invocatione summi Numinis consecrentur, &c. Idem etiam Origenes in cap. 15. Mathæi, ubi Eucharistiam appellat Cibum, qui per verbum Dei, & orationem sanctificatur. Similiter S. Basilius lib. de Spiritu S. cap. 37. scribit: Invocationis verba in ostensione panis Eucharistia,



*hæ, & poculi benedictionis, quis Sanctorum nobis scripto reliquit? Non enim his contenti sumus, quorum Apostolus, aut Evangelium mentionem fecit, sed ante, & post alia dicimus, veluti magnum robur ad mysteria habentia, quæ ex doctrina scripta non prodita nos accepimus.*

Idem docent Latini Patres, maximè Optatus Milevitanus lib. 6. contra Parmenianum: *Quid, inquit, est iam sacrilegum, quàm Altaria Dei, in quibus aliquando & vos obtulistis, frangere, radere, removere, quò Deus omnipotens invocatus sit, quò postulatus descendit Spiritus sanctus, &c.* quæ posteriora verba propter consecrationem dicta esse videntur. Similiter S. Hieronymus epistol. 85. quæ est ad Evagrium: *Quis pariat, inquit, mensarum, & viduarum Minister, ut supra eos setimidus offerat, ad quorum preces Christi corpus, sanguisque efficitur?* Et S. Augustinus lib. 3. de Trinit. cap. 4. ait: *Eucharistiam esse id, quod prece mystica consecratum summus ad salutem.* Et lib. 1. de Baptismo contra Donatistas cap. 20. ait: *Deum exaudire homicidam deprecantem super Eucharistiam.* Et epistol. 59. ad Paulinum, in solutione 5. questionis, orationes appellat ipsam benedictionem, & consecrationem Eucharistiae.

Respondet, SS. Patres idcirco formam consecrationis appellare preces, aut orationes, vel propter preces, quas præmittere solet Ecclesia in canone Missæ, quibus Sacerdos Deum, ut panem in corpus, & vinum in sanguinem dignetur convertere, deprecatur his verbis: *Hanc igitur oblationem tu Deus in omnibus, quæsumus, benedictam, ascriptam, ratam, rationabilem, acceptabilemque facere digneris, ut nobis corpus, & sanguis fiat Domini nostri Jesu Christi.* Propter has, inquam, preces præmitti solitas, dixerunt SS. Patres Eucharistiæ Sacramentum confici orationibus Sacerdotum, non quòd Eucharistia illis precibus formaliter consecratur, sed quòd preces illæ ipsam consecrationem immediatè præcedant.

Vel dico, SS. Patres per preces, & orationes, quibus confici Eucharistiam interdum ajunt, non aliud intelligere, quàm verba Salvatoris, quæ quia verba sunt, oratio dici possunt, quia videlicet per hujusmodi verba formaliter hostia immolatur, & mysticè mactatur: tunc enim Deum precari jure merito censetur, cum sacrificii immolatione divinæ ejus majestati litamus.

Vel denique dico, idcirco verba conse-

cratoria Patres appellare preces, & invocationem, quia per illa verba virtus divina ad sanctificationem, & consecrationem materis panis, & vini evocatur, Deusque adjuratur, & interpellatur, ut meminerit sui pacti cum hominibus initi de conferenda signis sensibilibus sanctificativa virtute, qua ratione S. Augustinus contra Donatist. lib. 5. cap. 20. vocat omnes Sacramentorum formas deprecationes: *Homicida, inquit, exauditor deprecans super oleum, super Eucharistiam, super cetera capita eorum, quibus manus imponitur.* Imò & ipse Theophylactus in cap. 26. Matth. verba consecrationis preces appellat, dicens: *Id quod etiam nos facimus preces adjungendo, Hoc est corpus meum.* Idem penè habet Gregorius Nyssenus oratione Catechetica cap. 37.

Obijciunt secundo: S. Gregorius lib. 7. epistol. 63. ubi ait: *Orationem Dominicam idcirco post preces (idest canonem) mox dicimus, quia mos Apostolorum fuit, ut ad ipsam solummodo orationem oblationis hostiam consecrarent.* Ergo censet Eucharistiam per Dominicam orationem confici.

Nego consequentiam: Nec enim ea mens est S. Gregorii, sed responderet ad quorundam querimoniam, qui (ut ibidem habet) agrè ferebant, quòd ipse statuisset, ut oratio Dominica statim post canonem diceretur. Respondet huic querimoniz, se hac in re imitari Apostolos, & subdit: *Et valde inconveniens mihi visum est, ut preces, quam Scholasticus composuerat, super oblationem diceremus, & ipsam orationem, quam Redemptor noster composuit, super ejus corpus, & sanguinem taceremus.* Idest, si verba, & preces à Scholastico compositas consecrationi præmittimus, & subijcimus, quantò magis inter celebranda divini sacrificii mysteria, debemus adhibere orationem Dominicam? Quæ, inquit, Tertullianus lib. de oratione est *Breviarium Evangelii, necnon auctore Cypriano, cælestis doctrine compendium, & ut loquitur S. Ambrosius lib. 5. de Sacramentis, cap. 4. Est cunctarum plena virtutum.* Non ergo negat S. Gregorius per Christi D. verba fieri consecrationem corporis, & sanguinis, sed contendit, quòd huic consecrationi, necnon & Canoni Missæ adijcienda sit oratio Dominica secundum praxim, & Traditionem Apostolorum; quòd enim Apostoli recitarent Dominicam orationem in sacrificio Missæ post consecrationem, etiam ex traditione Christi do-

cet S. Hieronymus lib. 3. contra Polagianos circa finem.

*Obijcies veritè:* Ex Liturgiis SS. Marci, Basilii, Chrysostomi, & Jacobi, postquam Sacerdos protulit verba: *Hoc est corpus meum, & hic est sanguis meus*, precatur in hæc verba, *Regamus te S. Pater, ut mittas Spiritum sanctum tuum super nos, & super hæc appositum munera; & fac panem istum pretiosum corpus filii tui, & quod est in calice sancto, pretiosum sanguinem Christi tui, &c.* Ergo censent illi per prædicta vocabula corpus Christi non fieri præsens.

*Nego consequentiam*, & ad antecedens respondet Cardinalis Bessarion in Opusculo de hac controversia edito. Vel illas preces scriptorum incuria aut studio, & malitia fuisse transpositas post verba consecrationis, cum eis præmitti deberent, more scilicet Latinorum, qui ante consecrationem hanc præmittunt orationem, *Quam oblationem tu Deus, quesumus, benedictam, acceptam, &c.* Et ita notavit Scholiastes Liturgiæ S. Basilii in margine. Verùm hæc solutio non satis aridet, quippe cum nullæ apud veteres hæc legantur positiones: imò Germanus Patriarcha Constantin. qui vixit tempore 7. Synodi in sua Mystica contemplatione rerum Ecclesiasticarum, quæ est in 6. tom. Bibliothecæ sacræ, ubi præmisit, & exposuit verba: *Hoc est corpus meum*, rursus exponit orationem quam Deo, & Patri recitat Sacerdos, & ait. *Et rursus consecrat, ut consiciatur mysterium filii ejus, & fiat sive transmutetur panis, & vinum.*

*Unde respondeo* cum illis Græcis, qui in Concilio Florentino ab Eugenio rogati cur hanc verbis consecratoriis orationem postponerent, dixerunt se profiteri, ac firmiter credere Eucharistiæ Sacramentum confici verbis illis: *Hoc est corpus, &c.* Sed quemadmodum Latini confecto sacramento solent uti hac oratione, ut legebatur in veteri Missali Romano. *Fiat commixtio, & consecratio corporis, & sanguinis Domini nostri Jesu Christi accipientibus nobis in vitam æternam, &c.* Ita ipsi orant ut sanctissimum Christi corpus fiat in salutem animarum, &c. ut patet ex verbis S. Basilii infra. *Confirmatur* ex eo, quod in iisdem Liturgiis Sacerdos communicaturus orat in hunc modum. *Fiat mihi Domine Jesu Christe corpus tuum in remissionem peccatorum meorum, & sanguis tuus pretiosus in vitam æternam.* Quod in Latina Ecclesia dicimus,

*corpus Domini nostri Jesu Christi fiat accipientibus, &c.*

*Inflabit:* Epiphanius Diaconus, cujus asserta probatur in septima Synodo, respondens ad ea, quæ ex Pseudo-Synodo septima referbantur, quibus sola Eucharistia imago veneranda dicebatur, suum discursum concludendo, hæc habet. *Ergo liquidò demonstratum est, quod nusquam Dominus vel Apostoli, aut Patres imaginem dixerunt sacrificium sine sanguine, quod per Sacerdotem offertur, sed ipsum corpus, & ipsum sanguinem.* Et ante sanctificationis quidem celebrationem antiypa quibusdam Sanctorum hæc pie visum est nominare, quorum est Eustabius propugnator orthodoxæ fidei, & Arianae destructor vesanæ, & Basilii ejusdem infatigabilis superstitionis depositor, qui omne, quod sub Sole est, plenam rectorum dogmatum basin edocuit. Ex uno enim eodemque spiritu disputantes; unus quidem eorum interpretans Salomonicum dictum, quod in Proverbiis legitur, Comedit panem meum, & bibit vinum quod miscui vobis, hic dicit: *Per panem, & vinum typi corporaliū Christi prædicti membrorum.* Alter verò ex eodem fonte hauriens (ut novorum omnes Sacerdoti mystici cultores, in oratione divine oblationis (idest in canone Missæ) ita dicit, Confidentes appropinquamus sancto altari, & proponentes typos sancti corporis, & sanguinis Christi tui, te deprecamur, & te rogamus; & quod deinceps inferitur, certioris partis huius perfecti intellectum, qualiter antequam sanctificata fuerint, vocata sunt typi, post sanctificationem autem corpus propriè, ac sanguis Christi dicuntur. Ex quo sic argumentor. Per ea verba dicendum est corpus Christi confici, post quæ prolata panis non dicitur à S. Basilio typus corporis: sed post prolationem verborum, *Hoc est corpus meum*, & ante illam orationem, S. Basilii vocat panem typum corporis in sua Anaphora. Ubi enim præmisit narrationem omnium Christi mysteriorum, Sacerdos extollens vocem suam dicit. *Cum esset exiturus ad crucem suam voluntariam, ac salutarem, in ea nocte, qua tradebatur pro vita, & redemptione mundi, accepto pane in sanctis, incontaminatis, & illibatas manus suas, gratias egit, benedixit, sanctificavit, & fregit, & dedit Discipulis suis, & Apostolis sanctis dicens: Accipite, & comedite de ipso, hoc est corpus meum, quod pro vobis, & pro multis frangitur, & dividitur in expiationem culpæ, & remissionem peccatorum,*

torum, & in vitam eternam. Populus respondet. Amen, &c.

Post plura, quæ precatur Sacerdos, & respondet populus, Diaconus clamat, *Quam veneranda est hora, & hoc tempus dilectissimi, cum spiritus vivus, & sanctus & supremis celorum sedibus descendit, atque incubat, manetque supra hanc Hostiam propositam, eamque consecrat: tacite igitur, reverenter orate.* Sacerdos inclinatus, plura orat, postque subiungit: *Cum fiduciam jam accedimus, ut contingamus altare tuum sanctum, & qui proposuimus typon corporis, & sanguinis tui, adoramus, ac supplices rogamus te per bonitatis tuæ benignitatem, veniat Spiritus tuus super nos, & super hæc, quæ proposuimus dona, ac sanctificet ipsa.* Sublata voce, *Domine exaudi me, populus, Kyrie eleeison, Sacerdos, & efficiat panem corpus gloriosum Domini Dei nostri Jesu Christi, corpus carlesse, & corporis vitæ efficiens, corpus pretiosum in expiationem culpæ, & remissionem peccatorum, vitamque eternam iis, qui accipiunt: populus, Amen.* Et Sacerdos profecquitur orationem super calice.

Nec satisfit dicendo illa verba antitypon præpostero ordine in Liturgia esse posita: nam Germanus supra laudatus exponens *Liturgiæ s. tuæ ac tuæ*, meminit antitypon post verba illa: *Hoc est corpus meum, ut diximus supra, insuper id gratis dicitur, & absque ullo fundamento.*

Itaque respondent aliqui non incongruè materiam oblatam ad consecrandum dici typon corporis, & sanguinis Christi, non pro tempore, quo verba prædicta proferuntur, sed pro eo tempore, quo talis materia oblata est ad conservandum, nec enim ait Basilii. *Qui proponimus typon, sed qui proposuimus*, quasi diceret: supplices rogamus te per bonitatis tuæ benignitatem, ut veniat sanctus tuus Spiritus super nos, & super hæc, quæ proposuimus dona (quæ ante consecrationem erant typon corporis filii tui nunc autem sunt ipsummet corpus.) Nec contrarium videtur posse elici ex Epiphanio, siquidem is solum intendit probare neminem Patrum appellasse Eucharistiam typum corporis, ubi confecta est, licet plures consecrandam materiam hoc nomine appellaverint.

Verum in hoc fallitur Epiphanius ille; etenim plurimi Patres Græci, etiam post consecrationem munera sacra vocaverunt *antypa*, nam S. Gregorius Nazianzenus in oratione fenebri sororis Gorgoniæ, ubi te-

statut miraculosè sororem sanxam à morbo fuisse ex perceptione sacratissimæ Eucharistiæ, quam olim Christiani pro necessitatibus suis asservare solebant: *Siquid, inquit, uspiam antityponum pretiosi corporis, aut sanguinis, manus (Gorgoniæ) thesaurizaverat hoc est, insar thesauri recondiderat: At non asservabant panem non consecratum, sed veram Eucharistiam: ut propterea etiam Nazianzenus utatur illo verbo thesaurizaverat, quasi rem, sicut est, pretiosissimam.* Adde quòd Nazianzenus dicit, hæc antitypa super Altare collocata, & servata fuisse, ibique à S. Gorgonia adorata. Eodem nomine post consecrationem Eucharistiam, apertissimè vocat Eustathius Episcopus An-cyræ, exponens dictum illud proverbii Salomonis: *Edite meum panem, & bibite vinum, quod misui vobis; Hæc, inquit, per panem, & vinum æternæ membrorum corporalium Christi prædicat.*

Unde Arcudius lib. 3. c. 34. proponit tres alias solutiones, quarum prima est, quòd corpus Christi verum in Eucharistia sit figura corporis Christi mystici, quia illud significat, & repræsentat: Quemadmodum enim panis ex multis constans granis, ita compositus est, ut nusquam grana videantur: Et sunt quidem grana, sed propter conjunctionem nullo discrimine discernuntur, ita nos quoque, & invicem, & Christo conjungimur. Et S. Augustinus: *Quemadmodum, inquit, ex multis granis unus conficitur panis, & ex racemis unus calix exprimitur, sic ex multis fidelibus unum corpus mysticum integratur.* Hanc solutionem dant Cardinalis Bessarion, & Rossensis Martir, qui in proemio 2. libri de veritate corporis Christi adversus Oecolampadium, ait: *Panis, & vinum jam in Christi corpus, & sanguinem versa, exemplaria sunt colligationis Christianorum ad invicem, velut membrorum sub uno capite.* Quamvis hi Auctores alias quoque dent solutiones.

Secunda solutio est, quòd hoc mysterium dicatur antitypum, seu signum, & symbolum corporis, & sanguinis Domini partim ratione specierum panis, & vini, quæ sub oculorum sensum cadunt, & sunt signa corporis, & sanguinis ibi reverè existentium: Quæ, inquit Arcudius, solutio omnium est optima: Nihilominus hanc Tertiam subjicit, nimirum Eucharistiam dici antitypum corporis Christi veri, & visibilis, quod est in cælo, sic S. Ambrosius in libro primo oratio-

rum

rum cap. 48. *Umbra in lege, imago in Evangelio, veritas in calicibus. Antè agnus offerebatur, offerebatur vitulus, nunc Christus offertur, quasi homo, quasi recipiens Passionem, & offert seipsum quasi Sacerdos, ut peccata nostra dimittat. Hic in imagine, ibi in veritate, ubi apud Patrem pro nobis quasi advocatus intervenit. Hic ergo in imagine ambulamus, in imagine videmus; illic facie ad faciem, ubi plena perfectio, quia perfectio omnis in veritate est.*

Quæres: Utrum Græci non existimantes verba Christi sufficere ad consecrationem, reverà consecrent.

Respondet Arcudius lib. 3. cap. 37. Quòd, quamvis Græci opinentur verba Christi non sufficere ad consecrationem, quando tamen celebrant, si non habent contrariam intentionem actus, & intendunt facere, quod iussit Christus, verè consecrant. Quippe illorum universalis intentio, cum sit velut formalis, corrigit particularem errorem, & intentionem, quæ materialis est. Nam hæc particularis alteri universali se subijcit; Secus, si non haberent hanc universalem intentionem. Sed nemo est adeo temerarius, qui directè generalem intentionem excludat, si suæ privatæ repugnet. Si quis enim intendat non proferre verba Christi formaliter, etiamsi ex Christi institutione sciat formaliter esse proferenda, certè is nihil conficit. Ut in dissimili materia quidam Ruthenus Consul Vilnensis, cum urgeretur testimoniis Scripturæ in materia genuflexionis, quam Christus D. & Apostoli sæpè in precibus adhibuerunt, & in usu habuerunt, respondit, ita quidem esse, se tamen nolle genua flectere, ne cum Latinis in hoc conveniat, & eos imitari videatur. Si quis ergo similis adeo stultus esset, ut in despectum Latinorum, quamvis sciret veram formam, eam tamen intentione minus formaliter enuntiaret, nihil sanè efficere. Sed vix puto aliquem hujusmodi posse inveniri. Unde colligit, quòd si quis Sacerdos Græcus, dum celebrat, expressè intendat, se nolle tunc consecrare, quando proferit verba Christi, *Hoc est corpus meum*, sed tantum quando dicit hanc orationem expressam in canone suæ Ecclesiæ, *Fas hunc panem, &c.* reverà cum non consecrare, cum enim in conficiendis Sacramentis tria requirantur, scilicet materia, forma, & intentio Ministri, Sa-

cerdos hanc habens intentionem non consecraret, quia haberet intentionem contrariam intentioni Ecclesiæ. Ita Arcudius.

## CONCLUSIO SECUNDA.

**V**erba formæ proferuntur à Sacerdote recitativè suavitè, & assertivè: Hæc est communior, & verior; quòd autem historice, & recitativè dicuntur, patet ex canone, ubi Sacerdos panem consecrandum in manus accipiens, dicit: *Qui pridie quàm pateretur, accepit panem in sanctas, & venerabiles manus suas, & elevatis oculis in celum ad te Deum suum Patrem omnipotentem, tibi gratias agens benedixit, & fregit, & deditque Discipulis suis, dicens: Accipite, & manducate ex hoc omnes; Hoc est enim corpus meum.* Quibus verbis, duo declarant, hæc verba recitativè proferri; particula enim, *dicens*, manifestè declarat, Christum D. verba illa consecratoria dixisse, & Sacerdotem ea referre, tamquam ab ipso dicta. Id etiam significat particula, *enim*, quam verbis consecratoriis adjecit Ecclesià; etenim nisi verba formæ recitativè proferrentur, frustra adjuncta fuisset hæc particula; siquidem additur tantum ad connectenda verba formæ cum præcedentibus, quæ utique tantum recitativè proferuntur; cætenus autem connectuntur, quatenus referuntur eodem modo à persona Christi prolata.

Quod etiam ea dicantur *significativè* à Sacerdote, patet: *Tum quia* ex SS. Patribus Sacerdos verba proferens, loquitur in persona Christi, ut docet Concil. Florentinum in Decreto unionis: sed non loqueretur in persona Christi, si tantum historice referret, Christum illa verba dixisse; qui enim tantum recitat verba alterius, non censetur in illius persona loqui, sed in propria; quippe cum ejus personam non inducat, ut illam in se representet: igitur Sacerdos non proferit merè historice verba consecrationis, sed etiam assertivè ea pronuntiat. *Tum quia* Sacerdos non solum recitat, quæ Christus dixit, sed etiam affirmat hic, & nunc eorum verborum à Christo D. prolatorum virtute significari, & effici corpus Christi: simplex autem recitatio non habet annexam affirmationem; dum enim refero, v.g. Aristotelem docuisse, mundum esse ab æterno, non propterea affirmo mundum esse Deo coævum, & ab æterno. Itaque cum affirmetur, & simul efficiatur præsentia corpora

is Christi, per verba consecrationis, consequens est, quod ea non solum recitative, sed etiam significantive proferantur. *Tum denique*, quia si Sacerdos verba consecrationis historice dumtaxat, & recitative proferret, sequeretur, quod ea verba dirigerentur, non ad præsentem materiam, quam Sacerdos habet præ manibus, sed ad illam, quam Christus D. in ultima cena accipiens in sanctas, ac venerabiles manus suas consecravat; siquidem Sacerdos dumtaxat enuntiaret actionem à Christo factam, & significaret tantum conversionem materiae, quam Christus tunc accepit in manus, & præsentiam corporis, & sanguinis Christi sub ejusdem materiae speciebus, non autem significaret actionem, seu consecrationem, quæ statim est facienda: sed hoc rectè non potest affirmari: ergo nec illud.

*Dices primò*: Eo modo Sacerdos profert verba consecrationis, quo modo præcedentia; nempe *Accipite, & manducate ex hoc omnes*: sed ea tantum recitative proferuntur à Sacerdote; siquidem hæc solum refert, ut à Christo dicta, ut indicat particulam, *dicens*: ergo & verba consecrationis tantum recitative profert.

*Nego majorem*: Sacerdos enim omnia hæc verba simul proferendo, duo significat: *Primò* quidem id, quod fecit, & dixit Christus D. in ultima cena, instituendo, & ministrando Eucharistiam per seipsum solum, & immediate; *Secundò*, id quod ipsemet Sacerdos facit, & dicit in persona Christi, proferendo videlicet verba consecrationis, & simul consecrationem efficiendo; hinc antecedentia verba dicit solum recitative, subsequencia verò recitative, & significantive simul. Unde participium *dicens*, significat quidem Christum verba Sacramentalia dixisse, sicut & illa: *Accipite, & manducate ex hoc omnes*; non tamen denotat Sacerdotem verba consecratoria tantum historice, & recitative proferre; siquidem ea etiam significantive, & assertive profert in persona Christi, quam repræsentat.

*Instabis*: Eo modo profert Sacerdos verba consecrationis panis, quomodo consecratoria sanguinis; sed hæc profert tantum recitative: ergo & illa. Probat minor: Eodem modo profert hæc verba consecratoria calicis: *Hic est calix sanguinis mei*, quomodo hæc sequentia: *Qui pro vobis, & pro multis effundetur*: sed hæc profert tantum recitative; alioquin falsum enuntiaret,

*Frasen Theol. Tom. XI.*

quia sanguis Christi jam non est effundendus; quippe cum Christus gloriosus sit, & immortalis: igitur, &c.

*Resp. primò*, negando minorem, nec-non, & minorem illius probationis; quemadmodum enim verba antecedentia formam consecrationis dicuntur tantum recitative proferri, pari ratione, quæ subsequuntur hujusmodi formam, etiam recitative proferri possunt; maxime cum illa non spectent ad essentiam formæ consecrationis calicis.

*Respondò secundò*, negari posse minorem probationis; nam illa verba, *pro vobis effundetur*, aliquo sensu dici possunt significantive proferri, non solum quatenus Sacerdos repræsentat personam Christi loquentis ea nocte, qua tradebatur, & sub speciebus vini ponit eundem sanguinem, qui, quo tempore hæc Christus D. dixit, & fecit, erat fundendus in cruce, sed etiam quia cum vi verborum sanguis ponatur sub speciebus vini seorsim à corpore delitescente sub speciebus panis, mysticè videtur fundi, maxime cum etiam in Altari offeratur in remissionem peccatorum. Quam utique explanationem confirmat lectio Græca; loco enim *effundetur*, legitur *injuratur* id est, qui funditur: eo autem tempore, quo Sacerdos ea profert, sanguis Christi effunditur oblatione inconcrueta, & immolatur.

### QUESTIO TERTIA:

*Quanam verba sint de essentia formæ consecrationis Christi corporis, & sanguinis.*

**N**otandum primò ex Doctore Subtili in 4. dist. 8. q. 2. n. 3. quod sicut istud sacramentum est unum unitate integritatis, non indivisibilitatis, quia in se includit duo signa partialia, quæ primò significant duo propria signata, & proxima, scilicet corpus, & sanguinem, & remota, scilicet cibationem, & potum spirituale, ita etiam est una consecratio unitate integritatis, & tamen duæ consecrationes partiales. Sicut enim aliqua res est una, sic est una ejus inceptio: & sicut plures, sic plures ejus inceptiones, & sicut consecratio est plures, sic ejus inceptio est plures. Est ergo consecratio plures partiales consecrationes, tamen una unitate integritatis, & sic est una forma consecrationis unitate integritatis, sed tamen continens in se plures for-

G

, mas

„mas partiales: distinctio autem forma-  
 „rum illarum partialium, patet, quia una  
 „est efficax sine alia, quod manifestum est;  
 „alioquin enim fideles corpus adorantes  
 „ante consecrationem sanguinis, essent  
 „idololatæ, quod falsum est. Ita Doctor,  
 „quibus verbis significat, duas esse parciales  
 „formas consecrationis corporis, & sangui-  
 „nis, quarum quælibet efficax est seorsim ab  
 „altera; siquidem per formam consecratio-  
 „nem corporis fit corpus Christi præfens sub  
 „speciebus panis, & adoratur à fidelibus,  
 „antequam vinum consecratur. Difficultas  
 „autem est, quænam verba sint de essentia  
 „utriusque partialis consecrationis.

Notandum secundò, consecrationem corpo-  
 „ris Christi fieri per hæc verba, quæ in per-  
 „sona Christi inter consecrandum profert Sa-  
 „cerdos: *Qui* (Christus) *pridè quam pateretur*  
*accipiens panem in sanctis, ac venera-*  
*biles manus suas, & elevatis oculis in cælum*  
*ad te Deum Patrem suum omnipotentem: item*  
*sibi gratias agens, benedixit, fregit, deditque*  
*Discipulis, dicens: Hoc est enim corpus meum,*  
*quod pro vobis tradetur, &c.*

Quæritur autem utrum omnia illa verba  
 sint de essentia hujus formæ, circa quod tri-  
 plex capitalis videtur sententia: *Prima* tri-  
 buitur Subtili Doctori affirmanti probabi-  
 liter n. 5. requiri ad efficacitatem consecra-  
 tionis corporis, non solum verba: *Hoc est*  
*corpus meum*, sed etiam antecedentia: *Qui*  
*pridè, quam pateretur, &c.* Unde, inquit,  
 „non sine causa Ecclesia ita connexuit  
 „totum Canonem Missæ, quod ab illo lo-  
 „co, *Communicantes*, usque ad illum lo-  
 „cum post consecrationem: *Supplices te*  
 „*rogamus omnipotens Deus*, non est aliqua  
 „oratio, quæ non necessariò connectatur  
 „cum præcedente, vel per conjunctionem  
 „copulativam, sicut *Hanc ergo oblationem*,  
 „& hujusmodi; vel per pronomen infi-  
 „nitum, ut, *Quam oblationem tu Deus, &c.*  
 „*qui pridè, quam pateretur*, & post con-  
 „secrationem, *Supra quæ propitio*; vel per  
 „relationem, ut ibi, *Simili modo*. Secun-  
 „da est quorundam Græcorum contendenti-  
 „um ultra hæc quatuor verba: *Hoc est*  
*corpus meum*, alia sequentia, nempe, *quod pro vo-*  
*bis tradetur, seu frangetur*, etiam esse absolutè  
 „necessaria ad veritatem consecrationis. Ter-  
 „tia denique est communis inter Theologos,  
 „docentes consecrationem corporis essentia-  
 „liter consistere in illis quatuor verbis: *Hoc*  
*est corpus meum.*

Notandum tertio, in consecratione calicis  
 hæc à Latinis Sacerdotibus verba usurpari:  
*Hic est calix sanguinis mei, novi, & æterni*  
*Testamenti, mysterium fidei, qui pro vobis, &c.*  
*pro multis effundetur in remissionem peccato-*  
*rum*, ubi calix accipitur per metonymiam,  
 „quæ res continens pro re contenta usurpa-  
 „tur, juxta vulgare effatum, quo dicitur,  
 „*bibe calicem vini*, id est, vinum in calice  
 „contentum. Advertendum autem cum Ca-  
 „techismo Romano n. 21. plura ex his ver-  
 „bis colligi ex Scriptura, quædam verò ex  
 „Apostolica Traditione: Nam, inquit, quod  
 „dicitur: *Hic est calix*, à S. Luca, & ab  
 „Apostolo scriptum est: quod verò sequit-  
 „ur, *Sanguis mei, vel sanguis meus novi Te-*  
*stamenti, qui pro vobis, &c. pro multis effun-*  
*detur in remissionem peccatorum*, partim à  
 „S. Luca, partim à S. Matthæo dictum est:  
 „verba autem illa, *æterni, &c. mysterium fidei*,  
 „sancta Traditio Catholicæ veritatis in-  
 „terpres, & custos nos docuit.

Docet præterea idem Catechismus his  
 verbis explicari tres sanguinis Christi in  
 Passione fusi mirabiles effectus ad hoc Sa-  
 cramentum potissimè pertinentes, nimirum  
 aditum ad æternam vitam, qui nobis no-  
 vi, & æterni Testamenti jure parefcit: *Ha-*  
*bemus enim fiduciam in introitu Sanctorum in*  
*sanguine Christi*, ut dicitur Hebr. 10. Secun-  
 „dus effectus est accessus ad justitiam, quæ  
 „est per fidem dilectione operantem, juxta  
 „illud Rom. 5. *Quem proposuit Deus propitia-*  
*tozem per fidem in sanguine ipsius, ut su ipse*  
*justus, & justificans eum, qui est ex fide Je-*  
*su Christi*. Tertius effectus est remissio pec-  
 „catorum, quibus uterque aditus interclu-  
 „debatur; unde dicitur Hebr. 9. *Sanguis Chri-*  
*sti emundabit conscientiam nostram operibus*  
*mortuis*. Primi effectus designandi gratia  
 „opponuntur illa verba: *Novi, & æterni*  
*Testamenti*; ratione secundi additur, *mys-*  
*terium fidei*; ratione tertii subiungitur: *Qui*  
*pro vobis, & pro multis effundetur in remissio-*  
*nem peccatorum*. Unde subdit.

Quoniam verò hæc ipsa consecrationis  
 „verba plena mysteriorum sunt, aprissimè  
 „quæ ad rem conveniunt, diligentius per-  
 „pendere ea oportet. Quod ergo dicitur:  
 „*Hic est calix sanguinis mei*, sic intelligen-  
 „dum: *Hic est sanguis meus*, qui hoc ca-  
 „lice continetur. Rectè autem, & appo-  
 „sitè, dum sanguis hic, ut est fidelium  
 „potus, consecratur, calicis mentio facien-  
 „da est; neque enim sanguis hujusmodi

poionem facis significare videtur, nisi vase aliquo receptus esset. Sequitur deinde, *Novi Testamenti*: quod quidem ob eam rem additum est, ut intelligeremus Christum D. sanguinem non figura, quemadmodum in veteri Testamento fiebat (de eo enim apud Apostolum ad Hebr. legitur: Sine sanguine Testamentum dedicatum non esse) sed verè, & reipsa hominibus tradi: quod ad novum Testamentum pertinet. Quare Apostolus, inquit: *Ideo novi Testamenti mediator est Christus, ut morte intercedente, repromissionem accipiant, qui vocati sunt, æternæ hereditatis*. Verbum verò, *Æterni*, ad hæreditatem æternam, quæ Christi D. æterni testatoris morte ad nos jure pervenit, referendum est. Quod subjungitur, *Mysterium fidei*, non reiveritatem excludit, sed quod occultè latet, atque ab oculorum sensu remotissimum est, certa fide credendum esse significat. His ita præmissis duo hic occurrunt determinanda. Primum, quænam verba sint de essentia, & necessitate formæ consecratoris corporis. Secundum, quænam verba sint essentialia formæ calicis.

## CONCLUSIO PRIMA.

**Q**uatuor hæc verba. Hoc est corpus meum, sunt de essentia formæ consecrationis corporis; nihilominus præcedentia; Qui pridie, quam pateretur, &c. videntur necessario præmittenda. Hæc conclusio duobus partibus constat: quarum prima communis est apud Theologos, & colligitur ex omnibus illis auctoritatibus tum Patrum, tum Conciliorum, quibus probatum est in præcedenti conclusione Eucharistiam confici per verba Christi D. non quidem per alia, quam per quatuor assignata, ut optimè colligit Catechismus Romanus nu. 20. *scribens*: A sanctis Evangelistis Mattheo, & Luca, itemque ab Apostolo docemur illam esse formam: *Hoc est corpus meum*; scriptum est enim, *Cænantibus illis, accepit Jesus panem, & benedixit, & fregit, deditque Discipulis suis, & dixit: Accipite, & manducate; Hoc est corpus meum*. Quæ quidem consecrationis forma, cum a Christo D. servata sit, ea perpetuò Ecclesia Catholica usa est. *Ei infra*: Sed ratione etiam id faciliè persuaderi potest: nam forma ea est, qua illud significatur, quod in

hoc Sacramento efficitur: cum autem hæc verba, id, quod fit, significant, ac declarent, hoc est, panis conversionem in verum Domini nostri corpus, sequitur formam in illis verbis constituendam esse, in quam sententiam, quod ab Evangelista dictum est, *Benedixit*, licet accipere; perinde enim videtur intelligendum, ac si dixisset; *Accipietis panem, benedixit, dicens: Hoc est corpus meum*. Quamvis enim Evangelista verba illa, *Accipite, & comedite*, præposuerit, illis tamen non materiæ consecrationem, sed usum tantummodò significari, perspicuum est: quare à Sacerdote quidem omnino proferri debent, sed ad Sacramentum conficiendum necessaria non sunt.

Secunda pars videtur esse Subtilis Doctor. dist. 8. q. 2. n. 5. ubi inquirens utrum sola præfata quatuor verba sufficiant ad consecrationem, ait; Dicitur quòd sic, quia ista sunt præfata forma, alia sunt propter reverentiam, vel propter orationem præmittenda. *Sed contra*, inquit, istud arguitur; quia verba Sacramentalia ex vi verborum debent significare illud, quod efficitur ex vi Sacramenti: sed ex vi consecrationis hujus efficitur ibi esse verum corpus Christi: ergo verba sufficientia ex vi propria debent significare illud ibi contineri. Sed hæc verba, *Hoc est corpus meum*, prolata sine præcedentibus, hoc non significant absolute, quia *ly meum* significat referri ad personam ipsius loquentis; quia licet Minister possit intendere, ut loquatur in persona Christi, non tamen propter hoc significatum illorum verborum esset, quòd *ly meum* demonstraret corpus Christi, sed corpus loquentis. Sicut si ego inciperem loqui in persona Christi, tamen ex vi verborum non haberetur, quòd ista Doctrina sit Christi, sed mea, & per consequens non esset propositio falsa secundum sensum, pro quo fieret; tamen non erat significatum propriè hujus orationis, quòd *ly ego* supponeret pro persona Dei. Ita Doctor.

Quibus verbis, inquit Hiquizus in Commentario nu. 8. Doctor aperte significat, quatuor verba antecedentia prædicta esse formam sacramentalem, & perfectam illius significationem; quod utique sic probat; Verba Sacramentorum ex vi verborum debent significare illud, quod efficitur ex vi

Sacramenti: sed ex vi hujus consecrationis efficitur ibi esse verum corpus Christi: ergo verba sufficientia ex vi propria debent significare illud ibi contineri: sed hæc verba: *Hæc est enim corpus meum*, prolata sine præcedentibus, hoc non significant absolute; quia pronomen significat referri ad personam ipsius loquentis; nam, licet Minister possit intendere loqui in persona Christi, id non facit, quod oratio significet corpus Christi, sicut qui intenderet in persona Christi dicere: *Doctrina mea non est mea*; vel hæc est doctrina mea, ex vi verborum non haberetur, quod illa doctrina esset Christi, sicut quando Angelus loquebatur in persona Dei: *Ego sum Deus Abraham*, &c. vi sermonis non significabatur persona Dei.

*Confirmatur* hæc ratio Doctoris. Tam Patres, quam Ecclesia, ex vi verborum, & proprietate probant præsentiam realem: ergo forma in ea determinatione facit sensum sacramentalem ex vi verborum, quæ expressa significatione non possit torqueri in aliud cum proprietate: idem Patres Tridentini improperant hæreticis, quod abusive torqueant formam in tropis, & sensum alienum à proprietate verborum: sed hæc oratio prolata absolute ex vi verborum significat corpus loquentis, non alterius; ergo nisi aliud addatur, significat corpus Sacerdotis loquentis. Probatur subsumptum ex particula, *meum*, quæ pronomen est possessivum, & denotat loquentem, nisi aliud addatur: Unde ex eo quod Christus protulerit illam formam, ex vi pronominis illius, intelligunt omnes, cum locutum fuisse de corpore proprio, aliàs nullum esset fundamentum colligendi ex vi verborum realem præsentiam corporis Christi: ergo cum sensum facit ex vi verborum forma illa absolute, & sine limitatione ulla prolata, quem fecit sic prolata à Christo, qui protulit eam absolute, ac proinde denotavit ex vi pronominis corpus suum: ergo etiam prolata à Sacerdote non denotat aliud ex vi sermonis, quam proprium ejus corpus, & non corpus Christi, & consequenter sic prolata non facit sensum sacramentalem ex vi verborum, & erit invalida. Quæ ratio fundatur in iisdem principiis, quibus Patres, & Doctores ex vi verborum colligunt præsentiam realem.

*Secundò probatur idem*: Quia Ecclesia in Canone idem adjecit verba antecedentia,

ut forma faceret sensum sacramentalem; Probatur: non enim ad orationem profertur, quia in illis nihil petitur; non ut essentialia formæ, quia supponitur: ergo ad narrationem, quæ præponi debet, ut forma in sensu sacramentali, & in persona Christi profertur.

*Respondet* Sacerdotes intendere in persona Christi proferre formam. *Contrà*, persona non facit, ut oratio significet ex vi verborum, quod non est nata significare: sed ex vi verborum non est nata significare, nisi corpus profertentis eam absolute, & sine limitatione: ergo, &c. Major patet, quia oratio est significativa, non ex beneplacito profertentis, sed ex instituto, quia est signum commune; sed ex communi instituto non significat, nisi corpus profertentis, neque alius conceptus in audiente eam ex vi verborum præcisè causari potest: ergo non sufficit intentio profertentis, ut aliud significet.

*Deinde* intentio est occulta, neque cognoscitur, nisi ex vi sermonis: ergo nequit limitare orationem, ut faciat alium conceptum vi sermonis in audiente, nisi aliàs ex communi instituto competat; & maxime quando ipsa oratio non est ambigua, sed limitata ad sensum determinatum per particulam specificantem, qualis est in proposito pronomen possessivum *meum*. *Ua hiqueus*.

*Verum* quamquam illa opinio probabilitate non careat, nihilominus opposita videtur probabilior: *Tum* quia eam tuerentur plures Theologiæ Principes, nimirum *Alensis* 4. par. qu. 10. memb. 5. *Bonaventura* dist. 8. par. 2. ar. 1. q. 1. *Richardus* ibid. ar. 3. q. 1. *Durandus* par. 2. memb. 6. & *S. Thomas* 4. quæst. 78. cum suis Discipulis: *Tum* quia hoc ipsum suadet ratio Theologica; siquidem illa solum verba necessaria sunt ad consecrandum corpus Christi, quæ Christus protulit consicendo hoc Sacramentum, & quæ profert Sacerdos, quatenus gerit personam Christi, ut docet Florentinum in Decreto unionis, his verbis: *Forma hujus Sacramenti sunt verba Salvatoris, quibus conficitur Sacramentum; Sacerdos enim in persona Christi loquens hoc conficit Sacramentum*: sed verba antecedentia; nempe, *qui pridie quam pateretur*, &c. neque à Christo consecrante dicta sunt, neque profertur à Sacerdote, tanquam ex persona Christi, sed referuntur merè historicè, & non tanquam à Christo dicta: igitur non

*sunt*



sunt necessaria ad consecrandum corpus Christi.

*Confirmatur*: Si illa verba præcedentia essent absolute necessaria ad efficiendam consecrationem, maxime quia non sufficeret Sacerdotis intentio, ut significetur eum loqui in persona Christi, cum dicit: *Hoc est corpus meum*, neque etiam ut corpus Christi vi verborum ponatur sub speciebus panis: sed hoc falsum est; nam quantumcumque Sacerdos verba præcedentia præmitat, si ramen non habet intentionem ea verba proferendi eo modo, quo Christus instituit, & efficiendi, quod efficit, Sacramentum non efficit; quippe sine tali intentione ea verba proferendo, tantum proferret materialiter, & recipiunt, non verò significativè, & formaliter. Quod utique constat, quia quantumvis Sacerdos initiatus, qui caeremonias discit, huiusmodi verba proferat super præsentem materiam, tamen reverà non consecrat, quamvis hæc agendo referat personam Christi, quia scilicet non habet intentionem consecrandi: igitur illa verba non sufficiunt ad hoc, ut ponatur corpus Christi sub speciebus panis, nisi adsit intentio, ac subinde illa intentio Sacerdotis sufficit, ut eum profert hæc verba, *Hoc est corpus meum*, censeatur loqui in persona Christi.

Quod utique non negat Doctor; siquidem postquam fuscè disseruit de sensu illius orationis, *Hoc est corpus meum*, secundum rigorem, & sensum logicum, subiungit n. 25. sufficere Ministro, quòd illam orationem proferat sub ea intentione, qua Christus D. instituit eam proferendam: *Sufficiet, inquit, Ministro non disputanti eo tempore, quo illa proferitur oratio, intendere proferre istam orationem eo modo, quo Christus instituit eam proferendam: Quæ sic habetur intentio debita, & instrumentum debitum, scilicet illa oratio prolata, cui instrumentò a tali agente adhibito Deus assistit ad causandum in ultimo instanti talem effectum.*

Unde etiam celeberrimos, & graviores Scotiæ oppositam sententiam tuentur, puta Bassolius, Aretinus, Hiquæus, Tarateus, qui ait, Doctorem oppositum docuisse solum disputandi gratia, nec ipsi sententiæ oppositi firmiter adhæsisse, sed dumtaxat dubitative.

Quod utique ipsemet Doctor luculenter significat n. 10. ubi ait: Dico, quòd siquis Sacerdos inciperet sic loqui: *Hoc est cor-*

*pus meum*, non prædicens verba præmissa totaliter, quòd in omnibus talibus non est adorandum, nisi sub conditione, si verè consecratum est. Et numquid iteranda sunt verba? Dico, quòd non absolute. Sed numquid sub conditione? Dico, quòd hic non est talis necessitas, sicut in Baptismo, quia ibi quando dubitatur de baptizzazione, dubitatur de salute: ideo licitum est ibi quandoque sub conditione baptizare. Sed hic si probabiliter dubitatur, in altero istorum casuum, an consecratio sit completa, nullum periculum salutis imminet, si non hæretur, nec absolute, nec sub conditione. Quid ergo? Estne illa materia semper servanda? Dico, quòd non, quia putresceret, sed Sacerdos post Communionem in sua Missa potest illam materiam recipere sub intentione conditionata tali, si istud est consecratum, recipio ut consecratum, sed si non, non, sed ut tale, de quo est incertum: nec in hoc potest esse periculum, quia Jesus est ante perceptionem vini ablutionis, etsi non est sanguis, quem percipit, non tamen facit irreverentiam corpori, & sanguini jam perceptis, quia mox post sanguinem jam perceptum, statim in Altari percipimus purum vinum.

Unde ad rationes superius allatas ex Doctore, respondet Aretinus q. 2. negando minorem; sufficit enim, quòd talia verba ex intentione Christi, & ex intentione Ministri significant effectum suum, nam si requireretur, quòd ex vi sermonis significant effectum Sacramentalem, sequeretur, quòd etiam cum verbis canonis præcedentibus non fieret consecratio: quia verba præcedentia, scilicet, *Qui prædit, quem patretur, &c.* non recitantur ibi ut dicta à Christo, quapropter quoniam post illa verba diceret Sacerdos: *Hoc est corpus meum*, non significaretur ex vi sermonis, quòd corpus Christi esset sub speciebus illis, quas Sacerdos tenet in manibus, sed significaretur fuisse sub illis speciebus, quas ipsemet Christus tenebat, quando primum dixit: *Hoc est corpus meum.*

*Dicitur*: Intentio Sacerdotis non sufficit, ut Sacerdos censeatur verba consecrationis proferre in persona Christi: Igitur ad id necessariò adhibenda sunt verba præcedentia, *Probatur antecedens.* Unde censeatur Sacerdos illa verba proferre in persona Chr. oportet

tec ut verba, quæ proferret ex naturali sua significatione, designent aliquando fuisse prolata a Christo absque ullo prorsus respectu ad intentionem Sacerdotis proferentis; nam hoc vocabulum, *panis*, v. gr. ex vi sua panem significat independentè ab intentione proferentis; & licet proferens vocabulum panis, intenderet significare lignum, non propterea lignum significaret, sed panem: at hæc verba, *Hoc est corpus meum*, non aliud significant, quàm corpus loquentis ex hominum instituto: igitur quantumcumque alia accedat intentio Sacerdotis loquentis, non aliud significabunt.

*Deinde*, si intentio proferentis salvare posset significationem verbis competentem ex propria natura, sequeretur posse aliquem in forma Baptismi his verbis uti, *Baptizare*, intendendo tamen Baptismum dare alteri; nam ad id dirigeretur significatio ex vi verborum ob intentionem dicentis: at hoc est absurdum: igitur, &c. *Tandem* verba significant eo modo, quo à primis imponentibus sunt deputata, & instituta; nequæsi proferens verba illa intendat aliud significare, talia verba fient proinde significativa illius, quod intendit: sed hæc verba, *Hoc est corpus meum*, sunt imposita ad significandum corpus illius, qui loquitur: ergo nulla intentio proferentis poterit ea redde-  
dere non significativa eo modo, sed aliter.

*Respondet*, hæc & similia argumenta fore quidem vera, si assereretur significatio verborum consecrationis pendere à sola intentione Ministri proferentis nudè, & absolutè sumpta, quod utique non asserimus, sed solum quòd ea significatio verborum consecrationis pendeat ab intentione Ministri, ut subordinatur intentioni Christi, qui instituit, ut verba illa cum debita intentione à Sacerdote prolata talem vim significandi haberent; unde concessio antecedente, negatu. consequentia; quamvis enim verba illa, *Hoc est corpus meum*, ex vi sua, corpus loquentis significant, quando is loquitur in propria persona, possunt tamen significare etiam corpus alterius, quando proferens loquitur in aliena persona, ut contingit in proposito, ad hunc enim effectum à Christo instituta fuisse, ut per illa cum debita intentione prolata supra materiam debitam, Sacerdos sacramentum Eucharistiae conficeret, & quidem loquens in persona ipsius, non autem propria.

*Ad secundum, nego sequelam maioris*, non enim sola voluntas loquentis, aut intentio proferentis tribuit verbis vim significandi, sed voluntas Christi insituentis verba illa cum intentione debita à Ministro prolata talem vim significativam habere; & ita instituit formam Baptismi, ut is solum diceretur baptizari, qui aqua ablueretur à Ministro formam pronuntiante cum debita intentione faciendi, quod Christus instituit. *Ad ultimum patet* per idem, quamvis enim verba illa sint imposita ad significandum corpus loquentis, quando ea proferunt in propria persona; possunt tamen significare corpus alterius, etiamsi proferens loquatur in persona aliena, & cum debita intentione ab illo alio ordinata, & instituta, ut tali modo proferantur, & ad talem effectum significandum, ut contingit in proposito nostro.

*Dicitur secundò*: Verba consecrationis non possunt habere vim effectivam presentis corporis, & sanguinis Christi, nisi præcisè quatenus sunt verba in persona Christi prolata: sed talia censeri non possunt, nisi præcedant aliqua verba, quæ faciant hanc determinationem; nam hæc determinatio debet fieri per aliquod signum sensibile, at nullum est magis sensibile, & significativum, quàm verba: ergo hæc determinatio debet fieri per verba præcedentia.

*Confirmatur*, quia certum est, Sacerdotem illa verba proferre materialiter, & recitativè, licet quoque dicat formaliter, & significativè: sed illa verba absolutè sumpta absque præcedentibus, ex propria natura, & vi non habent, ut recitativè dicantur à Sacerdote, sed ut propria verba Ministri, & significativè, ut patet in quacumque simili locutione, ut si dico, *hæc est doctrina mea*, vel *hæc est caro mea*, semper istæ locutiones supponunt pro persona loquentis, & dicuntur significativè, non materialiter, & recitativè. *Tandem* sacramentum Eucharistiae est simul Sacramentum, & sacrificium: at de ratione sacrificii est, ut sit oblatio externa facta soli Deo, in qua res sensibilis consecratur: ergo in hoc Sacramento debet esse aliqua oblatio, hæc autem non potest fieri, nisi verbis, & signis præcedentibus consecrationem rei sensibilis: ergo in hoc Sacramento debent verba aliqua præcedere ipsam consecrationem, ut censetur fieri nomine Christi.

*Respondet* Mastrius q. 6. n. 152. negando  
mi-

minotent: Nam, *inquit*, sufficienter determinantur illa verba ad personam Christi, quatenus proferuntur supra materiam debitam à Christo institutam, & cum intentione illa proferendi, sicut Christus præcepit, & protulit, & efficiendi, quod ipse effecit; & intentio Ministris factis est, ut proferatur oratio illa in persona Christi formaliter, & falsum est determinationem istam debere fieri per aliquod signum sensibile præcedens sensibilitatem formæ, ut satis constat ex dictis.

Ad confirmationem dicit, nihil concludi; non enim conficit Sacramentum, quatenus verba consecrationis proferunt materialiter, & recitativè, sed quatenus illa proferunt formaliter, & significativè, hoc est, cum intentione proferendi illa, ut sunt à Christo instituta, & efficiendi quod ipse effecit; unde si illa solum formaliter, & significativè proferret, adhuc Sacramentum conficeretur. Ad ultimum negat minorem, ultimam nempe oblationem, quæ de ratione sacrificii Altaris ponitur, fieri debere signis, & verbis consecrationem præcedentibus, quia sufficiens est oblatio ipsa implicè facta per positionem victimæ in Altari, præterquam quod licet de facto in Eucharistia ex institutione divina Sacramentum, & Missæ sacrificium sint simul conjuncta, unum tamen non est de ratione intrinseca alterius, & absolute separari possunt.

## CONCLUSIO SECUNDA.

**F**orma consecrationis essentialiter consistit in his solis verbis: Hic est Calix Sanguinis mei, vel Hic est Sanguis meus. Ita subtilis Doctor q. 2. n. 6. ubi cum objecisset: De verbis autem consecrationis sanguinis, est dubium magis, quantum adducit; Primum est, quia formam, qua utimur, nullus Evangelistarum recitat; idcirco non videtur ex Evangelio certa. Græci etiam alia forma utuntur, dicentes; Hic est sanguis, &c. Un per consequens forma nostra non est præcisæ; Ita opponit contra ordinariam formam Ecclesiæ Latinæ. Respondet autem: Non dubito, quin forma nostra sit certa secundum auctoritatem illam Innocentii cap. Cum Maribus de C. lib. Miss. quia multa tradita sunt Ecclesiæ ab Apostolis, quæ tamen sic scripta sunt in Evangelio. Verba autem Innocentii Pontificis sunt: Sanè multa tam de verbis, quam de factis Dominicis invenimus ab Evangelistis

omissa, quæ Apostoli vel supplēssē verbo; vel factis expressissē leguntur. Quod utique probat Pontifex: Paulus enim, *inquit*, in Actibus Apostolorum sic ait: *Meminissē vos oportet verbi Domini Jesu, qui dixit, Beatus est magis dare, quam accipere: Hæc autem nullus quatuor Evangelistarum descripsit.*

Unde Doctor n. 6. dicit: Communitur tenetur, quod ista: *Hoc facite in meam commemorationem*, non pertinent ad illam formam hoc modo. Quod probatur, quia non magis facit illud: *Hoc accipite*, &c. ad sanguinem, quam ad corpus; præceptum enim Christus ita fieri consecrationem corporis, sicut sanguinis: ergo si illud pertinet ad consecrationem sanguinis, pari ratione & corporis, & per consequens quando hostia levatur, adhuc non est ibi corpus Christi, & sic est idololatria, quod non est dicendum. Ita Doctor. Quin imò etiam sanguis adoratur ante illa verba; nam juxta Rubricas consecratione facta, Sacerdos reponit calicem consecratum super Altare, & statim illum adoratur, ac postmodum populo adorandum exhibens, proferit illa verba: *Hæc quotiescumque feceritis*, &c. Igitur prolatio illorum verborum supponit consecrationem jam esse factam.

Deinde præceptum de usu consecrationis (*inquit Doctor*) non est consecrationis forma: sed illa verba: *Hæc quotiescumque feceritis*, &c. præ se ferunt præceptum usus calicis consecrati: igitur, &c. Denique, ait ibidem Doctor: Per ista verba contulit Apostolis potestatem consecrandi, per hoc enim ordinavit eos Sacerdotes: collatio autem potestatis consecrandi non fit per verba pertinentia ad consecrationem, quia verba consecrationis materiam respiciunt, quæ consecratur, vel terminum, in quem tendit consecratio, verba autem potestatem respicientia, respiciunt potestatem, quam conferunt, & illum, cui confertur, ac subinde non spectant ad legitimam, & essentialē consecrationis formam.

Probatur itaque conclusio, primò quidem auctoritate S. Patrum; nam S. Justinus apologia 2. ad Antoninum Imperatorem. Apostoli, *inquit*, in Commentariis suis, quæ Evangelia dicuntur, ita sibi Jesum præcipisse tradiderunt, cum accepto pane cum gratias egisset dixisse: *Hæc facite in memoriam mei: Hoc est corpus meum: dixisse etiam accepto populo: Hic est sanguis meus, ipsique solis*

*dedisse.* Illis etiam mox prolatis consecrari vinum, & in sanguinem Christi converti docet non solum Ambrosius lib. 4. de Sacramentis, capite 5. sed etiam Sermonede Cæna Domini apud S. Cyprianum: *Ex quo, inquit, à Domino dictum est: Hæc est caro mea, & hic est sanguis meus, quotiescumque bis verbis, & hac fide actum est, panis iste supersubstantialis, & calix benedictione solenni sacraus ad totius hominis vitam, salutemque proficit.* Quod totidem scilicet verbis repetit Innocentius III. libr. 4. *De Mysteriis Missæ, c. 6.*

*Nec valet repone,* Sanctos Patres non fuisse sollicitos referre integram formam Sacramenti: Hæc, inquam, responsio non valet: *Tum, quia* Patres illi testantur verbis consecratoriis ab eis laudatis vinum converti in sanguinem Christi, quod utique non efficerent, nisi integram formæ rationem haberent. *Tum, quia* idem omnino sentiunt de verbis illis: *Hic est sanguis meus, vel Hic est calix sanguinis mei;* atque de istis, *Hoc est corpus meum;* sed ex dictis constat integram formam consecratoriam corporis consistere in quatuor illis verbis: igitur idem sentiendum est de forma consecrationis calicis: *Tum, quia* asserunt, ex quo verba illa prolata fuerint, calicem benedictione solenni sacrarî, ac subinde censent cætera verba ad essentiam formæ calicis consecratorię non pertinere.

*Confirmatur* ex sententia, & Liturgiis Græcorum; refert enim Arcudius libr. 3. cap. 26. quod forma consecrationis Eucharistia apud Græcos sunt hæc certa, & determinata, eaque sola verba: *Hoc est Corpus meum, & Hic est sanguis meus;* Quæ, inquit, sunt verba Salvatoris. Idem asserit de Liturgiis Maronitarum Cardinalis de Lugo, disp. 11. sect. 4. n. 6. ubi loquens de Liturgiis Maronitarum sic ait: In aliis verò Liturgiis, scilicet S. Joannis Evangelistæ, sanctorum Apostolorum, S. Eustatii, S. Joannis Patriarchæ verba sunt: *Hoc est corpus meum: Hic est sanguis meus.* In Liturgia sancti Marci Evangelistæ: *Corpus meum est hoc, sanguis meus est hic.* In Liturgia S. Matthæi, seu Pastoris: *Hoc caro mea est, Hoc sanguis meus est.* Quas formas inquit, ex Missali manuscripto Maronitarum, à Monte Libano Romam missio, dedit mihi perdoctus vir Victorius Cialach, Abbas S. Gregorii, natione Maronita, & in urbe Roma à multis annis

linguarum publicus interpretes. Hæc prædictus Cardinalis: igitur omnia verba, quæ in consecratione calicis proferuntur à Sacerdotibus Ecclesiæ Latine, non sunt de essentia formæ; alioquin nec Græci, nec Maronitæ Christi D. sanguinem consecrarent, quod utique absurdissimum est.

*Denique* probatur ratione: Illa sola verba sunt de essentia consecrationis calicis, quæ sufficienter significant præsentiam sanguinis Christi sub speciebus vini: sed sola illa verba: *Hic est calix sanguinis mei, vel Hic est sanguis meus,* id sufficienter significant: ergo, &c. Major patet: Illa enim verba sufficientiunt ad essentiam formæ, quæ id omne significant, quod est de essentia Sacramenti. Minor verò patet, tum quia illa verba significant id omne, quod sub speciebus vini continetur, esse Christi sanguinem antecedenter ad prolationem sequentium verborum, ac subinde causant præsentiam sanguinis Christi sub speciebus, cum necessario sint vera, & ex institutione divina efficiant, quod significant: ergo ipsa sola sunt de essentia consecrationis calicis, quia antecedenter ad sequentia verba continent veritatem, & verissima sunt. *Tum, quia* non sunt minoris efficaciz verba illa: *Hic est sanguis meus,* in consecratione calicis, quam ista: *Hoc est corpus meum* in consecratione panis: ergo sicut hæc sufficientiunt ad conversionem panis in corpus Christi, nec sunt de essentia alia sequentia verba, quod pro vobis traditur, ita & illa ad conversionem vini in sanguinem, nec erunt de essentia alia sequentia verba, qui pro vobis effundetur.

*Obijciunt primò:* Illa verba sunt de essentia formæ consecrationis calicis, quæ non possunt salva Sacramenti essentia prætermitti: sed Ecclesiæ Latine censet aliquid eorum verborum non posse prætermitti: igitur censet ea omnia verba esse de essentia formæ. Major constat; Verba enim, quæ non pertinent ad essentiam formæ, possunt omitti, quippe cum eis omisiss salva sit Sacramenti essentia. Minor verò probatur; Ecclesiæ enim non solum omnia illa verba vult proferri à Sacerdote eodem ritu, & modo, cum calicem in manu tenet, antequam adorandus populo ostendatur, & eisdem characteribus majusculis in Missali notantur, sed etiam ubi aliquid fuerit omisissum, jubet ex integro formam repeti. Insuper in Conc. Colonienſi p. 7. c. 14. omnia verba hæc

ponuntur pro forma calicis, & statim subiungit ut: *Reliqua, quæ dicuntur, vel ad usum Sacramenti pertinent, vel laudes, vel gratiarum actiones sunt vel petitiones: tam autem apertus est sermo Christi, quo hoc Sacramentum conficitur, ut planè insani sint, qui depravare contendunt: Igitur constat, illa verba esse essentialia, atque eis omnibus confici Sacramentum.*

Denique in Catechismo Romano S. Pii V. Summi Pontificis iussu edito, ea omnia verba simul scribuntur pro forma consecrationis; unde idem S. Pontifex censuit expungendam illam Cajetani commentariorum partem in art. 3. qu. 78. partis, qua Cajetanus S. Thomæ opinionem descrens, affirmabat hanc nostram sententiam: igitur censuit Sanctus Pontifex oppositam sententiam esse veriorē, & certiorē.

*Nego minorem:* Et ad primam ejus probationem dico, idcirco omnia verba illa eodem ritu, & modo à Sacerdote proferri, quia sunt formæ essentialis explicatio, & declaratio, atque integram, & adæquatam propositionem determinando, præcipuum prædicatum componunt, sicut & Catholicum tangit; aliud est enim nescire formam in forma Pœnitentiæ, omnia verba hæc: *Ego te absolvo à peccatis tuis, in nomine Patris, & Filii, & Spiritus sancti*, à Sacerdote eodem ritu, & modo proferuntur, licet non omnia præterea ad essentialiam pertineant.

Cum verò dicitur interdici Ecclesiæ, ne ex illis verba ulla prætermittantur, id probat quidem necessitatem præcepti, at non necessitatem Sacramenti. Quod verò additur, Ecclesiæ in casu omissionis alicujus particulæ formæ illius totam ex integro repeti velle, sollicitudinem, & cautelam Ecclesiæ in Sacramentis sciendis securiora sectantis ostendit: cum enim omnia verba illa ad essentialiam desiderari multi Doctores teneant, illa præsertim, quæ effusione sanguinis significant, & aliunde in possessione illius formæ Ecclesiæ sit, eam retinere, & omissionem instaurare prudentissimè studet, ut in re omnium maxima, centro nimirum Religionis, & pietatis Eucharistia, nullum procul dubium superfit.

Ad Concilium Colonienſe, & Catechismum dico, in eis non affirmari omnia verba illa esse de essentiali formæ, & necessitate Sacramenti, sed tantum quod in eis contineatur forma, quodque necessario omnia præterenda sint ex præcepto, & consuetudine Ecclesiæ.

Ad censuram S. Pii respondeo varias illius proferri causas, sed potissima est, quod Cajetanus, qui S. Thomæ sententiam elucidare, ac tueri suscepit, non ea, quæ par erat, reverentia illam tractaverit, quippe cum hac in parte reprobaverit, & ea rejecta contrarium docuerit.

*Obijciæ secundo:* Verba sequentia pertinent ad eandem orationem cum præcedentibus: igitur etiam spectant ad eandem formam Sacramenti: *Probat* antecedens, primo quidem de illis verbis, *qui pro vobis effundetur*; nam ratione illius relativi, *qui*, ad eandem orationem pertinent, ad quam spectat antecedens, nempe *sanguinis mei*, sed antecedens illud est de forma essentiali consecrationis; ergo & illud consequens, nempe, *qui pro vobis effundetur*, etiam ad formam consecrationis spectat. Idem constat de vocabulis, *novi, & æterni Testamenti*; sunt enim determinatio illius prædicati, *sanguinis mei*: sed determinatio, & determinabile ad eandem orationem pertinent: ergo sicut illa verba, *calix sanguinis mei*, sunt de essentiali formæ: ita *novi, & æterni Testamenti*, erunt pariter de essentiali.

*Nego antecedens,* & ad ejus probationem dico, non omnia verba, quæ pertinent ad eandem orationem, pertinere etiam ad eandem formam Sacramentalem; aliqui in Absolutione Sacramentali, verba illa, *In nomine Patris, &c.* quæ determinant prædicatum formæ Sacramenti Pœnitentiæ, essent de essentiali illius Sacramenti, cujus tamen contrarium apparet ex dictis in Tract. de Pœnit. Igitur sola verba, quæ determinant prædicatum ad conversionem vini in sanguinem, sunt de essentiali formæ calicis: Unde quemadmodum illa verba, *pro vobis tradetur*, licet determinent prædicatum illud, *corpus meum*, in consecratione panis; tamen ad integritatem formæ non pertinent, ita quamvis illa verba, *novi, & æterni Testamenti*, determinent illud prædicatum, *sanguinis mei*, in consecratione calicis, non tamen spectant ad eandem essentialiam.

*Inflabis.* Ista verba censenda sunt essentialia, quæ necessaria sunt ad explicandum effectum conversionis vini in sanguinem, nempe quod illa fiat in remissionem peccatorum, sed præfata verba, *qui pro vobis effundetur, &c.* talia sunt; igitur censenda sunt de essentiali formæ. Probat major à simili-

à simili: licet enim in Sacramento Baptismi per verba illa, *Ego te baptizo*, significetur spiritualis ablutio, tamen ante prolationem illorum verborum, *In nomine Patris, &c.* non censetur ablutio Sacramentalis, ita à pari, quamvis illa verba, *Hic est calix sanguinis mei*, habeant sensum perfectum, requirunt tamen sequentia verba, ut explicetur beneficium Passionis, & effectus effusis sanguinis.

*Nego majorem*: Et ratio disparitatis est, quod illa verba, *Ego te baptizo*, intetnam abluionem spiritualem non significant, nisi adiciatur expressa invocatio Trinitatis, quia cum Baptismus sit janua legis novæ, per quam homo incipit esse membrum Ecclesiæ per fidem, idcirco necessum est, ut in eo fiat professio præstantissimi fidei objecti, & mysterii, nempe divinæ Trinitatis; verba autem illa, *Hic est calix sanguinis mei*, conversionem vini independentem à posterioribus significant, ideo statim ac proferuntur, fit conversio, & consecratio.

*Urgebis* Eucharistia non solum est Sacramentum, sed etiam Sacrificium, ac subinde sub hac utraque ratione exprimi debet per formam consecrationis, sed exprimi nequit sub ratione sacrificii, nisi fiat mentio fusi sanguinis per hæc verba, *qui pro vobis effundetur*: igitur saltem illa verba spectant ad essentiam formæ.

*Respondes primò*, quod, licet Eucharistia habeat rationem Sacramenti simul, & sacrificii, tamen hæc utraque ratio separari potest, ut diximus, siquidem in Altari conservata hostia habet rationem Sacramenti, non tamen sacrificii, ac subinde non requiritur essentialiter, quod in forma consecrationis explicetur representatio sacrificii cœuenti.

*Deinde dico*, quod, quamvis Eucharistia sit Sacramentum, & simul sacrificium, tamen utrumque essentialiter significant verba hæc, *Hoc est corpus meum*, *Hic est sanguis meus*. Cum enim significant corpus mysticè separatum à sanguine, imò & significando illud mysticè, separent sacrificium, etiam significant, & significando peragunt, & adorandam victimam Deo immolant.

Concludendum est ergo cum Doctore n. 9. *Quod*, inquit, *non est nobis traditum omnino certitudinaliter, an ad formam consecrationis sanguinis pertineant aliqua verba post illud*, sanguinis mei, *vel an aliquod illorum sequentium usque illuc*, *Hoc facite*, &c. ideo

*periculosum est hoc asserere, de quo sufficiens autoritas non habetur, non est autem periculosum ignorare, quia videtur ignorancia invincibilis.*

Nec valet reponere cum Soto, quod laxa sit nimis hæc ignorandi licentia, quænam sit forma Sacramenti, neque sit valde tuta, nam, cum Ecclesia præscriptis formis Sacramentorum utatur, quamvis licitum verbum aliud pro alio æquivalens usurpare, tamen non licet liberius rem extendere. Haud enim pium est credere, quod Christus, ac subinde Apostoli in rem tam necessaria, quam sunt materia, & forma Sacramentorum, Ecclesiam tam ancipitem, & perplexam reliquerint. Hæc, inquam, criminatio non est ad rem, nec ad sensum Doctoris, aliud enim est scire formam sufficientem Sacramenti, & aliud est scire, quæ verba formæ sint præcisè essentialia, eaque à non essentialibus, & adjectis discernere: Primum non negat Doctor, sed postremum, unde subdit: *Ex hoc patet improbatio cuiusdam dicti minus discreti, quod necesse est in quolibet Sacramento scire præcisè, quæ verba sunt de forma ad hoc, ut aliquis conferat Sacramentum. Istud enim manifestè falsum est, non solum in proposito, sed etiam in Baptismo, & Pœnitentia, & Sacramento Ordinis.* Quod utique verissimum est; alioquin unde tot altercationes inter Doctores de hac, vel illa particula formæ, sive Baptismi, sive Pœnitentiæ, an necessaria necessitate Sacramenti, an solum præcepti? Hic asserit ly *Te*, in forma Baptismi requiri ad valorem, ille, negat, iste prætendit formam Pœnitentiæ non valere, nisi addatur ly *A peccatis tuis*, hic docet valere sine tali particula, & ita in pluribus aliis verbis, imò & in ipsa materia plurimæ inveniuntur oppositæ sententiæ circa illius necessitatem.

Unde Doctor (inquit Hiquæus n. 28.) verissimè docet, non requiri ad valorem Sacramenti, ut Minister sciat præcisè hæc, aut illa verba formæ esse practica, & essentialia, ut discernantur ab aliis, quia idiotæ validè conficiunt Sacramentum, quamvis hoc discernere nesciant, & inter ipsos Doctores circa verba essentialia formæ decertatur, perinde ac de materia, ut pervium est, cum qua discrepantia opinionum nemini dubium est, quin forma, & materia, quæ est in usu Ecclesiæ, sint certa, rectè ergo stat Sacramentum validè fieri, & debitam formam, & materiam applicari, stante

illa

illa ignorantia discernendi inter essentialia aliqua, & alia adjuncta. Restat proinde Doctor admonet talem scientiam non requiri ad valorem Sacramenti in Ministro, licet requiratur in eo scientia, qua cognoscat hanc formam esse, quam adhibet, sicut & materiam, quia sine hac scientia nequit stare intentio efficax, & requisita, sine priori stare potest: imò nihil facit ad Sacramenti completionem.

Hinc prudenter addit Doctor: *Dico, quod Sacerdos intendens facere, quod facit Ecclesia, legens distinctè verba Canonis a principio usque ad finem, verè conficit, nec est tutum alicui se reputare valde peritum de scientia sua, & dicere, Volo uti præcisè istis verbis pro consecratione sanguinis, sed securior est simplicitas, Volo ista verba proferre sub ea intentione, sub qua Christus instituit ea esse proferenda, ut quæ ex Christi institutione sunt de forma, dicam ut de forma, & quæ ad reverentiam, ad reverentiam.*

Quæres 1. *Utrum & quando hæc propositiones, Hoc est corpus meum, & Hic est calix sanguinis mei, sint veræ.*

*Respondet Doctor* dist. 8. q. 2. n. 14. eas orationes, & propositiones esse veras pro ultimo instanti earum prolationis. Quod probatur, *inquit*, quia non habetur conceptus omnium partium orationis ante illud instans: conceptus enim totius orationis non habetur sine conceptibus omnium partium. Hoc confirmatur per simile, quia conceptus formatus per dictionem, non habetur ante instans ultimum prolationis illius dictionis: ergo à simili de oratione: & ratio similitudinis est, quia sicut partes dictionis non significant conceptum simplicem, quem dictio significat, ita dictio non significat conceptum aliquem complexum, quem significat tota oratio. Sed differentia est, quia pars orationis aliquem conceptum simplicem significat; sed ad propositum non est ita differentia, quia utrobique totus conceptus non habetur, nisi in fine omnium dictionum prolatarum.

*Repones:* Si hæc ita sunt, sequitur, quod oratio causat conceptum, quando non est, quia quando completè prolata est oratio, nihil orationis est.

*Respondet Doctor ibidem*, quod argumentum non cogit, quia idem posset argui

de conceptu importato per dictionem, idco dico, quod cum conceptus fiat in instanti in intellectu post prolationem orationis, vel dictionis, non sit per illam, quia non est, sicut arguitur, sed in fine prolationis cujuscumque dictionis per aliquod causatum in phantasia à dictione, dum fuit in prolatione, intellectus causar in se conceptum aliquem dictionis, vel ad propositum magis, per aliqua derelicta à singulis dictionibus, dum proferebantur, intellectus in ultimo instanti per collationem suam, causat intellectum, vel conceptum totius. Ideo autem dixi de conceptu, qui causatur per orationem, quia secus potest esse de conceptu illo signato, qui non causatur per eam, utpote conceptus, qui est apud loquentem, quem scilicet intendit per orationem exprimere.

*Instabis:* Significatum totius orationis constituit ex significatis partium, sed partes significant, quando proferebantur: igitur oratio non significat tantum in ultimo instanti suæ prolationis.

*Respondet Doctor ibidem*, quod significatio illa non est ratio formalis causandi illum conceptum in audiente: sed est quædam dispositio præambula, ad quam per collationem intellectus sequitur causatio totius conceptus ex specialibus conceptibus causatis per partes orationis.

*Dices:* Si propositiones illæ essent veræ, earum objectum, seu significatum prius esset, quam earum propositionum veritas, aut tantum posterius: sed neutrum dici potest, non quidem primum, siquidem, ut mox diximus, illa propositio in quantum vera, efficit suum objectum; nam propositio, *Hoc est corpus meum*, ponit corpus Christi sub speciebus panis; igitur objectum non potest esse prius ipsa propositione, omnis enim effectus est posterior suæ causæ. Secundum etiam dici nequit: quia ex eo, quod res est, vel non est, propositio dicitur vera, vel falsa, ut ait Aristoteles 1. *Perihermenias*: igitur prius est objectum propositionis esse, quam sit veritas illius propositionis, quæ illud denuntiat.

*Distingue secundam partem dilemmatis:* Objectum, & significatum illarum propositionum est posterius posteritatem temporis, vel durationis, nego: naturæ, aut signi, concedo: Cum enim hæc propositiones sint pra-

practicæ, earum significatum existit eodem instanti temporis, quo completur illarum sensus, & significatio, licet posterius dici possit posteritate signi, vel naturæ; siquidem prius intelligitur completus sensus illatum propositionum, quàm intelligatur significatum, quod denotant: unde ad effectum Aristotelis dico, ex eo quòd res est, vel non est, propositio dicitur vera, aut falsa, speculativa, concedo: practica, nego: Porro propositiones præfatæ sunt practicæ, & effectivæ, sive conversæ: Qui enim, inquit Doctor n. 18. principaliter faceret in instanti, pro quo enuntiatur illud, quod ista oratio tunc signat, ipsi principaliter convertunt. Nam facere principaliter hoc ens esse corpus Christi est realiter facere conversionem, per quam corpus Christi accipit esse hoc, quia eadem est factio, qua hoc ens fit corpus Christi, & quæ corpus Christi fit hoc ens, hoc est, fit ens, quod est sub istis speciebus: Sed illa oratio dicitur esse conversiva, quæ significativè agit pro illo instanti, pro quo convertens agit realiter: ergo ista oratio est simpliciter effectiva.

*Inhabis:* Propositio practica rem affirmat, quæ reverà est; igitur supponit rem esse.

*Distinctio antecedens:* Affirmat rem, quæ tunc fiat, concedo, quæ facta sit pro aliquo instanti temporis antecedente, nego: Unde Seraphicus Doctor dist. 8. part. 2. art. 1. qu. 1. docet verbum esse, in illis propositionibus non significare identitatem, sed transitum, seu conversionem, ita quòd idem significet, ac fit vel transit: Ideo, inquit, hoc verbum est in hac oratione, non identitatem, nec similitudinem signat, sed hoc esse corpus; Hoc est, ad hujus verbi prolationem, hoc totum transire in corpus. Unde oratio ista in ore alterius, quàm in ore Sacerdotis falsa est, quia non convertit, nec transubstantiat in illud, nec vera est per identitatem. Ex post pauca. Nec videatur inconveniens dicere, quod hoc verbum est, non identitatem dicit, sed potius conversionem in hac oratione, quæ non tantum est significativa, sed etiam operativa, magis tamen debuit poni verbum essendi, quàm operandi, quia magis competebat formæ, ut simul esset efficacia cum veritatis enunciatione, simul etiam notaretur termini immutabilitas cum conversione.

An autem valeret consecratio, si loco verbi esset constitueretur verbum fit, aut transit. Negant communiter Theologi; ac si verum sit, quod scribit Seraphicus Doctor,

namque, verbum est non significare identitatem, sed effectiorem, non video cur consecratio foret invalida, quamvis graviter peccaret, qui sic ageret.

Quæres 2. Cum in his propositionibus, Hoc est corpus meum, &c. Hic est calix sanguinis mei, possit distinguere veritas à significatione, utrum illæ producant corpus, &c. sanguinem Christi, quatenus veræ sunt, aut quatenus sunt significativæ.

*Respondet:* non producere quatenus sunt veræ, sed quatenus sunt significativæ, ut docet Doctor qu. 2. n. 23. ubi postquam veritatem haturum propositionum utrinque libavit, in tredecim conclusionibus tandem resolvit, & suam ponit sententiam sub his verbis. Propter hoc dico, quòd tota illa disputatio in tredecim conclusionibus, & earum probationibus, vel improbationibus, subtilis est, & logica de veritate hujus propositionis salvanda, sed Theologo sufficit, quòd ista oratio, ut est tale signum, sensibile, institutum à Deo, est instrumentum Dei ad consecrationem illam, quæ sequitur in ultimo instanti, ita quòd Deus assistat sibi tanquam cuidam dispositioni præviæ efficaci, ut ea completa causet talem effectum invisibilem: non autem ipsa veritas præcedit, ut talis dispositio actionem Dei, quia est ut signum sensibile in fieri, & per consequens in tempore intelligitur habere suam propriam veritatem, quando etiam habet eam, illa veritas sequitur ordine naturæ actionem Dei. Breviter ergo diceret Theologus, quòd qualitercumque Logicus solvet istam propositionem esse veram, saltem non est oratio Sacramentalis, ut vera, sed ut tale signum sensibile præcedens fortè tempore, & ad minus naturaliter suam veritatem: sicut dispositio continua in tempore præcedit ultimum instans, & conditionem cujuscumque in ultimo instanti, causa etiam præcedit conditionem causati.

Et si quætas tunc, qualis, aut ut vera, aut ut falsa est propositio conversiva: Dico, quòd neque sic, neque sic, sed tantum ut est propositio nostra, & prior naturaliter, & fortè tempore ipsa veritate. Quæ est nostra conclusio, & probatur primo, quia juxta Philosophum 1. Peti. 9. Ab eo, quod res est, propositio dicitur

vera



vera: præsigitur est, corpus, & sanguinem Christi per propositionem practicam poni in esse, quam ipsa sit vera. Prius, inquam, saltem naturaliter; neque enim obiectum dependet à veritate propositionis, sed e contra ratio formalis verborum, sive verba, ut vera veritate formali, dependent, sive includunt existentiam obiecti; ergo ut sic non possunt illud causare, nisi idem causet seipsum.

*Quod si objicias*, quia Sacerdos antequam proferat verba consecrationis, credit illa esse vera: ergo prior est veritas, quam operatio verborum.

*Respondet Bosco*: Sufficere ad veracitatem in propositionibus vocabilibus, & practicis, quod proferens sciat causari per sua verba tale obiectum, quale enuntiatur. Sic quippe Rex non mentitur, quando dicit alicui simplici nobili: *Tu es Comes*, vel *hic sit Comes*, *Comes sit Joannes*, &c. tamen si ante prolationem talis non sit Comes. Aliud autem in prolationibus merè speculativis, quæ prærequirunt cognitionem existentiz sui obiecti, ut enuntians non mentiat. Sanè consecrans manifestat mentem suam, non quam habet de veritate, sive existentia obiecti præcedente, sed consequente, seu dependente à suis verbis: Sicuti si aliquis scriberet alteri in hæc verba: *Jam non poteris amplius dicere, te non vidiſſe à me scriptam aliquam propositionem*. Quis dubitaret scripturam esse veracem? Et tamen scribens scit, hoc solum esse verum dependenter à sua scriptura: manifestat ergo per scripturam scientiam, quam habet ea median-  
*te. Ita Bosco.*

*Si urgeas*: Verba consecrationis à parte rei, & per ordinem ad intellectum divinum, vel sunt vera, vel non.

*Respondet idem Bosco* esse vera, sed cum ordine posteritatis, saltem naturæ, ad significationem, quem ordinem etiam ipse Deus cognoscit. Porro hunc ordinem probat Doctor suprâ hac ratione. *Quia omne fundamentum prius est naturaliter relatione sua accidentali: propositio autem, seu conceptus est fundamentum respectu veritatis, quæ est relatio accidentalis, quia potest inesse, & non inesse, sicut potest esse conformis, & difformis rei: Sortes enim sedent, vera est oratio, quæ dicit Sortem sedere .... Ergo prior est naturaliter conceptus orationis, ut in rebus, quam ut verus. Adhuc etiam prior duratione est ipsa oratio, ut variabilis, & in fine, quam*

conceptus ejus causatus per eam, eo modo, quo tempus dicitur esse prius suo ultimo instanti terminante.

*Confirmatur exemplo Discipuli*: Prius enim aliqua conclusio non demonstrata concipitur à Discipulo, & tunc quidem ut neutra, & tamen totus per se ejus conceptus percipitur, vel concipitur. Secundo, demonstratione ad ipsam applicata concipitur ut vera.

*Confirmatur secundo*, quia oratio ex vi suæ impositionis significat, sive id, quod per eam significatur, ita sit, sive non: porro veritas insuper requirit, non significationem esse: Itaque pro illo priori, propositio est neutra, idest, neque vera, neque falsa, tamen significativa. Et sanè veritas, aut falsitas non defumitur ab instanti naturæ, sed temporis; ita quod illa propositio similiter sit vera, quæ pro nulla parte, vel instanti temporis aliter dicit obiectum esse, quam in se sit; igitur forma consecrationis est vera, licet in aliquo instanti naturæ prius significet, quam obiectum ejus existat. Enim verò talem vim habent verba consecrationis ex divina voluntate, ut in eodem instanti temporis efficiant id, quod significant, suam significationem in seipsis complendo per productionem effectus, ne verba divinitus assumpta, & in persona Christi prolata, falsa (quod absit) inveniantur, si in aliquo instanti temporis effectu suo frustrarentur. *Hec Bosco.*

Ex quibus patet, veritatem præfatarum propositionum pendere à conversione panis, & vini in corpus, & sanguinem Christi; non enim ideo illa verba vera sunt, quia per illa facta est conversio, sed quia convertunt, ideo sunt vera: ita quod conversio sit causa veritatis, non e contra. Hinc quando Tridentinum suprâ cap. 3. dicit ex vi verborum sub specie panis existere corpus Christi, & sub specie vini sanguinem, per vim verborum intelligere debes eorum significationem, quatenus efficiunt, & significant præsentiam corporis, & sanguinis Christi sub speciebus.

Non abnuo tamen, Christum D. potuisse instituere aliquam orationem non significativam, ad cujus prolationem à Sacerdote corpus, & sanguis Christi fierent præsentia sub speciebus: Quia, inquit Doctor num. 24. *Possit Deus instituere aliquam orationem non significativam, ad cujus prolationem à Ministro ipse assisteret ad causandum effectum*

scilicet in suo prolationis, ergo qualitercumque sit de ista disputatione Logica, qualiter ista propositio est vera, hoc est tenendum pro certo, quod ipsa ut signum vocale, & in fieri extra est signum efficax respectu consecrationis, quia dispositio prævia, cui Deus ex pacto assistit ad causandum effectum efficaciter in termino, sive ipsa propositio significet talem effectum (quod verum est in proposito, & congruum, & hoc nudè, scilicet nec ut vera, nec ut falsa, scilicet in quantum est dispositio) sive significet illud ut propositio vera, & hoc vel pro tunc, quando est dispositio, vel pro instanti illa, pro quo causabitur illud, ad quod est dispositio, & hoc vel prius naturaliter, quam in illo instanti causetur ille effectus, vel posterius naturaliter. Unde concludo hanc controversiam verbis Doctoris nostri supr. num. 25. Sic ergo brevier sufficiat Ministro non disputanti tunc, pro quo intelligitur oratio, intendere præferre istam orationem eo modo, quo Christus instituit eam proferendam, & sic habetur intentio debita, & instrumentum debitum, scilicet illa oratio prolata, cui instrumentum, a tali agente adhibito, Deus assistit ad causandum in ultimo instanti talem effectum.

## ARTICULUS SECUNDUS.

### De Existentia Christi Domini sub speciebus Eucharisticis.

**O**Rdo doctrinæ, ratioque postulat, ut declaratus Eucharistiæ signis, & symbolis, jam ad eorum explicationem, quæ huiusmodi symbola continent, ac signant, accedamus, in cuius utique veritatis indagatione, ac assertionem, nobis maximè lis erit cum hæreticis huius temporis, quorum nonnulli realem Christi corporis, & sanguinis in Eucharistia præsentiam infestantur, ut Calvinistæ: aliquis panis, ac vini in corporis, & sanguinis conversionem, ac transubstantiationem in dubium revocat, ut Lutherani. Cæteri denique modum, quo Christus sub consecratis speciebus existat, latitet, & humana ratione curiosius inquirentes, nec propter genii imbecillitatem certè deprehendentes, tanti myste.ii argum., & secretum insuscepere potius, quam elucidare tentant. Quocirca tria hoc in Articulo occurrunt examinanda: *Primò*, utrum reverè Christus D. sit realiter, ac substantialiter præsens sub speciebus Eucharisti-

cis: *Secundò*, utrum fiat transubstantiatio, ac conversio substantiæ panis, & vini in corpus, & sanguinem Christi: *Tertiò*, quomodo Christus sub iis speciebus latitet, & operetur: Quæ utrique tria capitula dogmata in tribus sequentibus sectionibus expendemus.

## SECTIO PRIMA.

De vera, reali, ac substantiali Christi D. præsentia sub speciebus Eucharisticis: nec non de erroribus in eam pugnantibus.

**C**Um nullum sit post Verbi Incarnationem hominibus concessum beneficium Eucharistia præstantius; quippe cum omnes amoris sui divitiæ erga homines in eo Deus effuderit, cumque illa sit turris David, ex qua pendent mille clypei omnis armatura fortium, nullum etiam est, quod infesto magis bello impugnare simul, & expugnare diabolus per suas assecras molitus fuerit. Vix enim Christus D. ingens hoc beneficium hominibus se concessurum sponderat, Joan. 6. dicens: *Panis, quem ego dobo, carnis est pro mundi vita*: cum illico murmurantes Capharnaïtæ, litigabant ad invicem, dicentes: *Quomodo potest hic nobis carnem suam dare ad manducandum?* Quibus auditis cum reposuisset Christus: *Amen, amen dico vobis, nisi manducaveritis carnem Filii hominis, & biberitis ejus sanguinem, non habebitis vitam in vobis*: multi ex Discipulis ejus eadem incredulitate laborare ceperunt, dixeruntque: *Durus est hic sermo, & quis potest eum audire?* Unde abierunt retro, & jam non cum illo ambulant.

Illos secuti sunt primùm Simonis Magi, & Menandri sectatores; Nam, ut ait S. Ignatius epistola ad Smirnenfes, *illæ heretici Eucharistiæ oblationes non admittunt, quod non confiteantur, Eucharistiam esse carnem Salvatoris nostri Jesu Christi, quæ pro peccatis nostris passa est, quam Pater benegnitati suæ suscitavit*.

Fatcor quidem, cum S. Ignatii sententiam non inveniri in ea, quæ jam extat ad Smirnenfes, epistola; nihilominus à Theodoro reteretur Dialog. 3. qui infecti-  
bitur, *Impatibilis*.

Eundem errorem amplexati sunt quotquot circa Christi D. personam, sive veritatem corporis, & humanitatis, sive divi-

nita-

nitatem humanitati hypostaticè uniri inficiantes erraverunt. Nam, ut observat Lanfrancus, fatebantur quidem, panem, & vinum in veram Filii hominis carnem, verumque ejus sanguinem converti. Verùm quænam, & qualis esset illa conversio, diversimodè hæretico spiritu exponebant. Quidam enim arbitrabantur, per hunc Filium hominis intelligi quemlibet hominem, sive justum, sive peccatorem, in cujus carnem, & sanguinem conversa terrena panis, & vini substantia sumeretur in remissionem peccatorum. Aliqui verò hunc Filium hominis existimabant esse virum eximie virtutis, in cujus carnem, & sanguinem posse commutari panem, & vinum Altaris delirabant, quæ utique hæresis damnata est in Concilio Ephes. ut colligitur ex declaratione undecimi anathematismi, jussu Synodi à S. Cyrillo editæ, ubi hæc habentur. *Sanctum, ac vivificum, incrementumque in Ecclesia sacrificium peragimus, corpus quod proponitur, similiter & pretiosum sanguinem non communis, vobisque similis hominis cuiuspiam esse credentes, sed potius tanquam proprium corpus effectum, & sanguinem etiam Verbi, quod omnia vivificat accipientes; siquidem communis caro vivificare non potest. Et hoc Salvator ipse testatum facit: Caro, inquit, non prodest quidquam, spiritus est qui vivificat. Quia verò caro Verbi facta est propria, ob id intelligitur, & est vivifica, quemadmodum ipse Salvator ait: Sicut misit me viventi Pater, &c.*

Cæterum isti omnes veteres hæretici non tam corporis, & sanguinis D. veritatem, & actualem, atque corporalem in Eucharistia præsentiam impugnasse videntur, quàm negasse veritatem carnis ipsius in Incarnatione; contendebant enim Christum solum habuisse carnem apparenter, & secundum existimationem, non realiter & secundum veritatem: Unde quamvis non crederent conversionem substantiæ panis, & vini in carnem, & sanguinem Christi, non tamen hujus mysterii impugnatores recensentur a S. Epiphania, Philastrio, Augustino, Theodoro, & aliis, qui hæreticorum catalogos contexuere.

Itaque primi veritatis Dominici corporis, & sanguinis in Eucharistia Sacramento impugnatores referuntur Ichonomachi, id est, imaginum hostes, qui, ut habetur in 7. Synod. actione 6. contendebant unicam esse Christi imaginem ab ipso insti-

tutam, nempe panem, & vinum in Eucharistia, quæ Christi corpus, & sanguinem representant. Unde Epiphanius Diaconus post multam dissertationem, quæ hoc hæreticum dogma impugnat, colligit: *Brægo liquidò demonstratum est, quòd nusquam Dominus, vel Apostoli, aut Patres imaginem dixerunt sacrificium sine sanguine, & ante significationis quidem celebrationem, typi quibusdam Sanctorum Patrum hæc pie visum est nominare, &c. post sanctificationem autem corpus propriè, ac sanguis Christi dicuntur, sunt & creduntur. Ipsi verò viri fortes volentes venerabilium imaginum demulsi visum, aliam imaginem introduxerunt, quæ non est imago, sed corpus, & sanguis, &c.* Ex hinc videre est quantum allucinentur hæretici, qui realitatem corporis Christi negantes in Eucharistia, tuentur se autoritate septimæ Synodi, cum tam expresse septima Synodus hoc improbet in Iconoclastis, quorum ipsi cum filii sint, & imitatores, figuram tamen, & imaginem Eucharisticam sibi confingunt.

Nec valet reponere, illos hæreticos, quamvis asseruerint, Eucharistiam esse imaginem, & figuram corporis Christi, propterea negasse per consecrationem substantiam panis in corpus Christi converti; dicebant enim, panem Eucharistiæ veluti veram imaginem naturalis carnis per S. Spiritus aggregationem (sanctificationem) divinum corpus esse voluit, illique, sicut placuit. Medicus autem venit Sacerdos, qui ex communi sanctum id facit sacra illa anaphora: est autem anaphora idem, quod pars illa Missæ, in qua sunt verba consecrationis. Hæc, inquam, responsio non impedit, quominus illi hæretici præve de reali præsentia corporis Christi in Eucharistia interdum senserint: nam eo loco Epiphanius Diaconus prædictos hæreticos notat, & suggillat inconstantiam, quòd modò negent præsentiam corporis Christi, nimirum cum species Eucharisticas vocant typum, & imaginem corporis, & sanguinis Christi; modò autem sacrum, & divinum corpus appellent, quasi confiterentur præsentiam illius speciebus. Ex quibus saltem colligere licet, eos hæreticos realem Christi D. in Eucharistia præsentiam non firmam, sed fluctuantem fide credidisse; unde ipsorum hac de re anceps sententia, nec non & modus loquendi de Eucharistia, cum illam imaginem, ac figuram Christi D. corporis, & sanguinis appellant, cæteris errandi gra-

viis,

vidis, ac audacius hanc realem præsentiam impugnandi ansam præbuerunt.

Primus autem, qui hoc pessimum dogma erecta fronte induxit, ac propalavit, fuit quidam *Joannes Scotus*, non ille quidem Subtilis Doctor de Fide, & Ecclesia bene meritus, sed is qui subnominatus fuit *Erigena*, ex Hibernia oriundus, quæ patrio idiomate *Erim*, seu *Eri* nominatur; quia verò antiqua Hibernia etiam complectitur Scotiam, inde Joannes ille, etiam *Scotus* fuit subnominatus; obisse legitur anno 883. vel 884.

Ut autem ex nominis similitudine oriunda controversia præcaveatur, advertendum est imprimis, varios apud Authores memorari hoc nomine *Joannis Scoti* donatos. Nam Honorius Augustodunensis lib. de *luminariis Ecclesiæ*, meminit cuiusdam *Joannis Scoti* subnominati *Chrysostomi*, quem vixisse memorat tempore Paschasini, & Juliani Pomerii, ac subinde 300. annis ante Scotum Erigenam; siquidem Paschasinus floruit circa finem imperii Theodoli junioris, Julianus autem Pomerius sub Zenone.

Baleus autem *centuria 14. cap. 32.* & *Celotius Societ. Jesu in append. ad histor. Godescalci opus. 8.* duos alios distinguunt nomine *Joannis Scoti* illustres; unum quidem appellat Joannem Scotum Erigenam, qui vixit sub Carolo Calvo Francorum Rege; alterum Bedæ discipulum, & Alcuini socium, quem voluit vixisse sub Carolo Magno Imperatore, ac unum fuisse ex fundatoribus Universitatis Parisiensis, ut indicat Anonymus apud Vincentium Bellovacensem in *speculo historiarum lib. 23. cap. 173.* his verbis: *Alcuinus*, inquit, *studium de Roma Parisios transfudit, quod illuc à Græcia translatum fuerat à Romanis, fueruntque Parisiis fundatores illius studii quatuor Monachi Bedæ discipuli, scilicet Rabanus, & Alcuinus, Claudius, & Joannes Scotus.*

Verum, quam leve sit hoc momentum, inde apparet, quòd nullus fuit Joannes Scotus Bedæ discipulus, & Facultatis Parisiensis fundator; quippe cum Anonymus ille Author eandem appellationem tribuat Rabano Archiepiscopo Moguntino, qui obiit ann. 856. non enim, & Claudius Taurinensis; qui adhuc in vivis erat anno 839. ut testatur Hughellius in Italia sacra tom. 2. ac proinde nec: eorum potuit esse Discipulus Bedæ, qui mortuus est ann. 735. Adde quòd si hac ratione duo essent distinguendi

nomine Joannis Scoti, duo pariter appellandi essent nomine Rabani, & Claudii Taurinensis: igitur nutat omnino hoc fundamentum ex Anonymo deproptum. Quapropter licet invicem non conveniant Authores circa Joannis Scoti, vel Erigenæ ætatem, personam, & dogmata, nihilominus non alium nomine Joannis Scoti, quàm subnominatum Erigenam designare voluerunt.

Sed quidquid sit de illa controversia circa Joannis Erigenæ personam, & ætatem, certum est, illum fuisse suspectæ fidei circa Eucharistiam, siquidem negavit, fieri conversionem substantiæ panis, & vini in substantiam corporis, & sanguinis Christi, quod utique gravissimis momentis suadetur: *Primo* quidem ex epistola, quam scripsit Berengarius ad Lanfrancum, quæ incipit, *Pervenit ad me*, & extat in manuscripto codice Bibliothecæ Regis, in qua conqueritur Berengarius, quòd ipse Lanfrancus pro hæretica censuerit doctrinam Joannis Scoti de Sacramento Altaris. *Secundò*, ex epistola ejusdem Berengarii ad Afellium, quem redarguit Berengarius, quòd hæreticum appellaret, & censeret Joannem Scotum, idque inconsideratè, impiè, & indignè Sacerdotio suo, cui respondens Afellius: *Joannem verò Scotum*, inquit, *nec inconsideratè, nec impiè, nec indignè Sacerdotio meo hæreticum habeo, quem toto nisu, totaque intentione ad hoc solum sendere video, ut mihi persuadeat: Hoc videlicet, quod in Altari consecratur, neque verè corpus, neque verè sanguinem*, hoc autem astruere nititur ex SS. Patrum opusculis, quæ pravè exponit. *Tertiò*, quia ejusdem Joannis Scoti liber lectus, & damnatus fuit in Concilio Vercellensi, ut testatur Lanfrancus in lib. de Eucharistiæ Sacramento contra Berengarium, his verbis: *In audientia omnium, qui de diversis mundi partibus, illuc apud Vercellas convenerunt, Joannis Scoti liber de Eucharistiæ lectus est, ac damnatus.* Testatur etiam idem Lanfrancus, Berengarium non ex alio sonie, quàm ex libro Joannis Scoti virus suæ hæresis hausisse, quem propterea tanquam Authorem sui erroris, in ignem conjicere coactus est in Concilio Romano sub Nicolao Secundo anno 1059. sic enim, Lanfrancus Berengarium alloquitur cap. 1. *Tu quoque*, inquit, *inclinato corpore, sed non humilitato corde, ignem accendisti, liberos perverſi dogmatis in medio sancti Concilii in ignem conjecisti.* Inter combustos autem libros recentetur

Joan.

Joannis Scoti codex in fragmento Flotiacensi, quod laudat Antecessor Andegavensis Franciscus de Roie in suo Berengario: *In præsentia Papæ, & multorum Episcoporum, aut, Joannem Scotum igni comburens, cujus nefaria lectione ad hanc nefariam devolutus fuerat scilicet.*

Repones: Joannem Scotum à plurimishaberi ut Sanctum, & Martyrem; ira enim testantur Mathæus Vvestminsteriensis, Vincentius Belloyacensis, S. Antonius, ex Guiljelmo Malmesburiensi, qui lib. 2. de gestis Regum Angliæ cap. 4. scribit: *Hoc tempore creditur fuisse Joannes Scotus, vir perspicacis ingenii, & multa facundia, quidudum inereptantibus undique bellorum fragoribus in Franciam ad Carolum Calvum transferat... Succedentibus annis munificentia Alfridi alleatus, venit in Angliam, & apud Monasterium nostrum à pueris, quos docebat, graphariis, ut fertur, perforatus, etiam Martyr æstimatus est; quod sub ambiguo in injuriam sanctæ animæ non dixerim, cum celebrem ejus memoriam sepulchrum in sinistro latere Altaris, & epitaphii prodant versus, scabri quidem, & modernæ temporis lima carentes, sed ab antiquo non ita deformes.*

Claudiiur hoc tumulo sanctus sopsista Joannes, Qui ditatus erat jam vivens dogmate miro. Martyrio tandem Christi concedere regnum. Quod meruit, Sandi regnant per sæcula cuncti. Addit Simon Dunelmensis in recapitulatione ad annum 883. Hujus Regis Alfridi tempore venit in Angliam Joannes Scotus, vir perspicacis ingenii, & multa facundia, qui dudum relicta patria in Franciam ad Carolum Calvum transferat... Quare & honestius putatus est... Hujus opinionis particeps fuisse cognoscitur Nicolaus Papa, qui ait in epistola ad Carolum: *Relatum est Apostolati nostro, &c. Propter hanc ergo infamiam ledit eum Francie, venitque ad Regem Eilfredum, cujus munificentia illebus, & Magisterio ejus, ut ex scriptis Regis intelligitur, Meldunirefedit, ubi post aliquot annos à pueris, quos docebat graphariis foratus, animam exiit, tormento gravi, & acerbato, ut dum iniquitas valida, & manus infirma sæpe frustraretur, & sæpe impeteret, amarum moriem obiret. Jacuit aliquandiu in bonora: a sepultura in beati Laurentii Ecclesia, quæ fuerat nefanda necis conscia. Sed ubi divinus favor multis modis super eum lucem indulsit igneam, admoniti Monachi in majorem transfulerunt Ecclesiam, & ad finem Altaris posuerunt.*

Fraßen Tb. 4. Tom. XI.

Verum his non obstantibus dubia prorsus, & anceps est de Martyrio Joannis Scoti fides: *Primo* quidem, quia quotquot illius meminerunt, videntur maxime niti testimonio, & relatione Guiljelmi Malmesburiensis: at Guiljelmus id dumtaxat dubitando; & ex incerta fama refert, ut colligitur ex duobus locis, in quibus maxime de Martyrio Joannis sermonem instituit; ait enim: *Hoc tempore creditur fuisse Joannes Scotus. Propter hanc infamiam, credo, tædit eum Francie. Graphiis, ut fertur, perforatus, etiam Martyr æstimatus est.* Quæ omnia verba omnino cespitantem, ac dubium animum de relatione, quam suscipit, manifestè ostendunt. *Secundò*, scribit Guiljelmus, Joannem Scotum ideo in Gallia infamia notatum, quod eum ut de fide suspectum, ad se transmittendum scripserat Nicolaus II. Pontifex; & idcirco ipsum ex tunc migrasse in Angliam, quò fuerat evocatus, munificentia Regis Alfridi: quæ utique subsistere non possunt, quippe cum Alfridus non fuerit Angliæ Rex salutatus, nisi post mortem Nicolai Papæ; & per decem annos ab assumpto Regno ita bellis, & Barbarorum irruptionibus infestatus est, ut ne tantillum quidem quieverit: quomodo autem eo tempore potuisset Joannem Scotum sua munificentia allicere, ut ejus magisterio uteretur? *Tertiò*, quotquot meminerunt præceptorum Regis Alfridi, non eis adscribunt Joannem Scotum, sed alterum Joannem, quem *Sapientem* appellant. Sic præcipue Afferus, qui unus fuit ex illius pii Principis præceptoribus, in rebus gestis Alfridi Regis; nominat quidem inter eos Joannem, sed ne verbum quidem facit de illius cruenta morte, quamquam paulò post refert graves persecutiones, quas Joannes Saxo, Abbas Monasterii Æthelengii in Angliā passus est à Monachis illius Monasterii. *Quartò*, sanctitas & martyrium Joannis Scoti per septuaginta annos ignota fuisse in Ecclesia, scilicet toto tempore à Scoti morte, donec Guiljelmus Malmesburiensis suam scripseret historiam de Regibus Angliæ, quomodo enim Berengarius, qui Joannem Scotum in sui erroris patronum toties advocavit, & laudavit, nusquam illius sanctitatis, & martyrii meminisset?

Addit quòd Afcelinus non tanta constantia scribens adversus Berengarium asseruisset, Joannem Scotum esse hæreticum, & se

H

il

illum pro hæretico semper habiturum, si reverà illa ætate Joannes Scotus pro Martyre in Ecclesia fuisset celebratus.

*Urgens hæretici:* Thomas Fulbertus in historia Ecclesiæ Anglicanæ, testatur Joannem Scotum haberi pro Martyre, & quod ejus anniversaria Commemoratio fiat 4. Idus Novemb. ut habetur in Martyrologio typis mandato Antwerpiz jussu summi Pontificis Gregorii XIII. anno 1586. Idem habet Dominus du Saussais Episcopus Tullensis in supplemento Martyrologii Ecclesiæ Gallicanæ 4. Idus Novembris. Idem pariter Molanus in Ecclesiæ Scotica.

*Respondet primò,* falsum esse quod refert ipse Thomas Fulbertus; in nullo siquidem Martyrologio Romano reperitur Commemoratio Joannis Scoti ad 4. Idus Novembris jussu Gregorii XIII. anno 1586. nam ipso anno jam Sixtus V. Gregorio successerat mense Majo. Similiter quod referunt Dominus du Saussay, & Molanus, nullius debet esse momenti; quippe cum id omne nitatur auctoritate Hæstoris Boetii Deidonati, quem noverrunt omnes esse levioris fidei Auctorem, utpote qui pro libito adjiciat, vel detrahat ex antiquioribus Scripturis id, quod sibi arvisset; unde non mirum si Molanus hoc levi fundamento nitens, graviter lapsus fuerit, cum ipsum Joannem Scotum in album Sanctorum reposuerit in appendice ad Martyrologium Usuardi, quod typis mandari voluit Antwerpiz anno 1583. Unde Arnaldus Vvion lib. 3. linguæ viuz, sumpsit ansam scribendi, Joannem Scotum insertum esse in Martyrologio Rom. Antwerpiz typis mandato. Censet ergo, hæc omnia, quæ referuntur de Martyrio Joannis, vel esse supposititia, vel si vera sint, intelligenda esse de Joanne Saxónico. Vel tandem si sint accipienda de Joanne Scoto, dicendum, est cum à suo errore resipuisse, dum viveret, ejus indicium est, quod verisimile sit, illum à Nicolao II. errorum fuisse admonitum, & emendatum; siquidem Nicolaus Pontifex de Joanne Erigena scribens ad Carolum Calvum Francorum Regem, inter cetera hæc habet: Licet multæ scientiæ esse prædicetur (Erigena) non sanè sapere in quibusdam frequenti rumore dicitur: quocirca rogat Pontifex, ut ad sedem Romanam ipse Erigena transmittatur, quatenus ab eo reficiat, utrum vera sint ea, quæ de illius erronea doctrina vulgabantur.

Ejusdem erroris insinulator Bertramus, aut *Ratramnus* primùm Corbicensis Monachus, & Presbyter, deinde Abbas Orbacensis, ut testatur Flodoardus lib. 3. historiæ Ecclesiæ Rhemensis cap. 28. Ille enim scripsisse dicitur librum *de corpore, & sanguine Domini* circa annum 850. in quo videtur Sacramentariis, & Calvinistis faciem præbuisse. Unde illum Auctorem non solum suum esse gloriantur Calvinistæ, sed etiam ipsum hæreticis accenlet è Catholicis *Genebrardus* in Chronologia. Verùm ab hac nota illum liberant plurimi; imprimis verò Cardinalis *Perronius*, qui arbitratur, errores, qui in eo libro inveniuntur, insperatos fuisse malitia, & vassitie Occolampadii, qui opus illud primum publici juris fecit anno 1532. non enim infrequens est Hæreticis, Catholicorum operibus, quibus edendis invigilant, nonnulla assuere, & attexere, ut illos in sui erroris patrocinium asciscant.

At rectius sentire videntur illi, qui existimant cum illustrissimo *Petro Mare*, non ita pridem Parisiensi Archiepiscopo, in sua epistola apud P. Lucam Dacherium, præfata ejus Spicilegii tom. 2. librum illum *de corpore, & sanguine Christi* editum quidem fuisse à Joanne Scoto Erigena, sed vulgatum fuisse sub ementito nomine Bertrami, quò facilis sub tanti viri auspiciis hæresis virus spargeret: Quam utique suppositionem Bertramo factam, asserit quoque *Sanctus* repetitionis cap. 14. & *Sixtus Senensis* in præfatione Bibliothecæ sanctæ, & *Esperencius* lib. 2. de Adoratione Eucharistiæ cap. 41. sed omnium efficacissimè id probat *D. Antonius Arnaldus* in suis dissertationibus libro 12. de perpetuitate fidei Ecclesiæ Catholicæ circa Eucharistiam; cujus utique falsæ, & ementitæ adscriptionis plurima apparent indicia.

*Primò,* quod Trithemius lib. de Scripturis Ecclesiasticis: & Sigebertus cap. 96. Ratramnum tamquam virum Catholicum laudibus celebrant; scribit enim Trithemius; *Bertramus Presbyter, & Monachus in divinis Scripturis, & in literis disciplinarum secularium egregie doctus, ingenio subtilis, & clarus eloquio, nec minus vna, quam doctrina insignis, præclara opuscula, de quibus ad me inter notitiam pauca pervenerunt, ad Carolum Regem fratrem Lotharii Imperatoris scriptis commendabile opus de corpore, & sanguine Domini.* Non est autem verisimile, Trithemio;

themium Abbatem Catholicum ita Bertramum commendare, si Catholicum de Eucharistia dogma impugnasset.

*Secundò*, per totos 700. annos Bertramum hæreticos reprehendit, quasi malè scripisset, nec ab ullo Scriptore hæresis infirmulatus deprehenditur. Imò in catalogo Scriptorum Ecclesiasticorum, ut vir non minus vita, quàm ingenio, doctrina, & eloquio illustris adscriptus est. Unde etiam hæretici lib. de *Ecclesi. Christi success.* *Et statu cap. 2.* fatentur, Clerum Gallicanum eum selegisse, ut responderet objectionibus Græcorum adversus Latinos, quas objectiones ad Præfules Gallos direxerat Nicolaus summus Pontifex.

*Tertio*, quia in gravissimis controversiis tempore Berengarii circa realem Christi præsentiam in Eucharistia, & panis, ac vini in ejus corpus, & sanguinem conversionem nulla fuit Bertrami mentio, quem dubio procul in sui patrocinium advocasset Berengarius, si reverà ex illius scriptis causæ suæ aliquod subsidium accedere potuisset.

*Quarto*, si reverà Bertrami scripta Berengarianæ hæresi faciem prætulissent, haud dubiè in Concilio Vercellensi unà cum libro Joannis Erigenæ proscripserunt, ac damnatus fuisset: quod cum factum non fuerit, inde argumentum est, Bertrami scripta, tamquam erroneo dogmati adstipulantia, eo tempore non habita fuisse.

*Quinto*, liber ille, qui inscribitur *Ratramno*, seu *Bertramo*, diu vulgatus est absque ullo nomine Auctoris, ut colligere licet ex Ruperto Abbate in caput 6. Joannis, ubi sic incipit respondere objectionibus hujus libri: *Hoc loco sciendum non est, male quosdam ignotos, Et absconditi nominis homines opinari, suis quoque defendere dictis, Et scriptis, panem verum, quem in sancto Altari sumimus, Patres illos manducasse tunc temporis, Et bibisse, Et nibilo magis hoc esse verum corpus, Et sanguinem Christi, quàm fuit illud manna, quod ille populus comedit, &c.* Hic enim Rupertus librum Bertramo tributum indicat, ut ex lèctione libri patere potest, cuius tamen Auctorem ait ignotum, & absconditi nominis: ergo verè Bertrami non erat, sed alterius cuiuspiam.

Nec alterius certè quàm Scoti Erigenæ, quod colligere licet tum ex conformitate dogmatum, tum quia Berengarius epist. ad Richardum duo de libro Joannis Erigenæ notat: primò, quòd fuerit editus ad instan-

tiam Regis Franciæ, secundò, quòd Rex ille non alius fuerit, quàm Carolus Magnus: *Novit regia Majestas, inquit, quæ scribit Joannes Scotus, nominum illum scripsisse precario Caroli Magni... Unde ferat oportet defuncto patrocinium contra calumnias nunc orvantium, nisi se movuit exhibere indignum Successore, Et Sede illius magnifici Antecessoris sui.* Porro hæc duo maximè conveniunt libro Joannis Scoti; auctor enim illum inscribit Carolo Magno, testaturque se illius iussu ad scribendum de Eucharistia fuisse provocatum; sic enim habet: *Bertrami Presbyteri de corpore, Et sanguine Domini ad Carolum Magnum Imperatorem: Jubis gloriose Princeps ut quid de sanguinis, Et corporis Christi mysterio sentiam, vestra magnificentia significem, imperium quàm magnifico vestro principatu dignum, tam nostra parvitas viribus, constat difficillimum.* Ex quibus verisimile sit, librum istum primum à Discipulis Berengarii sub e mentito Bertrami nomine vulgatum. ut videlicet Joannis Scoti in Conciliis Romano, & Vercellensi damnati injuriam declinarent, & nihilominus inde suo errori patrocinium accerferent.

Quod utique confirmatur, *primò*, quia nullus videtur Auctor nomine Bertrami; quamquam enim Sigebertus, Trichemius, & Anonymus asserant, Auctorem nomine *Bertramum* scripsisse librum *de corpore, Et sanguine Domini, & de Prædestinatione*, nihilominus in hoc videtur lapsi quia manifestè declarant se levissimam dumtaxat illius Bertrami noticiam habuisse; nam Sigebertus, qui in quibusdam exemplaribus manuscriptis eum vocat *Ratramnum*, non indicat, an Sacerdos fuerit, aut Monachus, Abbas aut Episcopus: Trichemius quidem Bertramum Sacerdotem, & Monachum appellat, ut diximus suprâ; nihilominus licet ter illius meminerit in suis opusculis sub nominibus *Bertrami, Bertrami, & Bertrami*: atque nam significare non potuit, causam Diæcesis, & Monasterii fuit; quavis ipse ex 100. circiter, & 50. Scriptoris Benedictinis, quos laudat in secundo libro Vitorum illustrium ejus Ordinis, neminem alium præter Bertramum refert, quin illius Monasterium, Diæcesim, & locum, in quo vixerit, declarat.

*Hic addè*, quòd ut Bertramus ille non videatur confictus, & opusculum de corpore, & sanguine Christi ipsi adscriptum, distinctum appareat ab opusculo Joannis Scoti,

ii, necessum esset aſtruere, ac probare, *primò*, quòd circa medium noni sæculi duo fuissent Auctores, unus subnominatus *Joannes Scotus* auctor primæ versionis Latinæ operum S. Dionysii, alter appellatus *Bertramus*, aut *Ratramnus*, & *Intramnus*, aut *Ratramus*, & *Bertramus*, aut *Bertramus*: sic enim diversimodè à diversis auctoribus laudatur. *Secundò*, quòd uterque fuisset adversarius Paschali Auctori ipsius doctrinæ scribendo, ac docendo: *Tertiò*, quòd eorum quisque duo composuisset opuscula ad instantiam Caroli Calvi, unum de corpore, & sanguine Christi alterum de Prædestinatione; *Quartò*, quòd utrumque opusculum breve, ac compendiosum fuisset: *Quintò*, quòd neutrum eorum opusculorum nuncupatum fuisset Carolo Calvo: quamquam plurimi Auctores illius sæculi, qui de eadem materia scripserunt, suas elucubrationses ipsi Regi nuncupaverint, ut *Ratramnus Monachus Corbejensis*, & *Hincmarus Archiepiscopus Rhemenſis*: *Sextò*, quòd uterque in sui dogmatis parrocinium emendicaſſet ſententias deſumptas ex SS. Patribus Ambrosio, Hieronymo, & Augustino, quas parum ſinceris explicationibus in ſuam ſententiam detorſiſſet, & alia plura ejusmodi: quæ cum ſtare non poſſint, inde colligere licet, *Bertrami* nomen, ſub quo præſatum opusculum de corpore, & ſanguine Domini vulgatum eſt, omnino larvatum ac ſuppoſitum fuiſſe.

*Addo quòd*, etiamſi opusculum illud de corpore, & ſanguine Christi à *Ratramno Corbejenſi* fuiſſet editum, non tamen redderet Auctoris illius fidem ſuſpectam; imò quàmplurima in illo opusculo teſtimonia doctrinam Catholicam de realitate corporis, & ſanguinis, necnon & de tranſubſtantiatione conteſtantur, & aperte confirmant: reſpondens enim ad priorem quæſtionem, quàm initio libri propoſuerat, ſcribit: *Panis, qui per Sacerdotis miniſterium Christi corpus efficitur, aliud exterius humanis ſenſibus aſſendit, & aliud interius fidelium mentibus clamat. Exterius quidem panis, quod anis fuerat, forma præſenditur, color aſſenditur, ſapor accipitur, eſt interius longè aliud, multoque præſoſius, multoque excellenſius intimatur, quia caeleſte, quia divinum, ideſt, Christi corpus aſſenditur, ... Poſt myſticam conſecrationem, nec panis jam dicitur, nec vinum, ſed Christi corpus, & ſanguis... Sub velamento corporei panis, corporeſque vini ſpirituale corpus Christi,*

*ſpiritualiſque ſanguis exiſtit. Et infra: Panis, qui offertur, ex fructibus terræ cum ſi aſſumptus, in Christi corpus tranſponitur, ſicut & vinum, cum ex vitæ defluxerit, divini tamen ſignificatione myſterii efficitur ſanguis Christi, non quidem viſibiliter, ſed operante inviſibiliter ſpiritu ſancto. Denique ſic concludit: Ex his omnibus, quæ haſtenus dicta ſunt, monſtratum eſt, quòd corpus, & ſanguis Christi, qua fidelium ore in Eccleſia percipiuntur, figura ſunt ſecundum ſpeciem viſibilem; at vero ſecundum inviſibilem ſubſtantiam, ideſt, divini potentiam Verbi, corpus, & ſanguis Christi verè exiſtunt: unde ſecundum viſibilem creaturam corpus paſcunt, juxta verò potentioris virtutem ſubſtantia mentes fidelium, & paſcunt, & ſanctificant. Hac de cauſa non ſolum Galeſius, ſed ipſi etiam *Magdeburgenſes*, ſæculi 9. cap. 4. 6. & 8. contendunt non ſolum *Bertramum* credidiſſe corpus, & ſanguinem Domini ſuper Altare poni, & inde populo diſtribui, ſed etiam tranſubſtantiationis habere ſemina: Uter enim, inquit, vocabulis *commutationis*, & *conversionis*.*

*Nec obſtat*, quòd in eo libro ſcripſerit, *primò*, in Euchariftia figuram eſſe, & quod in Eccleſia fidelium ore ſumitur, fieri corpus, & ſanguinem Christi in myſterio, ſeu figura: *Secundò*, quòd corpus ex Virgine natum, non ſit idem, quod ore fidelium per Sacramentorum myſteria ſumitur in Eccleſia: *Tertiò*, quòd creaturæ ſecundum ſubſtantiam fuerunt ante conſecrationem, hoc poſtea conſiſtunt. Hæc enim tria capita ſunt, quæ doctrinam illius opusculi erroris inſimulant. Hæc, inquam, non obſtant, facile enim ex aliis ejusdem opusculi locis benignè poſſunt explicari: Primus quidem locus ſolvi poteſt hac regula *Facundi Hermianenſis* lib. 10. cap. 6. *Solitum eſt*, inquit, *hereticis ex dubiis, & obſcuris, quæ apud Auctores cænta, & manifeſta ſunt, male interpretari: ſolitum etiam eſt prudentiæ, ac pietati Catholicæ en indubitatis, atque evidentibus firmare ambigua, & latentia declarare.* Sed ex mox dictis conſtat Auctorem illius opusculi veram, & Catholicam tradere doctrinam de Euchariftia, ac ſubinde obſcure illi loci benignè ſunt interpretandi, non quaſi voluerit ſolam in Euchariftia Christi figuram exiſtere, ſed quòd ſpecies panis, & vini, quibus corpus, & ſanguis obvelantur, ſint eorum figuræ; nam, ut ipſemet ait, figura eſt obumbratio quædam quibusdam velaminibus.



quæ intendit ostendens. *Secundus* verò locus æquè facilem patitur interpretationem: solum enim vult, quod corpus ex Virgine natum, non sit eodem modo in Eucharistia, quod visibiliter natus est, sed in ea existat modo speciali, ac spirituali sub speciebus Eucharisticis delitescens, ac præterea sit figurativum, & rememorativum sui ipsius, quatenus modo visibili ex Virgine natum cruci fuit affixum. *Denique*, tertio loco vult solum panem, & vinum post consecrationem remanere secundum apparentiam substantiæ, non quod substantia panis remaneat, sed quia mediis accidentibus illa sensibus apparere videtur.

Berengarius Ecclesiæ Andegavensis Archidiaconus, Joannis Scoti hæretica doctrina imbutus, illius virus jampridem sopitum restaurare cepit, ac propagare circa annum Domini millesimum quinquagesimum. Juveniles egerat annos in Academia Carnotensi, sub præceptore Fulberto Carnotensi, ut colligitur ex Epistola Adelmanni Brixiensis Episcopi ad Berengarium ipsum: *Collesianum*, inquit, *te meum vocavi propter dulcissimum illud contubernium, quod cum te adolescentulo ipse ego in Academia Carnotensi sub nostro illo venerabili Socrate Fulberto jucundissimè duxi*. Sectæ suæ ipse nomen dedit, quem tamen plurimum adjuvit in hæresi sua dissimulanda Bruno Andegavensis Episcopus, de quo Deodinus Leodiensis Episcopus epistola ad Henricum Francorum Regem, & extat c. 9. Bibliothecæ Patrum sub nomine Durandi Leodiensis, cujus tamen esse non potest, nam obiit Durandus anno 1025. ut Sigebertus refert in Chronico: tunc verò nondum erat coronatus Henricus, qui anno dumtaxat 1028. coronatus est, solusque regni habenas suscepit anno 1032.

Accusatur autem Berengarius à prædicto Leodiensi Episcopo: *Primò*, quod Baptismum parvulorum everteret: *Secundò*, quod legitima conjugia destrueret: *Tertiò*, quod astrueret corpus Domini non tam corpus esse, quàm umbram, & figuram corporis Domini. Huic accusationi subscribit *Guitmundus Archiepiscopus Aversanus*, in lib. 1. de corporis, & sanguinis Christi veritate in Eucharistia, ubi Berengarii mores, & errores in hunc modum refert, ac perstringit: 1s, *inquit*, cum juveniles adhuc in scholis, ageret annos (ut ajunt, qui eum tunc noverunt) elatus ingenii levitate, ipsius

Magistri sensum non adeo curabat, condiscipulorum pronihilo reputabat, libros insuper artium contemnebat. Sed cum per se attingere Philosophiæ altioris secreta non posset; neque enim homo ita acutus erat, sed & tunc temporis liberales artes intra Gallias penè obsoleverant: novis saltem verborum interpretationibus, quibus etiam nunc mirum gaudet, singularis scientiæ laudem sibi arrogare, & cujusdam excellentiæ gloriæ venari, qualitercumque poterat, affectabat: Factumque est, ut pompatico incessu, sublimi præ cæteris suggestu, dignitatem Magistri potius simulans, quàm rebus ostendens, profunda quoque inclusione intra cucullum, ac simulatione longæ meditationis, & vix tandem satis desideratæ diu vocis lentissimo quasi plangore incautos decipiens, doctorem sese artium penè inscius profiteretur. Sed postquam à D. Lanfranco in dialectica de re satis parva turpissimè est confusus; cùmque per ipsum D. Lanfrancum virum æquè doctissimum liberales artes Deus recalcascere, atque optimè reviviscere fecisset: desertum se iste à Discipulis dolens, ad eructanda impudenter divinarum Scripturarum Sacramenta, ubi ille adhuc adolescens, & aliis eatenus detentus studiis nondum adeo intenderat, sese convertit. Sed & ibi insipiens, quippe *in malevolam animam non introibit sapientia*, & ea, quorum novitate omnium corda permoveret, atque ad se omnium oculos traheret, studiosè perquirens, maluit esse sub aliqua admiratione hominum hæreticus, quàm sub oculis Dei privatè vivere Catholicus. Tunc illa, quibus mundanis hominibus (etsi inculcè) licet semper peccare cupientibus, placeret, aperuit: legitima videlicet conjugia, quantum in ipso erat, destruens, & parvulorum Baptisma everrens. Ita ut in altero, pessimis hominibus diabolus per os ejus licitè omnibus scæminis abutendum esse: in altero cassato Baptismate infantiz in profundum omnium malorum, utpote postmodum baptizandis impunè rueret suaderet. Lege epistolam Leodiensis Episcopi contra Berengarium ad Henricum Regem Francorum: & eisdem penè verbis eadem ipsa ibi scripta reperies. Illis sanè diebus, & hanc quoque (contra quam Deo propicio acturi sumus)

est ausus dementissime propinare blasphemiam, ad hoc etiam hic diabolo militans, ut ablata veritate Dominici corporis, peccare volentes, nulla reverentia, nullus motus percipiendæ sacræ Communionis ab aliquo scelere revocasset. De cæteris sanè impietatibus, quas satis multas per id temporis evomuit, nunc te remorari nolo. Ita igitur hujus peccatis initium accepimus.

*Subdit infra, Berengarii Discipulos, varios in errores fuisse divisos:* Omnes quidem, inquit, in hoc conveniunt, quia panis, & vinum essentialiter non mutantur, sed ut extorquere à quibusdam petui, multum in hoc differunt, quod alii nihil omnino de corpore, & sanguine Domini Sacramentis istis inesse, sed tantummodò umbras hæc, & figuras esse dicunt. Alii verò rectis Ecclesiæ rationibus cedentes, nec tamen à stultitia recedentes, ut quasi aliquo modo nobiscum esse videantur, dicunt ibi corpus, & sanguinem Domini reverà, sed latenter contineri, & ut sumi possint quodammodo (ut ita dixerim) impanari. Et hanc ipsius Berengarii subtiliorem esse sententiam ajunt. Alii verò non quidem Berengariani, sed acerrimè Berengario repugnantes, argumentis tamen ejus, & quibusdam verbis Domini paulisper offensi (quod suo loco dicemus uberius) solebant olim putare, quòd panis, & vinum ex parte mutantur, & ex parte remaneant. Alii verò irrationabilem istorum sensum longè horrentibus, eadem verba Domini, quibus isti moventur, non satis aptè intelligentibus, videbatur panem, & vinum ex toto quidem mutari, id cum indigni accedunt ad communicandum, carnem Domini, & sanguinem iterum in panem, & vinum reverti.

*Verum* de duobus primis errorum capitibus difficultas est; siquidem de ipsis erroribus in Conciliis, in quibus damnatus est Berengarius, nulla eorum errorum fit mentio, neque in opusculis adversus ipsum editis hujusmodi errores confutati fuerunt, quos haud dubiè non silosissent Auctores, si reverà de iis Berengarius fuisset insimulatus. Cuiusmodi id quidem asserit ex epistola Durandi Episcopi Leodiensis; Durandus autem ex fama, quæ omnium, ut ait, repleverat aures, fama autem, ut plurimum mendax est; ac proinde Conciliorum, &

Patrum hac in re silentium, argumentum est, Berengarium de his duobus erroribus non fuisse accusatum.

Igitur propria, & singularis Berengarii hæresis in eo sita fuit, quòd negaret in Eucharistia veram fieri substantiæ panis, & vini in corpus, & sanguinem Christi conversionem; quamvis enim initio Berengarius cum Discipulis inficiaretur realem Christi præsentiam, nihilque corporis, & sanguinis Domini Sacramentis inesse contenderet, sed umbras tantum, & figuras: in progressu tamen Ecclesiæ rationibus convictus, dixit in Sacramento corpus, & sanguinem Domini reverà inventiri, sed unà cum pane, & vino; unde transubstantiationem apertè negabat.

*Porrò* Berengariana hæresis (si Durando Leodiensi p.9. credatur) talem habuit progressum, cum anno 1050. Berengarius Normanorum finibus irrepsisset, atque in cenobium *Prætelis* nuncupatum appulisset, honestè exceptus est, atque fortiter confutatus ab Abbate, qui Durandi familiaris erat, & cum quo de blasphemis ipsius colloctus fuerat: inde digressus, Normanorum Principem adiit festinus, quem sua quoque irretire perfidia subtiliter attentavit, sed frustra: nam Princeps apud *Briannam* viros, quos potuit, eruditos coegit, præfatumque hæresiarcham cum alio quodam Clerico, in ejus eloquentia victoriam spem posuerat, ita coram omnibus confutavit, ut ei silentium imponeretur, atque extorqueretur assensus fidei Catholicæ. Hinc non sine pudore evadens, Carnutum petiit, ubi Clericis ejusdem urbis illum interrogantibus de eadem questione, promissit se responsurum, si opportunitas daretur. Postea verò instante tempore Concilii Vercellensis, respondit per litteras multa vanitate refertas.

Cum tamen virus latenter, & apertè jam propagaretur, Henricus Francorum Rex, Concilium *Parisi* cogi præcepit 17. Kal. Novembris, in quo Berengarius audiretur, sed nec comparere ausus est, nec Bruno Andegavensis interesse. In eo Concilio, lectis quibusdam litteris Berengarii ad amicum (quæ intercepit fuerant) damnatus est Auctor, damnati complices, unà cum codice Joannis Scoti, ex quo sumpta videbantur ea quæ damnabantur: Auctor cum sequacibus ejus errorum, aut morte plecteretur, decretum fuit. Ea autem ordinatio

tionem tertii Berengarii Discipuli, fidem Catholicam professi sunt juxta mentem hujus Concilii. Eodem quoque anno tria adversus hanc nascentem hæresim coacta fuerunt Provincia Turonicæ Concilia, de quibus meminit Bruno episcopus citatus.

Dum autem hæc in Galliis agerentur, Leo Pontifex hujus nominis IX. anno 1050. aut, ut volunt alii 1053. adversus eandem hæresim Synodum Romæ convocavit, in qua quid actum fuerit, ostendit Lanfrancus in commentario, quem contra Berengarium edidit, his verbis: *Tempore S. Leonis Papæ delata est hæresis tua (alloquitur Berengarium ipsum) ad Apostolicam Sedem. Qui cum Synodo præfideret, ac resideret secum non parva multitudo Episcoporum, Abbatum, diversisque Ordines à diversis Regionibus religiosarum Personarum: iustum est in omni audientia recitari, quas mihi de corpore, & sanguine Domini litteras transmissisti. Porritor quippe earum legatus tuus me in Northumaniam non reperto, tradidit eas quibusdam Clericis: quas cum legissent, & contra iustissimam Ecclesiæ fidem scriptas animadvertissent; zelo Dei accensi, quibusdam ad legendas eas porrexe runt. Itaque factum est, ut non deterior de te, quam de me fuerit exorta suspicio, ad quem videlicet tales litteras destinaveris, putantibus multis, me fovere, ac favere, quæ à te dicerentur, vel gratia, qua te diligere; vel fide, qua revera ita esse indubitanter tenebam. Igitur cum à quodam Rhemenfis Clerico Romam perlatus recitator legeret, intellecto, quod Joannem Scotum extolleret, Paschasium damnaret, communi de Eucharistia fidei adversa sentire; promulgata est in te damnationis sententia, privans te communione Sanctæ Ecclesiæ, quam tu privare sancta ejus communione saugebas. Post hæc præcepit Papa, ut surgerem, pravi rumoris à me maculam abstergerem, fidem meam exponerem, expositam plius sacris auctoritatibus, quam argumentis probarem. Itaque surrexi; quod sensi, dixi, quod dixi, probavi: omnibus placuit, nulli displicuit. Hactenus de Synodo Romana Lanfrancus, in qua damnato Berengario, ipse Lanfrancus Absolutionis sententiam retulit.*

Insuper eodem anno 1050. aut 1053. celebratum est Concilium Vercellense, ad quod evocatus Berengarius, & comparere detrectans, damnatus fuit unâ cum libro Joannis Scoti, ut refert Lanfrancus in Commentario: *Dehinc, inquit, declarata est Syno-*

*lus Vercellensis, quæ tunc proximo Septembri, eodem præsentente Pontifice est celebrata Vercellis, ad quam vocatus non venisti. Ego verò præcepto, & precibus præfati Pontificis usque ad ipsam Synodum suam remansi. In qua, in audientia omnium, qui de diversis hujus mundi partibus illuc convenierant, Joannis Scotiliber de Eucharistia lectus est, ac damnatus: sententia tua exposta, ac damnata: fides Sanctæ Ecclesiæ, quam ego teneo, & tenendam astruo, audita, & concordia omnium sensu confirmata. Duo Clerici, qui legatos tuos se esse dixerunt, volentes te defendere, in primo statim congressu defecerunt, & capti sunt. Ab hac sententia numquam discessit S. Leo in omnibus suis Conciliis, seu quibus ipse præsentiam suam exhibuit, seu quæ per Legatos suos in diversis Provinciis congregari instituit. Quæ sententia non effugit successorem quoque suum fratrem memorie Papam Visiorem. Hucusque Lanfrancus de Synodo Vercellensi. Curjus meminit etiam Guilmundus in libris, quos scripsit de corpore, & sanguine Christi, eidemque præfuisse Leonem Pontificem tradit.*

Defuncto Leone IX. Berengarius verbis, & scriptis memoriam ejus insultare tentavit, eumque insatuatione Lanfranci insatuationis, vanitatis Consilium adunasse blasphemavit: cujus infamiam, & audaciam, ut comprimeret Visior II. Leonis successor, Concilium Turonis coegit anno 1055. ut scribit Guilmundus: cui per Legatos, maxime per Hildebrandum, qui postea fuit summus Pontifex nomine Gregorius VII. præfuit: in ea Synodo data est optio Berengario causæ suæ defendendæ: at illam tueri reformidans, communem Ecclesiæ fidem iterum professus, juravit se ab illa hora ita crediturum, nec usquam ab ea recessurum; quod utique juramentum confirmavit propriæ suæ manus syngrapha.

Verum hæresiarcha, sui sacramenti immemor, & violator, ad vomitum rediit; unde ne virus ultrâ serperet, Nicolaus II. Romæ Concilium ex 1033. Episcopis, cui & Berengarius interfuit, anno 1059. coegit, ibique iterum ejus sententia à Patribus examinata, acque damnata fuit; cui damnationi ipsemet Berengarius subscripsit, sicut & professioni fidei, quam mandantibus Concilii Patribus Umberto Episcopus Cardinalis sub hac formula condiderat: *Ego Berengarius, indignus Diaconus Ecclesiæ, S. Mauricii Andegavensis, cognoscens*

veram, Catholicam, & Apostolicam fidem, anathematizo omnem heresim; præcipue eam, de qua hætenus infamatus sum, quæ astruere conatur, panem, & vinum, quæ in Altari ponuntur, post consecrationem solummodo Sacramentum, & non verum corpus, & sanguinem Domini nostri Jesu Christi esse: nec posse sensualiter in solo Sacramento manibus Sacerdotum tractari, vel frangi, aut fidelium dentibus atteri. Consentio autem sanctæ Romanæ, & Apostolicæ Sedi, & ore, & corde profiteor de Sacramentis Dominicæ mensæ eam fidem tenere, quam Dominus, & venerabilis Papa Nicolaus, & hæc sancta Synodus auctoritate Evangelica, & Apostolica tenendam tradidit, mihi quæ firmavit: scilicet panem, & vinum, quæ in Altari ponuntur, post consecrationem non solum Sacramentum, sed etiam verum corpus, & sanguinem Domini nostri Jesu Christi esse: & sensualiter non solum Sacramenta, sed in veritate manibus Sacerdotum tractari, frangi, & fidelium dentibus atteri: jurans per sanctam, & hominibus Trinitatem, & per hæc Sacrosancta Christi Evangelia. Eos verò, qui contra hanc fidem venerint, cum dogmatibus, & sententiis suis æterno anathemate dignos esse pronuntio. Quod si ego ipse aliquando contra id sentire, ac prædicare præsumpsero, subjaceam Canonum severitati. Lecto, & perfecto spontè subscripsi. Ita referunt Lanfrancus, Guimundus, & Algerus, habeturque de consecr. dist. 12. quæst. 1.

Post tam solenne sacramentum, Protheus levis Berengarius, fidefragus, & sacrilegus violator, veritatem Catholicam iterum impugnavit scriptis ac dictis nefariis, Ecclesiam regente Alexandro II. Cui cum post mortem successisset Gregorius VII. Concilium Romæ in Ecclesia sancti Salvatoris anno 1079. denuò coegit, cujus acta habentur apud eundem Gregorium lib. 6. epistolarum post epist. 17. ubi firmata veniente Catholica, convictus iterum Berengarius, veniam exoravit, & iterum hanc suæ fidei professionem emisit: Ego Berengarius corde credo, & ore confiteor panem, & vinum, quæ ponuntur in Altari per mysterium sacræ orationis, & verba nostri Redemptoris, substantialiter converti in veram, ac propriam, ac vivificatricem carnem, & sanguinem Jesu Christi Domini nostri; & post consecrationem esse verum Christi corpus, quod natum est de Virgine, & quod pro salute mundi oblatum in cruce pendit, & quod sedet ad dexteram Patris, & verum sanguinem Christi, qui de latere ejus effusus est, non tantum per signum, & virtutem Sacramenti, sed in veritate natura, & proprietate substantiæ. Sic in hoc brevi tractatu, & ego legi, & vos intelligetis, sic credo, nec contra hæc fidem ulterius docebo. Ita habetur in Editione Lanfranci anni 1540. opera Francisci Quadrati adornata ex vetusto codice Bibliothecæ Beccensis Monasterii. Quamvis enim opus Lanfranci editum sit ante obitum Alexandri Papæ, ad quem Lanfrancus ad Archiepiscopatum Cantuariensem assumptus, opus suum transmisserat: potuit tamen professio illa fideliter exscripta operi illi adji, utpote argumento illius peropportuna. Ut ut sit, ex actis Concilii Romani habetur, Berengario præcepisse Gregorium VII. ne amplius de corpore, & sanguine Domini cum aliquo disputaret; nisi forte eorum, qui ejus doctrina decepti, in errorem prolapsi fuerant, ad fidem Catholicam reducendorum gratia. Absoluto Concilio, secum per aliquod tempus Berengarium paternæ benignitatis summus Pontifex detinuit, ut instabilitatem viri toties lapsi figeret, & fidei constantiam probaret. Explorata verò illius in fide firmitate, cum post multas moras ad proprios lares cum litteris commendatis remisit, quibus & rectam illius fidem testatus est, vetuitque ne ullum vel personæ, vel bonis ejus nocuum importaretur.

Quis autem fuerit exitus Berengarii, & utrum in fide Ecclesiæ ad finem usque constans perseveraverit, non convenit inter Catholicos, & hæreticos; hi namque contendunt cum Beroldo continuatore Hermannii ad annum 1083. ipsum in errorem relapsum, in eo obiisse. Verum communis Catholicæ sententia est, Berengarium per acta suorum culparum, aut errorum penitentia, in Ecclesiæ Romanæ fide, & communione dicam ultimam clausisse. Ita imprimistatur Guilielmus Malmesburienfis lib. 3. de gestis Anglorum, ubi illius morientis extrema verba fidei professionem continentia refert: Licet, inquit, Berengarius primum aliquarum hæresum defensione infamatus fuerit, &o postiori ita reppuit, ut sine retractione habebatur sanctus; innuente bonis, maxime au-

tem humilitate, & elemosinis approbatus est. Secundò, egregiis laudibus, ac epitaphiis celebratus est ab Hildeberto, qui postea fuit Episcopus Cenomanensis, & à Baldrico Abbate Gurguliensis; quod utique argumentum est manifestum, ipsum in Ecclesiæ Romanæ communione vita fuisse functum. Tertiò, quia sepultura Ecclesiastica donatus fuit in claustrò S. Martini Turonensis, ut scribit Papirus Masso lib. 3. Annaliom Franciæ, ex chronico Turonensi Joannis Monachi, necnon ex chronico S. Martini Turonensis. His addè, quòd idipsum testentur quàm plures historici, nec dissentit Baronius ipse ad annum 1088, quamvis Hildebertum arguat, quòd gloriosius, quàm hæresiarchæ tories sacrilegè relapsi conditio postularèt, epitaphium ei scripserit. Neque enim iis honoribus excipendus est hæreticus etiam poenitens; quamvis enim ipse resipiscat, tamen erroris sui pestifera semina reliquit: quod maximè verum est de Berengario, ut notavit Gulielmus Malmesburienfis lib. 3. de gestis Anglorum, ubi hæc scribit: *Berengarius plant, quamvis ipse sententiam correxerat, omnes tamen, quos ex totis terris deproverat, convertere nequivit. Adeo pessimum est alios exemplo, aut à bono infirmare; quia fortassis peccatum te gravabit alium, cum deletum fuerit tuum.* Et sanè cum Berengarii retractatione, & obitu ejus errores extincti non sunt, sed inselicitè proliferarunt diversis sæculis, apud diversas sectas hæreticorum. Unde appareat deceptum fuisse Bertoldum, non solum quia Berengarius non est mortuus anno 1083. sed 1088. verum etiam quia cæteri historici ipsius Bertoldi auctoritati sunt præferendi.

His hæreticis annuerandi sunt *Petro Bruziani*, *Petri de Brui* Discipuli circa annum 1126. qui volebat infantes extra ætatem discretionis baptizari, & inter alios similes errores, etiam veritatem corporis, & sanguinis Domini in Eucharistia, ejusque jugè in Ecclesia offerri solitum sacrificium deridebat.

His accensendus est *Joannes Voiclesus* Anglus circa annum 1312. Nam, ut in Concilio Constantiensi sess. 8. refertur, substantiam panis, & vini in Sacramento Altaris permancere affirmavit, & accidentia panis non manere sine subiecto sustinuit; & Christum in eodem Sacramento realiter adesse negavit, & sacerdotem in peccato mortali existentem non consecrere, neque conse-

crare Eucharistiam tradidit. Ejus errores secutus est *Joannes Hus* Boemus, ut patet ex sess. 57. ejusdem Concilii, & ex processibus contra illum factis, ac per testes idoneos, & locupletes probatis. Nihil tamen contra Eucharistiam scripsit, nec illum errorem omnes ejus discipuli secuti sunt.

Denique orti sunt *Lutherani*, & *Calvinistæ*, quorum infinitæ adhuc circa Eucharistiam, mutuòque inter se pugnantes sunt erroneæ sententiæ. Etenim, inquit *Gama-chzus*, *Lutherus* initio negavit realem Christi in Sacramento præsentiam, ut colligitur ex ejus libro *ad Valdenses*, ubi negat Eucharistiam adorandam esse; dubitat etiam an Divinitas Christi sit in Eucharistia simul cum humanitate. Et *lib. de captivitat. Babyl.* asserit, Sacramenta legis novæ esse nuda signa: Legi adhuc potest sermo, quem scripsit *de Natali Domini*. Ad extremum tamen, cum sæpius opinionem mutavisset, conclusit Christum realiter esse in Sacramento, sed simul cum substantia panis, & vini, ut liquet ex ejus epistola ad Argentinenses: *Vellem, inquit, posset mihi aliquis persuadere, nihil esse in Eucharistia, præter panem, & vinum: magno ille beneficio me devinciret; jam sæpè gravibus curis in hac materia deludavi, & videbam me hoc modo plurimum posse Papas incommodare; verum ego me captum video, nulla elabendi via relicta, textus Evangelii nimis est apertus.* Agnovit ergo tandem *Lutherus* realem Christi in Sacramento præsentiam, neque in eo fuit tunc propriè hæreticus, sed solum quòd dixerit substantiam panis, & vini simul cum Christi corpore, & sanguine remanere, ut inferius suo loco ostendetur. Nec tamen discipuli *Lutheri* eandem doctrinam tenuerunt, sed *Carlostadius* statim ab eo defecit, ac primam Berengarii hæresim amplexus est, idemque fecit *Zuinglius*, licet uterque *Luthero* antea adhæssisset.

*Calvinus* verò circa annum 1534. omnium se judicem, arbitrumque constituit, ut ipse loquitur lib. de cœna Domini, & *Lutherum* damnavit, quod diceret, Christum verò esse in Sacramento: damnavit etiam *Carlostadium*, ac *Zuinglium*, quòd assererent, nil esse in Sacramento præter figuram corporis, & sanguinis Christi; nihilominus tamen quidquid fingat homo altitatus, quicumque in partem, & faciem se converterat, idem omnino affirmat, quod *Zuinglius*, & *Carlostadius*, ut patet ex libro *de ratione*

incun-

*ineunde concordia* tom. 2. Opusculorum, solique verbis dissidet; docet enim corpus Christi solummodo esse in cælo, & tamen sumi à nobis realiter, sed non substantialiter, solumque derivari in nos quamdam ejus virtutem, per quam interitis reficiamur, eamque virtutem vocat *substantiam corporis Christi*, eo quod sit substantialis ejus qualitas, ut si quis calorem vocet substantiam, aut virtutem substantialem igni. Lib. etiam 4. Instit. cap. 17. §. 12. *Si solem*, inquit, *conspicimus radiis micantem ad generandos fetus, suam quoque substantiam quodammodo ad terram trahere, cur inferior erit Spiritus Christi irradiatio ad communionem carnis*, & sanguinis in nos traducendam? Moxque addit; *corpus Christi esse finitum pro perpetua corporis humani ratione*, & contineri cælo, quo semel receptum est, donec ad iudicium redeat, ita ut sit nefas sub elementis hæc corruptibilia ipsum retrahere, aut ubique præsens imaginari. Et §. 9. *Quemadmodum è fonte hauritur aqua, & ducitur per canales ad rigandos agros, quia scaturigo novam fonti largitatem subministrat: ita etiam caro Christi insular fontis est, & vitam à Divinitate in se secuturientem ad nos transfundit*. Tandem concludit §. 30. *Quamvis Christus ubique sit, non tamen totum, quod in eo est, ubique esse, quia in carne sua cælo comprehenditur, donec in iudicium appareat, & quamvis sit speciali modo in Eucharistia, non tamen, inquit, ibi est totum, sed totus*. Et §. 31. *Longè falli eos, qui nullam carnis Christi præsentiam concipiunt, nisi in pane sitatur, vel nisi in tegumento panis lateat, quasi non posset esse præsens, nisi descendat ad nos, cum & possit nos ad se evehere, & sufficiat arcana Spiritus operatio, quæ Christum nobis uniat*.

His ita prælatis, adversus hos omnes præfatos errores, & Errones stabilienda est Catholica veritas circa realem præsentiam corporis, & sanguinis Christi sub speciebus Eucharisticis omni argumentorum illorum genere, quibus certissima fidei dogmata, & apud hæreticos indubitata demonstrari solent: *Primò* quidem ex promissione. 2. ex institutione Eucharistiae. 3. ex Traditione divina, & Apostolica. 4. ex unanimi Christianarum Ecclesiarum consensione, etiam ante ortum sacramentarium, & Calvinistarum errorum dogma.

## CONCLUSIO UNICA.

**V**erè, realiter, & substantialiter corpus, & sanguis Christi Domini sunt sub speciebus Eucharisticis. Hæc est de fide determinata in Conciliis Nicæno, Lateranensi sub Innocentio III. Constantinensi, & Florentino, novissimè autem, & expressissimè in Trident. sess. 13. cap. 1. his verbis: *Principio docet sancta Synodus, & aperit, ac simpliciter profitetur in almo sanctæ Eucharistiæ sacramento post panis, & vini consecrationem Dominum nostrum Jesum Christum, verum Deum, atque hominem verè, id est, non tantum figuratè, realiter, id est, non tantum objectivè, ac substantialiter, id est, secundum substantiam, & non tantum secundum effectum, sub specie illarum rerum sensibilem contineri*. Et can. 1. ejusdem Sessionis, sic inquit: *Si quis negaverit in sanctissimæ Eucharistiæ Sacramento contineri verè, realiter, & substantialiter corpus, & sanguinem unà cum anima, & divinitate Domini nostri Jesu Christi, proinde totum Christum, sed dixerit tantummodo esse in eo ut in signo, vel figura, aut virtute, anathema sit*. Hanc Catholicam veritatem Doctor subtilis, tanquam verus Ecclesiæ Catholicæ filius, apertissimè tradidit 4. dist. 10. qu. 1. nu. 3. De primo inquit, dico, quod corpus Christi esse ibi verè realiter, est simpliciter de substantia fidei eo modo, quo veritas alicujus sacramenti pertinet ad articulos fidei: ista enim veritas à principio fuit expressè tradita, ex quo Eucharistia fuit instituta.

## §. I.

*Probatur vera, realis, & substantialis corporis, & sanguinis Christi præsentia in Eucharistia ex verbis Christi D. Eucharistiam promittentis.*

**C**um Christus D. sit ipsa veritas, & sapientia, apertè constat, quod nec falli, nec fallere, nec subinde promissa negare potest, unde sic argumentari licet: Quod Christus promittit se daturum, reverà concessit, & implevit, sed promittit constantissimè se daturum verè & realiter, ac substantialiter corpus, & sanguinem suum in cibum, & potum; igitur reverà utrumque concessit, ac non aliter, nec alibi, quam instituendo Eucharistiam: igitur hæc Christi D.

corpus, & sanguinem verè, ac realiter continet. Majorem ultrò admittunt hæretici. Minor verò clarissimè patet ex illis verbis *Joan. 6.* ubi Christus ex occasione celebris illius miraculi, quo multiplicatis quinque panibus, quatuor & amplius hominum millia satiaverat: *Primò* cosinstituit de sue Incarnationis mysterio. Cum enim turba ei dixisset, *Quid faciemus, ut operemur opera Dei?* respondit Jesus, & dixit eis: Hoc est opus Dei, ut credatis in eum, quem misit ille. Cùmque circumstantes dixissent: *Quod ergo tu facis signum, ut videamus, & credamus tibi? Quid operaris?* Patres nostri manducaverunt manna in deserto, sicut scriptum est, *panem de celo dedit eis manducare;* hoc est, Moyses suam ad homines à Deo delegationem probavit ex concessione manna: Tu verò quodnam signum profers, ut probes te verum esse Messiam? Duo respondet adorandus Salvator: *Primò*, quòd Pater dederit ipsis panem de celo verum fide percipiendum, nempe credendo eum esse verè Messiam: *Dixit ergo eis Jesus. Amen, amen, dico vobis, non Moyses dedit vobis panem de celo, sed Pater meus dedit vobis panem de celo verum; panis enim Dei est, qui de celo descendit, & dat vitam mundo.* Cùm autem eidixisset Judæi, *Domine, da nobis hunc panem:* respondit Jesus. *Ego sum panis vite, qui venit ad me non esuriat, & qui credit in me, non sitiet unquam.* Cùm autem murmurarent Judæi, quòd dixisset: *Ego sum panis vivus, qui de celo descendit, & dicerent: Nonne hic est Jesus filius Joseph, cujus nos novimus Patrem, & Matrem?* Quomodo ergo dicit hic? *Quia de celo descendit?* Respondit ergo Jesus, & dixit eis: Nolite murmurare in invicem, nemo potest venire ad me, nisi Pater, qui misit me, traxerit eum, & ego resuscitabo eum in novissimo die. Est scriptum in Prophetis, *Et erunt omnes docibiles Dei, &c.* Quibus omnibus declarat, se verum Messiam fide credendum, quatenus videlicet ipsa fides de ipsius Incarnatione animam illustrando eam præparet, ac disponat ad recipiendum irriguum gratiæ, & donorum cælestium, quibus anima velut divino cibo, & potu reficiatur, ac faginetur.

*Secundò* respondens ad præfatam Judæorum objectionem, ut verum se Messiam probe, & longè Moysè præstantiorem, utpote qui concessurus sit panem de celo verum, & longè excellentiorem manna, quia, qui manducaverunt manna in deserto, mor-

tui sunt, qui verò manducaverit panem, quem ipse datorus erat, vivet in æternum. Tum, quis sit ille panis concedendus, statim aperit, dicens: *Panis, quem ego dabo, caro mea est pro mundi vita.* Cùm autem litigarent Judæi ad invicem, dicentes: *Quomodo potest hic nobis carnem suam dare ad manducandum?* statim subdit, priùs assertum confirmans: *Nisi manducaveritis carnem Filii hominis, & biberitis ejus sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam, & ego resuscitabo eum in novissimo die. Caro enim mea, verè est cibus, & sanguis meus verè est potus, qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem, & qui manducat me, & ipse vivet propter me. Hic est panis, qui de celo descendit. Non sicut manducaverunt Patres vestri manna, & mortui sunt, qui manducat hunc panem, vivet in æternum.*

Reponunt Hæretici Christum ibi loqui de manducatione spiritali, quæ fiat non ote corporis, sed mentis, seu per fidem, qua quis sumendo Eucharistiam, credit se recipere corpus, & sanguinem Christi.

*Contrà:* Manducatio panis illius cælestis, quem Christus promittit se datorum, diversa est ab ea, de qua priùs sermonem instituerat, dicendo se panem esse verum ab æterno Patre datum, sed hæc fit per fidem, ut mox dictum est: igitur Eucharistica manducatio non fit solum per fidem. Probatur major: *Primò*, quia Christus, cùm de manducatione sui per fidem loquitur, non loquitur in futuro, sed in præsentem vel præteritum, ait enim: *Pater meus dat vobis panem de celo verum, quia objectum fidei semper est præsens.* Fides enim, inquit S. Bernardus, est exemplar quoddam æternitatis, quæ præterita, præsentia, futura suo vastissimo sinu comprehendit: manducatio autem panis, quem dicit esse carnem suam, non dicitur præsens, sed futura: ait enim: *Panis, quem ego dabo, caro mea est, quia videlicet hoc Sacramentum nondum instituerat.*

*Secundò*, Christus ibi expressè distinguit manducationem suæ carnis à potione sui sanguinis, dicens: *Caro mea verè est cibus, & sanguis meus verè est potus, ad si loqueretur solum de manducatione per fidem, illa distinctio inanis erat, & superflua; siquidem comestio, & potio per fidem, sunt unum,*

unum, & idem, suntque eodem modo, videlicet credendo in Christum, igitur ibi non erat sermo de sola manducatione per fidem.

*Tertiò*, Christus D. ibidem ait : *Caro mea verè est cibus, & sanguis meus verè est potus*, ac si caro manducaretur, & sanguis biberetur solum per fidem ( sicut volunt Calvinistæ ) caro non esset verè cibus, nec sanguis verè potus, sed tantum metaphoricè; sicut enim fides est tantum animæ gustus, & os animæ metaphoricum, ita ejus cibus, & potus, est tantum cibus, & potus metaphoricè; non autem verè, & propriè, igitur manducatio Christi in Eucharistia non solum fit per fidem, sed verè realiter, & substantialiter Christi D. corpus, & sanguis sumuntur à fidelibus, quod prælatè explicat S. Hilarius lib. 8. de Trinitate. *De veritate carnis*, & sanguinis, inquit, non relinquitur est ambigendi locus, nunc enim, & ipsius Domini professione, & fide nostra verè caro est, & verè sanguis est.

*Quartò*, Panis, quem spondet Christus, longè præstantior est manna; ait enim: *Hic est panis, qui de celo descendit*, non sicut manducaverunt Patres vestri manna, & mortui sunt, qui manducant hunc panem, vivunt æternam: sed si Eucharistia esset tantum figura corporis Christi, non debuisset præferre ipsam manna; nam manna fuit etiam figura Christi corporis, ut diximus suprâ: Et Patres, qui manducaverunt manna in deserto, in Christum crediderunt, ac subinde spiritali manducatione per fidem corpus ejus comederunt.

*Quintò*, præfata Redemptoris verba: *Caro mea verè est cibus, & sanguis meus verè est potus*, eam manducationem, & potionem significabant, quæ non solum Judæis litigio fuit, & scandalo; his enim auditis Judæi litigabant ad invicem, dicentes: *Quomodo potest hic nobis carnem suam dare ad manducandum?* sed etiam quibuldam Discipulis, qui dixerunt: *Durus est hic sermo, quis potest illum audire?* Sed illi revera intelligebant realem, & substantialem manducationem, & potionem; neque enim vel tenuissimam causam habuissent litigii, scandali, vel offensionis, si Christum de spiritali manducatione, vel de signo corporis sui instituendo locutum existimassent. Insuper Christus D. nullo negotio hoc scandalum sedare potuisset, ac removere unico verbo, declarando se loqui dumtaxat de manducatione figurali, & per fidem, sicut prius fecerat; nam, ut so-

daret eorum murmur, quòd dixerat: *Ego sum panis vivus, qui de celo descendi*, statim dixit, *qui credit in me, habet vitam æternam*; sed tantum abest, ut hac interpretatione removeat illam existimationem, quam ipsi habebant de futura reali manducatione sui corporis, & potione sui sanguinis, quòd utique eorum offensionem, & scandalum eliminaret, quin imò illam existimationem confirmat, subjungendo: *Amen, amen dico vobis, nisi manducaveritis carnem filii hominis, & biberitis ejus sanguinem, non habebitis vitam in vobis*: ut autem tanti mysterii fidem conciliaret; iterum subdit: *Hoc vos scandalizat: si ergo videritis Filium hominis ascendentem, ubi erat priùs*. Quali volens rem mirabilem alia æquè mirabili, nempe reali sui corporis in cælum ascensione confirmare: quis autem credat, Christum D. totum ad hominum salutem comparatum, qui verbo uno, & facili dictorum explicatione potuisset Discipulos, & Capharnaïtas ab errore liberare, eorum tamen intelligentiam, quantumvis rationi duram, ( & recipsa, si vera esset Calvinistarum sententia, falsam ) confirmare voluisse, subindeque erroris tenebras non repulisse, sed auxisse per tot attestaciones, & confirmaciones.

*His adde*, quòd illa Christi D. verba de vera Christi carne in cibum danda, & ore sumenda intellexit Concilium Ephesinum in approbatione epistolæ Cyrilli ad Nestorium; ubi S. Doctor ex eo Joannis loco carnem Christi esse verè, realiter, & substantialiter unitam Verbo divino confirmat, quia ab eo haurit, ut in Sacramento accedentes vivificent. *Constituamur*, inquit, *in eorum im Ecclesia sacrificium nos celebrare, atque ad mysticæ benedictionis accedere, eaque ratione sanctificari, utpote sanctæ carnis, & pretiosi sanguinis Christi omnium nostrum Salvatoris participes efficii*. Neque enim illam, ut carnem communem suscepimus, abstulit, & aus vultus tanquam viri cuiuspiam sanctificati, aus dignitatis tantum æqualitate Verbo consociati, aus divinam inhabitationem sortiti, sed tanquam verè vivificati, ipsius Verbi propriam. Nam cum vita sit, ut Deus secundum naturam, simul atque unum quoddam cum ipsa carne effectus est, mox vivificandi virtutem illi contulit. Quamvis ergo ad nos dicat, *Amen, amen dico vobis, nisi manducaveritis carnem filii hominis, nequaquam tamen illam communem, hoc est hominis cuiuspiam nostræ conditionis carnem existimare esse debemus*.

Quo-



Quomodo enim hominis caro secundum suam ipsius naturam vivifica esse queat? Sed verè illius propriam, qui nostri causa Filius hominis est factus, et appellatus est. Eodem modo locum illum de reali carnis Christi præsentia intelligit Conc. Nicænum II. Act. 2. Nullus, inquit, incrementum sacrificium nostrum dixit imaginem corporis ejus, sed audimus Evangelicè, dicente eo: Nisi manducaveritis carnem Filii hominis.

In eundem sensum locum illum SS. Patres interpretati sunt. Cyrillus enim Alexandrinus in Joannem, ad hæc verba: Qui manducat meam carnem, &c. Quomodo, inquit, si quis coram cetera conjunxerit, utique alteram in altera esse videbit, eodem quoque (opinor) modo, qui Salvatoris nostri carnem suscipit, et bibit pretiosum ejus sanguinem, ut ipse ait, unum quiddam cum eo reperitur, commixtus quodammodo, et immixtus ei per illam participationem, itaut in Christo quidem ille reperitur, et vicissim Christus in ipso.

Idipsum clarissimè docet S. Hilarius lib. 8 de Trinit. ubi ex verbis illis probat Patrem, & Filium unum esse, non solum affectu, & consensu, sed etiam natura, quia Christus nobiscum in Eucharistia non solum charitate, & fide, sed verè etiam, & realiter unitur: Eos nunc, inquit, qui inter Patrem, et Filium ingerunt voluntatis unitatem, interrogo, utrumne per naturam unitatem bodie Christus in nobis sit, an per concordiam voluntatis? Si enim verè Verbum caro factum est, et nos verè Verbum carnem cibo Domini co sumimus, quomodo non naturaliter manere in nobis existimandus est, qui et naturam carnis nostræ iam inseparabilem sibi natus homo assumptus? Et post plura in hanc rem peropportuna, sic habet: Quæ scripta sunt, legamus, et quæ legimus, intelligamus, et tunc perfecta fidei officio fungemur. De naturali enim in nobis Christi unitate, quæ discimus, nisi ab eo discimus, stultè, atque impie discimus. Ipse enim ait: Caro mea verè est cibus, de veritate carnis, et sanguinis non relictus est ambigendi locus. Eodem modo præstatam Christi D. promissionem interpretantur Irenæus lib. 4. c. 34. Origenes homil. 16. in lib. Num. Cyrillus lib. de orat. Dominica. Ambrosius lib. 4. de Sacramentis, & omnes alii Patres infatigabiliter laudandi.

Insani hæretici, Christus D. luculenter aperuit, ac declaravit, se dumtaxat loqui de manducatione spirituali, quæ fiat per fi-

dem, nam, ut corrigeret murmur Judæorum, & offensionem Discipulorum, qui illius verba de promissa manducatione suæ carnis, & portione sui sanguinis agrè & acerbè audierant, subjunxit: Spiritus, et vita sunt, id est, verba, quibus promitto vobis carnem meam in cibum, & sanguinem meum in potum, spiritualiter intelligenda sunt, neque de manducatione corporali, quæ fiat per os corporis, sed de spirituali, quæ fiat per fidem, sunt accipienda, unde statim subijcit: Sed sunt quidam ex vobis, qui non credunt: igitur præfata Christi promissio, non infert illius realem præsentiam in Eucharistia.

Nego consequentiam, & ad antecedens dico, Judæos, & Discipulos offensos ex verbis Christi duo in illis apprehendisse, nempe realem carnis Christi præsentiam, & carnalem illius comedendi modum, quo caro in frustra dividitur, dentibus premitur, in stomachum trajicitur, & concoquitur, ac multiplici facta mutatione, convertitur in substantiam comedentis; Præter apprehensionem, & intelligentiam non correxit; imò confirmavit Christus D. ut supra diximus: Posteriores verò emendavit, docendo modum, quo caro ejus esset comedenda, & sanguis potandus, nimirum realiter quidem, non tamen in propria specie carnis, & sanguinis, ut exillimabant Judæi Capharnaïcæ, ac Discipuli offensi, sed in aliena, ac propterea dixit. Caro non prodest quidquam, si videlicet carnaliter, ac more carnis animalium manducetur, & deglutitur: sed verba, quæ locutus sum vobis, spiritus, et vita sunt, continentem in spirituale hunc vivificum, & reconditum sensum, quod caro Filii hominis manducanda vobis erit, sumendo eam sub aliena quidem specie, sed tamen credendo sub hujusmodi specierum involvitur corpus, & sanguinem Christitrealiter delitescere. Ita præfata Christi D. verba interpretatur S. Augustinus tract. 27. in Joannem: Non prodest quidquam, inquit, sed quomodo illi intellexerunt, quomodo in cadavere dilaniatur, aut in macello venditur, non quomodo spiritu vegetatur, proinde sic dictum est: Caro non prodest quidquam: quomodo dictum est, Scientia inflat? Jam ergo debemus odisse scientiam, si sui sola, et sine charitate, et ideo adjungit: Charitas verò edificat, adde ergo et scientia charitatem, et utilis erit scientia, non per se, sed per charitatem. Sic etiam nunc caro non prodest quidquam:

acc-

accedat spiritus ad carnem, quomodo accedit charitas ad scientiam, & prodest plurimum: nam si caro nihil prodesset, Verbum caro non foret, ut habitaret in nobis. Et paulo post subiicit. Sic ut illi intellexerunt carnem, non sic ego ad manducandum carnem meam, hoc est, denticibus mandendam, & commolliendam, quia sic comesta nihil prodesset, sed horrorem potius ingeneraret.

Insunt: Ipsemet S. Augustinus lib. 3. de doctrina Christiana ca. 16. tradendo regulam, qua locutiones figuratæ in Scripturis discernantur à genuinis, & litteralibus, scribit. Si præceptum locutio est, aut flagitium, aut facinus vetans, aut utilitatem, aut beneficentiam iubens, non est figurata, si autem flagitium, aut facinus videtur iubere, aut utilitatem, ac beneficentiam vetare, figurata est. Quod ut probet, profert in exemplum hæc Christi D. verba: Nisi manducaveritis carnem Filii hominis, & sanguinem biberitis, non habebitis vitam in vobis, facinus, vel flagitium videtur iubere: figura est ergo, præcipiens Passioni Domini esse communicandum, & suaviter, aque utiliter recolendum, quod pro nobis caro ejus crucifixa, & vulnerata sit; igitur ex mente S. Augustini Christi D. Joan. 6. promittens suam carnem in cibum, non intelligit carnem ipsam suam realiter, & substantialiter, sed solum in figura donandum.

Nego consequentiam. S. enim Augustinus ibi tantum ait, Eucharistiam esse quidem figuram crucifixionis Christi, cui præcipitur communicare, non verò dicit esse figuram corporis Christi. Unde non negat in Eucharistia contineri verum corpus, & sanguinem Christi, quasi hæc esset dumtaxat corporis, & sanguinis figura, sed solum, quod figurata sint illa verba Christi D. secundum existimationem, qua quis cogitaret carnem Christi visibili, & cruento modo esse comedendam, ex eo quod Christus præcipiat, ut sumendo Eucharistiam recolatur memoria ejus Passionis; si enim modo cruento præcipiatur manducanda Eucharistia, sicut modo cruento fuit Christi corpus crucifixum, hoc esset flagitium, cum autem flagitium non sit carnem Christi incruento, invisibili, & spiritali modo, realiter tamen porrectam comedere, ita respectu illius existimationis Christi verba non sunt figurata.

Quod autem hæc sit genuina mens S. Augustini, aperte colligitur ex c. 10. ubi inquiritur

quomodo distinguenda sit figurata locutio à propria, Demonstrandus est, inquit, modus inveniendo locutionis propria ne an figurata sit, iste omnino modus est, ut quicquid sermone divino, neque ad morum bonitatem, neque ad fidei veritatem propriè referri potest, figuratum esse cognoscat. Morum bonitas ad diligendum Deum, & proximum: fidei veritas ad cognoscendum Deum, & proximum pertinet. Cum autem distribuisset peccata in flagitia, & facinora; Quod agit, inquit, indomita cupiditas, ad corrumpendum animum, & corpus suum, flagitium vocatur, quod autem agit, ut alteri noceat, facinus dicitur, & hæc sunt duo genera omnium peccatorum. Post pauca subdit. Quæ autem quasi flagitiosa imperiis videntur, sive tantum dicta, sive etiam facta sint, vel ex Dei persona, vel ex hominum, quorum nobis sanctitas commendatur, tota figurata sunt. In cujus veritatis exemplum profert unctionem pedum Christi D. à Magdalena, quæ in aliis vulgi hominibus luxui deputaretur, in Magdalena verò magnæ cupiditatis relictum est, quod etiam declaravit Christus D. nam, cum de hujusmodi unguenti effusione murmuraret Judas Iscariotes, & diceret; Quare hoc unguentum non veniis 300. denariis, & datum est egenis? respondit Jesus, Matth. 26. Quid molesti estis huic mulieri? opus enim bonum operata est in me, nam semper pauperes habebitis vobiscum, me autem non semper habebitis, mittens enim hæc unguentum hoc in corpus meum, ad sepeliendum me fecit. Subjicit etiam in hujus figuratæ locutionis confirmationem S. Augustinus conjunctionem Osææ Prophetæ cum meretrice, Deo iubente, initam, similis enim conjunctio in perditis hominibus est flagitiosa, in Osæa verò grandis mysterii fuit figura.

Porro hujusmodi figuræ rei veritatem non excludunt; nam, ut testatur S. Augustinus epist. 119. ca. 8. Sabbatum Judeis præceptum est in otio corporaliter celebrandum, ut esset figura spiritualis quietis in æterna beatitudine consequendæ: atamen præceptum illud ad otium corporale Judæos etiam obstringebat. Sic pariter ex eodem S. August. lib. contra mendacium c. 13. Quando Christus interrogavit de Lazaro mortuo, & sepulto: Ubi posuisti eum? & quando apprensus Discipulis euntribus in Castellum Emmaus, finxit se longius ire, constat quia verè interrogavit, & verè finxit se longius ire, igitur illa verba Christi Joan. 6. non eodem

fu figurativa sunt, quodd non significant id, quod expriment, nempe corpus, & sanguinem Christi, sed quia aliud minimè expressum figurant, videlicet modum spirituales, & incruentum, quo caro Christi manducari debeat, & sanguis ejus potari.

## §. I I.

*Probatur eadem veritas ex verbis Christi D. influentis Eucharistiam.*

**T**Am aperta sunt, tamque perspicua Christi D. Eucharistiam instituentis oracula, quibus contestatur, se verum suum corpus, verumque sanguinem sui Discipulis tradere, ut in meridie quærat tenebras quisquis illa verba ad tropologicas locutiones, & figurales interpretationes nititur detorquere; ait enim *Matth. 26. Marci 14. & Luca 22.* tradendo corpus suum sub specie panis: *Accipite, & manducate, Hoc est corpus meum, quod pro vobis tradetur, &c.* & porrigendo sanguinem sub specie vini: *Bibite ex hoc omnes, Hic est sanguis meus, qui pro vobis, & pro multis effundetur in remissionem peccatorum. Quæ utique verba, inquit Concilium Trident. sess. 13. cap. 1. cum propriam illam, & apertissimam significationem præferant, secundum quam à Patribus intellecta sunt, indignissimum sacro flagitium est, ea à quibusdam contentiosis, & pravis hominibus ad falsitatem, & imaginarios propos, quibus veritas carnis, & sanguinis Christi negatur, contra universum Ecclesiam sensum detorqueri, quæ tamquam columna, & firmamentum veritatis hac ab impiis hominibus excogitata commenta, velut satanica, detestata est; grato semper, & memor animo præstantissimum hoc Christi beneficium agnoscens. Hucusque Concilium.*

Porrò ex his Christi D. verbis elici potest hæc Theologica demonstratio. Illud est verè, realiter, ac substantialiter in Sacramento, quod demonstratur per ista pronomina, *hic, & hoc, & quod intelligitur per ista nomina, corpus, & sanguis*; siquidem hæc pronomina sunt demonstrativa, ac subinde modus ille loquendi significat rem, de qua Christus loquitur, reverà esse præsentem, sed per ista pronomina, *hic, & hoc, & per ista nomina, corpus, & sanguis*, intelliguntur, ac demonstrantur verum, & reale corpus, verusque sanguis Christi: igitur illa in Eucharistia verè sunt, ac realiter

præsentia. Probatur minor: Ea verba significant illud corpus, de quo Christus D. ibidem dixit: *Quod pro vobis tradetur, quod pro vobis frangitur, quod pro vobis datur*. Similiter de eo sanguine, de quo pariter dixit: *Quod pro vobis, & pro multis effundetur in remissionem peccatorum*; acqui non figurata, & imago, sed verum, reale, ac substantiale corpus Christi pro nobis traditum, fractum, & datum est. Item verus Christi sanguis pro multis effusus est in remissionem peccatorum: igitur corpus, & sanguis, de quibus Christus loquebatur, & quæ tradebat Apostolis, reverà erant ejus reale, ac substantiale corpus, & sanguis.

*Confirmatur primò ex circumstantiis rei, quam tunc Christus instituebat; siquidem primò tradebat dogma fidei, Eucharistia enim dicitur mysterium fidei.* 2. Sacramentum instituebat, 3. Discipulis præceptum dabat, dixit enim *hoc facite in meam commemorationem*, 4. novum Testamentum concedebat: sed *fidei dogma* non patitur tropologicas locutiones, & amphibologicas, ac obscuriora verba: dogmata siquidem fidei concipi debent verbis conceptis secundum suam propriam significationem, non autem in significatione figurata, quæ, cum varias patiatur explanationes, & unus uno, alius altero sensu illam interpreteret, haud dubie foret erandi occasio. Similiter *Sacramenti institutio* exigit verba non figurata, sed perspicua, & distincta, ne scilicet occasio prebeat circa hujusmodi Sacramenti materiam, formam, & ministerium, erandi. *Præceptum* pariter clarè cognosci, & perspicuè sciri debet à subditis; aliàs ambiguitas, & obscuritas foret occasio transgressionis: siquidem de sensu illius præcepti homines invicem non convenirent: Quomodo ergo hoc præceptum (quod Christus Eucharistiam instituendo præscribit Apostolis, & Ecclesie usque ad consummationem sæculi servandum) executioni demandari potuisset, si obscurioribus verbis fuisset expressum?

*Denique* ut dictum est, Christus D. Eucharistiam instituendo Testamentum suum concedebat: siquidem *Luca 22. & 1. Cor. 12.* legimus: *Hic calix novum Testamentum est in sanguine meo*. Unde SS. Patres Eucharistiam *hereditarium munus novi Testamenti* appellant: sed Testamenta à viris, & sapientibus nonnisi verbis propriis & perspicuis, non autem tropologicis & metaphoricis condi-

solent; rifu enim & cachinno exciperetur testator, qui amico sui corporis imaginem ac tabellam delegans, in Testamento scriberet: Do tali corpus meum. Unde in lege non aliter ff. de legatis statuitur, ut in significatione verborum alicujus Testamenti non liceat ab eorum proprietate recedere, nisi ubi manifestum est Testatorem aliter sensisse: igitur præfata verba: *Hoc est corpus meum*, & *Hic est sanguis meus*, quibus Christus Eucharistiæ Sacramentum instituit, & suum Testamentum condidit, non debent in sensu figurali, aut metaphorico intelligi. Hinc Tertullianus lib. 4. contra Marcionem c. 40. scribit: *In calicis mentione Christus Testamentum constituens sanguine suo obfignatum, substantiam corporis confirmavit.*

Confirmatur secundò ex circumstantia personatum, quas alloquebatur; siquidem hæc verba direxit ad Apostolos, quibus privatim, ut amicis amicis, Magister Discipulis familiari colloquio absque ambagibus, distinctè mysteria pandebat; unde & dicebat Lucæ 8. *Vobis datum est nosse mysterium regni Dei, cæteris autem in parabolis.* Et Joan. 15. *Jam non dicam vos servos, sed amicos, quia quaecumque audivi à Patre meo, nota feci vobis.* Propter quod cap. 16. dicebant ei Discipuli. *Nunc palam loqueris, & proverbium nullum dicis.* Adde, quòd, ubi Apostoli non intelligebant figuratum sermonem, interrogabant Dominum, ut patet Matth. 15. *Edissere nobis parabolam istam.* Et tamen quantum ad præsens mysterium, nullus eum interrogat; quod utique indicium est, eos hæc verba secundum naturalem, non autem figurativum sensum accepisse: igitur non est verisimile in ultimis illis amoris indicibus, & omnigenæ charitatis significationibus solito eos orbasse privilegio, qui desiderio desiderabat hoc Pascha manducare cum Discipulis, extrema ut benevolentie argumenta, ultimumque sinceræ amicitie conatum demonstraret, atque omnes tenevitudoines notas fuisse sermonem non tam daret, quam profunderet. Forè, ut verbis Hilarii lib. 8. de Trinitate, utar, qui *Verbum est, & qui veritas est, in ea fuit infirmitate, ne posset eloqui, quæ vellet intelligi?* Nulla ergo tum figura usus est, cum illud implendum erat, quod Joan. 16. sponderat: *Venit hora, cum jam non in Proverbiis loquar vobiscum.* His adde, quòd, ubi aliquis Evangelista oracula Christi verbis obscurioribus expresserit, alter

quasi subsidiariam opem conferens, ejusmodi verba clariùs enarrat. Sic cum Mattheus Joannem Baptistam à Christo Domino nuncupatum Eliam scripsisset, quo sensu ita sit appellatus S. Lucas indicat, scribens, *Venit Joannes in virtute, & spiritu Eliæ.* Et vicissim, quia S. Lucas scribit ejectionem fuisse demonium in digito Dei, quis sit ille Dei digitus, exponit S. Mattheus, scribens esse spiritum Dei. Sic, quia Joseph non semel Christi Pater sine additamento vocatur, ne falleremur ambiguitate dictionis, existimantes ipsum genuisse Christum; S. Lucas addit, *ut putabatur.* Sic quia S. Mattheus, & Marcus scripserant, Christum accusatum, quòd dixisset: *Solve templum hoc, & in triduo reedificabo illud*, ne quis existimaret, hoc dictum fuisse de templo Hierosolymitano, sicut perperam id acceperant falsitèsses, subdidit S. Joannes, hoc fuisse dictum à Christo de templo corporis sui. Nec tamen cum sermonem faciunt de institutione Eucharistiæ, eorum aliquis verba institutionis ab aliis scripta interpretatus est, utendo verbo *significas*, vel nomine *figura*, vel significandum, unanimi consensu referunt Christum dixisse, *Hoc est corpus meum*: igitur argumentum est verba illa non figurativè, sed literaliter esse accipienda.

Reponunt aliqui heretici primò, illa verba, *Hoc est corpus meum*, & *Hic est sanguis meus*, hunc facere sensum, hic sedet corpus meum, & est sanguis meus: vel hic panis est corpus meum, id est à me creatum.

Verùm hæc expositio ridenda magis, quam impugnanda videtur: quis enim seipsum oculis præsentem, & in conspectu eorum, quos alloquitur, digito videndum commonstret? Adde quòd Christus non dixit, *hic*, quod est adverbium, sed hoc quod est pronomen, ac subinde ridicula est omnino illa expositio; idcirco

Reponunt Alii ex illis verbis solùm colligi in Eucharistia esse figuram, & imaginem corporis Christi; quod utique probant primò, quia illud tantum in Eucharistia invenitur, quod Christus D. præ manibus accepit, benedixit, fregit, deditque Discipulis: at Christus non proprium corpus, sed panem accepit, benedixit, fregit, deditque Discipulis suis: suum autem corpus figuratè dumtaxat accepit, & fregit. Secundò, si hæc propositio demonstrativa, *Hoc est corpus meum*, non esset figurata, significaret illud, quòd

quod Christus demonstrabat, nempe panem, & ipsius accidentia esse corpus suum: sed hoc dici non potest: fieri enim nequit, ut panis sit proprium, & naturale corpus Christi; una enim substantia non potest predicari de alia specie differente: igitur, &c. Tercio, quia particula, *est*, in utraque forma idem denotat, ac *significat*, ut colligitur ex variis Scripturæ textibus: sic Genes. 14. *septem spica plena; septem anni ubertatis sunt.* sic Exodi 12. *Agnus Paschalis vocatus pascha, est enim pascha, id est, transitus Domini*, quasi diceret, significat pascha, hoc est, transitum Domini. Sic pariter Lucæ 8. dicitur: *Semen est verbum Dei*, id est, significat verbum Dei. Et 1. Cor. 10. *Petra autem erat Christus*, id est, significabat Christum: igitur eodem modo cum Christus ait; *Hoc est corpus meum*, idem denotare voluit, ac hoc significat corpus meum. Quarto, verba consecrationis calicis non possunt, nisi figuratè accipi, sic enim refert S. Lucas: *Hic est calix novum Testamentum in meo sanguine, qui pro vobis effundetur.* Quæ verba non nisi figuratè possunt accipi; calix enim sanguis non est, nisi figuratè, Testamentum, seu signum pacti, & initi fœderis Dei cum hominibus. Dumque aperte facis Christus indicat, se dumtaxat figuratè loqui, cum post illa verba, subdit Lucæ 22. *Hoc facite in meam commemorationem*, sc. memoriam: memoria autem non est de præsentibus, sed de præteritis: igitur cum imperaret Apostolis, ut Eucharistiam celebrarent, non intendebat, quod eam accipiendo exultarent se reverà accipere corpus, quod esset præsens, sed tantum quod recolere memoriam illius, qui hæc instituerat: igitur corpus, & sanguis Christi sunt tantum figuratè in Eucharistia.

Nego consequentiam, & generatim dico, quod, si ita liceret Scripturæ verba in metaphorico sensum detorquere, mutaret omnino veritas omnium proflus mysteriorum fidei, maxime Trinitatis, & Incarnationis; iidem enim argumentis veteres, & novi Ariani celebant figuratè esse accipiendâ illa verba Joan. 1. *In principio Deus erat verbum, & verbum erat apud Deum, & Deus erat Verbum, & Verbum caro factum est.* Hæc enim non ad Verbum divinum, & substantialem, sed ad verbum Evangelicum, & accidentale spectare volunt dogmatistæ, ut notavimus in priori volumine pag. Similiter ubi Christus dixit: *Ego, & Pater*

*unum sumus*; & Joannes testatur in 1. epist. cap. 5. *Tres sunt qui testimonium dant in celo, Pater, Verbum, & Spiritus sanctus, & tres unum sunt*; figuratè dicta asserere poterant Ariani, ita quod illa unitas non esset naturæ, sed concordie, & affectus; quemadmodum Act. 4. dicitur, *Multi tudinis credentium erat con unum, & anima una*: ad cujus utique hæreticæ cavillationis, & falsæ interpretationis confirmationem multo opportunior videbatur Scripturarum oracula, quam sint ea, quibus abutuntur Calvinistæ ad eludendam veritatem illorum verborum: *Hoc est corpus meum*; siquidem implemet Christus significare videtur se non aliam, quam affectus, & concordie habere cum æterni Patre unitatem; ait enim Joan. 17. *Patrem alloquens de Discipulis, & Fideiibus: Non pro eis autem rogo tantum, sed & pro eis, qui credituri sunt per verbum eorum in me; ut omnes unum sint, sicut tu Pater in me, & ego in te, ut & ipsi in nobis unum sint.* Ego claritatem, quam dedisti mihi, dedi eis, ut sint unum, sicut & nos unum sumus. Similiter S. Joannes idem innuere videtur; nam ita eum subdit: *Et tres sunt, qui testimonium dant in terra, Spiritus, aqua, & sanguis & tres unum sunt.* Porro hæc tria non sunt unum unitate naturæ, sed dumtaxat significationis, & mysterii; ac subinde illa verba non sunt magis perspicua ad adstruendam fidem Incarnationis, & Trinitatis, quam ista, *Hoc est corpus meum*, ad designandam realem Christi corporis in Eucharistia præsentiam: igitur si hæc non sint accipiendâ secundum propriam significationem, nec illa. Ut autem omnis cavillandi ratio hæreticis eripatur, placet ad singula eorum momenta respondere.

Respondet itaque ad primum, distinguendo majorem: Illud tantum est in Eucharistia, quod Christus accepit, dedique Discipulis post factam consecrationem, concedo: Illud tantum est in Eucharistia, quod accepit, & quale erat, antequam proferret verba consecratoria; *Hoc est corpus meum*, nego. Neque hanc distinctionem rejicere possunt Calvinistæ; ultro enim nobiscum fatentur, quod, quando Christus accepit panem, antequam proferret verba: *Hoc est corpus meum*, non dum erat Sacramentum, sed tantum panis utilis. Itaque quemadmodum ille fatentur, panem à Christo acceptum habuisse: dumtaxat vim, & rationem Sacramenti post prolata illa verba, ita nos ultro

noncedimus panem à Christo acceptum non fuisse corpus Christi eodem instanti, quo Christus D. illum accepit, sed dumtaxat in ultimo instanti, quo peracta est consecratio.

Ad id autem, quod adjiciunt heretici, corpus Christi non frangi, optimè dicitur Contentio, illud posse dici frangi in vero sensu, & non figurato: *Primo*, quia reverà distribuitur multis per fractionem specierum; sicut enim substantia verè, & non figuratè dicitur visibilis ratione coloris, quo obducitur; ita corpus Christi factis speciebus distributum verè dicitur frangi. *Secundò*, dicitur corpus Christi frangi, idest, immolari; ex vi enim verborum corpus Christi in sacrificio Eucharistiae à sanguine separatur, & Deo immolatur, ut alibi dicemus; Et quia poterat esse difficultas in hac voce *frangitur*, quam habet textus Apostoli 1. Cor. 11. idè in Evangelio habetur, *quod pro vobis traditur, vel tradetur*. Dedit autem Christus corpus, quod traditur in sacrificio Altaris, vel tradetur in sacrificio crucis.

Denique quamvis Christus non confractus, non divisus, sed integer in Eucharistia accipitur à singulis, *frangi* tamen quadamtenus dici verè potest, quatenus, cum sit totus sub qualibet specierum particula, & continuam habeat sub illis præsentiam, dissoluta per fractionem specierum continuatione, Christus prout sub una parte à seipso ut sub alia parte existit, se jungi intelligitur, fractione non sub partes, sed sub totum Christum cadente. Unde semper verum est, quòd nulla rei sit scissura, sed signi tantum fit fractura, qua nec status, nec statuta signati minuitur.

Ad secundum dicit Doctor in 4. dist. 8. num. 26. quòd *ly hoc, demonstrat singulare ens, non panem, nec accidentia*. Cui concordat S. Thomas q. 78. art. 5. ubi docet, quòd verba illa demonstrant substantiam absque determinatione, non quòd significant substantiam in communi, seu genericè, vel specificè consideratam esse corpus Christi, sed sensus est, quòd hoc ens, seu illa substantia, quæ priuserat panis, peracta consecratione, sit corpus Christi; unde *ly hoc* eo instanti, quo pronuntiatur, demonstrat aliquid, quòd videtur esse commune substantiæ panis, & corpori Christi, quæ sibi invicem in Eucharistia succedunt, ita quòd initio prolationis connotat substantiam panis, in fine verò substantiam corporis Christi.

Ad tertium dico, quòd etsi particula *est*, interdum figuratè accipitur in Scriptura, non tamen ita semper est accipienda; alioqui nulla priorum esset distincta mysteriorum notitia, si quidquid per verbum *sum, es, est*, affirmatur, liceret ad sensum tropologicum detorquere: nulla autem apparet ratio, cur particula, *est*, hic figuratè accipitur; siquidem, ut docet S. Augustinus, verba Scripturæ in proprio semper sensu sunt accipienda, nisi evidenter appareat latens aliquis tropus, qualis utique hic non apparet, siquidem ubi de Sacramentis agitur, verba secundum naturalem significationem sunt accipienda.

Ad exempla autem adducta ab hæreticis, dico, illa huic assertioni non officere, nonnulla enim, ut *spica sunt septem anni, & semen est verbum Dei*, aperte tropologicum sensum tedolent, ac proinde de eis non est difficultas. Ad *Agnum Paschalem dico, ly est*, in proprio sensu accipi: Agnus quippe Paschalis reverà erat victima à Deo instituta in memoriam præservationis primogenitorum Israël à vastatione Angeli interficientis omnia primogenia Aegyptiorum; familiare autem est Scripturæ, ut quando de sacrificio, vel victima loquitur, nomen sacrificii, aut victimæ retineat, solumque explicetur nomen illius, propter quod sacrificium offertur, & victima, quæ immolatur. Hoc sensu Sacerdotes dicuntur *comedere peccata populi*, idest, oblationes factas à populo pro assequenda remissione peccatorum: Sic pariter 2. Christus dicitur *pro nobis factus peccatum*, idest sacrificium, & hostia pro peccato. Itaque Agnus Paschalis propriè dicitur *phase*, idest victima phase, licet enim eum ibidem appellat Moyses, dicens, *Victima transitus Domini est*. Addequòd nomen *phase* non soli agno, sed & toti catemone tribuatur, ut patet ex versu 25. ubi narratis omnibus servandis in immolatione Agni Paschalis, dicit Moyses, *Cum introieritis terram, quam Dominus daturus est vobis, ut pollicitus est, observabitis caeremonias istas; & cum dixerint vobis filii vestri: Quæ est ista religio? dicetis eis, Victima transitus Domini est, quando transiit super domos filiorum Israël in Aegypto, percutiens Aegyptios, & domos nostras liberans*. Unde hæc vocabula, *transitus Domini*, non solum in agnum qui immolabatur, sed & in omnem cætemoniam, quæ offerebatur, cadunt, ac subinde illa vocabula, quæ significant hanc religionem,

mem, non sunt figurativa, sed in proprio, & naturali sensu accipienda.

Quantum autem ad alia momenta, apparet evidenter, vocabulum *est*, figuratè accipi, quod maxime constat de verbis Apostoli; aperte enim ibidem declarat se dumtaxat figuratè loqui: Tum, quia ibi ait: *Omnia in figuris contempnabant illis*: Tum, quia ibi petram, de qua loquitur, appellat spiritualem: *Babebant*, inquit, *de spirituali consequente eos petra; petra autem erat Christus*. Quibus significat se simul figuras proponere, & explicare, ænigmata exhibere, & simul eorum sensum detegere. Adde, quòd licet vocabulum *est*, his in locis sumeretur tropologicè, inde non est consequens, quod perpetuò, & in omnibus locis ita debeat accipi; maxime autem in verbis institutionis Sacramentorum, quæ debent esse perspicua, & citra omnem obscuritatem.

Ad quartum dico, quòd, etsi in illis verbis; *Hæc est calix sanguinis mei*; sit aliquis, quia videlicet continens sumitur pro contento; attamen hic tropus faciliè per se patet, & ultro se ingerit intelligendum secundum vulgarem modum loquendi, quo quis dicitur bibere poculum vini, idest, vinum in vase contentum. Adde quòd, etsi hæc præstiterint quandam obscuritatem, per se nullo negotio intelligerentur ex verbis Matthæi, & Marci, qui distinctè, & clare referunt, Christum dixisse, porrigendo calicem: *Hæc est sanguis meus*.

Ad id autem, quod objicitur sanguinem Christi dici novum Testamentum tantum tropologicè; respondeo, id esse falsum: Testamentum enim, sive fædus ibi propriè sumitur; siquidem duo significat, pactiōnem videlicet, & victimam, cujus oblatione fædus seu pactum sancitur, quæque est causa instrumentalis hujus sanciendi. Hinc apud sacros, & profanos Auctores dicitur fædus ferri, machari, dividi in partes, &c. Unde retorqueo argumentum: Christus illud dedit bibendum in Eucharistia, quotaquam victima novum Testamentum sancitum est: atque hoc non est aliud a vero, & substantiali sanguine Christi: sicut enim victimis, & sanguine animalium verus Testamentum sancitum fuit, ita novum vero Christi sanguine sanciri debuit. Dicit potest etiam cum Card. Perronio lib. 1. de Eucharistia cap. 26. quod phrasi usitata Hebrais sacrificium pro incundo fædæge vocatur fædus, sicut sacrificium pro peccato ex-

piando appellatur peccatum. Unde Osee 4. Sacerdotes dicuntur comedere peccata populi, idest, victimas pro peccatis populi eluendis oblatas: Unde, cum Christi D. sanguis in calice posuit sit victima pro peccatis nostris, merito juxta phrasim Scripturæ appellatur fædus, & novum Testamentum.

Ad ultimum denique dico: Eucharistiam non esse commemorationem Christi simpliciter, & præcisè, sed Christi patientis, & morientis, juxta illud 1. ad Cor. 11. Quotiescunque manducabitis panem hunc, & calicem biberitis, mortem Domini annuntiabitis, donec veniat: Porro Christus, sibi D. passio, & mors jam præterierunt; unde potest earum memoria fieri in Eucharistia, licet Christus ibi sit verè, & realiter: memoria enim alicujus rei non semper illius excludit realitatem, & præsentiam: sic manna repositum in Tabernaculo juxta præceptum Domini Exodi 14. in memoriam, quòd Deus pluerat Israelitis manna ad manducandum, erat simul tanæ beneficii realitas, & recordatio.

Adde, quòd, etiam si Eucharistia esset commemoratio ipsius Christi ut sic, & non tantum mortis ejus, posset tamen esse memoria rei simpliciter præsentis, dummodò sit absens secundum quid, videlicet secundum eam rationem, qua ejus memoria, & commemoratio datur: sicut ad rationem signi non requiritur, ut sit rei simpliciter, & absolute absens, sed tantum latentis nos; quare, cum Christus sit nobis sub aliqua ratione invisibilis in Eucharistia, quia delitescit sub speciebus; ideo totum Sacramentum posset nobis illum repræsentare, nostrumque intellectum in ejus præsentia notitiam perducere.

Concludendum ergo Calvinistis merito quadrare, id, quod ait S. Augustinus lib. 3. de Doctrina Christiana: *Si animum, inquit, occupaverit alicujus erroris opinio, quidquid asseruerit Scriptura, figuratum arbitrantur*; quia nimirum, addit S. Irenæus lib. 4. adversus hæreses cap. 85. *Coguntur hi tales semper typis typorum, & imagines imaginum adinvocare*; *Quia tanquam figere animum suum in uno, & vero Deo*. Sive, ut loquitur Fevardentius noster in Commentario cap. 12. lib. 2. *Vmbri, & metonymiis inbiantes, veri corporis Christi usu excidunt*; *Similes Aspi canis, qui panem quidem reliquit, in umbram autem ejus impetum fecit, & perdidit escam*. Ut eodem cap. 12. S. Irenæus

neusait : Hoc eodem apologo utitur S. Epiphanius contra Cerdonianos : *Contigit, inquit, his canis proverbium, qui umbra insentus non continuit; quod habebat in ore, & in aqua intuent, & majorem umbram aqua esse putant, quam cibum, quem in ore ferebat, aperio ore etiam eum, quem habebat, amisit. Sic, & hi, cum viam repeterint, & umbram assque velint in suspitione eorum obertam, non solum cibum, qui in ore ipsorum, ut ita dicam, erat ex Deo donatus, amiserunt, sed etiam perniciem sibi ipsi attraxerunt.*

**Urgens hæretici :** Id Christus in ultima cæna dedit Apostolis, quod ipse comedit; liquidem tunc cum Discipulis comedeat, & bibeat : sed ipse solum panem manducavit; nemo enim dixerit, quod corpus suum manducavimus; liquidem inanis profusus, ac inutilis fuisset ipsa manducatio, igitur solum panem Apostolis manducandum dedit.

**Dico minorem :** Nam plurimi è SS. Patribus, maxime S. Hieronymus in epist. 150. Chrysostomus hom. 83. docent, Christum fuisse convivam simul, & convivium, comedentem, & id quod comedeatur, quod utique non videtur absurdum : Nam, si S. Aug. in Pl. 33. docet, quod Christus suum corpus ferens, ac porrigens adumbratus fuisset per Davidem, qui 1. Reg. c. 21. arreptitium, & stultum se simulans, ferebatur manibus suis. *Manibus aliorum, inquit, potest portare bomo; manibus suis nemo portatur. Quomodo intelligatur in ipso David, secundum litteram non invenimus, in Christo autem invenimus : ferebatur enim Christus in manibus suis, quando commendans corpus suum, ait : Hoc est corpus meum; ferebatur enim illud corpus in manibus suis. Addit Concione 2<sup>a</sup> : Quomodo ferebatur in manibus suis? Quia cum commendaret ipsum corpus suum, & sanguinem suum, accepit in manus suas quod norunt fideles, & ipso se geritabas quomodo dum diceret : Hoc est corpus meum. Non videtur autem magis absurdum, & incredibile, quod Christus corpus suum comederit, quam quod corpus suum portaverit.*

Hæc autem sui ipsius manducatio non erat omnino inutilis; primò enim conveniens erat, ut ipse sacrificio suo incurtuo participaret. Secundò, decebat, ne Apostoli abhorrerent ab illa corporis, & sanguinis sumptione, ut ipse utrumque pariter sumeret. Tertiò, fructum aliquem spiritalem ex

inde suscipere posuit; non quidem gratiam sanctificantem, ejus uique plenitudinem habebat, sed celestem quandam consolationem, & spiritualem dulcedinem, ac suavitatem, quæ est aliter hujus Sacramenti effectus.

**Inflat hæretici :** Non aliter Apostoli Christi corpus, & sanguinem susceperunt, quam suscipere debeant fideles : at revera Christi D. corpus, & sanguinem fideles non erant suscepturi, liquidem ipsemet Christus testatur Jo. 12. Discipulis murmurantibus, quod pretium unguenti in caput ipsius à Magdalena effusus non esset potius servatum pauperibus erogandum. *Pauperes semper habebitis vobiscum, me autem non semper habebitis.* Similiter Jo. 16. protestatur dicens; *Exivi à Patre, & veni in mundum, utrum relinquo mundum, & vado ad Patrem.* Et Actuum 3. testatur S. Petrus, quod oportet calum (Christum D.) suscipere usque ad tempora resurrectionis omnium; hoc est, usque ad diem generalis hominum resurrectionis; igitur Christus post Ascensionem in celos est, non in terra, at si realiter, & substantialiter esset præsens in Eucharistia; adhuc remaneret in terra; ergo verè ac substantialiter non est in Eucharistia.

**Distinguo minorem,** esset in terra præsentia aspectabili, & humana, ac familiari: cum hominibus conversatione, negotio; Sacramentali, supernaturali, & miraculosa. concedo. Porro, illi textus, qui negant Christum adhuc esse in terra, loquuntur dumtaxat de priori præsentia, quod utique patet ex primo textu, pauperes enim ob oculum positos visibiliter cernimus : patet etiam ex secundo, subdit enim, & non videtis me, oculis videlicet corporis. Patet denique ex tertio : Christus enim ascendit in celum, ibique manet usque in diem judicii; visibilis nimirum modo quo homines tunc videbunt. *Filium hominis venientem in nubibus celi cum potestate magna, & majestate.* Hæc verò non efficiunt, quominus adhuc præsens sit in terra præsentia miraculosa, Sacramentali, & omnino supernaturali, juxta id, quod spondet Matth. ult. *Ecco ego vobiscum sum.* (in Sacramento Altaris ejus conficiendi habetis potestatem) usque ad consummationem sæculi. Porro non est, quod Calvinus irrideat hanc distinctionem de duplici Christi præsentia lib. 3. c. 17. n. 27. Enimvero ipsemet adorandus Salvator hanc duplicem sui præsentiam cum Apostolis haud obse-



re significat, dum ait Lucæ 24. *Hæc sunt verba, quæ locutus sum vobis, cum adhiberem vobiscum.* Verè namque cum illiserat dum hæc loqueretur, sed præsentia miraculosa, & supernaturali; antea verò erat cum eis præsentia ordinaria, & familiari.

## §. III.

*Probatur hæc eadem veritas ex Traditione Divina, & Apostolica.*

Hanc divinam Traditionem imprimis nobis ministrat Apostolus 1. Cor. 11. ubi dixerit ait: *Accepi à Domino, quod et tradidi vobis quoniam Dominus Jesus in qua nocte tradebatur, accepit panem, & gratias agens, fregit & dixit: Accipite, & manducate, hoc est corpus meum, quod pro vobis tradetur, hoc facite in meam commemorationem. Similiter & calicem postquam cœnavit dicens; Hic calix novum Testamentum est in meo sanguine, hoc facite, quotiescumque bibetis in meam commemorationem. Quotiescumque enim manducabitis panem hunc, & calicem bibetis, mortem Domini annuntiabitis donec veniat. Itaque quicumque manducaverit panem hunc, vel biberit calicem Domini indignè, reus erit corporis & sanguinis Domini: probet autem seipsum homo, & sic de pane illo edat, & de calice bibat; qui enim manducat, & bibit indignè, judicium sibi manducat & bibit non judicans corpus Domini.*

Quo utique divino oraculo Apostolus quatuor præclara nobis momenta subministrat ad rejiciendam, & frangendam hæreticorum perfidiam: Primò enim ait, hanc doctrinam se accepisse à Domino; quod utique asserere non possunt hæretici, quippe nullibi Christus D. dixit se tradidisse Discipulis imaginem, & figuram sui corporis, & sanguinis, quam ex dæmonis suggestu in Eucharistia comminiscuntur. Unde etiam Lutherus initio libri de abroganda Missa privata ingenuè fateatur, se omnes ratiunculas & argumenta singula, quibus divinum istud sacrificium, & Catholicam de eo doctrinam impugnat; à dæmone (cum quo familiariter ait se conversatum) audisse. Quapropter Petrus Faber clarissimus Jurisconsultus merito ei objicit, quòd aliter quàm Paulus loqui debeat, siquidem Apostolus ait, *Quod accepi à Domino, hoc tradidi vobis.* Lutherus verò dicere: *Quod accepi à diabolo, hoc tradidi vobis.*

*Fraßen Thol. Tom. XI.*

*Secundò*, Apostolus distindit, ac perspicue ait Dominum tradidisse Apostolis idem corpus, quod tradendum erat Judæis crucifigendum: at Christi corpus, quod crucifixum est, non erat dumtaxat larvatum, & imaginarium, sed verum, & naturale ac substantiale: igitur non dedit Apostolis in Eucharistia dumtaxat imaginem, & figuram sui corporis, & sanguinis:

*Tertio*, ut ait Apostolus, fieri posse, ut quo divinum hoc alimentum suscipiat indignè, ac sic iudicium sibi manducet, & bibat, ex quo sic licet argumentari: Eucharistia, quam Christus D. instituit, quamque Apostolus ab eo accepit, & fidelibus tradidit, suscipi potest indignè: sed Eucharistia à Calvinistis juxta eorum dogma nusquam indignè suscipi potest: igitur Eucharistia, quam ipsi tradunt, non est ea, quam Christus instituit, quamque Apostolus tradidit fidelibus. Major constat: Minorem probò: Quicumque panem illum celestem manducat, vel fidem habet, vel fide caret, si fidem habet, dignè suscipit, quantumvis plurimis sceleribus, & peccatis sit inquinatus, siquidem docent Calvinistæ homines justificari per fidem. Ita namque contestatur Calvinus lib. 3. instit. c. 11. ubi colligens ea, quæ prius de fide justificante docuerat: scribit: *Summa, inquit, hæc fuit, Christum nobis Dei benignitate datum fide à nobis apprehendi, ac possideri; cujus participatione duplicem potissimam gratiam recipiamus, nempe, ut ejus innocentia Deo reconciliati, jam propitium habeamus in cælis Patrem, deinde, ut ejus spiritu sanctificati innocentiam, puritatemque vite meditemur.* Et paulò infra: *Justificationis ratio levis idcirco attenta est, quoniam ad rem pertinebat intelligere primum, & quam otiosa non sit à bonis operibus fides, qua sola gratuita justitiam Dei misericordia obtinemus.* Si fide caret, cum ad Eucharistiam accedit, Christi corpus, & sanguinem nullatenus suscipit, quia secundum doctrinam, & professionem Calvinistarum, sola fide, seu, ut loquuntur, ore fidei suscipi potest: igitur Eucharistia, quam suscipiunt Calvinistæ, non ea est, quam Christus instituit, & Apostolus ab eo accepit, atque fidelibus tradidit.

*Quartò* denique, Apostolus panem hunc & calicem indignè usurpantes, reos esse corporis, & sanguinis Domini, & iudicium sibi manducare, ac bibere, asserit: *Quia, inquit, non judicant corpus Domini: sed, si in pane Eucharistico, nihil nisi figura Domini*

nici corporis haberetur, proscitō non idcirco peccaret comedens, quod non discerneret, diiudicaretque corpus Domini, hoc est, non statueret discrimen inter corpus Domini, & cibum usuale; sed corpus illud non secus, ac panem communem absque ulla conscientie disquisitione, & probatione manducaret; imò potius iudicare deberet, ibi non esse corpus Domini: igitur in Eucharistia Apostolus reverà censet esse realiter ac substantialiter Christi D. corpus.

*Reponunt hæretici:* Apostolum ibidem Eucharistiam appellare panem, etiam post prolata verba consecrationis, *Qui manducat, inquit, panem hunc:* igitur reverà censet in Eucharistia non esse realiter corpus Christi, sed dumtaxat sacramentaliter, hoc est, in pane tanquam in signo, & imagine.

*Verum nego consequentiam.* Idcirco enim Apostolus Eucharistiam appellat panem: *Primo*, quia per consecrationem fit conversio panis in corpus Christi: Scriptura autem solet cum terminum, qui per conversionem existit, appellare nomine termini, seu rei, ex qua facta est conversio. Sic *Genes. 2.* Eva vocatur os, quia ex osse per conversionem facta erat. Et *Exodi 7.* serpens factus ex conversione virgæ Moysis, vocatur virga. Item *Joan. 1.* vinum factum ex conversione aque vocatur aqua. *Secundò*, quia Eucharistia retinet similitudinem, & accidentia panis, & vini, vocari potest panis, & vinum, ut in Scriptura *Gen. 18.* & *Abuum 1.* Angeli, qui habebant exterius speciem hominis vocantur viri. *Tertiò* cibum in Scriptura vocatur panis; unde cum caro Christi in Eucharistia sit verus animæ cibus, ipso attestante *Joan. 6.* *Caro mea verè est cibus;* non mirum, quòd illa interdum nomine panis designetur, sicut & sanguis nomine vini. Per quòd explicatur etiam locus S. Marci, maxime quia verè species vini, sub quibus continebatur sanguis Christi, erant ex vitis gemine.

*Probat eadem Traditio Apostolica ex Liturgiis, & Actis,* quæ feruntur nomine Apostolorum: *Primo* namque in Liturgia S. Jacobi fratris Domini hæc habentur: *Suscipiamus humanam, ac mortalem carnem, stetitque cum metu, & tremore, ac nihil terrestris apud seipsum cogitet: Rex enim regnantium, Dominus Dominantium, Christus Deus noster progreditur, ut imuletur, ac detur incibus fidelibus, ipsum autem antecedunt Angelorum*

*chori cum omni imperio, & potentia.* Ibi etiam oblatio appellatur *venerandum, & incrementum sacrificium.* Dicitur etiam, quòd *Christus in partes distributus, at non divisus, & fidelibus imperitus in ore fidelium est.* Idem etiam constat ex Liturgia S. Marci, quæ opera Cardinalis Sirleti in lucem prodit. Idem pariter docetur ex Liturgia S. Petri, in cujus exordio Sacerdos orat, ut panis, & vinum fiant corpus, & sanguis Christi. Idem denique habet Missa Æthiopum, quam à S. Matthæo volunt esse traditam.

*Reponunt hæretici maxime Philippus Marnegus lib. 1. de Missa, & partibus ejus c. 2.* necnon, & Viretus lib. 1. Critici sacri cap. 3. has omnes Liturgias esse supposititias, & novum Catholicorum figmentum: *Primo* quidem de Liturgia S. Jacobi evincunt hæc argumenta, inquit Viretus, quòd in Ephesino, & Chalcedonensi Concilio, multum deudarunt Patres, ut in antiquioribus Auditoribus Virginem fuisse Deiparam appellatam demonstrarent, & unum aut alterum dumtaxat locum Origenis, & Eusebii protulerunt; unde liquet, hanc Liturgiam illis non prelo fuisse, in qua sexies hæc vox repetita est, quam Apostoli testimonio firmare potuissent. *Secundò*, in Synodo Constantinopolitana adversus Macedonianos non meminerunt Patres in Liturgia S. Jacobi Spiritum sanctum dici consubstantiali Patri, nempe quia illa nondum exibat. Nec etiam illius meminerunt Patres Niceni in asserenda consubstantialitate Filii, & vocabulo *omnipotens*, quod toties in illa Liturgia inculcatur. *Tertiò*, in ea Liturgia hymnus *trisagion*, canitur cujus in Ecclesia usus refertur ad tempus Felicis III. Romani Pontificis, qui vixit an. 450. *Quartò*, ea Liturgia Confessorum meminit, quod nomen nonnisi longo post tempore non fuit in usu. Unde Bellarminus lib. 2. de Missa c. 20. conatur evincere canonis Romani antiquitatem, quòd Confessorum non meminit. *Insuper*, in ea Liturgia oratur pro degentibus in Monasteriis, quæ eo sæculo constituta nulla erant. *Denique*, hæc Liturgia inducit templa, altaria, thurificationes, thuribula, quæ tempore sævientiis in Christianos persecutionis nulla erant; tunc enim omnis Dei cultus in ædibus privatis, & cryptis impendebatur.

Idem ferendum iudicium de Liturgia S. Marci, quippe cum in ea fiat mentio Monasteriorum, Monachorum, Thurificationum,

num, & vocabulorum *ἱερωσύνη*, ac *ἱερεὺς*, quæ nonnisi postea diuturno tempore fuerunt in usu. *Insuper*: in ea oratur pro Alexandrina civitate, & Marco Martyre: ac quisille Martyr, nisi qui fingitur auctor? Oratur pro Rege, ut cum conservet Deus in pace, & fortitudine. At quis ille Rex tempore Marci? Offeritur incensum in remissione peccatorum nostrorum, & totius populi. Oratio trifagii subiungitur, recentioris est instituti. An Marcus Evangelista petiisset à Deo; ut memor esset ubique degentium sanctorum Episcoporum, Presbyterorum, Diaconorum, Subdiaconorum, Lectorum, Cantorum, Monachorum, semper Virginum, Viduarum, Laicorum? Quis crederet sanus, tempore Marci illos ordines fuisse institutos? Vel eodem tempore *ἱερωσύνη* in usu fuisse? Ideo etiam Theodoros Balsamon Patriarcha Antiochenus interrogatus, an Liturgiæ, quæ conscriptæ dicuntur à SS. Apostolis Jacobo Fratre Domini, & Marco, recipiendæ à S. Ecclesia Catholica sint, nec-ne? Respondet ad questionem Marci Alexandrini. *Dicimus nos neque à sacra Scriptura, neque à Canone Synodice edito, edocui fuisse sacrum ministerium à S. Apostolo Marco traditum*. Addit Canonem Apostolorum LXXXV. & Leodiceum LIX. enumerantes veteris, & novi Testamenti, ipsosque Apostolicos libros, qui in usu nobis esse debent, nullam faciens S. Marci, & S. Jacobi mentionem facere, neque Constantinopolitanam Ecclesiam ullo modo illas Liturgias agnoscere. Unde pronuntiat non esse recipiendas in Ecclesia.

Idem iudicium de Liturgia S. Petri faciendum, quam nonnulli eandem esse volunt cum ea, quæ Marco tribuitur, quam Ecclesia Romana, inquit Viretus, debuisse suscipere, si à Petro præscripta fuisset. Cui tamen Missam Gregorii, vel Scholastici, cuiusdam prætulit, hancque urbe exactam in montes Apulæ relegavit, quod manifesto est indicio eam genuinum Petri setum non iudicasse. *Insuper*, Petrus non docuisset orare pro venerando Patriarcha nostro, qui tunc nullus erat. Item pro religiosissimis Augustis. Neque tempore Petri ulluserat sacerdotes, quod nomine usus est Petrus pro Ecclesiastico officio. Nec *ἱερωσύνη* vox tunc temporis in usu erat, nec tempore Petri recolabatur memoria Xisti, Cornelii, Cypriani, Laurentii, Chrylogoni, Cosmæ,

& Damiani, quæ omnes in hypoboli mea sub Petrinomine Liturgia repetiuntur.

Missæ Æthiopum, quæ Matthæi tribuitur, meminit Epactæ, & auri numeri longè post tempora Matthæi inventi. Item in ea oratur pro Papis, Patriarchis, Archiepiscopis, non tum institutis, non longè post intervallo institutendis. Fit in ea mentio Synodi Nicenæ, cuius & symbolum cantatur; Constantinopolitanæ etiam, & Ephesinæ. Imò Basilii, Chrysostomi, Gregorii Magni, &c. qui ad 600. usque annum pertingunt, multorumque adeo Regum Christianorum, quamquam non ullum tempore Apostolorum.

*Respondeo*, hæc, & similia momenta non solum ab hæreticis, sed etiam à nonnullis Catholicis obtrudi, non quod inficiantur, Apostolos, Liturgias, & ritum sacrificandi conscriptos habuisse: sed quoniam plurima successu temporis ipsa posterioribus ita adjecta sint, ut non sit facile diiudicare, inquit Bellarminus de Scripturis Ecclesiasticis an. 34. *quæ pars ejus Liturgiæ S. Jacobum* (idem dicendum est de cæteris) *habeat auctorem*. Verum quidquid sit, nihilominus non leve nobis contra Calvinistæ ex hujusmodi Liturgiis affulget argumentum: nam quod in illisde Eucharistia dicitur vel fuit à sanctis illis Apostolis assertum, aut ab eorum Successoribus; vel ab hæreticis insertum. Si primum, veritas Catholica inde firmissimum fundamentum sibi vendicat: Si secundum, cum illæ Liturgiæ sint vetustissimæ, ut probat Baronius lib. 1. ad an. 63. consequens est, quod aliqua olim fuerit hæresis, qua infecti hæretici, ut sui erroris patrocinium adficerent, illas Liturgias corripserunt: at id asserere, fingere est, quippe cum omnes Patres, & Scriptores Ecclesiastici, qui hæreseon indices accuratissimè texerunt, nunquam ejusmodi hæresis meminerunt: igitur quæ de veritate Eucharistiæ in illis Liturgiis scribuntur, Catholicum Ecclesiæ sentum sapiunt.

His accedit testimonium S. Andreæ Apostoli, qui, ut referunt acta ejus passionis, conscripta à Presbyteris Achææ oculatis testibus, cum suaderetur ab Ægea, ut disimolaret, constantissimè respondit: *Ego omnipotenti Deo immolatum agnum quotidie sacrifico: non taurorum carnes, nec bircorum sanguinem, sed immaculatum agnum in altari, cujus carnes postquam omnis populus manducaverit,*

*agnus, qui sacrificatus est, integer perseverat, & vivus.* Porro hæc acta non debent esse dubiæ fidei: Tum quia quæin illis Presbyteri Achaiz de Martyrio S. Andreæ referunt, digna existimata sunt, quæ in Ecclesia recitantur: Ecclesia autem omnino abhorret à confictis historiis, & hæreticorum fabulis. *Secundò*, quia huiusmodi acta laudantur à S. Bernardo ser. 2. de S. Andrea. Et ser. 16. de diversis à Petro Damiano ser. 2. de eodem Apostolo, ab auctore lib. de vera, & falsa Pœnit. c. 8. ab Ivone Carnot. lib. de convenientia veteris, & novi Testamenti à Lanfranco lib. de Euchar. & Missa Ambrosiana in præfat. festi S. Andreæ, hæc habet: *Ut quod libera voce predicaverat, nec pendens in cruce sciret.* Quæ utique verba non aliunde, quàm ex ejusmodi actibus videntur esse deprompta: non enim alibi legitur, quod S. Andreas populum docuerit, dum in cruce penderet.

*Reponunt hæretici:* Acta illa omninò esse apocrypha. Tum quia Eusebius lib. 3. histor. c. 25. reponit Acta SS. Andreæ, & Joannis inter libros ab hæreticis conscriptos sub nomine Apostolorum: Tum quia Epiphanius docet Encratitas, Apollolicos, & Origenistas uti maximè solitos fuisse Actibus Andreæ, Joannis, & Thomæ. Tum quia illa Acta approbasse Manichæos, refert August. lib. 1. de fide contra Manichæos c. 4. & 38. Unde Baronius ad annum 69. n. 34. de Passione S. Andreæ verba facturum, scribit: *Cum abunda diu hest oratio, apocryphorum præpedita timore, quominus liberè, ut assolebat, in rebus certa fide exploratis, ac votis baculus profleret... Illud tantum de Andrea Martyris tempore in Passionibus Apostolorum (quas, qualescumque sint, ante Gelasii tempora lecturari consuevisse certum est) licuit reperisse, ipsum scilicet post Petrum coronatum esse martyrio, licet quoto Domini anno; vel sub quo Imperatore inexploratum penitus relinquatur; illi enim ipsi à Joanne Apostolo per visum dictum habetur post ascensum Petri: Andrea poculum Petri bibiturus es. De reliquis autem, quoniam S. Andrea acta à Manichæis corrupta, ab eisque citari solita fuerunt, remansit illorum in Ecclesia dubia fides.* Tum quia Gelasius Papa in decreto de libris apocryphis, his accenset acta S. Andreæ Apostoli: igitur illa eorum auctoritas nullus est momenti.

*Nego consequentiam, & ad antecedens dico, Eusebium, Epiphanium, Gelasium,*

& Baronium non loqui de actis passionis S. Andreæ, seu de epistola conscripta à Presbyteris Achaiz; sed de actis, quæ ab ipso S. Andrea veniente de Ponto in Græciam conscripta fuisse volebant Manichæi, in quibus utique actis plurima inserta erant hæreticorum deliria, ac figmenta. Unde huiusmodi acta summo perprobantur. Nec aliud certè voluit Baronius: siquidem t. 1. ad ann. 45. ex Pilastrio de hæresibus c. 89. ostendit, facilitatem ab hæreticis, ut falsa Acta Apostolorum nomine scripserint, sed & Manichæos, qui ab Andreæ discipulis de rebus gestis à Ponto in Græciam scriptæ erant, alia addentes, alia verò detrahentes corrupisse, & Innocentium Papam ep. 3. tractantem de his commentitiis Apostolorum Actibus auctores, qui eos consinxerunt, prodidisse, dum ad Exuperium scribens, hæc diceret: *Cetera, quæ sub nomine Matthei, sive Jacobi Minoris, vel sub nomine Petri, & Joannis, quæ à quodam Leucio scripta sunt, vel, sub nomine Andrea, quæ à Nectarcharida, & Leonide Philocephis, & sub nomine Thoma, & si quæ sunt alia, non solum repudianda, verum etiam noceris esse damnanda.*

Itaque omnes præfati Auctores improbant quidem acta sub nomine S. Andreæ, quorum auctor ipse circumferebatur, vel loquuntur de actis peregrinationis, & predicationis ejus, quæ ab ejus discipulis fingebantur scripta, non verò loquuntur de epistola Presbyterorum Achaiz, in qua passio ipsius S. Andreæ enarratur, nam, ut scribit Bellarminus, epistola illa nihil continet, quod novitatem redeat: Tum quia genus passionis S. Andrea, & illa ejus verba, talve sancta Crux in tota Ecclesia celeberrima, ex hoc libro sine dubitatione sumpta sunt: Tum quia Petrus Damianus in ser. 2. de S. Andrea, de hac historia sic loquitur: Non immeritò in singularem auctoritatis arcem suscepta est, quam qui viderunt, scripserunt orbi, & ministri fuerunt sermonis; Tum denique quia Joannes à Lovania in sua censura de passionibus Sanctorum, quæ habetur in Martyrologio Molani, hunc librum omnibus modis legendum cenjet, & idem judicavit Aloysius Lippamano, ut omitam, quod in Breviario Romano, nuper recognoscio, suum locum habet passio S. Andrea ex hoc loco.

## §. IV.

*Probatur eadem veritas ex Traditione, & constanti Doctrina SS. Patrum.*

**E**tsi post egregias, ac numeris omnibus absolutas Eminentissimorum Cardinalium Alani, Bellarmini, Perronii, Richelii, & plurium aliorum non minori pietate, quam scientia illustrium hac de controversia lucubrationes, nihil ferme dicendum superesse videatur; attamen, quoniam veritatis Catholicæ tuendæ necessitas, & in dies recrudescens hæreticorum vaniloquia, ros aliquid post tam uberem aliis collectam ex SS. Patrum auctoritatibus hac de rem esse, aliqua etiam ex nostro promptuario cogunt suppeditare; Idcirco ne in immensum excreseat, & absque ullo ordine diffundatur hæc dicendi materies: potissima ex SS. Patrum doctrina deprecanda oracula placet cum illustrissimo nostro Meurissio Madaventurum non ita pridem Antistite ad novem capita perstringere.

Primum itaque argumentorum caput petitur ex illis auctoritatibus, quæ distincte, & expressè omnem figuræ rationem ab Eucharistia excludunt. Ita imprimis S. Damasc. lib. 4. de Fide c. 14. *Non est figura panis, & vinum corporis, & sanguinis Christi, absque enim hoc, sed est ipsum corpus Domini deificatum, ipso Domino dicente, Hoc est meum, non figura corporis, sed corpus, non figura sanguinis, sed sanguis.* Similia habet Theophilactus in cap. 26. Matth. *Non enim dixit, Hoc est figura, sed hoc est corpus meum; ineffabili enim operatione transformatur, etiam si nobis videatur panis, quoniam infirmi sumus, & abhorremus nudas carnes comedere, maxime hominis, ideo panis quidem apparet, sed caro est.*

Simile habet S. Ambrosius lib. 6. de Sacram. cap. 1. *Sicut verus est Dei Filius Dominus noster Iesus Christus, non quemadmodum homines per gratiam, sed quasi Filius ex substantia Patris, vera caro est, sicut ipse dixit, quam accipimus, & verus sanguis, quem potamus.* Et infra: *Fortè dicet, quomodo vera? quia similitudinem video, non video corporis, & sanguinis veritatem.* Primum omnium dixi tibi de sermone Christi, qui operatur, ut possit mutare, & convertere genera instituta nature.

Hæc patet declarare, & expendit Ni-

czan. Synodus Aſione 6. tom. 3. ubi scribit: *Nullus aliquando tubarum spiritus, sanctorum videlicet Apostolorum, aut illustrium Patrum nostrorum incruentum sacrificium nostrum, quod in commemorationem Christi Dei nostri, ac omnis dispensationis eius efficitur, dixit imaginem corporis eius. Neque enim acceperunt a Domino sic dicere, vel consilium, sed audiunt Evangelicè, dicente eo, Nisi manducaveritis carnem Filii hominis, & biberitis eius sanguinem, non intrabitis in regnum celorum. Et qui manducant meam carnem, & bibunt sanguinem meum, in me manent, & ego in eo. Et accepto pane gratias agens fregit, & dedit Discipulis, & ait: Accipite, & comedite, hoc est corpus meum. Et accipiens calicem, gratias egit, & dedit illis, dicens: Bibite ex hoc omnes, hic est enim sanguis meus, qui pro multis effundetur in remissionem peccatorum. Et non dixit: Accipite, & comedite imaginem corporis mei. Sed & Paulus divinus Apostolus ex divinis Domini vocibus hauriens, ait: Ego accepi a Domino, quod & tradidi vobis, quoniam in qua nocte tradebatur, accepit panem, & gratias agens fregit, & dixit: Accipite, & comedite, hoc est corpus meum, quod pro vobis frangitur, hoc facite in meam commemorationem. Similiter, & calicem postquam canonizavit, dicens: Hic calix novum Testamentum est in meo sanguine, hoc facite in meam commemorationem. Ergo liquido demonstratum est, quod nunquam Dominus, vel Apostoli, aut Patres imaginem dixerunt sacrificium sine sanguine, quod per Sacerdotem offertur, sed ipsum corpus, ipsum sanguinem. Et ante sanctificationis quidem celebrationem (pergit S. Synodus nondum suborta controversia de realitate corporis Christi) typos (seu, ut alii legunt, antitypa) Quibusdam SS. Patrum hoc pie visum est nominare, quorum est Eustatius propugnator orthodoxæ fidei, & Ariana destructor vesania, & Basilii ejusdem infelicitis superstitionis depositor, qui omne, quod sub sole est, plenam rectorum dogmatum basin edocuit. Recentius autem utriusque Patristellimonis, sic concludit. Quod deinceps offertur, certiore Patri hujus (Basilii) perfectè intellectum, qualiter antequam sanctificata fuerint, vocata sunt typi, post sanctificationem autem corpus propriæ, ac sanguis Christi dicuntur, & creduntur.*

Secundum caput est eorum, qui expressè, & distinctè affirmant in Eucharistia corpus, & sanguinem Christi non solum reverè esse

esse post consecrationem, & in ea subsistere, sed etiam ore corporeo sumi: Ita imprimis S. Iustinus Martyr in Apologia 2. ubi de Eucharistia ita loquitur: *Non ut communem panem, neque ut communem potum ista sumimus, sed quemadmodum per verbum Dei caro factus Jesus Christus Salvator noster, & sanguinem salutis nostrae causabit ad eundem modum etiam eam, in qua per preces verbi eius ab ipso profecti gratiae sunt aëre, alimoniam.* Unde sanguis, & caro nostra per mutationem aluntur, incarnati illius Jesu carnem, & sanguinem esse docui sumus. Nam Apostoli Commentariis à se scriptis, quae Evangelia vocantur, ita irradiderunt praeceptis: *habet Jesum; cum enim pane accepto, cum gratias egisset, dixisset, Hoc facite in mei recordationem, hoc est corpus meum, & poculo similiter accepto, & gratias alius dixisset, Hic est sanguis meus.* Observa non esse panem communem, sed carnem, & sanguinem Christi eodem modo, quo in Incarnatione est vera caro Christi.

Nec obstat, quod dixerit, panem, & vinum Eucharisticum esse corporum nostrorum alimoniam, vel enim intelligitur de pane, & vino ante consecrationem, ut sensus sit, id, quod in corporum alimoniam institutum est, fit consecratione caro, & sanguis Salvatoris, quibus animae reficiuntur, vel si loquatur de pane, & vino consecratis, significat per hunc divinissimum cibum corporibus nostris semen immortalitatis, & gloriose Resurrectionis inferi. Unde à Patribus, Eucharistia appellatur *pharmacum immortalitatis*: juxta illud Christi D. Joan. 6. *Qui manducat meam carnem, & bibit meum sanguinem, habet vitam eternam, & ego resuscitabo eum in novissimo die.*

His praeclare adillipulatur S. Irenaeus Episcopus, & Martyr lib. 4. cap. 34. qui floruit secundo, & tertio saeculo, loquens enim de Valentinianis doctores non effi unum, eundemque Deum Creatorem cum Patre Christi Domini, & insuper negantibus resurrectionem carnis: Quomodo, inquit, constabit eis panem, in quo gratia aëris sunt, corpus esse Domini sui, & calicem sanguinis ejus, si non ipsum fabricatorem mundi Filium dicant, idest Verbum ejus, per quod lignum fructificat, & defluunt frondes, terra dat primum quidem seenum, post spicam, deinde plenum tritici, cum in spica? Quomodo autem rursus dicam carnem in corruptionem devenire,

& non percipere vitam, quae à corpore, & sanguine Domini alitur? Ergo aut sententiam mutant, aut abstinere offendendo, quae praedicta sunt. Nostra autem consonans est sententia Eucharistiae, & Eucharistia rursus confirmat sententiam nostram. Et paulo post: Quemadmodum enim qui est à terra panis percipiens invocationem Dei, jam non communis panis est, sed Eucharistia ex duabus constans, ex terrena, & caelesti, sic & corpora nostra percipientia Eucharistiam, jam non sunt corruptibilia, spem resurrectionis habentia. Idem habet lib. 5. cap. 2.

Eis subterbit Tertullianus lib. de Resurrectione carnis cap. 8. Caro, inquit, corpore, & sanguine Christi vescitur, ut & anima de Deo saginetur. Et lib. de Oratione cap. 14. Accepto corpore Domini, & reservata, utrumque salvum est, & participatio sacrificii, & executio officii.

Hoc ipsum momentum confirmatur eis omnibus autoritatibus SS. Patrum, qui dicunt Christum nobis in hoc Sacramento uniri, non sola fide, sed re ipsa, nec per voluntatum concordiam, sed per corporum contactum. Ita Chrysostomus in homil. 83. Neque illi satisfuit hominem fieri, celaphis cadi, & crucifigi, verum & semetipsum nobis commiscet, & non fide tantum, verum & ipsa re suum efficit corpus. Et homil. 45. in Joan. Ut autem non solum per dilectionem, sed re ipsa in illam carnem convertamur, per cibum id efficitur, quem nobis largitus est. Cum enim suum in nos amorem vellet indicare, per corpus suum se nobis commiscuit, & in unum nobiscum redegit, ut corpus suum cum capite uniretur, hoc enim amantium maximè est. Hoc Job indicavit de servis, à quibus maximè amabatur, qui suum amorem praesferentes, dicebant, quis daret nobis, ut ejus carnibus impleremur? Quod Christus fecit, ut majori nos charitate affringeret, & ut suum in nobis ostenderet desiderium, non se tantum videri permittens desiderantibus, sed & tangi, & manducari, & dentes carni suae infigi, & desiderio sui omnes impleri. . . . Parentes septuaginta liberos suos alius alendos dederunt. Ego autem mea carne alo.

Sed praeclare S. Hilarius differens contra Arianos lib. 3. de Trinitate. Interroga istos, inquit, utrum per naturam veritatem, Christus in nobis sit, an per concordiam voluntatis? Et paucis interpositis: Verè cibo Dominica Verbum carnem junimus, naturamque

que carnis sue sub Sacramento nobis admiscuit. Et paulo inferiis. Hæc idcirco à nobis commemorata sunt, quia voluntatis tantum unitate hæretici divinas personas unitas esse interpretantur, & ad id exemplo unitatis nostræ cum Deo utuntur, quasi nobis ad filium voluntate tantum Religionis unitis nulla per Sacramentum carnis naturalis communionis proprietas indulgeretur. Et quidem ad exprimendam hanc unionem realem, & substantialem S. Chrysostomus hom. 33. in Marth. utitur comparatione fermenti coagmentantis totam massam farinæ. Et S. Dionysius de cœlesti Hierarchia, comparatione ferri candentis. Et S. Cyrillus lib. 4. in Joan. comparatione duarum cerarum liquefactarum, & mixtarum, quæ omnia apertissimè probant veritatem corporis Domini in hoc Sacramento.

Tertium caput est eorum, qui reddunt rationem, cur hic voluerit Christus adesse sub aliena specie, videlicet ne horrore esset alioqui sumentibus, quæ ratio locum non haberet, si Christus verè, & substantialiter non sumitur hic ore corporis. Ita S. Ambrosius lib. 4. de Sacramenti c. 4. Ut nullus horror carnis sit, & pretium tamen sit redemptionis. Et Theophilactus in c. 26. Matth. Non enim duxit: Hoc est figura, sed hoc est corpus meum: ineffabili enim operatione transformatur, etiam si nobis videtur panis, quoniam infirmi sumus, & abhorremus nudas carnes comedere, maxime homini, idè panis quidem apparet, sed caro est. Hoc præclare explicat S. Augustinus in Ps. 33. ubi scribit: Unde autem commendavit corpus, & sanguinem suum? De humilitate sua. Nisi enim esset humilis, nec manducaretur, nec biberetur. Respice altitudinem ipsius: in principio erat Verbum, & Verbum erat apud Deum, & Deus erat Verbum. Ecce cibus sempiternus, sed manducant Angeli, manducant superbi Virtutes, manducant cœlestes Spiritus, & manducant, & saginantur, & integrum manet, quod eis satiat, & lætificat. Quis autem homo posset ad illum cibum? unde cor tam idoneum illi cibo? Oportebat ergo, ut unctione illa lætasset, & ad parvulos perveniret? Unde autem fit cibus læs? Unde cibus in lac inconvertitur, nisi per carnem transiciatur. Nam mater hoc facit, quod manducat mater, hoc manducat infans; sed quia minimus idoneus est infans, qui panem vescatur, ipsum panem mater incarnat, & per humiditatem mammillæ, & lacis succum, de ipso pane pa-

scit infantem. Quomodo ergo de ipso pane pavit nos sapientia Dei? Quia Verbum caro factum est, & habitavit in nobis. Videte ergo humilitate, quia panem Angelorum manducavit homo: idè Verbum illud, quo pascuntur Angeli sempiternum, quod est æquale Patri, manducavit homo, quia cum in forma Dei esset, non rapinam arbitratus est esse se equalem Deo, saginantur ergo illo Angeli, sed semetipsum exinanivit, ut emanducaret panem Angelorum homo formam servi accipiens. &c. ut jam de cruce commendatur nobis caro, & sanguis Domini, novum sacrificium.

Quartum caput est eorum, qui dicunt non esse hic credendum sensibus, sed verbis Christi, proponuntque articulum hunc tanquam creditu difficillimum, & ideo Christi omnipotentiam, & auctoritatem exaggerant, & magnam fidem requirunt, quæ omnia sunt vana, si panem tantum significantem Christi corpus in hoc Sacramento comedamus. Ita S. Chrysostomus hom. 83. Matth. Credamus ubique Deo, inquit, nec repugnemus ei, etiam si sensui, & cogitationi nostræ absurdum esse videatur, quod dicit, superet & sensum, & rationem nostram sermo, queso, ipsius, nam verbis ejus fraudari non possumus, sensus verò noster deceptu facilissimus est, quoniam ipse dixit. Hoc est corpus meum, nulla teneamus ambiguitate, sed credamus, & oculis intellectus id perspicimus. S. Cyrillus Hierosolymitanus Catech. 4. mystagogica: Ne ergo cōsiliētes, inquit, tanquam panem nudum, & vinum nudum, corpus enim est, & sanguis Christi, secundum Domini verba, quamvis enim tibi sensus hoc non suggerat, tamen fides te confirmet, nec ex gustu rem iudices quin potius habeas ex fide pro certissimo, ita ut nulla subeat dubitatio esse tibi donata corpus, & sanguinem, Et insia: Hoc sciens, & pro certissimo habens, panem hunc, qui videtur à nobis, non esse panem, etiam si gustus panem esse sentiat, sed esse corpus Christi, & vinum, quod à nobis conspicitur, tamen si sensui vinum videatur, non tamen vinum, sed sanguinem esse Christi.

Quintum caput est eorum, qui dicunt hic intervenire magnum quoddam miraculum, ut nimirum Christus existens in cœlo, simul reperiat in Altari. Ita Chrysost. lib. 3. de Sacerdotio: O miraculum! o Dei benignitatem! qui cum Patre sursum sedet, in illis ipso temporis articulo omnium

omnium manibus pertrahatur. Et hom. 7. in Epist. ad Ephes. *Elias ascendens, pallium Discipulo dimisit: Filius autem Dei ascendens nobis suam carnem dimisit, sed Elias quidem exutus: Christus autem nobis suam carnem reliquit, & ipsam habens ascendit*: Sed id præclarissimè hom. 24. in 1. ad Cor. ubi æquat præsentiam, quam Christus habet in Altari, ei, quam habet in cælo, docetque per consecrationem sacrorum mysteriorum Eucharistiz terram fieri quodammodò cælum, & hoc ipsum, quod pretiosissimum est in cælo, in terra collocari. Verba ejus sunt:

Hic terram tibi cælum facit hoc mysterium: Aperi ergo cæli portas, & perspice, & tunc videbis, quod dictum est. Nam quod illic est omnium pretiosissimum, & maximè honorandum, hoc ostendam tibi situm in terra. Sicut enim in Regio id, quod est omnium magnificatissimum, non parietes, non tectum aureum, sed corpus Regis sedens in folio. Sed hoc tibi non licet videre in terra. Non enim Angelos, nec Archangelos, neque cælos, & cælos cælorum, sed ipsum eorum ostendit Dominum. Vidisti quemadmodum quod est omnium præstantissimum, & maximè honorandum vides in terra, neque solum vides, sed etiam tangis, & eo accepto domum reverteris. *Subscribit S. Basilus in Liturgia: Veni ad sanctificandum nos, qui sursum Patri confides, & hic nobis invisibiliter coexistis. Demum Gregorius Nyssenus Orat. de Paschate*. Sicut divinitas replet mundum, & tamen una est, ita innumerabilibus locis corpus Domini consecratur, & tamen unum corpus est.

*Sextum caput est eorum, qui dicunt, in quibus locis Eucharistia existit, & a quibus rebus aliquo modo, aut aliquo sensu attingitur, in iisdem existere, & ab iisdem rebus attingi Christi corpus, ratione videlicet Eucharistiz, quod non rectè diceretur, nisi re ipsa existeret in Eucharistia*. S. Chrysost. hom. 60. ad populum, dicit, *Christum videri, & tangi, & intra nos sumi, & dentes ejus carni infigi*. Et hom. 83. in Matth. 7. *Os igne spirituali impleri, & linguam admirabili sanguine cruentari*. Et S. Cyprianus serm. de lapsis: *Jacere corpus Domini in arca, contritari manibus, concludi visceribus*.

*Septimum caput est eorum, qui ex hoc mysterio alia nostræ Religionis mysteria*

confirmant. Sic S. Irenæus lib. 4. contra Valentinianos c. 24. probat Christum esse verum Deum, quia potuit convertere panem in corpus suum. Et c. 35. ex eodem mysterio, disputat contra negantes Resurrectionem, ut vidimus supra. S. Chrysostom. etiam homil. 83. in Matthæum ex eodem confutat eos, qui veram Christi carnem negant. S. Hilarius lib. 8. de Trinit. ex eodem probat substantialem Filii Dei generationem, & ex ipso reali, seu naturali (ut vocat) conjunctione nostri cum Christo in eodem Sacramento, probat circumcessionem divinarum personarum inter se: ait enim; *Eos nunc, qui inter Patrem, & Filium voluntati ingerunt unitatem, interrogo, utrumne per naturæ unitatem hodie Christus in nobis sit, an per concordiam voluntatis? Si enim verè Verbum carnem cibo Dominico sumimus, quomodo non naturaliter manere in nobis existimandum est, qui & naturam carnis nostræ tam inseparabilem sibi natus homo assumpsit? Et post plura in hanc rem peropportuna, sic habet: Quæ scripta sunt, legamus, & quæ legimus intelligamus, & tunc perfectæ fide officio fungemur. De naturali enim in nobis Christi unitate, quæ discimus, nisi ab eo discimus, stultè, atque impie discimus. Ipse enim ait, Caro mea verè est cibus, de veritate carnis, & sanguinis non reliquus est ambigendi locus*.

*Octavum caput est eorum, qui docent Sacramentum Eucharistiz propter Christum in eo existentem esse adorandum; nisi enim Christus in eo verè, & realiter contineretur, non liceret panem Eucharisticum adorare, alioqui manifesta esset idololatria, quippe cultus latræ impenderetur puris creaturis, nempe pani, & vino. Porro Eucharistiam esse adorandam aperte docent imprimis S. Gregorius Nazianzenus oratione funebris sororis suæ Gorgoniz, ubi ait illam ad altare cum fide procubuisse, ipsamque, qui super ipso bombratur, cum ingenti clamore invocasse*. S. Ambr. lib. 3. de Spiritu sancto c. 12. Itaque, inquit, per scabellum terræ intelligatur, per terram autem caro Christi, quam hodie quoque in mysteriis adoramus. Idem docet S. Augustinus epist. 120. c. 27. ubi ait: quod Fideles veniunt ad mensam, manducant, & adorant. Idem offertur in Psalm. 21. *Exposit. 1. super illud, Manducaverunt, & adoraverunt, sed expressius, & plenius in Psalm. 98. super illud, Adorate scabellum*, bcl.



bellum pedum ejus, ubi bellum terram, & ipsam terram explicat carnis Christi: Quia in ipsa carne hic ambulavit, inquit, & ipsam carnem nobis manducandam ad salutem dedit: nemo autem carnem illam manducat, nisi prius adoraverit. Inventum est quomodo tale scabellum pedum Domini, ut non solum non peccemus adorando, sed peccemus non adorando. Sed omnium præclarissimè hoc argumentum expendit S. Chrysostomus hom. 24. in 1. ad Cor. Hoc corpus, inquit, in præsepis reveriti sunt Magi, & viri impii, & barbari longo itinere confecto cum timore, & tremore plurimo adoraverunt. Imitemur sacem barbaros, nos qui celorum cives sumus. Illic enim cum ad præsepem, & tugurium tantum, nec eorum quidquam, quæ nunc intueris, viderent, summa accesserunt reverentia, & honore. Tu verò non præsepi, sed in Altari, non mulierem, quæ in vulnis teneat, sed præsentem Sacerdotem, & spiritum superabundè super proposito diffusum sacrificio vides. Nec simpliciter, ut illi, corpus intueris, sed & ejus potentiam, & omnem cognoscis administrationem, & nihil eorum, quæ per ipsum facta sunt, ignoras Et homil. 3. in epist. ad Ephesios: Cognovimus ad illum sursum sedentem, qui ad Angelis adoratur, hunc degustemus: consilera, quæso, mensa regalis est apposita, Angeli mensæ ministrantes, ipse Rex adest, & tu, astas oscitans? Igitur adora, & communica.

Nec solum homines, sed etiam Angelos Christum in hoc Sacramento adorare diserte docet variis in locis, præsertim lib. 6. de Sacerdotio, ubi hæc scribitur: per id tempus (quo nimirum Sacerdos sacrificium offert) & Angeli Sacerdoti assident, & caelestium potestatum universus ordo clamores excitat, & locus Altari vicinus in illius honorem, qui immolatur, Angelorum choris plenus est: id quod credere abunde licet, vel ex tanto illo sacrificio, quod tunc peragitur. Ego verò, & commemorantem quandam audivi, cum diceret senem quandam, visum admirabilem, accui revelationum mysteria multa diviniq. fuissent detecta, sibi narrasse, se tali olim visione dignum habitum à Deo fuisse: ac per illud quidem tempus repente Angelorum multi-

tudinem conspexisse (quatenus aspectus humanus ferri poterat) fulgentibus vestibus indutorum, altare ipsum circumdantium: denique sic capite inclinatorum, ut si quis milites præsentem Rege stantes videat. Et hom. 3. contra Anomæos veris finem: Tempore illo (inquit) non solum homines clamorem illum tremendum reddunt, sed etiam Angeli Domino genuflectunt, & Archangeli rogant: habent sibi tempus ad id idoneum, habent sacra illam oblationem in favore. Itaque ut homines ramos oleærum gerentes, movere Reges consueverunt, coque arboris genere misericordiam commemorant, & humanitatem, sic Angeli tunc pro ramis oleæginis, corpus Domini ipsum præcedentes, rogant pro genere humano, quasi dicant: Pro his, Domine, rogamus, quos tu adeo dilexisti, ut pro eorum salute mortem obires, animam in cruce efflares: Pro his supplicamus, pro quibus ipse tuum largitus es sanguinem: Pro his oramus, pro quibus corpus hoc immolasti. Similia docet S. Gregorius lib. 4. dial. c. 58. his verbis: Quis fidelium habere dubium possit in ipsa immolationis hora ad Sacerdotis vocem celos aperti, in illo Jesu Christi mysterio Angelorum choros adesse, summa imis sociari, terrena caelestibus jungi, unum quoque ex visibilibus atque invisibilibus fieri?

Nec solum Angelos sponte adorare Christum positum in altari, sed etiam demones cogi illum adorare, tradit S. Chrysostomus hom. citata contra Anomæos: Agitato, inquit, Diaconus tempore illo adductus, jubet caput tantum inclinare, atque illo corporis gestu supplicare.

Tandem hæc veritas evidentissimè probatur ex miranda conversione substantiæ panis, & vini in corpus, & sanguinem Christi per verba consecrationis; quæ utique stupenda convertio significatur in omnibus Liturgiis Ecclesiæ tam Occidentalis, quam Orientalis. Etenim in Missa Latina de pane, & vino propositis in altari, sic precatur Sacerdos: Quam oblationem tu Deus in omnibus quæsumus benedictam adscriptam, ratam, rationabilem, acceptabilemque facere digneris, ut nobis fiat corpus, & sanguis dilectissimi filii tui D. nostri Jesu Christi, Liturgia S. Jacobi seu Hierosolymitana Ecclesiæ Rogamus, ut Spi-

11 Spiritus S. adveniens, sancta, bona, &  
 12 gloriosa sua præsentia sanctificet, & effi-  
 13 ciat hunc panem corpus sanctum Christi  
 14 tui, & calicem hunc pretiosum sangui-  
 15 nem Christi tui, ut sit omnibus ex his  
 16 fumentibus in remissionem peccatorum.  
 17 *Liturgia Æthiopica*; Benedic, sanctifica,  
 18 munda, & transfer panem hunc in car-  
 19 nem tuam immaculatam, & vinum hoc  
 20 in sanguinem tuum pretiosum. *Liturgia*  
 21 *S. Basilii*: Effice panem istum corpus  
 22 gloriosum Domini nostri Jesu Christi.  
 23 *Liturgia S. Chrysostomi*: Emitte Spiritum  
 24 tuum super nos, & super propolita do-  
 25 na hæc: Et fac panem quidem hunc  
 26 pretiosum Corpus Christi tui, & quod  
 27 est in calice illo, pretiosum sanguinem  
 28 Christi filii tui, transmutans Spiritu  
 29 sancto tuo. Unde egregie Proclus Con-  
 30 stantinopolitanus Episcopus, reddens ra-  
 31 tionem, cur in veteribus Liturgiis a S. Ba-  
 32 silio in compendium redactis, tot oratio-  
 33 nes ipsum ordinem agendi, sive consecra-  
 34 tionem antecessant ait: Per has preces ad-  
 35 ventum Spiritus sancti expectabant,  
 36 ut ejus divina præsentia propolita in  
 37 sacrificium panem, & vinum aquæ per-  
 38 mixtum ipsum illud corpus, & sangui-  
 39 nem Servatoris nostri Jesu Christi effi-  
 40 ciat.

Præter Liturgias verò, ubi, quod à Deo  
 postulatur, beneficium absque ambage ulla  
 proponi necesse est, veteres illi Magistri,  
 qui recens tinctos fideles docebant, quid  
 de hoc mysterio ipsis credendum esset,  
 aperetradunt, panem videlicet fieri verum  
 corpus Christi ex vi verborum ab ipso Domi-  
 no semel prolatorum. Et ut illius potentiam  
 in mutanda panis natura demonstrarent, ac-  
 cersunt varia exempla è Scripturis petita, ex  
 quibus discant fideles. De potestate sub-  
 jici naturas, ut eas ex nihilo condar,  
 vel scire productas, in alias naturas  
 convertere.

*S. Cyrillus locus insignis est in Catechesi. 4. Mss.*  
 Cum igitur Christus ipse sic affirmet,  
 atque dicat de pane: Hoc est corpus meum  
 quis deinceps audeat dubitare? Ac eode-  
 mo quoque confirmante, & dicente:  
 Hic est sanguis meus: quis, inquam, du-  
 bitet, & dicat non esse illius sanguinem?  
 Aquam aliquando mutavit in vinum,  
 quod est sanguini propinquum in Cana  
 Galilee, sola voluntate: Et non erit di-  
 gnus, cui credamus, quod vinum in san-

guinem transmutasset? Si enim ad nuptias  
 corporeas invitatus, stupendum miracu-  
 lum operatus est, & non multò magis  
 corpus, & sanguinem suum filiis spon-  
 disse illum confitebimur? Quare cum  
 omni certitudine corpus, & sanguinem  
 Christi sumamus. Nam sub specie panis  
 datur tibi corpus, & sub specie vini da-  
 tur sanguis, ut sumpto corpore, & sangui-  
 ne Christi, efficiaris ei comparticeps cor-  
 poris, & sanguinis *omnesque & omnesque*  
 Christifera erimus, cum ejus corpus, &  
 sanguinem, in membra nostra recepimus,  
 atque ita, ut B. Petrus dicit, di-  
 vine consortes naturæ efficiemur, &c.  
 Hoc sciens, & pro certissimo habens,  
 panem hunc, qui videtur à nobis, non  
 esse panem, etiam si gustus panem esse  
 sentiat, sed esse corpus Christi, & vi-  
 num, quod à nobis conspicitur, tam-  
 en gustui vinum esse videatur, non  
 tamen vinum, sed sanguinem esse  
 Christi.

Elegantissima est in hanc sententiam Cre-  
 gorii Nysseni oratio Catechetica in c. 37.  
 Ubi postquam docuisset alimentum homi-  
 nis præcipuum in pane, & vino aqua tem-  
 perato consistere, quod in aliti substantiam  
 vertitur, subiunxit Christum D. quando ver-  
 satus in terris, pane vitam suam fovisse:  
 qui semel cælestis viribus naturæ in corpo-  
 ris Christi substantiam transibat: quod qui-  
 dem corpus ob conjunctionem cum Verbo  
 ad divinam dignitatem erectum erat. Quæ  
 autem fiebat naturæ vitibus panistransmuta-  
 tio in corpus Christi cum Verbo divino  
 unitum, nunc fieri ostendit in Eucharistia  
 verbis Christi: Rectè ergo nunc quoque  
 inquit, Dei verbo sanctificatum panem  
 in Dei verbi corpore credo transmutare.  
*Mss.* Igitur unde in illo corpore trans-  
 mutatus panis transivit in divinam vir-  
 tutem, per idem nunc fit similiter.  
 Nam, & illic Verbi gratia sanctum  
 fecit corpus, cui ex pane erat substan-  
 tia, & quodammodo ipsum quoque  
 erat panis: Et hic similiter panis, sicut  
 dicit Apostolus, sanctificatur per Ver-  
 bum Dei, & orationem, non per ch-  
 bum, & potum procedens ad corpus  
 Verbi, sed à verbo, quemadmodum di-  
 ctum est: transmutatum, nempe, cor-  
 pus meum.

Ipsius concinit S. Chrysostomus homil. de  
 produtione Jude, ubi scribit: Et nunc

Ille præsto est Christus, qui illam ornamens, istam quoque consecrat. Non enim homo est, qui proposita de consecratione mensæ Domini corpus Christi facit, & sanguinem: sed ille, qui crucifixus est pro nobis Christus. Sacerdotis ore verba proferuntur, & Dei virtute consecrantur, & gratia: Hoc est, ait, Corpus meum. Hoc verbo proposita consecrantur, & sicut illa vox, quæ dicit, cre-scite, & multiplicamini, & replete terram, semel quidem dicta est, sed omni tempore sentit effectum ad generationem operante natura: Ita vox illa semel quidem dicta est, sed per omnes menses Ecclesie usque ad hodiernum diem, & usque ad ejus adventum, præstat sacrificiis firmitatem.

In idem conspirat S. Cyrillus Alexandrinus, qui epist. ad Calosyrium ita scribit: *Non dubites an hoc verum sit eo manifestè dicente: Hic est corpus meum; Sed potius suscipe verba Salvatoris in fide: cum enim sit veritas, non mentitur.* Mox docet carnem humanam, quam Verbum assumpsit, sibi quæ propriam fecit, vivificandi vim ex Verbo sibi unito trahere. Et cum eadem caro sit in Eucharistia, non recedere vivificandi vim à reliquiis ejus, quæ in diem sequentem supersunt, quoniam Christi corpus non mutatur. His deinde verbis concludit: Decebar ergo cum nostris quodammodo uniri corporibus per sacram ejus carnem, ac pretiosum sanguinem, quæ accipimus in benedictione vivificata in pane, & vino. Ne enim horreremus carnem, & sanguinem appositâ sacris Altaribus, condescendens Deus nostris fragilitatibus influir oblati vim vitæ, convertens ea in veritatem propriæ carnis, ut corpus vitæ quasi quoddam semen vivificationis inveniat in nobis. Unde subdit, Hoc facite in meam commemorationem.

Accedit amen illius ætate posterior, sed eruditionis, & nominis fama insignis Joannes Damascenus, qui fuscè docet lib. 4. Orth. fidei c. 14. Quemadmodum Dei verbo efficiaci orbis universus conditus est, sic ex pane corpus Christi, & ex vino, & aqua sanguinem ejus fieri. *Mox addit:* Quo tandem modo mihi fiet istud, ajebat sancta Virgo, quoniam virum non cognosco? Respondet Archangelus Gabriel: Spiritus sanctus superveniet in te,

& virtus Altissimi obumbrabit tibi. Tu quoque nunc quæris, quomodo panis Christi, & vinum cum aqua conjunctum sanguis Christi fiat: Tibi item respondeo: Spiritus sanctus supervenit, atque efficit, quæ orationis, facultatem, & mentis intelligentiam excedunt: Mox: Quoniam ita fert hominum usus, ac consuetudo, ut panem edant, vinumque, & aquam bibant, idcirco Divinitatem suam cum ipsis conjunxit, eaque corpus, & sanguinem suum fecit, ut per usitatum naturæque consuetudinem ea quæ supra naturam sunt, assurgamus. Sane corpus Divinitati verè unum, est illud corpus, quod ex sancta Virgine ortum est non quod assumptum illud corpus ex celo descenderit, sed quia panis ipse, & vinum in corpus, & sanguinem Dei mutantur. Mox: Quin ne hoc quoque alienum fuerit dicere, quod quemadmodum naturaliter panis per cibum, & vinum, & aqua per potum in comedentium, & bibentium corpus, & sanguinem immutantur, corpusque alterum fiunt, atque à priore ipsius corpore diversum, sic propositionis panis, ac vinum & aqua per sancti Spiritus invocationem, & adventum mirabili modo in Christi corpus, & sanguinem vertuntur, nec sunt duo, sed unum, & idem.

Eandem sententiam ruerunt, ac propugnant Latini Patres, ac omnium luculentissimè mirandam hanc conversionem celebrat, ac commendat S. Ambrosius lib. de initiatione c. 9. ubi sic scribit: Quomodo tu mihi asseris, quod Christi corpus accipiam: Et hoc nobis adhuc superest, ut probeamus, non hoc esse, quod natura formavit, sed quod benedictio consecravit: majorem vim esse benedictionis, quam naturæ, quia benedictionibus etiam natura ipsa mutatur? Virgam tenebat Moyses, projecit eam, & facta est serpens. Rursus apprehendit caudam serpentis, & in virgæ naturam revertit. Vides igitur prophetica gratia bis mutatam esse naturam, & serpentis & virgæ. Et productis in medium variis conversionum, & transubstantiationum divinitus effectuum exemplis, subdit: Advertimus igitur majoris esse virtutis gratiam, quam naturam, & adhuc ramentis prophetice benedictionis numeramus gratiam. Quod si tantum valet humana benedictio, ut naturam convertat,

ret,

ret, quid dicemus de ipsa consecratione divina, ubi verba ipsa Domini Salvatoris operantur? Nam Sacramentum illud, quod accipis, Christi sermone conficitur. Incarnationis exemplo astruamus mysterii veritatem. Numquid naturæ ulus præcessit, cum Dominus Jesus ex Maria nasceretur? Si ordinem querimus viro mixta femina generare consuevit. Liqueat ergo, quod præter naturæ ordinem virgo generavit, & hoc, quod conficimus, corpus, ex Virgine est. Quid hic queris naturæ ordinem in Christi corpore, cum præter naturam sit ipse Dominus Jesus partus ex Virgine? Vera utique caro Christi, quæ crucifixa est, quæ sepulta est, verè ergo illius carnis Sacramentum est. Ipse clamat Dominus Jesus: Hoc est corpus meum. Ante benedictionem verborum celestium species vocatur, post consecrationem corpus Christi significatur. Ipse dicit sanguinem suum: ante consecrationem aliud dicitur, post consecrationem sanguis nuncupatur, & tu dicis panem, hoc est, verum est. Verbis illis non solum sententiam Catholicam exposuit Ambrosius apertissime, sed invictissime illam hæreticorum Schismatibus prælocatis confirmavit.

Idem præstitit lib. 4. de Sacramentis c. 5. his verbis: Antequam ergo consecratur panis, panis est, ubi autem verba Christi accesserint, corpus est Christi. Et ante verba Christificalis est vini, & aquæ ple-nus: ubi verba Christi operata fuerint, ibi sanguis efficitur, qui plebem redemit. Ergo videre, quantis generibus potens est sermo Christi universa convertere. Deinde Dominus Jesus testificatur nobis quod corpus suum accipiamus ac sanguinem; nunquid debemus de ejus fide, ac testificatione dubitare? Magnum quidpiam, & venerabile, quod Manna Judæis pluit cælo; sed intelligere, quid est amplius, manna de cælo, an corpus Christi? Corpus Christi utique, qui auctor est celi. Quid clariùs dici potuit, quàm illud, quod ante consecrationem panis est, consecratione fieri, & esse corpus Christi, & vinum fieri sanguinem, qui plebem redemit, & hanc conversionem esse miraculum omnipotentis Dei, & alio modo Eucharistiam esse corpus Christi, quàm manna, quæ tamen signum erat corporis Salvatoris.

Sed & aspice 4. antecedente omne Calvinistarum effugium præcluserat S. Ambrosius, his verbis: Panis iste, panis est ante verba Sacramentorum, ubi accesserit consecratio, de pane fit caro Christi. Quomodo potest quod panis est, esse corpus Christi? Consecratione. Consecratio igitur quibus verbis est, & cujus sermonibus? Domini Jesu, nam reliqua omnia, quæ dicuntur, laudem Deo deferunt; Oratio præmittitur pro populo, pro Regibus, pro cæteris: ubi venietur, ut consecratur venerabile Sacramentum, jam non suis sermonibus Sacerdos, sed utitur Christi sermonibus. Ergo sermo Christi hoc conficit Sacramentum. Quis sermo Christi? Nempè is, quo facta sunt omnia, Jussit Dominus, & factum est cælum. Jussit Dominus, & facta est terra. Jussit Dominus, & facta sunt maria. Jussit Dominus, & omnis creatura generata est. Vides ergo, quàm operatorius sit sermo Christi. Si ergo tanta vis est in sermone Domini Jesu, ut inciperent esse, quæ non erant, quàmto magis operatorius est, ut quæ erant, in aliud commutentur? cælum non erat, mare non erat, terra non erat, sed audi dicentem: Ipse dixit, & facta sunt, ipse mandavit, & creata sunt. Ergo tibi ut respondeam, non erat corpus Christi ante consecrationem, sed post consecrationem dico tibi, quod jam corpus est Christi. Observa, de pane fit Christi caro sermonibus Christi, qui sermo est is, quo facta sunt omnia. Verbis illis quid luculentius, & unà efficacius?

Respondet hæretici S. Ambrosium dicere, post consecrationem corpus Christi significari, qui modus loquendi innuit solam figuram.

Contrà primò. S. Ambrosius hoc assumit in exemplum mutationis substantialis: Secundo, comparat corpus Christi in Eucharistia sacramento, cum ipso Incarnationis mysterio; ergo quemadmodum realiter verè, ac proprie Incarnationis mysterium, peractum est, ita etiam corpus Christi realiter existit in Eucharistia sacramento: Tertiò, docet, quod, quemadmodum præter naturæ ordinem Virgo concepit, ac genuit Christum: ita præter naturæ ordinem idem corpus, quod est ex Virgine, habetur in Eucharistia: Quarto, eodem modo post consecrationem corpus Christi significa-

tur,

tur, quo ante consecrationem species nominatur: atqui ante consecrationem species, & est, & nominatur; igitur post consecrationem corpus Christi, & est & significatur; hic enim vox *significatur*, idem est ac nominatur. *Lib. 4. de Sacramentis cap. 4.* & 5. eandem habet doctrinam.

Verum respondet hæretici, post consecrationem est corpus Christi sacramentaliter, & virtualiter, non autem verè substantialiter ac propriè.

Contrà, verba S. Ambrosii distinctè inferunt realem corporis Christi præsentiam: *Panis*, inquit, *iste panis est ante verba Sacramentorum, ubi accesserit consecratio, de pane fit caro Christi*. Et infra: *Quomodo potest, qui panis est, esse corpus Christi consecratione: consecratio igitur quibus verbis, & cujus sermonibus? Domini Jesu, &c.* Capite sequenti: *Antequam consecratur, panis est, ubi autem verba Christi accesserunt, corpus est Christi: ante verba Christi calix est vini, & aque, ubi verba Christi operata fuerint, ibi sanguis efficitur, qui plebem redemit: ergo videte quantis generibus potens est sermo Christi universa convertere. Deinde ipse Dominus Jesus significatur nobis, quod corpus suum accipiamus, & sanguinem: nunquid debemus de ejus fide, & testificatione dubitare? Magnum quiddam, & venerabile, quod manna Judæis pluit de cælo; sed intellige, quid est amplius manna de cælo, an corpus Christi? Ex quibus sic argumentor: Dicitur post consecrationem corpus, & sanguis Christi: dicitur, quod sanguis efficitur Christi, qui plebem redemit: dicitur fieri per conversionem ab omnipotentia Dei: Dicitur denique alio modo corpus Christi esse in Eucharistia, quàm in manna: atqui in manna erat significativè, & sacramentaliter corpus Christi, cujus scilicet erat figura: sanguis, qui plebem redemit, est verus ac proprius sanguis Christi: denique figurativa representatio non est ab omnipotentia Dei: ergo ex mente S. Ambrosii non tantum figurativè, & sacramentaliter, sed realiter, & propriè existit corpus Christi in Eucharistia.*

*Insuper:* S. Ambrosius comparat mutationem, quæ fit per consecrationem, illi mutationi, quæ fit per Baptismum, per quam scilicet homo ex veteri mutatur in novam creaturam: atqui hæc mutatio est tantum accidentaliter: ergo, &c. Deinde utitur nomine similitudinis, quasi panis, & vinum sint tantum similitudo, & figura corporis, & sanguinis Christi.

*Fraßen Theol. Tom. XI,*

*Respondet ad primum*, comparationem in eo tantum esse, quod, quemadmodum in Baptismo ex veteri fit nova creatura per operatorium Christi sermonem, ita in consecratione Eucharistiæ de pane fit corpus Christi, quæ verba non excludunt realem præsentiam: adducit enim exempla physicarum mutationum. Itaque vult operatorium Christi sermonem omnia transmutare suo modo, alia scilicet substantialiter, ut fit in Eucharistia, alia autem accidentariò, ut fit in Baptismo.

*Respondet secundum*, verba Auctoris perspicua satis esse, ut non tantum similitudinem ac figuram, sed etiam substantialem corporis Christi præsentiam importent; quamvis, ne cruoris horror deterreat, obvolvatur specie panis.

*Respondent secundum*, libros de Sacramentis falso attribui S. Ambrosio. *Probat primum*, quia stylus diversus est à stylo S. Ambrosii: est enim submissus, rudis ac barbarus, ut constat ex lib. 1. cap. 3. & 5. *Secundò*, quia Auctor librorum istorum plures facit observationes leves, ridiculas, & indignas S. Ambrosio, v. g. observat cap. 1. lib. 1. quod baptizati, Romæ fideles dicebantur, quasi verè tempore S. Ambrosii per universum orbem non ita cognominarentur. Cap. 5. expendens hæc verba Christi Matt. 3. *Decet nos implere omnem justitiam*, ait: *Vide, quia omnis justitia in Baptismo constituta est*. Lib. 6. c. 3. ad hæc verba: *Clauso ostio, ora Patrem tuum, Audi*, inquit, *quod ostium habeas, quod debeas claudere, quando oras, utinam mulieres audirent*. Cap. 4. ait, nos secretò magis orare debere, quàm cum vociferatione, quod ut probet, ridiculam hæc adducit rationem S. Ambrosio indignam; *Ne aliter pueretur Deus, nonnisi clamorem audire*. Nonnulla asserit repugnantia, & contradictoria, v. g. lib. 3. c. 3. proficitur se in omnibus sequi Ecclesiam Romanam, à cujus tamen ritibus, & ceremoniis Ecclesia Mediolanensis discrepabat, ipse etiam Auctor libere recedit. Denique falsa profert v. g. lib. 5. c. 4. exponens orationem Dominicam, legentique *ne patiaris induci nos in tentationem*, subjungit, *Non dicit, non inducas in tentationem*, & tamen constat ex Evangelistis, Christum dixisse, *Ne nos inducas*. *Tertiò*, Auctor iste utitur versione alia ab ea, qua S. Ambrosius usus est. *Quarò*, quia prædictus Auctor ludit allegoriis, *Quinò* denique, quia libri de Sacramentis

K

idem

idem habent argumentum, quod liber de initiandis.

*Contra primò*, consensus omnium Editionum hos libros S. Ambrosio tribuit: *Secundò*, codices manuscripti omnes consentiunt: *Tertiò*, sub nomine S. Ambrosii citantur libri illi de Sacramentis à Magistro sententiarum, Gratiano, Algero, Guilmundo, Ivone Carnotensi, Lanfranco, Durando Troalnenfi, Hugone Lingonenfi, Deoduno Leodiensi, Berengario apud Lanfrancum, Ratramo, & Paschasio, idest, ab octo, & amplius sæculis. Unde patet quàm falsò asserat Rivetus, libros istos non citari à prisca Authoribus ante Lanfrancum. Taceo, quòd teste S. Augustino lib. 2. retract. cap. 4. beatus Ambrosius scripsit librum de Sacramentis; nam ibi Sacramentorum nomine intelligit mysteria fidei, ut patebit legenti. Denique quia nullus est momenti, quod nobis ab hæreticis objicitur. Primum quidem petium ex styli diversitate: nam, ut observat S. Augustinus lib. 4. de doctrina Christiana cap. 21. ubi agitur de fidei dogmatibus, S. Ambrosius utitur submisso dicendi genere, affert ibidem exempla, quæ legi possunt: at in libris de Sacramentis Author dat documenta fidei, qualia passim in ejus sermonibus ad populum reperiuntur. *Observa* libros istos de Sacramentis pro concione ad populum habitos fuisse, ut constat ex sermonibus 2. 4. 5. 34. in quo etiam hæc habet: *Solent*, inquit, *dicere, non possumus laborare, & jejunare, sed ideo non possunt, quia nolunt*; saltem „ laborent minus, ut jejunare possint, monco, ea propter, & contestor vos in Domino, ut nullus vestrum, nisi fortè sit infirmus, aut infans, usque ad Pascha, nisi „ in Dominicis diebus ante Nonam manducet, aut bibat: monco etiam, ut qui iuxta Ecclesiam est, & sine gravi impedimento potest, quotidie audiat Missam, & qui „ potest omnino nocte ad matutinum Officium veniat. *Observat* denique ex iis sermonibus dumtaxat controversiam esse an trigessimus quartus sit Sancti Ambrosii. Videtur non esse illius, quia suo tempore servabatur mos Græcorum de non jejunando die Sabbati: at in eo sermone reprehenditur Quinquagesima, quam loco Quadragesimæ aliqui introduxerunt; addentes unam hebdomadam, ut detractis Sabbatis, & Dominicis, quibus non jejunabatur, idem dierum numerus rediret.

*Respondet ad secundum*. Primò non habe-

tur, quòd Romæ fideles dicantur qui baptizati sunt: id, inquam, non habetur in variis Editionibus, Parisiensis anni 1614. Coloniensis anni 1616. neque in multis codicibus manuscriptis, sed habetur simpliciter; *ideo rectè Fideles dicuntur, qui baptizati sunt*. Habetur quidem Romæ in codice manuscripto Bibliothecæ S. Michaelis in *periculo maris*, sed facile oculis ipsisprehenditur vocem istam loco alterius suppositam fuisse. Ex codicibus manuscriptis, & impressis, qui hanc vocem habent, Romæ, alii præmittunt particulam copulativam (&) & alii omittunt; credibile est in quibusdam repertas fuisse duas istas litteras (Re) unde factum est, ut aliqui legerint Romæ, cum legere debuissent rectè. Nec obstat, quòd scribatur per (&) nam in veteribus manuscriptis una ex iis litteris indiscriminatim scribitur pro alia.

Secundum caput hujus objectionis verissimum est, omnem scilicet justitiam in Baptismo constitutam esse, nec indignum est, nec contra mentem S. Ambrosii, si Catholico sensu propositio, ut debet, intelligatur scilicet pro plena remissione peccatorum. Tertiò cap. S. Ambrosius conformiter ad Evangelium rectè docet intrandum esse in cubiculum, hoc est, secretò orandum esse, ut vana gloria, atque iactantia fugiatur: nisi velis, S. Ambrosium reprehendere promiscuas vociferationes virorum, ac mulierum, quales sunt in templis nostrorum hæreticorum. Ubi de lotionem pedum sermo est, nulla barbaries, sed submissum dicendi genus continetur. Nihil etiam falsi in eo, quod dicit Author se in omnibus sequi Ecclesiam Romanam; quamvis tunc Mediolanensis in pluribus discreparet: illa enim convenientia, vel intelligenda est moraliter, hoc est in pluribus, vel in his quæ spectant ad fidem. Audiatur S. Ambrosius lib. 7. Epistolarum epist. 4. *De Ecclesia*, inquit, *Romana in omnes veneranda Communionis iura dimanant*. Item epist. 7. *Credatur Symbolo Apostolorum, quod Ecclesia Romana intemeratam semper custodit, & servat*. Epist. 9. quæ est ad Theophilum Alexandrinum, qui contentio de Episcopatu Antiocheno Flaviano inter, & Evagrium à Capuana Synodo commissa erat: Theophilo querenti quid esset agendum, respondit S. Ambrosius: *Referendum arbitramur ad S. Fratrem nostrum Romanæ Ecclesie Sacerdotem; postea ut nos quoque accepta vestrorum seris statutorum, cum id gestum esse co-*

gnovimus, quod Ecclesia Romana baud dubie comprobaverit, leti fructum ejusmodi examinis adipiscamur. Ecce quomodo S. Ambrosius in omnibus sequebatur typum, & formam Ecclesie Romanæ: cum quo tamen bene stat, quod in jejuniis Sabbati, vel in aliis privatis ritibus Ecclesia Mediolanensis disceperet.

Denique, falsi Author reprehendi non potest propterea quod scripserit, Christum non dixisse, ne nos inducas, sed, ne patiaris nos induci in tentationem; id enim facit solvitur ex S. Augustino lib. de dono perseverantiae cap. 6. ubi distinguuntur tentationem duplicem, aliam utilem, aliam verò noxiam: Deus, inquit, neminem tentat, tentatione scilicet noxia; nam est utilis, qua non decipimur, vel opprimimur, sed probamur, secundum quod dictum est: Proba me, Domine. Secunda ergo illa noxia tentatione, quam significat Apostolus, dicens: Ne forte tentaverit vos, qui tentat, & inanis sit labor vester; Deus, ut dicit, neminem tentat, hoc est, nemini vni infert, vel inducit in tentationem: nam tentari, & in tentationem non inferri, non est malum, imò etiam bonum, &c.

Tertium caput objectionis petiit ex diversitate versionum non magis urget; nam ca opus S. Ambrosii lectione satis constat, illum non semper eisdem terminis eisdem Scripturæ locos citasse.

Quartum non est validius quia certum est, S. Ambrosium sæpe sæpius Origenem imitari in adducendis allegoriis. Denique leve est, quod quinto, & ult. loco adducitur, quia non raro SS. Patres de eodem argumento tum diverso tempore, tum diversis libris differuisse, constat ex libris S. Augustini de Symbolo ad Catechumenos: tum maxime, quia libridi Sacramentis longè tutiores, pluraque continent, quàm libri de iniciandis.

Obijciunt hæretici primò aliquos Patres Græcos, qui panem, & vinum etiam post consecrationem appellant figuram, figuram, symbolum, antitypa, memoriale, & representationem corporis, & sanguinis Christi. Sic præcipue S. Gregorius Nazianz. orat. funebri de S. Co gonii sua sorore, & S. Cyrillus Hierosolymitanus Catechesi 5. quibus concordant plurimi Latini Patres, maxime Tertullianus lib. 4. contra Marcionem cap. 40. Acceptum, inquit, panem, & distributum Discipulis, corpus unum illum fecit, Hoc est corpus meum, dicens, id est figura corporis mei. Similiter S. Augustinus contra Adimantum Manichæum,

cap. 10. sic ait: Non enim dubitavit Dominus dicere, Hoc est corpus meum, cum signum daret corporis sui. Et in Psal. 3. Judam adhibuit ad convivium, in quo corporis, & sanguinis sui figuram Discipulis commendavit, & tradidit.

Respondet primò, quòd dum Patres Eucharistiam appellant signum, figuram, vel symbolum corporis Christi, non intendunt negare realem ipsius Domini corporis in Eucharistia præsentiam; duplex enim est figura, una, quæ rem absentem, alia verò, quæ rem præsentem exhibet. Sic ad Hebr. 1. Christus dicitur, figura substantia Patris, & ad Coloss. 1. Imago Dei, & ad Philipp. 2. dicitur ad similitudinem hominum factus, & habitum invenit ut homo; at hæc ratio figuræ non remouet ab eo consubstantialitatem cum Patre; nec ratio similitudinis negat in eo veram humanitatem. Igitur quemadmodum Apollinaristæ perperam negabant ex præfato Pauli ad Philipp. oraculo veram, & realem in Christo esse humanitatem, & carnem, pari ratione toto cælo à veritate Catholica aberrant Calvinistæ, dum colligunt, Christi corpus non esse realiter in Eucharistia, ex eo quòd aliqui ex SS. Patribus ipsam Christi corporis figuram appellant. Nam, ut egregie ait Algerus; Sicut res antiquæ legis erant figura sine veritate; res alterius viæ, veritas sine figura; ita res præsentis statui sunt figura, & veritas. Porro Eucharistia dicitur figura, tum ratione symbolorum externorum, sub quibus Christi corpus, & sanguis obvelantur: tum ratione gratiæ invisibilis, quam Christi corpus etiam secundum veritatem significat, & efficit: tum ratione ejusdem Christi olim in terra existentis, & patientis, necnon & jam in cælo visibiliter triumphantis.

Respondet secundò ad auctoritatem Tertulliani, & S. Augustini, quibus maxime adversarii niti videntur: Primò quidem Tertulliani textum, & phrasim cum distributione accommoda esse accipiendam; vox enim figura non applicatur corpori, sed particulae hæc; quæ ex mente Tertulliani supponit pro pane, itaut sensus sit, Christus acceptum panem, qui erat figura corporis sui, corpus suum fecit dicendo: Hoc, id est, figura corporis mei, est corpus meum. Unde Tertullianus transpositione usus est, ne ordinem verborum Christi D. interpositione particulae hæc, K 2 inter-

interrumperet. Sicut *lib. contra Praxeam*, cap. 29. explicans, qua ratione Christus, cum sit Deus, potuerit mori, illud Apostoli 1. Cor. 15. refert: *Quoniam Christus mortuus est*, atque: *Dicens, Christus mortuus est, id est unctus; id quod unctum est, mortuum ostendit, id est, carnem.* Ubi particulam, *id est unctus*, immediatè post *ly Cbrisus* non subiecit, ne verborum Apostoli series interrumperetur.

Porro quòdeà sic mens Tertulliani, perspicuum fiet consideranti Marcionem duplici potissimum errore laborasse, nam & Christo spectrum, & figuram corporis asfinxit, & legem veterem à malo Deo mundi hujus opifice conditam, à Christo tandem abolicam fuisse somniavit, & hoc libro suo antitheseon legis, & Evangelii suadere conatus est. Priorem errorem hujus libri confutavit Tertullianus; posteriore quarto libro adoritur, probans non venisse Christum, ut legem solveret, sed adimpleret, exhiberetque derivator in novo Testamento eorum veritatem, quorum figuræ in veteri habebantur. Hoc præmissum audiamus Tertullianum: Professus itaque, *inquit*, se concupiscentia concupisse edere Pascha, ut suum (indignum enim, ut quid alienum concupisceret Deus) acceptum panem, & distributum Discipulis corpus suum illum fecit. Hoc est corpus meum dicendo, id est figura corporis mei; figura autem non fuisse, nisi veritatis esset corpus. Cæterum vacua res, quod est phantasma, figuram capere non posset. Aut si propterea panem corpus sibi finxit, quia corporis carebat veritate; ergo debuit panem tradere pro nobis. Faciebat ad veritatem Marcionis, ut panis crucifigeretur. Cur autem panem corpus suum appellat, & non magis ponem, quem Marcion cordis loco habuit? non intelligimus veterem fuisse istam figuram corporis Christi, dicentis per Hieremiam: Adversus me cogitaverunt cogitatum, dicentes: Venite mitamus lignum in panem ejus (scilicet crucem in corpore ejus.) Itaque illuminator antiquitatum, quid tunc voluerit significasse panem, satis declaravit, corpus suum vocans panem; Sic & in calicis mentione Testamentum constituens, sanguine suo obtignatum substantiam corporis confirmavit: nullius enim sanguis esse potest, nisi carnis, nam etsi quæ corporis qualitas non carnea opponetur nobis, cer-

tè sanguinem, nisi carnea, non habebit: Ita consistit probatio corporis de testimonio carnis, probatio carnis de testimonio sanguinis. Ut autem & sanguinis veterem figuram in vino recognoscas, aderit Esaias: *Quis*, inquit, *qui advenit ex Edom, rubor vestimentorum ejus ex Bosor, sed decorus in stolo violentia cum fortitudine? Quare rubra vestimenta tua, & indumenta, sicut de foro torcularis pleno conculcato? .. Multò manifestius in benedictione Judæ, ex cuius Tribu carnis census Christi processurus, jam tunc Christum in Judæa delineabat: Lavabit, inquit, in vino stolum suum, & in sanguine uræ amicum suum: stolum, & amicum carnem demonstrans, & vinum sanguinem, ita & nunc sanguinem suum in vino consecravit, qui tunc vinum in sanguinem figuravit.*

Quibus verbis Tertullianus colligit veritatem carnis, & sanguinis Christi, ex eo quod utrumque figuratum fuit in veteri lege per panem, & vinum; unde sic ratio cinatur: Panem, & vinum, quæ erant corporis, & sanguinis Christi figuræ legales, verbis suis fecit verum corpus suum, & sanguinem in Eucharistia: at figura non est nisi alicujus veritatis: igitur Christus habuit verum corpus, verumque sanguinem. Nullum autem foret hujusmodi Tertulliani argumentum, si panis, & vinum in Eucharistia essent dumtaxat figura corporis, & sanguinis Christi; inde enim foret consequens, quod panis, & vinum in veteri lege fuissent figuræ, non veri corporis, sed dumtaxat illius umbræ, & imaginis; igitur tantum abest, ut Tertullianus patrocinetur hæreticorum errori, imò diserte, ac luculenter veritatem Catholicam astruit, & confirmat, quippe ex veritate corporis, & sanguinis Christi in Eucharistia aperte colligit, Christum habuisse verum corpus, verumque sanguinem. Unde etiam subdit: Panis & calicis sacramento jam in Evangelio probavimus corporis, & sanguinis Domini veritatem adversus phantasma Marcionis.

*Ad S. Augustinum respondendo*, cum Contensione, ipsum priori loco arguere ad hominem Adimantum, qui cum esset Manichæorum hæresi infectus, non solum cum aliis Sectariis existimabat, Eucharistiam non consecratione, sed natura sua esse signum corporis Christi, non quidem veri, sed dum-



takat apparentis, quod secundum simulatam speciem corporis passum fuerat in cruce, ut observat S. Augustinus hæresi 36. Sed præter illum Christum in phantasmate, sub Pontio Pilato crucifixum, duplicem adhuc Christum delirantes Manichæi fingebant, alium, quem terra concipiens patibilem gignit, ut observat ipse S. Augustinus libro de fide contra Manichæos, cap. 34. *Dicitis magno errore, sed tamen dicitis, Christum quotidie nasci, quotidie pati, quotidie mori. Numquid fortè in eis, qui credunt, & pro nomine ipsius tribulationes, mortemque patiuntur? Non inquirunt, sed in cucurbitis, & in poris, & in porculaca, & in ceteris bujusmodi rebus, magna ridicula, magna cæcitas: superius Passionibus demonum, hic passionibus olerum bonitatem liberantur à peccatis.* Alium verò Christum impassibilem admittebant, per Solem, Lunamque distinctum, ut ait idem Augustinus. Porro corpus Christi patibilis (quod erat quilibet fructus, & olus, ac proinde panis) secundum Manichæos erat tantum signum corporis phantastici, in quo impassibilis Christus simulatè passus, & mortuus est. Etenim panis non fiebat consecratione corpus Christi patibilis, cum esset corpus Christi patibilis natura sua, non fiebat etiam verum Christi impassibilis corpus; alioquin Christus impassibilis, in pane passibilis evassisset, nam in ejusmodi escis Christus secundum Manichæos quotidie patiebatur, quotidie moriebatur. Unde juxta Manichæos, panis erat tantum figura corporis phantastici Christi in cruce passii. Quare S. Augustinus juxta principia Manichæorum locutus est, cum dixit: *Non dubitavit Dominus dicere, Hoc est corpus meum, cum signum daret corporis sui.* Id est, non dubitavit Dominus dicere, Hoc est corpus meum, cum illud daret, quod secundum vos est tantum signum corporis sui. Loco enim illo contra Adimantum respondet heretico illi verus Testamentum calumnianti ex eo, quod Deut. 12. cavetur, ne sanguis animalis comedatur, *sanguinem enim eorum pro anima est*, nec debet comedi anima cum carnibus. Hoc autem testimonium impugnabat Adimantus, quia in novo Testamento Dominus dicit, non esse timendos eos, qui occidunt corpus, animæ autem nocere non possunt, quæ duo, inquit, pugnantia sunt, si anima sit sanguis, illi enim homines nocere possunt. Cui objectioni respondet S. Augustinus, *primò*

*Frassen Theol.* Tom. XI.

in Deuteronomio sermonem esse de anima brutorum, in Evangelio de anima hominum: nullibi enim veteris Testamenti scriptum est, animam humanam esse sanguinem. *Secundò* respondet, illud præceptum in signo positum esse, hoc est, sanguinem appellari animam, non quod sit anima propriè, sed quia est signum animæ. In hujus autem responsionis confirmationem addit, quod Dominus non dubitavit dicere corpus suum, cum illud daret secundum vos, o Manichæi, esse tantum signum corporis sui: ergo sanguis, qui est signum animæ, potuit anima appellari. Postquam verò ex Manichæis ipsi ostendit figuram nomine rei, cuius est figura, nuncupari, illud ipsum confirmat, quia in veteri lege omnia erant figuris plena, utiturque exemplo petra, quæ Christus dicitur figurativè, non solum ex adversariorum, sed ex propria etiam sententia. Ita appositè Contenson ex Perronio, Bellarmino, & aliis.

Ad alteram auctoritatem S. Augustini depromptam ex Psalm. 3. *Respondet*, eam non esse intelligendam de figura quadam innani, & merè dumtaxat representativa corporis, & sanguinis abscentis; sed de figura, & speciebus sacramentalibus, quæ continent, & demonstrant ipsummet corpus verè præsens cum sanguine; quemadmodum figura corporis naturalis est vetè demonstrativa ejusdem corporis, cuius est figura. Id tamen interest, quod hæc sit corpori naturali propria, ei que inhærens, & adhærens, illa verò neq; inhæreat, nec adhæreat corpori, & sanguini Domini: sed modo existendi prorsus miraculoso verè contineat, & designet corpus, & sanguinem Domini sub aliena specie occultatum.

*Confirmatur* hæc responsio: quia cum Christus faceret Pascha cum Discipulis suis, & tum agno Paschali, tum aliis confamilibus figuris finem imponeret, non influebat novas, ac imperfectiores (quandoquidem nudæ panis, & vini figuræ longè imperfectiùs significarent corpus, & sanguinem, vel etiam Passionem, aut mortem Christi, quam agnus Paschalis) sed substituebat multo perfectiores, quæ nimirum continerent, & designarent ipsum verum corpus, & ipsum verum sanguinem. Nam sic agebat: *Accipite, & comedite, Hoc est enim corpus meum; Bibite ex hoc omnes, hic est enim sanguis meus novi Testamenti, qui pro multis effundetur in remissionem peccatorum.* Quod si novi Testamenti:

K 3 ergo

ergo & terminativi (ut ita loquar) figuram antiqui Testamenti.

Addo à S. Doctore Augustino, *mirandam prædicari patientiam Christi, qui sudam addidit ad contrivum, in qua corporis, & sanguinis sui figuram tradidit*. Si enim solam, meram, nudam, & quodammodo inanem figuram tradidisset, non adeo miranda foret patientia Christi D. Sed in hoc maxime elucebat, quod perfidissimo proditori simul cum figura corpus, & sanguinem suum porrigeret, prout idem S. Augustinus clariùs, expressiùsque aperit, & semetipsum explicat in Psal. 10. dum ait: *Christus tradiditrem suam tanta patientia perterritus, ut ei primum Eucharistiam confectam manibus suis, & ore suo commendatam, sicut cæteris Apostolis, traderet*. Vocat primam hostiam confectam manibus Christi, id est, ipsius potentia consecratam, neque enim ipse panem consecrasset.

*Urgent*: S. Augustinus apertè docet, corpus Christi in Eucharistia solummodo fide percipi: igitur non censet ibi verè, ac substantialiter sub speciebus delectescere. Probat antecedens ex tract. 25. in Joan. *Quid paras dentem, & ventrem? Crede, & manducasti*. Et tract. 26. *Credere in eum, hoc est, manducare panem vivum*.

*Verum respondeo*, S. Augustinum ibi loqui de manducatione Christi spirituali, quæ fit per fidem Incarnationis, non autem de Eucharistia. Quod autem S. Augustinus excludat modum sumendi Eucharistiam tantum per fidem, constat ex tract. 11. in Joan. ubi expendens hæc verba; *Illi crediderant in eum, & Jesus non se credebatur eis, ait: Tales sunt omnes Catechumeni. Ipsi jam credunt in nomine Christi, sed Jesus non se credit eis. Intendat, & intelligat charitas vestra. Si dixerimus Catechumeno: Credis in Christum? Respondet, Credo, & signat se cruce Christi, portat in fronte, non evanesceat de cruce Domini sui, Ecce Credit in nomine ejus. Interrogemus eum, Manducas carnem filii hominis, & bibis ejus sanguinem? Nescit quid dicimus, Jesus non se credit ei. Cernis quemadmodum Augustinus discernat fidem à manducatione, dum asserit Catechumenum, credere in Christum, negat tamen cumscire quid sit manducare carnem filii hominis, & bibere ejus sanguinem. Igitur mens S. Augustini non est, quod Christi D. corpus debeat dumtaxat sumi per fidem, alioqui frustra negaret, Catechumenum*

comedere corpus Christi, quippe cum Christum per fidem apprehendat. Pari ratione interpretandus est libro 2. de peccatorum meritis, & remiss. cap. 26. *Quod accipiunt, quamvis non sit corpus Christi, sanctorum tamen est, quoniam sacramentum*. Ibi enim loquitur de pane Catechumenorum, quem vocat sacramentum laxiori significatione, quia panis ille benedictus erat signum unitatis fidei, & Ecclesie, necnon & symbolum Eucharistie, cujus vice ministrabatur.

Addo, quod vocabula illa, *Quid paras dentem, & ventrem?* distindè non inveniuntur apud S. Augustinum, sed solum colligantur ex Traçt. 25. & 26. in Joan. sicut notatum reperies de consecrat. dist. 2. ante capitulum: *Ut quid paras dentem, & ventrem?*

*Instant iterum*: Reverà S. Augustinus censuit Christum in Eucharistia sumi tantum per fidem, & in ea dumtaxat esse significativè, seu ut in Sacramento fidei; nam epist. 3. ad Bonifacium scribit in hunc modum: *Nonne semel immolatus est Christus in seipso, & tamen in Sacramento non solum per omnes Pasche solemnitates, sed omni die populis immolatur? Nec utique mentietur qui interrogatus responderit eum immolari. Sic enim Sacramenta quamdam similitudinem earum rerum (quarum Sacramenta sunt) non haberent, omnino Sacramenta non essent. Ex hac autem similitudine plerumque etiam ipsarum rerum nomina accipiunt. Sicut ergo secundum quemdam modum, Sacramentum corporis Christi, corpus Christi est, & Sacramentum sanguinis Christi, sanguis Christi est, ita Sacramentum fidei, fides est.*

*Respondeo* cum nostro d' Añrey, controversia de Eucharistia; Primò his verbis non negari à S. Augustino, imò expressè asseri, quod Christus verè immoletur, ita ut non mentietur, qui interrogatus responderit eum immolari in Sacramento: sed negari, quod immoletur in seipso, id est, sensibilibus, & cruentè, quia immolatio illa non afficit Christum in seipso intrinsecè, quantumvis illic præsentissimum, sed afficit sacramentaliter dumtaxat, & incruentè, repræsentando cruentam illius immolationem olim in cruce factam, seu corpus instar occisi, ac sanguinem instar effusi, & hoc ipsum non solum per omnes Pasche solemnitates, sed omnidie fit pro multis in remissionem peccatorum.

*Respondeo secundò*, secundum quemdam mo-

modum, *Sacramentum corporis Christi esse corpus Christi*, nimirum in sensu casuali, id est per modum causæ moralis veræ, & realiter continentis suum figuratum, & saltem moraliter causantis, ac conservantis veram, & realem illius præsentiam, quemadmodum *fidei Sacramentum* (hoc est, Baptismus) *fides est*; non solummodo significativæ, sed etiam causaliter, & efficaciter, tanquam signum causativum, & demonstrativum sui effectus præsentis in fieri. Nam, ut ait S. Doctor lib. 1. de peccatorum meritis, & remissione, cap. 9. *Christus, in quo omnes vivificabuntur, præter quàm quòd se ad justitiam exemplum imitantibus præbuit: dat etiam sui Spiritus occultissimam fidelibus gratiam, quam latenter infundit & parvulis*. Ex hac igitur comparatione Sacramenti fidei, seu Baptismi cum Sacramento corporis Christi, sequitur ex mente S. Doctoris Augustini, *Sacramentum corporis esse corpus*, non nudè significativè, hoc est, ut lignum dumtaxat rememorans, & abstrahens ab effectu, & præsentia sui significati, sed ut signum efficax præsentia ipsius, eamque continens, & demonstrans in fieri, & conservari, prout loqui solent, qui Theologiam Scholasticam tractant.

Obijciunt *secundò eundem* S. Augustinum in Psalm. 98. ubi Christum sic loquentem ad Capharnaitas inducit: *Spiritualiter intellige quod locutus sum: non hoc corpus, quod videtis, manducaturi estis, & bibaturi illum sanguinem, quem fuseri sunt, qui me crucifigunt. Sacramentum aliquod commendavi vobis, spiritualiter intellectum vivificabit vos, caro autem non prodest quidquam*.

Respondet, S. Augustinum intelligendum esse de manducatione corporis passibilis, & bibitione sanguinis modo sensibili, & cruento, ut seipsum explicat in epistola ad Irenæum, verbis relatis de consecr. dist. 2. cap. 45. *Non hoc corpus*, inquit, *quod videtis, manducaturi estis, & bibaturi illum sanguinem, quem fuseri sunt, qui me crucifigunt. Ipsum quidem, & non ipsum. Ipsum invisibiliter, & non ipsum visibiliter*. Unde præstata verba eo modo sunt accipienda, quomodo ipsemet S. Augustinus explicat illud dictum Christi D. Joan. 14. *Jam non vivacibus me; ait enim tract. 95. Quid ergo est, nisi quomodo sum, cum vobiscum sum? Hunc ergo Christum, id est talem Christum non erant visuri. Quòd li negandum sit verum corpus Christi in Eucharistia, quia dixit Au-*

*gustinus: Non hoc corpus, quod videtis, manducaturi estis; eodem planè modo negandum erit verum Christum suscitatus à mortuis, quia idem S. Augustinus dixit: Hunc Christum non esse jam videndum; Quòd quàm impium sit, ac blasphemum, & à tanti Doctoris mente alienissimum, nemo non videt. Imò verò ne cui vel minimè saltem suspitionis umbram relinqueret, cum dixisset, *Apóstolos hunc Christum non visuros*, statim quo sensu id foret intelligendum, manifestissimè declaravit, cum subdidit, id est talem. Eodem ita prorsus modo, quando suprà dixit: *Non hoc corpus, quod videtis, manducaturi estis*, subintelligendum est, non tale corpus quod videtis, manducaturi estis; sic etiam S. Paulus dicebat ad Galat. 2. *Vrò ego, jam non ego*: Unde de eodem homine notabiliter accidentariè mutato dicitur, non est amplius idem, qui fuerat. Hinc S. Ambrosius lib. 2. de Pœnitent. cap. 10. refert, quemdam rectè dixisse, *Ego non sum ego*. Quòd autem aliud noluisset S. Augustinus eo loco, manifestè patet; siquidem ibi scripserat; *Christum suscepisse de terra terram, quia caro de terra est, & de carne Maria accepisse carnem, in ipsa carne hic ambulasse, & ipsam carnem nobis manducandam ad salutem dedisse, neminem autem illam carnem manducare, nisi prius adoraverit, & non solum non peccari adorando, sed peccari non adorando*. Quomodo autem post hæc tam clarè, tamen videnter expressa, & inculcata, S. Augustinus in eodem sermonis contextu, velut sui oblitus, veritatem corporis Christi in Eucharistia negasset, adeoque idololatriam statuisset; si enim ibi non est Christi caro, ibi non est adoranda?*

Ut autem omnes similes ex S. Augustino depromendas auctoritates facili negotio dissecutas, placuit hic attexere nonnullas observationes, quas ex doctrina sanctissimi illius Doctoris selegit P. d'Abrys loco suprà laudato, pag. 158. *Primò* quidem monet S. Augustinus lib. 1. de Trinit. cap. 8. *Arbitror sanè, inquit, tardiores (adde & præsumptiores) in quibusdam locis librorum meorum opinaturos, me sensisse, quod non sensi, aut non sensisse quod sensi. Quorum errorem mihi tribui non debere, quis nesciat? Quandoquidem nec ipsi Sanctus divinatorum librorum auctoribus ullo modo quisquam rectè tribueret tam multos, & variis errores hæreticorum*.

Monet *secundò* lib. de dono perseverantia

tiæ cap. ult. *Qui legunt, si intelligunt, agent Deo gratias, qui autem non intelligunt, orant.* Qui verò me errare existimant, etiam atque etiam, quæ sunt dicta, considerent, ne fortassis ipsi errent.

Monet tertio lib. de unitate Ecclesie, cap. 18. *Non ea colligenda, & commemoranda sunt, quæ obscurè, vel ambigè, vel figuratè dicta sunt, quæ quisque sicut voluerit, interpretetur secundum sensum suum; talia enim rectè intelligi, exponique non sunt, nisi prius ea, quæ apertissimè dicta sunt, firma fide teneantur.*

Monet quarto, Sacramenti mysterium propter suam summam ipsius profunditatem, non esse temerè coram Catechumenis, & Gentilibus exponendum: *Catechumenis, inquit tract. 56. in Joan. Sacramenta fidelium non produuntur; non ideo, quòd ea ferre non possunt, sed ut ab eis tantò ardentius concupiscantur, quantò honorabiliùs occultantur.* Idem docet in Psalm. 109. necnon & lib. 10. de civitate c. 26. sed evidentissimè ferm. 56. de verbis Domini; *Sicut audivimus, cum sanctum Evangelium legeretur, Dominus Jesus Christus exhortatus est promissione vitæ æternæ ad manducandam carnem suam, & bibendum sanguinem suum. Qui audistis hæc, nondum omnes intellexistis, qui enim fideles, & Baptizati essis, quid dixerit, nollis. Qui autem inter nos adhuc Catechumeni, vel audientes vacantur, potuerunt esse (cum legeretur) audientes, numquid & intelligentes? ergo sermo noster ad utroque dirigitur. Qui jam manducant corpus Domini, & bibunt sanguinem ejus, cogitent quid manducant, & bibant. Qui autem nondum manducant, & nondum bibunt, ad tales epulas invitati festinent. Per istos dies Magistri pascunt. Christus quotidie pascit, mensa ipsius est illa in medio constituta. Quid causæ est, o audientes (Catechumeni) ut mensam videatis, & ad epulas non accedatis? Et fortè modò cum Evangelium legeretur, dixisset in cordibus vestris: Putamus quid est hoc, quod dicit: Caro mea verèdca est, & sanguis meus verè potus est? Quomodo manducatur caro Domini, & bibitur sanguis Domini? Putamus quid dicit? Quis contra te clausit, ut hoc nescias? Velatum est, sed si volueris, erit revelatum. Accede ad professionem, & solvisti quæestionem: Quid enim dixerit Dominus Jesus jam fideles noverunt.*

Quod ad Paganos, seu Gentiles, seu Infideles attinet, satis patet ex Maximi Ma-

daurensis idololatæ epistola, quis eorum sensus fuerit, & quàm non temerè ejusmodi hominibus proponenda fuerint nostræ fidei arcana. Ille enim Ethnicus sic scribit S. Doctori Augustino: *Illud quæso, vir sapientissimè, ut remoto sacundia robore, atque exploso, quocumq; clarus es; omisisti etiam quibus pugnare solebat Chrysostæus argumentis: postposita paululum dialectica, quæ nervorum suorum lucamine nibil cerè cuiquam relinquere nitiur: ipsa te approbes, quis sit iste Deus, quem vos Christiani, quasi proprium vendicatis, & in locis abditis præsentem vos videre componitis? Nos etenim Deos nostras luce palam ante oculos, atque aures omnium mortalium, piis precibus adoramus, & per suos vel hostias nobis propitiis effecimus, & à cunctis hæc cerni, & probari contendimus.*

Similiter S. Chrysostomus homil. de prodicatione Judæ: *Accepti panem Christus, & dixit: Hoc est corpus meum; agnoscunt quid loquar, qui mysteriis initiati sunt.* Teodoretus dialogo 1. *Non est consentaneum aperire loqui, nam hæc furtimè aliqui sunt infideles.* Confirmatur; si enim de aliis arcanis obscurè loquendum erat ad vitandum scandalum, multò magis de Eucharistia, quæ est mysterium mysteriorum; unde etiam vocatur *mysterium fidei* in consecratione calicis.

Advertendum insuper cum illustrissimo nostro Meurissio, quod, quotiescumque Patres verba sacramentalia transfertur ad spirituales divinæ doctrinæ manducationem, non secundum sensum litteralem, sed mysticum fuit intelligendi, qui tamen sensus mysticus cum litterali non pugnat, sed potius in eo fundatur. Sic Origenes in cap. 26. Matth. *Panis iste, quem Deus corpus suum facietur, verbum est nutritorium animarum.* Alias tamen, si nullus supponeretur sensus litteralis, nullum relinquere- tur Sacramentum Eucharistie.

Sic pariter caput sextum S. Joannis nonnulli Patres metaphoricè explicant de manducatione spirituali per meditationem, per fidem, per lectionem Scripturarum, per charitatem, & dilectionem. Ita S. Hieronym. in Psalm. 146. S. August. in tract. 25. & 26. in Joan. Quumvis itaque nonnulli Patres hoc caput sextum Joannis metaphoricè expoluerint, tamen nemo ipsorum docuit non posse aliter, quàm figuratè explicari; imò prædictus S. Hieronym. epist. 150. q. 2. & S. August. tract. 26. in Joan. interpretantur de vera manducatione reali: Unde idem

Origenes homil. 16. in *Numeri*, utrumque sensum conjungit, dicens: *Bibere dicimur sanguinem Christi, & ritu Sacramentorum, & cum sermones ejus recipimus.*

Quarto observatio: Cum dicunt iidem Patres oportere manducare corpus Christi spiritualiter per fidem, non negant realem manducationem, sed spirituales addunt, ut realis sit fructuositas. Ita debet intelligi S. August. tr. 25. in Jo: *Ut quid paras dentem, & ventrem? crede, & manducasti.* Nam mox superius dixit: *Fidei corde, atque ore Christum à nobis suscipi.* Et S. Crisost. etiam suprâ: *Non fide tantum, sed re ipsa.* Ita etiam debent intelligi, cum dicunt Christi corpus à malis non posse manducari, ut Origenes in cap. 15. *Matth. Verbum factum est caro, verusque cibus, quem qui comederit, omnino vivet in æternum, quem nullus malus potest edere.* (Supple prout oportet ad salutem, & ad animæ spiritalem refectionem.) Addo, & per illum modum loquendi velle indicare virtutem omnipotentis divinæ, quæ hoc efficit miraculum, quomodo Apostolus in epistola ad Galatas dicit, Isaac natum fuisse secundum spiritum, idest, per miraculum omnipotentis divinæ.

Si autem SS. Patres sæpe obscuritis de hoc mysterio locuti fuerint, mirum videri non debet; cum enim exorta non esset circa hanc veritatem controversia, liberis loquebantur, quia sciebant se loqui in Ecclesia Catholica, mentemque suam à fidelibus satis intelligi, potissimum nondum exortis hæreticis Sacramentum hoc negantibus, aut oppugnantibus; ideoque de veritate hujus Sacramenti stabilienda ex professo nunquam egerunt. Unde hac in re merito quadrat illud S. Aug. l. de præd. Sanctor. c. 14 ubi generatim excusat omnes Patres, quos Semipelagiani in sui erroris patrocinium proferebant, dicens: *Quid opus est, ut eorum scrutinemur opuscula, qui prius, quam illa bæresis oriretur, non habuerant necessitatem in hac difficili ad solvendum questione versari, quod procul dubio facerent, si, ponderare tali cogerentur. Unde factum est, ut de gratia Dei quid sentiant, breviter quibusdam Scriptorum suorum locis, & transiunt attingentes, immorarentur vero in eis, quæ adversus alios inimicos Ecclesiæ disputabant, & exhortationibus ad quasdam virtutes, quibus Deo vivo, & vero pro adipiscenda vita æterna, & vera felicitate servitur.*

*Obijciunt* 3. auctoritatem *Ruperti Abbatis Tuitiensis*, qui lib. 2. de *divinis Officiis*, docet, Eucharistiam esse nudam corporis Christi figuram; unde opus illud *Vvicleffus*, ejusque sectatores maxime commendant. Hinc Thomas *Valdensis* om. 2. c. 19. scripsit, *Auctorem de divinis Officiis serpere, ut canerem.* Unde S. Anselmus in epist. præfixa tractatui de Sacramento Altaris, quam ad Rupertum dirigit, eum monet illius libri de Eucharistia doctrinam fuisse in Berengario damnatam: igitur tempore Ruperti hæc non erat constans doctrina de reali Christi corporis, & sanguinis in Eucharistia Sacramento præsentia.

*Nego consequentiam, & ad antecedens dico*, apertam esse *Vvicleffii* calumniam, & imposturam, quod Rupertus realem Christi in Eucharistia præsentiam in dubium revocaverit; quinimò eam acerrime propugnavit pluribus; maxime vero in epist. nuncupatoria *Commentariorum* in Joannem, quæ in editione Colonienfi 1526. extat, ubi quorundam in se calumnias referens, sic habet: *Illi autem quid dicant, quid pro argumento afferant, non habent, nisi quod aliqui ex eis, dum volunt sacramentum corporis, & sanguinis Domini solummodo signum esse sacra rei juxta errorem quondam Berengarii Turonensis, etiam dictum S. August. ita sentire putant, quod omnino falsum est. Ego autem dico verum corpus Christi, quod pro nobis traditum est, & verum esse de certo sanguinem, qui pro nobis effusus est, sicut Catholica Ecclesia tenet. Hæc quia probare conati sunt, Beato me derogare Augustino, contra illum sentiendo, quem in sui erroris patrocinium Berengarius citare conseruerat, dicta ejus malo sensu diripiendo. Verum hæc jam fere nemo palam profiteri, aut defendere audeat, universa sentiens Ecclesia Catholica, quia verum corpus, & verus sanguis Christi est. Et in fine: Credamus fidei Salvatori Deo, eo quod non videmus, scilicet panem, & vinum in veram corporis, & sanguinis Domini transisse substantiam. Quibus verbis nihil luculentius.*

*Confirmatur insuper, ex eo quod Rupertus existimavit, corpus Christi ab indignis comedi, non quidem ore fidei, sed corporis. Etenim lib. 6. in Jo: Panis, inquit, semel consecratus nunquam postea virtutem sanctificationis amittit, aut Christi caro esse desinit, sed non prodest quidquam indigno, cuius fides sine operibus mortua est .... Quod ergo dicitur.*

drvenit, quod indignus manducat, & bibit? Hoc cerè pium sit, & salutare credere per membra diffundi: ita ut non sit obnoxium successu, sed hoc plus habet dignus indigno, quia buic ad salutem, illi proficit ad iudicium. Et lib.1. in regulam S. Benedicti sub finem: Habueram, inquit, cum aliquo magni nominis, magnæque affirmationis Scholastico, sive Monacho certamen permolesum de sacramento corporis, & sanguinis Domini, qui inter cætera, quibus deprimerè conabatur moresatem tantu sacramenti, illud mihi obiecerat, quia sacramentum illud Jude quoque traditori suo Dominus dedit, sicut cæteris Apostolis: hoc nimirum intendens, quod nequaquam illi dedisset, si vera esset substantia corporis, & sanguinis sui.

Quin & lib. de divinis Officiis, doctrina de reali corporis Christi in Eucharistia præsentia non obscurè continetur lib. enim 2 c.2. Panis, & vinum, inquit, in verum corpus, & sanguinem Domini transferuntur. Multi fidei oculos non habentes in sancto sacrificio præter panem, & vinum nihil amplius intuentes, cum diceretur eis, corpus, & sanguis Domini est, murmuraverunt, dicentes, quomodo est? ... Verum Dei Verbum, verum Dei Filium sancta Ecclesia Catholica offert Creatori suo, credens corde, & ore consistens, pariterque manibus panem, & vinum, sicut sibi tradidit ipse Salvator, offerens, nam pro quota suorum parte beneficiorum gratias ageret Ecclesia Creatori, Salvatori, & illuminatori suo, si nihil aliud ei, quam panem, & vinum offerret? ... Non ergo solum panem, & vinum, quæ corporaliter videntur: sed & quod nonnisi fidei oculis aspicitur, Verbum Dei, Filium Dei offert sancta Ecclesia, novum, & verum immolans sacrificium: ... Si huius Verbi fumen super panem, & vinum effuderis, & ordine, qui ab ipso statutus est, veritatem huius Verbi præuleris, statim de sancto Altari panem ipsum, & vinum in corpus, & sanguinem suum transferendo suscipis eadem virtute, eadem potentia, vel gratia, qua nostram de Maria Virgine carnem suscipere potuit, quomodo voluit: ... Unum corpus est, & quod de Maria genitum in cruce pendit, & in sancto Altari oblatum quotidie nobis ipsam innovat Passionem Domini. Nihil cerè dici potuit doctrinæ Ecclesiæ Catholicæ, quam propugnamus, magis consentaneum.

Nec obstat, quod idem Rupertus lib. 1. divinis Officiis c.9. asserat, in illum, in quo fides non est, præter visibiles species nihil de

sacrificio pervenire. Hoc, inquam, non obstat; his enim verbis tantum significat indignè communicantem nihil sibi utile præter species accipere, quia corpus, & sanguinem Christi ad iudicium, non ad salutem comedit. Quemadmodum, inquit, asinus ad lyram, cum irracionales aures arigit, sonum quidem audit, sed, modum cantilenæ non percipit; quia et si aures ejus realiter feriant sonus, & cantilenæ modus, harmoniæ tamen modum, & suavitatem non distinguit.

Obijciunt 4. auctoritatem Gregorii VII. summi Pontificis, qui negavit realem præsentiam corporis, & sanguinis Christi in Eucharistiæ Sacramento. Quod utique probant ex Concilio Brixienfi anno 1080. celebrato, in quo triginta Episcopi ipsum Gregorium VII. Pseudomonachum, totiusque vesaniæ pestiferum principem, & præcipuè sanctæ Romanæ Sedis invasorem asserant, ab Apostolica Sede depellendum, quamvis absentem dijudicant, & Vvibertum Ravensensem Archiepiscopum ei substituendum elegerunt. Summa Decreti est: Contra eundem Hildebrandum prociacissimum, sacrilegium, ac incendia prædicantem, perjuriam, & homicidia defendentem, Catholicam, & Apostolicam fidem de corpore, & sanguine Domini in questionem ponentem, hæretici Berengarii antiquum discipulum, divinationum, ac somniorum cultorem, manifestum necronantium, pythonicis spiritibus labrantem, & idcirco à vera fide enorbitantem, judicamus canonicè deponendum, & expellendum; nisi ab ipsa Sede descenderit, his auditis, in perpetuum condemnandum: facta sunt autem hæc 7. Kalend. Julii, fer. 5. Indi. 3.

Confirmant, quia Benno Cardinalis, in vita Gregorii, refert Pontificem illum jejunium indixisse Cardinalibus, ut Deus ostenderet, quis restitui de corpore Domini sentiret, Ecclesiæ Romanæ, an Berengarius; & de corpore Domini signum quævisse, quod petente Magno Gregorio ad firmendam infidelis mulieris fidem contigit: quod tamen Gregorius VII. post multas preces, & jejunia non impetravit; alique fecisse, quibus (inquit Benno) se de veritate Eucharistiæ dubitasse monstravit; & per hoc manifestè probatur infidelis, cum in Nicæno Concilio scriptum sit, dubium in fide infidelem esse.

Respondet primò: Hæreticos hanc auctoritatem objicientes proprio mucrone ja-

gulari: si enim Conciliabulum Brixienſe legitime Gregorium V I I. exaudivit, quod de veritate realiſti Chriſti in Euchariftia præſentia contra Catholicam & Apoſtolicam fidem dubitaret, conſequens eſt quod aſſertio hujus realiſti præſentia ſic Catholica, & Apoſtolica fidei conſentanea.

*Reſpondeo ſecundo:* Nihili faciendum eſſe decretum illius Conciliabuli Brixienſis, utpote à ſchiſmaticis Episcopis, agente & urgente Henrico Imperatore excommunicationis ſententia ab ipſo Gregorio, fulminato, emanatum. Scribit enim Matianus Scotus ad annum 1081. Henricum Imperatorem cum magno exercitu Romam profeſtum urbem obſediſſe, & Gregorium advertentem Romanorum plures ſchiſmatici favere cum paucis Salernum abiſſe, & ad obitum uſque manſiſſe. Videns autem Henricus Pontificem auſuſſe, congregatiſſima Episcopos fautoribus ſuis in ipſa Romæ obſidione Synodum haberi juſſit, qua in Gregorium falſis, & inauditis criminatibus ab Henrico fautoribus fidei compoſitis, abſens accuſatur, & alius in ejus ſedem obtruditur, quem Gregorius anathematis mucrone multavit, Henricum quoque cum fautoribus communione privavit.

Quam autem juſto judicio id fecerit Pontifex, utpote in apertum tyrannum, colligitur ex Concilio Romano anno 1083. celebrato, cujus acta referuntur in hunc modum: Anno ab Incarnatione Domini 1084. Pontificatus verò Domini Gregorii Papæ Septimi anno 11. 12. Kalend. Decembris, præſidente eodem Apoſtólico, celebrata eſt tribus diebus in Lateranenſi Baſilica Synodus, in qua fuerant Archiepiſcopi, Episcopos, & Abbates Campani, & de Principatibus, atque Apulia, pauci quoque Gallicani: nam pluriſimos Henrici tyranni perfidia iter retrovertere compulſit, qui Oſtienſem Episcopum de Apoſtolica legatione redeuntem contra ſas, & juramenti fidem capi juſſit, ſive permiſit. Tres autem Synodus quadrageſimaliſe juſſum Henrici perſecutio impedit. Qui ſemel B. Petrum aggreſſus, demum poſt multum fuſi ſanguinis, non tam ſuorum fortitudine, quam negligentia civium potitici muros ſurripuit. Romanum ſiquidem vulgus, pars videlicet copioſior civitatis, biennii bello fatigatum, acrimonia

laborabat: cum nec ipſis ad vicina oppida, vel caſtra ire liceret, nec illi juratio Hinc ubem vellent negotiatum venire, multi quoque fame abacti urbem reliquerant: Proinde ceteri bello remiſſiſus attentis, rem ex animo minus gerebant, & à cuſtodiis, prout cuique licebat, ſine timore negligentius aberant. Hæc de Henrici tyrannide, quaſe occaſio præbuit, præſtrinxit ſufficiat. Cæterum Dominus Apoſtolicus in eadem Synodo de fidei forma, & Chriſtianæ Religionis converſatione, ſed & de robore animique conſtantia ad præſentem preſſuram neceſſaria, ore non humano, ſed Angelico patenter diſſeſſens, die tertiâ totum ſerè conventum in gemitus, & lachrymas compulſit, ſicque Concilium Apoſtolica benediſſione lætificatum in pace diſmiſit.

Hanc autem ſententiam excommunicationis innovavit anno ſequenti in Concilio Romano, ut ſcribit Bertoldus: *Dominus autem Papa, inquit, collecta Synodo, ierum ſententiam anathematis in Gilbertum Hereſarcham, & Henricum, & omnes eorum fautores promulgavit, quod in ſeſſo S. Jo: Baptiſta præterito jam dudum Roma fecit, cum Henricus adhuc ibi moraretur. Hanc ſententiam legari Sedis Apoſtolicæ, videlicet Petrus Albanenſis Episcopos in Francia, Otto Oſtienſis Episcopos Teutonicorum uſquequaque divulgavit.* Hæc Bertholdus.

Mirum itaque videri non debet, quod à ſchiſmaticis Episcopis, & anathemate percuſſis emanaverit decretum adverſum ſummum Pontificem, mendaciis, calumniis, & inauditis accuſationibus reſertum.

*Ad confirmationem dico Bennoni* nullam hac in re fidem eſſe faciendam, utpote qui Henrici Imperatoris fautor, & Gilberti Ravenatis in Antipapam obtuſi partium ſectator, non tam Gregorii hiftoriam texuit, quam ſatyram falſitatibus, fabulis, & calumniis conſarcinatam. Unde Papyrius Maſſo opere de Episcopis urbis in Gregor. VII. librum Bennonis, utpote plenum maledictis odii ſpirantem, ſchiſmaticæ factionis furore dictatum, reſpueſu omnino eſſe apertè proſicitur. Quod autem Gregorius ſignum a Deo ad firmendam veritatem Euchariftia popoſcerit, dubiam ejus fidem non efficit; ſicut nec dubius fuit in fide Magnus Gregorius, cum miraculum ad eliminandam mulieris infidelitatem poſtulavit.

*Insuper* illibatam Gregorii fidem, ac pietatem testantur non solum Concil. Toronense, cui nomine Victoris secundi, cujus erat Legatus, præfuit, in quo Berengarius suum ejuravit errorem, sed, & Romanum, in quo tandem Berengarius post plurimam suam perfidiam coram ipso Gregorio summo Pontifice Catholicam fidem ita professus est, ut in ea ad mortem usque perseveraverit; cum namque Sum. Pontifex tamdiu detinuit apud se, donec illum amplius in fide non esse dubium constaret. Unde plurimi Scriptores, hujus Pontificis eximiam pietatem, & doctrinam commendant, maxime Lambertus Scaphnaburgensis ad annum 1073. qui testatur Pontificem illum ita Apostolicæ vitam instituisse, ut plurimis prodigijs, ac miraculis in vita, ac post obitum conspicuus fuerit.

Inter quæ miranda opera istud silentio non est prætereundum, quod contigit in Conc. Lugdunensi, cui Gregor. VII. tunc Legatus Victori II. præfuit; cum enim celebraretur hoc Concilium anno 1055. adversus Præfules Simoniaca labe infectos residentibus in ea Synodo Archiepiscopis, Episcopis, & aliarum Ecclesiarum Prælati; Archiepiscopus vir quidam literatus, & eloquens accusatus est de crimine Simonie. Qui sequenti nocte omnes suos accusatores pecunia corripuit, & sibi amicos fecit. Mane autem facto rediens ad Synodum, audacter dixit: Ubi sunt qui me accusant? Exeat in publicum quicumque me voluerit damnare. Tunc obmutescuntibus omnibus, prædictus Archidiaconus, tanquam vir discretus, & sapiens, convertens se ad illum, dixit: Credisne, o Archiepiscopo, Spir. S. cum Patre, & Filio unam esse substantiam Deitatis? Quo respondente, Credo: addit Archidiaconus: Dic, *Gloria Patri, & Filio, & Spiritui S.* Tunc ille, *Gloria Patri, & Filio*, expedite dicebat, sed Spiritum S. nullatenus proferre poterat. Quem cum frequenter inchoaret, & nihil proficeret, videns se per divinum iudicium omnino confusum, procidit ad pedes Archidiaconi, & confusus est proprio ore se Simoniacum esse. Postquam vero à Sacerdotali, & Episcopali officio est depositus, *Gloria Patri, & Filio, & Spiritui S.* libera, & clara voce decantavit. Quod factum Simoniacos in tantum perterruit, quod præter alios Prælatos Ecclesiarum viginti septem, Episcopi quadraginta quinque Simoniacos se esse con-

fessi sunt, & suis honoribus absque ulla alia accusatione renuntiaverunt.

*Obijciunt* 5. Facundum Hermianensem lib. 9. c. ult. ubi suscipiens defensionem Theodori Mopuesteni, asserentis Christum D. assumpsisse adoptionem filiorum; sic scribit: *Adoptionem quoque filiorum suscepisse Christum, etsi antiqui Patres docuisse monstrarentur, nec ipsi, nec omnis Ecclesia, quæ tales Doctores habuit, judicari debent heretici; nam Sacramentum adoptionis adoptio nuncupari, sicut Sacramentum corporis, & sanguinis ejus, quod est in pane, & poculo consecrato, corpus ejus, & sanguis dicitur: non quod propriè corpus ejus sit panis, & poculum sanguis, sed quod in se mysterium corporis ejus sanguinisque contineat.* Hinc & ipse Dominus benedictum panem, & calicem, quem Discipulis tradidit, corpus, & sanguinem vocavit. Quocirca sicut Christi hæc Sacramentum corporis, & sanguinis Christi rectè dicuntur suscepisse, sic & ipse Christus Sacramentum adoptionis filiorum, cum suscepisset, potuit rectè dici adoptionem filiorum suscepisse.

*Respondet primò*, non magni faciendam esse auctoritatem Facundi, utpote qui animo schismatico trium capitulorum defensionem suscepit adversus Virgilium, & Pelagium summos Pontifices, quibus erat infensus, ut ex alijs ejus operibus constat. Ille autem dubij fidei, ac veritatis suspectus est, qui Ecclesiæ unitatem scindere non veretur.

*Respondet secundò*; Quòd etsi schismatico animo libros illos non scripserit, attamen ex illius dictis nihil patrocinii accedit hereticorum errori, quando enim comparat Sacramentum adoptionis cum Sacramento corporis, & sanguinis Christi, ipse nomine Sacramenti intelligit solas species panis, & vini, de quibus, quatenus præcisè sunt signa, non sunt propriè corpus Christi; sunt tamen signa continentia corpus, & sanguinem Christi, nec id negat Facundus: quia verò signa appellari solent nomine rerum, quas significant, ideò species appellantur corpus Christi, cum hoc sensu sint tantum signa corporis Christi. Hic modus loquendi ei similis est, quem usurpat Divus Augustinus epistola 23. ubi ait: *Sacramentum corporis Christi esse corpus Christi, quemadmodum Sacramentum fidei, fides est.*

*Respondet tertio*: Dato quòd Facundus per



Per *Sacramentum corporis Domini* totum ex signo continente, & re contenta intellexerit, verè dixit ad mentem adversariorum, quos ad hominem impugnabat, *Sacramentum corporis Domini* non esse corpus Domini, licet ad mentem Ecclesiæ verum ejus corpus sit; Facundus enim opere illo agit adversus hæresim Eutyrianorum, (ut constat ex c.2. lib.1.) qui sub trium capitulorum nomine, & obtenti Concil. Chalcedonense fraudulenter oppugnabant, Theodorumque, Ibam, & Theodoretum in ea absolutos damnabant. In eo autem præcisè posita erat hæc hæresis, quod ante Incarnationem Christus fuisset quidem ex duabus naturis, at post incarnationem, unam fuisse factam, conversione scilicet humanitatis in Divinitatem: ex quo sequebatur juxta illorum sententiam, in Christo post adulationem non fuisse veram carnem, sed dumtaxat appareniam, ut docet S. Leo, tum ep. ad Pulcheriam Augustam, tum ep. ad Julianum Coensm, tum denique serm. 6. de jejunio septimi mensis, & 8. de Nativitate Domini. Ex quibus sic ad hominem arguit Facundus: Si secundum vos, o Eutyriani, *Sacramentum corporis corporis Christi* dicitur, tamen si verum Christi corpus non esse censetis, quippe qui docetis ipsum apparens, & similitudinariam dumtaxat corpus habuisse, quidni *Sacramentum adoptionis* adoptio dici poterit, quam significat, & figurat?

## §. V.

*Probatur eadem realis Christi D. corpus, & sanguinis in Eucharistia præsentia rationibus Theologicis.*

**P**rimò quidem, lex Evangelica longè præstantior est, ac nobilior lege veteri, & Mosaica, ac subinde excellentiora debet habere Sacramenta, ac majori dignitate, & efficacia prædita: sed ita non esset, si Eucharistia dumtaxat esset simplex, & nuda figura Christi D. corporis, & sanguinis: igitur talis non est æstimanda. Major constat ex S. Paulo, tum ad Galat. tum ad Hebr. 9. & 10. ubi maxime demonstrat legis Evangelicæ præstantiam super Mosaicam, quod illa figuras, hæc veritatem, illa umbras, hæc realitatem, & corpus completatur. Minor verò probatur, in veterinamque lege longè præcellentiores, ac clariores

erant figuræ Christi D. corporis, & passionis, quam sit panis Eucharisticus, si dumtaxat sit simplex panis secundum substantiam, nec aliud dignitatis habeat, quam esse figuram corporis, & passionis Christi. Enim verò Manna, & Agnus Paschalis longè præstantius significabant Christum, ejusque Passionem, quam nudus panis Eucharisticæ Calvinisticæ, nam Manna de celo pluebat, nullaque hominum, sed Angelorum opera fiebat, & habebat in se omnis saporis suavitatem, atque ita representabat Filium Dei descensurum de celo sine opere viri in Virginis utero assumpturum carnem, fideles animas in eo omnem consolationem, & delectationem reperturas: quæ omnia dici nequeunt de pane cibario, & usuali, qualis est panis Calvinisticus.

Similiter idem de Agno Paschali facile ostenditur; etenim Agnus ille, quem Judæi mactabant, erat animal vivum, panis noster substantia est inanimata, vita, & sensu carens; nemo autem dubitare potest, quin vivens substantia sit nobilior inanimata, cum scilicet plures entis gradus habeat.

Deinde, melius quoque caro Christi per veram carnem Agni exprimebatur, & mors per veram ejus mortem, & sanguis per sanguinem, quam per solum panem, vel per fractionem panis; siquidem nec panis mori potest propriè, sicut Agnus vivens; nec carne etiam, aut sanguine præditus est.

*Insuper:* Agnus Hebræorum multò aptius representabat innocentiam, & mansuetudinem Christi, quam solus panis, ut per se manifestum est; unde & Christus in Scripturis toties Agnus vocatur. Joann. 1. *Eccè Agnus Dei*; Isai. 16. *Emitte Agnum dominatorem terræ*; & cap. 53. *Quasi Agnus coram tondente se obmiserit, & non aperuit os suum*: Apocal. 5. *Seniores stant coram Agno*.

Denique, caro Agni melius etiam referebat effectum spiritalem Eucharisticæ, qui est nutritio: magis enim nutrit caro agni, quam solus panis. Igitur si Eucharistia esset dumtaxat panis usualis, nulla dignitate, ac præstantia polleret, quam quæ est figura, & representatio corporis, & passionis Christi, sequeretur legem veterem longè præstantiorem esse Evangelicam, utpote quæ excellentioris figuras habebat.

*Reponunt hæretici primò, veterem legem*  
com-

comparari umbris, nostram autem corpori, non quòd Sacramenta nostra præstantius aliquid contineant, quàm Judaica, sed quia hæc solùm significabant Christum venturum, & quasi adhuc absentem; nostra verò jam præsentem, & in cœlo actu existentem: longè autem præstantius est, inquirunt, significare rem præsentem, & existentem, quàm futuram.

*Verùm* contrà; *primò* namque constat ex dictis de Sacramentis in communi, Sacramenta nostra ab antiquis discrepare non solùm ratione objecti, idest Christi futuri, aut jam existentis, sed potiùs ratione efficacitatis; siquidem illa dumtaxat conferbant gratiam ex opere operantis; nostra verò eam conferunt ex opere operato.

*Insuper*, quòd Sacramenta significant rem futuram, aut præsentem, non efficit, quòd aliqua sint magis ipsa veritas, quàm illa; ac subinde si panis Eucharisticus tantùm significet, non verò contineat Corpus Christi, nulla ratione potiori dici poterit corpus, & caro Christi, quàm Agnus Paschalis, aut Manna: sed ultro admittunt Calvinistæ, Manna, & Agnus Paschalem nonnisi impropiissimè appellari posse corpus, & sanguinem Christi: igitur idem dicendum esset de Eucharistia, sique perperam Christus Eucharistiam tradendo, dixisset; *Hoc est corpus meum, hic est sanguis meus.*

*Reponunt secundò*, hoc Sacramentum nobis exhibere Christum, & cum repræsentare distinctius, quàm Sacramenta veteris legis, non quidem ratione sui, sed ratione verborum ipsius Christi D. quare Eucharistiam appellavit suum corpus.

*Verùm* hæc responsio non minùs futilis est, & inanis, quàm præcedens; idem enim est, ac si quis dicat, truncum ligni omnino incultum distinctius repræsentare Cæsarem, quàm effigiem, & imaginem Cæsaris, quia ego dico truncum illum esse Cæsarem.

*Insuper*, quòd una imago aliquid perfectius repræsentet, quàm alia, indedici quidem potest perfectior imago, non autem res ipsa, quam repræsentat; hinc non definit esse imago, & umbra, ac figura illius rei, quam exhibet: igitur licet panis Eucharisticus distinctius repræsentaret corpus, & sanguinem Christi, quàm Agnus Paschalis, & Manna, inde non esset consequens, quòd non foret simplex imago, & figura: cùm tamen Apostolus dicat, legem

novam non continere ampliùs umbras, & figuras, sed ipsam veritatem.

*Denique*, hæc solutio hæreticorum doctrinæ repugnat; negant enim verba, quibus in Sacramentis utimur, esse parres, & formas Sacramentorum, ut diximus agendo de Sacramentorum formis: Nec est, quòd recurrant ad verbum concionale; illud enim non est internum, nec essentiale Sacramentis nostris, ut ibidem demonstravimus.

*Adde*, quòd conciones non solùm vigent in lege Evangelica, sed etiam vigebant in Mosaica.

*Reponunt tertio* alii, nostra Sacramenta esse nobiliora veteribus, eò quòd uberiores gratiam conferant.

*Verùm* hæc responsio apertè in ipsos hæreticos militat; nam, aut volunt gratiam conferre Sacramenta novæ legis ex opere operato, aut ex opere operantis.

Non *primum*; siquidem hæretici absolute negant Sacramenta novæ legis eam habere efficacitatem, ut gratiam conferant ex opere operato: quapropter has loquendi formulas *opus operatum*, tanquam ineptas, & barbaras derident.

Non etiam *secundum*; nam in parvulis constat nullam inveniri talem actionem, quæ sit sufficiens dispositio ad gratiam per Sacramentum Baptismi consequendam: in adultis verò hæretici derident cooperationem ad gratiam, & omnia nostra merita respuunt, ajuntque, opera nostra non esse peccati expertia.

*Deinde*, si contendant hæretici Christianos posse sese disponere ex opere operantis ad gratiam per novæ legis Sacramenta consequendam, ratione eorum virtutis, & pietatis, non est cur inde adstruant Sacramenta novæ legis esse præstantiora Sacramentis veteribus: siquidem plurimi in veteri lege fuerunt longe sanctiores, quàm nonnulli Fideles; nam ipse Moyses, David, Ezechias, Prophete, plerique alii Patres veteris Testamenti innumeris Christianis legis Evangelicæ sanctiores fuerunt, ac subinde habuerunt nobilior opus operantis; proindeque majorum gratiam fuerunt consecuti, & consequenter hac ratione nobiliora habuissent sacramenta. Concludendum est ergo, quòd si panis Eucharisticus esset dumtaxat figura corporis Christi, sacramenta novæ legis imperfectiora essent sacramentis legis veteris, quòd apertè militat, nedum in doctrinam S. Apostoli, sed etiam

etiam SS. Patrum, ut probatum est in prima Disputatione hujusce libri.

*Probat*ur *secundò* hæc veritas: Si Eucharistia non contineret verè, realiter, ac substantialiter corpus, & sanguinem Christi, sequeretur juxta hæreticorum doctrinam, corpus, & sanguinem Christi non posse indignè manducari, & bibi ab hominibus, quantumvis pervertis, & peccatoribus: sed falsum consequens: ergo & antecedens. Minor patet ex Apost. scribente 1. ad Cor. 11. *Quicumque manducaverit panem hunc, vel biberit calicem Domini indignè, reus erit corporis, & sanguinis Domini. Probet autem seipsum homo, & sic de pane illo edat, & de calice bibat: qui enim manducat, & bibit indignè, reus erit corporis, & sanguinis Domini.* Quibus verbis aperte fatetur Apostolus, Eucharistiam à fidelibus posse indignè suscipi. Major pariter admitti necessario debet ab hæreticis; volunt enim fideles, dum panem Eucharisticum manducant, dumtaxat recipere corpus Christi, *per os fidei*, hoc est: beneficio fidei apprehendentis Christum quasi realiter præsentem, & seipsum eis communicantem: docent pariter nos justificari per fidem, ut dictum est agendo de gratia justificante; ac subinde fateri debent non posse corpus Christi suscipi, nisi à justificatis: quippe cum non suscipiatur, nisi ab habentibus fidem, quæ in eorum doctrina est forma justificans: igitur si corpus Christi non esset verè, ac realiter sub speciebus Eucharisticis, sed tantum per fidem susciperetur, consequens est, quod non posset à fidelibus indignè suscipi. Unde inferendum est cœnam Calvinisticam non eam esse, quam Christus instituit, & Apostolus servandam docuit. In hac enim, ut docet Apostolus, potest indignè suscipi corpus Christi; in Calvinistica autem non potest.

*Reponunt hæretici*, idcirco indignè accedentem ad Eucharistiam censeri reum corporis, & sanguinis Christi, non quod utrumque sine debita dispositione, & reverentia suscipiat, sed quod irrita faciat symbola, quibus mediantibus, corporis, & sanguinis Christi particeps esse debuerat, non secus ac ille diceretur reus læsæ majestatis regis, qui vitam sibi clementia Regis donatam, & diplomate Regio sigillo munito gratiam consignatam, non solum respuerat, sed etiam diploma illud pedibus conculcaret, ac laceraret, ille enim indignus

esset gratia sibi oblata, & poenas debitas jure merito lueret. Simile autem quid præstat quisquis indignè panem Eucharisticum suscipit; siquidem vacua, & irrita efficit signa, & symbola vitæ cœlestis, quam consequi debuerat.

*Verùm*, faciliè præcluditur hæc elusio, & illusio, primò namque Apostolus non dixit eum esse reum corporis Christi, qui illud manducare debuerat, nec tamen manducat propter indignitatem suam, & ob defectum fidei: sed qui verè illud manducaret, & biberet indignè, ait enim: *Qui manducat, & bibit indignè, &c.* Quæ utique loquendi formula connotat manducationem Christi D. corporis, non quæ fieret, sed quæ verè fit: igitur vanum, & prorsus futile est hæreticorum effugium.

*Deinde*, allatum exemplum est prorsus impertinens; siquidem diploma regium supponit jam vitam à Rege donatam reo, quæ quidem gratia reus ille sit indignus, dum symbola in quibus continetur, indignè tractat: at panis Eucharisticus non supponit jam corpus Christi D. concessum, & verè præsens in sententia hæreticorum, sed tantum concedendum beneficium ejusmodi symbolorum, ac subinde inter utrumque nulla prorsus est paritas.

*Obijciunt hæretici* varia argumenta petita à ratione humana, quæ omnia ad quinque præcipua capita reduci solent. *Primò*, iniquum, implicat contradictionem, quod idem corpus indivisum manens eodem tempore in diversis locis existat, quia sequeretur idem sibi dextrum, & sinistrum esse, quiescere posse, & moveri simul, summè calere, & frigere, mori, & vivere, subindeque corpus Christi non potest simul in cœlo empyreosedens in dextera Patris, & in terra realiter existens in Eucharistia Sacramento, & consequenter multò minus simul poni in pluribus Altaribus per consecrationem diversarum specierum, alioquin fieri posset immensum, cum non magis repugnet ipsum in infinitis locis, quam pluribus, distinctisq; collocari.

*Respondet*, nihil quidquam absurdum esse, quod unum, & idem corpus simul existat in diversis locis secundum diversos existendi modos, nempe in uno circumscriptivè, & in aliis Sacramentaliter; sic enim est unum quidem substantia, virtute ramen plura, & in diversis existendi modis diversum, quatenus pluries, & diversimodè existit, ut

di-

discretè docet Tridentinum: *Docet sancta Synodus, & aperit ac simpliciter proficitur in almo Eucharistia Sacramento post panis, & vini consecrationem, Christum realiter ac substantialiter sub specie illarum rerum sensibilem contineri: nec enim hæc inter se pugnant, ut ipse Salvator noster semper ad dexteram Patris in cælis assideat, juxta modum existendi naturalem, & in multis nihilominus aliis locis sacramentaliter præsens sua substantia nobis adsit.* Simile videmus in anima, quæ est tota in singulis membris, & movetur loco in manu, dum quiescit in capite, simul movetur fuscum in dextra, & deorsum in sinistra, in illa sentit calorem, in hac frigus. Quod si Deus hoc tribuerit spiritui, ut naturaliter totus in pluribus locis partialibus sit, & cum nulla sit ratio negandi, quin Deus animam in abscissa manu, & consequenter in distinctis omnino locis possit conservare, cur hoc ei circa corpus denegemus?

*Item plurimos Sanctorum eodem tempore diversis in locis fuisse, plurimæ referunt historiz. Nec potest commodè intelligi, quomodo Christus Act. 9. & 22. B. Paulo apparuerit, & cum eo collocutus, & ab assistantibus auditus fuerit, nec tamen è cælo (ut ipsi hæretici communiter fatentur) discesserit; nisi dicamus eum simul in duobus locis fuisse. Omnino enim Scriptura ibidem innuit eum B. Paulo præsentem, & propinquum fuisse.*

*Obijciunt secundo:* Repugnat corpus humanum ita esse inextensum localiter, ut possit existere absque omni extensione, & in loco omnino indivisibili; igitur corpus Christi non potest contineri intra parvam hostiam, multo minus subsistere sub qualibet ipsius hostiæ particula. Patet antecedens: Extensio enim localis est effectus formalis quantitatis, ac subinde non potest, sicut nec ipsa quantitas, ab ipso humano corpore realiter separari, ipso realiter perseverante.

*Nego antecedens, necnon & ejus probationem, siquidem, ut probavimus in nostra I. hysica, quantitas est accidens absolute realiter distinctum à materia, & corpore, & ab utroque omnino separabile divinitus.*

*Adde, quod, ut ibidem probatum est, effectus formalis quantitatis non est illa actualis partium extensio, & dispositio in ordine ad locum, sed in ordine ad se, quæ*

consistit in ipsa partium distinctione, ex quibus constat corporis entitas apracoexistendi loco, & spatio divisibili. Unde licet Christi D. corpus in Eucharistia non habeat extensionem localem, & subsistat modo indivisibili, non propterea definit habere partes sibi debitas, & secundum dispositionem naturalem ordinatas; iteucaput immediatè uniatur collo, collum scapulis, scapulæ pectori, & sic de cæteris.

Quod autem corpus aliquod possit divina virtute denudari, ac spoliari sua quantitate, colligitur ex Scriptura sacra; testatur enim Christus D. Matth. 19. Marci 10. & Lucæ 18. Deum efficere posse, ut camelus transeat per foramen acus.

Non potest autem camelus foramen acus pervadere, nisi locum occupando modo inextenso, alioqui sequeretur, quod corpus majus esset minus suo minori, ac subinde potest aliquid corpus sua extensione naturali sibi connaturaliter debita spoliari.

*Confirmatur hæc responsio;* Quia non minus connaturale est corpori esse naturaliter impenetrabile ratione sibi inexistens quantitas, quam esse extensum in ordine ad locum. Tria siquidem corpori quanto conveniunt: *Primum* est habere partes extra partes. *Secundum*, commensurari loco: *Tertium*, aliud corpus extensum ab eodem loco expellere, idcirco enim unum corpus non patitur aliud secum in eodem loco, quia habet partes extensas, & commensuratas loco, ac subinde ipsum locum replet, sed fieri potest supernaturaliter, quod unum corpus locum occupet, nec tamen aliud ab eodem loco expellat, sique fiat peneratio corporum.

Quod utique probatur exemplo ejusdem Christi D. corporis exeuntis ex utero Virginis, manente illibata ejus integritate, juxta Ezech. 44. vaticinium, ubi beatissima Virginis uterus designatur per portam clausam; sic enim interpretatur S. Ambrosius lib. de Instit. Virginis c. 7. *Quæ est porta, inquit, nisi Maria, per quam Christus intravit in hunc mundum, quando Virginali fusus est partu, & genitalia virginis clausura non solvit, mansu inemerata septum pudoris, & inviolata integritatis duravere signacula, cum exiret ex Virgine?* Et cap. 8. *Hæc porta clausa erit, & non aperietur; bona porta Maria, quæ clausa erat, & non aperiebatur, transiit per eam Christus, sed non aperuit.*

Hinc

Hinc S. Augustinus serm. 159. de tempore, ex illo miraculo colligit, Christum D. potuisse pervadere in cenaculum januis clausis, ubi erant Discipuli congregati: Moli corporis, inquit, ubi Divinitas erat, ostia clausa non obstituerunt, ille quippe non in eis apertis intrare potuit, quo nascente, virginitas Matris inviolata permansit. Quod utique miraculum eleganter expendit S. Cyprianus lib. 12. in Joan. exponens enim verba illa Joannis: Cum ergo sero esset die illa una Sabbatorum, & fores essent clausæ, &c. hæc scribit: Observatis foribus, in medio stetit Christus inestimabili quadam virtute, Deoque convenienti supra rerum ordinem, omnemque rationem humanam. Nemo dicat, quomodo, quæso, in crasso corpore cum esset Dominus, nullo tamen negotio, tametsi janus clausus esset, penetravit? sed apud se cogites potius divinum Evangelistam haud quaquam hæc de aliquo nostri sumis dicere, sed de eo potius, qui Deo ac Patri ossidet, atque omnia quæcumque vult, facit: Oportebat enim, cum Deus secundum suam naturam sit, ac verus, nequaquam subiacere rerum ordini, sicuti res ab ipso creatæ, sed necessitati ipsi & omnium, quæ aguntur, rationi dominari. Aliqui enim quo pacto mare pedibus suis subiceret, fluctusque sicco pede traheret, neque enim nostris corporibus aquæ subferuntur, aut quodammodo alia miracula virtute Deo convenienti ederet?

Obijciunt tertio: Admissa præsentia reali corporis Christi in Eucharistia, absurdissima quædam, & Christo prorsus indigna sequuntur: quid enim Christi maiestati indignum, quam ipsum in Eucharistia non solum in terram, sed etiam in sordes interdum deijci, dentibus atteri, à muribus, & aliis animalibus rodi, putrescere, & acescere, cum panis; & vini corruptione, in stomachum trajici, & in secessum ire? Ea omnia gloriosum Christi D. corpus deducit: igitur non est verisimile ipsum sub speciebus Eucharisticis realiter delitescere.

Respondeo primo, mysteria nostræ fidei eo ipso diviniora censi, quò Dei maiestate secundum humanam sapientiam prorsus videntur indigna. Stultum quippe, inquit S. Gregorius homil. 6. in Evangelia, hominibus visum est, ut pro hominibus Auber vitæ more-rentur, & inde contra eum homo scandalum sumpsit, unde ei amplius debuit feri debuit, nam tantò Deus ab hominibus dignius bonorandus est, quantum pro hominibus, & indigna Fressen Theol. Tom. XI,

suscepit. Hinc præclare Tertullianus in lib. de carne Christi: Quodcumque Deo indignum est, mihi expedit: salus sum, si non confundar de Domino meo. Natus est Dei Filius, non pudet, quia pudendum est, & mortuus est Dei Filius, prorsus incredibile est, quia ineptum est. Et sepultus resurrexit, certum est, quia impossibile. Et lib. 2. contra Marcionem: Assumpsisse Deum quædam sibi indigna, inquit, nobis autem necessaria, & ideo iam Deo digna, quia nihil tam Deo dignum, quam salus hominis. Quemadmodum ergo Christus D. nostræ salutis gratia, dum homo factus est, ea assumpsit, & passus est, quæ Dei maiestate indigna visa sunt Judæis, & Gentibus, juxta illud Pauli 1. ad Cor. 1. Nos autem prædicamus Christum crucifixum, Judæis quidem scandalum, Gentibus autem stultitiam. Ita ejus erga homines charitas ipsum impulit ad instituendum Eucharistie Sacramentum, in quo variis indignitatibus hæreticis videtur subijci: at illa summam ejus charitatem commendant.

Respondeo secundo, illa omnia inconvenientia futiliter ab hæreticis objici, atque ex fidei nostræ ignorance vel dissimulatione; si enim attenderent Christum esse in Eucharistia modo impassibili, & omnem alterationem solis panis speciebus obvenire, quippe cum illæ dumtaxat dentibus atterantur, solæ putrescant, solæ acescant, & moveantur, haud dubie desinerent. Catholicam doctrinam calumniari, nec iis vilioribus mutationibus Christi D. corpus obnoxium esse blaterarent.

Quemadmodum enim Solis radii paludum, & fimo rum sordibus non inquinantur, sic gloriosum Christi D. corpus nullis specierum Sacramentalium qualitatibus, vel injuriis afficitur, aut mutatur. Vel, ut loquitur Author de Cæna Domini apud S. Cyprianum: Integer erogatur, distribuitur non demembratur, incorporatur, & non iniuriatur, recipitur, & non includitur. Cui concinit S. Augustinus apud Bedam in ca. 10. prioris ad Cor. Quando Christus manducatur, vita manducatur, nec occiditur, ut manducetur, sed moritur vivificat; quando manducatur, reficitur, sed non deficit. Non ergo timeamus, fratres, manducare istum panem, ne forte finiamus illum, & postea quod manducetur, non inveniamus. Manducatur Christus, vivit manducatus, quia resurrexit occisus.

Concludo tandem hanc refertissimam ad-

adversus Calvinistarum errores probationum segetem iisdem verbis, quibus Guimundus suum adversus Berengarianos tractatum coronavit. Multa, *inquit*, contra istos jam diximus, multa quoque dici possunt: sed piis mentibus (ut arbitror) ista sufficiunt. Quid enim amplius adversus istos quaererem, cum objectionem eorum, sive per rationes, sive per Scripturas, nostræ fidei nihil obesse; imò verò ipsas easdem Scripturas nobiscum magis esse, satis, lucidèquè monstratum sit, cum istorum dementias, & singulatim, & communiter tam venerabilium Aulhorum, quàm Prophetarum, & Evangelicis testimoniis teneant plenissimè destructas: nostram verò fidem usquequaque firmissimam, utilissimam, excellentissimam, summèquè necessariam, videant evidenter declarari? At verò impiis quid sufficiat, si duriores saxi tot argumentorum malleis percussii credere nolunt; si tenebrosiores inferno, tanta fortissimarum rationum luce collustrari non possunt? aut certe meretricum similes de sua turpitudine, vel perveracia erubescere nesciunt: aut demonum simillimi ceptam semel vecordiam tanta pertinacia diligunt, ut veritatem gratis odio habeant, & à falsitate vel manifestissima nunquam respiciant. O miserrimos homines, & immenso lacrymarum imbri lugendos, si tanta pervasit eos propagandæ famæ cupiditas, ut à blasphemis propalatis nec clarissima veritas, nec summa ipsorum infamia, nec vitæ æternæ amor, nec æterna damnatio valeant revocare! Redite quæso, *Redite prævaricantes ad cor*. Quare moriemini gratis? Non talis hæc disputatio est, quæ utrobique valeat leviter compensari. Non hic, sicut in Scholis, pro victoria; aut sicut in judiciis, pro quibilibet terrenis commodis agitur: sed, sicut eorum Deo pro vita æterna, atque cœlesti disputatur: falsam etenim partem sempiterna mors devorat: veram autem vitam æterna coronat. Quocirca iusto examine vestra, & nostra pendite; si quid dignum contra nos habetis, asserite, si non habetis, æquiescite. Quare moriemini gratis? Sed quid amplius istos prosequar? Jam disputationi huic ponendus est finis.

## SECTIO SECUNDA.

*De Transubstantiatione panis, & vini in corpus, & sanguinem Christi.*

**T**ransubstantiationis vocabulum usurpatur à Theologis ad significandam conversionem totius substantiæ præcedentis in substantiam sequentem, nulla remanente prioris substantiæ materia, & forma; cuius utique mutationis, & conversionis argumentum, & exemplum habemus in adorando Eucharistiae Sacramento. Quippe de fide est, totam panis, & vini substantiam per verba consecrationis in corpus, & sanguinem Christi ita transmutari, ut ne tantillum quidem substantiæ panis, & vini sub speciebus Eucharisticis post consecrationem subsistat, sed tota utriusque substantia in Christi D. corpus, & sanguinem transmutetur.

Cum autem nulla sit tam constans, & aperta Catholica veritas, quam demon sibi famulantium hæreticorum ministerio impugnare, ac offuscare non tentaverit, hanc præcipuè hisce posterioribus sæculis convellere nifus est: pridem enim extinctam, & ejuratam, ac anathemate fulminatam adversus hanc veritatem erroneam Berengarii sententiam ab inferis denuò suscitavit *Joannes Voicleffus* Anglus circa annum 1312. nam, ut in Concilio Constantiensi sess. 8. refertur, substantiam panis, & vini in Sacramento Alaris permanere affirmavit, & accidentia panis non subsistere sine subiecto sustinuit.

Hanc pariter erroneam sententiam simili audacia propagavit Lutherus, qui, licet initio discriminata suæ hæresis fluctaret circa asserendam, vel negandam transubstantiationem, permittereque affirmantem sententiam, modò negans hæresis non infirmaretur: tamen impudentior postmodum factus anno 1522. Catholicum de transubstantiatione dogma impio calamo blasphemum pronuntiavit, & scripsit, lib. contra Henricum Angliæ Regem, qui hujus novi Hæresiarchæ impia dogmata scriptis, & supplicii extirpare fuerat aggressus. Hanc autem erroneam doctrinam omni, qua possunt, arte propagare nituntur illius Sectatores, & Discipuli, verba Christi D. *Hoc est corpus meum*, sic interpretantes: *In hoc, aut cum hoc*, aut *sub hoc pane est corpus meum*, ajunt.

ajuncte eodem modo Christum, porrigendo corpus suum in pane, potuisse dicere, *Hoc est corpus meum*, quo quis habens diversis generis grana in saccis inclusa, eis successivè demonstratis saccis, diceret, hoc est avena mea, hoc est hordeum meum, hoc est frumentum meum; vel sicut scyphum vino plenum porrigens, diceret, Hoc est vinum meum.

Demonstrata itaque, quantum nobis licuit, adversus Calvinistas reali corporis Christi in Eucharistia presentia, jam demonstranda incumbit adversus Lutheranos panis, & vini in corpus, & sanguinem Christi transubstantiatio, necnon & aperiendus modus, quo hæc mutatio fiat; quod utique pro modulo nostro præstabimus in sequentibus questionibus.

### QUÆSTIO PRIMA.

*Utrum tota substantia panis, & vini in corpus, & sanguinem Christi convertatur.*

**C**onstantissimum est apud Catholicos dogma, & certa fidei definitio, nihil de substantia panis, & vini manere post consecrationem, sed totam in corpus, & sanguinem Christi converti; ita namque traditum, & definitum est in variis Conciliis: *Primo* quidem in eis omnibus, in quibus damnata ac fulminata fuit Berengarii hæresis, maxime verò in Concilio Romano sub Gregorio VII. ubi tandem suum errorem, quo transubstantiationem negabat, ejuravit, ut in præcedenti Sectione dictum est. *Secundo*, in Lateranensi sub Innocentio III. ubi definitur, panem, & vinum transubstantiari in corpus, & sanguinem Christi. *Tertio*, in Constantiensi sess. 8. ubi damnatur error Vicleffi, asserentis, substantiam panis, & vini manere in Sacramento Altaris. *Quarto*, in Florentino in Decreto Eugenii, ubi disertis verbis asseritur hæc mutatio panis, & vini in corpus, & sanguinem Christi. Tandem in Concil. Trident. sess. 13. can. 2. his verbis: *Si quis dixerit in sacrosancto Eucharistia Sacramentoremanere substantiam panis, & vini una cum corpore, & sanguine Domini nostri, negaveritque mirabilem illam, & singularem conversionem totius substantia panis in corpus, & totius substantia vini in sanguinem, manentibus duobusque speciebus panis, & vini, quam quidem conversionem Catholica Ecclesia apostolicè transubstantiationem*

*appellat, anathema sit.* Quoniam autem hæc veritas ex præcedenti Sectione jam satis aperte liquet, idcirco eam paucis aperiet, & confirmabit.

### CONCLUSIO UNICA.

**C**olligitur transubstantiatio panis, & vini in corpus, & sanguinem Christi ex verbis consecrationis practicè sumptis, non autem speculativè.

Hæc Conclusio duas habet partes, quarum prima communis est inter Catholicos contra Lutheranos; secunda verò controversatur Secotistas inter, & Thomistas.

*Prima pars*, traditur à Concilio Trident. sess. 13. cap. 4. ubi docet: *Quoniam Christus Redemptor noster corpus suum, quod sub specie panis offerebat, verè esse dicit, adeo persuasum semper in Ecclesia Dei fuit, idque nunc denuò sancta hæc Synodus declarat per consecrationem panis, & vini conversionem fieri totius substantia panis in substantiam corporis Christi D. nostri, & totius substantia vini in substantiam sanguinis ejus.* Quibus verbis significat, idcirco persuasum esse in Ecclesia panem, & vinum transubstantiari in corpus, & sanguinem Christi, eò quod Christus D. consecrando panem, & vinum, verè dixerit esse corpus, & sanguinem suum; ac subinde censet transubstantiationem ritè colligi ex his verbis consecrationis, quatenus illa practicè usurpantur, hoc est, prout reverà corpus, & sanguinem Christi efficiunt, & significant præsentem sub speciebus Eucharisticis.

Confirmatur ex Catechismo Tridentino de Eucharistia cap. 37. ubi legimus: *Hæc verò transubstantiatio ex testimonio Scripturarum facile fuit colligere: Primum, quod in ejus Sacramenti institutione ipse Dominus dixit: Hoc est corpus meum; vocis enim, hoc, ea vis est, ut omnem rei præsentis substantiam demonstraret. Quid si panis substantia remaneret, nullo modo verè dici videretur: Hæc est corpus meum.* Deinde, *Christus D. apud Joan. Paulus, inquit, quem ego dabo, caro mea est pro mundi vita: panem videlicet carnem suam vocans.* Ac paulò post subjecit: *Nisi manducaveritis carnem Filii hominis, & biberitis ejus sanguinem, non habebitis vitam in vobis.* At rursum: *Caro mea verè est cibum, & sanguis meus verè est potus.* Cum ergo tam clavis, & perspicuis verbis carnem suam panem, & sanguinem suum, sanguinem item

verum potum nominaverit : satis videtur declarasse, nullam in Sacramento substantiam panis, & vini remanere.

Eandem veritatem ex ipsis verbis consecrationis colligunt SS. Patres, maxime S. Cyrillus Hierosolymitanus Catechesi 4. mystagogica, his verbis. *Cum igitur Christus ipse sic affirmet, atque dicat de pane, Hoc est corpus meum, quis deinceps audeat dubitare? Ac eodem quoque confirmante, ac dicente; Hic est sanguis meus, quis, inquam, dubitat, ac dicat non esse illius sanguinem? Aquam aliquando mutavit in vinum, quod est sanguini propinquum in Cana Galilee sola voluntate: & non erit dignus, cui credamus, quod vinum in sanguinem transmutasset? Quare cum omni certitudine corpus, & sanguinem Christi sumamus: nam sub specie panis datur tibi corpus, & sub specie vini datur sanguis, ut, sumpto corpore, & sanguine Christi, efficiaris ei participes corporis, & sanguinis. Sic Christi fieri credimus, hoc est, Christum facientes, cum ejus corpus, & sanguinem in membra nostra receperimus. Idem habet Author sermonis de Cena Domini apud S. Cyprianum: Panis iste, inquit, communis, in carnem, & sanguinem mutatus, procurat vitam, & incrementum corporibus: panis iste, quem Dominus Discipulis porrigebat non effigie, sed natura mutatus, omnipotentia Verbi fit caro.*

Subscribit Fulbertus Carnotensis Episcopus, epist. ad Adeodatum, quæ reperitur tomo I. Bibliothecæ Patrum, ubi sic ait: *Dubitari nefas est, ad cujus nutum cuncta ex nihilo subito subliterunt, si ejus potentia in spiritualibus Sacramentis terrena materiet, natura, & generis sui meritum transcendens, in Christi substantiam commutetur, cum ipse dicat: Hoc est corpus meum, & paulo post: Hic est sanguis meus.*

Simili discursu utitur S. Gaudentius Brixiensis Episcopus tract. 2. in Exod. ubi hæc scribit: *Quod annuntiatum est credas, quia, quod accipis, corpus est panis illius celestis, & sanguis est illius sacra viti: nam, cum panem consecratum, & vinum Discipulis suis porrigeret, sic ait: Hoc est corpus meum; Hic est sanguis meus. Item Guilmundus lib. 3. de corpore, & sanguinis Christi veritate, hæc habet: *Hos imitatores suos ipse Dominus verbo oris sui interfecit, cum, accipiens panem, gratiasque agens, ac benedicens, ait: Hoc est corpus meum. Non ait, in hoc latet corpus meum, nec dixit, in hoc vino est sanguis meus, sed dixit: Hic est sanguis meus.**

*Idipsum suadet ratio Theologica: Si enim non esset vera transubstantiatio panis, & vini corpus, & sanguinem Christi, consecrationis verba non essent vera; ut enim pronomen demonstrativum, hoc, verè sit demonstrativum corporis, & sanguinis Christi, necessario indigere debet omnem substantiam sub accidentibus latentem esse corpus Christi, ut nempe sit identicus inter prædicatum, & subiectum: omnem enim prædicationem de alio supponit identitatem, vel unionem attributi cum subiecto; ex eo enim quod res est, vel non est, oratio dicitur vera, vel falsa; panis autem, & corpus Christi sunt res omnino disparatæ, nec inter se ulla identitate, vel unionem copulantur: igitur particula hoc non supponit pro substantia panis, quæ proinde non manet, cum nulla panem inter, & corpus Christi unio in Sacramento Eucharistiæ intercedat.*

*Confirmatur: Ut propositio constans pronome demonstrante substantiam sub accidentibus sensibilibus latentem, sit vera, necessum est, quod pronomen ejus demonstret omnem, & quamlibet substantiam demonstrabilem ibi contentam, maxime si sit practica propositio, itaut removeatur omnis substantia delitescens, tali pronome non demonstrata, sed hæc propositio, Hoc est corpus meum, est vera, & practica, demonstratque substantiam latentem sub accidentibus panis esse corpus Christi: igitur, ut sit vera, necessum est, quod sub speciebus panis sola sit substantia corporis, & sanguinis Christi.*

*Dixi, si propositio sit Practica; nam, ut habet secunda pars, I propositio, Hoc est corpus meum, posset esse vera speculative, seu in sensu speculative, etiam si non fieret transubstantiatio, ut significat subtilis Doctor in 4. dist. 11. quæ 2. nu. 14. Ad primum, inquit, concedo, quod etiam in creatis non sunt plura ponenda sine necessitate, nec plura miracula, quam oportet: sed cum dicitur in Mithæi, veritas Eucharistiæ posset salvari manente pane, vel sine transubstantiatione; dico, quod bene fuisse Deo possibile, si insinuisset, quod corpus Christi verè esset præsens, substantia panis manente cum accidentibus, pane annihilato, & tunc fuisse ibi veritas Eucharistiæ, quia & signum verum, & signatum verum: sed hic non est modò tota veritas Eucharistiæ; non enim fuit institutum, ut dicunt auctoritates adductæ; Et cum dicitur, quid ad*



veritatem Eucharistie nihil requiritur, nisi verum signum, & verum signatum.

Respondet, verum est comodo, quo signum est institutum, & quo sibi debet cor respondere signatum: quod non est nunc præcisè, quod corpus sit cum aliquo, scilicet cum pane, vel cum accidentibus panis indistinctè; sed institutum est nunc, quod signatum sit tantum sub accidentibus, ut sub signo.

Quibus verbis Doctor tria declarat: Primum, quod per divinam potentiam possit esse corpus Christi sub speciebus panis simul cum ejusdem panis substantia, quod utique omnes ultro sateri debent; nulla siquidem in eo apparet contradictio, quo in casu, Eucharistia non minus esset verum signum præsentis Christi corporis, quam sit de facto, dum fit transubstantiatio. Secundum, quod in ea hypothese verba, quæ significant corpus Christi præsens, possent esse vera in sensu speculativo, sicut nunc vera sunt, quippe significarent realem Christi Corporis præsentiam, sicut eam nunc designant. Tertium, quod reverà tamen per verba consecrationis, *Hoc est corpus meum*, fiat transubstantiatio substantiæ panis in corpus Christi, quia illa verba non solum habent significationem speculativam ex institutione hominum, sed etiam practicam, & conversivam ex institutione Christi, quæ nobis apparet per definitionem, & determinationem Ecclesiæ; maximè verò ex Concilio Tridentino supra laudato, ubi Concilium colligit transubstantiationem ex veritate verborum Christi non præcisè, & ex sensu purè speculativo, sed prout ea semper Ecclesia intellexit: *Quoniam autem*, inquit, *Christus, Redemptor noster corpus suum id, quod sub specie panis offerebat, verè esse dixit, ideo persuasum semper in Ecclesia Dei fuit*, &c. Quibus verbis significat Concilium transubstantiationem illam non colligi ex vi verborum Christi secundum significationem speculativam, & communem usum loquendi hominum, sed prout ea semper Ecclesia intellexit.

Quod autem illa verba vi propria, & ex sensu speculativo præcisè, & ex natura sua non significant transubstantiationem, patet ex eo quod posset Deus instituere, ut hæc verba, *Hoc est corpus meum*, denotarent præsentiam corporis Christi sine transubstantiatione, puta si panis eo instanti, quo incipiunt proferri verba, & antequam compleantur, annihilaretur, vel alibi con-

servaretur; eo enim in casu subsisteret veritas demonstrationis, & sensus integer speculativus illorum verborum absque ulla conversione substantiæ panis in corpus Christi: ergo illa conversio non rectè inferretur ex sensu speculativo, & naturali verborum illorum, sed dumtaxat ex sensu practico, quem habent ex institutione divina innouescere per definitionem Ecclesiæ. Confirmabitur hæc nostra assertio ex solutione fundamentorum sententiæ adversantis, ubi primum fecerimus satis objectionibus hæreticorum adversus hanc partem.

*Proponuntur, ac solvuntur objectiones contra primam partem.*

*Objectioni itaque hæretici primò quasdam locutiones Scripturæ sacræ, necnon & SS. Patrum, quibus Eucharistia dicitur panis, sic* *Matth. 26. Joan. 6. 1. Cor. 10. &c.* *ex quo signum est, quod in ea remaneat substantia panis, alioqui falsæ essent ejusmodi locutiones.*

*Nego consequentiam:* Quatenus enim nulla subsistat in Eucharistia panis substantia, illa tamen dici potest panis, vel quia fit ex pane tanquam præjacentem materiam, sicut *Genes. 2.* Eva dicitur ex ossibus Adæ, *Dixitque Adam, hoc nunc est ex ossibus meis: & quemadmodum, Exodi 7.* serpens factus ex virga dicitur virga: *Deceperunt virga Aaron virgas eorum, nempe Magorum. Vel* quia ratione specierum apparet panis, quemadmodum sæpius Angeli apparentes in specie humana in Scripturæ sacræ homines appellantur. Vel denique, quia Eucharistia est panis, sive cibus spiritualis animæ, dicente Christo, *Joan. 6. Qui manducaverit ex hoc pane, vivet in æternum; nam juxta phrasim Scripturæ nomine panis significatur quilibet cibus, ut colligitur ex pluribus locis, maximè verò ex* *Genes. 18.* ubi cum Abrahamus dixisset tribus Angelis sub specie humana sibi apparentibus: *Requiescite sub arbore, ponamque butyrum panis & confortate cor vestrum;* quod per butyrum panis non solum panem intelligat, apparet ex his, quæ Scriptura subiicit: *Festinavit, inquit, Abraham in tabernaculum ad Saram, dixitque ei, Accelera, tria sata simila commisce, & fac subnervios panes: ipse verò ad armentum cucurrit, & tulit inde vitulum tenerum, & optimum, dedique puero, qui festinavit, & coxit*

*illum, tunc quoque butyrum, & lac, & vitulum, quem conerat, & posuit ante illum.* Ecce buccella panis, ad quam viros invitaverat.

*Urgent:* Qua ratione Christus dixit Matth. 18. *Hoc est corpus meum*, eadem dixit Joan. 15. *Ego sum vitis vera*: sed non est consequens, quod verè fuerit conversus in victim: ergo nec consequens esse debet, quod panis converteretur in ipsius corpus.

*Respondet Doctor* in 4. dist. 10. q. 1. n. 3. negando consequentiam: Universaliter, enim, *inquit*, intellectus verborum Christi, an loquatur figurativè, an non, colligi potest ex præcedentibus, vel consequentibus ibidem, vel ex aliis Scripturæ locis. Unde cum Christus ait: *Ego sum vitis vera*, subiunxit: *Et vos palmites*. Constat autem, quod Discipuli non erant palmites naturales, sed tantum figurales. Sed cum dixit Luc. 22. *Hoc est corpus meum*, subdit: *Quod pro vobis tradetur*. Cum etiam dixisset, *Hic est calix sanguinis mei*, subdit: *Qui pro vobis fundetur*. Hæc Doctor, quibus significat, priora Christi verba, nempe, *Hoc est corpus meum*, debere accipi secundum propriam, & genuinæ eorum significationem, non autem secundum figurativam. Quod utique colligitur ex sequentibus; ac subinde non est par utriusque ratio.

*Obijciunt secundò* quædam Patrum oracula: *Primò*, quidem Origenis ad c. 18. Matth. ubi docet, Eucharistiam juxta id, quod materiale habet, in ventrem, & in scesum dimitti: *Secundò*, S. Cyrillus Hierosolymitanus Catechesi 3. docet, panem Eucharistie post invocationem sancti Spiritus non esse amplius panem communem, sed corpus Christi, sicut sanctum unguentum, postquam consecratum est, non est amplius unguentum commune, & nudum, sed sanctum chrisma Christi, quod adventu Spiritus sancti energiam habet: sed chrisma non amittit per consecrationem substantiam unguenti: ergo pari ratione panis Eucharisticus per consecrationem suam substantiam non perdit. *Tertio*, S. Chrysostomus epist. ad Casarium Monachum docet, post consecrationem liberari panem ab appellatione panis, & dignum fieri appellatione Domini corporis, etiamsi natura panis in ipso permaneat.

*Respondet ad primum*, primò, tractatum illum non esse Origenis, ut etiam ex hæreticis censetur *Rovetus* in criticis, dicens: De Homiliis 12 diversis Matthæi

locos constat Erasmo non esse Origenis, sed hominis Latini reliquas à Rufino impudenter contaminantis. Idem præ cæteris docet Bellarminus de Scripturis Ecclesiasticis, & Sixtus Senensis, qui de homil. in caput 25. Matthæi de adventu filii hominis ad iudicium, ait posteriorem partem videri continere duo Latinorum Patrum fragmenta, quorum alterum habetur in fine Commentariorum Hieronymi in Isaiam; alterum apud Gregorium lib. 4. Moral. cap. 14.

*Dico secundò*, quod etiam gratis concessio Tractatus illos esse Origenis, nihil inde patrocinii hæreticis accedere; siquidem benignè explicari possunt illius verba de accipientibus panis, & vini, dum corrumpuntur, non autem de substantia panis.

*Ad secundum dico*, S. Cyrilli comparationem in eo positam non esse, quod quemadmodum mutatio unguenti est tantum accidentaria, sic tantum accidentaria sit mutatio panis Eucharistici: sed in eo, quod, sicut unguentum post consecrationem non amplius est commune, sed sacrum, ita panis post consecrationem non est amplius panis, sed corpus Christi: unde signanter non dixit unguentum post consecrationem esse Spiritum sanctum, sicut dixit panem esse corpus Christi: quod autem Cyrillus reverà non dubitavit de transubstantiatione, sed eam propugnaverit, appètet liquet ex his, quæ suprà ab ipso decerpta exscriptimus.

*Ad tertium dico*, perperam citari illam Chrysostomi epistolam, quippe cum omnino fictitia sit, nec inter illius sanctissimi Doctoris opera recensetur.

*Obijciunt tertio* auctoritatem S. Ambrosii dicentis lib. 4. de Sacramentis cap. 4. Si tanta vis est in sermone Domini Jesu, ut inciperent esse, quæ non erant, quanto magis operatorius est, ut sint quæ erant, & in aliud commutentur? igitur ex mente S. Ambrosii in Eucharistia cum Christi D. corpore manent, quæ erant, id est, substantia panis perseverat una cum accidentibus.

*Respondet*, S. Ambrosii mentem esse, quod in Eucharistia cum Christi corpore manent, quæ prius erant secundum visibilem sensibilem accidentium speciem, licet non remaneant secundum intrinsecam panis, & vini substantiam, quæ in corpus, & san-

gui-

guinem Christi commutantur. *Adde*, quòd, ut observat Lanfrancus in aliis codicibus præfata S. Ambrosii sententia non ita exatur, sed his verbis: *Si igitur tanta vis est in sermone Domini Jesu, ut inciperent esse, quæ erant, quantò magis operatorius est, ut, quæ erant, in aliud commutentur?*

*Obijciunt* quariò auctoritatem Gelasii Romani Pontificis, qui libr. 2. de duabus in Christo naturis contra Eutychen, & Nestorium, conferens mysterium Eucharistiæ cum mysterio Incarnationis, sic loquitur: *Sacramenta, quæ sumimus, corporis, & sanguinis Christi, divina res est; propter quod, & per eadem divina efficiamur consortes natura, & tamen esse non desinunt substantia vel natura panis, & vini.* Igitur censet summus Pontifex non fieri transubstantiationem.

*Respondet Perronius* negando consequentiam, & ad antecedens dicit primò, 'spectrum omnino haberi debere opusculum illud, eò quòd anno 1528. Basileæ hæreticorum studio, & cura publici juris factum fuerit, ex codice incorrecto, & mendis scatente, ut patet ex collatione ejus cum Textibus à S. Fulgentio laudatis: quare suspicari licet vel à Basileensibus mala fide fuisse correctum, vel saltem ex incorrecto codice editum fuisse.

*Respondet secundo*, opusculum illud perperam ascribi Gelasio summo Pontifici, ut rectè demonstrat *Melchior Canus* libr. 6. de locis Theologicis cap. ult. ad 9. sed fortè editum fuit ab alio *Gelasio Casariensi* scriptore Græco, tum quia opus de duabus in Christo naturis à Gelasio Rom. Pontifice scriptum appellatur grande volumen à Gennadio, & Honorio Augustodunensi, additque Anastasius Bibliothecarius in vita Gelasii opus illud fuisse divisum in quinque libros, sed liber ille, unde auctoritas in objectione posita deprompta est, exiguus est, igitur non est is, quem edidit Gelasius adversus Eutychem: Tum quia libelli illius Author referendo testimonia Patrum de duabus in Christo naturis, citat Eusebium Casariensem, quisuit Arianorum signifer, & cujus opera ab ipso Gelasio inter apocrypha declarata sunt: Tum quia illius libelli scriptor testatur se pro duabus asserendis in Christo naturis referre testimonia Veterum Patrum, attamen solos Græcos laudat: omiffis Hieronymi, Augustini, Leonis Magni, & aliorum Latinorum Patrum clarissimis testimoniis, Proferit quidem nonnulla S. Am-

brofii verba, sed omninò à genuinis aliena, & dumtaxat juxta versionem Græcam Theodoretì, qui opus illud laudaverat: non est autem verisimile Romanum Pontificem Latinorum Patrum opera non caluisse, & quæ producit, ex genuinis fontibus non excepiisse. Tum denique, quia si ea fuisset Gelasii Pontificis sententia, haud dubie illam in sui patrocinium Berengarius, ejusque Discipuli laudassent. His & similibus rationibus permoti Rivetus, & Peikenfius opusculum istud à genuinis Gelasii operibus respuunt.

*Nec obstat*, quòd Ecclesia Lugdunensis lib. de tribus epistolis meminerit libri, cujus titulus est, *De duabus in Christo naturis*, quem librum scribit omnibus Ecclesiis notum, & celebriter commendatum: Respondet enim, hunc librum non esse cum, de quo controversitur: siquidem liber, cujus meminit Ecclesia Lugdunensis, refert sententias plurimum orthodoxorum Patrum Græcorum, & Latinorum ad fidei edificationem spectantes, scilicet Athanasii, Hieronymi, &c. At in libro nobis obiecto prædicti Patres non citantur, ac subinde liber, cujus Ecclesia Lugdunensis meminit, non is est, qui nobis obijciunt.

*Obijciunt* quariò auctoritatem Theodoretì, qui dialog. 1. ita scribit: *Symbola, quæ videntur appellatione corporis, & sanguinis honorant, non naturam quidem mutans, sed naturæ gratiam adiciens.* Et dialog. 2. ait. *Neque figura mysticam post sanctificationem recedunt à sua natura, manent enim in priori substantia figura, & forma, & videri, & tangi possum sicut prius: igitur ex mente Theodoretì non fit mutatio substantiæ panis, & vini in corpus, & sanguinem Christi.*

*Nego consequentiam*, & ad antecedens dicunt aliqui: Primò, non esse magnificandam auctoritatem Theodoretì, ubi sermo est de Eucharistia, fuit enim de Nestorianismo suspectus, cui errori ut patrocinaretur, & occurreret auctoritati SS. Patrum, qui ex Eucharistiæ Sacramento Incarnationis mysterium comprobabant, ut ex S. Cyrillo liquet, idcirco obscure de Eucharistia locutus est. Secundo dico, non posse genuinam alicujus auctoris mentem ex obscurioribus illius scriptis colligi, maxime quando dumtaxat obiter de aliqua materia differt: testatur autem Theodoretus se de Eucharistia nedum obiter agere, sed etiam obscuritatem affectare; Dialogo enim

enim primò sic Orthodoxus loquitur: *Velim te paulò magis mysticè respondere, adjunt enim fortasse nonnulli, qui non sunt initiati mysteriis.* Cui Eranistes respondet, *Ita audiam, & ita respondebo.* Et dialog. 2. sic loquitur Orthodoxus, *Non oportet aperitè dicere; est enim verisimile adesse aliquos mysteriis non initiatos.* Cui Eranistes ait: *Respondetur enigmaticè.*

Dico tertio cum Cardinali Perronio, non sic esse legendum hunc Theodoretì locum, ut in objectione refertur, & plerique legunt, nempe *signa mystica post sanctificationem manent in priori substantia, forma, & figura*, sed hoc modo *in prioris substantia figura, & forma*, juxta quam lectionem sensus planus est; quippe significatur, quòd eadem accidentia, quæ in priori substantia panis, & vini exsistebant, post utriusque conversionem remaneant, ut prius, immutata, nec recedant à natura sua, seu virtute naturali, quam habebant, vel afficiendi sensus, vel nutriendi, &c. Cujus utique ratio est, quia consueverunt Græci elegantiz causa, regimen genitivorum transponere, atque ponere casus, post genitivos, quos regunt, ut norunt linguæ Græcæ periti.

*Nec dicis* particulam *per* præpositam secundo genitivo significare utrumque genitivum regi per præpositionem præcedentem *per*; id enim falsum est, sed conjunctio præmittitur secundo genitivo, non ut illum copulet cum voce *utitur*, sed cum tertio, per eum Grammaticorum tropum, quo aliqua oratio multis conjunctionibus connectitur, appellaturque polysinteton.

Si autem velis solitam retinere interpretationem, & vulgatam versionem, *dico tertio*, & quidem rectius, & ad mentem Theodoretì accommodatius, Theodoretum illis verbis velle tantum significare, quòd accidentia panis & vini maneant integra, ac vera post consecrationem, nec ullatenus in sua entitate & natura, forma & figura immutentur, ita quòd eadem omnino sit quantitas, & qualitas, quæ prius inerat panis & vino, licet non eadem substantiæ inexistant. Quæ utique solutio ut percipiatur.

*Observandum* est, Theodoretum tribus dialogis impugnare hæresim Eutichianam, quæ contendebat humanitatem Christi à Divinitate in unione hypostatica velut fuisse absorptam, & in eam quasi transmutatam, solis exceptis remanentibus humanis linea-

mentis, non quidem vetis, sed apparentibus. Primus dialogus appellatur *immutabilis*, in quo immutabilem fidei dignitatem propugnat: Secundus vocatur *inconfusus*, in quo demonstratur naturam divinam, & humanam in Christo non esse confusas & permixtas: Tertius appellatur *Incompatibilis*, in quo ostendit Divinitatem Christi ab omnibus passionibus, atque animi perturbationibus alienam esse. Ut autem convenientiori ordine, ac evidentiori methodo procedat, duos collocutores introducit, nempe *Oribodorum*, qui tunc erat partes fidei Catholicæ, ac Ecclesiæ causam agat, & *Eranistem*, hoc est, emendicatorem, qui propugnet partes Eutychianotum, quorum hæresis sic à multis erroribus emendicatur, ut similis appareat mendicorum vestibus, quæ ex diversis pannis as-suuntur, & confarctantur.

Itaque illos impugnaturus Theodoretus dialog. 1. docet Christum habuisse verum corpus, & Deum, qui ex natura sua videti non poterat, carnem assumpsisse, ut videri posset, usumque fuisse vivo & verò quodam, veluti velo, carnis integumento. Exhortuit Eranista novitatem verbi, quasivitque qua in parte Scripturæ caro Domini, *velum* appellatur. Objurgata illius ignorantia, docet Orthodoxus carnem Christi *velamen* appellari ad Hebr. *vestem* quoque, & *indumentum* dici, docet in Genesi his verbis: *Lavabit in vino stolam suam, & in sanguine uvæ indumentum suum.* Quæ ad Christi corpus pertinere manifestè docet, quod in cruce suo ipsius sanguine irrigatum fuit. Qui quidem sanguis Domini rectè dici vinum, sive sanguinem uvæ probat, quia vitæ se esse dixit: Unde concludit: *Sicut enim nos mysticum vitis fructum post sanctificationem, Domini sanguinem nominamus, ita vera vitis sanguinem, uvæ sanguinem nominavit.* Quæ Theodoretì comparatio futilis esset, & inepta, nisi admittoret verum Christi sanguinem esse in mysteriis: licet ex illius mente Sacramentum sanguis dicatur, quia figura est veri sanguinis, ea tamen est istius figuræ ratio, ut adjunctam habeat veritatem & gratiam, ut postea patebit, sed noluit aperitè pandere totius mysteriì veritatem, etia ea ut usus, ut statim rectè monuit sub nomine Eranistæ: *Mysticè simul, & dilucidè, quod propositum fuerat, ostensum est.*

Pergit in eadem materia Orthodoxus.

docetque consentiente Eranista Christum corpori suo panis nomen dedisse, imo verò & tritici nomine carnem suam significasse, Joan. 12. Max addit: *In mysterium autem Traditione corpus panem appellavit, & sanguinem id, quod in calice infusum, & commixtum est.* Eran. Ita nominavit Orthodox. Atqui & quod est secundum naturam corpus, corpus jure vocabitur, & itidem sanguis. Eran. *In confesso est.* Quorum verborum hæc est sententia, panis collatum corporis nomen, & vino mixto sanguinis, in Sacramentum Eucharistiae. Verum quoque Domini corpus, & sanguinem rectè dici corpus, & sanguinem. Ex quo concludit Orthodoxus, permutata fuisse rerum nomina à Christo, qui corpori quidem vero Sacramenti nomen dedit, nempe panis, & Sacramento vice versa imposuit nomen corporis. Eodem modo, cum se vitem nominavisset, symbolo vini nomen sanguine dedisse. Salvator qui, dem certe noster, inquit, nomina commutavit, & corpori quidem id, quod erat symboli ac signi nomen imposuit: symbolo autem, quod erat corporis. Ita cum se vitem nominavisset, sanguinem id, quod erat symbolum, appellavit.

Eranista consentiens seiscitatur causam istius mutationis nominum. Cui satisfaciens Orthodoxus præmittit cautionem consue-ram, hæc nota esse initiatis: ne scilicet Eranista expectaret disertissimam explanationem, quamvis veram, ait autem Orihod. *Manifestum est institutum istis, qui sunt divinis mysteriis initiati. Volebas enim eos, qui sunt divinarum mysteriorum participes, non attendere naturam eorum, quæ videntur, sed propter nominum permutationem, mutationi, quæ fit ex gratia, credere. Qui enim, quod natura corpus est, triticum & panem appellavit, & vitem rursus seipsum nominavit, is symbola & signa, quæ videntur, appellatione corporis & sanguinis honoravit, non naturam quidem mutans, sed naturæ gratiam adiciens.* Respondet Eranista. *Et mysticè mystica dicta sunt, & aperte declarata, quæ non sunt nota omnibus.*

Ex responsione pater, (inquit Illustrissimus ac doctissimus D. de Marca Parisiensium Archiepiscopus in opusculo de mente Theodoret) insignem alioqui locum, rei quidem veritatem explanasse, sed mysticè, & obscuris verbis: adeoque novo, & non cognito omnibus modo illam aperuisse. Quare laborandum est tantisper, ut mens

Authoris deregatur, ad quam nos manuducet fides, qua mysteriis sumus initiati; manifestè quidem docet gratiam adjunctam esse symbolis: atque adeo totum mysterium constare ex gratia & symbolis mysticis, id est, elementis visibilibus panis & vini & carne & sanguine Christi invisibili, & immortalis, ut loquitur Augustinus, ex re sensibili, & ex intelligibili, seu corpore Christi, secundum Chrysostomum, in *Eulogia*, & carne visibilia, juxta Cyrtillum Alexandrinum. Sed gratia nomine significat mysticè corpus Christi, quæ verè ipsum corpus Christi invisibile designatur. Quoniam veritas cujuscumque Sacramenti habet suam gratiam: Baptismus gratiam regenerationis; Sacramentum verò corporis Christi habet ipsum corpus immortale Christi pro gratia tibi conjuncta. Hæc mihi videtur asserti posse ratio, cur gratia mysticè significet, non Christum ipsum, sed corpus Christi. Quod enim quidam existimant gratiam hic sumi pro Christo, qui est gratia per essentiam, non satis accuratè expendisse videntur, hic agi principaliter de Christi corpore, quod est veritas, & gratia Sacramenti, deinde ex consequentia de Christo D. cujus hoc est corpus.

Cæterum quo pacto gratia illa accedat ad symbola, Theodoretus significat, nempe per mutationem, quæ fit in symbolis ex gratia, id est, ob adjunctionem gratiæ. Corporis quippe substantia mysteria consumantur, ut docuit Chrysostomus, quando, ut cum Justino loquamur, ex prece ab ipso verbo perfectæ, panis fit caro Christi. Mysticè verò de hac quoque mutatione locutus est, quam universa tamen proferebatur Ecclesia. Quoniam verò incautius videbantur locuti plerique veterum, qui constituta semel hac mutatione panis, nihil naturæ panis permovere edocebant, aut docere videbantur, Theodoretus audacter ait & verè, symbola post sanctificationem eam naturam servare, quæ viderur, licet appellatione corporis, & sanguinis decorata fuerint.

Mens itaque Theodoretæ est, quod per verba consecratoria duplex mutatio fiat in symbolis ex gratia: *Primò*, quod ipsa symbola sub se contineant corpus, & sanguinem Christi, & sic habeant præsentiam gratiæ substantialis: *Secundò*, quod ipsa symbola visibilia, quæ in sua natura, & entitate phytica eadem permanent, fortiantur tamen appellationem corporis, & sanguinis, fiantque Sacramentum, & figura naturalis cor-

poris, & sanguinis Christi, quod utique ultrò fatetur Eranistes; nam Orthodoxus ab eo petens, cuius figuram, & symbolum esse putet alimentum sanctissimum Divinitatis, ac corporis, & sanguinis Christi. Respondet Eranista, hujus esse symbolum, cuius appellationem suscepit, nempe corporis, & sanguinis, quam responsionem approbat Orthodoxus, dicens: *ut deest amicum veritatis, discisti, etenim Dominus, cum accepisset symbolum, seu figuram, non dixit: Hoc est Deus meus, sed: Hoc est corpus meum, & rursus: Hic est sanguis meus, & alibi: Panis, quem ego dabo, caro mea est, quam ego dabo pro mundi vita.*

Quibus verbis fatetur Theodoretus symbola sanctificata non esse nudam, ac vacuum figuram corporis, & sanguinis Christi, ut perperam interpretantur Calvinistæ; alioqui non fuisset ipsi ita cavendum, ne arcanum hoc pateret non initiatis, sed proficetur symbola esse signa corporis, & sanguinis invisibilis, prout illa conjuncta sunt cum symbolis, & sub eis velantur. Ex quibus omnibus concludit Orthodoxus, Dominum habuisse verum corpus post unionem cum Verbo in mysterio Incarnationis.

Cum autem Eranista contenderet, corpus Christi non fuisse appellatum corpus post Ascensionem in celos, ac subinde reverà fuisse absorptum à Divinitate: Respondet Orthodoxus, se quidem probationem illam jam implevisse, quoniam docuerat ex Scripturis Christum in extremo Adventu, quando iudicium in homines exerciturus redibit; eodem modo se videndum præbiturum, quo in celos se sustulit. Interim apertis calis, visum à Stephano à dextris Dei, addita quoque hac ratione, ut offendatur vis argumenti, *quod enim videtur, corpus est.* Attamen adjungit insuper locum Pauli in Epistola ad Philippenfes, ubi tradit corpus humilitatis nostræ conforme futurum corpori gloriæ Christi. Unde probat post Ascensionem in celos corpus Christi, dici verum corpus ab Apostolo.

Mox gradum facit ad Eucharistiam, his verbis: *Orthod. Dic ergo, mystica symbola, quæ Deo à Dei Sacerdotibus offeruntur, quorumnam dices esse symbola? Eran. Corporis, & sanguinis Domini.* Orthod. Optime, oportet enim imagines esse exemplar arebetyppum. Etenim pictores imitantur naturam, & eorum, quæ videntur, depingunt imagines. Eran. Verum.

Orthod. Si ergo divina mysteria corpus, quod verè est, representant, ergo corpus etiam nunc, Domini quoque corpus est, non in naturam Divinitatis mutatum, sed impletum divitiis gloria.

Huic illationi nihil quidem respondet Eranista, sed, quod hæreticis familiare est, vim argumenti declinans, ad novas inquisitiones, & fuscitationes confugit: Et primò quidem quærit ab Orthodoxo, quid appellet donum, quod offertur ante invocationem Sacerdotis. Respondet Orthodoxus donum esse invocationem esse illud nutrimentum, quod fit ex ejusmodi seminibus, & commune hoc nomen, quod potus speciem significat. Hoc est, panem, & vinum. Pergit Eranista: *Poss sanctificationem autem, quomodo ea appellas?* Respondet Orthodoxus: *Corpus, & sanguinem Christi.* Instat Eranista: *Et credis te fieri participem Christi corporis, & sanguinis?* Respondet Orthodoxus: *Ita credo.* Quibus fatetur symbola sic esse Sacramenta, & signa, utiustiamen corporis, & sanguinis nos participes efficiant. Unde consequitur verum corpus his symbolis contineri, licet spiritali, & invisibili modo.

Ex quibus sic Eranista colligit: *Sicut ergo symbola Domini corporis, & sanguinis alia quidem sunt ante invocationem Sacerdotis, sed post invocationem mutantur, & alia sunt; ita etiam corpus Domini post assumptionem mutantur in divinam substantiam.* Cui respondet Auditor orthodoxus: *Quæ ipse texuisti, retibus captus es.* Neque enim signa mystica post sanctificationem recedunt à sua natura. Manent enim in priore substantia, & figura, & forma, & videri, & tangi possunt, ut prius. Intelliguntur autem ea esse, quæ facta sunt, & creduntur, & adorantur, utque illa sint, quæ creduntur. Confer ergo imaginem cum exemplari, & videbis similitudinem. Oportet enim figuram esse ei similem. Illud enim corpus habet priorem quidem formam, & figuram, & circumscriptionem, & ut semel dicam, corporis substantiam. Immortale autem post Reurrectionem factum est, & potentius, quàm ut illa in ipsum cadat corruptio, & interitus, sessioneque ad dexteram dignatum est, & ab omni creatura adoratur, ut quod appelletur corpus naturale Domini.

Ex istis verbis, & superioribus testimoniis patet, quamam fuerit sententia Theodoretæ de tota hujus mysterii veritate. Quammodum enim superius dixerat hæc mystica symbola post invocationem Sacerdotis Deo

offici-

offerri à Dei Sacerdotibus, & mutationem subiisse ex gratia, quæ accedit ad symbola, quæ quidem ita sunt Sacramenta corporis, & sanguinis Domini, ut ipsius veri corporis, & sanguinis Domini nos participes efficiant: Sic iisdem inhærendo vestigiis, nunc ait, hæc symbola intelligi esse, quæ facta sunt, & credi, & adorari, utque illa sint, quæ creduntur, idest, per mutationem ex gratia sunt symbola carnis invisibilis præsentis, & ideo adorantur, quoniam nemo carnem illam sumit, quin prius illam adoraverit, ut ait Augustinus. Quare habemus ex Theodoro symbolorum consecrationem ministerio Sacerdotis, & verbis Christi factam, mutationem symbolorum ex gratia, præsentiam carnis Christi, & sanguinis, oblationem symbolorum sanctificationum, quæ Deo fit à Dei Sacerdotibus, symbolorum adorationem, & eorum interventu participationem corporis, & sanguinis Domini.

De integro redit Eranista ad congressum, & ex mutatione appellationis, quæ fit in symbolo mystico, quod non amplius panis, sed corpus vocatur, colligi posse putat hujus Sacramenti veritatem Deum dici debere, non autem corpus Christi. Eran. Atqui *symbolum mysticum priorem mutat appellationem, neque enim amplius nominatur, quod prius vocabatur, sed corpus appellatur. Oportet ergo etiam veritatem Deum, & non corpus vocari.*

Verum ignorantiam Eranistæ arguit Orthodoxus, quod mysterii hujus arcanum non penetrarit, factam scilicet nominum permutationem, ut panis tribueretur appellatio corporis Christi, corpori verò panis nomen inditum esset, de quibus egerat dialog. 1. Unde sequitur, quod in hoc mysterio veritas Sacramenti non debeat, corporis nomen deferendo, Deus vocari, sed corpus; symbola enim non sunt Divinitatis signa, sed corporis: Hinc Eranistæ cavillos solvit Orthodoxus, & ejus ignorantiam instruit: *Ignarus mihi esse videris: non enim corpus solum, sed etiam panis vitæ nominatur, ita Dominus ipse appellavit. Porro autem ipsum corpus divinum corpus nominamus, & vivificum, & Dominicum, docentes non esse commune alieni bonis, sed Domini nostri Jesu Christi, qui est Deus, & homo.*

Ex iis omnibus inferre licet Theodorem quinque capita habuisse certissima, quantum ad Eucharistiæ mysterium. Pri-

mus est, quod in eo distinguuntur symbola, & signa mystica panis, & vini à corpore, & sanguine Christi, quorum illa sunt figura, & imagines, quippe symbolum panis est imago corporis, quod *panis vitæ* appellatur, & symbolum vini est figura sanguinis, qui est vinum germinans Virgines. *Secundum est*, quod hujus mysterii pars altera sit ipsum corpus Christi verum, quod sub symbolis latet, & appellatur à Theodoro *veritas, & gratia divinum, ac vivificum corpus Domini. Tertium est*, quod in hoc mysterio fiat appellationum permutatio, itaut sacra symbola post sanctificationem ex invocatione Sacerdotis factam suscipiant nomina corporis, & sanguinis Christi, & vicissim corpus Domini panis dicatur: *Quartum est*, quod mutatio fiat in hoc mysterio, quando gratia, & veritas, quibus mystice, & ænigmatically significatur corpus, & sanguis Christi, accedit ad symbolorum naturam, itaut naturalis eorum substantia mutetur in Christi corpus. *Quintum est*, quod hac mutata symbolorum substantia, ipsa tamen symbola non recedant à sua natura visibili, sintque eadem post sanctificationem, & suæ substantiæ permutationem, quæ prius erant.

Porro in hac adstruenda symbolorum immutatione, idcirco maxime adlaboravit Theodoretus, quoniam videbat argumenta ab Eutychianis ad probandam naturæ humanæ in divinam conversionem trahi ex comparatione mysterii Eucharistiæ cum Incarnatione, ex eo quod plurimi è SS. Patribus, maxime uterque Cyrillus, Gregorius Nyssenus, Chrysostomus, & Ambrosius docerent in transubstantiatione fieri quod symbolorum mutationem, itaut, quæ prius erant accidentia panis, nunc sint pars quædam, & velut accessio corporis Christi, ex quibus inferebant Eutychiani, quod sicut per consecrationem totus panis convertitur in corpus Christi, licet permanere videantur accidentia panis, ita pariter per Incarnationem, aut saltem post Resurrectionem humana natura sic fuerat à Divinitate absorpta, ut ipsa amplius non subsisteret, licet adhuc quædam servaret humanitatis lineamenta.

Quam utique argumentandi rationem ut ipsis eriperet Theodoretus, docuit mutationem quidem in symbolis fieri ex gratia, quia eorum substantia in corpus Christi convertebatur, ita tamen, ut signa, quæ

videntur, à sua natura non recedant, unde optime inferebat contra Eutyrianos, quodd, quemadmodum facta consecratione, verè immutata manent symbola, ita pariter immutata perseveravit natura humana, facta unione ipsius cum Verbo divino.

*Inflabit*: Ex dictis liquet Theodoretum nomine Orthodoxi ex comparatione Eucharistiæ colligere in Christo post unionem hypostaticam nedum superscic formam, & figuram, sed ipsam etiam corporis substantiam: at nullum prorsus foret argumentum nisi supponeret in Eucharistia remanere substantiam panis: igitur talis fuit ejus sententia.

*Nego minorem*: Orthodoxus enim non comparat in omnibus Eucharistiam cum Incarnatione, quippe manifestum est, duo illa mysteria, sicut in multis conveniunt, in multis quoque differre. Valide tamen ex Eucharistia suppositis aliis ab adversariis vel concessis, vel certe necessariò concedendis argumentatur. Ex eo enim, quod in Eucharistia remaneant accidentia panis, infert Orthodoxus in Christo vera quoque fuisse accidentia, & proprietates humanitatis afficientes Christum D. non secundum naturam divinam: ergo secundum naturam humanam: Quanvis enim accidentia possint divinitus sine subjecto existere, tamen, quia ex Scripturis, & communi sententia constabat accidentia humanitatis verè Christum affecisse, qui propterea verè dictus est flets, comedens, fatigatus, passus &c. rectè inde inferebant Catholici, quod cum non possent Christum afficere secundum Divinitatem, humanitatem prorsus afficiebant.

Itaque argumentum adversarii colligentis in Christo non esse humanitatem, sed esse in Divinitatem conversam, quia substantia panis in Eucharistia convertitur in substantiam corporis Christi, argumentum, inquam, illud rectè retorquet Orthodoxus, dicens: In Eucharistia nedum est corpus Christi, sed etiam vera panis accidentia: ergo similiter in Christo vera sunt humanitatis accidentia propria. Ex quo, supposito alio principio, inferebat esse quoque in Christo veram humanitatem, quia nimirum accidentia humanitatis verè Christum afficiebant, ut tota Scriptura clamat: ergo aliquam in Christo natura afficiebant, non divinam: ergo humanam. Ex concessis ergo ad ad-

versario validum ad Eucharistiam argumentum deduxit Orthodoxus.

*Obijciunt* denique auctoritatem Ruperti Abbatis Tuitiensis, qui lib. 2. in Exodum videtur impanationem docuisse: docet enim panem Eucharistiæ assumi à verbo eo prorsus modo, quo natura humana à verbo eo prorsus est, ex quo sequitur panem esse corpus Christi: scribit enim lib. ad hæc verba *Enodi*: Sed comedetis assum tantum igni. Id est, inquit, totum attribuetis operationi Spiritus sancti, cujus effectus non est destruere, vel corrumpere substantiam quamcumque, sed substantiam bono permanenti, quod erat, invisibiliter adjungere, quod non erat: sicut naturam humanam non destruxit, cum illam operatione sua ex utero Virginis Deus Verbo in unitatem personæ conjunxit, sic substantiam panis, & vini secundum anteriorem speciem quinque sensibus subdola non mutat, aut destruit, cum eadem Verbo in unitatem corporis ejusdem, quod in cruce pendit, & sanguinis ejusdem, quem de latere suo sudat, esse conjungit. Et rursum: Quomodo Verbum à summe nemissum caro factum est, & non mutatum in carnem, sed assumendo carnem, sic panis, & vinum utrumque ab imo sublatum fit corpus Christi, & sanguis, non mutatum in carnis saporem, sive in sanguinis humorem: sed assumendo indivisibiliter utriusque, divine scilicet & humane, quæ in Christo est, immortalis substantiæ unitatem. Proinde sicut hominem, qui de Virgine sumptus in cruce pendit, rectè, & Catholice Deum confitemur, sic veraciter id, quod sumimus de sancto Altari, Christum dicimus, Agnum Dei prædicamus. Idem non minus perspicue tradit lib. 6. in Joan. ubi docet: Verbum jam dudum factum carnem panem visibilem fieri, non mutatum in panem, sed assumendo, & in unitatem personæ transferendo panem. Additque ratione illius assumptionis, panem verè dici corpus Christi. Quod & lib. 2. de officiis cap. 2. & 9. repetere videtur.

*Respondet*, Quod etsi Eminentissimi Cardinales Bellarminus, & Baronius censuerint Rupertum revetâ in eo errore versatum esse, nihilominus ab eo vindicari potest, & excusari: siquidem cum ait operatione Spiritus sancti non destruere, vel corrumpere simpliciter substantiam panis, sensus est quod non ita destruat per simplicem annihilationem, sed conversionem, quæ fiat in melius, non enim absolute negat fieri posse

divi:



divinitus conversionem unius substantiæ in aliam, sed eo loco exemplo conversionis aquæ in ipsi hoc ipsum astruit, & confirmat.

*Similiter*, cum ait permanere substantiam panis, usui patet ibi substantiam nomen pro essentia accidentis, seu pro substantia secundum externam speciem quinque sensibus subacta, quam Commentario in Joan. appellat substantiam visibilem; substantia autem, quam in corpus Christi converti docet, & credit Ecclesia Catholica, non est visibilis, neque quinque sensibus subacta, ac subinde doctrina Ruperti non militat in Ecclesiæ dogma. Quod autem hæc fuerit ejus sententia, confirmari potest ex eo, quod ibidem videtur negare accidentia panis converti in accidentia corporis Christi, dum videlicet ait, panem, & vinum in Christi corporis non converti saporem, vel sanguinis humorem.

*Denique*, dum comparat assumptionem panis cum assumptione humanitatis, non intendit, quod intercedat unio hypostatica inter panem, & Verbum, sed tantum quod idem Verbum, quod assumpsit naturam humanam, convertat substantiam panis in substantiam corporis à se assumpti, ratione cujus conversionis panis appellatur caro, & Verbum dicitur panis vivus, qui de cælo descendit.

Porto, quod Rupertus aperte fateatur panis, & vini substantiam converti in corpus, & sanguinem Christi, colligitur non solum ex his, quæ diximus in sectione præcedenti, solvendo auctoritatem Ruperti ab hæreticis objectam, sed etiam ex lib. 2. de officiis cap. 2. ubi ait: *Panis, & vinum in verum corpus, & sanguinem Domini transferuntur*. Quæ certe translatio nihil aliud, quam transubstantiationem sonat.

*Obijciunt* denique Confessionem Berengarii, quam fecit in Concilio Romano sub Nicolao II. & refertur de consecratione dist. 2. cap. 42. *Ego Berengarius, factor, panem, & vinum, quæ in Altari ponuntur, post consecrationem non solum Sacramentum, sed etiam verum corpus, & sanguinem Domini nostri Jesu Christi, & sensualiter non solum in Sacramento, sed veritate manibus Sacerdotum trahi, frangi, & fidelium dentibus asseri*.

*Respondeo*, quidquid sit de mente Berengarii in hac fidei professione, intentum Concilii ac summi Pontificis fuisse, ut il-

le Hæresiarcha profiteretur palam Eucharistiam non tantum esse Sacramentum, idest signum practicum gratiæ sanctificantis, aut signum speculativum corporis, & sanguinis Christi, sed etiam illius esse signum practicum, quia panis, & vinum reverà transferuntur in corpus, & sanguinem Christi. Itaque in hac priori fidei professione, Berengarius primum suum errorem, quod docebat corpus Christi non esse realiter, & verè in Eucharistia, reprobavit, quiquidem error primò damnatus fuerat sub Leone IX. in Concilio Vercellensi, deinde in Turonensi sub Victore II. ejus successore, ubi Berengarius primò hunc errorem ejuravit; sed cum paulo post in ipsum relapsus esset, illum iterum reprobavit in Concilio Romano sub Nicolao II. Verum cum hoc abjurato errore incidisset in alium, quo afferebat, integram naturam panis, & vini remanere in Eucharistia una cum Christi corpore, & sanguine, hunc tandem errorem abjuravit in Concilio Romano sub Gregorio VII. Plura etiam argumenta petita ex ratione proferunt Lutherani. Verum illa convenientiori ordine solvantur in sequentibus questionibus.

#### *Solvuntur objectiones contra secundam partem Conclusionis.*

*Obijciunt primò Thomista* auctoritatem Concilii Tridentini sess. 13. cap. 4. ubi verbis suprâ nobis laudatis colligit, transubstantiationem ex verbis institutionis Christi, nempe, *Hoc est corpus meum, Hic est sanguis meus*: sed hæc collectio, & illatio non esset legitima, si verba consecrationis possent esse vera, remanente panis, & vini substantia: igitur falsum est quod sensus speculativus illorum verborum non contineret veram conversionem panis in corpus Christi.

*Nego minorem* siquidem Concilium colligit transubstantiationem tantum ex sensu practico, prout Ecclesia ea verba semper intellexit; non enim censet Concilium eundem esse Articulum fidei, quod Christus sit realiter præsens in Eucharistia, & quod fiat transubstantiatio; nam præsentiam docet Tridentinum cap. 1. transubstantiationem autem capite 4. præsentiam definit can. 1. Transubstantiationem autem can. 2.

Et quidem præsentiam, Christus, inquit Conc.

Concilium, discretis ac perspicuis verbis testatus est, nam ut ait, cap. 1. ibi: *Majores nostri omnes, quotquot in vera Christi Ecclesia fuerunt, qui de sanctissimo hoc Sacramento disserterunt, aperitissimè professi sunt, hoc tam admirabile Sacramentum in ultima cœna Redemptorem nostrum instituisse, cum post panis viniq; benedictionem se ipsum ipsius corpus illis præbere, ac sanguinem suum discretis ac perspicuis verbis testatus est.* At verò de transubstantiatione non sic loquitur Concilium, sed ut suprà audivimus: *Quoniam autem Christus Redemptor noster corpus suum id, quod jub specie panis offerebat, verè esse dixit, id est, quia Christus discretis ac perspicuis verbis testatus est præsentiam sui corporis sub specie panis, ideo persuasum semper fuit* &c. id est, ideo Ecclesia, edocta à spiritu sancto, verba Christi, tamen possent absolute esse vera in sensu non convertivo, tamen semper intellexit in sensu convertivo, & declarat sic esse intelligenda: Igitur ex verbis Christi præcisè, secluso hoc intellectu, & declaratione Ecclesiæ, non habetur, nisi probabile argumentum.

Unde optime subtilis Doctor in 4. dist. 10. qu. 1. n. 9. *Quantum ergo ad istum Articulum (scilicet realem præsentiam Christi in Eucharistia sine mutatione locali) non videtur necessarium fugiendum esse ad conversionem panis in corpus Christi præcipuè, cum à principio, ex quo res hujus Sacramenti fuit creata, fuit semper creditum, quod Christi corpus non mutatur de loco suo in calo, ut sit hic, & tamen non fuit à principio ita manifestè creditum de ista conversione. Puta, quia præsentia ex discretis ac perspicuis verbis; conversio autem ex auctoritate Ecclesiæ, verba illa sic interpretantis, quæ interpretatio non fuit à principio ita manifesta sicut post condemnationem Pterengarii errorem.*

*Obijci J. Thomas 3. parte quæst. 75. art. 2. Christo in Eucharistia debetur cultus latræ: sed si ibi maneret substantia panis, non deberet talis cultus exhiberi propter idololatriam, adorando creaturam.*

*Respondet Doctor subtilis 4. dist. 11. quæst. 3. n. 9. Modò non est idololatra, qui adorat Christum in Eucharistia: & tamen non potest negari, quin sit ibi creatura aliqua, scilicet species illa. Sed non est adorandum sensibile continens, sed Christum contentum: & eodem modo tunc dicitur Christum contineri sub pane quanto, & quali, & ita non panem adorari, sed Christum contentum in pane ut in signo.*

*Præveniensque replicam, Etsi obijcias, inquit, saltem simplices, qui non sic distinguunt, essent idololatrae. Dico quòd ita potest nunc argui contra te, quia simplices non distinguunt accidentia illa à corpore Christi. In omnibus autem talibus est una responsio; quia simplices adorant in fide Ecclesiæ (id est, adorant quod Ecclesia adorat) & hoc sufficit eis ad salutem. Majores autem distinctè adorant contentum, non signum continens, & hoc fide signum continens sit accidentia raprùm, sive substantia panis cum accidente. Quæ utique solutio est clarissima.*

*Urgebis: Eucharistia debet primò significare corpus, ut primum significatum: sed si ibi maneret substantia panis, ipsa haberet rationem primi significati.*

*Respondet Doctor supra: Quòd est ad oppositum, quia, si esset hic substantia panis, illa duplex significatio esset vera, scilicet naturalis, qua accidentia significant substantiam panis: & illa quæ est ex institutione divina, qua sensibile significat corpus Christi: sed nunc non potest salvari, nisi præcisè altera vera. Et post pauca: Respondeo ergo, quòd primum significatum ex institutione debet esse corpus Christi: & ita est, siue maneat substantia panis, siue non: sed primum significatum accidentium, quòd scilicet naturaliter significant, semper est substantia illa, quam primò affecerunt, vel nata essent afficere, quia illa significatio naturalis non mutatur.*

*Obijciæ secundo: Tollitur debitus usus Sacramenti; quia si maneret verè substantia panis, ipsa esset verè cibus corporalis: hujus autem Sacramenti usus est, quòd sit cibus spiritualis.*

*Non valet (inquit Doctor noster supra num. 10.) quia modò manifestum est, quòd illæ species nutriunt secundum Apostolum, 1. Cor. 11. vers. 21. Et alius quidem esurit, alius autem ebrius est, & hoc ex perceptione specierum sacramentalium; & tamen non negatur hic esse cibus animæ, tamen datur ipsum contentum sub nutrimento corporali: & ita si poneretur panem manere, esset ibi nutrimentum corporale, & tamen contentum sub illo esset tantum nutrimentum animæ. Ita Doctor.*

*Inflabis: Si substantia panis perseveraret sub speciebus, vel annihilaretur, & non converteretur, verius diceretur; Hic est corpus,*

pus, quàm, *Hic est corpus*: ergo, ut verba consecrationis sint vera, etiam secundum sensum speculativum, necessariò debet fieri transubstantiatio.

*Respondet Doctor n. 10.* utrumque posse dici: *Verum est enim*, inquit, *quod*, Hoc est corpus meum, *Quia* Hic est corpus meum. *Sed non hoc accidens, sed contentum sub accidente.* Eodem modo, *si esset panis, non hoc, quod est substantia panis, esset corpus, sed hoc quod est contentum sub pane, est corpus.* Ne autem quis existimaret, ipsum asserere, formam consecrationis posse concipi his verbis, *Hic est corpus meum*; statim subdit Doctor: *Maluit autem Salvator uti hoc vocabulo, quàm hic, quia magis exprimitur veritas, licet utrumque dictum esset verum.* Magis inquam exprimitur veritas hujus mysterii per pronomen *hoc*, quàm per particulam *hic*. Quoniam *hoc* demonstrat ipsam rem primò, quia particula *hic* demonstrat ratione loci: Christus autem non est sub speciebus, ut in loco, licet sit in loco specierum, seu ubi sunt species.

Ex his itaque sequitur vocabula ista, *Hic est corpus meum*, secundum sensum practicum, & prout illa usurpat Ecclesia, & reverà denotare transubstantiationem. Licet enim alius eorum posset esse sensus, ita quòd, inquit Doctor, aliquis dicere posset per pronomen, *hoc*, non demonstrandum panem, si maneret, licet nec per idem pronomen nunc demonstrantur accidentia, sed contentum sub pane, scilicet corpus Christi, cum etiam hoc pacto ista propositio potuisset esse vera, si Christus decrevisset panem mansurum cum corpore suo: tamen simpliciter intellectus ille falsus est; non enim sic Christus instituit, nam hoc Sacramentum sic institutum est, ut signatum ejus non esset cum pane, sed solum cum accidentibus, inquit Doctor. Et ultraquòd iste intellectus faciliè concipitur ex verbis ipsis; rursus accedit auctoritas Ecclesie; *Et enim spiritu*, inquit eleganter, & notanter idem Doctor, *exposita sunt Scripturæ, quo condita.* Et ita supponendum est, quòd Ecclesia Catholica eo spiritu exposuit, quo tradita est nobis fides, Spiritu scilicet veritatis edocta, Quòd hunc intellectum elegit, quia solus verus est. Non enim in potestate Ecclesie fuit facere istud verum, vel non verum, sed Dei intuitus: sed intellectum à Deo traditum Ecclesia explicavit dicitur in hoc, ut creditur, spiritum veritatis.

Neque enim putandum est (inquit noster Bases) Doctorem aliquid detrachere voluisse veritati verborum consecrationis, quibus ponitur Christi corpus in Sacramento, non tantum verè, & realiter, sed etiam per transubstantiationem. Licet enim, ut dictum est, & ut notavit ipse, potius inquirendum veritatem, & opponendo, quod protervus aliquis posset opponere, detorqueri posset illa verba ad alium intellectum; tamen intellectus transubstantiationis simpliciter verus est. Et hoc est quòd intendit Concilium Tridentinum sess. 13. cap. 4. ex verbis Christi in Ecclesia Dei semper persuasum fuisse, fieri transubstantiationem panis in corpus Christi, quasi scilicet Ecclesia Spiritu sancto inspirata elegerit hunc sensum verborum, qui solus ex veritate instituentis verus est.

Nec infigeretur Doctor, quòd addunt alii, scilicet hunc eundem intellectum manifestè satis ex verbis deduci, quia is magis est proprius: videtur enim, quòd pronomen, *hoc*, non potest applicari, nisi rebus, quæ vel natura sua, vel arte, & usu alias continent, cujusmodi non est panis: unde si sanul cum corpore Christi panis maneret, non ita rectè diceretur, *Hic est corpus meum*.

## QUÆSTIO SECUNDA.

*Quenam sit actio transubstantiatio, an scilicet productiva, vel solum adductiva corporis Christi sub speciebus Eucharisticis.*

**N**otandum primò, in Transubstantiatione intercedere actionem aliquam, quæ ex parte dicitur *transubstantiatio adductiva*, cui ex parte panis, & vini correspondet *transubstantiatio passiva*; id enim modus loquendi Patrum, & Conciliorum aptè declarat; utuntur enim nomine transubstantiationis, mutationis conversivæ, transitus unius substantiæ in aliam; unde hoc Sacramentum appellant opus omnipotentis divinæ, & ad illud explicandum usurpant exempla Creationis, Incarnationis, & conversionis aquæ in vinum, quæ omnia quamdam actionem denotant.

Insuper, per transubstantiationem fit hic aliquid de novo, quòd antè non erat, tum circa substantiam panis, & vini, quæ desinunt esse sub speciebus Eucharisticis,

tum

tum circa corpus Christi, quod sub ipsis sit præsens, cum antea non esset; quæ utique omnia actionem aliquam denotant.

Sed controversitur inter Theologos, quæ & qualis sit illa actio, circa quam dirimendam controversiam, varia sunt eorum placita; Quidam enim existimant, actionem illam esse conservationem corporis, & sanguinis Christi sub speciebus Eucharisticis, virtute verborum continuatam, & repetitam, quæ illa produceret de novo in rerum natura, nisi jam aliunde producta essent; ita Suarez disp. 40. sect. 4. ubi plures laudat ex veteribus, & recentioribus Theologis, qui eandem sententiam tueri videntur. Thomistæ communiter cum Cajetano contendunt, transubstantiationem veram esse corporis, & sanguinis Christi productionem, non quidem simpliciter loquendo, sed sub novo modo essendi, sive sub speciebus Eucharisticis. Quam utique sententiam pariter docet Doctor noster Quodlibeto 10. licet aliam in 4. dist. 11. q. 3. & 4. proponat, nempe actionem illam non esse productivam, sed dumtaxat adductivam corporis Christi sub speciebus Eucharisticis; quæ ideo ad solam præsentiam localem formaliter terminetur: in quam utique sententiam cum ipse magis inclinet, inde fit, quod omnes pene illius Discipuli eandem tueantur. Quibus subscribitur Bellarminus lib. 3. de Euchar. cap. 18. Vasquez disp. 181. & plures alii Moderni.

*Notandum secundò*, ex Doctore in 4. disp. 33. qu. 1. n. 12. actionis nomen quinque modis usurpari: *Primò* quidem pro operatione, puta pro intellectione, vel volitione, quæ dicitur operatio, tametsi in rei veritate sit qualitas. *Secundò*, pro respectu producentis ad productum, puta patris ad filium. *Tertiò*, pro respectu inducentis ad inductum, vel educentis ad educum, puta ignis ad calorem inductum in lignum; & actio sumpta his duobus modis est respectus intrinsecus adveniens; & sic proprie est in genere relationis. *Quartò*, pro re acta includendo esse ab alio, & sic actio non constituit unum ens per se, quia connotatum ejus est semper ens aliquod absolutum, ut potentia quantitas, vel qualitas, quæ ex 3. phys. textu 19. est opus & finis, seu actus activi, & passivi: activi ut ab ipso, passivi ut est in ipso; id autem quod principaliter significatur, est esse ab alio, scilicet ut à producente, vel inducente, vel

transmutante; & quidem ab alio, ut producente vel inducente, dicit respectum intrinsecus adveniensem; ut autem à transmutante, dicit respectum extrinsecus adveniensem. *Quintò*, pro respectu transmutantis ad transmutatum, juxta illam descriptionem libri sexti principiorum cap. de actione: *Actio est secundum quam in aliud, quod subicitur, agere dicimur*: Et actio hoc modo sumpta est respectus extrinsecus adveniensem, consiluitque prædicamentum actionis, ut ibi susè probat Doctor.

*Notandum tertio*, conversionem esse transmutatum unius rei ad aliam: unde Subtilis Doctor transubstantiationem sic definit in 4. dist. 11. qu. 1. n. 2. *Transitio totalis substantiæ in substantiam*, in quo distinguitur à generatione substantiali, quæ secundum Aristotelem 1. de generatione textu 10. & 24. *est transmutatio totius in totum*: Quia, inquit Doctor, illud totum ex partibus, quod fuit verè totum scilicet per se unum, non manet, sed aliud totum succedit, non tamen quælibet pars succedit; quia materia manet communis secundum ipsum; in transubstantiatione autem nulla pars substantiæ manet communis, sed substantia tota, & talis collectivè, quæ fuit in termino a quo, transiit in terminum ad quem.

Porrò ad veram, & perfectam conversionem tres desiderantur præcipue conditiones. *Prima*, quod illa fiat inter duos terminos positivos, seu inter quas res, quarum una sit terminus à quo, & altera sit terminus ad quem; in omni enim conversione debet aliquid transire in aliud. *Secunda* est, quod terminus à quo conversio nis aliquo modo esse definat, & terminus ad quem aliquo modo incipiat esse de novo, tamquam quid succedens in locum illius, quod esse desinit. *Tertia* est, ut sit aliqua cognatio, & dependentia inter destinationem unius, & successionem alterius; itaut definitio termini à quo sit inceptio termini ad quem, quatenus hic vi definitionis prioris termini succedit in locum ipsius; nam, si ista non essent connexa, non esset una actio, quæ dici posset conversio; sed essent duæ actiones per accidens se concomitantes, quarum una annihilatione, altera creatio diceretur; unde, si Deus annihilaret unum Angelum, & in eodem loco alterum crearet, non fieret conversio prioris Angeli in subsequentem propter defectum hujus connexionis, & dependentiæ.

tit. Contigit autem aliquando connexionem illam esse necessariam & naturalem propter oppositionem formarum sibi succedentium in eodem subiecto, qualis reperitur in generatione & corruptione, & in omnibus alterationibus; aliquando verò hæc dependentia tantum pendet ex voluntate divina, ut contingit intransubstantiatione, in qua termini à quo, & ad quem non sunt oppositi, sed tantum disparati; proindeque sibi succedentes tantum non naturaliter, sed ex divina ordinatione.

## CONCLUSIO UNICA.

**P**robabilis est Christi D. corpus fieri præsens sub speciebus Eucharisticis, & panem converti in substantiam corporis Christi per actionem adductivam, quam per productivam. Ita Doctor in 4. dist. 11. q. 3. n. 23. & q. 4. num. 15.

Probatur primò, Quia, inquit Doctor q. 3. n. 1. transubstantiatio fieri non posset per actionem productivam, quin panis fieret corpus Christi, vel corpus Christi fieret ex pane: sed neutrum dici potest, quia inquit Doctor, Panis nec fit, nec factus est, nec fit corpus Christi, nec è converso: & ratio istorum est, quia fieri, quando prædicatur secundum adjacentes, prædicatur fieri simpliciter ejus, de quo dicitur, & sic non conjungitur aliquod oppositum ipsi subiecto, sicut panis fiebat, quando conquebatur, & hic corpus fiebat, quando in utero Virginis formabatur: Sed quando fieri prædicatur tertium adjacentem, tunc denotat subiectum fieri secundum formam prædicari: sed panis pro nulla differentia temporis fit secundum formam prædicari, scilicet corporis, nec è converso: & patet illud in simili per oppositum, ideo enim hæc est vera, homo fit albus, quia hic homo fit sub forma albedinis, & per oppositum hæc est impossibilis, homo fit asinus, & hoc, loquendo stricte de virtute sermonis: sic videtur esse in proposito.

Secundò, per transubstantiationem Eucharisticam corpus Christi tantum acquirit esse accidentale, & locale, nempe esse præsens sub speciebus Sacramentalibus: sed ad id sufficit actio adductiva ipsius corporis ad illas species: ergo ad transubstantiationem sufficit adductio. Minor constat: Ut enim corpus aliquod sit alicubi præsens, non

est necesse, quòd ibi de novo producat, sed tantum quòd ibi constituatur. Minor autem probatur: Illud solum acquirit corpus Christi per transubstantiationem, quòd verba consecrationis efficiunt: sed nihil aliud efficiunt, quàm quòd significant, nec aliud significant, quàm præsentiam corporis Chr. sub speciebus Eucharisticis, & desitionem substantiæ panis & vini: igitur ad id sufficit actio adductiva.

Tertiò, ea sententia in explicandis mysteriis videtur esse probabilior, & magis recipienda, quæ minores difficultates involvit; & hujusmodi mysteria capui & intellectu faciliora cuilibet fidei homini ostentat: at ita est de adductione corporis Chr. sub speciebus Eucharisticis; nemo enim est tam rudis & agrestis, qui facile non concipiat Deum per suam omnipotentiam posse constituere unum & idem corpus in duobus locis, itaut fiat præsens uni loco, non deferendo alterum; ac subinde facile concipiat Deum posse constituere corpus in Sacramento, non quidem deferendo locum, quem in cælo obinet, sed acquirendo novam præsentiam sub speciebus Eucharisticis: vix autem potest concipi, quomodo idem corpus reverà existens, & habens id omne, quòd ad sui constitutionem & complementum desideratur, iterum censetur produci.

Confirmantur hæc omnes rationes: Si corpus Christi denuò produceretur per transubstantiationem, vel acciperet novum esse substantiale, & entitativum, vel dumtaxat novum esse locale, & Sacramentale: Primum dici nequit; ut enim res aliqua accipiat novum esse entitativum, necessum est, quòd transeat ab illo non esset illud esse; nihil enim producit secundum id, quòd jam est, siquidem productio entitativa & substantialis connotat existentiam, quæ acquiritur; res autem, quæ jam existit, alteram existentiam suscipere non potest, ac subinde, si corpus Christi produceretur per transubstantiationem, necesse est, quòd dumtaxat produceretur secundum esse locale & Sacramentale: sed ad illud novum esse sufficit actio adductiva; igitur ad id non opus est actione productiva.

Obijciunt primò Thomistæ, nec-non & nonnulli Scotistæ varias auctoritates SS. Patrum expressè dicentium, quòd in consecratione corpus Christi fiat de pane; sic S. Ambrosius lib. 8. de Sacramentis cap. 4.

Ubi accesserit consecratio, de pane fit corpus Christi. Sic pariter S. Hieron. epist. ad Heliodorum explicans Sacerdotum dignitatem, scribit: Cui Christi corpus sacro ore consistant. Unde S. Ephremius Sacerdotium appellat, stupendum miraculum, omnium ornamentum præstantissimum, bonorum omnium, quæ in hominibus sunt, apicem, divinum quoddam, omniumque, quæ inter homines, expetuntur, velut extremam metam.

Hinc etiam celebratur illa sententia, quæ S. Augustino, & S. Gregorio tribuitur: O magna Sacerdotum dignitas, in quarum manibus, velut in utero Virginis, Christus quotidie incarnatur! Sicut ergo Deipara Virgo Verbum concepit in utero, ut lepidè expendit Bernardus homil. 4. super Missus est, ubi sic eam alloquitur: Responde Virgo verbum, & suscipe Verbum, profer tuum, & concipe divinum, emitte transitorium, amplectere sempiternum. Quid tardes? quid trepidas? Crede, confitere, suscipe. Aperi Virgo beata cor fidei, labia confessioni, viscera Creaturi. Quibus verbis significat B. Virginem operationem habuisse in formando Christo: igitur similem etiam habent Sacerdotes, dum quotidie Christi D. corpus verbis consecratoris producant, ac subinde corpus Christi in Eucharistia accipit novum esse per actionem productivam.

Respondet Doctor q. 5. n. 2. particulas de, & ex non absolute denotare, quod: unum verè producat ex alio, sed tantum quod unum succedat in locum alterius desinentis: Accipiendo, inquit, utrumque extremum, panem scilicet & corpus in recto, non oportet alterum de altero predicari. Si ergo vera debet esse prædicatio, oportet eorum alterum in obsequio accipere denotando ordinem extremi ad extremum, & hoc potest esse dupliciter, vel cum hac præpositione ex, vel de, addendo ad terminum a quo, sicut dicit Philosophus 2. Metaphys. c. 3. quod ex mane sit meridies, & non è converso, & hoc modo potest concedi, quod ex pane, vel de pane fit corpus Christi. Alio modo addendo termino ad quem hanc præpositionem, in, quæ denotat ipsum esse terminum ad quem, hoc modo, panis transit in corpus Christi.

Et si quæras, quæ sit magis propria ex illis duabus locutionibus, audi quod sequitur. Et omnes, inquit, aliæ locutiones de virtute sermonis ad aliquam istorum reducuntur, sed secunda est magis propria, quia non

denotat aliquid commune manere, sicut aliquo modo denotat ista præpositio, ex, secundum proprium modum recipiendi, ex; non enim ex opposito fit oppositum, nisi quia ex subiecto communicatur utrique secundum Philosophum 1. Physicorum, 1. de generatione, & 2. Metaphysica. Hæc Doctor.

Qui ibidem n. 1. respondet hanc conversionem non verè significari per verbum Essendi, neque per verbum, Possè, vel, Possibile, ut si dicas: Panis est, vel potest esse corpus Christi, fuit, velerit. Ratio est, Quia esse notat unionem extremorum essentialem, vel accidentalem pro illa tempore, quod assignat, sed pro nulla temporis differentia habenti hæc extrema unionem essentialem, sed pro omni instanti, pro quo natum est, & aliud non est. Et tamen ita loquitur S. Ambrosius lib. 4. de Sacramentis c. 4. ubi ait: Quomodo potest, qui panis est, corpus esse Christi? Consecratione. Similiter Berengarius in sua confessione, quæ habetur de consecr. dist. 2. c. 42. Dicens panem, & vinum, quæ in altari ponuntur, post consecrationem non solum sacramentum, sed etiam verum corpus, & sanguinem Domini nostri Jesu Christi esse. Sensus igitur istarum, & similium propositionum est: panis transit, seu convertitur, vel est conversus in corpus, & vinum in sanguinem Christi.

Monet quoque Doctor supra n. 1. cavendum esse, & bono sensu explicandam hanc propositionem: Panis mutatur in corpus: Quia, inquit, non est hæc mutatio, ut dictum est in 1. q. istius distinctionis; transire autem, seu verti absorbet à ratione mutationis, quia ponunt habitudinem termini ad terminum, non importando subiectum commune, ne manere.

Nec obstat, Quod SS. Patres his loquendi formulis utantur; idcirco enim transubstantiationem appellant mutationem, aut aliquid huiusmodi, quia, licet in Eucharistia non remaneat materia prima per modum subiecti communis substantiæ panis, & corporis Christi, manent tamen accidentia communia utrique substantiæ, sub quibus ad definitionem substantiæ panis succedit corpus Christi; non quidem ex natura rei, ut fit in mutationibus naturalibus, sed ex voluntate, & ordinatione Dei. Quod si aliquæ SS. Patrum sententiæ expressè significant corpus Christi verè produci per consecrationem, intelligendæ essent non de productione corporis Christi simpliciter, sed

sed de productione secundum esse Sacramentale, & quatenus corpus Christi unà cum speciebus Eucharisticis dicit aliquod totum, quod reverà de novo producit, fit, & creatur. Certum enim est, quòd ante transubstantiationem nec Christi D. corpus cum speciebus, nec species cum corpore totum aliquòd constituabant, ac subinde verum est, quòd totum illud de novo producat.

*Obijciunt secundò:* Transubstantiatio, sive conversio substantialis debet habere pro formali termino *ad quem* aliquid substantiales siquidem à tali termino substantiali denominatur, at terminus *ad quem* actionis adductivæ corporis Christi non est substantialis, sed accidentalis; nam huiusmodi terminus est præsentia Sacramentalis, quæ nihil aliud est, quàm respectus extrinsecus adveniens, quem corpus Christi dicit ad species Sacramentales: igitur transubstantiatio consistere nequit in sola adductione.

*Negat minorem Doctor* dist. 11. q. 3. n. 23. quia substantia corporis Christi succedit substantiæ panis: non enim panis convertitur in præsentiam corporis, sed in ipsummet corpus Christi, licet sola præsentia Sacramentalis reverà habeat esse de novo. Potest dici; *inquit Doctor*, quòd transubstantiatio (hoc stante quòd fit inter terminos positivos, qui sunt substantiæ) potest duobus modis intelligi. Uno modo, quòd fit ad substantiam, ut per ipsam accipientem esse. Alio modo, ut fit ad substantiam, ut per ipsam accipientem esse hic. *Prima* potest dici productiva sui termini ad quem: *secunda* adductiva, quia per ipsam adducitur terminus, ut fit hic. Et sub aliis verbis, potest esse, vel ad entitatem sui termini, vel ad præsentialitatem ejus pluribi, seu in pluribus locis.

Sanè tametsi voluisset, non potuisset Doctor clarioribus verbis exprimere omnem prorsus transubstantiationem esse inter terminos positivos, qui sunt substantiæ. *Hoc*, inquit, stante, id est, tanquam indubitato præsupposito, quòd fit inter terminos positivos, qui sunt substantiæ.

Ergo transubstantiatio Sacramentalis, occasione cujus Doctor hæc pertractat, & latius discutit, ex mente ipsius constituitur duas substantias, panem scilicet, & corpus Christi, sicutamen quòd corpus Chr. per eam de novo non producat. Unde illud subiungit verbis præallegatis: *Trans-*

*substantiatio primo modo non potest esse ad substantiam, quæ præfuit, quia non videtur posse poni in substantiam manentem secundum suum esse antiquum.*

Et si obijciatur, *inquit Doctor ibid.* quòd ista secunda non est transubstantiatio, quia terminus ejus non est substantia ut substantia, sed est ista præsentia, quæ accedit substantiæ; sola enim illa acquiritur per istam actionem. Et præterea tunc erit terminus *ad quem*, per transubstantiationem alicubi, ubi prius non fuit, cujus oppositum probatum est in dist. 12. q. 1. Et propterea tunc quot essent hic præsentia, tot essent præsentialitates, & per consequens tot conversiones; multa autem sunt in Christo, quorum quodlibet est hic præfens: ergo sunt multæ conversiones.

*Ad primum* potest dici, quòd substantia est terminus ipsius transubstantiationis secundo modo sumptæ, quia ipsa substantia succedit substantiæ: non tamen habet esse substantiale novum, sed tantum præsentiam novam.

*Ad secundum* dico, quòd transubstantiatio primo modo dicta non facit terminum *ad quem* esse, ubi non præfuit, & ita debet intelligi conclusio probata dist. 10. sed transubstantiatio secundo modo dicta includit mutationem quamdam ad simplicem præsentiam circa terminum *ad quem*, & ratione istius bene potest terminus ad quem esse per illam, ubi non præfuit.

*Ad tertium* potest dici, quòd non est ibi, nisi unicum primò præfens, scilicet illud, quòd est primum signatum hujus signi; alia autem præsentia, vel sunt partes ipsius, vel concomitantia ipsum; conversio ergo est unica, quia unius substantiæ panis prius præfens istis speciebus in unum corpus, ut præfens eisdem. Ita Doctor quibus significat ad rationem transubstantiationis satis esse, quòd una substantia succedat alteri desinenti, sive illa interior desit, & successio fiat ex natura rerum invicem inaccessibilem, sive dumtaxat ex ordinatione divina.

*Urgent adversarii:* Sola successio unius substantiæ loco alterius est tantum veluti translocatio, non verò transubstantiatio: nam si Petro per mortem sublatò, Paulus ejus loco substitueretur: fieret quidem successio, sed non conversio, sive transubstan-

tiatio unius in alium: igitur sola successio unius substantiæ in locum alterius delinquentis non est vera, & propriè dicta transsubstantiatio.

*Distinguo majorem*: Sola successio unius substantiæ loco alterius non est vera transsubstantiatio, quando substantia definens tantum recedit, ut succedenti locum cedat, concedo, quando ita definit, ut ad ejus definitionem alia fiat præfens per conversionem prioris substantiæ in ipsam, nego. Et similiter distincta minore, neganda est consequentia, ita enim ponitur Chr. corpus sub speciebus Eucharisticis, ut ad ejus positionem definat omnino panis, & in ipsum convertatur, unde ibi non fit solum translatio unius corporis in locum alterius, sed est vera transsubstantiatio.

*Urgent*: Ad veram conversionem substantialem, seu transsubstantiationem requiritur, quod terminus *ad quem* habeat impossibilitatem cum termino *à quo*: alioqui posset terminus *à quo* in se remanere, quod repugnat ipsius conversioni ad terminum ad quem, sed si conversio panis in corpus Chr. esset tantum adductiva, terminus *ad quem* illius, nempe corpus Chr. præfens non haberet impossibilitatem cum substantia panis; siquidem terminus *ad quem* illius adductionis esset tantum præsentia sacramentalis corporis Christi, quæ, cum sit indivisibilis, & inextensa, non habet impossibilitatem cum altera substantia extensa, sed similis est illi, qua Angelus fit præfens loco; igitur sicut Angelus per hoc, quod adducatur, sive transeat in aliquem locum, non propterea expellit substantiam corpoream, quæ est in illo, ita necque corpus Chr. si tantum fieret præfens per adductionem sub speciebus, haberet impossibilitatem cum substantia panis, nec postulare illam expellere.

*Respondet Doctor numer. 24.* quod isti termini sunt impossibiles eo modo, quo terminant, seu ea ratione, qua sunt termini, quia sic non sunt simul, licet de potentia absoluta Dei possent esse simul: licet licet Deus possit facere aerem simul cum igne de potentia absoluta, tamen aer succedit igni, quia naturaliter sunt impossibiles in simul essendo. Ita Doctor, quibus significat, quod etsi substantia panis, & corporis Chr. non sint impossibiles ex natura rei, tamen sunt impossibiles ex ordinatione Dei volen-

tis, ut substantia panis definat, & mutetur in corpus Christi.

Ex his sequitur, transsubstantiationem non solum esse præsentiam localem, quæ de novo producatur, sed terminum illius actionis transsubstantiatiæ esse ipsummet Christi D. corpus, ut præfens, ut docet Doctor in 4. dist. 10. n. 10. ubi ait: Ad propositum, mutationem deperditivam illius, ubi de cælo nullus ponit in corpore Chr. secundum Augustinum supra adductum, donec sæculum finiatur sursum est Dominus. Et hoc intelligendo regulariter, nisi placet sibi ex aliqua gratia speciali localliter descendere, quod non ponitur fieri, propter veritatem Eucharistiæ. Oportet tamen ponere ad salvandam realem præsentiam corporis Chr. hic, quod in ipso sit aliqua præsentia ad speciem panis, quæ prius non fuit, alioquin non magis esset præfens hic, quam prius. Illa enim mutatio, quæ est circa species scilicet, quod prius erant in subiecto, nunc autem non sunt in subiecto, nihil facit hoc, quod corpus Christi de non præfente istis, fiat realiter præfens istis, quia illa habet alios terminos per se ab illa, qua non præfens fit præfens.

*Ubi*, ut optime notat Bosco, Doctor subtilis docet primo, Corpus Chr. per transsubstantiationem non perdere necessariò præsentiam localem circumscriptivam, quam habet in cælo. Secundo, agnoscit necessitatem alicujus præsentie ad speciem panis, quæ prius non fuit, ratione cujus nunc magis Christus sua substantia nobis addit, quam prius. Et sanè existentiam Christi in Sacramento rectissime appellari præsentiam testatur Concilium Triad. sess. 13. c. 1. hisce verbis. Nec enim hæc inter se pugnant, ut ipse Salvator noster semper ad dexteram Patris in calis assideat juxta modum existendi naturalem, & ut multis nihilominus aliis in locis sacramentaliter præfens sua substantia nobis addit.

Tertio, asserit Doctor, corpus Chr. non fieri formaliter præfens per destructionem substantiæ panis, quod verissimum esse clare ostendit ratio subjuncta; Quia illa habet alios terminos per se ab illa, qua non præfens fit præfens: Patet, quia per destructionem præfens fit non præfens: Ergo, inquit Doctor, necesse est ponere aliquam mutationem in corpore Christi requisitam illius præsentie novæ. Sed numquid mutationem loca-



localem, cujus terminus ad quem est presentia localis? Noli sic loqui, sed magis cum Doctore affirma, eam mutationem non posse dici proprie mutationem localem propter duo, tum quia eam non concomitatur aliqua deperditio prioris ubi, sicut communiter est in motu locali, quia ibi terminum positivum ad quo, & terminum positivum ad quem concomitantur duæ privationes eo modo, quod Philosophus dicit .5. Physicorum, quod *Motus est à subiecto in subiectum*: tum etiam, quia hic proprie terminus istius mutationis non est ubi, quia in termino mutationis huiusmodi corpus Chr. non habet hic proprie ubi, sed terminus est quadam presentia simplex ipsi speciei, veta tamen & realis, terminus autem mutationis localis proprie acceptæ est ipsum ubi. Vellim scire, an evidentioribus verbis Adversarii possint negare presentiam sacramentalem esse presentiam proprie localem? Non puto.

Et si quæras (prosequitur Doctor n. 11.) ad quod genus pertinet hæc mutatio, & terminus istius mutationis? Dico, si Angelus ponitur de novo præfens alicui corpori, dicitur quidem esse in loco definitivo, eo modo, quo sibi potest convenire esse in loco, & sic dicitur mutari, licet illa mutatio multum distet à vera mutatione secundum ubi, scilicet cet circumscriptum, quod solum videtur Doctor hic appellare presentiam proprie localem. Absit autem, ut talem presentiam attribuamus corpori Christi in Eucharistia. An ergo presentiam Angelicam? Adhuc, (ait Doctor) quantum ad aliquas conditiones presentia corporis Christi speciei, id est, qua Christi corpus præfens est speciebus, magis recedit à vera ratione ubi, quia nullo modo per istam presentiam determinatur sic ad unum ubi, quod sibi repugnet aliud. Sed Angelus per unum ubi, sic determinatur ad illud, ut sibi repugnet aliud. Hæc est una conditio discrepantæ.

Alia autem ratio differentie est, quod, cum Angelus sit substantia pars spiritualis, nequit loco circumscribi: unde sic est in toto loco, ut etiam sit in singulis ejus partibus, nec etiam per divinam potentiam aliter esse possit, quoniam non habet partes extra partes, nec in ordine ad locum, nec in ordine ad se. Secus est autem de corpore Chr. D. quod, cum sit res materialis, constans diversis partibus, extra se

mutuò positus, inde fit, quod naturaliter possidet diversas partes corporis circumscriptibentis, quibus illud correspondeat. Unde dum in Sacramento totum est sub singulis speciebus, & sub qualibet earum particula, hæc positio non est ipsi connaturalis, sed supernaturalis, ac subinde Chr. D. corpus non est præfens sub speciebus Eucharisticis presentia locali, etiam definitivo modo, quemadmodum Angelus est in loco, sed presentia sacramentali, quæ omnino præternaturalis est, nec ullum proprie habet exemplum in rebus naturalibus.

Qualis sit autem hæc sacramentalis presentia, pergit Doctor explicare n. 11. ubi scribit: Etsi habetas pro inconvenienti aliquam mutationem qualemcumque in corpore Christi realiter esse: Dico, quod necesse est ponere saltem aliquem respectum extrinsecus advenientem, qui scilicet non necessario sequatur fundamentum, & terminum posita in actu, quia omnis respectus sic consequens necessarius est intrinsecus adveniens, ut ostensum est in quest. 2. de charactere contra primam opinionem: ergo respectus potest advenire extrinsecus de novo, sine alio quocumque novo, vel in fundamento, vel in termino. Sic ergo non est inconvenientis corpus Chr. esse de novo præfens alicui non habenti novam formam absolutam, nec novum respectum ejus, vel si habet huiusmodi novum respectum, pari ratione, & corpus Chr. habebit novum respectum ejus, quia si species sunt de novo præfentes corpori Christi, & corpus est de novo præfens eis (etsi enim continentia non sit relatio realis mutua, tamen presentia est relatio mutua) non erit tunc inconvenientis dare in corpore Christi talem mutationem ad respectum extrinsecus advenientem.

Et si objicias, ad respectum non est mutatio, solum est in questione de charactere. Et si omnino arguas, ille respectus extrinsecus adveniens, qui dicitur presentia simplex, ad quod genus pertinet? Potest dici, quod magis proprie reducitur ad genus ubi inter omnia genera respectum extrinsecus advenientium, quia in pluribus cum illo respectu convenit, & si forte non sit proprie in genere, sequitur, quod decem genera sufficiunt non evacuant totum ens. Quod

non est inconueniens eo modo, quo Philosophi loquuntur de rationibus eorum, quia non repugnat sub ente inuenire aliquem respectum, puta Angelicæ lapidem, qui non habet aliquam rationem respectus in genere, ut ipsi loquuntur, non tamen sequitur ex hoc plura genera esse, quàm decem, sed quòd rationes eorum, vel ratio alicujus eorum non assignatur sub ratione communi, sicut potest assignari.

In quibus Doctor tria concludit (inquit Hiquus in Commentario ad hunc locum:) *Primum* est, non posse saluari præsentiam Christi novam, & Sacramentalem sine aliqua mutatione in Christo reali, quia de novo fit hic Christus realiter, ubi antea non fuit: talis autem mutatio non repugnat Christo, quia licet mutatio, *quæ fit* ad corruptionem, non conveniat corpori glorioso, & impassibili, non tamen repugnant mutationes, quoad respectum, qui non infert mutationem substantialem, nam ante Ascensionem habuit plures tales, ut visionis, locutionis, manducationis, loci, post resurrectionem.

*Secundum*, quod docet, est, hanc præsentiam, & mutationem reduci ad mutationem secundum ubi. *Tertium* est, præsentiam illam esse relationem extrinsecus advenientem, de qua ipsum vide *diff. 6. q. ult.* Porro in hac littera Doctor tantum differt de præsentia Sacramentali sub ratione termini acquisiti per mutationem acquisitivam, & non deperditivam, qua præsentia ejus naturalis in cælo destrueretur, quia hæc manet, ut habetur in symbolis fidei, *Sedes ad dexteram Patris*, &c. & Lucæ ult. & ex S. Aug. l. c. ut docet Doctor, nisi ex gratia speciali ipse apparere aliquando in terris voluerit, saltem ad Sacramentalem præsentiam acquirendam non delectur. Ita Hiquus.

### COROLLARIA.

**E**x his omnibus sequitur *primo*: Transubstantiationem fieri à solo Deo, tanquam à causa principali, quippe ille solus potest hoc mysterium efficere, in cujus potentia activa extremum continetur vel ut sit, vel ut non sit simpliciter, seu quantum ad totum suum esse, & quantum ad suum non esse, sed esse totalis substantiæ, & non esse ejusdem soli divinæ potentie subiect; quilibet enim virtus creata sub-

jectum exigit, unde, ut probavimus in Physicis, creatio est solius Dei, nulla siquidem creatura agere potest in non præexistens subiectum, igitur solus Deus potest efficere, ut tora substantia panis transeat in substantiam corporis Christi.

*Nec obstat*, quòd agens naturale possit alterare species Sacramentales, & ex eis aliquam substantiam producere, puta cum species illæ corrumpuntur, & ex eis generantur vermes, aut aliquid hujusmodi. Hoc, inquam, non officit, in illis enim generationibus, quæ fiunt ex corruptis speciebus, agens naturale non convertit species illas in substantiam non præexistentem, sed tota hæc conversio fit virtute solius Dei, qui, ut agens generale non deficiens in necessariis, & supplens virtutes causarum secundarum, ubi earum virtus deficit, producit ipse substantiam novam sub speciebus corruptis.

Fateor tamen cum Doctore in 4. diff. 13. q. 2. Sacerdotem celebrantem habere rationem *causæ instrumentalis*, in hac efficienda Transubstantiatione: Nam, inquit Doctor, agens dispositivum dicitur instrumentum respectu effectus producendi, quando habet actionem præviam actioni divinæ productivæ illius effectus, sed Minister est agens dispositivum, habens actionem propriam humanam præviam actioni divinæ, tanquam dispositionem necessariam, non quidem simpliciter, sed ex ordinatione Dei paciscentis cum Ecclesia, quòd ad prolationem verborum consecrationis ipse constitueret Christi corpus realiter præsens sub speciebus Eucharisticis, & transmuraret substantiam panis in ipsum corpus; igitur Minister habet rationem causæ instrumentalis in hac efficienda Transubstantiatione, non quidem, ut instrumentum attingens terminum, & effectum, sed eo modo, inquit Doctor, quo agens præviam dicitur agere instrumentaliter ad formam principalem, quam non attingit, ita quòd ejus actio ea ratione tantum dicitur instrumentalis, quia est dispositio prævia ad effectum, qui per virtutem solius causæ principalis producendus est.

*Sequitur secundò*, Transubstantiationem fieri in instanti, sive interim illa fiat per additionem, sive per productionem, mutatio enim triplici ratione potest esse instantanea: *Primo*, ex parte formæ, quæ non suscipit magis, & minus: *Secundo*, ex

pat-

parte subiecti, quod ad receptionem formæ successivæ non disponitur: *Tertiò*, ex parte agentis, non indigentis temporis mora, ut effectum producat, sed his tribus modis Transubstantiatio dici potest instantanea, nam & substantia corporis Christi, ad quam illa conversio terminatur, non suscipit magis & minus, quippe cum corpus illud sit gloriosum, incorruptibile, & inalterabile. *Insuper*, in hac conversione nullum est subiectum, quod successivis dispositionibus preparari debeat ad formam recipiendam, quippe cum nihil prorsus panis remaneat, quod sit commune subiectum istius conversionis, sed tota illius substantia in Christi corporis substantiam transcat.

*Denique*, hæc conversio fit principaliter ab agente, quod est infinitæ virtutis, & independentis ab omni temporis mora, omnique subiecto in suis extraordinariis effectibus producendis, igitur panis substantia in instanti desinit, & Christi D. corpus in instanti advenit, statim ac perficitur formæ consecratoris sensus, ita quod ultimum non esse illius prolationis formæ, sit primum non esse desinens substantiæ panis, & primum esse, ac inceptionis, seu præsentæ realis corporis Christi sub speciebus Eucharisticis.

*Sequitur tertiò*, nihil omnino substantiæ panis remanere sub speciebus facta consecratione, si enim aliquid ipsius remaneret, maxime vel materia, vel forma, vel existentia, vel subsistentia, aut aliquis modus illius substantialis, sed nihil horum remanet, ut constat ex determinatione Concilii Trid. sess. 13. c. 4. & can. 2. ubi definitur, totam substantiam panis converti in substantiam corporis Christi, ita ut remaneant dumtaxat accidentia: hoc autem verum non esset, si materia aut forma panis remaneret cum corpore Christi, falsum enim esset, quod tota substantia panis transiret in substantiam corporis Christi.

*Insuper*, hanc assertionem sigillatim probat & declarat Illustriss. *Mewissius* noster de Euchar. c. 5. q. 10. *Primò* quidem, de forma: Quia, inquit, forma dat esse rei, ergo si forma panis remanet, esse panis remanebit, quod est hæreticum.

*Deinde*, de materia, quia si materia remaneat, transubstantiatio nihil ampliuserit, quam generatio, quod implicat. Patet, quia in generatione fit successio formatum, eadem manente materia, sed in hoc Sa-

cramento illud idem fieret: ergo nihil amplius esset, quam generatio.

*Deinde*, sententia, quæ id asserit, nititur multis falsis principiis, scilicet quod materia panis, & materia Christi corporis sit una, & eadem numero materia; præterquam enim quod hoc esset contra rectam philosophandi rationem, sequeretur, inquit Doctor, formam Christi corporis esse in materia panis ante conversionem; si enim forma Christi corporis existaret in rerum natura, & habeat materiam suam numero distinctam à qualibet alia, deberet necessariò esse in ea materia; at materia panis esset illa numero materia, quæ est materia corporis Christi: ergo hoc ipso, seculsa omni conversione, materia corporis Christi erit in materia panis, quod est absurdum. Quod si intelligat *Aegidius* (cujus est hæc sententia) materiam panis, & materiam corporis Christi esse ejusdem rationis tantum, exiit nihil concludit, quia non sequitur propterea materiam panis remanere in Sacramento post conversionem.

Non remanet etiam existentia: *Tum*, quia in sententia Doctoris hæc non distinguitur realiter ab essentia, & natura: ergo si hæc omnino desinat, etiam desinere debet existentia: *Tum*, quia rem corrumpi, vel desinere esse, aut in alterius substantiam transire, nihil aliud est, quam cessare existere: sed hæc paniconvenit in Eucharistia: igitur ipsius existentia post conversionem non remanet.

Similiter non remanet subsistentia: *Tum*, quia hæc est modus illius entitatis, quam afficit: ergo desinente propria illa entitate, desinit etiam illius modus: *Tum*, quia probabilius est existentiam nihil aliud esse, quam duplicem negationem communicationis substantiæ, ut probavimus in Metaphysica: igitur pereunte substantia, perit etiam negatio illius communicationis: *Tum*, quia si subsistentia panis remaneret, maxime vel ut esset verum, & proprium subiectum accidentium ejus: Et hoc dici non potest, quia de fide est accidentia illa existere sine subiecto vero, & proprio. Vel ut redderet illa accidentia per se subsistentia: Et hoc etiam verificari nequit; repugnat enim naturæ accidentis, utpote cui debetur inesse ex natura rei, quod tamen deberi nequit rei per se subsistenti, quandoquidem inesse, & per se subsistere opponuntur.

non est inconveniens eo modo, quo Philosophi loquuntur de rationibus eorum, quia non repugnat sub ente invenire aliquem respectum, puta Angelum lapidem, qui non habet aliquam rationem respectus in genere, ut ipsi loquuntur, non tamen sequitur ex hoc plura genera esse, quam decem, sed quod rationes eorum, vel ratio alicujus eorum non assignatur sub ratione communi, sicut potest assignari.

In quibus Doctor tria concludit (inquit Hiquus in Commentario ad hunc locum): *Primum* est, non posse salvari præsentiam Christi novam, & Sacramentalem sine aliqua mutatione in Christo reali, quia de novo fit hic Christus realiter, ubi antea non fuit: talis autem mutatio non repugnat Christo, quia licet mutatio, quæ fit ad corruptionem, non conveniat corpori glorioso, & impassibili, non tamen repugnant mutationes, quoad respectum, qui non infert mutationem substantialem, nam ante Ascensionem habuit plures tales, ut visionis, locutionis, manducationis, loci, post resurrectionem.

*Secundum*, quod docet, est, hanc præsentiam, & mutationem reduci ad mutationem secundum ubi. *Tertium* est, præsentiam illam esse relationem extrinsecus advenientem, de qua ipsum vide *dist. 6. q. ult.* Porro in hac littera Doctor tantum differit de præsentia Sacramentali sub ratione termini acquisiti per mutationem acquisitivam, & non deperditivam, quia præsentia ejus naturalis in cælo destrueretur, quia hæc manet, ut habetur in symbolis fidei, *Sedet ad dexteram Patris, &c.* & Lucæ ult. & ex S. Aug. l. c. ut docet Doctor, nisi ex gratia speciali ipse apparere aliquando in terris voluerit, saltem ad Sacramentalem præsentiam acquirendam non deseritur. Ita Hiquus.

### COROLLARIA.

**E**x his omnibus sequitur *primò*: Transubstantiationem fieri à solo Deo, tanquam à causa principali, quippe ille solus potest hoc mysterium efficere, in cuius potentia activa extremum continetur vel ut sit, vel ut non sit simpliciter, seu quantum ad totum suum esse, & quantum ad suum non esse, sed esse totalis substantiæ, & non esse ejusdem soli divinæ potentie subiacet; quilibet enim virtus creata sub-

jectum exigit, unde, ut probavimus in Physicis, creatio est solius Dei, nulla siquidem creatura agere potest in non præexistens subiectum, igitur solus Deus potest efficere, ut tota substantia panis transeat in substantiam corporis Christi.

*Nec obstat*, quod agens naturale possit alterare species Sacramentales, & ex eis aliquam substantiam producere, puta cum species illæ corrumpuntur, & ex eis generantur vermes, aut aliquid hujusmodi. Hoc, inquam, non sufficit, in illis enim generationibus, quæ sunt ex corruptis speciebus, agens naturale non convertit species illas in substantiam non præexistentem, sed tota hæc conversio fit virtute solius Dei, qui, ut agens generale non deficiens in necessariis, & supplens vices causarum secundarum, ubi earum virtus deficit, producit ipse substantiam novam sub speciebus corruptis.

Fateor tamen cum Doctore in 4. dist. 13. q. 2. Sacerdotem celebrantem habere rationem *causæ instrumentalis*, in hac efficienda Transubstantiatione: Nam, inquit Doctor, agens dispositivum dicitur instrumentum respectu effectus producendi, quando habet actionem præviam actioni divinæ productivæ illius effectus, sed Minister est agens dispositivum, habens actionem propriam humanam præviam actioni divinæ, tanquam dispositionem necessariam, non quidem simpliciter, sed ex ordinatione Dei paciscentis cum Ecclesia, quod ad prolationem verborum consecrationis ipse construeret Christi corpus realiter præsens sub speciebus Eucharisticis, & transmutaret substantiam panis in ipsum corpus; igitur Minister habet rationem causæ instrumentalis in hac efficienda Transubstantiatione, non quidem, ut instrumentum attingens terminum, & effectum, sed eo modo, inquit Doctor, quo agens prævium dicitur agere instrumentaliter ad formam principalem, quam non attingit, ita quod ejus actio ea ratione tantum dicitur instrumentalis, quia est dispositio prævia ad effectum, qui per virtutem solius causæ principalis producendus est.

*Sequitur secundò*, Transubstantiationem fieri in instanti, sive interim illa fiat per adductionem, sive per productionem, mutatio enim triplici ratione potest esse instantanea: *Primò*, ex parte formæ, quæ non suscipit magis, & minus: *Secundò*, ex par-

parte subjecti, quod ad receptionem formæ successivæ non disponitur: *Tertio*, ex parte agentis, non indigentis temporis mora, ut effectum producat, sed his tribus modis Transubstantiatio dici potest instantanea, nam & substantia corporis Christi, ad quam illa conversio terminatur, non suscipit magis & minus, quippe cum corpus illud sit gloriosum, incorruptibile, & inalterabile. *Infuper*, in hac conversione nullum est subjectum, quod successivis dispositionibus preparari debeat ad formam recipiendam, quippe cum nihil prorsus panis remaneat, quod sit commune subjectum istius conversionis, sed tota illius substantia in Christi corporis substantiam transeat.

*Denique*, hæc conversio fit principaliter ab agente, quod est infinitæ virtutis, & independentis ab omni temporis mora, omnique subjecto in suis extraordinariis effectibus producendis, igitur panis substantia in instanti definit, & Christi D. corpus in instanti advenit, statim ac perficitur formæ consecratoris sensus, ita quod ultimum non esse illius prolationis formæ, sit primum non esse definitionis substantiæ panis, & primum esse, ac inceptionis, seu præsentæ realis corporis Christi sub speciebus Eucharisticis.

*Sequitur tertio*, nihil omnino substantiæ panis remanere sub speciebus facta consecratione, si enim aliquid ipsius remaneret, maxime vel materia, vel forma, vel existentia, vel substantia, aut aliquis modus illius substantialis, sed nihil horum remanet, ut constat ex determinatione Concilii Trid. sess. 13. c. 4. & can. 2. ubi definitur, totam substantiam panis converti in substantiam corporis Christi, ita ut remaneant dumtaxat accidentia: hoc autem verum non esset, si materia aut forma panis remaneret cum corpore Christi, falsum enim esset, quod tota substantia panis transiret in substantiam corporis Christi.

*Infuper*, hanc assertionem sigillatim probat & declarat Illustriſſ. *Meurſius* noster de Euchar. c. 5. q. 10. *Primo* quidem, de forma: Quia, inquit, forma dat esse rei, ergo si forma panis remanet, esse panis remanebit, quod est hæreticum.

*Deinde*, de materia, quia si materia remaneat, transubstantiatio nihil amplius erit, quam generatio; quod implicat. Patet, quia in generatione fit successio formarum, eadem manente materia, sed in hoc Sa-

cramento illud idem fieret: ergo nihil amplius esset, quam generatio.

*Deinde*, sententia, quæ id asserit, nititur multis falsis principiis, scilicet quod materia panis, & materia Christi corporis sit una, & eadem numero materia; præterquam enim quod hoc est contra rectam philosophandi rationem, sequeretur, inquit Doctor, formam Christi corporis esse in materia panis ante conversionem; si enim forma Christi corporis existat actu in rerum natura, & habeat materiam suam numero distinctam à qualibet alia, debet necesse ratio esse in ea materia; at materia panis est illa numero materia, quæ est materia corporis Christi: ergo hoc ipso, seclusa omni conversione, materia corporis Christi erit in materia panis, quod est absurdum. Quod si intelligat *Ægidius* (cujus est hæc sententia) materiam panis, & materiam corporis Christi esse ejusdem rationis tantum, exinde nihil concludit, quia non sequitur propterea materiam panis remanere in Sacramento post conversionem.

Non remanet etiam existentia: *Tum*, quia in sententia Doctoris hæc non distinguitur realiter ab essentia, & natura: ergo si hæc omnino desinat, etiam desinere debet existentia: *Tum*, quia rem corrumpi, vel desinere esse, aut in alterius substantiam transire, nihil aliud est, quam cessare existere: sed hæc paniconveniunt in Eucharistia: igitur ipsius existentia post conversionem non remanet.

Similiter non remanet substantia: *Tum*, quia hæc est modus illius enciratis, quam afficit: ergo desinere propria illa entitate, desinit etiam illius modus: *Tum*, quia probabilius est existentiam nihil aliud esse, quam duplicem negationem communicationis substantiæ, ut probavimus in Metaphysica: igitur pereunte substantia, perit etiam negatio illius communicationis: *Tum*, quia si substantia panis remaneret, maxime vel ut esset verum, & proprium subjectum accidentium ejus: Et hoc dici non potest, quia de fide est accidentia illa existere sine subjecto vero, & proprio. Vel ut redderet illa accidentia per se substantia: Et hoc etiam verificari nequit; repugnat enim naturæ accidentis, utpote cui debetur inesse ex natura rei, quod tamen deberi nequit rei per se substanti, quandoquidem inesse, & per se subsistere opponuntur.

Tandem non remanet eadem *individua-  
lis entitas* panis, ut sustinere videtur Ca-  
jetanus post Henricum; non enim potest  
intelligi quomodo hic panis in singulari  
in individuo desinat per hanc numero a-  
ctionem Sacramentalem, & tamen indivi-  
dualis ejus entitas remaneat post conver-  
sionem.

Deinde, ex eo sequeretur non esse idem  
corpus Christi in Sacramento, quod est  
in cælo. Patet: corpus Christi, quod est  
in Sacramento, est ipsissima entitas indi-  
vidualis panis, quæ præfuit: sed corpus  
Christi in cælo non est ipsa eadem enti-  
tas individualis panis, quæ præfuit: ergo  
Christi corpus in Sacramento non est il-  
lud idem, quod est in cælo.

Adde, & hanc sententiam non esse in-  
telligibilem, & accedere ad errorem: non  
potest enim sustineri entitatem aliquam in-  
dividualem panis remanere post conversio-  
nem cum hac exclusiva Concilii Trident.  
*ita ut accidentia tantum remaneant*: nam in  
ea sententia non modò accidentia rema-  
nerent, sed etiam illa entitas individualis  
panis.

Eandem Henrici sententiam impugnât  
Doctor *disp. 11. q. 4. n. 3.* Cum enim contem-  
deret Henricus quodlibet *q. q. 9.* & quodli-  
beto *11. q. 4.* per consecrationem panem  
non annihilari, sed post conversionem ad-  
huc esse aliquid; non quidem illud, quod  
præfuit, sed illud, in quod panis conver-  
sus est, ita quòd illud esse panis post con-  
versionem sit ipsum esse corporis Christi, in  
quod conversus est, vel aliquantitas ejus, seu  
aliquis modus corporis. Ipsam explicatio-  
nem impugnât Doctor quatuor rationibus:

*Primò* sic: Terminus mutationis, in quan-  
tum terminus, includit *non esse* alterius  
termini. Hoc probatur: quia in quantum  
est terminus, habet aliquam impossi-  
bilitatem ad alium terminum: ergo, ut est  
terminus, non includit aliquantem al-  
terius termini, nec alterum terminum  
esse aliquo modo aliquid, quia contra-  
dictio est, quòd, ut includit non esse  
ejus, includat aliquantem ejusdem.

*Secundò*, quia corpus Christi nullo alio  
modo se habet in se post conversionem,  
quam autem: ergo nec aliquid alio modo  
se habet in ipso: sed panis non conver-  
sus nullo modo habet aliquantem suam  
in corpore Christi, nec aliquantem cor-  
poris Christi: ergo nec post conversio-

nem. Probatio primæ consequentiæ, esse  
secundum *quid* in aliquo est propter *esse*  
ejus simpliciter, quia enim aliquid in se  
est tale, ideo sic, vel sic habet aliquid in  
se, vel esse in alio: ergo non est differ-  
rentia in modo essendi alicujus in aliquo,  
nisi propter differentiam ejus in se.

Item cujus est aliquitas, illud etiam  
formaliter est aliquid; si ergo aliquitas  
corporis sit nunc ejus, quod fuit sub-  
stantia panis: ergo illud, quod fuit sub-  
stantia panis, est nunc formaliter aliquid  
illa qualitate. Quæro quid aliquid? non  
panis, quia panis non est: & præterea  
contradictio videtur, quòd aliquitate  
corporis sit formaliter aliquid illud quod  
est substantia panis, nec ista aliquitate  
est illud, quod fuit panis, corpus, quia,  
quod fuit substantia panis simpliciter,  
definit esse, corpus simpliciter manet in  
eodem *esse*, nec potest dici, quòd ista  
aliquitate est aliquid, nisi panis, vel  
corpus.

Item, aliquid, & res convertuntur  
secundum Avicennam *Primo Metaphysica  
sua*: cujus ergo est aliqua aliquitas, illud  
formaliter est res: & per consequens se-  
queretur, quòd illud, quod fuit panis,  
nunc esset res. Res autem secundum istum  
Doctorem dicitur dupliciter: uno modo  
pro re optimabili, ut res dicitur *à reor,  
veris*: Alio modo resata, prout dicitur  
à raticudine: hac ergo aliquitate hoc,  
quod fuit panis, vel erit res primo mo-  
do, tunc sequitur, quòd non magis sit  
res, quam chimæra, quia chimæra est res  
ipso modo secundum eum: & tunc opti-  
mè stat cum tali aliquitate annihilatio  
panis; sicut si aliquid converteretur in chi-  
mæram, verè esset annihilatum. Si res se-  
cundo modo, tunc ut prius, aut res  
quidditate panis, & tunc panis non est  
quidditate conversus, aut res quiddi-  
tate corporis, & hoc est impossibile,  
propter quidditativam distinctionem ejus,  
quod fuit panis, & corporis.

Sequitur denique, substantiam panis, & vi-  
ni in Eucharistia delinere per *annihilatio-  
nem*, si corpus Christi fiat præsens per so-  
lam actionem additivam; delinere verò  
per *simplicem conversionem*, si corpus Chr.  
fiat præsens per novam sui reproduc-  
tionem. Hæc mihi videtur genuina Subst.  
Doctoris sententia, ut colligere hæc non so-  
lùm ex *quodlibeto 12. ar. 3.* ubi proponit cor-  
-

minorem sententiam, quod panis non annihilatur in transubstantiatione; quia ad eius defitionem producit de novo corpus Christi præsens, & sic substantia panis transit in substantiam corporis Christi; quam utique sententiam approbat, & propugnat. Verum etiam ex *dist. 11. q. 4.* ubi propositis, & impugnatis aliorum sententiis de hac defitione panis, & vini, dicit *num. 6.* Dico, quod in proposito nihil panis manet post conversionem; secundo, quod panis non annihilatur, vel quod est facilius, quod panis ista conversione non annihilatur. Quod utique sic probat: Terminus ad quem transitus ipsius panis, non est purum nihil: ergo panis non annihilatur.

Consequentia probatur, quia terminus ad quem annihilationis est purum nihil, & hoc probatur à simili: sicut terminus à quo creationis est purum nihil, ita terminus ad quem annihilationis debet esse purum nihil. Antecedens probatur, quia terminus ad quem istius transitus est corpus Christi; quia etsi negatio panis concomiter terminum ad quem, non tamen terminus iste est omnino nihil, sed in aliquo positivo. Ita *Dodō*, quibus significat, se magis propendere in communionem sententiam, quod panis non annihilatur, sed convertatur in corpus Christi, quod de novo producit secundum esse sacramentale.

Cum autem plures, easque urgentissimas rationes adversus hanc assertionem proposuisset, & ex parte solvisset, tandem *n. 14.* aperit docet, quod si transubstantiatio est productiva, panis non annihilaretur; sed verò cum sit adductiva, scribit enim: Dico etiam, quod hac conversione panis non annihilatur: quia, sicut dictum est in solutione questionis precedentis, transubstantiatio quædam est, qua terminus accipit simpliciter esse; quædam autem, qua accipit hic esse. De prima, quaterminus accipit simpliciter esse: & alius simpliciter non esse; forte posset salvari, quod defunctio termini à quo, non est simpliciter annihilatio, quia ibi per se terminus ad quem ipsius inceptionis esset oppositus terminus à quo defunctionis, sicut est de termino à quo, & ad quem generationis, & corruptionis: & ita, posset ibi negatio termini à quo, ut in termino ad quem, terminare defunctionem: sed in pro-

posito, ubi tantum est transitio adductiva, terminus ad quem per se mutationis positive non opponitur termino à quo mutationis privative: & ita non potest esse ratio concludendi negationem ejus.

Posset ergo dici, quod conversio ista est sicut substantiæ in substantiam, non quantum ad esse substantiæ simpliciter, sed quantum ad hic esse, ut sicut corpus ut hic, succedit panis ut hic, ita panis, ut hic convertitur in corpus ut hic: & illæ mutationes licet sint inter substantias, tamen non sunt inter substantias, ut inter terminos; termini enim sunt tantummodo præsentiales, & non præsentiales, quæ possunt reduci ad genus ubi, ut dictum est *dist. 10. qu. 1.* Sicut ergo mutatione positiva non acquiritur simpliciter esse corpori sed tantum esse hic, ita mutatione perditiva correspondente, quam includit conversio ista, in quantum ista conversio est transubstantiatio translativa, non autem productiva; ista, inquam, non perdit panis esse simpliciter, sed hic esse: & patet satis pulchra correspondentia, quia sicut corpus Christi habet novam præsentiam, non deperdendo antiquam, & mutationem acquisitivam sine perditiva, ut dictum est *dist. 10. q. 1.* ita etiam panis habet deperditivam sine acquisitivam, quia definit esse hic, & non acquirit aliam præsentiam alibi; quia ergo non deperditur, sicut nec acquiritur per hanc conversio- nem, ut est translativa, nisi tantum esse hic, & non esse hic; sequitur, quod per hanc conversionem, ut hic est, non deperditur esse substantiale, & per consequens non annihilatur, imo nec destruitur panis hac conversione: quia tamen panis non manet in esse substantiali, & hac conversione non destruitur, ut dictum est, oportet, quod desinat esse alia defitione, quæ est à simpliciter esse ejusdem simpliciter non esse ejus. Illud autem non esse ejus, licet quasi concomiter præsentiam corporis ut hic, non tamen ut terminum ejusdem generis, & per consequens, si ista defunctio secundum se considerata, sit annihilatio, tamen nullo modo ista conversio est annihilatio. Exemplum hujus: Si panis destrueretur, & crearetur Angelus de novo, & fieret præsens speciei panis, conversio panis in Angelum esset panis ut hic in Angelum hic præsentem, &

per istam conversionem Angelus non acquireret, nisi illam præsentiam, concomitaretur tamen illam præsentiam novam novum esse, quod terminat creationem propriam. Per istum modum dicens di apparet, quæ transubstantiatio potest esse in præexistens; & quæ non: & quæ potest esse manente termino a quo, & quæ non: transitio enim, quæ est à termino in terminum secundum esse simpliciter terminorum, & non esse, non potest esse alicujus conversi, & tamen manentis, nec in terminum præexistentem: sed transubstantiatio, quæ est transitus substantiæ in substantiam quantum ad hic esse, potest esse, & termini a quo manentis, si desinat hic esse, non tamen desinat simpliciter esse, & succedat sibi aliud, ut hic. Potest etiam esse in terminum præexistentem, si incipiat hic esse absque hoc quod incipiat esse. Potest etiam esse, quod terminus a quo destruat, sed non hac conversione; & potest esse, quod Angelo creato, &c. *Hæc Doctor*, quæ paulo longius exscribenda duxi, ut inde appareat, quænam sit genuina ipsius sententiæ; distinguat enim duplicem transubstantiationem; unam, qua terminus *ad quem* simpliciter recipit esse substantiale: aliam, qua ipse terminus *ad quem* non producit secundum esse substantiale, sed tantum secundum rationem præsentie, seu essendi hinc; quod utique fit per additionem: sic, si terminus a quo desinat secundum substantiam, necessario desinat per annihilationem; quia nulla est substantia de novo producta secundum esse substantiale, in quam ille terminus a quo desinens possit converti.

Dixi, si desinat secundum substantiam, fieri enim potest, ut substantia panis v. gr. desinat esse præsens sub speciebus, & alia in ejus locum succedat de novo producta absque eo, quod illa panis substantia omnino desinat; quia posset alibi conservari, ut optime declarat Doctor exemplo Angelis, qui de novo produci posset, & fieri præsens speciebus panis, ac succedere substantiæ panis absque eo, quod substantia illa desinat esse. Igitur utramque sententiam Doctor probabilem existimat, nempe quod substantia panis non desinat per annihilationem, si transubstantiatio fiat per actionem productivam corporis Christi: secus verò si fiat per solam additionem.

Unde perperam nonnulli Recentiores cum

Soto dist. 9. qu. 2. art. 4. hic Subtilem Doctorem vellicant, quasi simpliciter doceret substantiam panis in transubstantiatione conversiva annihilari: non enim ea mens est Doctoris; siquidem tantum asserit, ut optime notat *Hiquens* in Commentario num. 42. definire substantiam panis simpliciter per annihilationem, quatenus consideratur desitio ejus simpliciter; non autem quatenus intelligitur de pane, qui est terminus a quo conversionis; quia sic tantum desinit esse sub speciebus, vel esse hic, & hoc exigitur ad veritatem formæ tantum: non autem quod panis simpliciter desinat esse, quia licet per miraculum conservaretur, modo non sub speciebus maneret, verificaretur forma juxta sensum, quem habet ex institutione Christi D. quod ergo designat simpliciter secundum omne esse, non facit ad mysterium, sed est ex ratione jam declarata. Et desitio ejus secundum esse simpliciter, est propriè annihilatio, & tantum concomitanter se habet ad conversionem. Sicut si converteretur panis in Angelum, qui, cum crearetur pro ultimo instanti verborum, illa creatio esset concomitans ad conversionem, non aliquid intrinsecè ad ipsam spectans, quia posset conversio fieri in præexistens: Transubstantiatio ergo non est, nisi inter terminos, ut succedunt sibi invicem ut hic, sive terminus *ad quem* incipiat esse simpliciter, & terminus a quo desinat esse simpliciter, sive non.

## A P P E N D I X.

### De Accidentibus Eucharisticis.

Quæst. 1. Utrum, facta conversione substantiæ panis in corpus, & sanguinem Christi, utriusque accidentia immutata perseverent secundum essentiam.

**A**ffirmo, idque non solum fide divina certum est, & in Concilio Tridentino definitum est. can. 2. ubi dicit anathema ei, qui dixerit per consecrationem non fieri conversionem totius substantiæ panis in corpus, & totius substantiæ vini in sanguinem manentibus dumtaxat speciebus panis, & vini: sed etiam sensibus ipsis pervium ac notum est; siquidem facta transubstantiatione, videmus in Eucharistia eandem figuram, & albe-



albedinem, gustamus eundem superiorem panis, & vini, percipimus utriusque eundem odorem, & eandem superficiem tangimus: constat autem, quod sensus nullo vitio laborantes, non possint decipi circa proprium sensibile debite applicatum: igitur certissimum est eadem omnino accidentia perseverare.

*Quæres 2. Utrum huiusmodi accidentia sint omni subiecto substantiali existant.*

*Affirmo*, hæcque conclusio est pariter de fide determinata in eisdem Conciliis, in quibus asserta fuit transubstantiatio, maxime verò in Concilio Constantiensi, sess. 8. ubi damnat hoc erroneum dogma Joannis Hus, dicentis, quod fingere accidens sine subiecto sit blasphemare in Deum, scandalizare Sanctos, & illudere Ecclesiæ, per verba accidentis.

*Probatur hæc assertio*: Accidentia Eucharistica non inhaerent substantiæ panis & vini, quia, ut probatum est, utraque definit per transubstantiationem; neque etiam corpori Christi, alias corpus Christi in Eucharistia esset alterabile, corruptibile, & localiter extensum; neque etiam aeri circumstanti: *Tum* quia non potest idem accidens de eodem subiecto transire in aliud: *Tum* quia nullo accidens secundum se totum, nec secundum aliquam sui partem, distat loco, & situ à suo subiecto primo: experientia autem constat, quod partes accidentis hostiæ distent ab aere circumstante, & hostia, & aer occupant distincta loca: igitur, &c. *Tum denique* quia huiusmodi species non sunt, ubi est aer circumstant; siquidem ad motum aeris non moventur: igitur necessum est, quod sint sine ullo subiecto.

*Deinde*, si quid obesse, quominus sine subiecto existerent, maxime quia inhaerentia actualis esset de essentia accidentium: sed hoc falsum est, ut optime probat Doctor dist. 12. quæst. 1. n. 9. maxime de accidentibus absolutis: Si enim, *inquirit*, accidens absolutum necessarii requireret subiectum, maxime propter illius essentialem dependentiam à subiecto: sed nulla est dependentia simpliciter necessaria alicujus absoluti ad aliud, quod non est de essentia ejus, sed tantum causa extrinseca nisi ad causam extrinsecam simpliciter primam, scilicet ad Deum; subiectum autem non est de essentia

accidentis, quia tunc homo albus non esset ens per accidens, quod est contra Philosophum 5. *Metaph. cap. de ente*: quia addendo alicui illud, quod est de essentia ejus, non habetur ens per accidens, præcipue si illud in se sit ens per se: accidens autem secundum se est ens per se, secundum Philosophum ibidem; unde, & per se est in genere. Subiectum non est causa extrinseca simpliciter prima, sed Deus præcisè est ejusmodi causa, qui non est subiectum accidentis: ergo dependentia accidentis absoluti ad subiectum non est simpliciter necessaria: igitur accidens sine ea dependentia esse potest.

*Confirmatur auctoritate S. Patrum*, docentium, quod accidentia possint separari, & existere sine omni subiecto. Sic S. Basiliius homil. 6. in Hexameron docet prima die creatam fuisse lucem per se subsistentem, & ab omni subiecto separatam: *Primo die*, inquit, *ipsa natura lucis producta est, quarto autem die Solis corpus, ut esset illi primogenita luci vebiculum, est conditum*. Et infra: *Itaque ne mihi doceris, fieri hoc non posse, ut lux à corpore Solis separaretur; neque enim ego lucis à Solis corpore separationem mihi, actui possibilem esse dico; sed asserendum esse censeo, quæ mentis sola agitatione, cogitationeque disparari à se possunt, ea reipsa conjungi facultate Creatoris, utriusque natura posse*. Idem docet S. Gregorius Nazianzenus orat. de novo die Dominico, & Theodoretus in questionibus super Genesim q. 14. & 16. igitur ex sententia S. Patrum virtute divina potest accidens existere absque omni subiecto, & carere actuali inhaerentia.

*Confirmatur* insuper argumento petito ex mysterio Incarnationis: nam inhaerentia actualis se habet ad accidens, sicut subsistentia actualis ad substantiam: non enim minus est de ratione substantiæ, & naturæ completa per se subsistere, ac propria subsistentia terminari, quam sit de ratione accidentis alicui subiecto inhaerere, sed non obstante hac naturali exigentia substantiæ, ut per se subsistat, & propria substantia terminetur, virtute divina humanitas Christi privatur sua conaturali subsistentia, & subsistit tantum subsistentia Verbi: igitur pari ratione accidens poterit spoliari sua actuali inhaerentia, & virtute divina absque subiecto existere.

*Dicitur primo*: Deus non potest supplere causalitatem causæ materialis, ut communiter

ter docent Theologi, quippe cum illa causalitas imperfectionem Deo repugnantem importet: ergo non potest efficere, quod accidens sit independens à subjecto.

*Distinguo antecedens*: Non potest supplere vicem causæ materialis, *ex qua*, concedo: causæ materialis, *in qua*, nego: Porro, inquit Doctor, dist. 12. qu. 1. n. 10. Accidentia non habent materiam ex qua, sed in qua: vel si habent ex qua, illud non est subjectum; quia subjectum cum accidente facit ens per accidens, ut dictum est, per se autem intrinsecum essentia accidentis, sive materia, sive forma, dum constituit ens per accidens; quia accidens ut totum quoddam est, ex omnibus pertinentibus ad essentiam ejus. Ita Doctor, quibus fatetur, Deum non posse supplere causalitatem materiæ, quantum ad influxum compositionis, neque quantum ad existentiam accidentis in ea inherens, bene verò id posse, quantum ad influxum efficientis, & sustentantis.

*Dices secundo*: Accidens connaturaliter petit inherere subjecto: igitur si in Eucharistia accidentia non sunt in subjecto, erunt semper in statu violento: sed hoc non deest divinam sapientiam, ut tota accidentia per totum orbem terrarum tamdiu detineat in statu violento, quot sunt hostiæ consecratæ, & quamdiu illæ conservantur: igitur non est verisimile, illa sine omni subjecto existere.

*Nego sequelam majoris*: Et enim in re qualibet duplex est inclinatio, naturalis una ad bonum sibi proprium, altera ad obtemperandum suo Creatori: Hæc autem posterior longe connaturalior est priori; unde priori ipsa facile cedit, sicut inclinatio cujuslibet entis particularis cedit inclinationi, quam habet ad bonum commune, cui quilibet universi pars intersit etiam cum boni sui particularis dispendio: cum ergo accidentia in Eucharistia sine subjecto existant ad imperium sui Creatoris, inde est, quod nullam in se violentiam patiantur.

Signanter dixi in assertionem, *sine subjecto substantiale*, controversit utrum apud Theologos, utrum omne accidens in Eucharistia sit sine subjecto: *Primo* namque Doctor docet dist. 12. quæst. 1. num. 5. accidentia respectu aibi non existere sine subjecto. Quod utique probat n. 8. Quia, inquit, respectus est essentialiter habitudo inter duo extrema; & ideo sicut tollere terminum

ad quem est respectus tollere, vel destruere respectum, & destruere rationem respectus. Non ergo, quia accidens respectivum est accidentis, ideo requirit subjectum, vel fundamentum; sed quia respectus est respectus, ideo requirit cuius sit, & ad quod sit etiam in divinis.

*Quantum autem ad alia accidentia*, non convenit inter Auctores, utrum existant sine aliquo subjecto immediato. Quidam enim volunt qualitates subjectari in quantitate; Alii verò contendunt etiam per se existere sine subjecto: sed quidquid sit, quoniam hæc omnino Philosophica sunt, dicendum arbitror cum Subtili Doctore q. 2. nu. 14. quod tam qualitas, quam quantitas possit existere sine subjecto, quia absoluto perfectiori magis convenit non esse in subjecto, quam absoluto minus perfectio: qualitas autem est forma absoluta, & perfectior quantitate: ergo tamen si qualitas in Eucharistia insit quantitati, tamen absolute potest esse sine subjecto, sicut & ipsa quantitas. Minorem probat Doctor n. 9. pluribus momentis: *Primo*, quia qualitas est per se principium agendi, non ita quantitas: *Secundo*, quia nobilioribus substantiis nobiliores correspondent qualitates, non autem quantitates; non enim semper nobilior substantia est major in quantitate: *Tertio*, quia per qualitates substantiæ perfectæ consequuntur fines suos; siquidem actus beatificus est qualitas, quæ median- te substantiæ spirituales fiunt beatæ. *Quarto*, quia quantitas sequitur compositum ratione materiæ, qualitas autem ratione formæ; forma autem nobilior est materia.

Nec obstat, quod quantitas sit propinquior substantiæ: *Primo* enim hoc est valde incertum; siquidem plures Philosophi existimant, omnia accidentia subjectari immediate in substantia.

*Deinde*, dici potest propinquior substantiæ, non in agendo, sed in sustentando.

*Dices*: Si qualitas posset existere sine omni subjecto, & seorsim à quantitate, sequeretur, quod simul esset sensibilis, & insensibilis: sensibilis quidem, quippe cum sensibilitas sit de ratione tertiæ speciei qualitatis: esset autem insensibilis, quia non esset quanta: quod autem non est quantum, non potest sentiri.

*Respondet Doctor*, qualitatem eo in statu fore

fore sensibilem remotè, quia haberet formam sufficientem ad hoc, ut sentiri posset; non esset autem proximè, quia non esset sub modo convenienti, scilicet quantitativo, & extenso, sub quo debet constitui, ut proximè sit sensibilis.

**Quæst. 3. Utrum Accidentia Eucharistica easdem possint exercere operationes, tam reales, quam intentionales, quas poterant exercere, dum erant in subiecto.**

Affirmat Doctor dist. 12. quæst. 3. & sic probat n. 17. Cujuscumque actionis aliqua forma est totale principium activum, illa si esset per se modo convenienti ad agendum, posset esse principium ejusdem actionis: sed qualitas (in Eucharistia) est, & totale, & formale principium utriusque actionis prædictæ; quando autem est separata à substantia, est tamen in quantitate, sive habens extensionem sicut anteseperationem à substantia; ideo manet sub modo convenienti ad agendum, qui est modus extensivus. Ergo, &c. Major patet, quia totali principio posito, & sub ratione, sub qua natum est esse principium, potest principium illud, cujus ponitur principium. Minorem probat dupliciter: *Primò*, quia nihil aufertur isti formæ per hoc, quod per se est sine subiecto: illud enim non facit cum ipsa nisi unum per accidens: sed per se principium agendi in uno ordine est per se unum: ergo ablatio illius subiecti nihil aufert per se principio agendi.

*Probat secundò*: Illa forma est principium actionis, quæ est tale principium assimilandi sibi passum, non tantum realiter, ut in actione reali, quæ est in contrarium, sed in actione intentionali, quæ est in sensum. De prima patet, quia terminus formalis simpliciter est similis formæ accidentali; ergo illa potest esse principium agendi quo: De secunda autem probatur, quia similitudo in sensu deficit quantum ad aliquam à similitudine reali in passio: ergo quantum est ex parte huius formæ ut agentis, potest ita bene esse totale principium huius actionis, sicut & illius: si autem in illa sensatione sit aliqua perfectio ulterior, hoc non est in quantum est ab aliqua qualitate sensibili, sed in quantum est à potentia sensitiva. Ita Doctor. Cujus utrique doctrinæ consonat experientia quotidiana; nam accidentia post consecrationem eodem modo videntur, tanguntur,

frigefaciunt, calefaciunt, humectant, &c. quo antea; non videtur autem cur homines effectus foli Deo illa accidentia conservanti, tribuantur, cum in ipsamet accidentia refundi possint.

Nihilominus quando illa accidentia alterantur, & postmodum pristinam suam qualitatem recuperant; puta cum species vini calefactæ recuperant pristinum frigus; huius restituti frigoris alia non subest causa præter Deum suppletentem vicem substantiæ vini; si enim forma substantialis vini præsens foret, in eam, & non in accidentia, referretur hæc frigoris recuperatio, adeoque illa forma absente referenda est in causam primam, quæ supplet omnes defectus substantiæ in Eucharistia ad hoc mysterium occultandum. Cæteras difficultates, quæ circa huiusmodi accidentia moveri possunt, partim dissolvemus in tertia Sectione sequenti; partim nostra Philosophia jam sunt enodatæ.

### SECTIO TERTIA.

*De modo, quo Christus D. est, & operatur in Eucharistia.*

**P**OST insinuatam, & assertam realem Christi D. in Eucharistia præsentiam, necnon & substantiæ panis, & vini in ipsius corpus, & sanguinem transubstantiationem, explicandus superest modus, quo sub speciebus Eucharisticis præsens consistit, & operatur. Certum est autem, & citra controversiam apud omnes Catholicos in qualibet specie consecrata tam panis, quam vini, non solum Christi D. corpus, & sanguinem secundum omnes sibi congenitas, & connaturales partes integrantes, & entitativas existere, sed & ipsius animam, personalitatem, ac Divinitatem; hoc quippe Catholicum dogma definitum est, ac traditum in Concilio Constantiensi sess. 13. his verbis: *Cum firmissime credendum sit, & nullatenus dubitandum, integrum Christi corpus, & sanguinem, tam sub specie panis, quam sub specie vini veraciter contineri, &c.*

Clarius Concilium Florentinum in decreto Eugenii id docet: *Nam ipsorum verborum virtute substantia panis in corpus Christi, & substantia vini in sanguinem convertuntur; ita tamen quod totus Christus continetur sub specie panis, & totus sub specie vini; Novissime Iridentinum sess. 130. c. 3. Semper hæc fides in Ecclesia Dei fuit, statim post con-*

consecrationem verum Domini nostri corpus, verumque ejus sanguinem sub panis, & vini specie una cum ipsius anima, & Divinitate existere. Et post pauca concludit: Quapropter verissimum tantumdem sub alterutra specie, atque sub utraque contineri: totum enim, & integer Christus sub panis specie... totum item sub vini specie... existit. Errorum porro contrarium expressissimis verbis damnat, can. 1. dicens: Si quis negaverit in sanctissimo Eucharistia Sacramento contineri verè, & realiter, & substantialiter corpus, & sanguinem una cum anima, & Divinitate Domini nostri Jesu Christi, ac proinde totum Christum, &c. anathema sit. Similiter can. 3. Si quis negaverit in venerabili Sacramento Eucharistia sub unaquaque specie... totum Christum contineri, anathema sit.

Colligitur hæc veritas ex Scriptura: nam Joan. 6. v. 51. Christus ait: Ego sum panis vivus, qui de cælo descendi. Et infra v. 59. Hic est panis, qui de cælo descendit: Ergo in specie panis est totus Christus. Accedit testimonium Apostoli Rom. 6. v. 9. Christus resurgens ex mortuis jam non moritur, mors illi ultra non dominabitur. Ergo in specie panis non est corpus Christi sine anima, & sanguine, nam sic mortuum esset. Utrum autem Deus per absolutam potentiam facere possit, ut corpus in cælo vivum in terra sit mortuum, de quo egimus in Physica: saltem indecens apparet, quod de facto id fiat in corpore Christi, qui amplius non subjacet morti. Hæc Scriptura utitur Concilium Tridentinum sess. 13. c. 3. illico subiungens verbis superius recitatis: Sed corpus quidem sub specie panis, & sanguinem sub vini specie, ex vi verborum; ipsum autem corpus sub specie vini, & sanguinem sub specie panis, animamque sub utraque vi naturalis illius connexionis, & concomitantia, qua partes Christi D. qui jam ex mortuis surrexit non amplius moriturus, inter se copulantur.

Cum autem corpus, & anima Christi subsistant subsistentia Verbi, inde liquet cum eis pariter adesse hanc divinam subsistentiam, ac subinde etiam Divinitatem. Omnis enim spiritus, inquit S. Joan. epist. 1. cap. 4. qui solvit Jesum, ex Deo non est. Quibus verbis, ut optime advertit Bellarminus, tametsi primatio condemnet hæresim Ecionis, qui solvebat Jesum, negans ipsum esse Deum, & hominem; attamen, quia generalis, & indefinita est, etiam eos da-

mnat, ac perstringit, qui quoquo modo solvunt hypostaticam unionem Dei, & hominis. Unde Concilium Tridentinum verbis supra laudatis statim adjungit: Divinitatem porro propter admirabilem illam ejus cum corpore, & anima unionem, patet adesse non est relictus ambigendi locus.

Hæc itaque certissima sunt apud omnes Catholicos, & post assertam realem Christi D. in Eucharistia præsentiam, ac transubstantiationis veritatem, non videtur opus esse in hac demonstranda, & confirmanda doctrina Catholica diutius immorari. Quocirca tria præcipue hæc in Sectione superius inquirenda, & determinanda: Primum, quomodo Christi D. corpus, & sanguis sub speciebus constituantur, & existant: Secundum, quas eo in statu operationes Christus eliciat: Tertium, utrum, & quid in hoc Sacramento pati possit.

### QUÆSTIO PRIMA.

Quomodo Christi D. corpus, & sanguis sub speciebus Eucharisticis constituantur, & existant.

**N**otandum primum, ex Concilio Tridentino sess. 13. c. 3. necnon ex communium Theologorum sententia duplici ratione aliquid contineri in hoc Sacramento: uno quidem modo ex vi Sacramenti, seu ex verborum significatione; sic ea omnia præcisè sub aliqua specie consecrata continentur, quæ per verba formæ significantur; ita ut forma esset falsa, si aliquid eorum quacunque ratione abesset: Secundò verò per concomitantiam, seu vi naturalis connexionis, quam habent cum iis, quæ sunt vi verborum, & constituuntur sub speciebus; ita quod per verba formæ non ita significantur, quin ipsa forma posset esse vera, etiam si abessent; attamen propter connexionem naturalem, quam habent cum iis, quæ vi verborum ibi continentur, etiam necessario ibi debent constitui, non quod Deus ea ab illis separare non possit; sed quia Deus decrevit, & etiam debet, ut quæ sunt unita in Christo extra Sacramentum, etiam invicem uniantur in Sacramento.

Quæritur ergo, quid præcisè vi verborum sub qualibet specie constituatur; difficultas autem maxime est de corpore, & anima Christi; qui enim non admittunt aliam formam substantialem in homine præter

animam rationalem, laborant hic maxime in explicando, quid intelligatur per corpus, quod vi verborum ponitur sub speciebus panis; quidam enim cum Vasque 3. p. disp. 186. cap. 3. per corpus intelligunt vel corpus informatum forma cadaveris, vel informatum anima intellectiva disjunctim, quia vi verborum non ponitur definitè corpus vivum, neque definitè corpus mortuum: sed vivum, vel mortuum disjunctim. Nonnulli cum Ægidio apud Doctorem subtilem per corpus intelligunt materiam cum aliquo modo quantitativo; non autem cum quantitate, ne videlicet teneantur admittere corpus Christi in Eucharistia esse ens per accidens.

Aliqui volunt, corpus illud habere adiunctam animam rationalem, non ut tribuit corpori gradum vite, sed ut dat esse corporeum; ita omnes ferè Thomistæ cum angelico Doctore quæst. 76. art. 6. ad 2. ubi scribit: *Anima est forma corporis dans ei totum ordinem esse perfecti, scilicet esse, & esse corporeum, & esse animatum, & sic de aliis. Convertitur igitur forma panis in formam corporis Christi, secundum quod dat esse corporeum; non autem secundum quod dat esse animatum tali animæ.*

Doctorem verò subtilis diff. 11. qu. 3. subtiliorem, & faciliorem reperit philosophandi rationem, docens corpus humanum constitui in esse corporis humani per formam aliquam substantialem determinatam, quam appellat *formam mixti*, seu *corporeitatis*, & quam existimat coalescere ex variis formis partialibus; ita tamen quod hæc forma non sit completa, & ultima, sed tantum partialis forma hominis, constituens corpus humanum organicum in ratione partis essentialis hominis, quæ cum anima rationali altera comparte hominem constituat.

Notandum secundò, omnes Theologos invicem convenire, quod Christus D. realiter existat in Eucharistia sacramento cum omnibus suis partibus *entitatis*, & substantialibus; verum invicem dissentiant circa partes *quantitativas*, seu circa quantitatem, & extensionem ipsius corporis. Durandus enim in 4. dist. 10. quæst. 2. & cum eo nonnulli è veteribus, putà Gabriele, & Majorone existimant Christum esse in hoc sacramento sine omnimodò quantitate; quippe cum in eo careat extensione partium, quam continent esse de essentia quantitatis. Aliqui apud Doctorem dist. 10. qu. 1.

concedunt quidem corpus Christi in Eucharistia habere suam quantitatem, sed dumtaxat ad modum substantiæ; id est, sine ulla ordinatione partium inter se: Quia inquit, cum quantitas sit tantum concomitans in Sacramento debet ibi esse ad modum primi termini, qui quidem est substantia; hæc autem de se nullam dicit ordinationem partium inter se. *Altsiodorensis* lib. 4. Summatract. 5. c. 4. concedit quidem, totum corpus Christi esse actu in tota hostia indivisa; dicit tamen non esse totum in singulis partibus etiam separatim sensibilibus ante earum à toto divisionem; nisi dumtaxat in potentia, quæ reducitur ad actum per divisionem, non tanquam per causam, sed tanquam per conditionem *sive qua morietur* modo, quo imago hominis speculum aspicientis est in singulis partibus speculi tantum potentialiter ante ipsius divisionem; sit autem actualiter existens sub illis facta speculi divisione. Sunt etiam, qui contendunt, Christi & corpus totum sub particulis hostiæ etiam minimis, ac insensibilibus adhuc contineri. Alii verò id ipsum negant. Quid autem verius tenendum sit in tam multiplici, & varia Authorum sententia, priusquam aperiamus.

Notandum tertio, cum illustrissimo nostro Meurssio c. 4. quæst. 4. duplicem esse positionem quantitatis, unam intrinsecam, & aliam extrinsecam. *Intrinseca* est, per quam partes alicujus corporis habent ordinem inter se; itaut una sit extra aliam, quatenus corpus illud sit debite figuratum, & organizatum ad recipiendam animam; & secundum illam positionem intrinsecam, & absolutam partes corporis habent debitam distantiam inter se, sed non in ordine ad locum. *Extrinseca* duplex est, prior secundum quam corpus aliquod coexistit toti loco, absq; eo quod coextendatur secundum partes, partibus loci, & illa dicitur *ubi*, quod quidem ex Doctore Subteli non est ens aliquod absolutum; sed respectus extrinsecus adveniens. *Posterior* est, per quam totum corpus coexistit loco, & partes ejus coextenduntur partibus loci, & illa dicitur *fius*, qui etiam secundum Scotum, nihil aliud est, quam respectus extrinsecus adveniens, qui sæpius ab eo vocatur *modus quantitativus*, vel *dimensionivus*.

Positio seu extensio *intrinseca* est de ratione quantitatis, ab eaque inseparabilis; non est enim intelligibile, inquit Scotus, ali-

quid esse quantum dimensionatum, idest, longitudine, latitudine, & profunditate affectum, quin possit designare in toto illo ordine hujus partis ad illam, puta capitis ad collum secundum quantitatem, vel positionem interjacentem inter illas. Positio autem extrinseca non est de ratione quantitatis, sed accidens per accidens ejus unde possibile est Deum separare hujusmodi positionem à corpore quanto, manente etiam priore positione, & id quidem, non solum per negationem termini, sicut posset facere v. g. aliquod corpus quantum existere extra universum: tunc enim non haberet istam secundam positionem, quia nullum esset continens, cui corpus illud coexistere, & cujus partes ejusdem continens partibus commensurarentur; sed etiam posito termino, cui scilicet presenti posset fieri commensuratio, seu extensio alterius corporis, possibile esset Deum conservare quantum, & coexistentiam ejus ad aliud quantum, & tamen sine ista coextensione partium unius ad partes alterius, quam dicit ista positio, de qua loquimur. Hæc omnia a pertissimè constant ex dictis in nostra Physica, ubi probavimus, rationem formalem quantitatis consistere in extensione partium in ordine ad se; non autem in ordine ad locum.

*Hæc ita præmissis*, tria hic occurrunt determinanda: *Primum*, quid ponatur directè, & vi verborum sub speciebus Eucharistici: *Secundum*, quid addit per concomitantiam: *Tertium*, quomodo Christi D. corpus sit sub singulis partibus specierum consecrarum ante, & post earum divisionem.

### CONCLUSIO PRIMA.

**V**I verborum forma ponitur sub speciebus panis Christi corpus constitutum ex materia, & forma corporeitatis, & sanguis sub speciebus vini. Probatur hæc assertio à Catholico Romano par. 2. c. 4. nu. 32. ubi scribit: Cum verba illa efficiant quidquid significant, id esse in Sacramento vi Sacramenti, divinarum rerum Scriptores appellaverunt, quod verborum forma exprimitur, ita si contingeret, ut aliquid ab aliis rebus omnino junctum esset, id solum quod forma significaret in Sacramento esse, cetera non nem esse docuerunt. Hoc est, illa ex vi formæ verborum in hoc Sacramento per se ponuntur, quibus positis veritas formæ consistit, atque verbis consecrationis panis tantum

Christi D. corpus exprimitur, verbis verò consecrationis vini, solius sanguinis fit mentio, igitur ex vi verborum solum sub speciebus panis corpus, & solus sub speciebus vini sanguis continetur.

Quod autem illud corpus consistet ex materia, & forma corporeitatis, patet ex dictis in Philosophia nostra, ubi probavimus corpus humanum constitui per formam substantialem corporeitatis ab anima rationali distinctam, unde corpus Christi, quod præcisè ponitur vi verborum sub speciebus panis, nihil aliud per se connotat, quam compositum ex materia, & forma corporeitatis, seu forma organica, nec enim *pro corpus* aliud significare potest; non enim significat materiam primam solum; plus enim importat corpus organicum, quam sola materia, invalida enim esset hæc forma: *Hoc est materia prima.*

*Nec potest* etiam intelligi materia, ut connotat animam, alioqui anima vi verborum directè poneretur sub speciebus panis, neque ut involvit formam substantialem in communi, quia sic ex vi verborum poneretur totum compositum, adeoque anima rationalis, quæ sola jam inest composito; sic enim vi verborum ponuntur omnes sanguinis guttæ, licet omnes tantum significentur confusæ, & genericè sub ratione sanguinis spectantis ad Christum.

Non etiam ut disjunctivè involvit formam cadaveris, vel dispositiones accidentales viventis, cum pars substantialis compositi accidentia non involvat, ut manifestum est in pane, sive tritico cocto, quod eodem modo se ad animam vegetativam, ac se habet corpus ad rationalem, & tamen non involvit accidentia, cum tota substantia panis annihilaretur, remanentibus accidentibus.

Quapropter Doctor in 4. dist. 10. q. 4. a. 3. aperte dicit, quod corpus illud, quod ponitur vi verborum sub specie panis, non contineat animam, nec sanguinem, nec accidentia: *Primo*, inquit, hoc est possibile, accipiendo corpus pro primo perfectibili animæ, quia non est contradictio corpus illud esse sine anima, sine sanguine, & sine accidentibus. *Secundo*, ostendit hoc fuisse congruum, quia species panis repræsentat Christi corpus sub ratione cibi, at verò sub illa ratione non requirit animam, neque sanguinem, neque accidentia. *Tertio*, dicit ita factum fuisse, quoniam si in triduo, inquit, Eucharistiæ, sita

„ sita

ista consecrata fuisset, mansisset veritas verborum, & tamen verba consecrationis corporis non potuissent tunc significare animam, & sanguinem, ergo vi verborum istorum ponitur tantum corpus, & non anima, aut sanguis. *Quarto*, dicit hoc etiam fuisse possibile ex parte Sacramenti, quia ulterius essentialiter potest esse aliud, & aliud signum, corpus autem strictè sumptum differt essentialiter ab anima, & sanguine, ergo potest habere aliud signum ad placitum, & hoc confirmat à minori, quia potest habere, *inquirit*, non idem signum naturale; sunt enim duo conceptus corporis, & sanguinis essentialiter distincti. Qui conceptus sunt signa rerum naturaliter ex 1. de interpretatione cap. 1. sanguis autem est essentialiter aliud à corpore, ut est primum perfectibile ab anima, ergo ejus potest esse non idem signum, quod est sanguis. *Ex his concludit* tenendum esse, quòd Christi corpus, ut est primum signatum speciei panis, non includit animam, nec accidentia, nec sanguinem. Et tandem *dist. 11. qu. 3. num. 57.* ita resolvit totam istam materiam. Quantum ergo ad istud dubium, *inquirit*, dico, quòd corpus Christi per se includit materiam, & ad minus formam unam mixti priorem intellectiva, & per istam formam est in actu partiali, & est proximum receptivum animæ intellectivæ, licet non sit per illam in genere corporis, ut corpus est genus, nisi per reductionem, & in istud compositum (quod tamen per se est pars hominis) fit per se conversio panis, quia fit conversio totius in totum, & partium in partes, & per consequens hæc forma est formalis terminus conversionis, sive formatermi conversionis; hæc autem manet eadem, sive anima uniatur illi, quia hæc est prior naturaliter, saltem in informando, ipsa anima, & in triduo mortis mansit illa forma, anima non manente, & in eodem triduo fuisset eadem res hujus Sacramenti, si istud Sacramentum fuisset, quia in illo triduo forma corporeitatis non fuisset separata à materia sua in Christo, & per consequens nec separata à materia sua, ut in Eucharistia. Sicut enim idem numero fuit res ista secundum se in existentia naturali: ita etiam idem numero compositum, quod est

*Fraffen Throl. Tom. XI.*

primus terminus conversionis, mansisset semper in Eucharistia. Nec valet pro ista identitate salvanda fugere ad identitatem materię vel hypostasis, quia contraria possunt inesse eidem identitati materię, quando succedunt sibi invicem, & si etiam Verbum assumpsisset lapidem, fuisset lapis idem materię suę identitate. hypostasis. *Hæc Doctor subtilis.*

Ex his itaque constat, omnes corporis Christi partes, quę de facto insunt ipsi corpori glorioso, reverà poni sub speciebus Eucharisticis, non autem illas, quę aliquando in ipso corpore anteglorificationem extiterunt, & per addivitatem caloris naturalis fuerunt consumptę, sive ante, sive post ultimam cenam. Cujus utique veritatis ratio est aperta, quoniam omnes & solę partes, nunc verè sunt, & dicuntur partes Christi, quę de facto ipsi inexistunt, non autem quę fuerunt deperditę, adeoque de illis solis Sacerdos consecrans in persona Christi verè affirmat: *hoc est corpus meum.*

Idem à simili dicendum est de sanguine, qui vi verborum sub specie vini ponitur; etenim sanguis qui remansit, vel in Resurrectione fuit receptus intra venas corporis Christi, si reverà sanguis non ponitur vi verborum, nec per concomitantiam sub speciebus vini; quippe cum non sit pars corporis, & sanguinis Christi gloriosi.

*Petes: An totus sanguis sit vi verborum sub specie vini, an verò solus ille, qui fuit in Passione effusus, quod utique significasse videtur Christus: Dixit enim Discipulus porrigendo calicem sanguinis, Matth. 26. Qui pro vobis, & pro multis effundetur.*

*Respondet*, totum sanguinem, qui nunc est in Christi corpore glorioso, reverà poni sub speciebus vini vi verborum consecrationis calicis, quamvis forè totus non fuerit in Passione fusus, maxime ille, qui in minutissimis venis, & extra venas per omnes arterias diffusus erat, nec obitant verba præfata, *qui pro vobis effundetur*; non enim limitant præcedentia ad significandum solum sanguinem, qui fuit in Passione fusus, sed ad expendendum primarium finem hujus Sacramenti, qui est representatio Passionis Christi. Quemadmodum si Christus convertisset aquam in vinum, his

N verbis:

verbis: *Hoc est vinum, quod à vobis potabitur*; posteriora verba non limitassent priora ad convertendam solum aquam in vinum, quod fuisset ab illis potatum, sed dumtaxat ad ostendendum finem miraculi, licet non totum vinum fuisset ab iis bibendum. Cujus utique responsionis ratio est obvia, nam in cœna fuit aliqua pars sanguinis sacramentaliter præsens sub speciebus vini, qui tamen non fuit in Passione effusus, nempe ille, qui ante passionem per calorem naturalem, fuit vel assumptus, vel consumptus, vel in carne mutatus: igitur ad verificanda verba consecrationis calicis, non est necesse, quod totus sanguis fuerit in Passione effusus.

### CONCLUSIO SECUNDA.

**V**I naturalis concomitantia sanguis existit sub specie panis, & corpus sub specie vini, sub utraque autem anima rationalis Christi: uno quoque hypostatica, & illa mediante Divinitas, ac proinde tota sanctissima Trinitas. Hanc assertionem tam expressis verbis Tradidit Tridentinum sess. 13. c. 3. ut absque ingenti temeritate, magnoque errore non possit negari, ait enim. *Semper hæc fides in Ecclesia Dei fuit, statim post consecrationem verum Domini nostri corpus, verumque ejus sanguinem sub panis, & vini specie, una cum ipsius anima, & Divinitate existere, sed corpus quidem sub specie panis, & sanguinem sub vini specie ex vi verborum, ipsum autem corpus sub specie vini, & sanguinem sub specie panis, animamque sub utraque vi naturalis illius consecrationis, & concomitantia, qua partes Christi D. inter se copulantur. Divinitatem porro propter admirabilem illam ejus cum corpore, & anima hypostaticam unionem.*

Id ipsum præclare docet Catechismus Rom. p. 2. c. 4. ubi loquens de iis quæ ponuntur sub speciebus Eucharisticis, dicit non omnia eadem ratione, aut virtute in hoc Sacramento contineri. Quædam enim sunt, inquit, quæ ex vi, & efficientia consecrationis in Sacramento esse dicimus: nam cum verba illa efficiant, quidquid significant id esse in Sacramento ex vi sacramenti divinarum rerum Scriptores appellaverunt, quod verborum forma exprimitur, ita si contingeret, ut aliquid ab aliis rebus quod omnino secundum esset, id solum quod forma significaret, in Sacramento

esse, cætera non item esse docuerunt, quædam verò in Sacramento continentur, quod illis rebus conjuncta sint, quæ forma exprimitur, nam cum forma, quæ ad panem consecrandum adhibetur corpus Domini significet, cum dicitur: *Hoc est corpus meum*, ipsum Christi D. corpus ex vi Sacramenti in Eucharistia erit.

Quod autem reverà corpus per concomitantiam ponatur sub speciebus vini, & sanguis itidem sub speciebus panis, ratio aperte demonstrat, quia Christi corpus ponitur nunc in Sacramento illud idem, quod est in cælo, scilicet vivum, & animatum, tale autem esse nequit sine sanguine, nec sanguis potest esse incorruptus absque novo miraculo, si existeret extra corpus, igitur necessum est, quod corpus per concomitantiam ponatur sub specie vini, & sanguis sub specie panis.

Quoniam autem Doctor ab aliquibus, maxime Suarez 3. p. disp. 51. arguitur, quasi dixerit sanguinem contineri sub specie panis vi verborum, audiendus est ipse Doctor dist. 8. q. 1. n. 4. ubi scribit: Dico, quod corpus Christi potest accipi strictè, prout includit partes animatas anima Christi, cujusmodi non est sanguis, sicut sit in potentia proxima, ut converteretur in carnem animatam, & sic corpus est aliud essentialiter à sanguine, & in se etiam potest esse aliud signatum, & per consequens potest esse hujus proprium signum, sicut est & propria definitio. Alio modo corpus potest accipi, ut omnia illa includit quæ pertinent ad totum corpus organi cum, sive sint partes animatæ, sive sint alia non formaliter animata, ut sunt humores, & spiritus, & hoc modo sanguis est aliquid corporis, ita Doctor. Dist. autem 10. q. 4. n. 13. respondens ad secundum argumentum, in quo inferebatur, quod frustra sanguis poneretur sub specie vini vi verborum consecrationis, cum jam sit sub specie panis simul cum corpore, scribit: Si tenetur, quod corpus, quod est primum signatum speciei panis, non continet per se sanguinem tanquam aliquid ejus, juxta illud, quod dictum est *supra* declarando suppositum, tunc facilis est responsio, quia tantummodo est sanguis concomitans sub specie panis, & tunc non est ibi bis ex vi Sacramenti, nec tamen frustra est concomitan-



ter sub specie panis, cum sit sub specie  
vini ex vi Sacramenti, quia hoc est ad  
salvandam veritatem rei contentæ, quæ,  
ubicumque ponatur, semper habet ead-  
em absolutam. Nec sequitur, quod incipit  
esse hic, postquam fuit hic, loquendo de  
eodem modo essendi; præfuit enim hic  
concomitanter, & incipit hic esse ex vi  
consecrationis. Si autem teneatur, quod  
sanguis est per se pars corporis, ut cor-  
pus est primum signatum speciei panis,  
tunc oportet dicere, quod bis est hic  
sanguis ex vi Sacramenti. Sed adhuc non  
eodem modo, quia sub specie vini est per  
se, & primò, quia primum signatum  
ejus. Sub specie verò panis est per se, sed  
non primò, imò aliquid primi signati.  
Nec tunc est frustra, quia per se est sub  
specie panis, ut salvetur veritas rei con-  
tentæ primò. Nec incipit esse, postquam  
est, eodem modo essendi, sed incipit esse  
primò, postquam non fuit primò, licet  
per se habuerit ibi esse. *Hec Doctor*, qui-  
bus verbis minime inendit affirmare, quod  
sanguis existeret sub speciebus panis vi ver-  
borum, ut prætendit Suarez, sed tantum  
quod in ea hypothesi, qua quis vellet, san-  
guinem esse partem corporis, necessum esset,  
quod sanguis poneretur vi verborum sub spe-  
ciebus panis, sicut & ipsum corpus, cum hoc  
tamen discrimine, quod corpus primario,  
& tanquam præcipuum connotatum, &  
significatum poneretur, sanguis autem tan-  
quam ipsius corporis pars, & solum vir-  
tualiter significata cum toto corpore.

Quod pariter per concomitantiam sub  
utraque specie ponatur unio hypostatica,  
& personalitas Verbi, non solum patet ex  
Concilio Tridentino supra laudato, sed  
etiam ex epist. Concilii Ephesini ad Nello-  
rium, & refertur de consecr. dist. 2. cap. 80.  
ubi legitur: *Sic etiam mysticas benedictiones  
accedimus, & sanctificamus, participes san-  
cti corporis, & pretiosi sanguinis Christi om-  
nium nostrum Redemptoris effectus, non ut com-  
mune carnem percipientes, quod ab his, nec  
ut viri sanctificati, & Verbo conjuncti secun-  
dum dignitatis unitatem; aut sicut divinam  
possidentes habitationem, sed ut vere vivificemur,  
& ipsius Verbi propriam suscipiamus.* Quibus  
verba qu. 4. in hoc Sacramento sect. 1. niti-  
tur probare unionem hypostaticam adesse  
corpori, & sanguini non solum per con-  
comitantiam, sed etiam per se, directè, & vi  
verborum, quod confirmare nititur ex eo,

quod in forma consecrationis Christus non  
dixerit simpliciter *corpus*, & *sanguis*, sed,  
*corpus meum*, & *meus*: Nam, inquit, sub  
*ly meum*, & *meus* videtur rectè compre-  
hendi ipsa unio hypostatica personæ Ver-  
bi cum humanitate.

Verum hæc fundamenta levia sunt: Pri-  
mò namque, verissima subsistit doctrina  
Concilii Ephesini, quamvis unio hypostati-  
ca, & personalitas Verbi ponantur dumtaxat  
per concomitantiam sub speciebus, sic  
enim caro Christi verè erit vivificatrix, &  
ipsius Verbi propria, neque id etiam potest  
colligi ex vi pronomini *meum*, vel, *meus*,  
quia si vi istius pronomini *meum*, per se  
ponitur unio hypostatica, etiam per se ibi  
existeret, ac poneretur personalitas Verbi, ad  
quam dicit intrinsecum, & essentialem ordi-  
nem, & consequenter ibi etiam per se, &  
vi verborum aderit Divinitas, quod est con-  
tra Concilium Trident. Merito ergo noster  
*Besio* colligit cum Cardinali de Lugo dist. 8.  
n. 119. sufficere ad veritatem pronomini  
*meum*, quod absolute illud corpus termine-  
tur personalitati Verbi, licet non ibi; quip-  
pe *ly meum*, ex communi hominum usu, non  
sumitur reduplicativè, ita ut significet ibi esse  
rationem formalem, qua constituitur in esse  
*mei*, sed specificativè significando illud cor-  
pus esse, quod absolute est *meum*. Ex quo  
fit, ut licet per possibile, vel impossibile  
corpus illud in Eucharistia haberet propriam  
subsistentiam creatam, & non divinam,  
posset tamen Verbum de illo dicere, ibi  
esse corpus suum, quia ad hoc satis esset,  
quod in cælo subsisteret subsistentia Verbi.

Confirmatur, quia alias etiam unio cum  
natura humana deberet poni ex vi verborum  
cum *ly meum* significet corpus, & partem  
naturæ loquentis, per consequens, ut  
statim inlinuavimus, etiam debet poni ex  
vi verborum anima rationalis. Adde, licet  
illud corpus nullibi de facto uniretur vel  
Verbo, vel naturæ humanæ, sufficeret unio  
præterita, ut anima Christi posset dicere il-  
lud esse corpus suum: sicut anima S. Petri  
posset dicere de suo cadavere, illud esset  
corpus suum, nam iuxta communem modum  
intelligendi, *ly meum* solum significat illud  
corpus pertinuisse ad naturam loquen-  
tis, quando ultimò corpus habuit. Et ita  
de facto in triduo mortis Christi corpus  
nusquam genitum pertinebat ad naturam  
humanam, utpote separatam ab anima,  
& tamen consecrans verè pronuntiavit

set: *Hoc est corpus meum*, scilicet, quod aliquando, & ultimum pertinuit ad humanam naturam Christi.

Plus dico, lacrymæ, & similia absolute dicuntur Christi, nisi numquam fuerint personalitati divine hypostaticè unita. Unde sicut unio hypostatica non poneretur vi verborum (imò nec per concomitantiam) si conversio fieret in lacrymas Christi per hæc verba: *Hæ sunt lacrymæ meæ*, sic neque ponitur, dum sit in corpus, aut sanguinem istis verbis: *Hoc est corpus meum*. *Hic est sanguis meus*. Licet ergo pronomen *meum*, aut *meus* connotet naturam humanam, & personalitatem Verbi, ejusque hypostaticam unionem, non tamen perse, & directè significat, imò neque connotat, ut ibi existentia, sed solum significat: Hoc est corpus (eadem est ratio sanguinis) quod ad me, qui loquor, spectat, vel aliquando spectavit. Hucusque hoscio.

Dices: Si Christus D. dixisset: *Hoc est corpus meum organizatum*, organizatio ex vi verborum deberet esse præsens, ergo à simili, quando dixit, *Hoc est corpus meum*, ex vi verborum debet esse præsens unio hypostatica, per quam constituitur corpus in ratione corporis *mei*, id est, in ratione corporis Christi.

Nego consequentiam, Et ratio disparitatis est, quod organizatio sit forma intrinseca, ratio autem possessionis seu *mei* sit quid extrinsecum ad rationem corporis præsentis, siquidem possum dicere de re etiam absente, quod reverà est res mea, putà liber meus, vestis mea, unde homines dicentes, *Hoc est corpus meum*, præcisè non intelligunt rationem *mei* esse formaliter constitutivam corporis in ratione præsentis, sed solum specificativè, quasi dicerent, hic esse corpus, quod est meum. Aliud autem est de denominatione organizati, quia sicut hæc significat formam intrinsecam, sic enim connotat formam præsentem ibi, ubi dicitur corpus organizatum. Cujus utique alia ratio non suppetit, quàm communis usus loquendi hominum.

Tandem per concomitantiam huic divino Sacramento adest Divinitas, ac subinde tota adoranda personarum Trinitas, ut aperte docet S. Thomas opusc. 63. cap. 2. part. 3. *Deus Pater*, inquit, in *Eucharistia totum, quod ipse est, & habet cum Spiritu sancto, in summo dedit*. Et infra: *Quocumque tempore, quocumque loco, à quocumque sacerdote*

bono, vel malo, salutare illud sacrificium in forma Ecclesiæ oblatum fuerit, totus Deus Pater cum Filio, & Spiritu sancto se totum singulis animabus ad fructum exhibet. Idem præclare exprimit Lanspergius traët. de Eucharistia, qui habetur cum pharetra divini amoris, ubi Christum D. ad animam sic loquentem inducit: *Cumque non habeam corpus exangue, neque inanimatum, necesse est etiam concomitanter in eodem corpore esse animam, sanguinem, gratias, & virtutes meas, quibus omnibus Verbum cum sit unum, hoc est, persona una Trinitatis, à qua reliquæ duæ persone sunt indivisæ, sequitur totam Trinitatem huic Sacramento inesse, non minus verè, quàm in calo, licet aliena specie, puta Sacramentali velatam*.

Quarum autem nonnulli Recentiores Theologi, utrum ratione hujus concomitantie possimus asserere, quod tres divinæ personæ in hoc Sacramento manducentur. Respondet Lugo num. 226. illam locutionem esse impropiam: Quia, inquit, manducari importat motum localem, quo ab ore in stomachum trajicitur cibus, quod utique convenire non potest Patri, & Spiritui sancto: Verbo autem tribuitur propter communicationem idiomatum, quam habet cum humanitate, quæ manducatur.

Vasquez autem disp. 185. num. 18. dicit, non esse inconveniens, quod tres personæ divinz in Eucharistia suscipiantur, sicut & ipsa Divinitas; quippe cum ipsi Sacramento non solum ratione immenitatis, sed etiam ratione consecrationis propter naturalem earum cum Verbo connexionem, ad sint. *Nec obstat*, quod nulla sit communicatio idiomatum inter Patrem, Filium, & Spiritum Sanctum ex una parte, & inter corpus, & sanguinem Christi ex altera. Sicut enim ad manducationem specierum panis, dicitur manducari corpus, & ad potationem specierum vini, corpus dicitur potari, etiam si nulla sit inter sanguinem, & corpus idiomatum communicatio: sic non obstante defectu communicationis idiomatum inter Patrem, ac Spiritum Sanctum, & inter corpus, & sanguinem, non minus dicentur suscipi in Eucharistia. Neque enim ad id necessariò requiritur idiomatum communicatio, sed sufficit, quod eo ipso, quod aliquid sumitur, pariter etiam sumatur quicquid est cum ipso peculiari modo connexum, & conjunctum. Quidquid sit, mihi videtur esse quæstio de nomine, in qua necu-

neuter loquendi modus censura dignus apparet.

Si autem requiras, qua ratione Pater, & Spiritus Sanctus censentur peculiariter praesentes in Eucharistia: *Respondedo*, hunc specialem existendi modum ex eo censi, quod si per impossibile non essent ubique praesentes, praesentes fierent sub speciebus consecratis propter praesentiam humanitatis unitae Verbo, cum quo naturalem habent connexionem ratione unius, & ejusdem dignitatis. Hinc Ecclesia in Hymno ad Laudes Feriæ secundæ piè canit: *In Patre totus Filius, & totus in Verbo Pater.*

### CONCLUSIO TERTIA.

**T**otum Christi D. corpus est in singulis partibus specierum consecratarum, non solum post, sed etiam ante divisionem. Primam partem hujus assertionis expressè docuit Concilium Florentinum in decreto Eugenii, ubi loquens de Eucharistia, ait: *Sub qualibet parte hostie consecrate, & vini consecrati, separatione facta, totus est Christus.* Idipsum pariter expressè definivit sacrum Concilium Tridentinum sess. 13. cap. 14. *Si quis negaverit in venerabili Eucharistia Sacramento sub unaquaque specie, & sub singulis cujusque speciei partibus, separatione facta, totum Christum contineri, anathema sit.* Colligitur autem hæc veritas ex facto Christi, qui calicem consecratur Lucæ 22. dedit Discipulis, dicens: *Accipite, & dividite inter vos.* Ex quibus apparet singulos Apostolos dumtaxat particulam consecrati calicis sumpsisse: Nullus autem refragari potest, singulos accipientes partem calicis, Christum totum sumpsisse: igitur totus est sub qualibet particula hostiæ consecratae.

Eandem veritatem docent SS. Patres, quos laudat, & refert Gratianus dist. 2. imprimis verò S. Hilarius, utrefertur cap. 78. *Ubi pars, inquit, est corporis: ibi est & totum.* Quod utique probat à simili, exemplo Maurinæ, dicens: Eadem ratio sit in corpore Domini, ni, quæ in manna, quod in ejus figura præcessit, de quo dicitur, qui plus collegerat, non habuit amplius, neque qui minus paraverat, invenit minus: non est enim omnino quantitas visibilis in hoc æstimanda mysterio, sed virtus Sacramenti spiritualis. Cui concinit Eusebius Emisænsis homil. 5. de Paschate: Eucharistia sanctæ precepto, inquit, non in quanti-

*Frassen Tisd. Tom. XI.*

tate, sed in virtute consistit, nam corpus, Sacerdote dispensante, tantum est in exitu, quantum esse constat in toto. Subscribit etiam S. Augustinus, ut refertur eadem distinct. cap. 75. dicens: *Manducetur Christus, vivit manducatur, quia surrexit occisus: nec quando manducamus, partem de illo facimus, & quidem in hoc Sacramento sic fit: Unorum fideles, quemadmodum manducant carnem Christi, unusquisque accipit partem suam: unde & ipsa gratia, partes vocantur. Per partes manducatur, & manet integer totus.*

Hæc omnia confirmat Ecclesia in Prosa decantari solita die sacro Corporis Christi, dicens: *Fractio demum Sacramento, ne vacillet, sed memento, tantum esse sub fragmento, quantum toto regitur. ... Nulla rei sit scissura, signi tantum sit fractura, qua nec flatus, nec statura signati minuitur.*

Probat etiam secunda pars, nempe quod Christi D. corpus sit sub singulis partibus specierum consecratarum etiam ante divisionem. Probat, inquam, non solum ex communi sententia Theologorum, sed etiam ratione Theologica, quam ex Alensi, & S. Bonaventura ad sex capita reducit Meurissius cap. 5. sect. 6. quarum prima desumitur ex utilitate fidei, necnon & vitæ erroris: si enim totum Christi corpus contineretur sub tota specie, & non sub qualibet illius parte, facile quis induci posset, ut crederet partem contineri sub parte, sicut totum sub toto, & inde fieret errandæ occasio, scilicet existimandi, corpus Christi esse commensurabile hostiæ per correspondentiam partium unius ad partes alterius. Secunda sumitur ex fractione, & divisione. Fracta enim hostia, Christus est totus sub singulis partibus: sed constat, quod non est ibi, nisi virtute consecrationis; igitur cum consecrata sit hostia ante fractionem, nec fractio aliquo modo pertineat ad consecrationem, relinquitur quod ante fractionem, sicut & post, erat totus Christus sub singulis partibus specierum. Unde Innocentius Tertius; *Reor salva fide Majestatis, quid ubi est panis consecratus, totum in singulis partibus continetur; quod inde cognoscitur, quoniam in quocumque partes speciei dividantur, in singulis est totus Christus.*

Tertia sumitur ex conversione: Christi corpus ponitur in Sacramento per transubstantiationem panis in ipsum. Sed qualibet pars panis est panis, quia est totum homogeneum;

N 3

neum; ergo quælibet pars panis convertitur in totum corpus: unde Innocentius: *Ego sanè concesserim, quod totalis panis in totale corpus convertitur; ita tamen quod nulla pars panis in aliquam partem corporis transi.*

*Quarta* sumitur ex *significatione*, & veritate Sacramenti: Christus continetur in Sacramento, ut signatum in signo, sed ratio significandi est uniformiter in partibus, & in toto: ergo ad veritatem Sacramenti spectat, quod Christi corpus uniformiter sit in partibus, & in toto.

*Quinta*: Designetur aliqua pars hostiæ: aut ibi est totum corpus, aut pars; si totum, habetur propositum; si pars, tunc dividatur: aut est pars: aut est totum; si pars, ergo Christus est divisus, quod dici nequit, si totum, & prius non erat: ergo plus continetur hæc pars hostiæ, quam prius, ergo de necessitate est aliquid ibi conversum in partes, quod prius non fuerat, quod est absurdum.

*Sexta*: Christi corpus sub Sacramento sublimatur ad excellentiorem modum essendi, quam spiritus, spiritus enim tantum est in uno loco, corpus autem Christi sit præsens pluribus: ergo si spiritus ita est in toto, quod etiam sit in qualibet parte, multo magis ita erit corpus Christi.

*Dices primo*: Explicari non potest modus, quo Christi corpus esset totum in tota, & totum in qualibet parte hostiæ consecratæ: igitur ille non est asserendus.

*Nego antecedens*: Modus enim ille explicari potest per eum, quo anima est in corpore, vel Angelus in loco; quemadmodum enim anima ita tota est in toto corpore, ut etiam tota sit sub singulis ejusdem corporis partibus, nec minor in minimis partibus, quam in toto; sic Christi D. corpus ita dici potest totum in tota hostia consecrata, ut etiam totum sub qualibet etiam minima illius parte, nam, ut canit Ecclesia, *Tantum esse sub fragmento, quantum toto legitur.*

*Instabis*: Si totum Christi corpus esset actu sub singulis partibus hostiæ nondum divisæ, sequeretur, quod esset actu pluries, imò & infinities sub qualibet hostia consecrata per plures, & infinitas actu præsentias totales, sed consequens est impossibile; non enim dari potest infinitum actu: ergo & antecedens. Patet sequela majoris, nam in qualibet hostia sunt plures actu, imò & infinitæ partes proportionales: igitur si sub qualibet earum partium sit actu totum

Christi corpus, sequitur, quod sit pluries, imò & infinities totum in Eucharistia.

*Nego sequelam majoris*, ad cujus probationem distinguo: In qualibet hostia sunt plures, imò & infinitæ partes proportionales, quarum quælibet propriam præsentiam habet, & sic numerum infinitum actu cum aliis efficiat, nego: Sunt infinitæ partes proportionales, unica dumtaxat existentia actuali existentes, concedo antecedens, & nego consequentiam. Quamvis enim anima sit tota in qualibet parte corporis, quæ in infinitum esset divisibilis, nihilominus non habet infinitas præsentias, sed dumtaxat unicam, quia omnes illæ partes habent dumtaxat existentias partiales, concurrentes ad unicam totalem corporis existentiam constituendam; ita proportione servata dicendum est de Christi D. corpore respectivè ad partes hostiæ consecratæ.

*Dices secundò*: Nullibi ponitur corpus Christi, nisi ex intentione consecrantis, sed intentio consecrantis non dirigitur ad ejusmodi singulas partes hostiæ, sed dumtaxat ad totam hostiam: igitur Christi D. corpus non ponitur sub hujusmodi partibus.

*Distinguo minorem*: Non dirigitur explicitè, concedo; implicitè, nego. Intentio enim consecrantis dirigitur quidem explicitè, & directè ad totam hostiam, quæ cum componatur, & constituatur ex partibus, consequens est quod saltem implicitè intendat constituere sub illis Christi D. corpus.

*Quæres 1. Utrum Christi D. corpus non solum sit sub partibus divisibilibus specierum, sed etiam sub indivisibilibus, seu punctis eas unientibus, & terminantibus.*

*Respondeo*, Doctorem videri negativam partem tueri dist. 10. q. 9. num. 3. ubi ait. *Corpus Christi non est præsens speciei alicui ad minus, nisi minimo sensibili; quia nulli indivisibili est præsens.* Unde hanc sententiam quam genuinam Doctoris mentem docet Hiquex in Commentario ad illa verba num. 12. & inter ejus assertores numerat Albertum in 4. dist. 13. art. 10. Richardum dist. 10. art. 6. Aegidium Theoremata 11. Vasquez disp. 189. cap. 4.

Verum fatiis dicendum arbitror cum cæteris Scotistis Doctorem Subilem non recipere à communiori Theologorum sen-

ten-

rentia, nam eadem dist. 10. quæ. num. 5. comparat præsentiam corporis Christi in Eucharistia cum præsentia Angeli, dicens: *Nec illud corpus, est magis præsens bñe alicui corpori in ratione pñsi, quam si Angelus esset bñe.* Angelum autem posse existere in puncto docet problematicè 2. dist. 2. qu. 6. num. 13. *Sitamen, inquit, possit (Angelus) esse in puncto, vel non, videtur ratio necessaria nec ad unam partem, nec ad aliam, quia licet Angelus sit indivisibilis, non habet tamen indivisibilitatem limitatam, sicut punctus; Et ideo non oportet ipsum esse in puncto, sicut in loco. Nec fortè repugnat sibi esse in puncto, sicut in loco, quia nullum inconviniens videtur ex hoc inferri: quia si ex esse in puncto, sicut in loco, hoc inferatur, quod non possit moveri localiter, nisi spatium constaret punctis, non sequitur, posset enim immediatè ex loco punctuali ferre se in continuu, cuius continuu punctus est terminus.* Itaque hoc loco citato ex lib. 4. dist. 10. q. 9. n. 3. videtur solum argumentari ad hominem contra illos, qui admittebant corpus Domini esse præsens minimo sensibili, & tamen dicebant, illud non esse naturaliter visibile, etiam oculo glorioso, quia non potest esse contactus physicus inter oculum, & corpus Christi, eo quod illud in Sacramento non respiciat species ratione quantitatis, quam rationem rejicit, quia minimum sensibile potest percipi a sensu perfectissimo. Ex quibus liquet Doctorem hac in sententia nihil expressè definire, ac subinde liberum esse ipsius Discipulis utramlibet partem tueri.

Itaque ad quæsitum *respondeo*, mihi probabilius videri, corpus Christi verè existere sub quolibet indivisibili: *Primò*, quia vi consecrationis ponitur sub speciebus, sub quibus ante consecrationem præerat substantia panis, & vini, sed utriusque substantia, aut saltem aliquid ipsius præerat sub indivisibilibus: ergo cum alicubi non possit existere aliquid corporis Christi, quin simul totum existat, quia est incorruptibile, & impartibile, consequens est, quod totum debebat esse etiam sub illis indivisibilibus. Major patet ex dictis. Minor verò probatur: Quodlibet indivisibile quantitatis est accidens, & subinde requirit aliquid subiectum, cui inhæreat: igitur aliquid substantiæ panis correspondere debebat ipsis indivisibilibus, antequam fieret consecratio.

*Deinde*, vel singulis indivisibilibus hostiæ

consecratæ, antequam fieret consecratio, correspondebat aliquid è substantia panis, vel nihil: si nihil, igitur substantia panis erat sub sua quantitate discontinua, & divisa, & consequenter substantia corporis Christi panis succedens erit similiter sub quantitate panis discontinua, & divisa, quod est absurdum; cum enim Christi D. corpus sit sub speciebus simili modo, quo Angelus est in loco, quemadmodum Angelus intelligi non potest esse in loco continuo, nisi existat in indivisibilibus copulanti-bus partes loci, in quibus existit etiam Christi D. corpus, non potest intelligi existere continuo sub speciebus, nisi pariter existat sub indivisibilibus. Si verò aliquid de substantia panis ante consecrationem correspondebat indivisibilibus quantitatis eam afficientis, consequens est, quod sub eisdem indivisibilibus existere debeat totum Christi D. corpus quippe cum occupet omnes partes specierum consecratarum, sub quibus præerat substantia panis, & vini.

*Dices primò*: Corpus Christi ex statim dictis existit dumtaxat sub iis, sub quibus præerat substantia panis, & vini: sed hæc non præerat sub indivisibilibus, cum enim sit corporea, trinam dimensionem exigit, sub qua existat.

*Distinguo majorem*; corpus Christi est ubi præfuit substantia panis eodem modo, quo illa præfuit, nego: modo diverso, concedo.

*Ad minorem* dico, quod cum substantia panis, & vini sit corporea: ac subinde habeat partes entitativas, quæ sunt entitative divisibiles, & naturaliter exigunt trinam dimensionem, inde fit, quod illa non possit esse primò, & per se subsistens indivisibilibus secundum se spectatis, sed præfuit sub illis prout continentur in partibus, quippe cum non possit esse continuè sub ejusmodi partibus, nisi pariter existat sub indivisibilibus unientibus, & continuantibus partes quantitatis; secus autem est de corpore Christi D. quod licet divisibile sit secundum entitatem, quia tamen existit sub speciebus consecratis modo indivisibili; inde fit, quod etiam per se capax sit existendi sub indivisibilibus specierum consecratarum.

*Dices secundò*; Si corpus Christi sub quolibet invisibili hostiæ consecratæ verè existet, sequeretur, quod facta divisione hostiæ consecratæ, Christus incipiat esse sub aliquibus indivisibilibus, sub quibus antea non

non erat, idque absque nova consecratione, quod est absurdum. Patet sequela; dum enim hostia consecrata dividitur in duas partes, ex illa divisione confurgunt puncta, linea, & superficies de novo illas duas medietates hostiæ terminantes: igitur si totus Christus existat sub quolibet indivisibili hostiæ consecratæ, facta illius divisione erit de novo, ubi antea non erat absque nova consecratione.

*Respondetur primo*, negari posse sequelam majoris, dici namque potest, quod per divisionem hostiæ non producantur nova indivisibilia, sed ea solum, quæ ante fractionem hostiæ actu continuabant partes illius, & eas terminabant solum in potentia, per fractionem fiunt actu terminantia partes, quæ sunt actu divisæ, cum antea tantum essent potentia divisæ, seu tantum divisibiles. Unde, cum Christi D. corpus ex vi prioris consecrationis jam esset sub omnibus indivisibilibus, quæ partes hostiæ continuabant, non sequitur, quod per divisionem incipiat esse de novo, ubi antea non erat: sed tantum quod existat novo modo; ita quod cum ante divisionem hostiæ consecratæ esset in indivisibilibus, ut continuantibus partes illius, per divisionem autem existat in eisdem indivisibilibus, ut terminantibus partes, quæ ex hac divisione resultant.

*Dicescundò*, quod, quemadmodum Christi D. corpus per divisionem hostiæ incipit fieri præsens diversis, & distinctis ubi, si partes illæ diversis in locis collocentur, idque absque nova consecratione, sic pariter per hostiæ divisionem posset fieri præsens quibusdam extremis, quibus antea præsens non erat, idque vi præcedentis consecrationis, quæ efficit, ut quomodocumque se habeat hostia consecrata, scilicet vel fracta, vel integra, vel quiescens, vel mota, semper sub illa existat corpus Christi.

**Quæst. 2. Utrum Christi D. corpus in Eucharistia Sacramento habeat suam quantitatem.**

*Affirmat* eum Subtilis Doctor in 4. dist. 10. q. 1. n. 12. & communiori sententia Theologorum; cuius utique assertionis ratio est, quod Christi D. corpus existens in Eucharistia sit animatum, ac subinde perfecta organizatione, ac membrorum dispositione constans: hæc autem organorum, & membrorum figuratio, & dispositio necessaria est ad

animationem: *Si enim*, inquit Doctor, *non distet caput à pede, sed totum subintret totum usque ad minimam partem naturalem, jam non habebit ordinem partium in loco necessariam ad corpus animatum, nec figuram; anima enim est alius corporis organizati potestate vitam habentis*, lib. 2. de anima cap. 1. Hæc enim figuratio, & organizatio tota non potest esse à forma corporeitatis, quæ tantum confert distinctionem partium substantialium: igitur debet esse à quantitate, virtute cujus corpus illud habeat partes organizatas, distinctas, & ordinatas tum in toto, tum inter se; unde sequitur, quod corpus Christi non possit esse in Eucharistia ad modum substantialis sine ulla ordinatione partium: igitur necessum est, quod Christi D. corpus habeat eandem quantitatem, quam habet in cælo existens.

*Confirmatur* ex Concilio Trident. sess. 13. cap. 3. ubi ex vi naturalis connexionis inter corpus vivum Christi, & animam, & sanguinem, asserit hæc esse sub specie panis realiter: sed in re ipsa major est connexio corporis ad quantitatem, & cæteras dispositiones naturales, & accidentales, quam sit connexio ejus ad sanguinem, & animam, quantum ad inseparabilitatem (quidquid sit de compositione per se, & substantiali quam corpus, & anima, & sanguis efficiunt) quia separari possunt à corpore, manente quantitate, & reliquis qualitatibus, ut separata fuerunt in morte, & manserunt in triduo: anima autem è contra nequit inesse sine quantitate in corpore modo naturali: ergo ex vi connexionis naturalis magis sequitur, quantitatem, & qualitatem inesse corpori Christi in Eucharistia, quam animam, & sanguinem.

*Dices*: Quantitas non potest esse sine extensione partium; siquidem ratio formalis illius est extensio, & indivisibilitas, sed corpus Christi in Eucharistia est sine omni extensione, & divisibilitate, nam, ut statim dicebamus, ibi existit ad modum substantialium spirituum, & potest esse sub indivisibilibus speciebus: igitur nullam habet quantitatem.

*Respondetur*, duplicem distinguere debere extensionem in quantitate, ut diximus in tertio notabili, alteram in ordine ad se, alteram in ordine ad alium: Prior consistit in extensione & ordinatione partium inter se, ita ut una immediatè uni continetur & conjungatur, & illam edianc alii, sic

per eam extensionem caput immediate continuatur collo, & eo mediante corpori, cæterisque corporis partibus: Posterior verò consistit in situatione & extensione partium in ordine ad spatium, ita ut una pars corporis correspondeat uni, & altera alteri parti loci, & spatii. Prior, ut diximus in Physicis, est de essentia quantitatis, & ab ea inseparabilis. Posterior verò est accidentalis & separabilis. Unde hæc separari potest à quantitate corporis Christi, manente priori. Non enim minus est de ratione quantitatis reddere subjectum impenetrabile cum alio corpore, quam loco extensum: sed quantitas corporis Christi potuit privari sua impenetrabilitate, ut patet ex eo, quod prodierit ex utero Virginis, absque omni refectione virginalis secreti, & exierit ex sepulchro, immoto lapide & sigillo: similiter ingreßum fuerit ad Discipulos januis clausis: igitur pari ratione corpus quantum poterit spoliari sua commensuratione, & extensione in ordine ad spatium. Cætera quæ solent obijci, jam plenissime dissolvimus, rum in Logicis, cum in Physicis, ubi demonstravimus, essentiam quantitatis consistere formaliter in extensione partium in ordine ad se.

*Adde, quod non sit in hoc mysterio rationandum, quemadmodum in cæteris rebus naturalibus: Nam, ut loquitur Innoc. III. lib. 4. de hoc mysterio c. 9. In hoc Sacramento credere jubemur, discutere prohibemur. Unde Concilium Trid. sess. 13. c. 1. præclare asserit, corpus Christi esse sacramentaliter præsens ea existendi ratione, quam est verbis exprimere vix possumus, possibilem tamen esse Deo, cognitione per fidem illustrata, assequi possumus.*

Nec obstat, quod S. Aug. epist. 150. ad Dardanum scribat: Tolle spatium corporibus quæ nusquam erant, neque erant. Hæc enim dixit de rebus existentibus in loco naturaliter, non verò per comparisonem ad omnipotentiam divinam; latentur enim omnes SS. Patres, Deum posse quodlibet corpus cuiusvis magnitudinis in quovis minimo loco constituere, ut præcipue docent S. Hilarius, Hieronymus, Chrysostomus, &c. explicantes hunc locum Matt. 19. Facilius est camelum per foramen acus transire &c. Nam, ut præclare ait Sanctus Gregorius Nazianzenus orat. 36. Quid probet quominus hæc fiant, si Dei voluntas ita iussit?

*Quæres 3. Utrum Christi D. corpus sit unitum speciebus Eucharisticis.*

*Respondet Doctor dist. 10. q. 6. n. 4. corpus Christi non esse unitum speciebus aliqua unione naturali, qualis est unio materiæ cum forma, actus cum potentia, & partium cum toto; sed tantum per actum voluntatis divinæ, quia Deus ea voluntate, qua instituit Eucharistiam, determinavit, ut corpus Christi fieret præsens sub speciebus post consecrationem, & tamdiu illud subsisteret, quamdiu species illæ incorruptæ perseverarent: ac subinde tota hæc unio dumtaxat extrinseca est.*

*Quod utique probatur: Si quæ enim esset unio intrinseca corporis Christi cum speciebus, illa esset vel accidentalis, vel substantialis: sed neutra est, non quidem substantialis, quia inter substantiam & accidentia non intercedit unio substantialis, porro Christi corpus est substantia, species verò sunt accidentia: igitur &c. Non etiam est accidentalis, quia unita hic se non efficiunt sicut in unione accidentaria; neque enim corpus Christi est quantum quantitate specterum, nec eorum qualitate, puta colore, calore, frigore, aut sapore afficitur: igitur &c.*

*Dices: Corpus Christi sustentat species sacramentales; siquidem id ipsum præstat, quod præstabat substantia panis circa species: sed illa sustentatio non fit nisi per conjunctionem, & unionem cum Christi corpore, quemadmodum fiebat, cum adesset substantia panis: igitur revera species Christi corpori uniuntur.*

*Nego minorem: Species enim illæ non per Christi corpus, sed per divinam potentiam sustentantur, nec aliud præstat Christi D. corpus sub speciebus, quam ut ibi sit, ubi substantia panis prius aderat, & sub ipsis accidentibus delitescat. Nec obstat, quod species dicantur instrumentum conjunctionum corporis Christi; & quod ipsis corruptis corpus esse desinat, hæc enim facile fieri possunt, & intelligi per unionem extrinsecam, qua divina voluntas voluit uti speciebus ad conferendas uberes gratias per collationem Christi corporis; & tamdiu dumtaxat corpus conservare præsens sacramentaliter, quamdiu species adessent incorruptæ.*

*Dices secundò: Sacramentum Eucharistiæ con-*

constat signis, & rebus: ergo inter illa reperitur vera constitutio, proinde compositio, ex qua quidpiam unum refultet.

*Respondet*, non facit inde colligi veram constitutionem, scilicet per unionem intrinsecam constituentium, sed tantum constitutionem moralem, & Sacramentalem, ad quam sufficit unio constituentium ex pacto, ex qua consequenter refultat unum quidpiam morale, & sacramentale.

*Dices tertio*: Ex unione extrinseca non satis colligitur absentia panis, nam remanente substantia panis posset Christus fieri præsens in sacramento: sed destruitur substantia panis: ergo ex præsentia Christi debet colligi quædam perfectior unio, quam ex solo beneplacito divino.

*Respondet*, potuisse quidem Deum efficere Christum præsentem in Sacramento, conservando substantiam panis: quia tamen aliter statuit, voluit quoque, destruendo substantiam panis, Christi corpus unire remanentibus accidentibus, itaut quemadmodum defuncto panis procedit ex sola divina voluntate, ita quoque unio corporis cum accidentibus ex ea voluntate proveniat.

**Quæst. 4. Quid sit formaliter præsentia Sacramentalis corporis, & sanguinis Christi in Eucharistia.**

*Respondet primo*, esse aliquid reale; cum enim Christus sit realiter præsens speciebus in Sacramento, fieri non potest, ut illud, per quod formaliter est præsens, non sit aliquid reale. *Adde* quod ratione hujus præsentia à nobis formaliter sumatur, & eadem ratione dicatur propinquum, vel distans ab aliis rebus, quibus cum paratur. Similiter est aliquid intrinsecè afficiens corpus Christi, intelligi enim non potest, quomodo corpus Christi sit reverà sub speciebus, cum antea non esset, nisi intelligatur nova præsentia in speciebus ad corpus, & vicissim in corpore ad species: Unde, inquit Doctor dist. 10. q. 1. Si species habent novum respectum ad corpus Christi, pari ratione corpus illud habebit novum respectum ad species: nam, si species sunt de novo præsentia corpori, etiam & corpus est de novo præsens speciebus.

*Respondet secundo*, præsentiam illam formaliter non esse modum aliquem substantialem ut vult Suarez 3. p. disp. 47. sect. 1. Tum, quia modus substantialis adesse, vel abesse

non potest sine reali substantiæ mutatione; sed præsentia illa adesse, & abesse sine substantiali mutatione corporis Christi. Tum, quia substantia non censetur perfectè completa sine suo modo substantiali: sed corpus Christi est omnimodè substantialiter completum sine tali Sacramentali præsentia: ac subinde illa non est formaliter aliquis modus substantialis.

Non est etiam aliquid *accidens absolutum*: Tum, quia accidens absolutum non advenit de novo alicui subjecto sine reali, & physica illius immutatione: at corpus Christi, cum sit gloriosum, & impassibile, est incapax omnis mutationis realis, & physice: Tum, quia omnis illa nova præsentia Christi corporis ad species est tantum penes acquisitionem novi *ubi*, ita quod corpus Christi sub speciebus habeat novum, *ubi*, quod antea non habuerat, at ratio formalis *ubi* non est aliquid absolutum, sed respectivum: igitur, &c.

Non est etiam *respectus intrinsecus* adveniens: siquidem ille respectus exurgit necessario ex positis fundamento, & termino: non possunt enim esse duo alba secundum eodem gradus; quin sint omnino similia: at præsentia corporis Christi ad species necessario non exurgit ex positione utriusque, siquidem reverà potest esse, & de facto est corpus Christi in rerum natura absque eo quod sit præsens sub speciebus etiam reverà existentibus, si nempe panis ille, cujus sunt species, non consecratur.

Restat igitur dicendum, quod illa præsentia Sacramentalis sit tantum *respectus extrinsecus* adveniens, ut optime docet Doctor loco supra laudato n. 10. Oportet, inquit, ponere ad salvandam realem præsentiam corporis Christi hic, quod in ipso sit aliqua præsentia ad speciem panis, quæ prius non fuit, alioquin non magis esset nunc præsens hic, quam prius: Illa enim mutatio, quæ est circa species, scilicet quod priuserant in subjecto, nunc autem sunt sine subjecto, nihil facit ad hoc, quod corpus Christi de non præsentia isti fiat realiter præsens isti, ut supra probatum est, quia illa habet alios terminos per se ab illa, qua non præsens sit præsens: ergo necesse est ponere aliquam mutationem in corpore Christi acquisitivam illius præsentia novæ.

*Paucis interpositis*, subdit: Et si quæras ad quod genus pertineat hæc mutatio, &



terminus istius mutationis: Dico, si Angelus ponitur de novo præsens alicui corpori, dicitur quidem esse in loco definiti-  
 vè, eo modo, quo sibi potest conveni-  
 re esse in loco, & sic dicitur mutari, li-  
 cèt illa mutatio multum distet à veramuta-  
 tione secundum ubi. Adhuc autem quan-  
 tum ad aliquas condiciones præsencia  
 corporis Christi speciei magis recedit à  
 vera ratione ubi, quia nullo modo per  
 istam præsentiam determinatur sic ad  
 unum ubi, quod sibi repugnet aliud. Sed  
 Angelus per novum ubi sic determinatur  
 ad illud, ut sibi repugnet aliud. Et si  
 habes pro inconvenienti, aliquam muta-  
 tionem qualemcumque in corpore Chris-  
 ti realiter esse: Dico, quod necesse est  
 ponere saltem aliquem respectum extrin-  
 secus advenientem, qui scilicet non ne-  
 cessario sequatur fundamentum, & ter-  
 minus posita in actu: quia omnis res-  
 pectus sic consequens necessario est in-  
 trinsecus adveniens, ut ostensum est in  
 quæst. 2. de charactere contra primam  
 opinionem: ergo respectus potest adve-  
 nire extrinsecus de novo sine alio quo-  
 cunque novo, vel in fundamento, vel  
 in termino.

Sic ergo non est inconveniens cor-  
 pus Christi esse de novo præsens, alicui non  
 habenti novam formam absolutam, nec  
 novum respectum respectu ejus, vel si  
 habet hujusmodi novum respectum, pari  
 ratione, & corpus Christi habebit novum  
 respectum ejus: quia si species sunt de  
 novo præsentes corpori Christi, & cor-  
 pus est de novo præsens eis (cui enim  
 continentia non sit relatio realismutua,  
 tamen præsencia est relatio realis mu-  
 tua) non erit tunc inconveniens da-  
 re in corpore Christi talem mutatio-  
 nem ad respectum extrinsecus adve-  
 nientem.

Et si objicias, ad respectum non est mu-  
 tatio, solum est in quæstione de charac-  
 tere. Et si omnino arguas ille respectus  
 extrinsecus adveniens, qui dicitur præsencia  
 simplex, ad quod genus pertinet?  
 Potest dici, quod magis propriè reduci-  
 tur ad genus ubi inter omnia genera re-  
 spectuum extrinsecus advenientium:  
 quia in pluribus cum illo respectu con-  
 venit, & si fortè non sit propriè inge-  
 nere, sequitur, quod decem genera non  
 sufficienter evacuant totum ens, Quod

non est inconveniens, eo modo, quo Phi-  
 losophi loquuntur de rationibus eorum,  
 quia non repugnat sub ente inveniri ali-  
 quem respectum, puta Angeli ad lapi-  
 dem, qui non habet aliquam rationem  
 respectus in genere; ut ipsi loquuntur:  
 non tamen sequitur ex hoc plura gene-  
 ra esse, quàm decem, sed quod rationes  
 eorum, vel ratio alicujus eorum non assi-  
 gnatur sub ratione communi, sicut pos-  
 set assignari.

His omnibus, inquit Hiquès in Com-  
 mentatio, Doctor tria docet: *Primum*,  
 quod non salvari possit præsencia Christi no-  
 va, & Sacramentalis sine aliqua mutatione  
 in Christi reali, quia de novo fit hic Chris-  
 tus realiter, ubi antea non fuit: talis au-  
 tem mutatio non repugnat Christo, quia li-  
 cèt mutatio, quæ fit ad corruptionem, non  
 conveniat corpori glorioso, & impassibi-  
 li, non tamen repugnant mutationes quoad  
 respectum, quinon insert mutationem sub-  
 stantialem; nam ante Ascensionem habuit  
 plures tales, ut visionis, locutionis, man-  
 ducationis, & loci post Resurrectionem.  
*Secundum* quod docet, hanc præsentiam,  
 & mutationem reduci ad mutationem se-  
 cundum ubi: *Tertium* est, præsentiam illam  
 esse relationem extrinsecus advenientem  
 ita Hiquès.

## QUÆSTIO SECUNDA.

*Quid, in quomodo Christus D. agere possit in Eucharistia.*

**N**otandum primò, cum Doctore subili  
 in 4. dist. 10. q. 5. duplicem esse actio-  
 nem, immanentem scilicet, & transeun-  
 tem: *Immanens* dicitur, quæ recipitur in  
 agente, & in eo remanet; quæ quidem  
 adhuc in homine duplex distinguitur, alia  
 enim est corporea, ut sensorio, seu operatio  
 sensuum, alia verò spiritualis, ut intelle-  
 ctio, & volitio: *Transiens* dicitur, quæ non  
 remanet in agente, sed transit in aliud: sic  
 calefactio ab igne transit in lignum, quod  
 calefit. Quæritur autem quænam ex hujus-  
 modi actionibus Christo D. conveniat, qua-  
 tenus in Eucharistia existit.

*Notandum secundò*, ex eodem Doctore ibi-  
 dem n. 2. intelligi posse, quod duobus mo-  
 dis aliquid inest Christo D. scilicet, vel  
 primò, & per se, vel tantum secundario,  
 & concomitante: *Primò*, aliquid dicitur  
 inesse

*in esse Christo*, ut hic inquit Doctor, *quod sibi inest*, & si nusquam alibi esset, nisi hic: concomitanter autem dicitur aliquid inesse hie, quod primò inest sibi, ut alibi, & ex hoc sibi inest ut hic propter identitatem subiecti & formæ. Hoc est, aliquid censetur inesse Christo, ut existenti sacramentaliter primò & per se, quando illud ita inest, ut absolute ipsi non inest, etiam si Christus D. alibi existeret: Concomitanter autem quando ipsi sacramentaliter existenti, ea tantum ratione inest, quòd ipsi inest, ut alibi existenti, idque propter identitatem subiecti & formæ.

*Notandum tertio*, quæstionem moveri posse, vel de ea operatione, quæ inest Christo D. de facto virtute antiqui miraculi, vel de ea, quæ inest de novo per miraculum, & extraordinariam Dei potentiam. Quibus præmissis, Doctor ita luculenter, ac planè hujusquæstionis solutionem tradit, & expendit tribus conclusionibus, ut non aliud nobis incumbendum videatur, quàm illius resolutionem excubere, ac nonnullis additis explanare.

### CONCLUSIO PRIMA.

**O**mnis operatio immanens, quæ primò inest Christo D., ut in celo existenti, eidem concomitanter inest, ut existenti in Sacramento. Ita Doctor, & hanc conclusionem sic probat: Nullum absolutum definit esse in aliquo propter novum respectum extrinsecus advenientem, sed operatio immanens est forma absoluta: igitur propter præsentiam sacramentalem, quæ est novus respectus extrinsecus adveniens, non definit illa operatio inesse suo subiecto.

Reponunt aliqui, maiorem esse veram de forma simpliciter absoluta, qualis non est operatio, ipsa enim habet respectum potentiz ad objectum.

Verum, inquit Doctor, hæc responsio prorsus est evanida, nam qualitates in fieri dependent ab approximatione agentis, ut patet de calore, & frigore, & aliis qualitatibus, ad quas est alteratio, & tamen in esse suo sunt simpliciter absolutæ. Similiter operationes in suo fieri non requirunt talem respectum, & hoc ubi sunt concomitanter, & non primò, apparet enim, quòd si corpus Christi in cruce fuit infrigidatum, frigus etiam fiebat in corpore Christi, existenti in pixide concomitanter, sed non primò,

& ad illud fieri non requirebatur approximatio agentis ad passum ibi, ergo à simili ista qualitas, cum sit in se absoluta, licet in fieri requiratur præsentiam objecti ad potentiam, hoc non erit, nisi ubi primò inest, potest ergo concomitanter inesse sine tali respectu.

*Insuper*: Operatio est in continuo fieri, secus aliz qualitates, ergo requirit continuam approximationem potentiz ad objectum.

*Respondet* cum Doctore nostro ibidem. Licet licet in fieri continuè, tamen non sequitur quin concomitanter possit inesse, & continuè inscribi sine objecti præsentia, vel approximatione. Sicut enim calor potest inscribi corpori in Eucharistia sine approximatione agentis, ut ibi, ita si esse calor esset in fieri, semper posset causari calor, in corpore in hostia, & tamen sine tali approximatione, non enim magis requiritur continuus respectus ad fieri continuum, quàm ad fieri transiens, respectus pro tunc præsens.

*Elisi replices*: Operatio respicit objectum non tantum ut est causa in fieri, sed etiam in ratione terminantis, sicut ergo impossibile est, operari inesse, & non terminari ad objectum, sic impossibile est, quòd alicubi inest, & ut ibi non terminetur ad objectum præsens.

*Respondet Doctor n. 4.* Quod non oportet, objectum esse præsens propter terminationem actus, sed tantum propter causationem, ita quòd quando est aliqua causa sufficiens ipsius actus, non requiritur præsentia objecti propter terminationem, quod utique probat à simili: Sicut, inquit, patet de vidente creaturam in essentia divina: dato enim, quòd illa sit causa visionis creaturæ, non requiritur creatura ad quam terminatur hæc visio, præsens, propria præsentia.

Hic videtur Doctor asserere ad cognitionem intuitivam non requiri objectum terminativum præsens, cuius contrarium docet variis in locis, ut infra *dist. 45. q. 2. §. Ad quæstionem*, &c. in probatione secundi, & in *3. dist. 14. q. 3.* & in *3. dist. 3. qu. & aliis sæpè*, ubi intuitivam esse ait rei existentis, & præsentis. Sed *respondet Hiquæus* cum loqui hic de cognitione intuitiva latè sumpta, cuius plures modos assignat, ut patet in *3. dist. 14. q. 3.* ubi distinguit perfectam, & imperfectam intuitivam. Quando ergo dicit

non

non requiri præsentiam objecti ad terminandam intuitivam, intelligit de intuitiva improprie dicta, seu imperfecta, ut exemplum subiectum indicat, de quo in primo *diff.* 2. §. 4. potest & teneri universaliter doctrina quia ideo requiritur præsentia objecti, quia scilicet immediate concurret in propria existentia, & præsentia ad intuitivam, quod ergo sit ipse, ut præsentis, tanquam terminativi, ideo est, quia sic est ipse, ut motivi, & moventis.

*Probat secundò Dolor*, principaliter de sensatione: Si anima Christi, *inquit*, intelligeret præcisè secundum modum intelligendi animæ viatoris, nimirum ex phantasmatibus, non haberet intellectionem intuitivam ipsius, vel alterius objecti sine sensatione concomitante eiusdem objecti, ergo cum illam intellectionem haberet eandem hic, & a se, sequitur, quod etiam haberet, ut hic, sensationem requisitam ad ipsam, sed tamen concomitanter, non autem primò, & per se.

*Probat tertio*: Quia passio appetitus sensitivi, ut pote dolor eadem inuisisset hic & ibi, ergo sensatio eadem. Antecedens probatur, quia mors secuta fuisset hic, sicut ibi: ibi autem sequebatur ad dolorem immoderatum, ergo & hic. Consequentia primò probatur, quia non est idem sine eadem causa, & hoc non ponendo miraculum, & loquendo de causa naturali præcisa, dolor est effectus sensationis, vel objecti nonnisi sensitivi, ergo non potest esse idem dolor sine sensatione eadem absque miraculo.

*Si respondeas*, quod ad hoc sufficeret actus imaginationis in Christo. *Contra hæc inquit*, dupliciter: Primò, quia responsio destruit se, non enim possibile est actum imaginationis inesse, cui actus secundum sensum non potest inesse, quia imaginatio est motus factus à sensu: 2. de anima. *Secundò*, quia imaginatio non est causa doloris eiusdem secundum speciem; cuius causa est sensatio exterior, alioquin somnians doleat dolore ejusmodi speciei cum dolore vigilantis.

Tandem addi potest ratio efficax, quam habet Doctor subeileis post argumentum: Operatio, *inquit*, est perfectio potentie operativæ, & in ipsa consistit beatitudo ipsius potentie, ipsam etiam consequi-

tur delectatio proportionata perfectioni operationis, ut constat ex 10. Ethic. ergo si oculus Christi, ut in Sacramento, caret visione quam habet in cælo, caret etiam sua propria beatitudine eo modo, quo visus dicitur beatificabilis, caret etiam delectatione consequente illam operationem perfectam, & tunc sequeretur quod oculus Christi, ut in Sacramento esset miser, & cum dolore, & trilitia, quod enim tollit delectationem, est dolorosum, & triste, quod tamen nemo dixerit.

## CONCLUSIO SECUNDA.

**O**peratio spiritalis, ut intellectio, & volitio, possunt primò, & per se inesse Christo existentis in Eucharistia, non autem sensationi. Utraque pars est Doctoris loco supra laudato, & primam probat n. 5. ubi ait, Quia anima Christi nunc beata intelligit, sicut Angelus, quoad hoc, quod non dependet à sensibus, nec ex sensibilibus in intelligendo, ergo sicut Angelus alicubi existens posset intuitivè intelligere objectum sibi proportionaliter præsens, ita anima Christi ibidem existens potest illud objectum intueri, ergo anima Christi ut hic, potest intuitivè intelligere illa intelligibilia, quæ sunt, ut hic, præsentia; sicut Angelus posset, utpote intuitivè videre Angelum hic præsentem, & animam Sacerdotis. Hæc autem intuitio inest illi animæ Christi: Primò, ut hic, quia non inest illi animæ primò, ut in cælo, supposito quod immoderata distantia impediatur intellectionem intuitivam creatam, sic enim Angelus existens in cælo, intuitivè non videt quidquid præsens hic videt intuitivè.

Ex quibus infert Doctor, quod Christus propter suum esse in Eucharistia non tantum non privatur aliqua operatione quam habet, ut in cælo, sed ut in Eucharistia est, habet aliquam operationem primò, quam per consequens concomitanter habet, ut in cælo, utpote intellectionem, & volitionem cuiuscumque objecti, cuius Angelus hic præsens haberet, & per consequens non est ad imperfectionem suam, quod sit in Eucharistia, sed ad ampliorem perfectionem.

*Secundam autem partem sic probat*: Primò, quia organum sensus non est in corpore Christi.

Christi in Eucharistia sub modo illo, qui requiritur ad hoc quod immutetur ab objecto, quia oportet, quod tale habeat modum quantitativum, & sic sit localiter in loco, ad hoc ut patiatur a corpore objecto.

*Probat secundò:* Christus, ut in Eucharistia non est objectum approximatum, ita enim est hic præsens cuicumque corpori, ut agent, ac si non esset præsens quia hic est, ac si nusquam esset, quantum ad rationem patientiæ a corpore esse enim corpus agens requirit passum sibi approximatum localiter, sic autem non est hic corpus Christi localiter, sed solum species est hic isto modo; nec illud est magis præsens hic alicui corpori in ratione passi, quam si Angelus esset hic, ergo nulla sensatio potest sibi inesse primò, ut in Eucharistia existit. Ita Doctor, ex quibus inferre licet, Christum habere dumtaxat sensationem in Eucharistia concomitantem, & secundariò, non autem primariò, & per se.

Nec obstat, quod ejus organa in Eucharistia non sint extensa, nec habeant modum quantitativum, & divisibilem qui videtur necessarius ad sensationem: Nam, inquit Doctor n. 6. Modus ille quantitativus non requiritur, ut concomitantem recipiatur sensatio, sed tantum ut primò, & per se fiat: iste enim modus quantitativus, inquit, requiritur in organo ad hoc, quod primum sibi infiat sensatio, sed non requiritur ad hoc, quod concomitantem sibi infiat, vel infit, quia non est causa necessaria recipiendi sensationem hujusmodi modus quantitativus, sed tantummodo conditio requisita per comparationem ad agens primò transmutans.

### CONCLUSIO TERTIA.

**C**hristus ut in Sacramento existens agere potest actione physica transiente in passum eternum. Ita Doctor dist. 10. q. 7. ubi cum probasset n. 2. quod Christus in Eucharistia non potest uti aliqua potentia corporea activa, adeoque quod non possit, ut in Sacramento existens primò nutrir, ac rem respiciat, localiter movere seipsum vel aliud corpus sibi approximatum; Quia, inquit, omnis potentia activa corporea requirit passum, in quod agat approximatum sibi localiter, ista autem potentia, ut est hic, non

est alicui localiter approximata, ergo, ut est hic non potest habere passum sibi approximatum, sicut requiritur ad actionem talis potentia. Major patet ex 7. Physic. ubi probatur, quod oportet agens corporeum approximatum esse passu mediare, vel immediate. Postmodum n. 3. affirmat, quod Christus in Eucharistia potest uti quacumque potentia activa spiritali, quia illa non requirit ad actionem, quod habeat esse localiter, quia etsi agens per principium spirituale sit in loco, non tamen requiritur, quod sit ibi localiter ad hoc quod agat. Quam utique assertionem explicans, statim subjicit: Quod Christus in Eucharistia potest uti quacumque potentia activa spiritali. Hoc probatur per medium oppositum, quia illa non requirit ad actionem, quod habeat esse localiter, quia etsi agens per principium spirituale sit in loco, non tamen requiritur, quod sit ibi localiter ad hoc quod agat.

Explicans verò istam conclusionem in speciali dicit: Quod Christus in Eucharistia potest habere aliquam actionem merè spiritualem, tam ex parte principii, quam ex parte termini, & potest habere aliquam spiritualem ex parte principii agendi, corpoream tamen ex parte termini.

*Primum probat,* Quia, inquit, si esset aliquis Angelus præsens Christo in Eucharistia, posset anima Christi illum Angelum illuminare, & illi loqui locutione mentali, eo modo, quo Angelus existens, ubi Christus est, posset alium Angelum illuminare, vel alii loqui, nam ista illuminatio, & locutio non requirit, nisi principium activum sufficiens in illuminante, & loquente, & subiectum capax ex parte illuminati, sive cui sit locutio, & fortè approximationem secundum ubi definitivum, seu approximationem simplicem illuminantis ad illuminatum, vel loquentis ei, cui loquitur, nec requiritur ibi localiter esse, sicut nec si unus Angelus loqueretur alii. Hæc autem omnia sunt in proposito, qualiter autem anima Christi habeat principium illuminandi Angelos, & loquendi eis intellectualiter, supponatur ex 3. lib. dist. 13. & 14.

*Secundum, scilicet,* quod potest habere actionem spiritualem ex parte principii,

tamen corporalem ex parte termini, declaratur sic, quia, *inquit* Angelus habet potentiam motivam secundum locum, non organicam.

Patet, quia non potest habere potentiam aliquam organicam, illa enim potest esse principium movendi corpus secundum totum, non secundum partes, quomodo corpus nostrum movetur organicè, quolibet autem anima intellectiva talem potentiam habet, ergo potest esse principium motus, & per consequens illa est merè spiritualis ex parte principii, quia nullo modo organica, & tamen corporalis ex parte termini, quia ejus terminus est motus localis corporalis.

Et si arguatur, quòd tunc anima hominis habet duplicem potentiam activam motivam secundum locum respectu corporis: habet enim unam organicam, & præter illam, aliam non organicam, hoc autem ponere, videtur superfluum, tum quia videtur esse rationis ejusdem cum altera, tum quia altera potentia non potest exire in actum suum pro statu isto, ut manifestum est.

Respondetur, sicut anima quantum ad multa alia similis est Angelo, ita etiam quantum ad potentiam motivam corporis non organicam: non enim est ratio, quare ista substantia non habet huiusmodi potentiam motivam corporis, & universaliter nulli naturæ debet negari, quòd esset in ea perfectio, nisi manifestè appareret, quòd tale sibi repugnat, quia secundum Philosophum 2. de generatione in fine: *Dignificanda est natura semper secundum melius, quantum possibile est.*

Quòd autem anima Christi habeat hanc potentiam loco-motivam, ita declarat n. 5. Hanc potentiam loco-motivam non organicam, *inquit*, suppono esse in anima Christi, quia etiam erit in anima cujuslibet Beati, non tantum quantum ad habitum, sed quantum ad actum, vel usus possibilitatem, hac etiam poterit uti mediè, movendo aliquod corpus secundum se totum, sicut Angelus posset movere. Hac etiam forte usus est Christus in vita ista, ut quando elapsus est de manibus Judæorum, qui ducentes eum ad montem, super quem erat civitas eorum sita, voluerunt ipsum præcipitare, quando etiam elapsus est de manibus pa-

rentum, & mansit in Jerusalem, ut patet secundum Origenem super illud Luc. 2. *Cum factus esset Jesus annorum duodecim*; ergo anima Christi in Eucharistia existens, poterit uti ista potentia, movendo species illas, vel hostiam, & fortè sic aliquando mora est hostia à Christo immediatè.

Et si queratur nunquid prius movit corpus suum per istam potentiam motivam quam hostiam?

Respondetur: Non fuit necessarium, sicut, nec oportet Angelum prius movere se localiter ad hoc, ut corpus sibi approximatum moveat localiter.

Petes: *Utrum Christus, quatenus existens in Eucharistia, possit per virtutem suam naturalem aliud in se transmutare.*

Negat Doctor ibidem n. 2. & 6. ubi docet, quòd corpus Christi, quatenus in Eucharistia existens, non possit uti aliqua potentia activa corporea, quia omnis potentia activa corporea requirit passum, in quod agat, sibi approximatum localiter, hoc est modo divisibili, & extenso in ordine ad locum, at Christi corpus non potest habere passum hac ratione sibi approximatum, ut illud in se convertat, igitur illud non potest in se transmutare.

Dices: Potentia activa, ex Philosopho 5. Metaphys. est principium mutandi aliud, in quantum aliud, sed Christus in Eucharistia habet potentiam activam, quia habet omnem formam absolutam, quam habet in existentia naturali, igitur ut est in Eucharistia, habet principium transmutandi, atqui habens principium transmutandi, per illud transmutare potest aliquid in se, igitur &c.

Respondet Doctor n. 6. quòd ista descriptio de potentia activa, scilicet quod est principium transmutandi &c. debet intelligi quantum est ex parte uti, sed multa impedimenta possunt provenire, vel ex parte habentis, vel ex parte obiecti, vel medi, propter quæ non potest habens illam potentiam exire in actum. Ita Doctor ex quibus inferre licet, quòd etsi Christus D. habeat omnem potentiam activam in Eucharistia, quam habeat in cælo, & habuit, dum viveret vita mortali, inde non est consequens, quòd ea possit uti, siquidem nec habet passum sibi debitè appo-

xima-

ximatum, nec virtutem extensam, & expeditam ad agendum actione corpora transmutativa.

*Dices secundò:* Corpus Christi, ut in Eucharistia existens, potest nutriri, sed nutritio sic per transmutationem substantiæ alimenti in substantiam aliti, igitur ut sic existens Christus potest aliquid in se transmutare. Major patet. Quia, inquit Aristoteles 2. de anima textu 47. *homo vivens vita mortali semper nutritur*, sed corpus Christi in Eucharistia vixisset vita mortali, si Christus semper mortalis fuisset, igitur semper nutritur, & alimentum in suam substantiam converteret.

*Distinguit majorem Doctor* q. 5. n. 12. corpus Christi in Eucharistia potest nutriri, quatenus nutritio sumitur pro aggeratione partis substantiæ ipsi toti nutritio, concedit; Quatenus sumitur pro actione convertiva alimenti in substantiam aliti, negat: „ Quia, inquit, nutritio corporis Christi in Eucharistia non fieret per nutrimentum approximatum, ut hic, sed tantum esset hic concomitans propter conversionem nutrimenti alibi approximati & propter identitatem substantiæ hic & ibi, quam oportet ubique habere easdem partes: Unde, ut addit q. 7. n. 6. bene sequitur, quod corpus hic nutritur, si nutritur in existentia naturali, sed non sequitur, ergo ut hic agit, quia nutritio non est nisi aggeratio partis substantiæ nutritæ, & ista aggeratio potest esse per actionem virtutis nutritivæ, live ut hic, sive ut alibi.

*Dices tertio:* Homo vivens vita mortali semper indiget respiratione aeris, & inspiratione, dum enim respirare cessat, suffocatur, & extinguitur, si autem Christus semper vixisset vita mortali, quatenus existens in Eucharistia, fuit mortalis, ac subinde debuisset aerem respirare: hæc autem respiratio sit per transmutationem aliquam, quippe per eam minuitur, & temperatur calor naturalis hominis: igitur &c.

*Respondet Doctor ibidem*, quod corpus Christi, ut existens in Eucharistia non respicit aerem, nec expirat: Quia, inquit, necessum esset, quod aer admitteretur simul cum corpore Christi in hostia, quod est absurdum: Attamen verum est, quod corpus Christi sub hostia habeat pulmonem refrigeratum sicut haberet alibi existens existentia

naturali, quia frigus causatum per aerem ibi attrahitur, causatur hic concomitanter, licet non primò.

### QUÆSTIO TERTIA.

*Utrum, & quid corpus Christi pati possit in Eucharistia.*

**P**resens quæstio non movetur de passione dolorem aliquem inferente, certum enim est, quod cum Christi D. corpus, quatenus existens in Eucharistia, sit omnino gloriosum, & immortale, etiam est prorsus impassibile, & incorruptibile. Sed difficultas est de passione correlativa, & terminativa actionis. Unde duopocissimum hic occurrunt determinanda. *Primum*, utrum Christi D. corpus possit esse subiectum alicujus motus corporalis, & localis. *Secundum*, utrum possit esse terminus alicujus operationis creatæ ad ipsum terminatæ, puta visionis intellectualis, aut corporeæ: quæ ut resolvantur, & aperiantur facilius,

*Notandum primò*, aliquid moveri posse localiter duobus modis, nempe vel per se, vel per accidens. Movetur per se, quando videlicet motus in ipso immediate recipitur; per accidens autem, quando scilicet movetur ad motum alterius, cum quo vel naturalem, & necessariam habet connexionem, vel in quo includitur; sic ad motum corporis anima dicitur moveri, & ad motum vasculi alicujus etiam movetur loco liquor in eo contentus, & ad motum navis movetur homo in ea existens, licet in se omnino maneat immotus. Quæritur autem utrum Christi D. corpus per accidens reverà moveatur ad motum specierum propter necessariam illius cum ipsis conjunctionem, an verò hic motus fiat dumtaxat à solo Deo, & per divinam ipsius voluntatem.

*Notandum secundò*, ex Doctore *dist. 10. q. 8. n. 5.* intellectum humanum considerari posse, vel quatenus est corpori conjunctus tam in via, quam in patria; vel quatenus est ab eo separatus, & prout intelligit, & operatur independentur ab omnibus phantasmatibus quemadmodum intelligunt Angeli. Porro de intellectu hoc utroque modo considerato quæritur, an videre possit naturaliter Christi corpus, ut existens in Eucharistia Sacramento: per se autem naturaliter, inquit Doctor, non intelligitur

rum sola natura intellectus, quia anima est sicut tabula rasa, quæ nihil potest ex se sola cognoscere; sed intelligitur natura intellectus, concurrentibus aliis causis naturalibus, scilicet activo, & passivo. Ly autem videre, importat intellectionem intuitivam, ut distinguitur contra intellectionem abstractivam: *Intellectio autem intuitiva*, inquit Doctor ibidem, *est cognitio rei ut in se est præsens: abstractiva autem potest esse ejus secundum quod relucet in aliqua similitudine, quæ potest esse existens, & non existens, præsens, sive non.*

Ad eoque manifestum est, quod noster intellectus etiam adhuc alligatus sensibus, possit abstractivè intelligere corpus Christi: Impossibile est enim, inquit Doctor *supra*, aliquam complexionem concipere, cujus extrema non concipiuntur: possibile est autem, intellectum nostrum concipere hanc complexionem: *corpus Christi in Eucharistia*, alioquin non posset illam formare: ergo intellectus noster, & istam complexionem, & ejus extrema potest cognoscere, & intelligere aliqua intellectione. Hoc præclare docet S. Augustinus 8. de Trinit. cap. 4. & 5. ubi diffusè docet, quomodo habeamus fidem de Christo, cum tamen Christum non viderimus; utique in quibus intentionibus communibus acceptis à singularibus: quia „ (inquit Doctor *supra* n. 6.) nihil interest ad fidem nostram, utrum erremus in quibusdam conditionibus singularibus conceptis de Christo, quia fides nostra non respicit per se illas condiciones singulares proprias, sed aliquem hominem singularem, cujus notitia potuit nobis inferri ex notitia cujuscumque singularis hominis: ita etiam existentia corporis Christi hic, potuit nobis inferri ex alia existentia, utpote alicujus contenti in continente, seu signati in signo, vel testi in tegente.

*Notandum tertio*, corpus Christi videri ut existens in Eucharistia, dupliciter posse intelligi, scilicet secundum sensum specificativum, vel reduplicativum. Per sensum specificativum, significatur corpus Christi existens quidem in Eucharistia videri posse prædicando à modo, quo ibi existit, ita quod ipsum corpus videatur quidem, non tamen secundum modum, quo existit. Per sensum autem reduplicativum significatur idem corpus videri posse, non modo existens in Sacramento, sed etiam secundum modum,

quo ibi existit. Queritur ergo, utrum hoc utroque modo, aut saltem alterutro, Christi D. corpus videri possit in Eucharistia ab oculo tum intellectuali, cum corporali; idque tum glorificato, tum viatore; & tam naturaliter, quam supernaturaliter.

### CONCLUSIO PRIMA.

**C**hristi D. corpus in Eucharistia existens nullo modo moveri potest localiter ab agente creato, tam per se, quam per accidentia: sed ad motum specierum movetur immediatè à Deo. Prima pars, nempe quod non possit per se moveri localiter, communis est apud Theologos, & facile probatur, quia, quod non est propriè in loco, non potest moveri localiter: sed corpus Christi non est in Sacramento, tamquam in loco: igitur &c. Major constat; moveri enim localiter est mutare locum, seu relinquere unum locum, & acquirere alterum: ergo quod non est in loco, non potest moveri per se localiter. Minor etiam patet ex dictis; siquidem Christi D. corpus non est sub speciebus, tamquam in loco circumscriptivo; quippe cum ibi suas dimensiones quantitativas non habeat, neque definitivo, quia ubi definitivum spectat tantum ad substantias spirituales, quæ cum ex natura sua non sine quantæ, & divisibiles, etiam postulant esse naturaliter in loco modo omnino indivisibili: secus est autem de corpore Christi, quod cum ex natura sua sit quantum, etiam postulat habere partes correspondentes partibus loci; unde tantum per miraculum accidit, quod existat sub speciebus ad modum substantiarum spiritualium.

*Secunda pars* autem probatur à subtile Doctore dist. 10. qu. 6. n. 4. Illud tantum movetur per accidentia ad motum alterius, quod est proportionatum virtuti motivæ illius agentis, quod movet ipsum alterum, & quod est cum ipso altero conjunctum naturali quadam necessitate, seu sicut actus est in potentia, seu sicut pars est in toto: Sic enim v. gr. ad motum lapidis movetur per accidentia tum gravitas, tum albedo ejus, quia uterque ista qualitas est proportionata virtuti motivæ illius moventis, quod movet lapidem, ac insuper est conjuncta lapidi naturali quadam necessitate, vel tamquam proprietates, vel tamquam accidentia suo subiecto: Sed si Angelus exhiberet se præteritè voluntariè lapidi, non sequeretur, quod

movens aliquod corporeum (v.g. Petrus) qui quidem moveret ipsum lapidem, moveret consequenter per accidens Angelum: tum quia Angelus non est proportionatus virtuti talis moventis. Tum quia Angelus nullaneceffitate, sed sponte, & voluntariè est unicus lapidi: quofit ut moto ipfo lapide, fi Angelus moveretur, non movebitur per motionem talis moventis, fed per feipfum immediate, qui voluntate continua decernit fe fieri præfentem illi lapidi, quocumque asporteretur, & ubicumque exiftat. At res eodem modo fe habet in propofito, quia nec Chrifti corpus Sacramentaliter exiftens, eft proportionatum virtuti Sacerdotis moventis fpecies, nec eft unicum fpeciebus naturali quadam neceffitate, fed voluntate divina; ergo Chrifti corpus non movetur per accidens ad motum fpecierum, fed immediate à Deo.

*Dices primò:* Quòd movet aliquid per fe, movet per accidens quidquid eft in illo: fed Sacerdotes movent hofiam confecratam: igitur per accidens movent corpus Chrifti, quòd per fe eft in hofia. *Refpondet* Doctor majorem efle falſam, *Nifi*, inquit, intelligatur de illa, quod eft in moto, vel ſicut adus in potentia (ut anima in corpore) vel ſicut pars in toto (ut caput in corpore) vel ſicut aliquid neceffitate naturali conjunctum, ut grave illi, cui innititur (v.g. homo navi, cui infidet, aut cerviſia vaſi, cui impenetrabiliter includitur.) Si enim tantum per adum voluntatis contingenter conjungitur hoc illi, movens illud non propter hoc movebit illud: fed oportet, quòd illa voluntas, quæ eft cauſa conjunctionis, ſit etiam cauſa motionis illius, quod nulla naturali neceffitate conjungitur moto.

*Dices ſecundò:* Si corpus Chrifti non moveretur ad motum fpecierum, ſequeretur, quòd quoties Sacerdos hofiam moveret, toties intercederet novum miraculum, quia illa translatio fieri non poſſet ſubſiſtente veritate Euchariftiæ abſque ſpeciali actione divina, ſed hoc conſequens gratis admittitur: ergo & id unde ſequitur.

*Negat ſequelam Doctor ibidem:* Quia, inquit, Deus ea voluntate, qua inſtituit Euchariftiam in Eccleſia, determinavit facere corpus Chrifti ſemper præſens ſpeciei poſt conſecrationem: & ideo ſpecie manente, qualitercumque transferatur, quòd Deus faciat corpus præſens alia præſentia, loquendo de præſentia reſpectu contingentis,

ſicut ſpecies habet aliam præſentiam, & aliam, ut primò continens, non eſt novum miraculum, ſed antiqua determinatio voluntatis divini, ſicut ſi Angelus determinaret per voluntatem, quòd ſemper ſimul eſſet cum iſto lapide, non dicebatur miraculum, quia transferretur, translato lapide: non tamen transferens lapidem per actionem ſuam transferret Angelum, ſed Angelus voluntate propria fe moveret.

*Dices tertio:* Corpus Chrifti continetur ſub ſpeciebus eo modo, quo continebatur ſubſtantia panis, ſed ſubſtantia panis ita continebatur, ut moveretur per accidens ad motum fpecierum: igitur pariter corpus Chrifti moveri debet ad motum fpecierum. *Confirmatur:* Corpus Chrifti dicitur à Sacerdoubus publicè geſtari in proceſſionibus, deferri ad ægrotos, poſt conſecrationem elevari, & deponi ſuper altare: ſed hæc eſſent falſa, niſi movetur per accidens: igitur cenſendum eſt ita reverà moveri.

*Diſtinguo majorem:* Corpus Chrifti continetur ſub ſpeciebus eo modo, quo panis ſubſtantia, quatenus ita realiter exiſtit ſub ſpeciebus, ſicut iſtis priùs inerat ſubſtantia panis, concedo: quatenus iſpi conveniat id omne, quod competebat ſubſtantiæ panis, nego: Et conceſſa minore, nego conſequentiam; ſicut enim corpus Chrifti non eſt ſubjectum accidentium, quæ iſpi non inhereant, ſicut inhærebant ſubſtantiæ panis, nec eſt in loco, nec per ſe recipit motum localem, ſicut id præſtabat ſubſtantia panis ratione fpecierum; ita nec movetur per accidens ad motum fpecierum, quia videlicet non habet naturalem connexionem cum iſtis ſpeciebus.

*Ad confirmationem, nego minorem:* Utenim hæc omnia vera ſint, non eſt neceſſe, quòd Sacerdos moveat corpus Chrifti per aliquam virtutem, & actionem phyſicam, de qua ſolum hic agitur, ſed ſufficit, quòd id exequatur actione, & virtute morali, ac miniſteriali; quemadmodum ea ſola virtute conſecrat, & Chrifti corpus conſecit.

*Dices quarto:* Major requiritur virtus ad conſtituendum Chrifti D. corpus præſens ſub ſpeciebus Eucharifticiſ, quàm ad illud movendum de loco in locum, ubi jam ſemel ſub eis ſpeciebus realiter exiſtit: ſed ad primum efficiendum ſufficit quæcumque virtus ſupernaturalis; ergo ad præſtandum ſecundum ſufficiet virtus naturalis.

*Reſpondeo negando majorem:* Sicut enim nullum



lum ens creatum potest virtute naturali conferre corpori primam presentiam sacramentalem, ita neque corpori jam habenti unam presentiam sacramentalem potest dare alteram, ut priorem auferat, quia non est minus supernaturalis secunda, quam prima, & quod prima præcesserit, nihil refert, quia nec dedit corpori naturalem aptitudinem ad similem presentie modum, neque auxit virtutem cause agentis, nec minuit perfectionem, aut difficultatem effectus: nam ipsamet presentia prior appetit suam conservationem, & suo modo resistit formaliter alteri presentie sibi incompossibili.

## CONCLUSIO SECUNDA.

**I**n intellectu hominis viatoris non potest naturaliter videre corpus Christi existens in Eucharistia; id vero potest intellectus Angelus, vel hominis beati, sive solutus a corpore, sive ei conjunctus. Utraque pars est Doctoris dist. 10. q. 7. quatum primam sic probat: Intellectus, qui non intelligit nisi ex sensibilibus, eodem modo intelligit, quando sensibilia eodem modo permanent, neque variantur: sed intellectus noster pro statu viæ est ejusmodi, & accidentia sensibilia sunt ei eodem modo presentia, & omnino invariata, postquam corpus Christi jam est præsens, sicut erant antequam illud esset præsens; ac subinde objectum eodem modo intelligit: sed prius quam Christus esset sub accidentibus panis, & vini, intellectus noster, videndo ejusmodi species, non videbat intuitivè ibi corpus Christi; quia reverà ibi nondum erat: ergo cum species eodem modo remaneant ante, & post consecrationem, sub eis intellectus hominis viatoris deprehendere non poterit corpus Christi.

Secundam partem probat Doctor, n. 7. nempe quod intellectus sive Angelicus, sive animæ separata, sive hominis beati possit videre naturaliter existentiam corporis Christi in Eucharistia: Quia intellectus, inquit, se habens ad intelligibilia, sicut ipsa sunt intelligibilia, prius intelligit illud, quod prius est intelligibile in se, & per consequens, quod est prius in se ens; quia unumquodque sicut se habet ad esse, ita ad veritatem, id est intelligibilitatem secundum se, inquit Aristoteles 2. Metaph. Intellectus autem talis, nempe Angelicus, vel separatus respicit totum ens, &

quodcumque secundum ordinem suæ intelligibilitatis; substantia autem est prior, sicut in entitate, sic in cognoscibilitate quocumque modo ipsius intelligentie: ergo talis intellectus prius intelligit ipsam substantiam, quam quemcumque modum ejus; & per consequens nullus modus, sub quo est substantia, potest impedire intellectionem substantiæ à tali intellectu. Ita Doctor.

Brevius autem hanc rationem sic constituit: Modus accidentaliter per se objecti, non impedit cognitionem illius objecti: sed ista presentia in Eucharistia est modus accidentaliter substantiæ corporis Christi: ergo non impedit substantiam illam cognosci ab intellectu, cujus ipsa est per se objectum; est autem per se objectum istius intellectus abstracti, qui non dependet in intelligendo à sensibilibus: igitur &c.

Confirmatur. Quia si quid obesset, quominus corpus Christi, quatenus in Eucharistia existens, videri posset ab ejusmodi intellectu, maxime quia illius existentia est supernaturalis quoad modum: sed hæc ratio nulla est; siquidem supernaturalitas entis, etiam quoad entitatem, non impedit, quominus illud sit visibile ab intellectu Angelico, vel humano beato, idque quantum ad cognitionem, tam abstractivam, quam intuitivam: igitur &c. Minorem probat Doctor, n. 9. Si quid obesset, quominus ens supernaturaliter videri posset à tali intellectu: sed hæc ratio nulla est; nam, inquit Doctor, imperfectum ens posset esse supernaturale, & naturale aliquod posset esse perfectius eo; nam omnis substantia est perfectior omni accidente ex 7. Metaph. & tamen alicui substantiæ, quæ est ens naturale, potest inesse aliud, quod accidens supernaturale.

Confirmatur Doctor, quia virtutes Theologice, ut charitas, & ejusmodi, sunt in determinata specie qualitatis; & secundum multos Angelus habet naturaliter principia cognoscendi istas virtutes, licet sint entia supernaturalia, non tantum in modo, sed etiam in substantia, & specie physica, seu quatenus sunt virtutes in entitate à cæteris distinctæ, ut probavimus agendo de istis virtutibus: igitur &c.

*Dices 1.* Facibile supernaturale non est naturaliter facibile: ergo cognoscibile supernaturale non est naturaliter cognoscibile.

*Distinguit consequens Doctor*, n. 12. Si supernaturale, inquit, ubique per se determinat illud, cui additur; potest concedi consequentia, sicut etiam antecedens, & tunc minor est falsa, quod ista scilicet existentia sit cognoscibile supernaturale, idest, numquam adæquatè per vires naturales cognoscibile. Si autem supernaturale non determinat per se illud, cui additur, sed quoddam aliud implicitum utpote ens, consequentia non valet; quia in antecedente per se determinat ipsum sub ratione facibilis, & ideo repugnat ei hoc, quod est fieri naturaliter; in consequente verò non determinat cognoscibile sub fieri, & ideo non repugnat ei cognosci naturaliter.

*Dices 2.* De existentia Christi in Sacramento habemus fidem; igitur habere non possumus cognitionem naturalem intuitivam. Consequentia patet; quia cognitio fidei est eminentior omni cognitione naturali.

*Respondet primò*, distinguendo antecedens: habemus fidem pro hoc statu viz, in quo non possumus huiusmodi existentiam corporis Christi intuitivè cognoscere quia, ut sic intellectus in intelligendo dependet à phantasmatibus, concedo: pro statu patriæ, quando intellectus omnino liber est in intelligendo ab huiusmodi sensibilibus, nego: *Adde quòd* de eodem subiecto possit haberi cognitio naturalis, & fides; nam fide credimus Deum existere, cuius tamen existentiam naturaliter novimus.

*Ad probationem consequentiæ respondet Doctor*, n. 12. quod hæc propositio est falsa, scilicet, (quodcumque cognitur per fidem excellit quodcumque cognoscibile naturaliter,) loquendo de cognoscibili ab intellectu abstracto..... quia Angeli intuitivè poterant naturaliter cognoscere Christum pati, & mori, sicut poterant naturaliter cognoscere ipsum vivere vitam humanam; nos autem de illa morte habemus cognitionem fidei; nulla autem cognitio intuitiva (in ratione corporis præcisè) multò perfectior est nostra ænigmatica, & de eodem subiecto. Ita dico de existentia corporis Christi in Eucharistia, *Hæc Doctor*.

*Dices 3.* Si existentia Christi in Eucharistia posset deprehendi ab intellectu Angelico, consequens esset, quod demones possent hoc mysterium cognoscere, quia secundum S. Dionysium 4. de divinis nominibus, in demonibus naturalia remanserunt integra, sed hoc consequens videtur falsum; non enim conveniens est, quod inimici gratiæ possint cognoscere Sacramentum gratiæ: igitur hæc existentia non est naturaliter cognoscibilis ab Angelo.

*Respondet Doctor ibidem*, quod si demones permittuntur à Deo uti sua naturali potentia cognitiva possunt intelligere quodcumque intelligibile causatum, & per consequens possunt intelligere cogitationes cordium, & mysteria gratiæ, ex quo posita sunt in effectu: sed sicut dicit Magister l. 2. dist. 2, multa possunt esse natura sua, quæ non permittuntur eis; & ita supponitur, quod non permittitur Angelo malo videre secretum cordis: Et hoc modo, & non alio, posita videri corpus Christi in Eucharistia: sic ergo supponitur, quod non permittitur videre mysteria gratiæ.

Pari ratione Doctor exponit auctoritatem SS. Ambrosii, & Damasceni, quas sibi n. 2. pro negante parte obicerat: auctoritatem quidem S. Ambrosii dicentis in 1. cap. Lucæ, quod malignum spiritum latuerit mysterium Incarnationis; exponit, inquam, Doctor de mysterio Incarnationis: Non absolutè, inquit, siquidem quilibet Angelus malus posset videre, vel cognoscere integritatem Mariæ, tam in mente, quam in carne, æquè sicut posset cognoscere tactum digiti ad digitum vel aliam intellectus naturalem alicujus intellectus, sed non fuit permittitur propter certas causas, ne impediretur Redemptio nostra: Si enim cognovissent, idest, numquam me redimi ejus morte procurassent.

Ad Damascenum lib. 4. cap. 14. dicentem de hoc Sacramento: Spiritus operatio ea, quæ naturam superant, efficit, quæque nisi sola fide capi, atque intelligi nequeunt. Et paulò post: Tu quoque nunc quæris, quomodo panis corpus Christi, in unum cum aqua conjunctum sanguis Christi fiat? Tibi item respondeo, Spiritus sanctus supervenit, eaque efficit, quæ rationis facultatem, ac mentis intelligentiam excedunt: Respondet Doctor eum loqui de nobis pro statu isto, vel si etiam de Angelo, non potest esse verum de naturali

potentia intellectus Angelici, sed tantum de potentia Angeli ut permitti, & hoc de malo Angelo. Ita Doctor n. 13.

*Quod si iteratò objiciat:* Nullus intellectus creatus potest cognoscere futurum contingens: corpus Christi esse sub Eucharistia est æquè indeterminatum, sicut futurum contingens, quia dependet merè à voluntate divina, ad hoc contingenter se habente: ergo &c.

*Respondet continuò Doctor supra:* Quod contingens, dum est contingens, scilicet dum est in causa sua, non potest sciri ab intellectu creato, sed quantumcumque aliquid contingenter sit in causa sua, postquam tamen contingenter positum est in esse, sicut jam habet determinatam entitatem, ita etiam potest habere determinatam cognoscibilitatem, & hoc in quocumque intellectu respiciente totum ens: licet ergo aliquis intellectus non possit præscire, quod in illa hostia continebitur corpus Christi: tamen ex quo illud factum est, bene potest intellectus naturaliter inquiri corpus Christi ibi existens.

*Dices tandem:* Intellectus Angelicus, vel separatus nihil videt naturaliter, nisi per species congenitas; nullas enim potest à rebus accipere, sed intellectus ille non potest habere species congenitas de existentia corporis Christi modo Sacramentali; hoc enim mysterium est omnino contingens, ut statim dictum est: igitur nec potest illam naturaliter videre.

*Nego majorem:* Nam, ut diximus in 2. volumine, cum Angelus, & anima separata habeant intellectum agentem, & possibilem, utriusque ope, & beneficio possunt novas species ab objectis depromere, & eudere, quarum beneficio hujusmodi objecta videant, & intelligant, ut expressè docet Doctor in 2. dist. 3. qu. 11. n. 4. Unde n. 5. concludit, quod etsi Christus D. omnia viderit in Verbo ab instanti suæ Conceptionis, attamen cum habuerit intellectum agentem, & possibilem, potuit novas cognitiones acquirere circa objecta singularia: Patet, inquit, in Christo, qui, licet omnia viderit in Verbo ab instanti suæ Conceptionis in utero Virginis, tamen fuit in eo intellectus agens, & possibilis, alias non fuisset perfectus, & eodem modo si vidisset omnia in genere proprio, habuisset intellectum agentem, & possibilem. Ideo similiter, posito, quod Angelus spe-

*Erassen Thew. Tom. XI.*

cies omnium receperit ab instanti suæ creationis, & non possit non esse in actu, cum sit præventus ab agente superiori, tamen est perfectionis naturalis suæ, quod habet potentiam, qua possit in operationem suam, si non esset præventus à superiori agente.

### CONCLUSIO TERTIA.

**C**orpus Christi in Eucharistia non potest videri naturaliter ab oculo corporeo: imò neque divinius, si particula, ut existens, sumatur reduplicatè. Hæc conclusio quoad utramque partem videtur communior, & certior, quarum prima faciliè probatur: Tum quia Christi corpus ut existens in Eucharistia, non potest approximari organo visus localiter, quippe cum ibi localiter non existat, sed sine tali approximatione videri non potest. Nam, ut videatur, debet immutare organum facultatis sensitivæ, non potest autem illud immutare, nisi ipsi localiter approximetur: igitur &c. Tum quia, inquit Doctor qu. 9. n. 1. Quidquid videtur sub pyramide, cujus basis est in re visa, & conus in oculo: ergo corpus Christi videretur sub tali pyramide, sed dari non potest basis pyramidis, sub qua corpus Christi videatur, quia illa esset simul cum base pyramidis, sub qua videretur hostia; nam ubique est corpus cum hostia, & tunc corpus Christi, & hostia simul viderentur sub æquali angulo correspondenti, sed quæ videntur sub eodem angulo videntur æqualia: ergo corpus Christi videretur æquale speciei; sequeretur etiam, quod corpus Christi videretur ut rotundum, quia basis, sub qua videtur species, est rotunda.

*Secundam partem* sic probat idem Doctor ibidem n. 5. Secundò dico, quod nulla visio etiam sic causata posset esse corporis, ut hic primò; quia hæc includeret corpus ut hic, vel esse causam primò visionis, vel esse proprium, & primum terminum visionis, sed corpus ut hic neque potest causare primò, neque terminare primò, quia tam causatio, quam terminatio talis requirit in objecto primo causante, vel terminante dispositionem debitam, & hoc secundum locum, utpote approximationem, & distantiam debitam, sed corpus illud ut hic non potest debite approximari organo, vel di-

stare debere, quia non est in loco ut hic, nec miraculum ad hoc juvat, quia corpus ut hic absolute non est visibile, nec ut causativum visionis, nec ut terminativum: miraculum autem non est ad illud, quod includit contradictionem. Simili modo loquitur in *Reportis* (Coloniz impressis) 4. dist. 10. qu. 9. n. 8. Dico, quod nec oculus, nec sensus glorificatus, nec non glorificatus, nec per miraculum, nec naturaliter potest videre Christum in Altari. *Rationem subiicit*: Quia obiectum terminativum visionis, quod immutat potentiam, est in loco determinato, quomodo non est corpus Christi in Eucharistia. Unde non potest Deus facere, quod corpus, ut non dimensivè, vel ut non in loco, sit visibile, neque quod ut sic manens terminet, vel immutet visum. Sed bene potest facere, quod istud videatur non sic manens, sed non simul utrumque. Quibus verbis luculentissime, ut sic loquar, negat omnipotentis productionem visionis sensitivæ corporis Christi, prout est in Eucharistia, saltem reduplicativè, imò fortè etiam specificativè, ut advertit Hiquæz in suo Commentario ad illum locum n. 31. Quod probabile esse docet Suarez disp. 33. sect. 4. concl. 2.

De cætero tota ratio Doctoris nostri, ob quam negat simpliciter oculum corporeum posse cernere Christum, prout est in Sacramento, videtur in hoc consistere, quod tam operatio, quam tendentia potentis sit extensa, & non secundum aliquod punctum indivisibile, adeoque minime possit in aliquod indivisibile tendere, præsertim si careat debita approximatione, & distantia secundum locum.

*Dicit* inde scqui, quod Beatus possit decipi credendo in Eucharistia esse substantiam panis.

*Respondet* 4. dist. 10. qu. 9. num. 6. Quod sensus etiam noster non decipitur circa Eucharistiam; quod enim percipit per se, hoc est ibi, scilicet quantitas, figura, color, & huiusmodi, nec est possibile modo, quod circa Eucharistiam decipiatur visus noster, sed tantum intellectus, arguens de his, quæ sensus apprehendit, quod ibi est substantia panis. Hoc autem argumentum est sophisticum, licet enim hoc eveniat, ut in pluribus, non tamen necessario, sanè in Beato cynire potest,

utpote qui, ut dictum est conclusionem præcedenti, clarè videt per intellectum independentem pro illo statu à phantasmate, absentiam panis, & præsentiam corporis.

*Inflabit*: Lux si esset punctualis, videretur, vel esset visibilis: tum quia sphericè se diffunderet, tum quia reflexio sit à solo puncto corporis reflectentis, & tamen illud videtur, à quo fit reflexio.

*Respondet Doctor supra* n. 7. Quod lumen punctuale non multiplicaret se ad organum corporale, ita quod esset visibile secundum communem opinionem, quæ dicit, quod non est possibile indivisibile moveri ex 6. *Physicæ*. sed hoc discussum est in 2. lib. dist. 2. de motu Angel: ubi autem num. 36. usque ad 40. probat indivisibile posse moveri. Et cum probas, *prosequitur Doctor*, quod sphericè se multiplicaret, negandum esset secundum istam viam; imò prius oportet, quod ipsum haberet in se indivisibilitatem quantitativam, quam ageret in quantum passum.

*Ad secundam probationem de reflexione luminis*: Non cogit, inquit, quia in illa reflexione primum agens non est illa lux punctualis, quæ tangit corpus, à quo fit inflexio (si tamen lux punctualis esset ibi) sed est ipsum primum obiectum, à quo multiplicatur illa lux: idem enim agit in visione recta, reflexa, & fracta. Unde punctus tangens superficiem speculi non multiplicat radium reflexum, sed primum luminis, quod usque ad speculum multiplicat lumen suum, illud etiam immediate in ratione causæ multiplicat radium reflexum. *Rationem attingit*: Quia agens naturale, ex quo agit secundum ultimum suæ potentis, quando impeditur agere secundum illam lineam, quæ est maximè conveniens actioni naturali, putà rectam, quæ est brevissima, agit secundum eam, secundum quam potest, scilicet secundum lineam reflexam. Et hæc est ratio, quare non videtur in speculo imago ipsa corporis multiplicata usque ad speculum, sed ipsum corpus, cuius est imago.

## ARTICULUS TERTIUS.

*De Ministris, Susceptoribus, & Effectibus  
Sacramenti Eucharistiæ.*

POST dissolutos, ac partim disiectos omnes difficultatum nodos, quibus hæretici nedum, sed etiam Scholastici Doctores Catholici hunc Tractatum implicare solent, ac obnubilare; explicatu, & conceptu longè faciliorem materiam (quæ agitata superest) auspicamur tribus in sequentibus Sectionibus declarandam, quarum *prima* aperiet, quis sit legitimus hujus Sacramenti Minister: *Secunda*, quis & qualis esse debeat illius Susceptor: *Tertia*, quinam sint præcipui illius Effectus.

## SECTIO PRIMA.

*De Ministro Eucharistiæ.*

CUM hoc Sacramentum, ut ex dictis liquet, sit permanens, ac jugiter post consecrationem perseverans, in eoque essentia ab usu distinguatur, duplex est ejus Minister. Alter conficiens, cujus potestas, & ministerium maximè versatur in consecranda materia, & conficiendo hoc divino Sacramento: alter tantum dispensans, qui prius consecratam materiam, & consecratum Sacramentum distribuit. De utroque autem in hac Sectione differendum est: utrum videlicet hujus Sacramenti consecratio, & dispensatio soli, & omni Sacerdoti novæ legis conveniant, quod utique præstabitur in duabus sequentibus Questionibus.

## QUÆSTIO PRIMA.

*Utrum consecratio hujus Sacramenti ita sit propria, ac peculiaris Sacerdotibus novæ legis, ut à nullo alio etiam in casu necessitatis fieri possit.*

**N**otandum *primò*, cum inter ceteros fuisset *Voiclessi* errorem, ut refert *Vvaldensis* tom. 2. cap. 24. ut hæreticus ille existimaret Ministerium proprium, & ordinarium hujus Sacramenti esse quidem Sacerdotem; verum ubi absente Sacerdote conficiendæ Eucharistiæ urgeret necessitas, quemlibet Laicum ad hoc ministerium posse evocari.

Eundem errorem pridem sepultum, & extinctum denuò suscitavit *Luisberus*, qui lib. de captivitate Babylonica cap. de Ordine, aperte docet, in casu necessitatis quemlibet Christianum virtute solius Baptismi absque alia ordinatione posse Eucharistiæ consecrari, & institutos tantum fuisse Ministros ad removendam confusionem oriundam inter fideles, si unusquisque pro libito hoc mysterium consecrari attentasset. Unde lib. de instituendis Ministris Ecclesiæ audenter pronuntiat: Dicimus, *inquit*, hoc officium consecrandi esse omnibus commune, atque Sacerdotibus, idque non nostra, sed Christi asserimus auctoritate, dicentis in cœna novissima: Hoc facite, in meam commemorationem. Idipsum docet Calvinus lib. 4. Instit. cap. 17.

*Notandum secundo*, certum esse ex dictis de Sacramentis in communi, quemlibet Sacerdotem, quantumvis pravum, & corruptis moribus, posse valide Eucharistiæ consecrare, sicut & alia Sacramenta ministrare, & conficere: quippe cum hæc consecratio fiat auctoritate, & verbis Christi: Sicut enim, inquit Magister sentent. dist. 13. ipse est, qui baptizat, ita ipse est, qui per Spiritum sanctum suam efficit carnem, & sanguinem; unde S. Gregorius: *Putant quidam communionem corporis minus esse sanctificatam, si illorum fiat officio, quorum vita eorum oculis videtur ignobilis. Hæ! inquam magnum laqueum incidunt, ut divina, & occultissima mysteria plus ab aliis sanctificata possint fieri credant: cum unus, idemque Spiritus sanctus in tota Ecclesia invisibiliter ea mysteria, & operando sanctificet, & sanctificando benedicat.* Verum difficultas est de Sacerdote hæretico, schismatico, & degradato.

*Notandum tertio*, eam fuisse doctrinam Magistri sentent. quod Sacerdos hæreticus, schismaticus, & degradatus non haberet amplius potestatem consecrandæ Eucharistiæ: quia, inquit dist. 13. nemo dicit in ipsa consecratione offerre, sed offerimus, quasi ex persona Ecclesiæ, & Ideo cum alia sacramenta extra Ecclesiam possint celebrari, de hoc non videtur: Verum hæc doctrina ab omnibus Theologis respuitur, maximè à Doctore subtili, ut patet infra.

## CONCLUSIO PRIMA.

**S**olius est Sacerdotis novæ legis Eucharistiæ consecrari, & consecrare. Hæc est de si-

de determinata in Concilio Lateranensi sub Innocentio III. & refertur cap. *Firmiter*, his verbis: *Hoc utique Sacramentum nemo potest conficere, nisi Sacerdos, qui rite fuit ordinatus secundum claves Ecclesie, quas concessit Apostolus, eorumque Successoribus Jesus Christus*. Idipsum docuerat Concilium Nicænum can. 14. ubi correpturum abusum Diaconorum, qui alicubi Eucharistiam Sacerdotibus porrigebant, hanc rationem proferunt: *Hæc neque regula, neque consuetudo tradidit, ut si qui offerendi sacrificii non habent potestatem, his, qui offerunt corpus Christi, porrigant*. Sed clarissime omnium Tridentinum scis. 22. cap. 1. *Christus, inquit, Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis, & vini Deo Patri obtulit, ac sub eorumdem rerum symbolis Apostolis, quos tunc novi Testamenti Sacerdotes constituebat, ut sumerent, tradidit, & eisdem, eorumque in Sacerdotio Successoribus, ut offerrent præcepit per hæc verba: Hoc facite in memam commemorationem, uti semper Catholica Ecclesia intellexit, & docuit*. Quod & can. 2. repetit: oppositum sentientes anathemate percussit.

*Idem docent SS. Patres*, maxime S. Hieronymus dialog. adversus Luciferianos, ubi de quodam Hilario schismatico dicit, quod Eucharistiam non potuerit conficere, quia Diaconus tantum erat. Idem pariter affirmat S. Chrysostomus lib. de Sacerdotio, maxime verò secundo, ubi Sacerdotum dignitatem super Angelicam evahit: *Quia, inquit, per Sacerdotes Christum induimus, per ipsos membra beati ipsius capitis efficitur*. Unde infert quæritur sit dignitatis munus, quod tametsi agitur in terra, ecclesiasticis tamen negotiis contineatur, *Non homo, addit, non Angelus, non aliqua alia creatura, non Virtus, sed ipse Spiritus sanctus hoc munus instituit, atque adhuc manentes in carne mysteria fungi præstitit Angelorum*. Quomodo ergo nobis ipsi non, solum reverendi magis quam Reges, aut Judices, sed etiam nobis magis erunt honorabiles, quam Parentes? Ergo Sacerdos ab aliis segregatur, unde ei soli in ordinatione dicitur: *Accipe potestatem offerendi in Ecclesia Sacrificium tam pro vivis, quam pro defunctis*.

Hanc autem Conclusionem, & veritatem sic exponit, & declarat Doctor, *dist. 13. qu. 2. nu. 3.* ubi loquens de potestate ministrandi ad consecrandum, ait: Loquendo de

posse simpliciter, nihil requiritur ultra materiam debitam, de qua dictum est in fine *dist. 11.* nisi Minister debitus, ad quem requiruntur tres conditiones, scilicet quod sit Sacerdos, quod possit proferre verba consecrationis, & quod possit habere intentionem debitam faciendi, scilicet quod intendit Ecclesia facere. Secunda conditio, & tertia, sunt communes hic, & in ministrante alia Sacramenta: Propter defectum secundæ, non potest mutus conficere. Propter defectum tertiæ, carens usu rationis non potest conficere. Ex eodem modo de baptizando, & conferendo quæcumque alia Sacramenta. Sed prima conditio est hic propria, scilicet quod solus Sacerdos potest, & quilibet potest, cui possunt competere ille duæ conditiones, scilicet prolatio, & intentio. Quod solus, probatur per illud Extra. de summa Trinit. & fid. Cath. ubi dicitur: *Hoc Sacramentum nemo potest conficere, nisi Sacerdos, qui fuerit ordinatus secundum claves Ecclesie*.

Sed unde accipit Ecclesia fundamentum illius sententiæ? Respondet, ex illo verbo Christi: *Hæc quoviscumque feceritis, &c.* Ubiloquitur Apostolis, vel ad minus, non nisi Discipulis, quibus in Ecclesia non succedunt, nisi Sacerdotes: Apostolis succedunt Episcopi: Discipulis Presbyteri, ut habetur *dist. 21. In novo Testamento*. Habetur idem etiam ex illa sententia Pauli 1. ad Corinth. cap. 10. *Panis, quem frangimus, nunc communicatio corporis Domini est? Quem frangimus nos, inquit, SS. scilicet Apostoli, & Discipuli ejus*. Si enim quilibet fidelis posset conficere, non oporteret aliquem alium alii frangere, sed quilibet posset de suo sacrificio communicare.

Aliam rationem subjicit Seraphicus Doctor, *dist. 13. art. 1. qu. 2.* nempe quod Sacramentum illud, inquit, quod magna reverentia habendum fuit, specialibus personis commissum est, & committi debuit, aut ergo ratione sanctitatis, aut ratione auctoritatis. Si sanctitatis, ut dicitur hæretici, tunc ergo nemo est certus, utrum conficiat, & salus nostra pendet ex aliena bonitate. Si auctoritatis, & auctoritas potest tam bonis, quam malis concedi; & hanc vocamus Ordinem Sacerdotii, constat ergo, quod illi soli possunt.

*Probant alii, ex eo quòd ille solus est Eucharistiæ conficiendæ Minister, cujus est in nova lege religionis sacrificium offerre, nam, ut dicemus in appendice de sacrificio Missæ, Eucharistiâ sacrificando conficitur, & conficiendo sacrificatur, atqui non omnes promiscuè fideles potestatem habent sacrificandi, sed hoc munus ad solos Sacerdotes pertinet: Tum quia, ut docet Apostolus ad Hebr. 5. Omnis Pontifex ex hominibus assumptus pro hominibus constituitur in iis, quæ sunt ad Deum, ut offerat dona, & sacrificia pro peccatis: Tum quia Sacerdos constituitur medius inter Deum, & hominem; nam, inquit S. Chrysostomus lib. 2. de Sacerdotio: Per Sacerdotes Christum induimus, per ipsos Dei Filio coniungimur, per ipsos membra beati ipsius capitis efficiuntur. Tum quia hoc perpetua, ac constans confirmat Ecclesiæ Traditio, quam luculenter exhibet Tertullianus lib. de corona militis c. 3. ubi scribit: Eucharistiâ sacramentum, & in tempore visus, & omnibus mandatum à Domino, etiam antelucanis astibus, nec de aliorum manu, quàm Præsidentium sumimus. Unde lib. de præscriptionibus adversus hæreticos ca. 41. eos carpit, quod Sacerdotalia, & Episcopalia munera Laicis promiscuè concedant. Alius, inquit, bodie Episcopus, cras alius, bodie Diaconus, qui cras Lector, bodie Presbyter, qui cras Laicus, nam & Laici Sacerdotalia munera iniungunt. Ei præverat Iustinus Martyr apolog. 2. Præsidentem verò, inquit, postquam gratiarum actionem perfecit, & populus univ ersus appreciatione læta eam approbavit, qui apud nos vocantur Diaconi, atque Ministri, distribuunt unicuique præsentium, ut participet eum, in quo gratiæ adæ sunt, panem, vinum, & aquam, & ad absentes perferunt. Porro alimentum hoc apud nos vocatur Eucharistiâ, &c.*

*Confirmatur ex antiqua praxi Ecclesiæ, qua licebat fidelibus Eucharistiâ domum asportare; si enim fidelium quisque habuisset potestatem conficiendæ Eucharistiæ, necesse non fuisset, quòd de ea in Conventibus Ecclesiasticis accepta domum deportanda tantoperè fuissent solliciti, cum eorum quilibet illam momento conficere poruisset.*

*Obijciunt hæretici nonnullas Scripturæ sacræ autoritates, quibus probare nituntur, omnes baptizatos revera Sacerdotes esse, & Sacerdotale munus exercendi potestatem*

*habere. Sic 1. Petri 2. S. Apostolus fideles omnes alloquens, ait: Vos estis genus electum, regale Sacerdotium. Et Apocal. 1. de Christo dicitur: sicut nos regnum, & Sacerdotes Deo, & Patri suo. Et cap. 5. fecisti nos Deo nostro regnum, & Sacerdotes. Unde Tertullianus in exhortatione ad Castitatem ca. 7. scribit: Nonne & Laici Sacerdotes sumus? scriptum est, regnum quoque nos & Sacerdotes Deo, & Patri suo fecit. Differentiam inter Ordinem, & plebem constituit Ecclesiæ auctoritas, & honor per Ordinis conjugium sanctificatus à Deo, ubi Ecclesiastici Ordinis est confessio, & offert, & tingit Sacerdos, qui est ibi solus. Sed & ubi tres, & Ecclesiâ est, licet Laici. Unusquisque enim de sua fide vivit. Et paulò post: Igitur si habes ius Sacerdotis in temetipso, ubi necesse est, habeas, oportet etiam disciplinam Sacerdotis necesse sit ius habere Sacerdotis. Igitur quisque fidelis revera Sacerdos censeri potest, & habet ius consecrandæ hostiæ, ubi selecti Sacerdotes non adsunt.*

*Respondeo ad præfatos Scripturæ textus, eos esse intelligendos de Sacerdotio in laxiori usurpatione accepto, videlicet pro facultate offerendi Deo sacrificium bonorum operum: Hinc S. Petrus immediatè ante præfata verba hortatur fideles ad deponendam omnem malitiam, & omnem dolum, & ad amplectendam vitam innocentem, quales decet filios Dei adoptivos recens in Christo genitos.*

*Pari modo accipiendi sunt textus Apocal. nam ibi eo modo Christiani dicuntur Sacerdotes, quo Reges, dicuntur autem Reges dumtaxat secundum mysticam, & moralem significationem, quatenus videlicet dum concupiscentias frangent, & passionum æstus moderantur, suis desideriis dominantur: igitur pari ratione dicuntur Sacerdotes, dum orationibus ad Deum suis, sanctis operibus jugiter Deo oblati, Deo offerunt sacrificium iustitiæ, & sanctimonie. De quo prælatè sanctus Chrysostomus ferm. 18. In odorem thymiani semper orationis accende, arripe gladium Spiritus, alia re cor tuum pone, & sic corpus tuum admove Dei securi ad victimam. Deus fidem, non mortem queris, votum, non sanguinem sinit, placatur voluntate, non nec. Et infra expendens illud Apostoli: Ut exhibeatis corpora vestra hostiam viventem: scribit: Apostolus sic rogando omnes homines ad*

*Sacerdotale fastigium provexit . O inauditum Christiani Pontificatus officium ! quando homo sibi ipse est hostia, & Sacerdos, quando hostia nascitur & vivit, & Sacerdos nescit occidere, quilibet . Mirum sacrificium, ubi corpus sine corpore, ubi sine sanguine sanguis offertur, in tali víctima mori expenditur, hostia permanet, vivit hostia, mori punitur . Eodem modo intelligendus est Tertullianus, non enim loquitur de sacrificio propriè dicto, nec de Sacerdotio consecrationis, sed de sacrificio orationis, Pœnitentiæ, & elemosinarum, in quo unusquisque Christianus Sacerdos est . Quod autem ea fuerit mens Tertulliani, inde liquet, quia Sacerdotium, & jus offerendi, de quo loquitur, fundat in fide, dicens ; *Unusquisque de sua fide vivit* ; cum autem fides æquè reperitur in mulieribus baptizatis, ac in viris, sequeretur illas esse propriè Sacerdotes, & habere jus consecrandi, quod à doctrina Tertulliani prorsus alienum est ; scribit enim lib. de velandis virginibus c. 9. *Non permittitur mulieri in Ecclesia loqui, sed nec docere, nec tingere, nec ullius virilis muneri, nedum Sacerdotalis officii sortem sibi vindicare . Adde quod Tertullianus ibi loquitur de Sacerdotio, non quod reverà habeatur, sed quod haberi possit, si quis videlicet Laicus in Sacerdotem eligatur, & per Ordinem gradus ad Sacerdotium promoveatur . Scopus enim ejus in eo libro est damnare, ac proscribere secundas nuptias, & hoc argumento utitur : Bigami non possunt esse Sacerdotes, nec Sacerdotes possunt esse Bigami, sed Laici, qui jam sunt Sacerdotes improprie dicti per Baptismum, & per Ecclesiæ ordinationem possunt promoveri ad verum Sacerdotium, sunt virtute Sacerdotes, ergo non debent esse bigami, quia Ecclesia bigamos à Sacerdotio removet . Unde cum scripsit . *Ugitur si habes jus Sacerdotis in semetipso, ubi necesse est, habebas, &c.* Statim subdit : *Dicam, omnes nos Deus ita voluit dispositos esse, ut ubique sanctiones ejus obediunt sibi disciplina, atque adeo nisi Laici observent, per que Presbyteri adlegantur, quomodo erunt Presbyteri, qui de Laicis adlegantur ?***

*Urgent heretici : Illi omnes habent facultatem consecrandi, ad quos Christus D. Eucharistiam instituendo, hæc verba direxit : Hoc facite in meam commemorationem .* Sed ea direxit non solum ad Apostolos, & Sacerdotes, sed etiam ad omnes fideles, qui quoties panem Eucharisti-

cum sumunt, toties mortem Domini annuntiant, igitur, &c.

*Nego minorem :* Nam, ut suprà notabat Concilium Tridentinum solis Apostolis, & eorum in Sacerdotio successoribus ea verba dicta fuisse, ac per illa potestatem consecrandi fuisse factam semper Catholica Ecclesia intellexit, & docuit .

*Instant iterum :* Ecclesia non semper docuit, hanc facultatem consecrandi solis Presbyteris esse factam, si probaverit consecrationem factam à Laicis, ut legitimum, & validam, sed ita esse probant . *Primo* ex Theodoro lib. 2. historię Ecclesiasticę ca. 23. ubi narrat, quod Frumentius, cum juvenis in India commoraretur, Christianos mercatores Romanos illuc appulso ad celebranda divina mysteria, seu Liturgias invitavit : ipse autem non erat Sacerdos, sed Laicus, igitur, &c. *Secundò*, legimus in Actis S. Petronillæ, quod ipsa celebritatis Dominicæ oblationis mysteriis, & Eucharistia refecta, mortem objerit . *Tertiò*, in Prato spiritali c. 25. narratur, quod cum Monachus Laicus super panes, quos secum habebat, verba consecrationis pronuntiasset, addixit Angelus visibili forma, qui panes revera consecratos declaravit, igitur, &c.

*Nego minorem :* Et ad primam ejus probationem dico, Frumentium, qui narrat Rufinus lib. 1. cap. 9. cum mercatoribus illis tantum preces, Psalmos, & alia pietatis officia celebrasse, nec aliud habent Nycephorus, & Sozomenus, qui eandem historiam referunt . Quod si ejusmodi actionem, Liturgiam nominavit Theodoretus, dico eum Liturgiæ nomen in latiori acceptione usurpasse, quatenus complectitur preces, & orationes, quæ inter celebranda sacrosancta mysteria referri solent, ac recitari, omisissis verbis consecrationis, quæ ratione Missæ nautica solitò dicitur Liturgia : Quia recitantur in ea omnes preces, quæ in Missa communi proferuntur, demptis verbis consecratoriis . Quod si velis Theodoretum intelligendum de Liturgia propriè dicta ; dico id equidem fortè verum esse, quia Frumentius ille tunc temporis potuit esse Sacerdos, cum postmodum fuerit à S. Athanasio ordinatus in Episcopum Indorum . *Adde quod* illi mercatores potuerunt habere secum unum Sacerdotem tantæ peregrinationis comitem, ut fieri solet à Catholicis in remotissimas regiones navigantibus .

*Ad factum S. Petronillæ dico,* in ipsius Actis

NON



non haberi distinctè, quòd ipsa celebraverit divina mysteria, sed quòd spiritum emiserit celebratis mysteriis fortè ab aliquo Sacerdote, qui eam inviserat in carcere, ut fieri solebat tunc temporis. In primitiva namque Ecclesia Sacerdotibus solemne erat ad Christianos in carcere, ergastulisque detentos convenire, quò afflictis solatium, angustias auxilia, certantibus verbi, & Eucharistiæ potissimum robur conferrent, ut in Cypriani operibus passim legere est. Sufficiens hæc ex lib. 1. epist. 2. *Quomodo docemus, aut provocamus eos in Confessione nominis sanguinem suum fundere, si eis militaturis sanguinem Domini denegamus? Venientibus communicatio à nobis danda est, ut quos excitamus, & hortamur ad prælium, non inermes, & nudos relinquamus, sed protectione corporis, & sanguinis Christi muniamus.* Cùm ad hoc fiat Eucharistia, ut possit accipientibus esse tutela, quos tutos esse contra adversarium volumus, munimento Dominica saturitatis armamus.

Ad tertium, dico primò dubiam esse veritatem historiz, quam falsam aliqui subodorantur, sicut librum in nonnullis vitiatum fuisse dicunt. Dico secundò, quòd, si vera sit, totum miraculosè, & de potentia extraordinaria contigisse; ex facto autem insolito ordinariam Ministrorum potestatem dimitti absurdissimum est. Ex rei porrò gestæ narratione clarebit sola Dei absoluta potentia illud miraculum evenisse. *Frater quidam erat in Canobio Cuziba, qui sanctæ oblationis verba, ritumque didicerat: die ergo quodam ut benedictiones ferret, cùm jam redires ad Monasterium, verba sanctæ oblationis, quasi versus aliquos caneret, dixit: Eisdem verò benedictiones imposuerunt Diaconi sancto Altari. Quas cùm Abbas Joannes Presbyter offerret, qui postea Cæsaris Palæstina Episcopus fuit, non vidisset ut salutaris erat sancti Spiritus adventum. Contristatusque valde, & cogitans, ne quid forte peccasset in mente, atque adeo se Spiritus sanctus avertisset, ingressus est sacrarium plorans, corruque in faciem suam. Apparuit autem ei Angelus Domini dicens: Quoniam frater ille, qui oblationes attulit, verba sanctæ oblationis in via dixit, sanctificata jam, ac perfecta sunt. Ex tunc igitur statuit senior, ut nullus deinceps addiceret sanctæ oblationis verba, nisi qui ordinatus ad hoc esset, neque passim ea quispiam diceret quocunque tempore abique loco consecratos.*

Ex his manifestum est, consecrationem illam (si vera fuerit) factam fuisse dumtaxat extraordinario modo; nam certò constat ex dictis de Sacramentis in communi, Sacramentorum consecrationem requirere intentionem ex parte Ministri; Sacerdos enim, qui tantum lectionis graria legeret historiam institutionis Eucharistiæ ex Evangelio in officina pistoris, vel in alio loco, ubi plures panes adessent, ejusmodi panes non consecraret propter defectum intentionis. Constat autem, quòd Monachus ille non habuit intentionem consecrandi, utpote qui quasi versus aliquos, verba benedictionis, quæ dicerat, canebat. Porrò Deus hoc singulari eventu significare voluit vera consecrationis, nonnisi summa veneratione, & à solis Sacerdotibus esse proferenda, neque puerilibus jocis, & ludis exponenda.

Hinc refertur in eodem *Prato spiritali, cap. 196.* miraculum aliud, quod pueris quibusdam Provincie Appamienlis contigit; cùm enim isti puerili consuetudine luderent, & Missæ sacrificium in Ecclesia celebrari solitum, positis supra saxum panem, & vino, celebrare attentassent, & eorum unus verba consecrationis, quæ à Sacerdote voce altiori intrer ipsa Missarum sollemnia proferente didicerat, protulisset, & omnia secundum Ecclesiasticam consuetudinem fecissent: priusquam panes frangerent, & communicarent, ignis cælitus delapsus, quæ proposita erant, consumpsit omnia; itaut nihil omnino, neque saxi, neque eorum, quæ fuerant apposta, residuum appareret; ut inde innotesceret omnibus quanta reverentia verba, quibus tremenda mysteria conficiuntur, habenda sint. Nihil ergo ex hujusmodi historiarum patrocinii hæreticorum errori accessit; quinimò ipsis incutiendus est non exiguus timor, quòd sacrosancta hæc mysteria penes quemlibet plebejum reponenda esse contentendes, divinam in se animadversionem, & ultionem concilient.

Obijciunt secundò aliquos Conciliorum Canones, quibus removeri videtur à Diaconis facultas conficiendi Christi corporis; ex quibus inferunt, illam non esse solis Sacerdotibus propriam. Proferunt verò maxime Canonem secundum Concilii Ancytani celebrati anno 214. ubi de Diaconis, qui idolis immolaverant, ita statuitur: *Diaconis similiter, qui immolaverunt, bonum quidem habebant, cessare verò ab omni sacro ministerio, sive à pane, sive à calice offerendo, vel præ-*

*dicando. Quod si quidam Episcoporum conscii sunt laboris eorum, & humilitatis, & mansuetudinis, & voluerint eis aliquid amplius tribuere, penes ipsos erit potestas.* Similiter Concilium Laodicenum celebratum ann. 320. can. 25. statuit: *Quod non oporteat Subdiaconos panem dare, vel calicem benedicere.*

*Nego consequentiam:* Et ad Canonem Ancyranum dico, Diaconis illis, qui idolis sacrificaverant, prohiberi ne proprium suum officium implerent, quod in eo maxime consistebat, ut Sacerdoti sacrificatorio panem, & calicem demore conferrent, & consecratam Eucharistiam fidelibus paratis distribuere, ac sacrum Dei verbum ac populum facerent; quibus utique munus privantur in præcedentis delicti, & scandalis satisfactionem, donec intuitu laboriosæ suæ penitentiæ, & piz conversationis ad prædicta ministeria de consilio Episcopi restitui mererentur.

Ad canonem autem Laodicenum dico, Subdiaconis prohiberi, ne usurparent officium Diaconi, quod erat panem Sacerdoti sacrificatorio offerre, & calicem ab inferioribus Ministris acceptum prius benedicere, quam Presbytero offerenti porgeret.

*Obijciunt tertio:* Qui potest majus, potest & minus: sed fidelis quisque, etiam Laicus, sumere potest, & sumit Eucharistiam: quæ utique sumptio cum sit finis consecrationis, est consequenter quid majus, & nobilius, quam consecratio: igitur etiam Laicus potest consecrare.

*Respondet Doctor, disp. 13. quæst. 2. nu. 20.* distinguendo minorem: Sumptio est quid nobilius, & melius, quantum ad utilitatem, concedit; quantum ad potestatem, negat: Magis autem necessarium, inquit, licet in se aliquando nobilius, pluribus tamen quandoque competit, quam minus nobile, quod est minoris nobilitatis; & ratio est, major, siue communior necessitas, ita est hic, quia Christus expressè docuit, se velle sumi in Eucharistia à quolibet Christiano, dicens: *Joan. 6. Nisi manducaveritis carnem filii hominis; & ibi*, loquitur omnibus: sed consecrationem, seu dispensationem noluit ita esse communem, quia non fuit necessarium, ut esset communis; possunt enim pauciores res dispensare, quam suscipere.

## CONCLUSIO SECUNDA.

**Q**uilibet Sacerdos, etiam hæreticus, schismaticus, & degradatus potest validè consecrare Eucharistiam; non autem licitè, nisi habeat debitas conditiones. Hæc est communis, & eam expressè tradit Doctor, *disp. 13. quæst. 2. nu. 3.* & sequentibus, ubi expressè docet ad validè consecrandum non ultra requiri præter debitam materiam, quam legitimum Ministrum, ad quem tres conditiones requiruntur, scilicet quod sit Sacerdos, quod possit proferre verba consecrationis, & quod possit habere intentionem debitam faciendi scilicet, quod intendit Ecclesia facere. Propter defectum secundæ conditionis, mutus non potest consecrare; propter defectum tertiæ, carens usu rationis non potest consecrare; propter defectum Sacerdotii nullus id potest attentare: Quia, ut subdit Doctor, *nu. 10.* si non est Sacerdos, & attendat facere ut Sacerdos, non solum peccat mortaliter, & nihil facit, sed irregularis est, ut habetur *Extra de Clerico non ordinato ministrante cap. 1. & 2.* & universaliter quicunque exequens, vel attentans actum alicujus Ordinis, quem non habet, irregularis est.

Porro hujus primæ partis conclusionis veritas aperte constat ex iis, quæ diximus de legitimo Ministro Sacramentorum, ubi probatum est, omnes peccatores, etiam hæreticos, schismaticos, & degradatos, posse validè consecrare, & ministrare sacramenta, quando aliunde ad id legitimam auctoritatem habent.

*Probat insuper Doctor, hic nu. 2.* ex quodam Canone qui habetur qu. 1. *quod quidam dicant*, nulla causa ostenditur, cur ille, qui Baptismum non potest amittere, jus amittere possit baptizandi: ergo à simili, qui Ordinem Sacerdotalem amittere non potest, nec jus conficiendi amittere potest; sed nullus Sacerdos potest amittere potestatem sacerdotalem, quia character est indelebilis.

*Dices:* Degradatus non remanet Sacerdos; quia spoliatur privilegio Clericali, & traditur Curie seculari: igitur non potest validè consecrare.

*Distinguo antecedens:* Non remanet Sacerdos, quantum ad licitum usum Sacerdotii, concedo: quantum ad validum, nego: Nam (inquit Doctor *nu. 5.*) non est essenziale Or-

Or-

Ordini habere illud privilegium concomitans; quia illud privilegium videtur concessum ab Imperatore Constantino, qui primus principum admisit hoc privilegium in Concilio Nicæno, quando pronuntiavit Episcopos à solo Deo judicandos; & quod utique prius decretum fuerat per *Alexandrum primum* epist. ad omnes Orthodoxos, & per *Cajum* epist. ad Felicem Episcopum, & per *Marcellinum* epist. ad universos Episcopos Orientales.

*Inhabilis*: Qui potest conferre auctoritatem consecrandi, potest & auferre: sed Ecclesia confert illam auctoritatem Sacerdoti, illum ordinando, & Sacerdotem instituendo: ergo potest hanc auctoritatem consecrandi ab eo remove, ipsum degradando.

*Negat majorem Doctorem, nu. 4.* Non conceditur, *inquit*, quod si quis potest aliquid ministerialiter conferre, sic possit etiam ministerialiter auferre, quia Deus non sic cum instituit Ministrum in amocatione, sicut in collatione: & tunc illa regula 7. Topicor. c. 8. *Facilius est destruere, quam construere*, non conceditur de ministerialiter agente in Sacramentis, juxta illud Pauli 2. ad Cor. cap. ult. *Non dedit nobis Deus potestatem in destruendum, sed in ædificationem.*

*Dicit, secundò*: Sacerdos non consecrat, & offert in persona propria, sed in persona Ecclesiæ: sed hæreticus, & schismaticus non potest offerre in persona Ecclesiæ; quippe cum ab ea sit præcisus: igitur nec consecrare potest. *Majores patet*, siquidem Sacerdos consecrans non dicit, *Offero*; sed, *Offerimus*.

*Respondet Doctorem* ibidem primò, quod oblatio non pertinet ad rationem consecrationis, nec necessario requiritur, quod offeratur; offertur enim hostia non consecrata, & tunc est sacrificium, non Sacramentum: sicut Eucharistia consecrata in pixide est Sacramentum, licet non ut ibi sit sacrificium, nisi applicudinaliter. *Ita Doctorem*, qui, dum ait in sacrificio offerri hostiam non consecratam, sumit sacrificium pro termino à quo, & intelligendus est de materia ex qua, eo sensu, quo SS. Patres docent in sacrificio offerri panem, & vinum; nam quod Christus ipse sit hostia oblata, aperte docet cum communi Theologorum sententia, quodlib. 20.

*Respondet secundò*, quod etsi verum sit, quemlibet conscientem debere consecrare

in persona Ecclesiæ; attamen tam schismaticus, quam hæreticus, poterit validè consecrare, quia potest habere intentionem Ecclesiæ in consecranda Eucharistia, intendendo videlicet facere quod Christus instituit faciendum, & quod Ecclesia facit, licet non intendat in speciali, quia credit Eucharistiam nihil valere; eo quod errat circa hoc Sacramentum.

*Secundam partem* declarat Doctorem, nu. 7: ubi requisita ad licitè consecrandum reducit ad tria capita, quæ sic exponit: Restat ergo, *inquit*, videre secundum membrum, scilicet de posse ordinatè consecrare, & ad hoc multa concurrunt, quæ tamen omnia reduci possunt ad tria, loquendo de illis, quæ non requiruntur ad simpliciter posse; quia vel ista requiruntur ex parte Ministri, vel loci, vel temporis. Et secundum hoc tres sunt articuli. *Primò*, videndum est de requisitis ex parte Ministri ad hoc, ut ordinatè possit consecrare, supposito, quod habeat materiam convenientem, & possit verba proficere cum intentione debita superaddita hujusmodi. Ex parte Ministri sunt in duplici differentia, quædam sunt amotiones impedimentorum, & quædam oppositiones convenientium, seu idoneorum. *De primo* impedimento ejus, quod est ordinatè consecrare, sunt vel culpa tantum, vel poena tantum, vel nec poena, nec culpa. De impedimento culpæ, quomodo scilicet existens in peccato mortali non potest ordinatè consecrare, dictum est *dist.* de impedimento autem, quod nec est culpa, nec poena, scilicet cum quis non est jejunus jejunio naturæ, dictum est ibidem.

Restat ergo hic præcisè videre de impedimento, quod est poena: nulla autem talis poena est naturalis, sive in corpore, sive in anima, quia talis poena non simpliciter impedit; sed tantum poena Canonica, vel naturalis, in quantum super eam fundatur poena Canonica. Poena autem canonica (ut breviter dicam) est aliqua prohibitio actus exercendi, vel gradum recipiendi, qui aliàs competere non prohibito. Hujusmodi autem penæ multæ sunt non fundatæ super aliquam penam, vel defectum naturalem, ut degradatio, irregularitas, excommunicatio major, suspensio ab executione eorum, quæ sunt ordinis, simonia, infamia, &

„ quæ

quædam alia hujusmodi ad ista reducibilia, ut sub infamia potest contineri esse publicum peccatorem, quod continet multa, scilicet publicum fornicarium, publicum usurarium, & hujusmodi.

Aliquæ autem pænæ Canonice fundantur super defectus naturales; non enim voluit Ecclesia quascunque personas defectuosas ministrare in Altari: & merito, quia in veteri lege *Levit. 21.* ponitur lex homini, qui haberit maculam, quod non offerret Deo suo panem, nec ad ministerium ejus accederet. Isti autem defectus sunt, in quibus esset scandalum pusillorum, si taliter defectuosos in naturalibus ministraret: & rationabiliter, quia quidquid sine peccato mortali potest dimitti, vitandum est, si ex exercitio ejus oriatur scandalum pusillorum: tale scandalum oriretur, si notabiliter defectuosi in naturalibus, ut mutilati, vel horribili infirmitate infirmi, ut lepra, & hujusmodi, ministrarent altari: Ideo Ecclesia rationabiliter talibus defectibus naturalibus adjunxit pœnas canonicas, scilicet prohibitiones ministrandi propter reverentiam Sacramenti, & ad vitandum scandalum pusillorum. Et istæ prohibitiones patent ex Canone *dist. 25. In extra de corpore vitiatis*. Requiritur ergo in ordinatè conficiente ablatio omnium horum impedimentorum: quia habens quodcumque istorum si conficit, facit contra prohibitionem Ecclesiæ, & per consequens non ordinatè.

Secundum requisitum ex parte Ministri, est appositio convenientium, scilicet ornamentorum, ut habetur *de conf. dist. 1. Vestimenta*. Dicitur ibi, quod vestimenta Ecclesiæ, quibus Deo ministratur, debent esse sacrata, & honesta, quibus in aliis usibus non debent uti, quàm in Ecclesiasticis, & Deo dignis officiis. Quæ autem sint hæc indumenta, exponit Innocentius de Offic. Missæ part. 1. cap. 10. *Sunt*, inquit, *sex indumenta communia Episcopis, & Presbyteris, scilicet amictus, alba, cingulum, stola, manipulus, & planeta*. In quibusdam tamen locis consuetudo obtinuit, quod non oportet cingulum benedici, & sic non apparet, quin liceat uti cingulo non benedicto. Plura alia his similia habet ibidem Doctor, quorum nonnulla referemus agendo de Missæ sacrificio.

## QUÆSTIO SECUNDA.

*Quis sit legitimus Minister dispensandæ Eucharistiæ.*

**N**otandum primò, ex Doctore Subtili in 4. dist. 13. q. 2. n. 20. quod licet dispensare Eucharistiam, minus sit, quàm conficere; plura tamen requiruntur ad dispensationem, quàm ad confessionem, quia dispensatio non respicit tantum Christi corpus verum, sed etiam mysticum, nempe fideles, in quos dispensans debet habere quandam auctoritatem; unde præter potestatem Ordinis, quæ ad conficiendum sufficit, videtur præterea requiri potestas jurisdictionis ad dispensandum.

Notandum secundò duplicem distingui posse potestatem jurisdictionis; ordinariam videlicet, quæ convenit ex officio, & delegatam, quæ conceditur ab habente ordinariam jurisdictionem. Quæritur autem utrum hæc utraque potestas dispensandæ Eucharistiæ, omnibus, & solis Sacerdotibus conveniat.

Notandum tertio, duplicem distingui posse dispensationem Eucharistiæ, sive ordinariam, sive delegatam, nempe vel principalem, vel subsidiariam: Prima est, quæ corpus & sanguis Christi traditur suscipienti ab habente jurisdictionem. Secunda verò est, quæ vel vasa sacra, quibus corpus, & sanguis continentur, deferuntur ac portantur ad eum, qui facultatem habet dispensandi, ut scilicet utrunque possit conferre suscipienti; vel quæ ministrans tantum Eucharistiam confert ad imperium ministri ordinarii vel delegati, sed ad id ex se non habet jurisdictionem.

## CONCLUSIO PRIMA.

**S**olius Sacerdotis est Eucharistiam ex principali officio dispensare: sive ex jurisdictione ordinaria, sive delegata. Hæc est communis apud Theologos, & colligitur ex 1. ad Cor. 4. ubi Apostolus, quos Sacerdotes appellat *Ministros Christi*, eosdem vocat *dispensatores mysteriorum Dei*. Hinc Concilium Trident. sess. 13. cap. 8. hanc doctrinam ex Apostolica Traditione manifestè affirmat: *In Sacramentali*, inquit, *sumptione semper in Ecclesia Dei mos fuit, ut laici à Sacerdotibus communionem acciperent; Sacerdotes*

autem celebrantes seipsos communicarent : qui  
 mos tanquam ex Traditione Apostolica descen-  
 dens, jure ac merito retineri debet. Rationem  
 congruam accipio ex Doctore Subtili 4. dist.  
 13. q. 2. nu. 20. Quia sicut ab anima, me-  
 diante corpore, derivantur virtutes ani-  
 mæ ad cætera membra, & in corde est  
 principalis sedes : & etiam in qualibet  
 politia actus principales pertinentes ad  
 illam politicam pertinent ad aliquam per-  
 sonam principalem in illa politia ; ita  
 rationabile est istum actum conficiendi,  
 & dispensandi Eucharistiam residere a-  
 pud illum, qui est principalis in Hie-  
 rarchia Ecclesiastica : hujusmodi autem  
 est Sacerdos : ergo, &c. Confirmatur,  
 quia non minoris reverentiz, vel autho-  
 ritatis est posse super corpus Christi ve-  
 rum, quàm super corpus Christi mysti-  
 cum : secundum autem soli Sacerdoti con-  
 venit : æquè ergo, vel magis propter re-  
 verentiam corporis Christi veri soli Sa-  
 cerdoti conveniet autoritas respectu ip-  
 sius conficiendi, & regulariter dispen-  
 sandi : Non enim potest in Ecclesia mi-  
 nus digna persona, nec minus dignus  
 gradus inveniri ad consecrationem, vel  
 dispensationem istius Sacramenti, in quo  
 veraciter, & realiter continetur ille,  
 qui est Sanctus sanctorum.

Aliam similem rationem profert S. Tho-  
 mas in 4. dist. 13. q. 1. art. 3. ubi ait : Quod  
 sicut in corpore naturali sunt quedam mem-  
 bra principalia, per quæ virtutes & ope-  
 rationes vitæ, à principio vitæ ad cætera  
 membra decurrunt : ita & in Ecclesia Sa-  
 cerdotes sunt quasi membra principalia,  
 quibus medianibus Sacramenta ritè popu-  
 lo ministrari debent, & ideo laicis, quan-  
 tumcumque sanctis, sicut nec consecratio,  
 ita nec dispensatio hujus Sacramenti com-  
 petit.

*Si requiras*, unde consistet soli sacerdoti  
 hoc ministerium competere. *Respondetur* id  
 consistere ex verbis Christi, Lucæ 22. *Hoc*  
*facite in meam commemorationem*. Quibus  
 utique verbis sicut consecrationem sui cor-  
 poris, principaliter, sic etiam secundario  
 ejusdem distributionem commisit Aposto-  
 lis, eorumque in Sacerdotio successoribus.  
 Hinc in hymno festi corporis Christi can-  
 nit Ecclesia : *Cujus* ( Sacramenti confi-  
 ciendi ) *officium commisit vobis soli Presby-  
 teris, quibus sic congruit ut sumant & dent*  
*cæteris*. Sicut ergo solus Sacerdos ex offi-

cio, & ex vi suæ ordinationis verum Chri-  
 sti corpus consecrat. & sumit : ita pariter  
 solus Sacerdos ex officio aliis distribuit.

Dixi in conclusione *ex jurisdictione ordi-  
 naria, vel delegata* ut enim licitè fiat hæc  
 Eucharistiæ dispensatio, requiritur, ut Mi-  
 nister ad id jurisdictionem & auctoritatem  
 habeat ; idque vel ordinariam, vel delega-  
 tam. Porro ordinariam habent summus  
 Pontifex in universa Ecclesia, Episcopus  
 in sua Diocesi, Parochus in sua Parochia,  
 & Religioſum Superiores in sibi subditos  
 respectivè ; ac subinde hæc ordinaria di-  
 spensandi Eucharistiæ jurisdictio non com-  
 petit omnibus Sacerdotibus. Licet enim  
 Eucharistiæ administratio non sit actus ju-  
 risdictionis propriæ dictæ, sicut est abso-  
 lutio Sacramentalis ; est tamen proprius  
 actus Pastoris, cujus est sibi creditas oves  
 pascere, non solum prædicatione verbis  
 Dei, sed etiam cælesti pabulo corporis &  
 sanguinis Christi ; unde præclare S. Leo  
 epist. ad Theodorum Episcopum Forju-  
 liensem scribit : *Mediator Dei & hominum*  
*Christus Jesus hanc præpositus Ecclesie tradi-*  
*dit potestatem, ut & consensibus actionem*  
*penitentiae darent, & eisdem salubri satisfac-*  
*tione purgatos ad communionem Sacramen-*  
*tum per annum reconciliationis admitterent.*

Idipsum colligitur ex Concilio Cartha-  
 ginenſi 1. tempore Julii Papæ I. cap. 7.  
 ubi sic loquitur : *Cassianus Ufulensis Episco-*  
*pus dixit : Statuit gravitas vestra, ut unus-*  
*quisque Clericus, vel Laicus non communicet*  
*in aliena plebe, sine litteris Episcopi sui.*  
*Gratus Episcopus dicit : Nisi hoc observatum*  
*fuert, Communio fiet passim. Nam si cum*  
*litteris receptus fuerit, & concordia inter Epi-*  
*scopos servatur, & nemo subditus alterius fu-*  
*gens Communionem, ad alterum latenter ac-*  
*cedit. Universi ( Episcopi ) dixerunt : Omni-*  
*bus providet, & Clero, & Laicis consulit.*  
 Idem reperitur in Concilio Milevitano II.  
 cap. 18. his verbis : *Placuit, ut quicumque*  
*non communicat in provincia propria, & in*  
*aliis provinciis vel transmarinis paribus ad*  
*communicandum obtempserit, jacturam Commu-*  
*nionis, vel Clericatus excipiat.*

Quibus locis, ut optime notat Bosco  
 sect. 12. nu. 5. licet prohibitio fiat ex parte  
 communicantium, ne ab alienis Eucharis-  
 tiam percipiant ; tamen relatio hæc mutua  
 est, & reciproca obligatio, fundata quo-  
 que in ipso jure naturali ; supposita Rei-  
 publicæ institutione, & debita gubernatio-

ne,

ne, ut nemo mittat falcem in messem alienam, nec jus alienum usurpet; alioquin nec iustitia, aut pax servari possunt, nec divina mysticia convenienter dispensantur; neque animabus fidelium pro earum captu, vel necessitate provideretur. Et ideo antiqua consuetudine servatum est, ut, qui præest, hoc Sacramentum populo dispenseret, uti colligere licet ex c. 12. *Omni utriusque sexus, de Penitentia, & remissionibus ibi: Suscipiens reverenter ad minus in Pascha Eucharistiæ Sacramentum, nisi forte de proprio Sacerdotis consilio, ob aliquam rationabilem causam ad tempus ab huiusmodi perceptione duxerit abstinendum.* Quamvis autem in isto capite solum sit sermo de Communionis præcepta, quam constat ex manibus proprii Pastoris esse accipiendam; eadem tamen videtur esse ratio Communionis libertatis. Alioquin quid opus fuisset tot privilegiis, quibus Religiosis Mendicantibus conceditur ista facultas? Sed de hoc infra. Quod autem Religiosi Mendicantes, maxime Franciscani revera possint, excepta Communione Paschali, ministrare sacram Eucharistiæ in suis Ecclesiis, aperte constat ex concessione Nicolai V. Sixti IV. Leonis X. Pauli IV. & Innocentii X. quorum concessionem referunt Rodriguez. & Pontius in summa Theologiz disp. 46. num. 121.

## CONCLUSIO SECUNDA.

**D**iaconi ex speciali commissione Sacerdotis, & urgente casu gravi necessitatis, possunt dispensare corpus, & sanguinem Christi, non quidem ut principaliter dispensantes, sed ut famulantes, & obsequentes. Prima pars colligitur ex antiqua Ecclesie praxi, qua constat Diaconos solitos fuisse Eucharistiæ ministrare, ut notat S. Iustinus apolog. 2. pro Christianis, ubi scribit: *Absoluta gratiarum actione Presulis, & oratione totius plebis, Diaconi, quos vocamus, dant singulis presentibus partem panis, & calicis diluti, super quos facta est gratiarum actio, quod alimentum apud nos vocatur Eucharistia.* Idem habet S. Cyprianus serm. de Lapsis, ubi scribit: *Solemnibus adimpletis, Diaconus calicem offerre presentibus capit.* Colligitur pariter ex Concilio Nyceno can. 14. ubi legitur. *Pervenit ad sanctum Concilium, quod in locis quibusdam, & civitatibus, Presbyteris Sacramenta Diaconi porrigant, hoc neque regula, neque consuetudo tradidit.* Sed &

*illud innovavit, quod quidam Diaconi, etiam ante Episcopum Sacramenta sumant. Hæc ergo omnia ampuentur, & accipiant secundum ordinem post Presbyteros ab Episcopo, vel à Presbytero sacram Communionem, quod si non fuerit in presenti vel Episcopus, vel Presbyter, tunc ipsi proferant, & edant.* Quibus verbis conceditur Diaconis facultas sibi ipsis ministrandi Eucharistiæ in absentia Sacerdotum. Quod etiam aliis eam potuerint porrigere presente Episcopo, & Presbytero, constat ex Concilio Carthaginensi 4. & ex epist. 20. Gelasii Papæ. Hæc autem praxis communis erat in primitiva Ecclesia, quia propter inopiam Sacerdotum, & frequentationem sacre Communionis Eucharistiæ communiter dispensabant Diaconi.

Porrò quod id non præstabant autoritate propria, neque ex commissione principali, sed tantum sicut Ministri, & famuli Sacerdotum, aperte docet S. Clemens Papa libr. 8. Constitut. cap. 28. & significat S. Laurentius, qui sanctum Sixtum summum Pontificem ad martyrium properantem sic alloquebatur: *Experire, utrum idoneum Ministrum elegeris, cui commissi Dominici sanguinis dispensationem.* Ubi signanter dicit: *Cui commissi*, ut significaret potestatem illam tantum esse delegatam, ac Sacerdotio subordinatam.

Unde Doctor *dist. 13. quæst. 2. num. 20.* ait, congruè quidem concessam fuisse S. Laurentio, sicut & cæteris Diaconis dispensationem sanguinis Christi: Quia, inquit, sanguis non dispensatur, nisi in calice; tactus autem calicis conceditur Diacono, sed corpus non dispensatur, nisi species panis tangatur, unde colligit, quod Diaconus ordinariè poterat ministrare sanguinem eo tempore, quo fiebat communio sub utraque specie, non poterat autem ministrare corpus Christi, nisi ex præcepto Sacerdotis, & urgente necessitate.

Quod etiam approbat S. Thomas *qu. 82. art. 3. ad 1.* dicens, quod cum Diaconus sit quasi propinquus Ordini Sacerdotali, aliquid participat de ejus officio, ut scilicet dispenseret sanguinem, non autem corpus, nisi in necessitate jubente Episcopo, vel Presbytero: *Primo* quidem, quia sanguis Christi continetur in vase, unde non oportet, quod tangatur à dispensante, sicut tangitur corpus Christi.

„ *Secundò*, quia sanguis designat Redem-  
 „ ptionem à Christo in populum derivatam,  
 „ unde & sanguini admiscetur aqua,  
 „ quæ significat populum, & quia Dia-  
 „ cono sunt inter Sacerdotes, & popu-  
 „ lum, magis convenit Diaconis dispen-  
 „ satio sanguinis, quàm dispensatio cor-  
 „ poris.

Ex his collige, quòd absente Sacerdote  
 posset Diaconus urgente mortis periculo  
 Eucharistiam infirmo periclitanti ministrare,  
 ut communiter Theologi recentiores  
 cum Soto in 4. *dist.* 13. *qu. 1. art. 3.* Multò  
 magis poterit, eodem urgente periculo,  
 sibi ipsi Eucharistiam ministrare; utrumque  
 autem interdicitur tum Subdiacono, tum  
 Laico, ut colligitur ex Concilio Rhemen-  
 si cap. 2. ubi legitur: *Pervenit ad notitiam*  
*nostram, quòd quidam Presbyteri in tantum*  
*parvipendant divina mysteria, ut laico, vel*  
*femina sacrum corpus Domini tradant ad*  
*deferendum infirmis, & quibus prohibetur,*  
*ne sacrum ingredientur, nec de altari ap-*  
*propinquent, illis Sancta Sanctorum commi-*  
*tuntur, quod quam sit horribile, quamque de-*  
*testabile, omnium religiosorum animadvertitis*  
*prudenter. Idcirco interdicit per omnia Syno-*  
*dos, ne talis temeraria præsumptio ulterius*  
*fiat, sed omnimodis Presbyter per semetipsum*  
*infirmum communice, quòd si aliter fecerit,*  
*gradus sui periculo subiacebit.*

Hæc tamen dicta sunt, quantum ad pro-  
 hibitionem ex jure Ecclesiastico, nam de  
 jure divino laicis, multò minis Subdiaconis  
 non interdicitur contestatio, & administratio  
 hujus Sacramenti. Hoc enim usi-  
 tatum erat antiquitus apud fideles, nam  
 teste Eusebio *lib. 6. historiarum cap. 36.* Pres-  
 byter quidam infirmus misti particulam  
 consecratam ad Serapionem senem mori-  
 bundum per puerum, è cuius manibus sum-  
 pta Presbyteri mandatum illam fumsit. Si-  
 militer S. Gregorius *homil. 40. in Evangelia,*  
 refert, quòd S. Romula in extremis com-  
 munionem accepit à Redempta Magistra  
 sua. Hinc antiquitus fideles accipiebant  
 Eucharistiam de manu Sacerdotis, eam-  
 que secum domum deportabant, ut con-  
 gruente tempore propriis manibus consu-  
 merent, quæ utique praxis adhuc vigeat  
 tempore S. Augustini; scribit enim *serm.*  
*252. de tempore: Omnes viri, quando com-*  
*municare desiderant, levant manus suas, &*  
*omnes mulieres nitida exhibent lintamina,*  
*ubi corpus Christi accipiant.* Quam utique  
*Frassen Tocol. tom. XI.*

veritatem pluribus momentis, & exemplis  
 confirmavimus, quando probavimus, Eucharis-  
 tiæ Sacramentum esse permanens. Solo itaque  
 Ecclesiastico jure vetitum est, ne etiam urgente  
 necessitate Laici, vel Clerici inferiores Eucharistiam contestentur,  
 & ministrent. Sicut ergo id prohibet Ec-  
 clesia, ita permittere potest rationabili de  
 causa, quemadmodum Pius V. summus,  
 & sanctus Pontifex permisit inclitæ *Mariæ*  
*Stuart* Reginæ Scotiæ, ut sibi met sacram  
 Eucharistiam à Sacerdote acceptam mini-  
 straret, quatenus adversus impiæ *Elisabethæ*  
*Angliæ* Reginæ tyrannidem, & crudelitatem  
 sacro divinæ Communionis clypeo muniretur.

## SECTIO SECUNDA.

### De suscipientibus Eucharistiam.

Quamquam Eucharistiæ Sacramentum  
 in re permanenti potissimum const-  
 stat, idque habeat peculiare præ  
 æteris novæ legis sacramentis, quòd ejus en-  
 ticia, & formalis ratio ab usu, & susce-  
 ptione distinguitur, nihilominus certum  
 est, illud efficacitatem suam non exere-  
 re, nisi dum sumitur. Quocirca etiam maxi-  
 mè illius confessio ad summptionem tam-  
 quam ad finem primarium ordinatur, qui  
 licet in executione sit posterior, in inten-  
 tatione tamen prior censendus est, unde  
 recta, ac congrua methodo post declara-  
 tam confessionem, ac dispensationem hu-  
 jus Sacramenti, nunc agendum occurrit  
 de illius Susceptoribus. In quo tria præ-  
 cipuè in quæstionem veniunt: *Primum,*  
 quantæ sit necessitatis Eucharistiæ sumptio:  
*Secundum,* quibusnam concedi possit, aut  
 negari: *Tertium,* quis apparatus sit neces-  
 sarius ex parte suscipientis ad debitam, &  
 proficuum illius receptionem.

## QUÆSTIO PRIMA.

### Quæ & qualis sit necessitas Eucharistiæ suscipienda.

Notandum *primò*, dupliciter Sacramen-  
 torum usum censeri posse necessarium,  
 videlicet necessitate mediæ, aut præcepti.  
*Necessitas mediæ* ea dicitur, quæ Sacramen-  
 ti alicujus susceptio tantam, tamque nec-  
 cessariam cum salute consequenda connexi-  
 onem

tionem habet, ut illius omisso sufficiat ad æternam damnationem; sic gratia sanctificans in omnibus, & opera meritoria in multis necessaria sunt ad vitam æternam obtinendam: *Necessitas* verò *præcepti* ea est, quæ ex natura sua non habet necessariam connexionem cum salute stabilienda, sed tantum ex præcepto divino, vel Ecclesiastico, ut jam pluries diximus, agendo de necessitate Sacramentorum in communi, necnon & de necessitate suscipiendi Baptismatis.

*Notandum secundò*, triplicem esse sumendam Eucharistiæ modum; alius enim est purè Sacramentalis, alius purè spiritalis, alius verò Sacramentalis, & spiritalis simul, ut præclare docet Concillium Tridentinum sess. 13. c. 8. ubi ait: *Quoad usum autem* (hujus Sacramenti) *reliq[ui]*, & *sapienter Patres nostri* tres rationes hoc sanctum Sacramentum suscipiendi distinxerunt, quodam enim docuerunt, Sacramentaliter dumtaxat id sumere, ut peccatores, alios tantum spiritualiter, illos nimirum, qui voto propositum illum celestem panem edentes, fide viva, quæ per dilectionem operatur, fructum ejus, & utilitatem sentiunt: Tertios porò Sacramentaliter, & spiritaliter, hi autem sunt, qui ita se prius probant, & instruant, ut vestem nuptialem induant ad divinam hanc mensam accedant.

Quæ utique triplex Eucharistiæ susceptio assimilari potest triplici Verbi divini conceptioni, quæ vel mente dumtaxat, vel corpore solum, vel utroque simul modo contingere potest, quemadmodum enim inanis prorsus, & frustranea foret sola conceptio corporis, si abesset conceptio mentis, ut præclare observat S. Bonaventura in c. 11. Lucæ scribens: *Maria non tantum beata fuit, quia Christum gestavit in carne, verum etiam beator, quia ipsum perfectissimè gestavit in mente, secundum quod dicit Augustinus, Beator fuit Maria concipiendo fidem Christi, quam carnem Christi*. Ita à simili non solum nil prodest, sed multum obest sola Sacramentalis susceptio Christi corporis à peccatoribus, qui impuro ore, & corde tam pura mysteria trachantes iudicium sibi manducant, & bibunt. Secunda autem conceptio Verbi divini utilissima est, & Christianis omnibus necessaria; ad hoc enim Christiani sumus, ut Spiritu renovati, & regenerati Christum induamus, & Christus ipse in nobis formetur, ut unusquisque nostrum cum Apostolo dicere possit:

*Vro ego, jam non ego, vivit verò in me Christus*. Sic pariter utilis est susceptio spiritalis Christi corporis, quæ fit à viris pietate, & charitate illustribus, qui erga Christum, maxime tempore sacrificii Missæ simili desiderio, ac voto afficiuntur, quo famuli Job, cum dicerent c. 31. *Qui dei de carnibus ejus, ut saltemur?* Denique sicut tertia Conceptio Christi longè cæteras antecellit, in quo eximie elucet dignitas Deiparæ Virginis, quæ corpore Filium Deigenit, quem mente conceperat: ita longè cæteris præstat tertius modus suscipiendi Christi corporis, qui enim corpore simul, & religiosa mente Eucharistiæ recipit, tantam inde gratiæ, & divinorum charitatum fegerem mutuatur, ut Deiparæ maternitatis felicitatem quadamtenus videatur æmulari.

*Notandum tertio*, votum alicujus rei suscipiendæ, vel facienda esse duplex, explicitum scilicet, & implicitum. *Explicitum* est desiderium rei ad ipsam rem expressè cognitam terminatum. *Implicitum* verò est desiderium ejusdem rei, non in seipsa distinctè cognita, sed in aliquo alio cum illa aliquam connexionem habente. Quæritur autem, an realis susceptio Eucharistiæ, vel saltem votum ejus explicitum sit omnibus ad salutem necessariam necessitate mediæ, circa quam controversiam multiplex est sententia: *Prima* hæreticorum, nam ut ex Guidone Carmelita refert Vvaldensis tomo 2. de Sacramentis cap. 91. *Armeni* quidam hæretici existimant, realem susceptionem Eucharistiæ omnibus hominibus esse medium necessarium ad salutem; unde simul cum Baptismo parvulis Eucharistiæ ministrabant. Idem de *Jacobitis*, & *Nestorianis* refert Præteolus. Catholici verò tres in sententias distribuuntur; *Aliqui* enim quos refert Vasquez disp. 169. asserunt Eucharistiæ susceptionem in voto explicite necessariam esse ad salutem. Quidam verò docent ad id sufficere, & requiri votum implicitum, & virtuale, quod in susceptione Baptismi, & aliorum Sacramentorum imbibitur, quia nimirum Eucharistia se habet per modum finis omnium Sacramentorum, & cætera ad ipsam tamquam media ordinantur, quicumque verò appetit medium, virtualiter censetur ipsum finem desiderare. Cæteri verò Theologi communiter docent, Eucharistiæ neque in re, neque in voto esse medium necessarium ad salutem. Hisita præmissis, tria occurrunt hic determinanda. *Primum*, utrum



utrum & quomodo realis Eucharistiæ susceptio medium sit necessarium ad salutem. *Secundum*, an ad illam teneantur omnes adulti fideles præcepto divino: *Tertium*, an & quando ad ipsam obligentur ex præcepto Ecclesiastico.

## CONCLUSIO PRIMA.

**S**acramenti Eucharistiæ realis susceptio nec in re, nec in voto explicite necessaria est ad salutem necessitate mediæ. Hæc est communior, & verior: Et quantum ad primam partem est certa de fide, quod utique constat ex Traditione, & consuetudine Ecclesiæ: Si enim esset medium necessarium ad salutem, sine ea non possent salvari tam adulti, quam parvuli, sed saluum consequens, ergo, &c. Major constat exemplo Baptismatis, quod cum sit necessarium necessitate mediæ ad salutem in lege Evangelica, nullus absque eo in re vel in voto suscepto salvari potest. Minor verò constat de adultis ex consuetudine Ecclesiæ, quæ nec phreneticis, nec vomitum patientibus, nec ad mortem damnatis, aut quodcumque periculum alicujus indecentis, & irreverentis erga sacram Eucharistiæ habentibus, eam solite porrigere etiam in mortis articulo. Quod utque evidens argumentum est, realem, & sacramentalem Eucharistiæ susceptionem non esse necessariam necessitate mediæ ad salutem; nunquam enim Ecclesia censeret, hujusmodi homines tali medio ad salutem necessario esse privandos.

Quantum autem ad parvulos id aperte tradit Concilium Tridentinum sess. 21. c. 4. his verbis: Eadem sancta Synodus docet parvulos usu rationis carentes nulla obligari necessitate ad Sacramentalem Eucharistiæ Communionem, siquidem per Baptismi lavacrum regenerati, & Christo incorporati, adeptam jam filiorum Dei gratiam in illa ætate amittere non possunt: neque ideo tamen damnanda est antiquitas, si eum morem in quibusdam locis aliquando servavit, ut enim sanctissimi illi Patres sui facti probabilem causam pro illius temporis ratione habuerunt, ita certe eos nulla salutis necessitate id fecisse, sine controversiam credendum est. Unde Can. 4. sic pronuntiat: Si quis dixerit parvulis, antequam ad annos discretionis pervenerint, necessarium esse Eucharistiæ communionem, anathema sit: igitur nec adultis, nec parvulis actualis Eucharistiæ susceptio, vel votum

illius explicitum necessarium est ad salutem necessitate mediæ.

Eandem veritatem aperte comprobatur ratio Theologica: Illud enim tantum necessarium est necessitate mediæ ad salutem consequendam, sine quo gratia sanctificans nequit obtineri, sed realis Eucharistiæ susceptio, aut illius votum explicitum non sunt absolute necessaria ad gratiam sanctificantem obtinendam; igitur nec ad salutem. Major constat, gratia namque sanctificans sufficit ad æternam salutem, & consequenter, qui potest habere gratiam sanctificantem independenter ab aliquo, eo absolute non eget ad consequendam salutem. Minor verò probatur: Illud absolute necessarium est ad obtinendam gratiam sanctificantem, quod per se institutum est ad remissionem peccati: sed Eucharistia ad id non est per se primò instituta; imo supponit peccatum remissum, & statum gratiæ; igitur, &c. Adde quod plurimi inter sanctos Cœlites computantur, qui tamen Eucharistiæ non susceperunt, puta Martyres, qui videndo aliorum in fide tuenda mediis in tormentis constantiam, Christi fidem professi sunt, & illic proprio sanguine sunt baptizati.

*Obijciunt primò:* Qua ratione de Baptismo dicitur Joan. 3. *Nisi quis renatus fuerit ex aqua, & Spiritu sancto, non introibit in regnum Dei:* eadem ratione dicitur Joan. 6. *Nisi manducaverint carnem Filii hominis, & biberint ejus sanguinem, non habebitis vitam in vobis:* sed ex prioribus verbis colligitur, Baptismum esse necessarium ad salutem necessitate mediæ, igitur id ipsum colligi debet ex posterioribus. *Confirmatur* ex praxi primitivæ Ecclesiæ, quæ Sacramentum Eucharistiæ etiam parvulis unâ cum baptismo conferebat, ut testatur S. Dionysius lib. de Ecclesiastica Hierarchy cap. 2. & 3. & S. Cyprianus serm. de Lapis, & S. Augustinus epist. 107. quæ est ad Vitalem, quam utique consuetudinem adhuc suo tempore viguisse scribit S. Anselmus in c. 2. Lucæ, sed aliunde hanc praxim non usurpavit Ecclesia, quàm quia judicavit Eucharistiæ re susceptam non minùs ad salutem esse necessariam, quàm Baptismum, igitur, &c.

*Respondetur* paritatem utriusque in eo consistere, quòd quemadmodum Baptismus est de necessitate salutis in re vel in voto susceptus, ita quòd sicut adulti sine voto Baptismi

salvari non possint, licet absque eo reipsa suscepto, & cum solo ipsius voto interdum susceperetur, ita sine aliquo Eucharistiæ voto, saltem implicito nullus adultus salutem potest consequi, etiam si absque illius actuali susceptione aliquando obtineat. Hoc tamen interest inter utrumque Sacramentum, quod Baptismus sit principium vitæ spiritualis, & janua aliorum Sacramentorum; Eucharistia verò sit ipsius vitæ spiritualis fastigium, & consummatio, ac veluti finis, quippe cum alia Sacramenta idcirco animæ sanctificationem instituunt, vel perficiant, ut perfectiori modo Eucharistia suscipiatur.

Unde receptio Baptismi est absolute necessaria ad vitæ spiritualis inchoationem, ac subinde sine eo in re, vel in voto suscepto nemo salvati potest: seculs autem est de Eucharistia, quæ cum tantum videatur necessaria ad ipsius vitæ spiritualis consummationem, hinc est, quod absque ejus actuali susceptione, vel voto explicito possit hæc spiritualis vita, ac subinde salus haberi. Parvuli autem per Baptismum ordinantur ad Eucharistiam, & sic habent illius votum implicitum; hoc enim ipso, quo quis baptizatur, per Ecclesiam ordinatur ad receptionem aliorum Sacramentorum, maxime Eucharistiæ, & sic habet illius votum implicitum; sicut enim parvuli ex fide Ecclesiæ credunt, ita ex voto, & intentione Ecclesiæ recipiunt aliquem fructum Eucharistiæ, licet cum reipsa non suscipiant. Ad Baptismum autem non ordinantur per aliud præcedens Sacramentum, & ideo ante susceptionem Baptismi pueri non possunt habere Baptismum in voto, sicut adulti, ac proinde effectum Baptismi sine ipsius actuali susceptione non possunt recipere. Ex quibus apparet, Baptismi susceptionem longè majoris esse necessitatis, quam Eucharistiæ.

Ad confirmationem dico cum Concilio Trident. Patres illius temporis id quidem fecisse rationabili de causa, non tamen hac præxi necessitatem absolutam Eucharistiæ suscipiendæ agnovisse, alioqui paris necessitatis censenda esset Confirmationis susceptione: nam hæc parvulis post Baptismum una cum Eucharistia continuo conferebatur, nemo tam. n dixerit, Confirmationis susceptionem ad salutem esse absolute necessariam.

*Insuper:* Talis per ea verba Joan. 6. intelligitur necessitas Eucharistiæ suscipien-

dæ, qualem agnoverunt SS. Patres, maxime S. Augustinus, sed ipse censuit susceptionem Eucharistiæ non minus ad salutem esse necessariam, quam Baptismi; igitur, &c. Major constat. Minor probatur ex ipsomet S. Augustino lib. de peccatorum meritis, & remiss. cap. 20. ubi cum probasset ex illo Joan. 3. *Nisi qui renatus fuerit*, &c. existentiam peccati originalis, & Pelagiani vim hujus argumenti eludere cupientes, distinguere inter regnum Dei, & vitam æternam, vellenteque illud solis baptizatis esse donandum, istam verò parvulis etiam Baptismate non initiatis: S. Augustinus hanc elusionem præcludens, ostendit, quod à vita æterna excludendi etiam essent non baptizati propter illud Christi D. oraculum: *Nisi manducaveritis carnem Filii hominis*, &c. scribit autem: *Auferatur ergo jam dubitatio, Dominum audiamus, non suspiciones, conjecturasque mortalium, Dominum audiamus, inquam, non quidem hoc de Sacramento lavacri docentem, sed de Sacramento sanctæ mensæ suæ, ad quod nemo ritè nisi baptizatus accedit: Nisi manducaveritis carnem meam, & biberitis sanguinem meum, non habebitis vitam in vobis. Quid ultra querimus? Quid ad hoc respondere poterunt, nisi pertinacia pugnaces nervos adversus constantiam perspicua veritatis intendunt? An verò quispiam etiam hoc dicere audebit, quod ad parvulos hæc sententia non pertineat, possintque sine participatione corporis hujus, & sanguinis in se habere vitam, quia non ait: Qui non manducaverit, sicut de Baptismo: Qui non renatus fuerit, sed ait: Si non manducaveritis, velut eos alloquens, qui audire, & intelligere poterant, quod ulique non valent parvuli? Sed qui hoc dicit, non attendit, quia nisi omnes ista sententia teneat, ut sine corpore, & sanguine Filii hominis vitam habere non possit, frustra etiam ætas major id credit: potest enim si non voluntatem, sed verba loquentis attendas, eis solis esse videndi dictum, quibus tunc Dominus loquebatur, quia non ait; Qui non manducaverit, sed, si non manducaveritis. Et ubi est, quod de eodem loco de hac ipsa re ait: Panis, quem ego dabo, caro mea est pro sæculi vita? Secundum hoc enim etiam ad nos pertinere illud Sacramentum intelligimus, qui tunc nondum fuimus, quando ista dicebat, quia non possumus dicere ad sæculum nos pertinere, pro cuius vita Christum carnem suam dedit. Qui autem ambigat sæculi nomine homi-*

nes significatos esse, qui nascendo in hoc sæculum venimus? Ac etiam pro parvulorum vita caro data est, quæ data est pro sæculi vita, & si non manducaverint carnem Filii Homini, nec ipsi habere possunt. Idem repetit lib. 1. ad Bonifacium c. 22. & lib. 3. contra Julianum cap. 1. & lib. de prædest. Sancti. cap. 13. & alibi non semel.

Idem docet Innocentius Primus in epistola, quam scripsit ad Patres Concilii Milevitani approbans eorum acta contra Pelagianos, & quæ est n. 93. inter epistolas S. Augustini in ea enim scribit: Illud verò, quod eos vestra fraternitas asserit prædicare, parvulos æternæ vitæ præmiis etiam sine Baptismatis gratia posse donari, perflatum est; nisi enim manducaverint carnem Filii hominis, & biberint sanguinem ejus, non habebunt vitam in semetipsis; qui autem hanc eum sine regeneratione defendunt, videntur mihi ipsum Baptismum velle cessare, cum prædicant hos habere, quod in eos creditur, non nisi Baptismate esse conferendum. Non solum Innocentius, sed & Gelasius Pontifex post obitum S. Augustini, sic ad Episcopos per Picenum scripsit: Ipse D. Jesus Christus cælesti voce pronuntiat: Qui non manducaverint carnem, &c. Ubi utique neminem videmus exceptum: nec opus est aliquem dicere parvulum sine hoc Sacramento salutari ad æternam vitam posse perducere; sine autem illa vita in perpetua futurum morte non dubium est.

Unde ipse S. Augustinus epist. 106. ait Pelagianos asserentes infantes non baptizatos habituros vitam æternam, sentire contra sententiam Domini discretè dicentis: Nisi manducaveritis carnem Filii hominis, non habebitis vitam in vobis; & contra Apostolica Sedis auctoritatem, ubi de hac ipsa re cum ageretur, hoc testimonium adhibitum est Evangelicum, ne parvuli non baptizati vitam possint habere credantur. Et postea: Si autem credimus Sedi Apostolica, vel potius ipsi Domino & Magistro Apostolorum, qui dicit, non habituros vitam in semetipsis, nisi manducaverint, &c. Et lib. 2. ad Bonifacium cap. 4. Quid illud, quod idem Papa de hac ipsa causa etiam Numidia rescripsit Episcopis, quia de utroque Concilio, & de Carthaginensi scilicet, & de Milevitano scripta susceperat, nonne aperitissimè de parvulis loquitur? Hec enim ejus verba sunt: Illud verò quod eos vestra fraternitas asserit prædicare, &c.

Distinguo minorem: S. Augustinus censet parvam esse necessitatem Eucharistiæ, ac ba-

ptissimè, quantum ad utriusque effectum; nempe quantum ad incorporationem cum Christo Ecclesiæ capitæ, concedo: quantum ad utriusque realem susceptionem, maximè ex parte parvulorum, nego: sic enim sui ipsius interpres est S. Augustinus lib. 3. de Peccatorum meritis cap. 4. ubi scribit: Quid autem apertius tot, tantisque testimoniis divinatorum eloquiorum, quibus dulcidissimè apparet nec propter Christi societatem ad vitam salutemque æternam posse aliquem injustè damnari, hoc est ab illa vita, ac salute separari? Unde sit consequens, ut quantum nihil tale agitur aliud, cum parvuli baptizantur, nisi ut incorporentur Ecclesiæ, id est, Christi corpori membrisque societur, manifestum sit eos ad damnationem, nisi hoc iusculatum fuerit, pertinere. Et postea: Nunquid etiam illud, nisi manducaverint homines carnem ejus, hoc est, participes facti fuerint corporis ejus, non habebunt vitam? Nonne veritas sine ulla ambiguitate proclamatur, non solum in regnum Dei non baptizatos parvulos intrare non posse, sed nec vitam æternam posse habere, nisi Christi corpus, cuius incorporantur, Sacramento Baptismatis inducantur? Ex quibus apparet S. Augustinum eodem modo velle Eucharistiæ esse necessariam ad salutem, quomodo corpus Christi manducari potest in Baptismo: dicimus autem manducare corpus Christi in Baptismo, quatenus ipsius corpori, nempe Ecclesiæ incorporamur; ac subinde S. Augustinus loquendo de necessitate manducandæ Eucharistiæ, non loquitur de ipsius susceptione actuali, sed de effectu, seu de re sacramenti: quam societatem esse, ait, corporis, & membrorum Ecclesiæ, cui parvuli per Baptismum adscribuntur.

Idem docet tract. 26. in Joan. ubi explicans hæc verba: Qui manducat meam carnem, &c. sic scribit: Qui hanc sumit, inquit, habet vitam, & hanc vitam æternam. Hunc itaque cibum, & potum societatem vult intelligi corporis, & membrorum suorum, sicut rei Sacramentum, id est, virtutem corporis, & sanguinis Christi. Alicubi quotidie, alicubi certis intervallis dierum in Dominica mensa præparatur, & de mensa Dominica sumitur, quibusdam ad vitam, quibusdam ad exitum: res verò ipsa, cuius Sacramentum est omni domini ad vitam, nulli ad exitum, quicunque ejus participes fuerit.

Quando ergo S. August. dixit, Eucharistiæ esse omnibus ad vitam necessariam,

non loquitur de reali Sacramentali Eucharistiz receptione: sed tantum de mystica, & spiritali, quæ consistit in incorporatione cum Christo: nam, ut scribit tra&t. mox laudato in Joann. *Hoc est manducare illam escam, & illum bibere potum, in Christo manere, & illum manentem in se habere.* Unde fit, quod cum per Baptismum incorporemur Christo, hæc realis susceptio Baptismi est mystica, & spiritalis receptio Eucharistiz, & vorum implicitum, & virtuale illius; Baptismus enim est quædam inchoatio vitæ spiritalis, quæ ex se, & natura sua ordinatur ad suam perfectionem, suumque finem; qui utique non est alius quam unio, & incorporatio cum Christo, quæ perficitur & consummatur in receptione reali Eucharistiz. Nam, inquit S. Chrysost. homil. 6. ad populum: *Propriam semetipsum nobis immiscuit Christus, & corpus suum in nos contemperavit, ut unum quid simus, tanquam corpus capiti coaptatum.*

Porro quod reverè S. August. censeat parvulos salvari posse absque reali Eucharistiz susceptione, apertè docet lib. 1. de peccat. merit. ubi sic scribit: *Ceterum quis ignorat, quod baptizatur parvulus, si ad rationales annos veniens non crediderit, nec se ab illicitis concupiscentiis abstinuerit, nihil ei proderit, quod parvus accepit? Veruntamen si percepto Baptismo de hac vita emigraverit, soluto reatu, cui originaliter erat obnoxius, perficitur in illo lumine veritatis, quod incommutabiliter manens in æternum iustificatos præsentia Creatoris illuminat, Eodem modo explicandi sunt duo summi Pontifices Innocentius, & Gelasius.*

*Dices secundò:* Non minus necessaria est spiritalis alimonia ad vitam spiritalem conservandam, quam corporea ad corporalem: sed cibus corporeus necessarius est absolute de via ordinaria ad conservandam vitam corporalem, itaut absque cibo circa miraculum homo diu vitam prorogare non possit: igitur cum Eucharistia sit spiritalis animæ cibus, paritèratione erit necessaria.

*Nego majorem:* Disparitas enim inter utrumque cibum in eo maximè consistit, quod vita corporalis propagari non possit, nisi per assiduam conversionem alimentum in substantiam alitici, ut videlicet restituantur partes illæ, quæ per calorem naturalem absumuntur, & pereunt; ad quam restaurationem nulla alia media, & remedia naturalia suppetunt præter nutritionem: secus est au-

tem de vita spiritali, quæ per alia media, quam per susceptionem Eucharistiz, nempe per gratias actuales, conservari potest, & vegetari, ut constat Patriarchis, & sanctissimis Viris, qui ante legem Evangelicam, & Eucharistiz institutionem diu sanctissime vixerunt. Non inficior tamen, Eucharistiam esse necessariam morali saltem necessitate ad conservandam vitam spiritalem propter uberes gratias, quas ad cavendum mortale peccatum jugiter influunt.

*Dices tertio:* Quò Sacramenta sunt digniora, eò sunt magis necessaria: sed Sacramentò Eucharistiz est omnium dignissimum; imò est fons aliorum Sacramentorum, ut præclare docet Catechismus Trident. de Eucharist. nu. 48. ubi scribit: *Hoc verò aliqua ex parte assequitur (nempe hujus Sacramenti mirabiles effectus) si omnium Sacramentorum, atque natura perfecta Eucharistiam sancti cætera rivulis comparaverint; verè enim, ac necessariò fons omnium gratiarum dicenda est, cum fontem ipsum ecclesiæ charismatum, & donorum, omniumque Sacramentorum auctorem Christum D. admirabili modo in se contineat; à quo, tanquam à fonte, ad alia Sacramenta, quicquid boni, & perfectionis habens, derivatur. Igitur cum aliqua ex Sacramentis sint necessaria necessitate mediæ, multò magis necessariam ita esse Eucharistiam censendum est.*

*Nego majorem:* Major enim Sacramenti dignitas non est indicium illius majoris necessitatis, sed tantum quod nobiliores in suscipiente ad debitam ejus susceptionem dispositiones requiratur; necessitas enim Sacramenti maximè attenditur penes remotionem peccati, ad quam, cum Eucharistia non sit ordinata, non videtur esse absolute necessaria ad vitam spiritalem insituentiam, vel prorogandam.

## CONCLUSIO SECUNDA.

**F**ideles tenentur ad recipiendam Eucharistiam præcepto divino, & Ecclesiastico. prima pars hujus conclusionis apparet ex illis verbis Christi Joan. 6. *Nisi manducaveritis carnem Filii Hominis, &c.* quibus verbis Christus D. significat, eam manducationem esse necessariam aliqua necessitate, sed non est necessaria necessitate mediæ: igitur saltem necessitate divini præcepti. Idem constat ex Lucæ 22. *Hoc facite in meam commemorationem*, quibus verbis Christi D. Apostolis,

solis, eorumque in sacerdotio successoribus, non solum sacrificium offerre imperavit, sed quæ ipse fecit, facere, hoc esse, aliosque fideles hoc divino cibo pascere præcepit; quamvis hujus exequendi tempora non præscripserit, sed Ecclesiæ suæ sponzæ, juxta dictamen Spiritus S. præveniendi commiserit. Hoc ipsum suadet assidua Ecclesiæ diligentia, quæ semper cavit, ne fideles morituri absque viatico decederent; quod utique indicium est, eam agnovisse hoc Sacramentum esse necessarium necessitate præcepti divini. *Accedit quoque summa hujus Sacramenti utilitas, non solum ad præcavendam mortem spiritalem animæ, sed etiam ad vitam spiritalem fovendam, & prorogandam.* Facto tamen has rationes absolute non convincere, & potius in hanc sententiam esse descendendum, propter communem auctoritatem Theologorum, quam propter urgentem aliquam rationem: ideo in hac parte efficacius confirmanda, & probanda diutius non immoror.

Quantum autem ad *secundam partem*, nempe ad præceptum Ecclesiasticum, attinet; imprimis certum est, quod in Ecclesiæ nascentis exordiis singulis diebus fideles soliti erant hoc sacro, ac divino cibo saginari, ut ex Actis Apostolorum colligere est; adco enim qui tunc Christianam legem profitebantur, vera, & sincera charitate ardebant, inquit Catechismus Rom. *de Eucharistia* n. 63. ut, cum sine intermissione orationibus, & aliis pietatis officiis vacarent, quotidie ad sacra Domini corporis mysteria sumenda parati invenirentur. Eam postea consuetudinem, quæ intermitti videbatur, Anacletus sanctissimus Martyr, & Pontifex, aliqua ex parte renovavit; præcepit enim, ut Ministri, qui Missæ sacrificio interesse, communicarent: quod ab Apostolis constitutum esse affirmaret. Diu etiam in Ecclesia ille mos fuit, ut Sacerdos, peracto sacrificio, cum Eucharistiam sumpisset, ad populum, qui aderat, conversus, his verbis ad sacram mensam fideles invitaret: *Venite fratres ad communionem.* Tunc qui parati erant, summa cum Religione sacrosancta mysteria sumebant. (*De quotidiana Communionem vide Dionysium de Eccles. Hierarch. cap. 3. part. 2. Hieron. epist. 26. ad Lucin. Greg. lib. 2. Dialog. cap. 23. Item vide lib. de Eccles. dogmat. cap. 53. & citatur de consecr. dist. 2. cap. 13.*) Sed eum deinde charitas, & picta-

tis studium adeo refrinxisset, ut raro admodum ad Communionem fideles accederent, sancitum est à Fabiano Pontifice, ut ter quotannis in natali Domini, & Resurrectione, & Pentecoste omnes Eucharistiam fumerent. Id quod postea à multis Conciliis, præsertim verò ab Agathensi primo confirmatum est. (*Fabiani decretum habet de consecr. dist. 2. cap. 16. & ibidem citatur Concilium Agathense cap. 18. cap. seculares.*) Ad extremum, cum è res adducta esset, ut non modo sancta illa, & salutaris præceptio non servaretur, sed in plures etiam annos sacra Eucharistiæ Communio differretur, decretum est in Lateran. Concilio, ut semel ad minus singulis annis in Pascha fideles omnes sacrum Domini corpus acciperent; qui verò id facere neglexissent, Ecclesiæ aditu prohiberentur. *Ita Catechismus.*

Non solum autem colligitur hæc praxis nascentis Ecclesiæ, qua fideles quoties Missæ sacrificio adessent, toties sacram Syhaxim facerent, ex Actis Apostolicis, sed etiam ex eorum Constitutionibus; nam can. 10. Apostolorum statuitur, quod omnes fideles, qui conveniunt in solemnibus sacris ad Ecclesiam, Scripturas Apostolorum, & Evangelium audiant, qui autem non perseveraverint in oratione usque dum Missa peragitur, nec sanctam Communionem percipiunt, velut iniquitudo Ecclesiæ moventes, conventui communionem privari. Ex qua utique ordinatione inferatur, pariter statutum fuisse, ut quotidie omnes fideles Missam audirent, & sacram communionem perciperent. Quam utique Constitutionem innovavit Anacletus ep. 1. circa medium, ubi cum præscripserit ritum, quem servare debeant Episcopi in sacris Solemnibus quotidie celebrandis, ita quod septem, aut quinque, aut tres Diaconos, & Subdiaconos, atque reliquos Ministros secum habeant, qui sacris induti vestimentis, in fronte, & à tergo, & Presbyteri è regione dextra, lævaque, contrito corde, & humiliato spiritu, ac prono stent vultu, custodientes eum à malevolis hominibus, & consensum ejus sacrificio præbentes, statim subdit: *Peraffa autem consecratione, omnes communicent, qui voluerint, Ecclesiastici careant luminibus; sic enim à Apostoli statuerunt, in sancta Romana tenet Ecclesia.* Quibus verbis licet significet hanc obligationem solis Ecclesiæ Ministris fuisse præscriptam, nihilomi-

nus carnetiam praxim diebus singulis communicandi fidelibus omnibus, qui sacris adestent, fuisse communem, nemini debet esse dubium.

Verum refrigescente paulatim fidelium charitate, Fabianus Papa, ut refertur de consecr. dist. 2. can. 16. statuit, ut *saltem in anno ter homines laici communicent ( nisi forte quis maioribus quibuslibet criminibus impediatur) in Pascha videlicet, & Pentecoste, & Natali Domini*. Soter autem quartum dicmadycit, nempe feriam quintam in Cœna Domini; nam Can. 17. ejusdem distinctionis sic ait: *In cœna Domini à quibusdam perceptio Eucharistiæ negligitur, quæ, quoniam in eadem die ab omnibus fidelibus, exceptis iis, quibus pro gravius criminibus inhibitu est, percipienda sit, Ecclesiasticus usus demonstret; cum etiam penitentes eadem die ad percipiendam corporis, & sanguinis Domini sacramenta reconciliantur*.

Tandem decreverunt in dies fidelium pietate, ac fervore, indultum est, ut tantum semel in anno ad sacram Synaxim faciendam Ecclesiastico præcepto tenerentur; sic primò statutum est in Concilio Lateran. sub Innocentio III. cap. 21. ubi legitur: *Omnis utriusque sexus fidelis, postquam ad annos discretionis pervenerit, omnia sua solas peccata saltem semel in anno fideliter confiteatur proprio Sacerdoti, & injunctam sibi penitentiam propriis viribus studeat adimplere, suscipiens reverenter, ad minus in Pascha, Eucharistiæ Sacramentum: nisi forte de proprio Sacerdotis consilio ob aliquam rationabilem causam ad tempus ab hujusmodi perceptione duxerit abstinendum; alioquin, & vivens ab Ecclesia ingressu arceatur, & moriens Ecclesiastica careat sepultura*. Quam utique sanctionem innovavit Concil. Trident. sess. 13. can. 9. scribens: *Si quis negaverit omnes, & singulos Christi fideles utriusque sexus, cum ad annos discretionis pervenerint, teneri singulis annis saltem in Paschate ad communicandum juxta præceptum Sanctæ Matris Ecclesiæ, anathemà sit*.

Petes, quinam arcendi sint a sacra Communione.

Respondet Catechismus Romanus loco suprà laudato, quòd quamvis hæc lex Dei, & Ecclesiæ autoritate sancita, ad omnes fideles pertineat, docendum est tamen, eos excipi, qui nondum rationis

usum propter ætatis imbecillitatem habent. Hi enim neque sacram Eucharistiàm à profano, & communi pane sciunt discernere, neque ad eam accipiendam pietatem animi, & religionem asferre possunt. Atque id etiam à Christi D. institutione alienissimum videtur: inquit enim, *Accipite, & comedite*. Infantes autem idoneos non esse, qui accipiant, & comedant, satis constat. Vetus quidem illa fuit in quibusdam locis consuetudo, ut infantibus etiam sacram Eucharistiàm præberent: sed tamen tum ob eas causas, quæ antè dictæ sunt, tum ob alias Christianæ pietati maxime consentaneas, jamdiu ejusdem Ecclesiæ autoritate id fieri desit. *Cyp. de lapsis præ medium*. Qua verò ætate pueris sacra mysteria danda sint, nemo melius constituere poterit, quam pater, & Sacerdos, cui illi consentitur peccata. Ad illos enim pertinet explorare, & à pueris percontari, num hujus admirabilis Sacramenti cognitionem aliquam acceperint, & gustum habeant.

Amentibus præterea, qui tunc à pietatis sensu alieni sunt, Sacramenta dare minime oportet; quamvis, si antequam in insaniam inciderint, piam, & religiosam animi voluntatem præ se tulerint, licebit eis in fine vitæ ex Concilii Carthaginensis decreto Eucharistiàm administrare: modò vomitionis, vel alterius indignitatis, & incommodi periculum nullum timendum sit.

Porro decretum Concilii Carthaginensis IV. c. 76. ita se habet: *Is, qui Penitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in precesum verus fuerit, dent testimonium, qui eum audierunt, & accipiat penitentiam. Et si continuò creditur moriturus, reconcilietur per manus impositionem, & effundatur ori ejus Eucharistia*. Eadem autem est ratio de iis, qui extra infirmitatem in amentiam incidunt.

Consonat Concilium Arausicanum l. c. 13. Amentibus, inquit, *quæcumque pietatis sunt, conferenda sunt*. Sub quibus verbis communiter Doctores intelligunt Eucharistiàm.

Eandem veritatem non obscure indicat Concilium Toletanum II. can. 11. dicens: *Quicumque fidelis inevitabili qualibet infirmitate coactus Eucharistiàm perceptam rejecerit*.

erit, in nullo Ecclesiastica damnationi subja-  
cet. Similiter nec illos cujusquam punitionis  
censura redarguet, qui talia, aut tempore  
infantia faciunt, aut in qualibet mentis ale-  
natione sui, qui, quod fecerint, ignorare vi-  
dentur.

Tertio denegari debet theatricis, & hi-  
stionibus, donec tali commercio, & ne-  
gotio respiciantur. Itaque dicit S. Cypri-  
an. 60. ad Eucharistiam inquirentem, quid  
Cypriano videretur de histione quodam,  
qui apud eos constitutus, in eisdem ad-  
huc artis suae dedecore perseverabat, &  
Magister, & Doctor non erudiciorum,  
sed perducendorum puerorum, id, quod ma-  
le didicerat, ceteris quoque insinuat;  
an talis deberet communicare?

Respondet S. Cyprianus: Puto nec ma-  
jestati divinæ, nec Evangelicæ disciplinæ  
congruere, ut pudor, & honor Eccle-  
siae tam turpi, & infami contagione soe-  
detur. Nam, cum in lege prohibeantur  
viri induere muliebrem vestem, & male-  
dicti huiusmodi iudeantur; quando ma-  
jor est criminis, non tantum muliebria  
indumenta accipere, sed & gestus quo-  
que turpes, & molles, & muliebres ma-  
gisterio impudicæ artis exprime? Nec  
excuset se quispiam, si a theatropis ces-  
saverit, cum tamen hoc ceteros doceat.  
Non potest enim videri cessasse, qui vi-  
carios substituit; & qui pro se uno plu-  
res succedaneos suggerit contra institu-  
tionem Dei; erudiens, & docens, quem  
admodum masculus frangatur in foemi-  
nam, & sexus arte mutetur, & diabo-  
lo divinum plasma maculanti per cor-  
repti, atque enervati corporis debela  
placeatur. Quod si penuriam talis, &  
necessitatem paupertatis obtendit; po-  
test inter ceteros, qui alimentis Eccle-  
siae sustentantur, huius quoque neces-  
sitas adjuvari; si tamen contentus sit fru-  
galioribus, sed innocentibus cibis. Hæc  
S. Cyprianus.

Ipsi præerat Tertullianus in Apologeti-  
co, ubi minus capita ignominiosa, & sa-  
mosa appellat; hinc lib. de Spectaculis. 10  
ait: Theatrum propriè sacrarium Veneris est...  
Itaque Pompejus Magnus solo theatro suo mi-  
nor, cum illam arcem omnium turpitudinum  
extruxisset, veritus quandoque memoria sua  
seniorum animadversionem, Veneris eadem su-  
perposuit, & ad dedicationem eiusdem populum  
vocans, non theatrum, sed Veneris templum

nuncupavit... Ita damnatum, & damna-  
tum opus templi titulo atteritur. Unde, ut  
observat S. Augustinus lib. 2. de Civit. Dei  
c. 14. Romani ab omnibus honoribus repellunt  
homines scenicos, putant tanquam infames,  
& indignos societatis humanæ, multo mi-  
nus participationis sacrorum mysteriorum.  
Hinc Concilium Eliberitanum can. 62. &  
Trullanum can. 51. & Arelatense c. 5. hu-  
iusmodi homines à sacra Communionem re-  
movent: De theatricis, inquit Arelatense,  
ipsos placuit, quando agunt, à Communionem  
separari; imò jus civile illos infamia no-  
cat, qui artis ludicæ pronuntiandive cau-  
sa in scenam prodierint lib. 1. ff. de his  
qui not. infam.

Quarto, deneganda est Sac. Communio  
publicis peccatoribus, putà usurariis, ra-  
ptoribus, adulteris, meretricibus, qui in  
Ecclesia scandalum à gravioribus criminibus  
etiam moniti ut respiciant, abstinere recu-  
sant, ut constat ex Clemente lib. 2. Constit.  
c. 52. Unde S. Chrysostomus homil. 85. in  
Matth. Sacerdotes alloquens, ait: Non par-  
va vobis imminet pena, siquidem aliqua im-  
probitate teneri scientes, ei bujus mensa par-  
ticipationem permittatis; sanguis enim Chri-  
sti de manibus vestris exquiratur. Subdit ve-  
rò: Non de ignotis, sed de notis, hoc dispu-  
to. Eandem doctrinam sæpe, ac severè in-  
culcat S. Augustinus, maxime lib. 50. Ho-  
miliar. homil. ult. cap. 12.

Suffragatur etiam ratio: Quia non debet  
Sanctum daricanibus; peccatores autem il-  
li publici, censentur canes ad vomitum  
suum sæpius revertentes: porro peccatores  
illi censentur publici, quorum peccata no-  
ta sunt notorietate facti, & per sententiam  
Judicis, quibus excluditur simplex suspicio:  
Nam, inquit S. Augustinus loco mox laud.  
noluit Dominus hominem ab homine judicari  
ex arbitrio suspicionis, vel etiam extraordina-  
rio usurpato iudicio, sed potius ex lege Dei se-  
cundum ordinem Ecclesiæ, sive ultro confe-  
sum, sive accusatum, atque convictum. Quod  
probat auctoritate Apostoli scribentis 1.  
ad Cor. 5. Si quis frater nominatur in vobis,  
aut fornicator, aut idolis serviens, aut ava-  
rus, aut maledicus, aut ebrius, aut rapax,  
cum huiusmodi nec quidem cibum sinui su-  
mers. Unde subdit S. Augustinus: Illud  
cur dixit, nisi quia eam denominationem in-  
tellegi voluit, quæ sit in quemquam cum sen-  
tentia ordine judicario, atque integratè pro-  
fertur? nam si denominatio sola sufficit, mul-

*multi damnandi sunt innocentes; quia sæpe falsò in quorum crimina nominantur.*

Peccatori autem occulto Eucharistiam publicè petenti non est deneganda coram iis, qui ejus peccatum non noverunt; quia, inquit Hiquæus in dist. 13. q. 2. n. 170. talis habet jus petendæ Communionis, utpotè cum sit baptizatus, adultus, & in possessione suæ famæ, quantum ad publicam estimationem, ac subinde citra scandalum, & injuriam ei non potest denegati Communio.

Nec obstat, quòd ipse existens in peccato mortali irroget injuriam Sacramento; quia injuria, quæ fit Sacramento, est injuria latè sumpta redundans in ipsum delinquentem, ex qua Sacramento non patitur, nec quidquam aufertur contra justitiam strictè sumptam: sed potius totum damnum redundat in eum, qui inserit irreverentiam; non sic in eo casu, quo peccatum alicujus, quod redundat in damnum alterius, tollit jus ejus celandi propriè dictum secundum justitiam, quia non habet tale cum damno alterius: fama autem peccatoris occulti cadit sub obligatione justitiæ, ne tollatur, nisi à Judice, & ejus occultatio non inserit damnum alteri contra eandem justitiam strictè sumptam.

Hoc confirmat exemplo Judæ, quem ipse Dominus communicavit, ut communiter Doctores asserunt, quamvis ejus peccatum aliis occultum ipse novisset. Deinde, in administratione publica debet quis sequi scientiam publicam, non privatam: talis est, quam habet Sacerdos de innocentia illius peccatoris, cujus in eo loco non est diffamatum peccatum: ergo eam sequi debet. Ita Hiquæus.

Dices, inde sequi, quòd peccatori etiam occulto debeat dari etiam occultè Communio, quod falsum est. Respondet negando sequelam, quia in eo casu dario Communionis non est actus publicus, sed privatus: idè regulatur per scientiam privatam; neque inde fit peccatori injuria aliqua, quia non diffamatur, cum in privata scientia Sacerdotis sit privatus ipso suo factò, quod ei notum est fama. Exemplo constat, quia si accesserit aliquis ad judicem privatim petens, ut ei solvi curet aliquid à debitore, quem talis Judex, aut Minister novit non debere, quia aliàs solutum est, quamvis pars id probare nequeat, rectè repelleret illam petitionem; tamen in foro publico, in quo

probat per instrumentum, & testes talem asserunt esse debitorem, neque constat de solutione, tenetur solutionem admittere. Ita in proposito, bonum publicum, qualis est Eucharistia, tenebitur publicè petendum dispensare Sacerdos, quamvis non privatim indignè petenti.

Dices iterum, inde sequi spectato jure naturæ Episcopum teneri admittere ad Ordines publicè, quem privatim novit indignum, etiam post fraternam correptionem, etiam aliquot testibus indignitatem ejus nosset. Respondet Hiquæus negando consequentiam, quia Episcopus tenetur ex justitia promovere bonum suæ Ecclesiæ, & scandala submovere: unde alter, qui indignus est, in præjudicium populi, & Ecclesiæ, in quam redundare damnum, non habet jus perendi promotionem. Deinde Episcopus est Judex potens influere processum, & eo convicto, per testes, proferre sententiam declarativam suæ inhabilitatis; eam verò auctoritatem non habet Sacerdos. Causa ergo pacis ita expedit, quia aliàs ex imprudentia, aut passione Ministrorum sæpe aliqui essent diffamati, & per leves occasiones subtraheretur Sacramentum injustè, nascerentur etiam plures scrupuli in Ministris. Quæ congruentiæ adduntur à quibusdam, qui conclusionem in factum, & Institutionem Christi referunt, non in jus naturæ, quo tenemur proximo, ne peccatum ejus injustè propalemus. Ita Hiquæus.

Disputant hic Auctores, qualiter præcepto annuæ Communionis satisfacere teneatur, qui vel eam omisit, vel longiorem peregrinationem auspicaturus, prævidet se non posse huic præcepto facere satis. Verùm cum ea omnia dubia facili negotio dissolvi possint ex iis, quæ diximus de præcepto annuæ Confessionis, idcirco ab ampliori hac discussione, & repetitione supersedimus.

## QUÆSTIO SECUNDA.

*Utrum Communio sub utraque specie potuerit Laicis ab Ecclesia prohiberi, & jussis de causis fuerit prohibita.*

**N**otandum primò, Vvaldenses in professione suæ fidei, quam direxerunt ad Uladislavum, asseruisse, Communionem sub utraque specie indispensabili Christi D. præcepto ad salutem omnibus, & singulis



prescriptum fuisse, atque necessariam. Eundem errorem Bohemi, ut refert Aeneas Sylvius in historia Bohemorum c. 35. innovarunt circa annum 1412. ducibus *Petro Dresdensi*, & *Jacobo Misnienfi*, quos studio impugnandæ Romanæ Ecclesiæ secutus est *Martinus Lutherus*, qui licet initio affirmaverit in quodam sermone de sacramento Eucharistiæ, alteram speciem sufficere, postmodum lib. suo de captivitate Babylon. scribere non erubuit, omnes esse impios, qui utriusque specie Communionem Laicos denegant. Quibus æquali audacia subscribit *Calvinus* lib. 4. Instit. c. 17. ubi non minori impudentia, quam ignorantia, aut certe, quod verius est, malicia, scribit, esse officina diaboli prodioli constitutionem illam, qua dimidiam cœnæ partem meliori populi Dei numero, vel furata est, vel eripuit, nempe symbolum sanguinis. Adversus itaque hos omnes errores hac in questione præliandum est, ac demonstrandum primo, quod Communionem sub utraque specie non sit jure divino singulis hominibus præcepta, & necessaria: Secundo, quod iustis de causis eam Ecclesia Laicis interdixerit; ita tamen, ut, quando libuerit, restituere possit.

*Notandum secundò*, certum esse, quod Christus D. instituerit Eucharistiæ sacramentum sub utraque specie panis, & vini, ut ex verbis institutionis liquido constet, ac utramque speciem Apostolis, quos Sacerdotes instituebat, concessisse. Certum pariter, quod per plurima secula ab ipsis Ecclesiæ primordiis fideles omnes sub utraque specie sacram Synaxim facerent, imò per aliquod tempus Ecclesiastico præcepto fidelibus injunctum fuisse, ut sub utraque specie communicarent, quo scilicet dignosci, ac distinguere possent à Manichæis, qui effluentes vinum esse fel draconis, & à diabolo inductum in hominum perniciem, asserabant illud sine sacrilegio bibi non posse, & propterea à Communionem sub vini specie abstinere, ut refert S. Leo ser. 4. de Quadagesima: Cum, inquit, Manichæi ad tegendum infidelitatem suam nostris audeant interesse mysteriis, ita in Sacramentorum Communionem se temperant, ut interdum tutius lateant, ore indigno Christi corpus accipiant; sanguinem autem Redemptionis nostræ omnino haurire negligant; quod idcirco vestram volumus scire sanctitatem, ut vobis ejusmodi homines, & his manifestetur indicium, & quorum de-

prehensa fuerit sacrilega simulatio, notati ut reprobi à Sanctorum societate Sacerdotali auctoritate pellantur. Cum autem hic Manichæorum error, & pessimus ritus adhuc vigeret tempore Gelasii summi Pontificis, idem rursus præceptum est, ut refertur dist. 2. de consecr. ubi legimus: *Comperimus, quid quidam sumpta tantummodo corporis sacri portione, à calice consecrati cruoris abstineant, qui procul dubio, quoniam nescio qua substitutione docentur, adstringi, aut sacramenta percipiant, aut ab integris arceantur.* Quibus verbis Gelasius utramque speciem sumendam præcipit, quam appellat integrum Sacramentum; non quod unaquæque species quoad rem contentam non sit integrum Sacramentum, sed quia integra Sacramentalis significatio, non nisi in utraque specie distinctè, & perfectè elucescit.

*Notandum tertio*. Ecclesiam hæc posterioribus temporibus reverà prohibuisse Laicis, & Clericis non consecratis usum Calicis, ut constat ex Conciliis, Constantinensi, Basiliensi, & Trid. sess. 21. can. 2. ubi anathemate damnat eos, qui dixerint: *Ecclesiam Catholicam non iustis causis, & rationibus adductam fuisse, ut Laicos, atque etiam Clericos non consecratos, sub panis tantummodo specie communicaret.* Verumtamen statim, atque legem illam tulit Ecclesia, nonnullis permittit, aut permitti posse pronuntiavit, quod tunc iustis de causis prohibebat, nam Martinus V. è Conc. Constantinensi Romam reversus, Communionem sub utraque specie Laicis tribuisse fecit. Similiter Conc. Basiliense post interdictam Laicis Calicis sumptionem, pro bono pacis, & utilitatis concessit Bohemis, & Moravis, ut sub utraque specie Eucharistiam reciperent. Concilium etiam Florentinum morem Græcorum sub utraque specie communicantium minime improbat. Denique Concilium Trid. sess. 22. in fine, decretum super concessione calicis ita expressit. *Insuper cum eadem sacrosancta Synodus superiori sess. (immediatè post canonem quartum) duos articulos alias propositos (scilicet sess. 13. in decreto prorogationis) & tum nuncum discussit, videlicet. An rationes, quibus sancta Catholica Ecclesia adducta fuit, sic communicare Laicos, atque etiam non celebrantes Sacerdotes sub una panis specie, ita sint retinenda; ut nulla ratione calicis usus cuicumque sit permittendus, & An sub*

bo-

bonestis, & Christiana cōbaritatis consentaneis rationibus concedendus alicui, vel nationi, vel regno calicis usus videatur, sub aliquibus conditionibus concedendus sit, & quamam ille sint, in aliud tempus, oblata sibi occasione, examinandos, atque definiendos reservaverit: Nunc eorum, pro quibus petitur, saluti optimè consilium volens, decrevit integrum negotium ad sanctissimum Dominum N. esse referendum, prout præsens decreto refert qui pro sua singulari prudentia id efficiat, quod utile Reipublicæ Christianæ, & salutare petentibus usum Calicis fore judicaverit. Ex quibus apparet, Ecclesiam Catholicam in administratione, & usu Eucharistiæ Christianorum paci, & utilitati consulere studuisse, nec illam à permittenda assumptione calicis ita esse alienam, ut de illo præcepto aliquid in gratiam, & consolationem nationum, & regnorum remittere parata non sit, si quoad dogmata, & veram fidem, & sinceram obedientiam in petentibus inveniret.

## CONCLUSIO SECUNDA.

**N**ullo divino præcepto tam Laici, quam Clerici non conscientibus, tenentur ad Communionem sub utraque specie. Hæc est de fide determinata in Concilio Constantiensi, sess. 13. his verbis. Cum in nonnullis mundi partibus quidam temerariè asserere præsumant, populum Christianum debere sacramentum Eucharistiæ sub utraque panis, & vini specie suscipere, & non solum sub specie panis, sed etiam sub specie vini populum Laicum passim communcent, etiam post cœnam, vel alias non jejuni, & communicandum esse pertinaciter asserant contra laudabilem Ecclesiæ consuetudinem rationabiliter approbatam, quam tanquam sacrilegam damnabiliter reprobare conantur, hinc est, quod hoc præsens Concilium sacrum generale Constantiense in Spiritu sancto legitime congregatum adversus hunc errorem salutis fidelium providendi satagens, matura plurimum Doctorum tam divini, quam humani juris deliberatione præhabita declarat, decerni, & defini, quod, licet Christus post cœnam instituerit, & suis Discipulis administraverit sub utraque specie panis, & vini hoc venerabile sacramentum, tamen hoc non obstante sacrorum Canonum auctoritas laudabilis, & approbata consuetudo Ecclesiæ servavit, & servat, quod huiusmodi sacramentum non debet confici post cœnam, neque à fidelibus recipi non jejuni, nisi in casu infirmitatis,

aut alterius necessitatis à iure, vel Ecclesiæ concessio, vel admissio. Et similiter quod licet in primitiva Ecclesiâ huiusmodi sacramentum recipere à fidelibus sub utraque specie; tamen hæc consuetudo ad evitandum aliqua pericula, & scandala, est rationabiliter introducta, quod à conscientibus sub utraque specie, & à Laicis tantummodò sub specie panis suscipiatur, cum firmissimè credendum sit, & nullatenus dubitandum, integrum Christi corpus, & sanguinem tam sub specie panis, quam sub specie vini veraciter contineri. Unde cum huiusmodi consuetudo ab Ecclesiâ, & SS. Patribus rationabiliter intrducta, & diuissimè observata sit, habenda est pro lege, quam non licet reprobare, aut sine Ecclesiæ auctoritate pro libito mutare. Quapropter dicere, quod hanc consuetudinem, & legem observare, sit sacrilegum, & illicitum, censeri debet erroneum, & pertinaciter asserentes oppositum præmissorum, tanquam hæretici arcendi sunt, & graviter puniendi per Divesanos locorum, seu Officiales eorum, aut Inquisitores hæretice pravitatis, &c.

Consonat Synodo Tridentina supra c. 2. ubi cum declarasset, in Ecclesiâ perpetuò fuisse potestatem, ut in Sacramentorum administratione, salva illorum substantia, ea statueret, vel mutaret, quæ suscipientium utilitati, seu ipsorum Sacramentorum venerationi, pro rerum, temporum, & locorum varietate magis expedire judicaret, continuò attexit: Quare agnoscens Sancta Mater Ecclesiâ hanc suam in administratione Sacramentorum auctoritatem, licet ab initio Christianæ Religionis non infrequens utriusque speciei usus fuisset, tamen progressu temporis, latissimè jam mutata illa consuetudine, gravibus, & iustis causis adducta, hanc consuetudinem sub altera specie communicandi approbavit, & pro lege habendam decrevit, quam reprobare, aut sine ipsius Ecclesiæ auctoritate pro libito mutare non licet.

Probatur autem conclusio: Si Communiō esset necessariō sub utraque specie faciendā de iure divino, id colligeretur vel ex præcepto Christi Domini vel ex ejus factō, & exemplo, vel ex allidua Ecclesiæ praxi, vel denique ex natura sacramenti; sed ex neutro capite id potest inferri, ut probabimus sub distinctis hinc titulis.

*Christus Dominus non præcepit faciendam Communionem sub utraque specie.*

**Probatur.** Si effet aliquod divinum Christi D. præceptum de Communionem faciendam sub utraque specie, peteretur vel ex his verbis Joan. 6. *Nisi manducaveritis carnem filii hominis, & biberitis ejus sanguinem, non habebitis vitam in vobis*, vel ex his verbis Mat. 26. *Bibite ex hoc omnes*, vel denique ex his verbis Luca 22. *Hoc facite in meam commemorationem*: sed ex nullis eorum divinum hoc præceptum potest colligi; Non quidem ex primo: *Tum quia* ex illis verbis in omni sua proprietate intellectus nihil aliud colligitur, quam quod homines teneantur ad manducandum Christi corpus, & bibendum ejus sanguinem, quod utique fit in sumptione unius speciei, siquidem sub qualibet sumitur corpus cum sanguine.

*Nec dicas*, cibum quidem, & potum sumi sub singulis speciebus, non verò manducari cibum, & bibi potum, quod hic videtur requiri. Hæc enim responsio prorsus inanis est, quia manducare, & bibere, vel idem significat, ac sumere quod verè est cibum, & potus, vel significat sumere cibum sub externa visibili specie cibi, & potum sub externa specie potus. Si primum, revera sub utraque specie Christi corpus, & sanguis manducatur, & bibitur, quia sub qualibet specie utrumque sumitur. Si secundum dixerint hæretici, necessum est, quod ostendant, ubi scriptum fuerit, nisi manducaveritis sub modo cibi, & biberitis sub modo potus: igitur præceptum hoc versatur dumtaxat circa rem, quæ sumitur, non circa modum, quo illa sumitur. Neque id insolitum est in Scriptura, quæ plerumque verbum *manducandi*, & *bibendi*, pro eodem indifferenter usurpat: sic Apostolus, qui dixerat 1. ad Cor. 3. *Iac vobis potum dedi*, ibidem c. 9. dicit; *Quis pascit gregem*, & de laico gregi non manducat? Similiter de Christi Passionem dicitur Pl. 68. *Ei dederunt in escam meam fæc*. Et tamen Matth. 26. legimus: *Dederunt ei vinum bibere cum fello mixtum*: igitur nulla vis faciendi est in illi verbis: *Nisi manducaveritis, & biberitis*, quippe intelliguntur de re, quæ sumitur, non de modo, quo sumenda est.

*Secundo*, dici potest quod particula (*&*) hæc non sumatur collectivè, sed disjunctivè,

id est, ita quod sit sensus: *Nisi manducaveritis, aut biberitis*. Quod utique frequens est in Scriptura: Sic Exodi 21. *Qui percussit patrem, & matrem, morte moriatur*, id est; alterutrum. Sic Actorum 3. *Argentum, & aurum non est mihi*, id est, neque argentum, neque aurum.

Porrò, quod ea fuerit mens Salvatoris Jo 6. egregie colligit Concilium Tridentinum, sess. 21. c. 1. *Nam*, inquit, *qui dixit, Nisi manducaveritis carnem filii hominis, & biberitis ejus sanguinem, non habebitis vitam in vobis, dixit quoque: Si quis manducaverit ex hoc pane, vivet in æternum: & qui dixit, qui manducat meam carnem, & bibit meum sanguinem, habet vitam æternam, dixit etiam, Panis, quem ego dabo, caro mea est pro mundi vita: is denique qui dixit, qui manducat meam carnem, & bibit meum sanguinem, in me manet, & ego in illo, dixit nihilominus, Qui manducat hunc panem, vivet in æternum*. Igitur ex mente Christi D. vis præcepti non tam attenditur, quantum ad sumendi modum, quam ad rem ipsam sumendam.

Non colligitur etiam ex secundo textu: *Bibite ex hoc omnes*: Quippe verba illa Christus non ad omnes omnino fideles, sed ad solos Apostolos, qui tunc cum eo cœnabant, dixit, quod significaret, ut unus non sumeret totum calicem, sed quisque ita calicis partem hauriret, ut sic omnes ex eobiberent: Hinc Luca 22. legimus: *Accipite, & dividite inter vos*. Atque hoc impletum fuisse testatur S. Marcus c. 14. scribens: *Et biberunt ex eo omnes*. Unde etiam significet Christus D. ad distributionem panis hanc cautionem non adhibuit, quia videlicet ipse fregit, & singulis dedit partem panis consecrati, ut legimus Matth. 26. *Carnantibus autem eis, accepit Jesus panem, & benedixit ac fregit, deditque Discipulis suis*.

*Tertio* denique, divinum hoc præceptum non potest colligi ex his verbis: *Hoc facite in meam commemorationem*. Nam apud Lucam 22. & apud S. Paulum 1. Cor. 11. hæc verba absolute referuntur post consecratum panem, & ante consecrationem calicis, unde Apostolus ea repetens post consecratum calicem, non absolute, sed hypotheticè dicta refert, his verbis: *Hoc facite quotiescumque biberitis in meam commemorationem*. Ex quibus patet, quod usus calicis absolute non præcipiatur, sed quod bibens calicem, quotiescumque id facere contigerit, in Christi-

Christi memoriam faciat, & mortem Domini annuntiet. Apparet ita ex verbis illis usum quidem calicis in Ecclesia perpetuo esse retinendum, ut recolatur perpetua memoria mortis, & Passionis Christi, non verò quòd id ab omnibus, & singulis sit faciendum, sed dumtaxat à Sacerdotibus, quos in persona Apostolorum tunc temporis Christus inaugurabat in Sacerdotes novæ legis.

*Non colligitur etiam divinum hoc præceptum ex factò, & exemplo Christi.*

Tum, quia tunc temporis non solum Christus Sacramentum instituit, sed etiam sacrificium obtulit, ac subinde præbebat ritum sacrificandi, quem exactè sequitur Ecclesia, dum Sacerdotes obligat ad utriusque speciei consecrationem, & sumptionem. Tum quia non omnia quæ ibi Christus legit, singulis fidelibus facienda præcipit in suscipienda Eucharistia, ut etiam aperte fateatur Calvinus lib. 4. *Instit. c. 17. n. 43.* Nec diffiteri possunt hæretici, quippe cum nec ipsi pedes lavent, antequam suam cœnam Eucharisticam edant, nec prius agnum comedant, nec serotinis horis, & post cœnam accipiant, nec tantum cum duodecim viris, nullis præsentibus mulieribus, igitur ex factò, & exemplo Christi non potest colligi præceptum sumendæ Eucharistiae sub utraque specie, quippe non potius hac in re videtur imitandus Salvator ab omnibus fidelibus, quàm in aliis ritibus, quos ibi servavit, nec tamen ab Ecclesia servandos esse voluit.

Quod utique præclare S. August. demonstrat epist. 118. ubi loquens de Eucharistia à jejuniis tantum sumenda, quamvis illam non jejuniis Apostolis Christus primum dederit: *Illud, inquit, magis notare potuit homines, utrum jam refecti ore illo, vel offerrent, vel sumerent Eucharistiam, quòd in Evangelio dicitur.* Cum autem illi manducarent, accepit Jesus panem, & benedixit, &c. *Et liquidò apparet, quando primum acceperunt Discipuli corpus, & sanguinem Domini non eos accepisse jejunos.* Nunquid tamen propterea calumnians est mos univèrsæ Ecclesiæ, quòd à jejuniis semper accipitur? Ex hoc enim placuit Spiritui sancto, ut in honorem tanti sacramenti in os Christiani prius Dominicum corpus intraret, quàm externi cibi. Nam idèò per univèrsam orbem mos iste servatur. Neque enim quia post cibos dedit Dominus, propterea

præsti, aut cœnati fratres ad illud sacramentum accipiendum convenire debent, aut sicut faciebant, quos Apostolus arguit, & commendat, mensi suis ista miscere. Namque Salvator, quòd vehementius commendaret mysterii illius altitudinem, ultimum hoc voluit infigere cordibus, & memoria Discipulorum, à quibus ad passionem dîgessurus erat. Et idèò non præcepit, quòd deinceps ordine sumerentur, ut Apostolus, per quos Ecclesiæ dispositurus erat, servaret suum locum. Num si hoc ille monuisset, ut post cibos alios semper acciperetur, credo, quòd eum morem nemo variasset. Hæc ille de jejuniis, indubiè idem dicturus de sumptione unius speciei, si occasio ita exegisset.

*Non etiam hoc divinum præceptum ex assidue Ecclesiæ praxi colligitur.*

Primò, Nam ab ipsis etiam Apostolis frequentatam videmus Communionem sub unica specie; dicitur enim Act. 2. *Erant perseverantes in doctrina Apostolorum, & communicatione fractionis panis,* ubi per fractionem panis intelligitur Eucharistiae participatio, juxta illud Apostoli 1. ad Cor. 10. *Panis, quem frangimus, nonne participatio corporis Domini est?* Nulla autem ibi fit mentio calicis, ac subinde argumentum est, Apostolos aliquando administrasse Eucharistiam sub sola specie panis. Quod utique confirmatur ex circumstantiis, quia inter fideles tunc erant plures Nazaræi, ut patet Act. 21. *Sunt nobis viri quatuor habentes votum super se.* Quibus Apostoli tunc permittebant observantiam Legis; Nazaræi autem interdium erat vinum, ut constat his verbis Num. 6. *A vino, & omni, quod inebriare potest, abstinere.*

Secundò, Idipsum patet ex antiquissimo Ecclesiæ ritu, quo constat Eucharistiam fidelibus tradi solitam, ut eam secum deportarent, non solum domum, sed etiam in solitudinem, ad remotiora loca properantes: cujus utique praxis plurima jam protulimus testimonia ex Tertulliano, Cypriano, & aliis; sed non est credibile duplicem speciem semper fuisse concessam, vel deportandam domum, vel à Monachis in solitudinis secessus, vel à peregrinantibus in remotissimas regiones: Tum, quia Eucharistia sic delata aliquando per annum integrum servabatur, ut habetur in Prato spiritali c. 49. à Monachis in solitu-

dioc

dine tempore favientis persecutionis; sic autem servari non potuissent species vini, quod facile accessit, & corrumpitur. Tum, quia Eucharistia sic concessa appellatur panis, ut colligitur ex Tertulliano, qui loquens de muliere, quæ Gentili nupta sit, dicit lib.2. ad uxorem c.5. Non sciat maritus, quid secretis ante omnem cibum gesserit, si sciverit, panem non illum crederet esse, qui dicitur. Ubi, & unius panis speciei mentionem facit, & illam solam fuisse adhibitam aperte significat, cum ait: Non sciat maritus; si enim mulier gustasset species vini, facili negotio ex odore, & halitu Maritus deprehendere potuisset.

Tertio, hæc praxis colligitur etiam ex eo, quod calix nusquam in manus Laicorum dari erat solitus, sed quando communio fiebat sub duplici specie, Laicis ministrabatur per manus Diaconorum: porro species panis Laicis tradebantur in manus etiam mulieribus, ut luculento testimonio tradit S. August. lib.2. contra litteras Petiliani, c.23. & ser.105. de tempore, c.23. ubi ait: Omnes viri, quando communicare desiderant, lavant manus suas, & omnes mulieres nitida exhibent linteamina, ubi corpus Christi accipiant. Ad quem morem alludit Canon Concilii Altiissiodorensis, ubi legimus: Non liceat mulieri nuda manu Eucharistiam sumere, nec manum suam ad pallas Dominicas mittere. Et can. 30. Unaqueque mulier, quando communicat, Dominicalem suum (id est, mundissimum linteam ad accipiendum Domini corpus) habeat: aut si non habuerit, usque in alium diem Dominicum non communicet. Cum itaque aliunde constet, sacrum calicem non nisi per manus Diaconorum fuisse dispensatum, consequens est unam tantum speciem cum viris, tum mulieribus domum deferendam, ut ibi sumeretur, fuisse concessam.

Non valet reponere, speciem panis sanguine Domini fuisse resperfam, & intinctam, quemadmodum facere solent Græci, dum Missas celebrant, ex jam præsanctificatis, & quando servant Eucharistiam distribuendam morientibus. Hæc, inquam, responsio non valet, cum enim mulieres Eucharistiam nitidissimo linteolo exciperent, si species panis fuissent sanguine Christi madentes, sacrum illum liquorem linteolum exfluxisset, & aliquæ guttulæ in terram potuissent defluere, quod periculum quanta diligentia sacri Antistites, & Patres præcavere

fuerint solliciti, patet ex hom.13. Origenis in Exodum, sic scribentis: Nollis, qui divinis mysteriis interesse consuevistis, quomodo cum suscipitis corpus Domini, cum omni cautela, & veneratione servatis, ne ex eo parum quid decidat, ne consecrati muneris aliquid dilabatur. Reos enim vos creditis, & recte creditis, si quid inde per negligentiam deciderit. Quod & observat S. Aug. & ad mores pie refledit lib.50. homiliar. hom.26. Quanta, inquit, sollicitudine observamus, ne verbum Dei, quod nobis erogatur, dum aliquid aut cogitamus, aut loquimur, de corde nostro pereat.

Quarto, id constat ex eo, quod infanti- bus olim Eucharistia sub unica specie porrigebatur; cum autem non possent solidum cibum sumere, aliquid sanguinis Domini in os eorum per Presbyterum, aut Diaconum instillabatur; cujus utique moris meminit Hugo Victorinus lib.1. de sacramentis, c.20 & ipsum appellat primam Ecclesie institutionem; cujus etiam exemplum illustre proferat S. Cyprianus tr.de lapsis, ubi narrat, quod cum puella nutrici relicta, infans matre, quæ ob persecutionem fugerat, de idolothytis gustasset, & in Ecclesiam tempore sacrificii à matre ablata fuisset: ubi, inquit, solemnibus adimpletis, calicem Diaconus offerre præsentibus cepit, & accipientibus cæteris locus ejus advenit, faciem suam parvula instinctu divinæ Majestatis avertere, os labiis obdurantibus premere, calicem recusare. Perstitit autem Diaconus, & reluctanti licet, de Sacramento sanguinis infudit: tunc sequitur singultus, & vomitus in corpore, atque in ore violato permanere non potuit Eucharistia, utique sub una specie vini porrecta: si enim sub specie panis Eucharistiam absque difficultate puella suscepisset, ore violato permansisset Eucharistia, illeque vomitus non tam miraculo, quam vini horrori, vel alteri causæ naturali absque negotio adscriberetur. Si autem sub unius specie vini Eucharistia etiam in Ecclesia piis temporibus, iisque erroris, labique puris ministranda fuit, profecto docti ab Apostolis Patres existimarent, unius speciei usu divino de sumenda Eucharistia præcepto fideles satisfacere.

Quinto, sacra Eucharistia abstermus olim sumenda porrigebatur; cujus moris meminit Hieronymus epist. 22. ad Eustochium, ubi

ubi quarumdam Catholicarum Virginum abstinentiam meminit, quæ Romæ in sacris mysteriis præ nativo vini horrore à specie vini abstinerebant; ibidemque increpat, & redarguit quasdam lascivas mulieres, quæ adversus usum illum obloquentes, sacras illas Virgines miseræ, & Manichæas deditabant. Et certe abstemios non solum Catholica Ecclesia, sed nec vel ipsi etiam Lutherani, & Calviniani ad usum calicis unquam adstrinxerunt. Ergo utriusque speciei usus non est omnibus & singulis ad salutem necessarius.

*Secundò*, solemniter erit per universas Galliz Ecclesias decimo sæculo ritus, quo Episcopus Presbytero recens ordinato Eucharistiam in una specie panis per quadraginta dies in memoriam quadraginta dierum, quibus Christus cum Apostolis conversatus est, sumendam porrigebat, quem refert Fulbertus Carnotensis episcopus ad Picardum, ubi & asserit suos Provinciales Episcopos in huiusmodi ritum omnes consentire, ut dum ordinatis Sacerdotes quotidie caelestis panis alimonia reficiuntur, tempus illud in mente habeant, quo per quadraginta dies Dominus Discipulis apparens & convalescens desiderate visionis societate refectus. Ergo unius speciei usus ne dum toleratus, sed commendatus etiam priscis temporibus fuit. Plura his similia ad hanc veritatem confirmandam veteris Ecclesiæ monimenta, & momenta reperies apud Auctores, qui contra hæreticos ex professo pugnaverunt quibus omnibus constat, Communionem sub utraque specie necessario faciendam jure divino, nequaquam ex veteris Ecclesiæ praxi posse colligi.

*Denique Communio sub utraque specie non est necessariò facienda ratione integritatis Sacramenti.*

Sacramentum enim Eucharistiæ tria maxime complectitur, primò signum, secundò rem significatam, ut est sub signo contenta; tertio denique fructum, id est, effectum illius: atqui Communio sub unica specie hæc tria complectitur: ergo, &c. Probat minor: Unica species significat Christum, ejusque mortem ac passionem, internamque, ac spiritualem refectionem animarum nostrarum, denique unionem fidelium inter se, & cum Christo. *Primò*, quidem significat Christum, quia in pane figuratus est (idem dicas de vino, ) *Secundò*, significat Passio-

nem, nam panis representat carnem velut separatam à sanguine; similiter vinum representat sanguinem separatum à carne, ac velut extra venas corporis. *Tertiò*, significat refectionem animarum, quia in refectione spiritali non differunt cibus & potus, sed unam eandemque nutritionem efficitur, sicut potus corporeus & cibus, ut patet Ecclesiastici 15. ubi sapientia nunc aquæ, nunc panis, comparatur: *Cibavit illum pane vite, & intellexit, & aqua sapientie salutariis potavit illum.* Matth. 5. Christus iustitiam appellat cibum & potum: *Beati, qui esuriunt, & sitiunt iustitiam.* Jo: 6. *Qui venit ad me, non esuriet, & qui credit in me, non sitiet.* Apostolus prædicationem suam nunc cibum, nunc potum appellat. *Denique*, unica species significat unionem spiritualem fidelium, quia per panem seorsim confectum ex multis granis, & per vinum seorsim expressum ex multis racemis hæc unio representatur; unde Apostolus; *Unus panis, unum corpus, multi sumus in Unione.*

*Probat secundò* ratione rei contentæ sub signo, quæ est corpus Christi; nam sub unaquaque specie seorsim sumpta, totus ac integer Christus continetur, ut constat ex dictis de præsentia reali, & de concomitantia.

*Probat denique* ratione effectus: *Primò* effectus proprius Eucharistiæ est vita consummata: hæc autem consequuntur fideles sub una tantum specie communicantes; ergo utraque non est ad id necessaria. *Probat minor* ex ipsis Christi D. verbis: *Qui manducaverit ex hoc pane, vivet in æternum: Qui manducat me, ipse vivet propter me: Panis, quem ego dabo, carnis est pro mundi vita.* *Secundò*, ubicumque est tota res, unde oritur fructus, ibidem & totus fructus reperitur: (modò cætera sunt paria) atqui totus Christus sub qualibet specie continetur: ergo sumpta una specie sola, recipitur totus fructus.

*Obijcies primò*: Mutuum est & invalidum Testamentum, ubi non reperiuntur omnia singulis Christianis Testamentum Christi legata: atqui utramque speciem singulis Christianis Testamentum suo legavit Christus, ut probari videtur ex his verbis: *Qui pro vobis, & pro multis effundetur.*

*Respondet primò*, Majorem esse veram si de sacrificio crucis, non autem si de Eucharistiæ sacramento intelligatur. *Secundò* negando minorem; etenim Ecclesiæ suæ Christus

Te-

Testamento suo legavit corpus, & sanguinem suum; non tamen à singulis sub utraque specie, sed à Sacerdotibus sacrificantibus sumendum. Tertiò distinguo minorem: Christus Testamento suo, &c. ratione rei significatæ, quæ tota est, & integra sub qualibet specie, concedo: ratione signi, subdistinguo: inadaquatè sumpti, pro una scilicet specie, concedo: adquatè sumpti, nimirum pro utraque specie, nego.

*Obijciens secundò:* SS. Patres diserte affirmant, Communionem sub utraque specie fieri solitam à fidelibus nascentis Ecclesiæ, & necessariò faciendam ad Sacramenti integram participationem: Primò namque *Iustinus* apolog. 2. ad Christianos post desertam Communionem sub utraque specie subdit: *Apostoli in Evangelii ita sibi præcepisse Dominum tradiderunt*. Similiter *S. Cyprianus* lib. 2. epist. 3. *Quidam*, inquit, vel ignoranter, vel simpliciter in calice Domini sanctificando, & plebi ministrando, non hoc faciunt, quod Christus fecit, &c. dicitur. Unde lib. 1. ep. 2. scribit. *Quomodo*, inquit, docemus, & provocamus eos in confessione nominis sanguinem suum fundere, si eis militaturis sanguinem Christi denegamus? aut quomodo ad martyrii poculum idoneos facimus, si mancos ad bibendum in Ecclesia poculum Domini jure communicationis admittimus? Et *Auctor* ser. de cæna Domini: *Lex*, inquit, *esum sanguinis prohibet, Evangelium præcipit, ut bibatur*. Et *S. August.* lib. quæst. in Leviticum q. 57. *Ad bibendum sanguinem omnes exhortamur, qui volunt habere vitam*. Et *S. Bernardus* ser. 3. in ramis palmarum: *Alimentum corporis, & sanguinis Domini*, inquit, *in prima cæna Domini exhibitum; deinceps frequentari mandatum*. Igitur communio sub utraque specie facienda est ex Christi mandato, & præcepto.

Nego consequentiam, & ad *S. Iustinum* dico primò, cum loqui solum de præcepto consecrandi sub utraque specie, non verò communicandi; ibidem enim dicit, Eucharistiam deferri solitam per Diaconos ad eos, qui Missarum solemnibus, quæ diebus Dominicis celebrabantur, non poterant interesse; non est enim verisimile calicem sanguinis Christi ad absentes fuisse delatum ob periculum effusionis; ac subinde solum deferbantur species panis: unde *de præceptum* non cadit supra communionem in utraque specie, sed supra consecrationem.

Ad *S. Cyprianum* dico, eum illo loco non *Præsen* Tbol. Tom. XI.

agere de calice populo ministrando, sed de aqua miscenda vino consecrando; unde statim subiungit: *Admonitis autem nos scias, ut in calice offerendo Dominica Traditio servetur, neque aliud fiat à nobis, quam quod pro nobis Dominus prior fecit, ut calix, qui in Commemorationem ejus offertur, mixtus vino offeratur*. Adde, quòd *S. Cyprianus* loquatur juxta morem suæ Ecclesiæ, in qua vigeat consuetudo communicandi sub utraque specie.

Ad *Auctorem sermonis de cæna*, & ad *S. Augustinum* dico, ipsos loqui non de modo sumptionis, sed de re sumenda: sumitur autem sanguis Christi simul cum corpore; quo sensu pariter venit interpretandus *S. Bernardus*. Vel dici potest, ipsum ibidem loqui de solis Sacerdotibus consecrantibus.

*Obijciens tertio:* Concilium Turonense relatum ab Ivone, & Reginone, & Burcardo, quod asserit Eucharistiam distribui intinctam in sanguine Christi, ut veraciter Presbyter possit dicere; *Corpus, & sanguis Christi propt tibi in vitam æternam*.

Respondo primò, Decretum illud posse benignè explicari de sanguine Christi, non secundum se, sed ratione clarioris significationis; sanguis enim licet non bibere-retur sub specie vini, non minus prodes-set ad vitam æternam, quàm si sumeretur sub specie vini; sed non ita clarè, & distinctè hunc effectum significaret. Adde, intinctionem illam, cujus hic canon meminit, reprobari à Concilio Bracharensi III. can. 1. qui sub nomine Julii Papæ refertur à Gratiano, de consecr. dist. 2. can. *Cum omne crimen*.

## CONCLUSIO SECUNDA.

**E**cclésiæ jussis de causis interdixit Laicis Communionem sub utraque specie. Ita Conc. Trident. sess. 21. can. 2. ubi anathemate damnat eos, qui dixerint: *Ecclesiæ Catholicæ non jussis de causis, & rationibus adductam fuisse, ut Laicos, atque etiam Clericos non consecratos sub panis tantum specie communicaret*. Has autem justissimas causas sic exprimit, & refert Catechismus Romanus n. 70. *Primum enim, inquit, maxime cavendum erat, ne sanguis Domini in terram funderetur: quod quidem facile vitari, posse non videbatur, si in magna populi multitudine eum ministrare*.

Q

oportet.

oportuisset. Præterea, cum sacra Eucharistia xgrois præloesse debeat, magnopere timendum erat, ne si diutius vini species asservaretur, acefceret. Per multi præterea sunt, qui vini saporem, ac ne odorem quidem perferre ullo modo possint. Quare ne quod spiritualis salutis causa dandum est, corporis valetudini noceat, prudentissime sancitum est ab Ecclesia, ut panis tantummodo speciem fideles acciperent. *Accedit* ad alias rationes, quod in pluribus provinciis summa vini penuria laboratur; neque id aliunde sine maximis impensis, ac nonnisi longissimis, & difficillimis itineribus conveyi potest. *Deinde*, quod maxime omnium adrem pertinet, convellenda erat eorum hæresis, qui negabant sub utraque specie totum Christum esse, sed corpus tantum exangue sub panis, sanguinem autem sub vini specie contineri asserbant. Ut igitur fidei Catholicæ veritas magis ante omnium oculos poneretur, sapientissimo consilio, alterius speciei, hoc est, panis communio inducenda est. Sunt & alia rationes ab iis collectæ, qui de hoc argumento disserunt: quæ si opus esse videbitur, à Patrochis afferri poterunt.

*Dices primo:* Ecclesia priorum seculorum huiusmodi omnia incommoda noverat, & fuerat experta, nec tamen propterea calicis usum Laicis interdixit: igitur citra omnem causam, & rationem hunc usum prohibuit hæc postremis temporibus.

*Nego consequentiam:* Experimentum enim veteris Ecclesiæ occasionem præbuit condendæ illius legis, qua sanatum est, ut publico malo imposterum occurreretur; sicut à simili, per plures annos matrimonia clandestina non improbat Ecclesia, quamvis detestaretur, & prohiberet omnia peccata, & mala, quæ exinde oriebantur: cum autem animam verteret, se tot inde emergentibus malis nullum efficax remedium asserre posse, tandem æquum iudicavit huiusmodi matrimonia omnino irrita, & nulla declarare.

*Dices secundo:* Sacramentum Eucharistiæ est Testamentum, quo Christus morti proximus corpus, & sanguinem suum legavit omnibus fidelibus suis filiis: sed citra injuriam, & injustitiam filii spoliari non possunt paterna hæreditate sibi delegata: igitur nec fideles iuste privari possunt calice, & sanguine Christi.

*Distinguo majorem:* Corpus, & sanguis sunt hæreditas à Christo fidelibus delegata, quantum ad utriusque realem sumpcionem, concedo: quantum ad modum sumpcionis, nego. Et concessa minore, nego consequentiam: quatenus enim Laici non habeant usum calicis, non minus propterea recipiunt integrum Christi sanguinem; quippe cum totus ille sacer sanguis in Christi vivente corpore, & glorioso sub speciebus panis delitescere contineatur.

*Dices tertio:* Gratia, quam Superior concessit, & ad eam recipiendam subditis jus fecit, non potest ab inferiori Præfide, & Ministro iuste denegari: sed Christus concessit fidelibus jus petendi calicem: ergo Ecclesia hoc jure non potest fideles expoliare.

*Distinguo minorem:* Christus concessit fidelibus jus petendi usum sanguinis sui, quantum ad realem ejus suscepcionem, concedo: quantum ad modum sumpcionis, nego: siquidem nullo Scripturarum oraculo id evincere possunt hæretici. Porro Ecclesia non solum non denegat receptionem corporis, & sanguinis Christi; imò ad eam variis pœnis, gravibusque censuris obligat: secus autem est de utriusque speciei sumpcione: quia hunc usum non ita pro populo fidei Christus instituit, ut petendi illius jus habeant, sed arbitrio, & prudentiæ Ecclesiæ permisit, ut ea statueret, vel immutaret, quæ suscipiunt utilitati, atque ipsius tremendi Sacramenti venerationi pro rerum, temporum, & locorum varietate magis expedire judicaret. Quod utique Apostolus, inquit Tridentinum sess. 21. c. 2. non obscure declaravit, cum dixit: *Sic nos existimet homo, ut Ministros Christi, & dispensatores mysteriorum Dei.* Atque hac potestate usum fuisse Apostolum cum in multis aliis, tum in hoc Sacramento, inde constare videtur, quod ipse cum Ordinatis nullis circa usum hujus Sacramenti scribat, 1. ad Cor. II. *Cave, cum venero, disponam.*

Peter 1. *Utrum Ecclesia iustas nunc habere possit causas calicem fidelibus restituendi.*

*Respondet,* posse quidem hanc gratiam ex privilegio nonnullis conferre, quippe cum illam Bohemis concesserit Paulus III. modo non ad hærent hæresis Petri Dresdensis, & Jacobi Miñensis. Similiter Clemens VI. dici-



dicatur hoc privilegium concessisse Regi Angliz anno 1341. Item dum summus Pontifex solemniter celebrat, Cardinales Diaconus, & Subdiaconus, qui ei sacra facienti assistunt, sub utraque specie cum eo communicant, possent ergo, iuxta aliqua id exigente causa, & contra omnem errorem ex parte suscipientis, eandem gratiam Ecclesia iterum concedere.

*Petes 2. Utrum plus gratie conferatur suscipienti utramque speciem, quam unicam ex opere operato.*

*Negat subtilis Doctor in reportatis 4. dist. 33. q. 2. n. 4. ubi ait: Nunc autem non dispensatur sanguis Christi propter periculum effusionis, & propter scandalum, ne simplices crederent, maiorem virtutem esse in duabus speciebus, quam in unica. Quibus verbis declarat Doctor, unam ex rationibus, quare Ecclesia iuste prohibuerit Laicis usum calicis, fuisse ne simplices existimarent, maiorem vim inesse duabus speciebus ad conferendam gratiam, quam unicæ: igitur non existimat Doctor, plus gratiæ recipere eum, qui duas species, quam qui unicam suscipit. Idem docet S. Thomas q. 80. ar. 2. ad 3. Et suadet ratio: Major enim gratia conferretur, vel ratione signi, vel ratione rei significatz: Non posterius nihil enim continetur sub duplici specie, quod non continetur sub unica. Non etiam prius: Tum quia species Eucharisticæ conferunt gratiam non ratione sui, sed ratione rei contentæ: Tum etiam quia Communio sub utraque specie nihil aliud habet supra Communionem cum unica, nisi quod distinctius, & expressius significet refectionem animæ per modum potus, & cibi; siquidem Christi corpus, & sanguis sub unica dumtaxat specie continetur: expressior autem, & distinctior significatio effectus Sacramentalis non efficit eum maiorem, & ampliorem, cuius utique exemplum apparet in Baptismo: non enim plus gratiæ tribuitur per abluionem totius corporis, quam unius tantum partis; quamvis ablutio totius corporis distinctius significet abluionem totius animæ.*

*Dices primò: Concilium Trident. sess. 21. cap. 3. docet fideles sub altera tantum specie communicantes, nulla fraudari gratia ad salutem necessariâ: igitur indicat eos fraudari aliqua gratia, quæ ad salutem non sit necessaria.*

*Nego consequentiam: Nam ibi Concilium*

docet tantum id, quod spectat ad fidem tenendam de communionem sub unica specie, & revincendum errorem hæreticorum, qui volebant fideles non communicantes sub specie vini privari gratia necessaria ad salutem: liberum autem relinquit Theologis discutere, utrum communicantibus sub duplici specie plus gratiæ conferatur ex opere operato, nec ne; quamvis enim communicantes sub duplici specie plus gratiæ recipiant, non propterea qui communicant sub unica, fraudarentur gratia necessaria ad salutem, quia hoc gratiæ augmentum non necessario requiritur ad salutem.

*Inhabet: Clemens VI. in Bulla, qua concessit Regi Angliz, ut quoties vellent, sub utraque specie communicaret, ait id se concedere ad gratiæ augmentum: ergo consecutus plus gratiæ conferri in receptione utriusque speciei, quam unius.*

*Distinguo: Conset plus gratiæ conferri, ex opere operato, nego, ex opere operantis, concedo; quia præsumebat Pontifex Regem ampliorem habiturum devotionem in receptione utriusque speciei, quam unius tantum, quippe cum hanc gratiam summo pietatis affectu postularet.*

*Adde quid hæc Bulla non videatur ita certa: Tum quia data dicitur anno 1341. & tamen anno dumtaxat sequenti ad summum Pontificatum Clemens eversus est. Tum quia multi, quos Silvius, alique sequuntur, contendunt Bullam illam in favorem Regis Galliarum fuisse concessam, quod omnino incertum est; siquidem ex historia Concilii Tridentini constat, quod post lectos quatuor canones sessionis 21. de Communionem sub utraque specie anno 1592. Mense Julio, probatis per omnia Canonibus, Legati Regis Christianissimi in hunc modum peroraverunt: Si in illis nonnulla mutentur, quemadmodum nonnullis visum est, postulamus id fieri absque eo quod præiudicium ullum fiat auctoritati, & prerogativæ Regis Christianissimi. Retinuerunt enim Galliarum Reges, & post mille, & amplius annos quasi per manus acceperunt, ut quo die regis insignibus ornantur, & consecrantur, SS. Eucharistiæ sacramenti communionem sub utraque specie, accipiant. Ubi usum illum Clemente VI. longe antiquiorem esse testantur, & concessionem illam Clementis utique non prætermittendam, si vera foret, missam faciunt: igitur argumentum est eam con-*

cessionem non in gratiam Regum Francie emanasse, utpote cum eam facultatem longè priùs sibi vendicarent.

*Dices secundò:* Distincta Sacramenti receptio diversam producit gratiam sanctificantem ex opere operato in subiecto ritè disposito: ac Communio facta sub utraque specie est distincta Sacramenti receptio, quilibet enim species seorsim ab alia habet completam rationem Sacramenti: *Tum quia* diversis verbis consecratur diversa materia: *Tum quia* aliàs sequeretur Sacerdotem, qui sumptis speciebus panis moretur ante sumptionem calicis non recipere gratiam Sacramentalem, igitur plus gratiæ confertur ex opere operato per susceptionem utriusque speciei, quàm per susceptionem unius.

*Distinguo minorem:* Si utraque species non ordinetur ad unicam refectionem spirituales, concedo, secus, nego: Factor itaque, quòd diversa susceptio distinctarum specierum distinctam gratiam operetur, quando non ordinatur ad eandem refectionem animæ, sedque habet rationem distincti Sacramenti, non autem quando ad eandem refectionem ordinantur: nam si diversa Christi Domini corporis, & sanguinis posuio sub distinctis speciebus produceret semper distinctam gratiam, sequeretur, quòd qui variasejusdem hostiæ consecratæ particulas sumeret, majorem haberet gratiam, quàm qui unicam dumtaxat integram acciperet, quippe cum sub qualibet particula consecrata totum Christi D. corpus, & sanguinis contineatur.

*Quæres 3. Quid sit Communio Laica, de qua plerumque fit mentio à Patribus, & Conciliis, maxime à Syricio Papa epist. l. c. 11 S. Cypriano lib. 4. epist. 2. & Concilio Eliberitano Can. 76. Sardicensi, cap. 1. & 2 Agathensi Can. 33. Toletano l. c. 4. Bracarenensi l. cap. 31.*

*Respondet,* hac in re varias esse Auctorum sententias; *Primò* namque sunt qui existimant Laicam illam Communione esse, quæ sub una specie fiebat, in hoc distinctam à Clericali, quæ utraque species usurpabatur, ad quam utique Communione redigebantur Clerici in poenam delictorum. *Verùm* hæc sententia videtur minus probanda, quippe cum tunc temporis Laicis utraque species concedebatur,

& Clerici extra templum interdum unicam speciem usurpabant.

*Secundò,* existimant aliqui cum Pamelio nota 37. in Epist. 52. S. Cypriani, Laicam Communione eam esse, quæ extra cancellos, & septa altaris, seu extra chorum Laicis concedebatur, nam juxta dispositionem Concilii Toletani 4. can. 17. Sacerdotes, & Levitæ ante altare communicare, in choro Clerus, extra chorum populus tenebantur. D. in Bracharenfi, can. 31. sic statuitur: *Ingredi sacrarium ad communicandum non licet Laicis, sed tantum Clericis;* unde cum S. Ambrosius post oblatum ad altare munus jussisset interrogari Theodosium Imperatorem intra Cancellos hærentem, quid vellet, quòd ibi subsisteret, respondissetque se nihil aliud vellet, quàm ut divina peragi videret, statim reposuit S. Ambrosius: *Hinc tibi videre non licet, habens in templo Sacerdotes, habens & Laici locum suum.* Consistebant autem masculi ad meridiem, quorum introitum servabant Ollarii: feminae autem ad Aquilonem, quarum introitum servabant Diaconissæ. *Verùm* hæc sententia difficultatem paritur, quoniam Felix III. statuit, Clericos, qui se rebaptizari passi erant, ab omni Communionem usque ad diem obitus privari, & in ipsa morte nonnisi Laica Communionem donati: imò Concilium Sardicense can. 2. decernit, quòd in detestationem quorundam flagitiorum, Clerici nec etiam in fine vitæ Laicam communionem accipiant, ac communio sic ministrata vel negata moribundis in lecto decumbentibus non potest habere hanc distinctionem consentiæ, vel in choro, vel extra chorum, cum illi eo in statu extra chorum consistere supponantur.

*Tertiò,* itaque probabilius dicendum arbitror, communionem Laicam nihil aliud esse, quàm jus communicandi cum cæteris fidelibus more dumtaxat Laicorum, qui degunt in Christiana societate, ita quòd Clerici illi omnibus omnino functionibus Ecclesiasticis, & privilegiis Clericalibus spoliati, ac veluti exauctorati, & degradati nullo Clericali honore gauderent, sed tantum pro Laicis haberentur. Cui utique explicationi favere videtur canon 35. inter Apostolicos, ubi sic statuitur: *Si quis Presbyter, aut Diaconus, aut quilibet de numero Clericorum relinquens propriam Parochiam pergat ad alienam, & omninò demigrans præter Episcopum.*

*Episcopi sui conscientiam in aliena Parochia commoretur, hunc ultimus ministrare non patitur, præcipue si vocatus ab Episcopo redire contempserit, in sua inquietudine perseverans. Verumtamen tanquam Laici ibi communicet. Idem, ut videtur, jus solummodo cum ceteris communicandi more Laicorum, qui talis est, obtineat: Cypranus etiam ep. 68. de Basilide sic scribit: Episcopatum pro sue conscientie vulnere ultro deponens, ad agenda Penitentiam conversus est, Deum deprecans, & satis gratulans, si sibi vel laicis communicare contingeret. Ubi per communionem Laicam intelligere videtur jus, quod habent Laici ad communicandum. Et ep. 72. ad Stephanum Papam. Addimus plane, & adjungimus consensu, & auctoritate communi, ut etiam qui Presbyteri, aut Diaconi, qui vel in Ecclesia Catholica prius ordinati fuerint, & postmodum perfidi, ac rebelles contra Ecclesiam steterint, vel apud hereticos à Pseudo-Episcopis, & Antichristis contra Christi dispositionem profana ordinatione promoti sint, & contra aliare unum atque divinum, sacrificia foris falsa, ac sacrilega offerre conati sint, eos quoque hac conditione suscipi, ut communicant Laici, & satis habeant, quod admittantur ad pacem, qui hostes pacis extiterint, nec debere eos revertentes ea apud nos ordinationis, & honoris arma retinere, quibus contra nos rebellaverint. Et paucis interjectis: Et ideo satis est talibus revertentibus veniam dari, non tamen debet in domo Dei perfidia promoveri. Nam quid bonis, & invocantibus, atque ab Ecclesia non recedentibus, reservamus, si eos, qui à nobis recesserint, & contra Ecclesiam steterint, honoramus? Ubi per Clericos ad communionem Laicam damnatos eos intelligit, qui Clericalibus muniis, & honoribus ob peccata privata ad communem Laicorum statum dejecti sunt.*

Quod & epistol. 52. prius significaverat his verbis: *Suscepit est Trophimus, pro quo satisfaciebat fratrum reditus, & restituta multorum salus. Sic tamen admissus est Trophimus, ut Laicis communicet, non secundum quod ad te malignorum litteræ pertulerunt, quasi locum Sacerdotis usurpet. Si quidem infirmis occupantur, illis in periculo subvenitur. Posteaquam tamen subventum est, & periclitantibus pax data est, suffocari a nobis non possunt, aut opprimi, aut vi, & manu nostra in exitum mortis urgeri, ut quoniam morientibus pax datur, necesse sit mori eos, Frassen Theol. Tom. XI.*

*qui acceperint pacem, cum magis in hoc iudicium divina pietatis, & paternæ lenitatis appareat, quod qui pignus vite in data pace percipiunt, hi quoque ad vitam percepta pace teneantur. Ubi communionem Laicam date, idem videtur, ac pacem impertire, cujus pacis pignus, & coronamentum divina Eucharistia est petentibus in periculo mortis concessa.*

Ex his omnibus liquet, poenam Clericorum ad communionem Laicam redactorum in eo maxime constituisse, quod omni Clericali beneficio spoliarentur, non verò à sacra mensa arcerentur; sique pro degradatis, non verò pro excommunicationis habebantur. Ideoque Patres quam sepiissime crimen idem in Clericis depositione, in Laicis excommunicatione plebant. Idemque Basilus ad Amphylodium can. 7. sic habet: *Diaconus post Diaconatum fornicatus à Diaconatu quidem ejicitur, in Laicorum autem locum extrusus à Communionem non arcebitur, quoniam antiquus est canon, ut, qui à gradu exciderunt, hoc solo punitonis modo plebantur. In hoc ergo iura est Laica communio.*

Nec obstat, quod Communionis vocabulum pro Sac. Synaxi, & susceptione corporis Christ. frequentissime usurpetur. Hoc, inquam, non obstat, quippe non raro etiam usurpatur à SS. Patribus, & Conciliis ad significandum ejusdem societatis consortium, eorumdem Sacramentorum participationem, & cum eodem corpore membrorum colligationem, quæ in symbolo Apostolorum *Sanctorum Communio* appellatur.

Petēs denique, *Quid fuerit peregrina communio, de qua plerumque fit mentio, tum à Conciliis, tum à SS. Patribus.*

*Respondet, non aliam meo iudicio fuisse, quam egregium illud charitatis, & humanitatis in cibo, potu, & hospitio subsidium, quo fideles peregrini, maxime Clerici, qui à proprio fuerant Episcopo per formatas litteras commendati Ecclesiis, ad quas peregre ibant, excipiebantur. Hinc Clerici exauctorati, dicuntur plerumque redacti ad communionem peregrinam, dum spoliati sportulis, & annuis, aut mensstruis redditibus, immatriculatis Clericis præstari solitis, nihilominus excommiseratione Ecclesiae præstatur illis alimonia simul cum peregrinis fidelibus. Quemadmodum fa-*

Q 3 tum

Etum à seipſo erga Baſionopolis Episcopos Alexandrum reſidere in ſua Eccleſia recuſantem, ſcribit ad Theophinolum Alexandrinum Synellus epiſt. 66. *In Eccleſiam quidem, inquit, admittere illum nolui, nec ſacram cum illo menſam communem habui, domi verò, proutque, ac innocentes honoravi.* Cujus humanitatis exempla ſuppeditat Concilium Chalcedonenſe Aſt. 7. providens, ut ipſius Eccleſiæ Antiochenæ ſumptibus alatur Domnus Antiocheno Patriarchatu exauſtoratus. Et ſimili modo ſuſtentioni providit Baſſiani, & Stephani, poſtquam illos Episcopatu ſubmovit, Aſt. 11.

Ad exemplum, & ſimilitudinem hujus pœnalis peregrinæ in Clericis communionis alia vocabatur minus propriè peregrina communio, qua Episcopi, alique inter ſacerdotes primarii, ſeu præſecturam habentes, non deponerantur proſus à Clero, ſed tantum à digniori, & ſublimiori priſtino gradu, ut tamen in gradu inferiori Clericorum conſiſterent, ut Episcopi redigerentur ad Sacerdotum ordinem; illi ad Diaconorum, & Diaconi ad minorum Clericorum ſtationem, & claſſim. Sic enim de poſitis Episcopis ſubtrahebatur illa redditum Eccleſiæ quarta pars, quam Episcopi ſacri canones reſervabant, ut deinceps minora cum Sacerdotibus ſtipendia acciperent, Sacerdotes verò à ſuo exidentes honore, ſtipendium inter Diaconos acciperent, qui omnes licet miniſ propria locutione dicebantur ſuſtentari communionem peregrinam, tamen ſi victum, & ſtipendia cum inferioribus Clericis ex Eccleſiæ liberalitate, & commiſeratione reciperent. Cujus utique veritatis præclarum habemus argumentum in Concilio Regienſi, quod habitum eſt in Galliz Provincia Narbonenſi anno 439. occasione Armentarii, qui ſe per ambitionem curaverat ordinari in Episcopum Ebrounenſem à duobus tantum Episcopis, invito etiam Metropolitano, qualem ſe eo tempore contendebat Arelatenſis Præful, cujus cura, & ſollicitudine hæc Synodus congregata fuit. In tertio namque ejus canone de ipſo Armentario decernitur: *Liceat in unam ſuarum Parochiarum Eccleſiam concedere, in qua aut Chorepiſcopi muneſ, aut peregrina communionem ſoveatur, nec quidquam ipſi de Episcopalibus officiis uſquam uſurpare liceat, præterquam in Eccleſia, quam cuiſque miſericordia fuerit indepius, in qua et ſolum Neophitos con-*

*firmare, & ante Presbyteros offerre concedatur.* Ex quibus apparet communionem peregrinam non eſſe ſacram Chriſti D. corporis participationem; quippe Synodus Armentarium exauſtorando Episcopali gradu, non ſolum vult ei ſalva eſſe omnia Sacerdotii jura, ſed & nonnulla Pontificalia concedit, nempe collationem confirmationis, & tamen eum ad communionem peregrinam arctat. Igitur ſignum eſt, quod hæc peregrina communio alia ſit à communione ſacra, & nihil aliud quàm ad victum, & alimoniam neceſſaria peregrinis conferri ſolita ſignificet.

### QUESTIO TERTIA.

*Quanam requirantur diſpoſitiones ad debitam receptionem hujus Sacramenti.*

**N**otandum primò cum Concilio Tident. ſeſſ. 13. cap. 7. quòd, *ſi non decet ad ſacras illas functiones quempiam accedere, niſi ſanctè, certè quò magis ſanctitas, & divinitus caeleſtis hujus Sacramenti viro Chriſtiano comporta eſt, eo diligentius cavere ille debet, ne abſque magna reverentia, & ſanctitate ad id percipiendum accedat, præſertim cum illa plena formidinis verba apud Apoſtolum legamus; Qui manducat, & bibit indigne, judicium ſibi manducat, & bibit non diſiudicans corpus Domini.* Quàm autem neceſſarius ſit ille apparatus mentis, & corporis, ipſa etiam præter Apoſtoli auctoritatem ratio commendat; enim verò, ſi David, qui templum Deo adificare animo conſtituerat, meritò dixit, Paralip. 29. opus illud eſſe grande, *neque enim, inquit, homini præparatur inhabitatio, ſed Deo, nullus eſt fidelium, qui ad ſacram Synaxim accedens, jure merito dicere non poſſit, ſe opus grande moliri, habitationem quippe Domino parat, cum ſe ad ſacram communionem accingit, hoſpitiò verò excipit, dum hoc Sacramentum uſurpat. Nullus itaque ire debet inſicias, diligentem ad hoc ſacrum epulum corpus, & animi præparationem prærequiri. Verum difficultas eſt, quznam, & qualis eſſe debeat hæc præparatio.*

Notandum ſecundò, eam inter cæteras fuiſſe peſſimam Lutheri de Euchariſtia ſententiam, quòd ad ipſam dignè ſuſcipiendam non alius melior ſtatus erat exoptandus, quàm omnium peſſimus; ait enim ſer. de præpa-

ratione ad Eucharistiam: Optima dispositio non nisi ea qua pessime est dispositus, & ideo Paenitentia prius post, quam ante Sacramentum peragitur. Magnas, & perniciosus error est, si quis accedat ad Sacramentum canisus fiducia, quod confessus est, quod non est sibi conscius mortalis peccati, quod orationes, & preparatoria sua praemisit, omnes bi iudicium sibi manducant, & bibunt, quia his omnibus non sunt digni, neque puri, imò per eam fiduciam puritatis prius possunt, sunt autem puri per fidem. Et subscribit, non quidem ita petulanter, nihilo tamen verius, & modestius Calvinus lib. 4. Instit. c. 57. n. 41. dum requisitam à Catholicis dispositionem in conscientiae indagine, peccatorum contritione, confessione, & satisfactione sitam non solum flocci facit, sed etiam conscientiarum torturam, ac diram animi divagationem appellat, subditque n. seq. eam optimam esse preparationem, quam Deo asserre possumus, si nostram ei vilitatem, & indignitatem offeramus, ut sua misericordia nos se dignos faciat, si animos in nobis respondeamus, ut nos in ipso consolemur, si nos humilicemus, ut ab ipso erigamur: si nos accusemus, ut ab ipso iustificemur. Quasi verò Ecclesia Catholica, dum perfecta praescribit, ea, quae Calvinus memorat, praetermittat, & quasi communicantes, multiplici apparatu à se praescripto instructos, Sacerdote iteratis vocibus praeponentem non adhortetur, ut cum contritione veraciter & humiliter ad tantam, tamque divinae maiestatis aspectum, prostrepantur, *Domine non sum dignus*, &c. Statuendum est ergo contra pessimam hanc haeticorum doctrinam, alias, quam quas ipsi assignant, nempe fidem, & animi dejectionem, dispositiones ad sacram Synaxim esse praerequisitas.

Notandum tertio, cum Guimundo Archiepiscopo Aversano lib. 1. de Eucharistia, quosdam Berengarianos in eo errore versatos fuisse, ut existimarent Christi D. corpus à pravis hominibus nequaquam manducari posse; sed indignis ad Communionem accedentibus, carnem Domini, & sanguinem, iterum reverti in panis, & vini substantiam, in quas prius converta esse non negabant. Idem testatur Algerus in Prologo de Eucharistia, ubi cum varios recensuisset Berengarianorum errores, subdit: Alii verò mutari quidem in carnem Christi dicunt, sed malis meritis sument-

tium non permanere carnem Christi, sed iterum reverti in purum Sacramentum panis, & vini. Imò nonnulli eorum ita despiciebant, ut assererent, partem panis, & vini converti quidem in corpus, & sanguinem Christi propter dignè suscepturos, partem verò immutatam permanere propter indignos, quibus hæc pars recedente corpore, & sanguine Christi erat tradenda, ut docet idem Guimundus circa finem libri tertii. Cui utique errori subscribit Calvinus lib. 4. Instit. c. 17. §. 33. contendens impios, & sceleratos à Christo alienos corpus Christi non edere: Quia nimis indignè, inquit, laceraretur Christus, si proficiueretur incredulis. Unde contendit eo sensu indignè accedentes reos esse corporis, & sanguinis Domini, quia Christus utrumque ipsis prestare paratus erat.

Verum aperte hunc errorem arguit, & damnat Apostolus 1. Corinth. 11. scribens: Qui manducaverit panem hunc, vel biberit calicem Domini indignè, reus erit corporis, & sanguinis Domini: at homo nequit esse reus malè accepti corporis, & sanguinis Domini, nisi accipiat: Qui enim manducat, & bibit indignè, subdit Apostolus, iudicium sibi manducat, & bibit, non dijudicans corpus Domini. Quomodo autem iure damnetur aliquis, quod Christi D. corpus non dijudicat, & discernit ab aliis cibis, si corpus Domini non est ipsum, quod accipit? Confirmatur hæc veritas ex iis, quae diximus, quod Judas unà cum cæteris Apostolis corpus, & sanguinem Christi biberit: concludendum ergo cum S. Augustino lib. 1. de Baptismo contra Donatistas c. 8. Sicut Judas, inquit, cuius cellam tradidit Dominus, non malum accipiendo, sed malè accipiendo, locum in se diabolo præbuit: sic indignè quisque sumentis Dominicum Sacramentum non efficit, ut quia ipse malus est, nullum sit; aut quia non ad salutem accipit, nihil accipiat: corpus enim Domini, & sanguis Domini nihilominus erat, etiam illi, quibus dicebat Apostolus: Qui manducat indignè, iudicium sibi manducat, & bibit. Cum igitur certum sit Christi D. corpus indignè sumi ab indignis, hac in questione determinandum est, quænam preparationes mentis, & corporis requirantur ex parte sumentium, ut dignè, & cum fructu Christi Domini corpus accipiant.

## CONCLUSIO PRIMA.

**A**D debitam, & dignam susceptionem Sacramenti Eucharistiae, requiritur status gratiae sanctificantis. Ita Concilium Trid. sess. 13. c. 7. ubi ait: Communicare volenti revocandum est in memoriam ejus præceptum; Probet seipsum homo, &c. Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa sacramentali confessione ad sacramentum Eucharistiam accedere debeat, quod à Christianis omnibus etiam ab iis sacerdotibus, quibus ex officio incumbit celebrare, hæc sancta Synodus perpetuo observandum esse decrevit. Unde can. 11. sic definit: Si quis dixerit, saltem fidem esse sufficientem præparationem ad sumendum sanctissimam Eucharistiae sacramentum, anathema sit.

Quam necessaria autem sit hæc cordis mundities, & innocentia, satis manifestat ipsa Christi D. omnis sanctitatis, & puritatis sacrarii susceptio: impuri enim corporis obsecrationes damnat Virginis Christi caros; animam criminibus infamem reprobat ipsius anima sanctissima; & cordis sorditiem non patitur sanguis ille pretiosus pro eluendis criminibus effusus. Unde merito Apostolus ad Hebræos 10. *Si irritam qui faciens legem Moysi, sine ulla miseratione duobus, aut tribus testibus moritur; quanto magis putatis deteriora mereri supplicia, qui Filium Dei conculcaverit, & sanguinem Testamenti pollutum duxerit, in quo sanctificatus est, & spiritui gratia contumeliam fecerit.* Qui autem indignè corpus, & sanguinem usurpat, revera Dei Filium conculat, & pollutum ducit; quippe conscientiae sordibus illud, quantum in se est, conspurcat. Statuit Deus Levit. 22. quod omnis homo, qui accesserit ad ea, quæ consecrata sunt à filiis Israel Domino, in quo est immunditia, peribit coram Domino. Quanta igitur severitate Deus in eum animadvertet, qui non vasa Deo consecrata, & ejus cultui destinata, sed Deum ipsum totius sanctitatis principium, & centrum indigna Communione flocci facit?

Concludendum igitur cum S. Basilio l. 2. de Baptismo: *Mundemus nos ab omni inquinamento, atque ita ad sancta accedamus, ut iudicium eorum, qui Dominum occiderunt, effugiamus, propterea quod qui quis eduxit pa-*

*nem, & biberit poculum Domini indigne; reus erit corporis, & sanguinis Domini.* Hinc præclare monet S. Ambrosius lib. 6. in Lucam cap. 9. *Nemo cibum accipit Christi, nisi qui fuerit ante sanatus. . . . ubique ergo in hoc mysterio hic ordo servatur, ut prius per remissionem peccatorum vulneribus medicina tribuatur, postea alimonia mensæ cælestis exuberet.*

Porro has omnes cordis, & animi præparationes luculenter explicat Catechism. Romanus de Eucharistia n. 59. Primam illam, inquit, præparationem fideles adhibeant, ut discernant mensam à mensa, hanc ab aliis profanis, cælestem hunc panem à communi. Atque hoc fit, cum certò credimus præsens esse verum corpus, & sanguinem Domini, quem in cælo Angeli adorant, ad cujus nutum columnæ cæli contremiscunt, & pavent, cujus gloria plenum est cælum, & terra. Hoc nimirum est, dijudicare corpus Domini, quod Apostolus admonuit: *cujus tamen mysterii magnitudinem venerari potius oportet, quam in disputationibus ejus veritatem curiosius perquirere.* Altera verò præparatio maxime necessaria est, ut unusquisque à seipso querat, num pacem cum aliis habeat, num proximos verè atque ex animo diligat. Si ergo offers munus tuum ad altare, & ibi recordatus fueris, quia frater tuus habet aliquid adversum te, relinque ibi munus tuum ante altare, & vade prius reconciliari fratri tuo, & tunc veniens offers munus tuum.

Deinde conscientiam nostram scrutari diligenter debemus, ne fortè exitiali aliquo peccato contaminati simus, cujus poenitere necesse sit, ut prius contritionis, & confessionis medicamentum illud eluatur. Definient est enim à sancta Tridentina Synodo, nemini licere, quem mortalis peccati conscientia stimulet, si Sacerdotis facultas data sit, antequam se sacramentali Confessione purgarit, quantumvis sibi contritus esse videatur, sacram Eucharistiam accipere. Præterea tacitum animis nostris cogitemus, quam indigni simus, quibus divinum hoc beneficium à Domino tribuatur: quare illud Centurionis, de quo idem ipse Salvator testatus est, se non invenisse tantam fidem in Israel, ex animo dicendum est: Domine,

„ non sum dignus, ut intres sub testum „ meum.

*Ex his sequitur primò, quòd qui conficius est peccati mortalis, tenetur communioni pramittere Confessionem Sacramentalem, ut docebat suprà Concilium Tridentinum ex Ecclesiastica consuetudine; quam utique indicant SS. Patres, maxime S. Cyprianus lib. 3. Epist. 14. 15. & 16. unde epist. 10. acriter invehitur in eos, qui ante peccatam Pœnitentiam ministrabant. pœnitentibus Eucharistiam; quod etiam persequitur epist. 11. ubi scribit: Illi contra Evangelium legem, contra vestram quoque honorificam petitionem ante adiam Pœnitentiam, ante exomologesim gravissimi, atque extremi delicti factam, ante manum ab Episcopo, & Clero in pœnitentiam composam, offerre lapsi pacem, & Eucharistiam dare, idest, sanctum Domini corpus profanare audent, &c. Similia habet S. Chrysostomus homil. 83. in Matthæum, sacerdotes, qui ministrare debent Eucharistiam, ait Ad vos converterte sermonem necessarium est, ut multo cum studio hæc dona distribuatis: non parva vobis imminet ultio si quempiam ullius culpe conficium, hujus mensæ participem esse concedatis, sanguis ejus de manibus vestris exquiretur. Sive quis militie dux sit, sive præfectus; sive princeps diadema te coronatus; indignus autem si accedat, prohibete: majorem illo potestatem habetis: propterea vos Deus hoc insignitum bonore, ut talia discernatis. Conscitit S. Leo epist. 91. c. 2. ubi scribit: Mediator Dei, & hominum homo Christus Jesus hanc Præpositi Ecclesiæ tradidit potestatem, ut, & consentibus Satisfactionem Pœnitentia darent, & eadem salubri satisfactione purgatos ad communionem Sacramentorum per januam reconciliationis admitterent. Idest, per Sacramentum Pœnitentia. Hinc Eusebius lib. 6. historiarum cap. 25. scribit, Philippum Imperatorem volentem in die Paschæ communicare, non fuisse permissum ab Episcopo illius loci, nisi prius Confessionem pramitteret. Et Nicephorus lib. 11. hist. cap. 34. narrat de Dioscuro Abbate, quòd, eum esset Presbyter, & Confessarius, diligenter explorabat conscientias subditorum, antequam accederent ad Eucharistiam.*

*Dices: Apostolus tantum monet, ut probet seipsum homo: non verò ut confiteatur altari: unde S. Chrysostomus homil. 28. in 1. ad Cor. Non præcipit, inquit, ut alter ab altero probetur, sed ipse sine tradu-*

*ne faciens judicium, & sine ipsis redargutiones. Et S. Augustinus serm. 252. de Tempore: Unusquisque consideret conscientiam, & quando se aliquo crimine vulneratum esse cognoverit; prius orationibus, jejuniis, & elemosinis fudeat mundare conscientiam, & sic Eucharistiam presumat accipere. Ubi nullam fecit mentionem Confessionis, subinde non censet eam esse pramittendam Communioni.*

*Nego consequentiam: Et ad Apostolum dico, illum per hanc probationem intelligere examen, quo sibi ipsi unusquisque debet esse iudex, discernens opera sua, & diligenter inquires utrum dignus sit, qui accedat ad Eucharistiam absque ulteriori probatione; an verò conficius sit alicuius peccati mortalis, quod eluere debeat per Pœnitentiam, ad quam necessaria est Confessio. Quòd autem ea probatio non excludat Confessionem, manifestè significat S. Chrysostomus homil. 30. in Gen. ubi agens de præparatione facienda in hebdomada sancta, ut Pascha dignè celebretur, scribit: Nunc maxime, & jejunii cursus intendendus est, & magis continuanda sunt preces, faciendæque diligens, & pura Confessio peccatorum, ut talibus ornati virtutibus, ubi in diem Dominicum venerimus, Domini libertate fruamur. Hinc S. Anselmus, vel quisquis est Author Commentarii in Apostolum, qui ejus nomine profertur, exponens præfata Domini verba, scribit: Indignè manducatur, & bibit, qui vel aliquid grave peccatum, vel multa levia commisit, & non confitetur ea, priusquam ad Communionem accedat. Hinc fortasse S. Augustinus in objectione laudatus non meminit Pœnitentiæ, & Confessionis, tanquam dispositionibus necessariis prærequisitis in peccatore ad dignam communionem, quia omnibus competentem erat, & evidens ex continua Ecclesiæ praxi.*

*Sequitur secundò, Confessionem esse necessario pramittendam Communioni, non solum à laicis, sed etiam à Sacerdotibus, qui confici sunt alicujus peccati mortalis, ut decrevit Trident. Synodus verbis suprà laudatis: Dummodo, subdit, non desit illis copia Confessoris, quòd si necessitate urgente, Sacerdos absque prævia Confessione celebraverit, quamprimum confiteatur: Qualiter autem sit accipienda hæc urgens necessitas, perspicuè declarat Doctor in 4. dist. 9. quæst. unica n. 8. Deterior dico, inquit, quòd, si occurrat opportunitas, tene-*

„ tunc „

tur prius confiteri, quàm communicare. Cujus ratio est, quia non tantum debet reconciliari Deo, sed Ecclesiæ, ad hoc quòd digne recipiat Sacramentum Ecclesiasticæ unitatis. Si autem non occurrat opportunitas confitendi, si potest sine scandalo vitare, ne tunc communice, tenetur non communicare, sed expectare Confessionem propter eandem rationem, quæ dicta est nunc. Si verò occurrat scandalum, nisi statim communice, utpote, si est indutus, & postquam indutus, occurrit sibi conscientia de peccato mortali, de quo non fuit confessus, & non habet in promptu idoneum Confessorem, tunc cum Contritione, & voluntate confitendi tempore opportuno potest celebrare, ut scandalum evitetur. Et similiter de alio communicaturo, qui non celebrat, utpote consuetudo est in aliqua religione, vel Ecclesiâ, ut omnes non Sacerdotes communice in simili casu, scilicet si tunc, cum debet communicare, non habet idoneum Confessorem, potest tunc non confessus communicare. Nec est dicendum, quòd peccat mortaliter, vel transgreditur præceptum, ut evitet scandalum, quia nullum præceptum excludit istum ab isto in hoc casu, quia dilatio Confessionis in actu, quæ nunc habetur in affectu, non excludit, quin sit membrum etiam Ecclesiæ militantis, habile ad actus, in quibus membra communicant, & tenetur vitare scandalum proximi.

De peccato autem veniali, non oportet dubitare, quia de illo non est necessitas pœnitentiæ. Verumtamen auctoritas quadam de Ecclesiasticis dogmatibus 22. quæ ponitur in littera dist. 22. videtur facere mentionem de peccato veniali, ait enim: *Licet quis peccato mordeatur, si peccandi de cætero non habet voluntatem, & satisfaciat lacrymis, & orationibus, accedat securus: hoc dico de illo, quem mortalia peccata non gravant.* Ergo videtur, quòd non potest aliquis securus accedere, nisi qui sit sine voluntate peccandi venialiter, & de præteritis satisfecerit lacrymis, & orationibus. *Respondetur* potest intelligi de mortali peccato, non quòd jam inest, neque præterito sine omni pœnitentiâ, sed confesso, si mordeatur; quia non completè satisfecit: & tunc intelligitur de peccato mortali: &

tunc quòd sequitur, *quem mortalia peccata non gravant*, supple in actu, vel præterito sine pœnitentiâ sequente. *Ita Doctor*, quibus supponit, non esse novum peccatum veniale accedere ad Eucharistiâ cum veniali, habituali, aut actuali sine deliberatione commissio, quia videlicet nullum est præceptum in contrarium: neque peccata venialia habitualia impediunt augmentum gratiæ, nec ponunt obicem effectui hujus Sacramenti. Unde S. Augustinus epist. 118. *Cæterum*, inquit, *si peccata tanta non sunt, ut excommunicandus quibusdam homo judicetur, non se debet à quotidiana medicina Dominici corporis reparare.* Peccata autem, propter quæ aliquis esset excommunicandus, id est à Communionem removendus, non sunt venialia, sed mortalia non confessa; imò neque omnia mortalia confessa, sed ea solim, ob quæ juxta rigorem veterum Canonum, & Antistitum judicium, aliquis ad tempus separandus esset, & removendus à Communionem.

## CONCLUSIO SECUNDA.

**T**res potissimum ex parte corporis ad dignam Communionem dispositiones prærequiruntur.

*Prima* quidem, quòd communicaturus sit expers infirmitatis, ex qua tanto Sacramento irreverentia posset irrogari, putà si tanta esset pectoris agritudo, aut languor, ut propter vomitus, tussisque frequentiam, Sacramentum nec deglutire, nec retinere posset. Eucharistiæ namque suscipiendæ præceptum solos manducare potentes adstringit; quippe cum per modum cibi ad spiritualem animæ refecionem sit ordinatum: porro qui nec cibum deglutire possunt, nec sorptum retinere, censentur non posse manducare, ac subinde sum incapaces recipiendæ Eucharistiæ. Unde præceptum affirmativum de suscipiendo Viatico cedere debet præcepto negativo de nullo quæ irroganda injuria Eucharistiæ Sacramento.

*Secunda* præparatio ex parte corporis est jejuniû; quippe lege Ecclesiastica, quæ reboratur continua Ecclesiæ praxi, cautum est, ut non nisi jejuni ad Eucharistiæ susceptionem accederent, citra urgentis necessitatis infirmitatem; hoc namque sancitum est in Concilio Carthagenensi tertio can. ubi definitur: *Ut Sacramenta Altaris, non nisi à jejunis hominibus celebrentur, excepto*



*uno die anniversario, qui cœna Domini celebratur.* Excipitur autem dies cœnæ Domini, quia exemplo Christi eodem die ad vesperam sacram celebrari mos erat, ad quod fideles etiam cœnati communicabant. Idem canon num. 29. reperitur in Concilio Carthaginensi tertio. Quæ utique sanctio iterum innovata est in Conciliis Constantiensis, Florentino, & Tridentino.

Ne tamen existimes, hanc consuetudinem ortum dumtaxat habuisse ab hujusmodi Conciliorum sanctionibus; illam enim apud nascentis Ecclesiæ fideles viguisse testatur Tertullianus lib. 2. ad Uxorem c. 5. ubi loquens de Eucharistia, ait: *Non sciat maritus, quid secretis ante omnem cibum gesserit.* Hujus pariter consuetudinis meminit S. Cyprianus epist. 63. & S. Chrysostomus homil. 37. in 1. ad Cor. ubi scribit: *Tu autem priusquam quidem communices, jejunas, ut quomodo cumque dignus appareas.* Sed præ cæteris hanc veritatem docet S. Augustinus epist. 118. quæ est ad Januarium, ubi cum duplicem hanc regulam præmisisset, primam quidem, quod illa, quæ non scripta, sed tradita custodimus, quæ quidem toto terrarum orbe observantur, dantur intelligi vel ab ipsis Apostolis, vel à plenariis Conciliis, quorum est in Ecclesia saluberrima auctoritas commendata, atque statuta retineri. Alteram verò, quam sic statuit: *Si quid tota per orbem frequenter Ecclesia, quia ita faciendum sit disputare insolentissima insania est.* Tandem c. 6. subiicit; *Liquid apparet, quod quando primum acceperunt Discipuli corpus, & sanguinem Domini, non eos jejunos accepisse videmus.* Numquid tamen propterea calumniamus quod illa Ecclesia, quod à jejuniis semper accipitur? Et hoc verò placuit Spiritui sancto, ut honorem tanti sacramenti prius in eis Christianis corpus Dominicum intraret, quam ceteri cibi; nam ideo per totum orbem mos iste servatur.

Triplex autem hujus praxis, & præcepti proferri potest ratio. *Prima* quidem: Hunc ritum exigit honor huic cœlesti cibo debitus, ut nempe panis ille Angelorum excipiat in ore ab omni cibo, & potu corporeo immaculato; corpus enim per cibum corruptibilem quodammodo sordidatur. *Secunda*, ut inde discant Christiani ad praxim redigere illud Christi D. monitum Matt. 6. *Quærite primum regnum Dei, & iustitiam ejus, &c.* *Tertia*, ut caveatur periculum vomitus, & ebrietas, vel certe

dissolutionis, aut vanæ latitiæ ex ciborum usu sponte fluentis, quod utique damnare videtur Apostolus 1. ad Cor. 11. cum ait: *Alius quidem esurit, alius autem ebrius est.*

*Nec obstat*, quod Christus D. Eucharistiam post cœnam instituit Discipulis non jejunis distribuerit: Nam, ut optime respondet S. Augustinus loco supra laudato: *Neque quia post cibos dedit Dominus corpus suum, propterea pransi, aut cœnati fratres ad illud Sacramentum accipiendum convenire debent; aut sicut faciebant, quos Apostolus arguit, & emendat mensis suis ista miscere... Nam si ille monuisset, ut post cibos alios semper acciperetur, creda quod eum morem nemo variasset; cum verò ait Apostolus de hoc Sacramentoloquens: Propter quod fratres, cum convenitis ad manducandum, invicem expectate; si quis esurit, domum manducet, ut non ad iudicium conveniatis: statim subterit; cætera, cum venero, ordinabo.* Ex multis autem, quæ ordinaturus erat Apostolus, hoc unum erat, ut deinceps Eucharistiam jejuniis acciperent. Intelligi datur, ut profequitur S. Augustinus, quia multum erat in epistola totum illum agendi ordinem insinuare, quem universa per orbem servat Ecclesia, ab ipso ordinatum esse, quod nulla morum diversitate variatur.

Porro jejunium illud debet esse naturale, hoc est, quod nihil vel minimum sumptum sit per modum cibi, aut potus, vel medicinæ, ut definitur in Concilio Toletano I. can. 2. his verbis: *Nullus post cibum, potumque quemlibet minimum sumptum Missas facere presumat.* Ut autem servetur hoc jejunium naturale, necessum est, quod nihil per modum rei extrinsecæ sorbeat, & trahatur in stomachum, quod habeat rationem cibi, aut potus. Dixi per modum rei extrinsecæ, ut excludatur saliva, cæterique humores, qui cum sint aliquid ipsius hominis, cum deglutiuntur, non solvunt jejunium naturale. Dixi, trahatur in stomachum, & deglutiatur; si enim tantum atteratur dentibus, aut volvetur in ore, & statim abijciatur, ut sit cum os abluatur, jejunium naturæ non solvitur; hoc enim non est manducare, aut bibere, ut dicitur de Christo, quod cum in cruce gustasset de aceto, noluit bibere. Jejunium autem illud naturale maxime servari debet à media nocte ejus diei, quo Eucharistiam quis recipit, ut docent omnes Doctores, & serunt Rubricæ Missalis Romani. An autem quis post cibum,

cibum, & potum sumptum dormire debeat, antequam communicet, prorsus perinde esse debet, quantum ad rationem præcepti, sufficitque, quod homo celebrans, aut communicaturus ita sit mentis compos, ut attendere valeat ad divinum illud beneficium, quod est excepturus.

His tamen non obstantibus potest interdum sumi Sacramentum à non jejunis, ut optimè notat Doctor dist. 8. qu. 3. Dico, *inquit*, quod aliquis potest esse casus, in quo quasi generaliter licet accedere non jejunum, ut in infirmitate gravi, quando timetur periculum mortis imminens. Tunc enim esset periculum negare infirmo, licet pranso, poscenti Sacramentum, cum sit viaticum: & ideo dandum est ei, qui proficiscitur ex hoc mundo, ut per ipsum ducatur ad terminum. Alius casus spiritualis est, quia in aliqua regione celebratur communicet in vino albo, Minister parat calicem Sacerdoti, & ex aliqua negligentia pro vino ponit aquam, Sacerdos non advertens, sed supponens Ministrum bene fecisse, procedit dicendo verba, & alia faciendo usque ad perceptionem: percipiens verò liquorem de calice, advertit esse aquam, videtur, quod ipse non possit illo die percipere sanguinem, oportet jejunum esse suscipientem.

Dico, quod in isto casu tenetur consecrare sanguinem de novo, & consecratum percipere. Quod probatur, quia quando sunt duo præcepta ordinata, præceptum superioris magis ligat: nunc autem præceptum Christi, & Ecclesie, & ex ipsa ratione Sacramenti est, quod quando Sacramentum conficitur, conficiatur integrum, quoniam Sacramentum est in se quoddam integrum ex duobus. De ista etiam integritate servanda est districta obligatio Ecclesie de consecr. dist. 2. *Comperimus. Ut Sacramenta integra percipiant, aut ab integris accipiantur*. Loquitur de Sacerdotibus conscientibus, & postea non communicantibus, & subditur ratio: *Quia divisio ejusdem Sacramenti sine grandi sacrilegio non potest provenire*. Ergo quocumque præcepto alio Ecclesie posito, maxime quod non respicit ipsam propriam, & essentiali rationem Sacramenti, necessario tenetur semper omnis celebrans ad istam integritatem servandam: ergo qui jam per-

cepit aquam, simpliciter tenetur ad illud complendum, quod prætermisit, scilicet ad consecrandum integrè Sacramentum, & tunc ultra si tenetur consecrare sanguinem, tenetur eundem consecratum sumere. Unde habetur de consecr. dist. 2. *Relatum. Certum est, quod hi, qui sacrificantes non edunt, rei sunt Dominici Sacramenti*. Et sequitur, *quod talis à communione uno anno repulsus se noverit*. Ergo omnibus modis tenendum est, aut quotiescumque Sacerdos corpus, & sanguinem immolat, toties perceptionis corporis, & sanguinis participem se præbeat. Iste ergo necessario tenetur ex institutione Christi, & propter integritatem Sacramenti conficere sanguinem, & ex strictissimo præcepto Ecclesie sub pena repulsæ uno anno tenetur consecratum percipere.

Et si objicitur, iste non est jejunus: ergo peccat mortaliter, vel ergo non debet conficere, ne percipiat: vel si oportet eum conficere, & percipere, oportet quod peccet contra præceptum Ecclesie, & tunc est perplexus, quod non est dicendum de aliquo ex præceptis Dei, & Ecclesie.

*Respondet Doctor*; Ecclesia non ita strictè præcepit suscipientem esse jejunum, prohibendo non jejunum suscipere, sicut prohibet divisionem Sacramenti (imò ipsa divisio prohibetur à Christo ex prima institutione Sacramenti) nec etiam ita strictè prohibet non jejunum percipere, sicut præcipit consecrantem percipere: ergo ex una parte habet iste præceptum Christi ad se consecrandum, & post consecrationem strictissimum præceptum Ecclesie de percipiendo. Ex alia parte non habet, nisi præceptum Ecclesie leve comparative jejunio.

Dicit autem Doctor, præceptum illud de jejunio ad receptionem Eucharistie esse leve, non quidem absolute, quasi esset dumtaxat peccatum veniale, sed comparative, hoc est, cum præceptum illud sit tantum Ecclesiasticum, ejus ommissio licet mortalis, minor est omissione præcepti divini, & Ecclesiastici de integritate sacrificii. Inferre autem hanc minorum gravitatem ex verbis legis; Non enim, inquit, ibi ponitur, quod suscipiens non jejunus sit reus Dominici Sacramenti, neque repellitur à Communionem per annum, sicut hic: quæ Doctoris verba lic sunt accipienda, non quod teneat illum non esse reum Dominici corporis, &

non

non peccare mortaliter peccato sacrilegii, qui citra omnem necessitatem non jejunos ad Eucharistiam accederet, sed quod Ecclesia in casu à se præmissio, non intendat præceptum suum urgere.

Unde statim subdit: Simpliciter enim „ Ecclesia non intendebat ligare in isto casu ad jejunium: imò cum alia duo præcepta cum virtute Christi, cum virtute Ecclesiæ fortius, & magis obligent, potius intendit in tali casu obligare ad illa. „ Non est ergo iste perplexus, quia, servando præceptum Superioris, & præceptum strictius Ecclesiæ, bene facit, & si non servaret, peccaret mortaliter. Omit- tendo autem aliud præceptum minus strictum, non peccat novo peccato, quia in isto casu non tenetur servare: nec Ecclesia voluit ligare ad hoc præceptum in hoc casu, sed magis ad oppositum.

Et quia forte aliquis posset cogitare, probationem illam desumptam ex verbis legis esse minus efficacem, addit Doctor aliam num. 6. dicens: Patet etiam manifestè, quod jejunium non est conditio ita necessaria in sacerdote percipiente (sicuti integritas sacrificii in sacerdote conficiente) quia in die Parasceves particula posita in calice percipitur cum vino non consecrato, quia illo die calix non consecratur: & verisimile est, quod vinum citius descendat in ventrem, quam illa particula, quæ masticatur. Ergo ex consuetudine Ecclesiæ Sacerdos ibi percipit Eucharistiam non jejunos.

Porro quantum ad casum à Doctore propositum nulla potest esse difficultas, nec controversia; quippe cum id statuatur in Rubricis Missalis Romani tit. de defectibus cap. 4. ubi legimus: *Si celebrans advertat, vinum non fuisse possum in calice, sed aquam: Post assumptionem corporis, vel ejusmodi aque, apponet aliam hostiam iterum consecrandam, & vinum cum aqua in calice, offerat utrumque, consecret, & sumat, quamvis non sit jejunos.*

Tertius casus, quo Eucharistia sumi potest à non jejunis jejunio naturali, est, quando post sumptam ablationem, celebrans advertit adhuc superesse quasdam reliquias hostiarum consecrarum; tamdiu enim potest ea sumere, quamdiu ab altari non recesserit: Quia, utserunt Rubricæ, *reliquia illa ad idem sacrificium spectant*; si tamen fieri possit, ut illæ decenter conserventur,

putà si in sacram pixidem possint conferri, non erunt sumenda.

Quartus casus est, si unus Sacerdos post consecratam alteram speciem, secundam consecrare non possit, vel post consecratam utramque, consummare eam infirmitate correptus non valet, potest Sacerdos non jejunos (si jejunos prælo non sit) sacrificium peragere, & perficere. Similiter si post sumptam panis speciem, solam aquam in calice (quam vinum esse inter proferendam consecrationis verba putaverat) reperit & bibit, vinum debet iterum consecrare: incipiendo ab illis verbis Canonis, *Simili modo postquam canonem est*, &c. quia ut habetur in Rubrica Missalis omnino legenda, divinum de perfectione incepti sacrificii præceptum majoris est ponderis, quam quod à jejunis Ecclesia jubente sumatur.

Idem dicendum est, si Sacerdos post unam, aut utramque speciem consecratam recorderetur, se non esse jejunium; non enim debet à percipiendo sacrificio obolatam rationem definire. Quod idem dicendum putant Doctores, si fracti jejunii ante consecrationem meminerit, & aliquod scandalum vel instantis populi perturbatio timeatur. Secus est, si sublato scandali vel infamiz periculo violati jejunii recorderetur; tunc enim tutius est ab incepta Missa desistere, & ab altari se arcere.

Alius denique casus, quo citra peccatum suscipi posset Eucharistia à non jejunis, est, dum imminet aliquod periculum inhonorandi hoc divinum sacramentum, puta ne veniret in manus hæreticorum & infidelium, qui sacras hostias conculcarent; & ludibrio haberent, jejunium enim duntaxat exigitur in reverentiam hujus sacramenti: igitur ubi occurrit periculum profanationis illius, ne sanctum detur canibus, & celestis margarita ante porcos projiciatur, in Fidelium pectus, tanquam in piissimum Sacrarium devotè recludi potest, & recondi non solum à Sacerdotibus, sed etiam à laicis, in Sacerdotum, & Clericorum absentia.

Tertia præparatio ex parte corporis, est ipsa corporis mundities, qua scilicet prærequiritur, ut ad Eucharistiam accedens non tuerit nocte præcedenti aliqua maculatas pollutione ex proprio vicio, & maxime cum reatu peccati mortalis, de qua utique præparatione ita ferunt Rubricæ Missalis tit. de defectibus cap. 9. n. 5. *Si præcesserit pollu-*

nocturna, quæ confusa fuerit ex præcedenti cogitatione, quæ sit peccatum mortale, vel evenierit propter nimiam crapulam, abstinendum est a Communionem, & celebrationem, nisi aliud Confessario videatur. Si dubium est, an in præcedenti cogitatione fuerit peccatum mortale, consultatur abstinendum, extra tamen casum necessitatis; Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa; aut ex diabolica illusione, potest communicare & celebrare, nisi ex illa corporis commotione tanta evenierit perturbatio mentis, ut abstinendum videatur.

Similia habet S. Gregorius epist. ad Augustinum Anglorum Episcopum, respondens ad undecimam illius interrogationem, ubi sic scribit: Cum pollutio nocturna ex natura superfluitate, vel infirmitate evenit, omni modo hæc illuso non est timenda, quia hanc animus neiciens pertulisse magis dolendus est, quam fecisse. Cum vero ultra modum appetitus gula in sumendis alimentis rapitur, atque idcirco humorum receptacula gravantur, habet exinde animus aliquem reatum, non tamen usque ad prohibitionem percipiendi sacri mysterii, vel Missarum solemniam celebrandi, cum fortasse aut festus dies exigit, aut exhibetur mysterium pro eo, quod Sacerdos alius in loco deesse ipsa necessitas compellit. Nam si adsunt alii, qui implere mysterium valent, illuso per crapulam facta à perceptione sacri mysterii prohibere non debet, sed ab immolatione sacri mysterii abstinere, ut arbitror, humiliter debet, si tamen dormientis mentem turpis imaginatio non concusserit.

Ut autem plenior, ac planior huiusce servandæ praxis habeatur notitia, placet hic scribere, quæ distinctè & luculenter tradit Seraphicus Doctor in 4. disp. 12. part. 2. art. 2. quæst. 3. Dicendum, inquit, quod immundicia corporalis quadruplex est. 1. Quædam est conjuncta spirituali secundum veritatem, ut pollutio veniens ex turpi cogitatione, vel crapula. 2. Quædam est conjuncta spirituali secundum conformitatem, ut pollutio veniens ex diabolica illusione, vel ex naturæ superfluitate, in qua surgunt pruritus, & delectatio inordinata. 3. Quædam verò est, quæ non est conjuncta spirituali, tamen est generans horrorem immunditiæ in anima, ut pollutio veniens ex infirmitate. 4. Quædam autem est purè corporalis nullum horrorem immundi-

tiz in anima generans, ut immundicia in pede.

Prima immundicia impedit propter hoc, quod homo debet reputare se immundum. Unde non recipit Sacramentum cum reverentia, qui sic immundus est, nisi necessitas compellat, & propter irreverentiam privatur fructu, & incurrit damnum.

Secunda immundicia, quæ est in illusione diabolica, arcere debet ex congruo: quoniam quamvis non sit certum, quod sit anima ibi maculata, tamen probabiliter potest dubitari: & ideo qui se reputat immundum, bene facit. Unde Isidorus lib. de Consider. distinct. 6. Quisquis nocturna illusione polluitur, quamvis extra memoriam turpium cogitationum sese præsentiat inquinatum: tamen hoc ut tentaretur ..... culpæ suæ attribuat, suamque immunditiam sicuti fleatibus tergat.

Tertia immundicia est indifferens, quia tantum est poena: & ideo non arceat. Si tamen ratione horrores abstinere, devotio & reverentia est laudanda: unde nec mulier menstruata arceatur, neciam mulier post partum, sicut dicunt jura. De primo reperies in Decreto disp. 6. De secundo extra lib. 3. de purificatione post partum.

Quarta simpliciter est indifferens inter omnes has immunditias. Prima magis impedit, ultima nullo modo: omnes tamen impediunt de congruo secundum gradus. Unde si quis quærat, utrum semper, quando polluitur corporaliter, cessare debeat: Dicendum est, quod si sentit iniquationem illam mulum animam inquinasse, quia in actu illo sit homo caro, sive in somnis, sive in vigiliis, consulendum est ei facere reverentiam Sacramento. Si autem sentit naturam magis expeditam, & ulterius devotio trahat ad perceptionem: & solemnitas trahat, vel aliquid quod multum recompenset, tunc arbitraret, ipsum sine remorsu posse accedere. Concedendum ergo, quod solum propter carnis immunditiam non impeditur: sed quia hæc immundicia conjuncta est immunditiæ mentis, nec solum propter immunditiam mentis, quia cogitatio citò transiit, sed cum immundicia carnis horrorem relinquit, & diutius durat, & in-

ordinat : & ideo quamvis pollutio sit peccatum veniale, magis tamen impedit, quam aliud veniale, propter horum diuturnitatem, & maiorem deordinationem.

### SECTIO TERTIA.

*De variis, ac mirandis divinae Eucharistiae effectibus.*

Quam ingentes sint, quamque stupendi divinae Eucharistiae dignè ac piè susceptæ effectus, ac fructus, facilè intelligit, qui attenta mente perpendit, Christum gratiarum omnium fontem plenissimum eo sine realiter in Eucharistia contineri, ut ex ejus plenitudine, & scaturigine perpetuò fluente divinae gratiae ubertatem avido, ac pleno corde hauriamus. Enimverò si adorandus ille Salvator tot divinis muneribus, ac beneficiis eos cumulavit, & exornavit, in quorum testa adhuc mortalis exceptus est; vel qui tantillum illius vestis fimbriam meruerunt attingere: quanto abundantius animas nostras, necnon & corpora divinis charismatibus implebit, in quæ jam immortalis gloria præditus ingredi non dedignatur? Præcipuos autem inter innumeros eximios illos effectus hos maximè refert, ac profert Concilium Trident. sess. 13. cap. 2. cum ait: *Sumi autem voluit* (Salvator noster) *Sacramentum hoc, tanquam spirituales animarum cibum, quo alantur, & confortentur viventes vita illius, qui dixit: Qui manducat me, & ipse vivet propter me, & tanquam antidotum, quo liberemur à culpis quotidianis, & à peccatis mortalibus præservemur. Pignus præterea id esse voluit futurae nostrae gloriae, & perpetuae felicitatis, adeoque symbolum unitus illius corporis, cujus ipse caput existit, quique nos, tanquam membra, arctissima fidei, spei, & caritatis connexionē adstrictos esse voluit, ut idipsum omnes diceremus, nec essent in nobis scissmata. Et can. 5. ejusdem sessionis: Si quis dixerit, vel præcipuum effectum sanctissimæ Eucharistiae esse remissionem peccatorum, vel ex ea non alios effectus provenire, anathema sit. Quoniam autem quæ ad hujusmodi effectuum explanationem spectant, scholasticis difficultatibus, & controversiis non ita sunt implexæ, ac illa, quæ hæstare fuerunt agitata: idcirco sex præcipuos hujus divini*

Sacramenti effectus, ites quidem in animam, & totidem in corpus redundantes sub distinctis paragraphis juvat explicare.

#### §. I.

*Primus effectus Eucharistiae erga animam.*

EST augmentum gratiae sanctificantis per modum alimoniae coelestis, & spiritalis nutritionis. Ita Concilium Trident. mox laudatum, cui consonat Florentinum in decreto Eugenii, ubi de Eucharistia sermonem faciens, cum dixisset: *Hujus Sacramenti effectus, quem in anima operatur dignè sumens, est adjuvatio homini: ad Christum; & statim hujus unionis rationem proficiens, ait: Quia per gratiam domo Christo incorporatur, & membris ejus unitur, consequens est, quod per hoc Sacramentum in sumens dignè gratia augeatur, omnemque effectum, quo materialis cibus, & potus, quoad vitam agunt corporalem, sustentando, augendo, reparando, & delectando; Sacramentum hoc quo ad vitam operetur spirituales, in quo, inquit Urbanus Papa, gratiam Salvatoris nostri recententes memoriam, à malo retrahimur, confortamur in bonum, & ad virtutum, & gratiarum profectum incrementum.*

Quod autem hoc Sacramentum gratiam sanctificantem conferat, nemini debet esse dubium; eum enim hunc effectum communem habeant omnia Sacramenta novæ legis, id longè nobiliori titulo Eucharistia sibi vindicat, in qua Sacramentorum Author, & fons omnium gratiarum delitescit, & ab eo tanquam à capite ad alia Sacramenta, veluti per tot rivulos, & canales, totius sanctitatis effluviū dimanat.

Quod verò gratiae, & sanctitatis augmentum per debitam Eucharistiae succensionem conferatur, facile liquet: Tum, quia hoc Sacramentum nobis confertur tanquam memoriale passionis Christi, dicente eodem Christo D. *Hæc quotiescumque feceritis, in mei memoriam facietis.* Et Apostolo: *Quotiescumque manducabitis panem hunc, & calicem bibetis, mortem Domini annuntiabitis, donec veniat; ac subinde digna Eucharistiae receptio operari debet aliquid erga suscipientem, quod Christi D. passio erga genus humanum præstiterit: ac hæc fuit gratiarum omnium fons, & irriguum: igitur pari ratione Eucharistia copiosum gratiae coelestis imbrem in dignè eam suscipientes debet effun-*

fundere. *Tum quia Christus D. in hoc Sacramento nobis donatur per modum celestis alimoniz, ait enim: Caro mea verè est cibus, & sanguis meus verè est potus;* ac subinde eos in hoc Sacramento conferre debet effectus, quos terrestris cibus, & potus corporibus præstat. Porro cibus materialis corpus nedum sustentat, sed etiam auget, reparat, vegetat, & delectat; igitur pari ratione Eucharistia debet animam jam vita spiritali viventem, novo gratiæ subsidio roborare, vegetare, ac ampliores ei sanctitatis gradus conferre, quibus anima roborata vegetior fiat, & promptior ad Dei obsequium, fortior ad resistendum tentationibus, ad adversa quæque toleranda constanter, & ad virtutem sectandam zelantior.

Hinc apparet, quàm turpiter allucinentur hujus temporis hæretici, dum contendunt Eucharistiæ primarium, ac præcipuum effectum esse spiritalis vitæ restitutionem per remissionem peccatorum: nam, ut præclare ait S. Ambrosius lib. 6. in Lucam cap. 9. *Nemo cibum accipit Christi, nisi quis fuerit antea sanatus...* Ubique ergo mysteriis ordo servatur, ut prius per remissionem peccatorum vulneribus medicina tribuatur, post alimonia mensæ celestis exhibeatur. Hinc S. Augustinus tract. 26. in Joan. Nonne, inquit, *buccella Dominica venenum fuit Jude? Et tamen accepit, & cum accepit, in eum inimicus intravit; non quia malum accepit, sed quia bonum malis malus accepit. Videte ergo, fratres, panem celestem spiritaliter manducate, innocentiam ad Altare apportate.* Frustrâ autem SS. Patres præquirerent innocentiam in accedentibus ad Eucharistiâ, si hæc instituta esset ad conferendam primam gratiam, sed tantum ad illius augmentum.

Obijciunt hæretici aliquas Scripturæ, & SS. Patrum autoritates, ex quibus colligi volunt, Eucharistiâ primario institutam fuisse ad conferendam primam gratiam, & remissionem peccatorum. Sic imprimis proferuntur illud Matth. 26. ubi dicitur de calice: *Qui pro multis effundetur in remissionem peccatorum;* & de speciebus panis Joan. 6. *Panis enim Dei est, qui descendit de celo, & dat vitam mundo.* Ex Patribus verò proferunt S. Chrysostomum homil. 83. in Matthæum, ubi comparans hoc Sacramentum cum Agno Paschali, ait: *Si hoc remissionem peccatorum facit, sicut certò facit, illud superavancem omnino est.* Præterea ex S. Damasceno lib. 4. de Fide cap. 4. ubi dicit: *Hi, qui hoc Sacramen-*

*tum per fidem dignè suscipiunt, in peccatorum remissionem, & vitam æternam, animique, & corporis præsidium cedit.* Idem videri potest indicare Ecclesia in multis orationibus Missæ; in quibus tribuit Eucharistiæ, non solum quòd sit *fortitudo fragilem*, sed etiam *absolutio scelerum.*

Respondet, hæc, & similia hæreticorum momenta facilè dissolvi posse ab eo, qui observaverit primò Patres aliquando generatim loqui de remissione peccatorum abstractè à mortalibus, & venialibus: *Secundò*, si qui sint, qui asserant per Eucharistiâ remitti graviora scelera, intelligendi sunt de remissione, non quoad reatum culpæ, sed quoad reatum pœnæ pro peccatis jam remissis luendæ; quem utique reatum removet ac solvit frequens Eucharistiæ pia ac devota susceptio: vel loquuntur de Eucharistiâ, non quatenus Sacramentum est, sed prout est sacrificium, cujus tanta virtus est, ut gratiam Pœnitentiæ, & conversionis scelerationibus etiam obtinere possit.

Qua ratione explicari potest præfatus Matthæi locus quamquam ejus sensus literalis intelligendus sit de sacrificio cruento crucis, à quo tanquam à fonte omnia Sacramenta novæ legis vim conferendi gratiæ, & sanctificandi homines hauserunt. Tertio, dum Eucharistiâ dicitur dare vitam æternam, sensus est, quòd gratiam sanctificantem, cui æterna vita correspondet, ipsa conferat, seu augeat, vegetando scilicet in nobis habitum dilectionis Dei, necnon & animam, promovendo ad extinctionem vitiorum, & ei auxilia actualia gratiæ conferendo, quibus facilius, & promptius viam mandatorum Dei; quæ ducit ad vitam, decurrat.

## §. II.

*Secundus effectus Eucharistiæ respectu ad animam.*

EST liberatio à peccatis venialibus, & præservatio à mortalibus. Hunc utrumque effectum præclare exprimit S. Bernardus serm. de cœna Domini: *Quis, inquit, poterit tam efferos motus frangere? Quis pruritum ulceris hujus ferre queat. Confidite, quia, & in hoc gratia subvenit, & ut securi suis, Sacramenti Domini copios, & sanguinis pretiosi investituram habetis. Duo enim illud Sacramentum operatur in nobis, ut, &*

*sen-*

sensum minuat in minimis, & in gravioribus peccatis tollat omnino consensum.

Eundem duplicem effectum explicat Concilium Trid. sess. 13. cap. 2. dicens, hoc Sacramentum esse antidotum, quo liberamur à culpis quotidianis, & à peccatis præservamur.

Quòd autem tollat peccata venialia, habet ex duplici capite: *Primò*, ex ipsa ratione gratiæ cibantis, & nutrientis; proprium enim est alimentum non solum nutrire, sed etiam restaurare, quod per calorem naturalem absorbuit, & perdidit: sed per peccata venialia imminuitur fervor charitatis; ac subinde per frequentem Eucharistiæ receptionem debet restaurari. *Secundò*, hanc efficacitatem tollendi venialia peccata sibi vendicat ex eo, quòd accendat charitatis fervorem, quo evanescunt venialia, utpote cum non ipsi habitu charitatis, sed ejus exercitio seu fervori opponantur.

» Quam utique duplicem virtutem optime explicat Seraphicus Doctor in 4. dist.  
» 12. p. 2. art. 1. q. 3. ubi scribit: Dicitur ergo hoc Sacramentum magis unire; quia digne accedentem reddit ferventiorē, ut carbō ignitus, & iterum reddit fortiorē, ut bonus cibus. Et ex hoc, quod reddit charitatem magis ignitam, adjuvat ad consumendam peccati venialis rubiginem. Ex hoc, quod magis firmat, adjuvat ad vitandum omnia scelera, ratione utriusque valet ad augmentum virtutum, & maxime charitatis, quæ est vinculum, non quantum ad essentiam, sed quantum ad fervorem, vel radicacionem. Fervor enim quotidie minuitur per venialia, & radicatio, ideo oportet per hunc cibum restaurari perditum.

De hac restauratione sic inquit Catechismus Romanus p. 2. c. 4. q. 40. Quidquid cupiditate ardore anima amisit cum levi aliqua re parum offendit, totum Eucharistia, eas ipsas minores culpas abstergens, restituit, quantum admodum etiam (neque enim à propolis similitudine difcedendum videtur) quod inanis caloris vi quotidie detrahatur, ac deperit, paulatim addi, & rescis naturali alimentio sentimus.

Hac similitudine antea explicaverat effectum Eucharistiæ Eugen. IV. in Conc. Florent. dicens: Omnem effectum quem materialis cibus, & potus quoad vitam agunt corporalem. Sacramentum, quoad vitam operatur spirituale. Si quis ergo cibus, & potus

Erassen Theol. Tom. XI.

materialis restaurant amissa, causant humores bonos, & noxios expellunt, ita spirituales cibus, & potus passiones noxias minuunt ac expellunt, bonas, & salubres cogitationes, affectionesque excitant, quibus libere assentiendo, & cooperando homo liberetur à culpis quotidianis, & à peccatis mortalibus præservetur.

Quòd pariter Eucharistia præservet à peccatis mortalibus futuris, inde constat, quòd conferat incrementum virium interiorum per gratiam, & virtutes infusas, addat insuper jus ad auxilia actualia pro necessitate habenda, & cum sit signum rememorative Passionis Christi, per quam victi ac superati sunt dæmones, etiam eorum adversus animam impetus cohibet: non enim tanta vi, & audacia ad eum hostis humani generis accedit, quem videt tanta majestatis præsentia futurum, unde prælatè Psalmista 22. mente præfaga futurorum dicebat: *Parasti in conspectu meorum adversarios omnes, qui tribulant me; nam inquit S. Chrysostomus: Tanquam leones ignem spirantes ab illa mensa recipimus, facti diabolo terribiles.* Quapropter S. Ignatius episc. ad Ephesios sic eos hortatur: *Sindete frequenter accedere ad Eucharistiam, & Dei gloriam, quando enim hoc ipsum assidue agitur, expelluntur Satana potestates, qui suos alius convertitis in sagittas ignitas ad peccatum.* Et Ambr. serm. 8. in Ps. 118. *Moses agnum immolavit, ut manducantes eum non occuparentur (id est, non circumvenirentur) Exterminatis insidiis; ne inermes, & vacui spiritualis alimenti nocturna spicula tenebrarum hostis opprimerent. Præcui in insidiis tentationis, inflaura prius celeste convivium; Adveniens in Ecclesiam, celebranda oblatio; Tunc paratus assiste, ut accipias tibi munimentum, ut corpus edas Domini Jesu, in quo remissio peccatorum est, postulatio divinæ reconciliationis, & processionis æternæ. Suscipe Dominum Jesum tuæ mentis hospitio, ubi corpus ejus, ibi Christus est: Cum hospitium tuum adversarius videri occupatum celestis fulgore præsentia, intelligi locum tentationis suis interclusum per Christum esse, fugiet, &c.*

Cupis nosse unde Martyres à natura sua infirmi, & inermes, robusti, & adamantini facti sunt ad resistendum tyrannorum savitiz armatz, & regali potentia, & inferni furore? Quid imbecillitatem humanam à se feminando, tam vir iliter armavit? Opinor de armentario Eucharistiæ cataphra-

R

eti

Ad prodiere Martyres ad triumphandas Regum minas, & carnificum immanissima tormenta. Eleganter Concilium Carthaginense stylo S. Cypriani ita scribit, ad Cornelium Papam: Quos excitamus, inquit, & horiamur ad prælium, non inermes, & nudas relinquamus, sed protectione sanguinis, & corporis Christi muniamus, & cum ad hoc fiat Eucharistia, ut possit accipientibus esse contra adversarios volumus, munimento Dominica saturitatis armemus. Scilicet Martyres gladiatorio Eucharistia cibo vegeti, & spiritus, & robur mutuati, tanquam leones ignem spirantes, facti sunt tyrannorum metus, & inferni terror, deludentes atrocetorum ius, Eucharistia armis impenetrabiles.

## §. III.

*Tertius effectus Eucharistia erga animam.*

**E**st spiritualis quædam suavitas, & victrix gratia delectatio; anima enim virtute hujus Sacramenti spiritualiter reficitur, & veluti dulcedine bonitatis divinæ inebriatur, juxta illud Cantic. 5. Comedite amici, & bibite, & inebriamini cbarissimi. Cujus utique divini cibi suavitatis ac dulcedinis egregiam figuram præbuit manna, de quo ita Sapientia 16. Nutrivisti populum tuum, & panem de celo paratum præstisti illis sine labore, omne delectamentum in se habentem, & omnis saporis suavitatem; substantia enim tua, dulcedinem tuam, quam in filios habes ostendebat, & deserviens uniuscujusque voluptati, ad quod quisque volebat, convertebatur. Hinc Propheta Regius Christi D. personam referens, exclamat: Calix meus inebrians, quam præclarus est! Quod oraculum sic perbellè exponit Author sermonis de cæna Domini, apud S. Cyprianum: Quam præclarus est calix iste! Quam religiosa hujus potus ebrietas! Per quam excedimus Deo, & quæ retrò sunt obliis ad anteriora extendimur; non babeque sensum hujus mundi, cruci baremus, sanguinem fugimus, & intra ipsa Redemptoris nostri vulnera figimus linguam, quod intervius exteriusque rubricati, à sapientibus hujus seculi judicamur ammentes. Ut manna, sic & hic panis omne delectamentum in se habet: virtute mirifica omnibus, qui dignè, & devotè sumunt secundum suum desiderium sapit, implet, satiat edentium appetitus, & omnium exsuperat dulcedinem voluptates.

Esus igitur carnis hujus quedam aviditas est, & quoddam desiderium manendi in Christo, per quod sic imprimimus, & eliquamus in nobis dulcedinem cbaritatis, ut bareat palato nostro, & visceribus sapor dilectionis infusus penetrans, imbuens omnes animæ corporisque recessus. Et infra: Panis iste Angelorum omne delectamentum habens, virtute mirifica, omnibus qui dignè, & devotè sumunt, secundum suum desiderium sapit; & amplius quam manna illud eremi implet, & satiat edentium appetitus, & omnia carnalium saporum irritamenta, & omnium exuperat dulcedinem voluptatum. Vide, quomodo bis, qui Christi commemorant possessionem intra sacra officia, quasi per quosdam canales de interioribus fontibus egrediantur torrentes, & super omnes delicias lacrymis nectare animæ delectetur; quantum suavitatem animæ inquerentis ubi sit Deus suus, & suspiria contemplationis eliciant. Non illos imbres procellosæ tempestatis deponunt: ros matutinus est de celestibus stillans, & quasi undæ spiritus mentem delinens. Gemitus illos potius excitat, & inter diem, & noctem retrò, & ante se offectio intuens, inter data condonando se dividendi, gratias agit tam uberis beneficii largitoris, & se sanctam, & sanctificatam agnoscent, sletibus se abluit, & lacrymis se baptizat. Unde in persona hominis dignè communicantis exclamat David, Cor meum, & caro mea exultaverunt in Deum vivum.

Hanc autem celestem suavitatem ex co repetunt aliqui Patres, quod in eo Sacramento divina Sapientia suam Divinitatem, & humanitatem ad modum lactis nobis exhibet, juxta illud Isaia 60. Mamilla Regum lactaberis. Ita Augustinus concione 1. in Psal. 32. ubi hæc scribit: In principio erat Verbum, & Verbum erat apud Deum, & Deus erat Verbum. Ecce cibus sempiternus, sed manducant Angeli, manducant supernæ Virtutes, manducant caelestes Spiritus, & manducant, & saginantur: quis autem homo posset ad illum cibum? Unde cor tam idoneum illi cibo? Operiret ergo, ut mensa illa lactesceret, & ad parvulos perveniret. Similia habet Hugo à S. Victore lib. 1. Miscell. tit. 25. Sapientia, inquit, sursum paniserat, & versa est deorsum in lac; in Divinitate panis, in humanitate lac, & nutritus est parvulus lacte humanitatis, ut crescens, & convalescens capere posset cibum Divinitatis.

Porto hujus divini Sacramenti dignè susce-



pti tanta est deliciarum, ac voluptatis exundatio, ut ipse Christus D. ad eam adhortans dixerit Discipulis Lucæ 22. *Desiderio desideravi hoc Pascha manducare vobiscum*. Vel, ut scribit Tertullianus lib. 4. adversus Marcionem, cap. 4. *Concupiscentia concupivi hoc Pascha edere vobiscum*: Ubi appollé exag-gerat voluptatem gustandæ Eucharistiæ nomine concupiscentiæ, quæ iucundiores carnis delicias exprimit solet. Hinc nonnulli è SS. Patribus Eucharistiam appellant *præ- ludiū beatitudinis*; sic S. Chrysologus: *Men- sa Patris, inquit, nos alit virtutis cibo, sa- lutis epulo, deliciis benefactis, & gloriæ*. Cui concinit Petrus Damianus serm. 32. scri- bens: *Quam delicioſa fame affligitur, qui cæ- lestis promptuarii dapibus saturatur, cui cælum fit cellarium, &c.* Sed omnium optimè Mat- theus Episcopus Vvoimacensis homil. de cœna Domini, dum ira præclarè sacram Eucharistiam appellat: *Redemptionis memo- riale, pignus hereditatis æternæ, futuræ ju- cunditatis amabile præludiū, arbam Spon- se, jocale divinum cælii ei donatum, Ec- clesie militantis cum triumphante suæ glori- æ, & unionem fraternam, dum eam dul- cedinem, qua illa fruitur, sine velamento, ista habet sub Sacramento; & si illa celestis Hierusalem habet Deum suum iucundius, ista in terra militans habet eum mirabilius*. Hinc appositè Tertullianus lib. de Penit. cap. 8. loquens de divina Sapientia inter cætera ait: *Immolat vitulum præcipuum, convorsus gaudium suum exornat; quasi hoc opiparum convivium, in quo Christus, opimior victima, & omnium victimarum præstantis- sima, incruentè mactatur, sit ornatus ec- clesiæ gloriæ*.

## §. I V.

De tribus Effectibus divinæ Eucharistiæ erga corpus sumentis.

**P**rimus est fomicis appetitus sensitivi mi- tigatio, & sævientiū passionum re- frænatio, ac moderatio: Quod utique præ- clarè docet S. Cyrillus lib. 4. in Joan. cap. 17. ubi de præparatione ad dignam huius Sacra- menti receptionem sermonem faciens, ait: *Pias, quæso, cogitationes suscipias, studiose san- ctæ vias, & benedictionem participes, quæ (unibi crede) non mortem solum, verum etiam merboi omnes depellit: sedat enim, cùm in vo- bis manet Christus, sævientiæ membrorum no-*

*strorum legem, pietatem corroborat, perturbatio- nes animi extinguit, egrotos curat, collisæ redintegrat, & sicut Pastor bonus, qui animam suam pro ovibus ponit, ab omni nos erigit casu*. Ipsi concinit S. Bernardus serm. de Ba- ptismo, & Sacramento Altaris: Duo, in- quit, Sacramento hoc operatur in no- bis, ut videlicet & senium minuat in minimis, & in gravioribus peccatis tollat omnino consensum. Si quis vestrum non tam sæpè modò, nec tam acerbos sentit iracundiæ motus, invidiæ, luxuriæ, aut cæterorum huiusmodi, gratias agat cor- pori, & sanguini Domini: quoniam vir- tus Sacramenti operatur in eo.

Idem affirmat Catechismus Romanus nu- 55. *Carnis etiam, inquit, libidinem cohibet ac reprimis, dum enim eucharistis igne animos magis incendit, concupiscentiæ ardorem extin- guat necesse est*. Quibus verbis, ut appa- ret, significat Eucharistiam moderari quidem corporis passionem; at non immédia- tē, sed dumtaxat mediata; seu ex conse- quenti, inquit *Bo. cōcl. 3. num. 27.* quatenus Deus propter illam vel tollit, vel mi- nuat materiam incentivam illius fomicis, puta per applicationem naturalium causarum, minuendo temperamentum corporis quod excitat appetitum ad motus iræ, luxuriæ, ac similibus vitiis. Vel tollit objecta extrin- seca inflammantia appetitum, & sua singu- lari protectione hominem servat ab occasio- nibus peccatorum. Vel quatenus bonis in- stinctibus ita prævenit, & adjuvat volunta- tem, ut facile possit avertere appetitum à delectabilibus contra rationem; vel denique quatenus adaucta per hoc Sacramentum cha- ritate, qua voluntas vehementius delectatur bonis divinis, appetitus minis potest occupari circa delectationem boni terreni; sit namque propter naturalem potentiarum unionem, & radicationem in eadem ani- ma, ut quò una vehementius applicatur suo objecto, eò minus altera possit appli- cari ad suum objectum, eo quod virtus ani- mi finita, qua per singulas potencias ope- ratur, ad unum actum amplius intenta, minor est ad alium. Ita ergo, & non aliter hoc Sacramentum minuit fomicem concupiscentiæ. *Hec Bo. cōcl.*

*Secundus effectus Eucharistiæ erga corpus dignè suscipientis est, quod sit in eo vultu semen immortalitatis, & beatæ Resurre- ctionis, quem utique effectum significavit Christus D. cùm dixit: Qui manducat meam*

*carnem, & bibit meum sanguinem, habet vitam æternam, & ego suscitabo eum in novissimo die.* Quæ verba prælatæ sic expendit S. Cyrillus Alexandrinus lib.4. in Joan. 2. cap.2. Fides proflus nequit, ut qui secundum naturam vita est, corruptionem non superet, ac vincat mortem: proinde licet mors, quæ per prævaricationem nos invasit, humanum corpus corruptionis necessitati subiciat; tamen, quia Christus per suam ipsius mortem in nobis est, omnino resurgemus: incredibile enim est, imò verò impossibile, ut vita eos, in quibus fuerit, non vivificet; quemadmodum enim scintillam multis paleis inferimus, ut semen ignis servemus: sic etiam Dominus noster Jesus Christus per carnem suam in nobis vitam integrit, ac veluti quoddam semen immortalitatis inserit, quod totam, quæ in nobis est, in corruptionem abolet. Quibus verbis S. Cyrillus significat, fieri non posse secundum ordinariam Dei potentiam, & solitum ejus sapientiæ, & bonitatis agendum, ut, qui digne suscipit Eucharistiam, aliquando non resurgat, non qualicumque resurrectione, qua omnes quotquot sunt homines resurrecturi sunt, sed resurrectione beata, & gloriosa.

Hinc prælatæ S. Irenæus lib.4. adversus hæreses cap.34. loquens de Valentiniis, qui corporum resurrectionem negabant, sic eos arguit: *Quomodo autem rursus dicunt carnem in corruptionem devenire, & non percipere vitam, quæ à corpore Domini, & sanguine alitur?* Quem locum sic interpretatur doctissimus, ac piissimus Rosenius; Perinde est, inquit, ac si dixisset: Quoniam caro Christi vivificat est, & eadem resurrexit ad vitam incorruptibilem, inde fit, ut, qui carnem illam digne comederunt, si nulla post hæc suæ culpa virtutem illam, quam acceperunt, amittunt, eorum corpora procul dubio resurgent ad immortalitatem. Quapropter SS. Patres cum S. Ignatio episc. ad Ephesos, Eucharistiam communiter appellant, *Pharmacum immortalitatis, Præservativum contra mortem.*

Quæ omnia (tamen sic intelligenda velim, non quod Eucharistia vim aliquam physicam corporibus inferat, sed dumtaxat quod eis conferat quandam dignitatem, & consecrationem, ratione cujus digna sint, ut quæ cum Christo unionem habuerunt in statu mortalitatis, eandem habeant in re-

gno immortalitatis. Qui plura hæc de re exoptat, percutat S. Chrysostomum lib. de Sacerdotio cap.6. & S. Cyrillum lib.3. in Joan. cap.6. & lib.4. cap.2. necnon & S. Petrum Chrysologum serm.95.

*Tertius denique effectus, est cordis castimonia, & corporeæ puritatis propagatio, quem utique effectum colligit S. Thomas art.2. ad 3. ex illo Zachariæ 9. Quid est bonum ejus, & quid pulchrum ejus, nisi frumentum Electorum, & vinum germinans virgines?* Unde Paschasius lib. de corpore, & sanguine Domini c.21. *Felix fructus abertatis, et quo virginitas germinatur: nam hoc nostri generis vire castitas corrumpitur, ab isto verò virginitas procreatur.* Et glossa super illa verba i. sal. 67. *Selson mons Dei, sic ait: De corpore Christi manat umbra gratiæ, qua nobis defensaculum est contra incentiva vitiorum, & carnalis concupiscentiæ.* Quæ verba refert S. Thomas opusc.58. cap.21. & subdit: *Dum ergo fidelis corpus Christi sumit, spirituale refrigerium percipit, quasi de umbra gratiæ, quæ de ipso fluit: Alex 14. Ego quasi ros, & Israel germinabit quasi lilium.*

Sicut autem, inquit Scraphicus Doctor, vel quisquis est Author Compendii Theologici lib.6. cap.15. ratiè communicantibus multa bona proveniunt, ut dictum est: sic indignè sumentibus corpus Christi multa mala concurrunt. Nullus enim opus placet Deo, nisi placeat ipse prius. Indigna enim Communio peccatis hominem illaqueat, damnationem præparat, proximum scandalizat, mentem exccat, tentationi subjugat, Deum irritat, vitam temporalem breviam, gratuit spoliat. De his per ordinem dicitur. *Fiat, inquit, mensa eorum coram ipsis, &c. ecce primum: Et in retributionem: ecce secundum. Et in scandalum: ecce tertium. Obscurentur oculi eorum ne videant: ecce quartum. Et dorsum eorum semper incurva: ecce quintum: Effunde super eos iram tuam: ecce sextum: Fiat habitatio eorum deserti: ecce septimum: In tabernaculis eorum non sit, qui inhabitet: ecce octavum.*

## APPENDIX

### De Sacrificio Missæ.

**I**Nter cæteras divinæ Eucharistiæ præcellentias hæc maxime singularis est, quod diverso respectu *Sacramentum* simul sit, & *Sacrificium*; quippe cum non quidinetur solus

ad augendam in dignè suscipiendis gratiam sanctificantem, quod ei cum aliis Sacramentis commune est; sed etiam ex primaria sua institutione directè, ac immediatè tendat in Dei cultum, & venerationem per oblationem Christi D. corporis, & sanguinis; quæ à Sacerdotibus novæ legis in honorem Dei offeruntur, & incruentè immolantur: In quo maximè adumbrata fuit per agnum Paschalem veteris Testamenti, qui ut omittam reliquias analogiæ, & similitudinis rationes, quæ ex institutionis tempore, ex fine, cæremoniis, ac circumstantiis peri possunt, ut jam aliàs diximus; in hoc præcipuè Eucharistiæ adumbrabat, quod sacramenti nectum, sed & Sacrificii prærogativam obtineret.

Porrò plurimæ occurrunt Eucharistiæ subscriptiones Sacrificii appellationes; nam à S. Epiphanio hæresi 75, dicitur *æconomia, & latia*; à S. Chrysostomo homil. 17. in epist. ad Hebr. appellatur *hostia mundani*; à S. Augustino lib. 2. questionum Evangelicarum qu. 3. *Sanctum Sanctorum*; lib. 9. Confess. c. 12. *Sacrificium pretii nostri*; lib. de anima, & illius origine cap. 9. *Sacrificium corporis, & sanguinis Christi*; & epist. 23. *Sacramentum, in quo Christus immolatur*; à S. Fulgentio lib. de fide ad Petrum cap. 19. dicitur *Sacrificium panis, & vini*. Sic passim à SS. Patribus aliis pluribus appellationibus illustratur.

Duo autem inter cætera celebriora sunt, & maximè usitata nomina; nempe *Liturgia* apud Græcos, & *Missæ* apud Latinos. *Liturgia* autem vox est ad plurà significanda communis; nam interdum significat aliquod opus facere, seu publicè operam præstare; aliquando importat omne Deo exhibitum obsequium; alias usurpatur ad denotandum omnem Clericalis Ordinis functionem; frequentior tamen usus obtrinit, ut significaret oblationem, & celebracionem Christi D. corporis, & sanguinis, qua ratione hæc vox communis est apud omnes Græcos Patres, & Authores, qui de Eucharistia, quatenus Sacrificium est, sermonem fecerunt.

Similiter *Missæ* nomen usurpatur ad significandum omnem illam actionem sacram, qua in Ecclesia Catholica conficitur, ac Deo offertur Eucharistia: cuius utique nominis, & usurpationis antiquitatem præclarè demonstrat Baronius ad annum Christi 34. nu. 60. Ea enim voce, inquit, usa videtur in suo ipsius exordio Romana Ecclesia; nam

*Flessen Theol. Tom. XI.*

Pius Papa, proximus Apostolorum temporibus, scribens ad Iustum Episcopum Viennensem, idem Sacrificium *Missam* vocans, sic dicit, ut habetur romo 1. Biblior. veterum Patrum. *Seror nostra Euphrosina, sicut bene recordaris, titulum domus sue pauperibus assignavit, ubi nunc cum pauperibus nostris commorantes, Missas agimus.* Item Cornelius Papa epist. ad Lupicinum Viennensem Episcopum, his utitur verbis: *Publicè, neque scriptis notioribus Missas agere Christianis licet.* Eodem usi sunt nomine ceteri Romani Pontifices, quos longum esset sigillatim recensere. In Concilio Romano sub Sylvestro in fine; in Concilio Carthaginensi 2. can. 3. in Concilio Agathensi, cap. 47. & aliis. Partes, qui interfuerunt, eodem quoque *Missæ* pronome ipsum incruentum Sacrificium nominantur, sicut & Ambrosius ad Marc. epist. 13. Augustinus ser. 251. de tempore, Victor Uticensis lib. 2. de persecucione Vandalorum, ac denique ceteri, & post ipsos Recentiores omnes, *Hæc ibi Baronius.*

Controvertitur autem inter Authores, qualis sit nomen illud *Missæ*, Hebraicum videlicet, an Latinum; Hebraicum esse docet Concilium Senonense in decretis fidei cap. 11. & affirmant plurimi Theologi cum Cardinali Baronio supra nu. 59. ubi scribit: *Neque tamen prætermittendum, quòd, cum multa sint huius sacrificii nomina, illud est antiquissimum, & apud Latinos usitatus, atque frequentius, Missæ, quod quidem (sicut & Christiana fides præstetur) ex Hebraico, vel Chaldaica nomenclatura acceptum esse videtur. Quod enim in nostra vulgata legitur Deuter. 16. spontanea oblatio, Hebraicè, & Chaldaicè dicitur Missab, quam offerebant Domino in gratiarum actionem de fructibus terræ, qua vescabantur in templo, cum recordatione præterite servitutis, & ab eadem liberationis; Quæ quidem omnia, cum optimè conveniant prædicto à Christo instituto sacrificio, eo potius majores nostri usi sunt nomine, quam cuiuspiam alterius sacrificii.* Alii vero censent vocem illam nullo modo Hebraicam esse, aut ab Hebraico derivatam; alioquin eam omnes Christianæ nationes, sicut alias huiusmodi retinuisent, quales sunt, *Amen, Alleluia, Sabaot, &c.* nam & Græci his omnibus utuntur; vocem autem *Missæ* non item, sed pro *Missæ, Liturgiam* dicunt. Imò Syri, & Maronitæ, qui

qui Chaldaica lingua Missam celebrant, vocem *Missæ* non habent, & ex SS. Patribus Origenes, Justinus, Epiphanius, & Hieronymus, Hebraicæ linguæ periti, hac voce nunquam usi sunt.

Unde verisimilius est vocem illam esse latinam, & deductam, vel à verbo *mitto* quia in illa oblatio, & preces ad Deum mittuntur: sicque dum Diaconi in fine oblationis populo denuntiant: *Itæ Missa est*, sensus est, quod oblatio sit pro eis ad Deum transmissa; sicque liberi possunt recedere. Ita explicat S. Gregorius lib. 4. dialog. cap. 58. ubi hæc scribit: *Dicitur Missa quasi transmissio, eo quod populus fidelis per ministerium Sacerdotis, qui fungitur vice Mediatoris inter Deum, & homines, preces, & supplicationes, & vota transmittat Altissimo. Latpsum verò Sacrificium, id est, hostia, Missa vocatur, quasi transmissa: primum nobis à Patre, ut esset nobiscum per Incarnationem; postea Patri à nobis, ut intercedat pro nobis ad ipsum per Passionem, ut in Sacramento primum nobis à Patre per sanctificationem, postea Patri à nobis per oblationem.* Vel quod verius apparet, *Missæ* nomen deductum est à *Missione*, seu *dimissione* populi, post peractum Sacrificium. Ita S. Augustinus serm. 237. de tempore, & Isidorus lib. 6. originum cap. 16. & alii plurimi; antiquis enim familiare est usurpare præterita passiva loco nominum verbalium, sic interdum apud eos, *remissa* idem significat, ac *remissio*, *collecta*, ac *collectio*. Duplex autem erat olim populi dimissio: *Altera* quidem, quæ fiebat, dum finitis lectionibus sacræ Scripturæ, & illis precibus, quibus interesse poterant Catechumeni, Energumeni, & alii non initiati hi & similes jubebantur exire voce Diaconi eis exitum præcipientis, ne sacris interesset: *Altera*, cum peracta Eucharistia celebratione fiebat facultas fidelibus exeundi, Diacono proclamante, *Itæ Missa est*.

Hinc *Missæ* duplex erat, una quidem dicebatur Catechumenorum, quæ scilicet divinum officium complectebatur, & preces fieri solitas ante oblationem, & Catechumenorum dimissionem; unde Concilium Carthaginense quartum can. 84. statuit, ut Episcopus nullum prohibeat ingredi Ecclesiam, & audire verbum Dei, sive Gentilem, sive Hæreticum, sive Judæum, usque ad *Missam* Catechumenorum. *Altera* verò erat *Missæ* Fidelium, quæ ab incepta

oblatione ad peractam Communionem, & recitatas pro gratiarum actione preces, computabatur: de qua S. Ambrosius epist. 14. & Cælius Arelatenus homil. 12. *Si, inquit, diligenter attenditis, cognoscetis, quod non tunc fiunt Missæ, quando divina lectiones in Ecclesiâ recitantur, sed quando munera offeruntur, & corpus, & sanguis Domini consecratur.* Tandem usus obtinuit, ut nomen *Missæ* usurpetur pro tota cæremonia, quæ comprehendit utramque *Missam*, Catechumenorum scilicet, & fidelium. Ita Concilium Agathense cap. 47. *Missæ die Dominico secularibus totas tenere, speciali ordine præcipimus; itant ante benedictionem Sacerdotis egredi populus non præsumat.*

Sunt & aliæ *Missæ* nominis acceptationes, sed minus propriæ. Sic interdum apud Veteres *Missæ* sumitur pro die festo, ita lib. 2. capitularium Caroli Magni c. 18. legimus: *Usque ad Missam S. Andreae*, id est, usque ad idem festum: festus autem dies idcirco appellatur *Missæ*, quia videlicet *Missæ* Sacrificium est potissima actio, quæ tum in Dei gloriam, tum in Sanctorum honorem diebus festivis fieri possit. Sic pariter interdum *Missæ* sumitur pro Nundinis, & populorum concursu ad forum venale. Ita legimus libro 3. Capitularium cap. 23. fortè quia diebus Sanctorum venerationi dicatis, celebriori apparatu, & ritu *Missæ* celebrabantur, & populorum majori concursu frequentabantur; sic circa dies illos nundinæ habebantur, quod etiam nunc fieri compertum est. Sumebatur pariter aliquando *Missæ* nomen pro precibus. Ita Concilium Milevitanum secundum cap. 12. eo quod in *Missæ* plurimæ fiant orationes, & preces. Qui plura hac de re desiderat, consulat Bellarminum, & alios Controversistas. Cum itaque hæctenus disputatum fuerit de Eucharistia, ut Sacramentum est, superest nobis agendum de ipsa quatenus est Sacrificium: circa quod variz ac celebres occurrunt controversiæ, maxime cum hæreticis hujus temporis: quas omnes in quatuor capita reducimus: inquirentes *Primo*, utrum Eucharistia sit verum, ac perfectum legis novæ Sacrificium: *Secundo*, qualis sit, & in quo consistat. *Tertio*, à quibus, & pro quibus possit offerri. *Quarto*, quinam sint illius ritus, & effectus.

## QUÆSTIO PRIMA.

*Utrum Missa, seu Eucharistia celebratio, sit verè, ac propriè dictum Sacrificium.*

**N**otandum primò, Sacrificii nomen in Scripturis dupliciter accipi: impropriè videlicet, & metaphorice pro quolibet opere bono, & meritorio: & propriè pro certo actu Religionis, quo supremum cultum soli Deo debitum exhibemus. Priori modo definitur à S. Augustino lib. 12. de civitate Dei c. 6. *Verum Sacrificium, inquit, est omne opus, quod agitur, ut sancta societas inhaereamus Deo, relatum scilicet ad illum finem boni, quo veraciter Beati esse possimus.* Qua ratione varia commemorantur Sacrificiorum genera in Scriptura sacra. Sic Psal. 39. *Sacrificium Deo spiritus contribulatus.* Ecclesiast. 36. *Qui facit misericordiam offert Sacrificium.* Hinc S. Paulus ad Hebr. ult. *Beneficentia autem, & communionis nolite oblivisci; talibus enim hostiis promeretur Deus.* Quapropter S. Petrus epist. 1. cap. 2. omnes fideles alloquens, ait: *Et ipsi, tanquam lapides vivi, superaedificamini domus spiritualis, Sacramentum sanctum, offerre spirituales hostias acceptabiles Deo per Jesum Christum.* Hinc Apocal. 5. omnes Sancti cum Christo regnantes dicunt: *Fecisti nos Deo nostrum regnum, & sacerdotes, & regnabimus super terram.*

Porro hæc Sacrificii acceptio; quidquid reclamant hæretici, dumtaxat impropria est, & metaphorica; nam ex ipsamet Scriptura sacra liquet, hoc Sacrificium bonorum operum distingui à Sacrificio propriè dicto; siquidem 1. Reg. cap. 15. legimus: *Melior est obedientia, quam victimæ: igitur obedientia, quæ voluntas hominis Deo immolatur, distinguitur à Sacrificio victimæ per propriè dictum Sacrificium:* Hinc Psal. 34. *Sacrificium, & oblationem noluit, aures autem perfeceris mihi.* Quibus videlicet mandata tua excipiam, & exequar. Sic Psal. 50. *Si voluisses Sacrificium, dedissem utique; Holocaustis non delectaberis.* Et tamen statim subiungit: *Sacrificium Deo spiritus contribulatus, cor contritum, & humilatum Deus non despicies.* Quæ verba sic expendit S. Augustinus lib. de civit. cap. 6. *Intueamur, inquit, quemadmodum ubi Deum dixit nolle Sacrificium, ibi Deum offendit velle Sacrificium: non vult ergo Sacrificium trucidatæ pecoris, sed vult Sacrificium contritis cordis.* Et infra:

*Ac per hoc ubi scriptum est Oseæ 6. Misericordiam magis volo, quam Sacrificium, nihil aliud, quam Sacrificium Sacrificium prælatum oportet intelligi: quoniam illud, quod ab hominibus appellatur Sacrificium, signum est verè Sacrificii. Porro autem misericordia verum Sacrificium est. Verum, inquam, ratione dignitatis, & effectus, non verò ratione formæ, & essentia Sacrificii propriè dicti; unde statim subiungit: Talibus enim Sacrificiis placatur Deus; quia videlicet opera meritoria Deo gratiora sunt, & cum efficacius ad misericordiam alliciunt, quam externa Sacrificia propriè dicta; maximè verò dum offeruntur ab hominibus pravis, & Deo offensis, ac sine ulla animi pietate, & devotione.*

*Notandum secundò, quòd Sacrificium propriè dictum rectè definitur. Oblatio externa rei sensibilis, & permanentis, legitima auctoritate instituta, à Ministro competentis, per immutationem illius rei, soli Deo facta in protestationem supremi illius domini in vitam, & mortem. Quæ utique definitio ut legitima appareat, explicandæ sunt illius particule. Primò dicitur Oblatio, quia in omni Sacrificio propriè dicto debet aliquid offerri: unde Hebr. 6. *Omni Pontifex ex hominibus assumptus, ut offerat dona, &c.* Secundò dicitur externa, quia est actus Religionis inclinantis creaturam intellectualem ad exhibendum cultum Deo debitum ob infinitam illius excellentiam, & omnium ab eo dependentiam, tanquam à primo principio. Actus, inquam, non quidem purè internus, sed externus; quia Sacrificium est præcipua nota Ecclesiæ, quæ visibilis est, ac subinde debet Deum colere aliquo cultu sensibili, & omnibus fidelibus noto. Tertiò additur rei permanentis; siquidem Sacrificium offertur Deo ab hominibus ad instar illius obsequii, quod Regibus, & Dominis suis pendunt subditi in protestationem suæ subjectionis, & dependentiæ; res autem illa, quæ sic offertur, est aliquid permanens, & determinata, ut experientia constat; Idem itaque debuit esse de oblatione dependentiæ, & subjectionis, quam profiterentur homines se habere ad Deum per oblationem Sacrificii. Quartò dicitur legitima auctoritate instituta, hoc est, vel ipsius Dei, vel eorum qui communitati præfunt; Sacrificium enim spectat ad communitatem, à qua, & propter quam Deo offertur: unde nullus sibi*

arrogare debet auctoritatem sacrificandi, & hostias offerendi, nisi vel à Deo vel ab hominibus assumptus, ut docet Apostolus ad Hebr. 5. *Quinto* additur *soli Deo*; nam Exodi 22. *Qui immolat Diis, occidetur, praterquam Domino soli.* Unde S. Aug. lib. 10. de civitate Dei, cap. 4. *Quis sacrificandum esse censuit, nisi ei, quem Deum aut scivit, aut putavit, aut finxit?* Et lib. 1. contra Adversarium legis, c. 18. *Diemon sibi offerri sacrificium non exigeret, nisi vero Deo deberi sciret.* Hinc lib. 20. contra Faustum Manichæum, c. 21. scribit: *Populus Christianus memorias Martyrum religiosa solemnitate concelebrat, & ad excitandam imitationem, ut meritis eorum consocietur, atque orationibus adjuvetur; ita tamen, ut nulli Martyrum, sed ipsi Deo Martyrum sacrificemus; quamvis in memoriis Martyrum constituamus Altaria.* Quis enim Antistitem in locis Sanctorum corporum assilens Altari aliquando dixit, offerimus tibi Petre, aut Cypriane? Sed quod offertur, offertur Deo, qui Martyres coronavit. Et infra: *Illo cultu, qui Græcè latrati dicitur, quæ Latine unoverbo dici non potest, cum sit quidam propriè Divinati debita servitus, nec colimus, nec colendum ducimus, nisi unum Deum.* Cum autem ad hunc cultum pertineat oblatio sacrificii, unde idololatia dicitur eorum qui hoc idolis exhibent, nullo modo tale aliquid offerimus, aut offerendum præcipimus, vel cuiquam Martyri, vel cuiquam sanctæ animæ, vel cuiquam S. Angelo.

Additur sexto cum immutatione ipsius rei: siquidem per Sacrificium protestamur Deum habere dominium in vitam & mortem, ita ut prohibito possit omnia immutare: quod utique significatur per immutationem illius rei, quæ offertur. Sic in omnibus prius institutis sacrificiis res oblata semper saltem ex parte immutabatur, ut patet in oblationibus pecudum, quæ occidebantur; vini, quod in terram effundebatur; similæ, quæ adurebatur; panis, qui frangebatur in Eusta; thuris, quod adolebatur; ritici, quod conterebatur; manipuli spicarum, qui correbatur; &c.

Hinc difficultas est, utrum oblatio panis propositionis esset verum Sacrificium; quippe cum in eis non fieret immutatio, nisi fortè in Clibano, dum videlicet pasta in panem coalesceret, & coqueretur, & hac ratione dici possent Sacrificia; nam id, quod propter Dei honorem in clibano concoquiritur, appellatur Sacrificium cliba-

ni, Levit. 2. v. 4. *Cum obtuleris sacrificium coctum in clibano.* Idem habetur cap. 7. v. 9. Quantum autem ad alia Sacrificia, quæ fiebant ex farina, vel massa, planum est, inquit Boëto sect. 1. nu. 8. ex Levit. 2. semper aliquam eorum partem debuisse comburi, quod ibi v. 9. appellatur, *adlevi super Altare.* Vinum item offerebatur, ut condimentum alterius sacrificii, quod comburebatur, vel destruebatur, & sic iam pertinebat ad illud totum, quod destruebatur: vel quando seorsum offerebatur, effundebatur saltem quoad partem, & per hoc iam totum censetur oblatum & sacrificatum, sicut per hoc, quod adoleverat pars farinæ, vel panis, censetur totus panis sacrificatus.

Ex his patet distinctio sacrificii à reliquis cultibus, tam internis, quam externis, devotione, oratione, adoratione, oblatione primitiarum & donorum, oblatione decimarum, voto, juramento, adjuratione, laude, & gratiarum actione. Facile etiam excluditur à definitione sacrificii accessio candelarum, quia videlicet illa accessio non fit ad protestandum summum Dei dominium in vitam, & mortem, sed ad decorandum cultum divinum, ad testificandum gaudium populi Christiani de divinis mysteriis, ad significandum Adventum Christi, qui est lux vera illuminans omnem hominem, &c. Eadem est ratio, quare thurificationes, quæ sunt in Ecclesia, non sunt Sacrificia: quoniam solum adhibentur ad celebritatem officii, ut nos excitent ad fervorem charitatis & devotionis; ut sicut incensum ascendit coram Domino in odorem suavitatis, ita & preces nostræ ascendant. Appositè Concilium Trid. sess. 22. cap. 5. (cujus titulus est, *De solemnibus Missæ sacrificii ceremoniis*) sic inquit: *Ceremonias adhibuit, Ecclesia, ut mysticas benedictiones, lumina, thymiamata, vestes, aliaque id genus multa .... quo & Majestas tanti sacrificii commendaretur, & mentes fidelium per hæc visibilia Religionis, & pietatis signa ad rerum altissimarum, quæ in hoc sacrificio latent, contemplationem excitarentur.*

Notandum tertio, quod cum in Religione Christiana nihil Deo sit gloriosius, & demoni terribilius, quam sacrosancta Eucharistia, & incuruenta Christi D. in Altaribus quotidiana immolatio, inde mirum videri non debet, quod diabolus per hæreticos suos asseclos omnia adhibuerit artes,

ut utriusque fidem ex Christianorum cordibus elevarer: ac hoc maximè præstitchice postremis sæculis; nam (ut omittam *Petro-Brufanos*, qui, referente Petro Cluniacensi epist. 2. lib. 1. Missam volebant nihil esse, nec celebrari debere, sicque nullum in Ecclesia Dei esse verum sacrificium. Quam etiam hæreticam sententiam docuerunt *Arnoldus*, ut refert S. Bernardus epistol. 24.) primus qui exitiale bellum Missæ sacrificio indixit, fuit *Lutberus* lib. de capt. Babylonica, ubi ita scribit: *Nihil bodiè receptius, quam Missam esse opus bonum, & sacrificium Missæ Testamentum Christi, quod moriens post se reliquit distribuendum fidelibus: secundum suam substantiam propriè nihil est aliud, quam verba Christi, accipite, & manducate: scandalum speciosissimum, quod Missa passim creditur esse sacrificium, quod offeratur Deo.* Et lib. de abroganda Missa privata: *Christus*, inquit, *seipsum semel obtulit, non voluit denuò ab ullis offerri, sed memoriam sui sacrificii voluit fieri.* Et infra asserit nullum esse novi Testamenti sacrificium præter id, quod Scriptura docet, crucis, & laudis. Eandem Catholicam veritatem majori audacia, & impudentia infectatus est *Calvinus* lib. 4. Instit. cap. 18. §. 2. ubi asserit, blasphemiam & contumeliam Christo irrogari, quando dicitur Missam esse sacrificium. Et n. 9. audacter pronuntiat, hanc perveritatem putiori Ecclesiæ incognitam fuisse, nullum extare mandatum de sacrificio, nullum apicem Sacerdotio patrocinari. Et n. 10. *Uruntur quidem isti (veteres) sacrificii vocabulo; verum simul exponunt, se nihil aliud intelligere, quam memoriam veri illius, ac unici sacrificii, quod in cruce peregit Christus unicus (ut ipsi passim prædicant) noster Sacerdos.* Et num. 11. *Mensam nobis dedit, in qua epulemur, non Altare, super quod offeratur víctima; non Sacerdotes consecravit, qui immolent, sed Ministros, qui sacrum epulum distribuunt.* At hos omnes Etrores longè majori impietate supergressus est impissimus Bernardinus Ochinus in libello adversus Missam, ubi omnes, quas ei dæmon suggererat blasphemias spurcissimas ille nebulo intando pectore, & calamo evomit. Contra quos stabilienda est Catholica, & constantissima assertio de veritate hujus divini sacrificii.

## CONCLUSIO UNICA:

**E**ucharistia confectio, & celebratio, que solo Missa appellatur, est verum, ac propriè dictum sacrificium. Hæc est de fide definita in Concilio Trident. sess. 22. can. 1. *Si quis dixerit in Missa non offerri Deo verum, & proprium sacrificium, aut quod offerri non sit aliud, quam nobis Christum ad manducandum dari, anathema sit.* Hanc autem Catholicam veritatem apertè docet c. 1. Ubi hæreticorum erroneum dogma resellens, scribit: Quoniam sub priori Testamento (teste Apostolo Paulo) propter Leviticæ Sacerdotii imbecillitatem consummatio non erat, oportuit, Deo Patre misericordiarum ita ordinante, Sacerdotem alium secundum ordinem Melchisedech surgere Dominum nostrum Jesum Christum, qui posset omnes, quot sanctificandi essent, consummare, & ad perfectum adducere. Hic igitur Deus, & Dominus noster, etsi semel seipsum in ata crucis, morte intercedente, Deo Patri oblaturus erat, ut æternam illic Redemptionem operaretur: quia tamen per mortem Sacerdotum ejus extinguendum non erat, in cœna novissima qua nocte tradebatur, ut dilectæ sponsæ suæ Ecclesiæ visibile, sicut hominum natura exigit, relinquere sacrificium, quo cruentum illud semel in cruce peragendum repræsentaretur, ejusque memoria in finem usque sæculi permaneret, atque illius salutaris virtus in remissionem eorum, quæ à nobis quotidie committuntur, peccatorum applicaretur, Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis, & vini Deo Patri obtulit, ac sub earumdem rerum symbolis, Apostolis, quos tunc novi Testamenti Sacerdotes constituebat, ut sumerent, tradidit, & eisdem, eorumque in Sacerdotio Successoribus, ut offerrent præcepit per hæc verba: *Hoc facite in meam commemorationem*, uti semper Catholica Ecclesia intellexit, & docuit. Ita Concilium, quibus apertè significat, constantem in Ecclesia semper fuisse Traditionem, quod Missa verum esset novæ legis sacrificium.

Eadem Catholica veritas constanter, & apert-

apertè traditur, ac stabilitur in plurimis aliis prioribus Conciliis; nam in Nicæno primo can. 14. statuunt: *Diaconos non habere potestatem offerendi Sacrificiū, sed solos Sacerdotes, ideoque nec Diaconos debere porrigere Sacramentibus corporis Christi, sed Sacerdotes Diaconis.* In Ephesino 1. tom. 1. cap. 16. Proferuntur nos obire in Ecclesiis incrementum Dei cultum, & mysticas benedictiones, & sanctificare per Christi corpus, & sanguinem. In Chalced. Act. 1. Residentibus magnificentissimis Iudicibus, & Senatu ante cancellos sanctissimi Altaris. Laodicezanum can. 19. docet, solis sacralis licere ad Altare accedere. Et can. 44. Mulier non ingreditur ad Altare, non enim altare, nisi propter Sacrificia. In Nicæno 2. Act. 6. Nemo unquam Apostolorum, vel 55. Patrum incrementum nostrum Sacrificium in memoriam Passionis Christi factum vocavit imaginem corporis illius; leges quoscunque vultis, nunquam invenies, nec Dominum, nec Apostolos incrementum illud, quod a Sacerdote offertur, duxisse imaginem, sed potius ipsum Christi corpus. In Lateranensi sub Innocentio III. cap. firmiter: *Christus in Eucharistia est Sacerdos simul, & Sacrificium, neque hoc mysterium consistit, nisi per Sacerdotes.* In Florentino in decreto unionis citatur decretum B. Alexandri primi in Sacramentorum oblationibus, quæ infra Missarum solennia Domino offeruntur, non debere offerri in Sacrificium, id est, aliam consecrationis materiam adhiberi, quam panem, & vinum aqua mixtum. In Toletano primo can. 5. Clerici ad quotidianum Sacrificium accedant. Trullana etiam Synodus can. 28. & 32. meminit incrementi sacrificii ejusdem: & quamvis Trullani Canones approbati non sint, tamen habent saltem vim historiarum, veteremque Ecclesiæ Traditionem confirmant.

*Probatur autem Conclusio:* Necessariò admittendum est in lege gratiæ aliquid sacrificium externum propriè dictum: sed illud aliud esse non potest, præter sacrificium Missæ: igitur Missa est verum, & propriè dictum Sacrificium. Probatur major ex illis Malachia verbis cap. 1. ubi Propheta Judæos alloquens vice Dei, ait: *Non est mihi voluntas in vobis, dicit Dominus exercituum, & manus non suscipiam de manu vestra; ab ortu enim Solis usque ad occasum magnum est nomen meum in gentibus, & in omni loco sacrificatur, ac offertur nomini meo oblatio munda.* Quæ verba de Sacrificio novæ legis in-

terpretatur S. Iustinus Martyr dialog. cum Triphone, & Irenæus lib. 4. adversus hæreticos cap. 32. & Chrysostomus in Psal. 53. & Hieronymus in commentario ad hunc locum Prophetæ, & Augustinus lib. 18. de civitate Dei. Et meritò quidem; Deus enim reprobatis Judæorum Sacrificiis, ibi spondet succellurum novum, cum dicit: *Offertur nomini meo*, sed illud non est aliud sacrificium ab illis Judæis offerendum, tum quia universim reprobantur omnia Judæorum sacrificia: tum quia sacrificium illud dicitur offerri in omni loco: ergo non à solis Judæis. Neque etiam est sacrificium oblatum à Gentilibus, nam apud Gentiles, non Deo, sed demoniis sacrificatur, omnes enim Dii Gentium demonia: licet aliqui fideles fuerint inter Gentiles, qui vero Deo litarent, nihilominus ita numero erant pauci, ut deipsum verè dici nequeat, quòd in omni loco ab ortu Solis usque ad occasum ab eis sacrificaretur oblatio munda.

Nec obstat, quòd dixerit Propheta, *sacrificatur, & offertur* in præsentis; loquitur enim mox Prophetarum, qui, ut diligenter suæ prædictionis certitudinem, futura quæ præsentia, vel præterita solent exprimere: Sic Psal. 21. de Christo patiente dicitur: *Diriserunt sibi vestimenta mea, id est, dividunt, & Psal. 5. In omnem terram exitus sonus eorum prostrabit.* Probatur autem minor: Si de alio, quàm de Missæ Sacrificio posset intelligi illud Prophetæ vaticinium, maxime vel de *Sacrificio crucis*, vel de Sacrificio metaphorico bonorum operum, quemadmodum Calvinus interpretatur, sed neutrum dici potest; non quidem prius; nam Sacrificium illud, de quo Propheta dicit offerendum in omni loco ab ortu Solis usque ad occasum, ut apparet, non convenit Sacrificio crucis, quippe cum peractum fuerit in monte Calvario. Nec etiam posterius; Prius, quia eadem est ratio, & idem loquendi modus de successuro Sacrificio illo, ac de repudiatis, sed repudiata Judæorum Sacrificia erant propriè dicta: ergo & hoc. Secundò, nihil substituitur alteri, nisi quod de novo altero abrogato instituitur; atqui spiritualia Sacrificia non fuerunt inter Judæos abrogata, tamquam Deo displicerent, nec inter Christianos noviter instituta, cum etiam in lege naturæ, & veteri fuerint; ergo ille locus de his non potest intelligi, sed intelligendus est de aliqua oblatione, quæ fuit in nova lege instituta, quæ non vti alia, quàm quæ fuit



**Sacrificio Missæ.** *Terriò*, quia hæc oblatio dicitur *munda*, idque non ratione sanctitatis ipsius offerentis, sed ratione rei oblatæ, ut patet *primò* ex anticheſi. Nam Propheta vocat eorum Sacrificia *polluta* ratione rei oblatæ, quia claudum, cœcum, & debile offerrebant: ergo hæc etiam oblationem vocat mundam ratione rei oblatæ. *Secundò*, quia Scriptura generatim, & absolute, atque in omni casu hanc oblationem dicit fore *mundam*, nullo respectu habito ad offerentem: ergo debuit esse talis ratione rei oblatæ, siue quia est oblatio rei per se Deo gratæ, & mundæ; quod soli Eucharistia convenit, quæ nullis offerentium peccatis potest inquinari: ut pulchre docet Trident. sess. 22. cap. 1. Hoc autem non convenit his Sacrificiis spiritualibus, quæ pendent ab intentione, & mundicia operantis, siue ea offerentis: nec omnia ab omnibusita sunt, ut munda sint, & Deo grata, maxime secundum sententiam hæreticorum, qui omnia opera nostra volunt ex se esse peccata, & consequenter immunda, & Deo ingrata, & solum grata propter ipsius indulgentiam. Illa autem oblatio in se munda est, & Deo placens.

*Quariò*, quia Propheta ibi opponit contemptum divini nominis inter Judæos cum ejusdem magnificatione inter Gentes, atqui illi in Sacrificio publico Deum contemnebant: ergo Gentes debent eum publico Sacrificio honorare; aliàs nullaratione tanta esset glorificatio, quatenus fuit contemptus: atqui illa sacrificia spiritalia non sunt publica, sed privata: ergo locus intelligendus est de vero Sacrificio, quod publico nomine fit, quod non est aliud, quam Sacrificium Missæ. *Quinò*, quia unum Sacrificium opponitur multis: sacrificia autem spiritalia sunt valde varia, Eucharisticum verò unicum: igitur &c.

*Nec officii*, quod S. Augustinus lib. 2. contra litteras Petiliani cap. 86. & S. Hieronymus in præfata Malachiæ verba dicant, illud oraculum intelligi posse de Sacrificio laudis. Id, inquam, non officii: nam ita hunc locum de Sacrificio laudis interpretantur, ut tamen non excludant ab eo rationem propriè dicti Sacrificii; nam idem S. Augustinus lib. 18. de civit. cap. 35. verba illa Malachiæ expendens, ait: *Hoc Sacrificium per Sacerdotem Christi secundum ordinem Melchisedech in omni loco a Sæcis usque ad occasum jam videmus offerri.* Simili-

ter licet S. Hieronymus ibi scribat spiritalis victimas, & thymamata orationum successura victimis carnalibus, subdit tamen: *Offerri in omni loco oblationem mundam, ut in caeremoniis Christianorum.* Quæ utique oblatio munda in caeremoniis facta proprium Sacrificium significat.

*Præcluditur* etiam elusio, & illusio Calvinii, scribentis lib. 4. Instit. cap. 18. n. 4. vaticinium illud Prophetæ intelligi de vocatione Gentium, & significare spiritualemente cultum designatum per illum externum Sacrificii legis ritum, quò familiarior hominibus sui sæculi indicaretur Gentes vocandas esse in veram Religionis societatem: *Quælibet etiam*, inquit, *in universam rerum veritatem, quæ per Evangelium exhibita sunt, citatis (sue ipsis describere solent; sic pro conversione ad Dominum ascensum in Hierusalem, pro Dei adoratione, numerum omne genus oblationum, pro ampliore ejus notitia, quo in regno Christi fideles domandi erant, somnia, & visiones ponuntur.* Facile, inquam, hæc elusio evanescit; siquidem, ut diximus, Propheta eodem modo loquitur de successura oblatione mundi offerenda in omni loco, quomodo de reprobanda oblatione immunda, quæ fiebat à Judæis illius temporis: sed ita oblatio reprobanda, & rejicienda; erat verum Sacrificium: igitur pari ratione oblatio insinuenda verum, & propriè dictum Sacrificium præfigurabat.

*Probatur secundò Conclusio:* Christus dicitur Sacerdos in æternum secundum ordinem Melchisedech, ut ex Psal. 109. probat Apostolus ad Heb. 7. & 8. igitur offerre debet sacrificium juxta ritum sacrificii Melchisedech, sed ritus sacrificii Melchisedech fuit in pane, & vino; legimus enim Gen. 14. *Melchisedech Rex Salem, proferens panem, & vinum; erat enim Sacerdos Dei Altissimi.* Igitur Christus D. offerre debuit sacrificium in pane, & vino: at sacrificium istud non aliter obtulit, quam insinuendo Eucharistiam: igitur hæc est verum sacrificium.

Ut hujus argumenti vim elevent Hæretici, reponunt *primò*: Melchisedech non fuisse Sacerdotem, sed Principem; vox enim Hebraica significat Sacerdotem, idest, Principem; ac subinde nullum ex eo loco nostræ assertionalis patrocinium accedit.

*Contra primò:* Vulgata nostra Editio utroque in loco tam Psaleni, quam ad Hebræos, habet, *Sacerdos*: igitur ita legendum: *Secundò*, immèdiatè scribitur, *Dei Altissimi*; sed non

non ritè diceretur Satrapa Dei: igitur &c. *Tertiò*, bis repeti non potest Principis nomen: at jam Scriptura significaverat Melchisedech esse Principem, dicendo, eum esse Regem Salem. *Quartò*, inde sequeretur, quod Christus non esset Sacerdos propriè dictus; ac subinde nullum foret Apostoli argumentum, quo probat excellentiam Sacerdotii Christi supra Sacerdotium Aaronicum, quia Christus esset Sacerdos in æternum secundum ordinem Melchisedech.

*Reponunt secundò*, Melchisedech non protulisse panem, & vinum in sacrificium, sed in refectionem Abrahæ, & ejus militum ex prælio revertentium; ita enim docet S. Ambrosius in caput 7. ad Hebræos.

*Verùm* hæc responsio facilè evanescit: *Primo*, quia nec ejus milites egebant ad refectiorem illo pane, & vino; quippe debant victores ex prælio cum copiosissima præda, & cibariis. *Secundò*, quia tresco loco narrantur actiones Melchisedech, nempe proferre panem, & vinum, benedicere Abrahæ, & ejus militibus, & ab eo decimas accipere, sed duæ postremæ actiones sunt planè Sacerdotales: ergo & prima, ac subinde non alio sine panem, & vinum obtulit, quàm in sacrificium. *Tertiò*, absurdum est, quod in scripturis fiat tam luculenta mentio Sacerdotii Melchisedech, Genes. 14. Psal. 109. ad Heb. 7. &c. quòd fuerit etiam Melchisedech typus Christi, & sacrificio suo Christi sacrificium adumbravit, nec tamen illius sacrificii forma, & ritus ullo scripturæ loco exprimitur; cum res etiam maximi sit momenti, & pondus, asseruntque hæretici ipsi omnia fidei mysteria sufficienter inveniri in scripturis, & perpetuò ad scripturas provocare soleant, atqui ritus ille sacrificii Melchisedech nequit ex alio loco ostendi, quàm Gen. 14. ubi dicitur protulisse panem, & vinum, quia erat Sacerdos Dei altissimi, nec hæretici alium locum habentius invenire potuerunt: ergo & textus ille de vero sacrificio intelligi debet. Hoc ipsum significat adjuncta ratio, cum panem obtulerit, sequitur namque: *Erat enim Sacerdos Dei Altissimi*; nam particula enim, cum sit causalis, denotat idcirco Melchisedech protulisse panem, & vinum, quòd esset Sacerdos Dei, & quia res illas solet Deo sacrificare, voluit ex eisdem rebus pro victoria Abrahæ sacrificium Eucharisticum offerre Deo.

*Nec obstat*, quòd in Hebr. non habeatur

particula causalis, enim, sed, &c., vel autem, itaut legatur; & ipse erat Sacerdos, vel erat autem Sacerdos. Hoc, inquam, non obstat, nam particula *vana*, Latine, &c., sæpius in Hebræa lingua usurpatur pro particula enim, vel quia; sic Genes. 22. ubi vulgata habet: *En morietis propter mulierem, quam tulisti; habet enim virum*, Hebraica fert, *Et ipsa habet virum*. Et Psal. 59. Vulgata habet: *Da nobis auxilium de tribulatione, quia vana salus hominis*, Hebraicè, &c. *vana salus hominis*. Similiter Isaia 64. ubi legitur: *Iratus es, quia peccavimus tibi*, legimus Hebraicè, *Et peccavimus tibi*. Merito itaque jure Latinus Interpreter hujus Hebraicæ consuetudinis peritus, animadvertens particulam, & illo loco Genes. idem significare ac enim, vel quia, evidentioris sensus gratia particulam causalem enim scripsit.

Unde ad S. Ambrosium respondeo, ipsum hæc scribere, non ex sua, sed ex Hebræorum sententia. *Adde quòd* ulterò concedamus, Melchisedech etiam post oblatum sacrificium forè protulisse panem, & vinum Abrahæ, & ejus militibus ad celebrationem victoriæ, quæ etiam est sententia Philonis Judæi libr. 1. de Abrahamo, ubi circa finem ita scribit de Melchisedech. *Magnus Pontifex redeuntem conspicatus, & antonitus tanti facinoris magnitudine, manus in celum tendens, fausta illi precatus est, & oblati pro victoria sacrificii, splendidum epulum sociis omnibus dedit*. Ubi vides, Melchisedech utrumque simul fecisse, & sacrificasse, & epulum dedisse.

*Reponunt tertio*, cum Calvino supra n. 2. perperam functionem Sacerdotii Melchisedech trahi ad panem, & vinum; quippe cum Apostolus eam ad benedictionem referat Hebr. 7. scribens: *Hunc, qui habebat repositiones, benedixit sine ulla autem contradictione, quod minus est à meliori benedicuntur*.

*Verùm* facilè refelluntur: *Primò* quidem ex textu Hebraico: nam post hæc verba: *Erat enim Sacerdos Dei Altissimi*, scribitur comma ante verba *benedixit ei*, quòd datur intelligi functionem Sacerdotii non referri ad sequentem benedictionem, sed solum ad præcedentem oblationem panis, & vini; eademque est distinctio periodi in Græco, & Latino textu. *Secundò*, benedictio præcisè non competit solis Sacerdotibus; sed etiam aliquando id Laicis convenit: nam 2. Reg.

cap. 6. *Rex David benedixit populo.* Et 3. Regum cap. 8. idem fecit Salomon; hi tamen non erant Sacerdotes.

*Reponitur quæritio cum eodem Calvino ibidem,* quòd, si sacrificium Melchisedech fuisse figura sacrificii Christi, Apostolus, qui minima quæque execuit, rem adeo sciam, quæ gravem non fuisse oblitus, & haud dubie meminisset convenientiæ utriusque sacrificii.

*Verùm* duabus de causis dico, Apostolum illius expressam mentionem non fecisse. *Primo*, quia alloquebatur Hebræos, inter quos plurimi adhuc erant infideles, quibus fas esse non iudicabat tantum prodere Mysterium. *Secundo*, quia non exigebat illius propositum.

Scopus enim illius erat demonstrare dignitatem legis Evangelicæ supra Mosaicam, quod probat triplici argumento: *Primum* repetit ex parte eorum, per quos leges illæ fuerunt promulgatæ; nam lex vetus per Angelos, & Prophetas fuit præscripta, Evangelica autem per proprium Dei Filium: *Secundum* repetit ex comparatione Legislatorum; nam legis veteris Legislator fuit Moyses fidelis in domo Dei famulus: legis autem Evangelicæ legislator est ipsemet Dei Filius. *Tertium* deducit ex comparatione Pontificis unius legis cum Pontifice alterius, in quo excellit Christi Sacerdotium supra Sacerdotium veteris legis: *Primo*, quia cum Christus esset Sacerdos secundum ordinem Melchisedech, major erat Sacerdotibus Aaronicis; quidem Aaron in Abraham Patre suo benedictus fuerat à Melchisedech, & eis Decimas obtulerat; ac subinde eum sibi superiore agnoverat. *Secundo*, quia longe nobiliori modo Impleverat munia Pontificis, quàm Sacerdotis Aaronici; quia ingressus est in Sancta non per sanguinem animalium, sed per proprium sanguinem; non in Tabernaculum manufactum, sed in celum ipsum: non multoties, ut Aaronici Pontifices, qui singulis annis, sed semel unica Redemptione inventa. Consulto autem tacet de sacrificio Eucharistiæ, quia apertè satis colligebat dignitatem Pontificatus Christi ex sacrificio cruento; aliàs sermo de Eucharistia potuisset ingenerare scrupulos in mentibus Hebræorum, qui non ita facillè intellexissent, quomodo sacrificium Eucharistiæ non iteretur, eadem ratione, qua Aaronicum, quomodo non mutetur, quomodo sit validissimum.

*Confermantur* hæc omnes nostræ responsiones, & simul præcluduntur omnes elusiones hæreticorum auctoritate SS. Patrum, qui clarè, ac distinctè pronuntiant, Melchisedech fuisse verum Sacerdotem, & panem ac vinum in sacrificium obtulisse, necnon & Christum D. idcirco Sacerdotem secundum ordinem Melchisedech censi, quòd pariter sacrificium in pane, & vino obtulerit. Occurrit enim imprimis S. Cyprianus epist. 63. ubi exponens hæc verba Psalmistæ: *Tu es Sacerdos in æternum, &c.* scribit: *Qui ordo venit, & descendit de sacrificio illo, quòd Melchisedech fuit Sacerdos Dei summi, quòd panem, & vinum obtulit, quòd Abraham benedixit; quis enim magis Sacerdos, quàm Dominus noster, qui sacrificium obtulit Deo Patri, & obtulit hoc idem, quòd Melchisedech obtulerat, idest, panem, & vinum, suum scilicet corpus, & sanguinem?* Quibus verbis nostram assertionem aperte confirmat S. Cyprianus, dicens idem fuisse sacrificium Christi, ac Melchisedech, quantum ad externa symbola panis, & vini, non verò quoad rem sub symbolis latentem, scilicet corpus, & sanguinem Christi.

Sancto Cypriano subscribit Ambrosius lib. 5. de Sacramentis cap. 1. ubi agit de pane, & vino ad consecrandam Eucharistiam: *Cognovimus, inquit, bonum Sacramentorum figuram Abraham temporibus præcessisse, quando sanctus Melchisedech obtulit sacrificium.* Et in cap. 5. epist. ad Hebræos: *Huius ordinem sacrificii Melchisedech iustificatus Rex per similitudinem instituit, quando panis, & vini fructus Domino obtulit. Constat enim peccatum victimas perisse, quæ fuerant in ordine Aaron, non Melchisedech, &c.* Ubi vides, S. Ambrosium utroque loco utrumque verbo obtulit, non protulit, & cum relatione ad sacrificium, non ad solam refectionem corporalem. *Per ineffabilem, & arcanum sacrificii* Melchisedech iustificatus Rex per similitudinem instituit, inquit Gregorius Nyssenus homil. 1. de Resurrectione) sua dispositione, & administratione præoccupavit impetum violentum, ac sese in oblationem, & victimam obtulit pro nobis Sacerdos simul & Agnus Dei... cum suum corpus ad edendum, & sanguinem suum ad bibendum familiaribus præbuit.

Similiter S. Hieronymus epist. 26. eodem modo rem explicat, ut Melchisedech fuerit Rex simul, & Sacerdos, qui non carnis, & sanguinis victimas immolaverit, nec

brutorum sanguinem dextera suscepit, sed pane, & vino simplici puroque sacrificio, Christi dedicaverit sacramentum; additque, hanc fuisse doctrinam Hypoliti Martyris, Irenæi, Eusebii Emysseni, Apollinarii, Eustatii. Præterea idem S. Hieronymus in questionibus Hebraicis in Genes. ubi explicat hanc historiam Abraham, simul etiam profert locum Psalmi, *Tu es Sacerdos secundum ordinem Melchisedech*; atque nomine ordinis significari mysterium nostrum: *Non immolandi per Aaron irrationabilibus victimis, sed oblato pane, & vino, id est, inquit, corpore, & sanguine Domini*: ubi adducit S. Hieronymus utitur verbo *offerendi*, non *ferendi*, nec ignorat textum Græcum, aut Hebraicum. Et in c. 26. S. Marthæ, ait, Christum accepisse panem, & vinum, quomodo in præfiguratione ejus fecerat Melchisedech sacerdos summo Deo panem, & vinum offerens. Et ep. 17. *Melchisedech panem, & vinum obtulit* &c. ubi perpetuo vides verbum offerre, non proferre, & in sacrificium, non ad solam refectionem.

At omnium perspicuissimè explicat S. Augustinus lib. 1. contra adversarium legis c. 20. *Juravit Dominus, Tu es Sacerdos* &c. Novauit, ait, qui legem, quod protulit Melchisedech, quando benedixit Abraham, & videtur nunc tale sacrificium offerri Deo in toto orbe terrarum &c. Et lib. 17. de Civit. c. 17. explicans hunc locum Psalmi: *Tu es Sacerdos*: Nemo, inquit, ambigere potest, de quo ista dicantur, cum hodie nusquam sit Sacerdotium secundum ordinem Aaron, sed ubique offeratur sub Sacerdote Christo, ut, quod protulit Melchisedech, quando benedixit Abraham. Et lib. 18. c. 35. Hoc sacrificium Christi secundum ordinem Melchisedech, cum in omni loco à solis ortus usque ad occasum Deo jam videamus offerri; sacrificium autem Judæorum cessasse, qui adhuc expectant alium Christum. Addi potest Theophilactus in c. 8. ad Hebræos, ubi ait: Christus panem, & vino sacrificium consecravit, sicut & Melchisedech: similiter Ildorus Pelusiota epist. 43. *Melchisedech*, inquit, panem, & vino sacrificium æternum Mysterium figurabat. Constat igitur ex communi SS. Patrum sententia Melchisedech verè fuisse sacerdotem, qui solitus erat panem, & vinum Deo offerre in sacrificium, in quo Christi D. inveniunt sacrificium præfigurabat.

Probatur tertio Catholica assertio. In Ecclesia Catholica est verum Altare: igitur

& verum sacrificium. Consequentia patet: quia Altare, & sacrificium sunt relata; siquidem Altare est propter sacrificium, & sacrificium Altare supponit, in quo fieri debeat. Antecedens probatur ex illo ad Hebr. 13. ubi Apostolus ait: *Habemus Altare de quo edere non habemus, qui Tabernaculo deserviunt*. Id est, qui adhuc in Judaismo perseverant, & nondum Christo nomen dederunt.

Idipsum testantur SS. Patres, præsertim S. Irenæus lib. 4. c. 34. ubi ait: *Christus vult nos offerre munus ad Altare frequenter, & sine intermissione*. Et S. Cyprianus qu. 62. *Non merentur ad Altare Dei nominari in sacerdotum præce, qui ab Altari, & sacrificiis sacerdotis arceant volunt*. Et S. Ambrosius lib. de eleemosyna, & jejuniis. *Veni jam dies Resurrectionis, baptizantur Electi, veniunt ad Altare, accipiunt sacramenta* &c. Et S. Augustinus lib. 9. Confessionum c. 17. loquens de B. Monica sua Matre piissima, ait: *Imminente die resolutionis sue, non curavit corpus suum sumptuose contigi, aut aromatibus conditi; non ista mandavit, sed tantummodo memoriam sui ad Altare fieri desideravit, cui nullius diei prætermessione serviebat, unde sciret de pensari victimam sanctam, qua delectum est choreographum, quod erat contrarium nobis*. Et c. 12. *Preces Judæus, cum offerretur pro ea sacrificium pretii nostri, jam juxta sepulchrum posito cadavere, priusquam deponeretur, sicut fieri solet*. Et lib. 20. contra Faustum cap. 18. *Volo, inquit, mihi dicatis, cur templum, ara, sacrificium in vera Religione prædicantur? Christiani peracti à Christo sacrificii memoriam celebrant, sanctamque oblationem, & participationem corporis & sanguinis Christi*. Et c. 21. *Nalli Martyrum, sed ipsi Deo Martyrum sacrificamus, quomodo in memoriis Martyrum constituamus Altaria; quis enim Antistitem in locis SS. corporum assidens Altari, aliquando dicit? Offerimus tibi Petre, aut Paule, aut Cypriane? sed quod offeritur, offertur Deo, qui Martyres coronavit, apud memorias eorum, qui coronavit; ut ex ipsorum locorum admonitione major affectus emigret ad accendendam charitatem, & in illos, quos imitari possumus, & in illum, quo juvante, possumus*.

Obijciunt heretici primò: Minutium Felicem, qui in Octavio inducit Cæciliam arguentem Christianos, quod nulla exempla, nulla Altaria haberent, & Clementem

Alexandrinum lib. 1. Stromatum scribentem, Nos Deo sacrificia non offerre: & S. Augustinum oratione contra Judæos cap. 6. & 7. dicentem, nos hodie non habere, nisi sacrificium laudis: igitur eorum tempore nullum erat sacrificium apud Christianos, nullumque Altare.

Nego consequentiam, & ad primum dico Cæcilium loqui de Altari natio, & publico, qualia erant templa, & Alaria Gentilium: Cur, inquit, nulla habeant templa, nulla tota simulacra, &c. Tunc temporis enim fideles agebant cætos, & sacra Mysteria in locis abditis propter sævientem in eos persecutionem.

Ad secundum dico, Clementem Alexandrinum agere de sacrificiis, quibus pagani deos suos venerabantur: hi autem sacrificia offerebant, quasi Deus, quem colebant, illis indigeret, vel quasi sacrificiis voluptate caperetur, vel dæmone quasi intuitu sacrificiorum, non auctem conscientiz puræ, & immaculatæ ad benefaciendum alliceretur: quo tantum sensu negat Clemens, sacrificia nos offerre Deo: *Primo*, quia ait, Deum nullius indigere: *Secundo*, quia ait, fumum victimarum vix ad crassissimas usque nubes pervenire: *Tertio*, neque sacrificiis, neque donariis, neque gloria, & honore Deo invocatur, neque aliis hujusmodi allicitur, sed solis veris bonis, & honestis apparet. Sanctus autem Augustinus opponit sacrificium laudis sacrificiis vitulorum, & hircorum, cum interpretatur hæc Psalmistæ verba: Non accipiam de domo tua vitulos: immola Deo Sacrificium laudis. Sacrificium verò crucis appellat eo sensu sacrificium laudis; nam cap. 1. sic habet: Ipse igitur Sacerdos, & victimam immolavit sacrificium laudis.

Confirmatur hæc tertia probatio auctoritate Apostoli ejusdem 1. ad Cor. 10. ubi cum mentionem fecisset participationis Eucharistiz his verbis: Calix benedictionis cui benedicimus, nonne communicatio sanguinis Christi est, & panis, quem frangimus, nonne participatio corporis Domini est? ut fideles revocet, & deterreat ab esu eorum, quæ idolis immolabantur, statim subiungit: Vide Israel secundum carnem, nonne qui edunt bestias, participes sunt Altaris? Quid ergo? Quod idolis immolatum sit aliquid? aut quod idolum sit aliquid? sed quæ immolant Gentiles, demoniis immolant, & nos Deo; nolo autem vos fieri socios demoniorum; non potestis calicem Domini bibere,

& calicem demoniorum: non potestis mensam Domini participes esse, & mensam demoniorum. Ex quibus argumentor: Apostolus per antithesim comparat mensam Domini, quæ est apud fideles in Ecclesia cum mensa demoniorum; ita quod quemadmodum Judæi sunt participes Altaris, & Gentiles mensæ demoniorum, sic fideles sunt participes mensæ Domini: sed fideles non essent eodem modo participes mensæ Domini, quo Judæi Altaris, & Gentiles mensæ demoniorum, si non essent participes alicujus victimæ in altari per sacrificium immolatæ: igitur revera censet Apostolus, in Ecclesia Dei Eucharistiam esse verum sacrificium super Altare incrementè oblatum.

Missas facio alias hujusmodi probationes, necnon plurimas SS. Patrum auctoritates, quibus Bellarminus, Perronius, & alii gravissimi Authores, quotquot adversus hæreticos hujus temporis acerrimè disputaverunt, hoc Catholicum dogma efficacissimè propugnaverunt; unicum laudo S. Augustinum, qui hanc veritatem manifestissimè declarat pluribus, maximè verò lib. 10. de Civitate Dei cap. 20. ubi ait: Christus, & Sacerdos est, & oblatio. Cujus rei Sacramentum quotidianum esse voluit Ecclesia sacrificium. Hujus signa erant sacrificia prisca Sanctorum: huic summo, veroque sacrificio cuncta sacrificia falsa cesserunt. Et idem lib. 22. cap. 8. Vir Tribunianus Hesperius, qui apud nos est, habet in territorio Fugelsenfi fundum Zebedi appellatum. Ubi cum afflictione animalium, & servorum suorum domum suam spirituum malignorum vim noxiam perpeti compelleret, rogavit nostros (nos absente) Presbyteros, ut aliquis eorum illi pergeret, cujus orationibus cederent. Perrexerat unus, obtulit sacrificium corporis Christi, & omnis quantum posuit, ut cessaret illa vexatio; & Deo protinus miserante cessavit.

Hic etiam suffragatur ratio Theologica: quia nulla fuit unquam lex aut religio vera vel falsa sine sacrificio; igitur in lege Evangelica, quæ vera est, debuit etiam esse verum sacrificium. Major constat ex omnibus historiis sacris, aut profanis, quæ quoties mentionem faciunt conditæ legis, & religionis, etiam meminerunt instituti sacrificii; nam, ut præclare inquit S. Augustinus lib. 19. contra Faustum: In nullum nomen Religionis sive verum, sive falsum condudari homines possunt, nisi aliquo sacrificiorum, & Sacramentorum visibilium consorcio colligentur.

Con-

Consequentia etiam patet; nulla est enim ratio, ob quam Christiana Religio careat potius Sacrificio vero ac sibi proprio, quo publice Deum colat, quam Religio legis Naturæ, vel Mosaicæ.

*Obijciunt hæretici* disparitatem inter novam legem, & cæteras, quod in nova lege vigeat sacrificium crucis habens virtutem infinitam, & semper manentem, ac subinde frustraneum omnino est quodlibet aliud sacrificium: unde Apostolus Hebr. 10. de Christo ait: Una oblatione consummavit in sempiternum sanctificatos, quod etiam ipsemet Christus significavit, cum dixit, jam penè animam exhalans, *Consummatum est*, ut nempe denotaret se complèvisse per sacrificium crucis omnia, quæ ad nostram salutem erant necessaria, & consequenter superfluum esse quodlibet aliud sacrificium.

*Verum respondeo*, hoc hæreticis familiare effugium faciliè præcludi; Christus enim in cruce nedum satisfecit pro peccatis hominum in nova lege existentium, sed etiam pro peccatis eorum, qui vivebant tempore legis naturæ, & Mosaicæ: ergo cum non obstant merito sacrificii crucis vera fuerint sacrificia in illa utraque lege, pari ratione potest esse verum sacrificium in lege Evangelica; non enim minorem virtutem habuit sacrificium crucis erga illos homines, quam erga Christianos.

*Nec obstat*, quod sacrificium crucis habeat vim infinitam, & semper manentem ad sanctificandum: quia licet Christus in cruce perfecit quoad sufficientiam pro nobis satisfecerit, tamen quoad efficaciam requiritur, quod satisfactio nobis applicetur per Sacramenta, & Missæ sacrificium, quæ sunt media, quibus meritum Passionis in nos effluit, ut præclare docet S. Cælius Arelatensis homil. 7. de Paschate, ubi ait: *Quia corpus assumptum oblaturus erat ex oculis nostris, & fidei oblaturus, necessarium erat, ut nobis in hoc die Sacramentum corporis, & sanguinis consecraret, ut coheretur jugiter per Magisterium, quod semel offerebatur in pretium, ut quia quotidiana, & indefessa curaret pro salute hominum Redemptione, perpetua etiam esset Redemptionis oblatio, & perveniret visibilis vivere in memoria, & semper præsens esset in gratia, &c.* Nec patitur obstat, quod Christus dixerit, *Consummatum est*: hæc enim ab illo dicta sunt, tum ut significaret consummata esse de eo Prophetarum

et vaticinia, tum ab eo plenissime satisfactum esse pro Redemptione hominum, nec, non mandato paterno de morte subeunda pro resarciendo divino honore, & jure per hominum prævaricationem pessundato.

*Obijciunt secundo*: Ubi non sunt Sacerdotes, ibi non debet esse sacrificium: sed in nova lege non sunt Sacerdotes: ergo nec sacrificium. Major constat ex dictis. Minor verò probatur ex Apostolo ad Hebr. 7. ubi cum dixisset, Aaronicos Sacerdotes fuisse plures; idcirco, *quod morte prohiberentur permanere*, statim subiunxit: *Hic autem eo quod maneat in æternum, sempiternum habet Sacerdotium*; unde *& servare in perpetuum potest accedentes ad ipsum, semper vivens ad interpellandum pro nobis; talis enim decebat, ut nobis esset Pontifex, Sanctus, Innocens, Impollutus, segregatus à peccatoribus, & excelso-  
rior cælis suis, qui non habet necessitatem quotidie, quemadmodum Sacerdotes, præus pro suis delictis hostias offerre, deinde pro populo: hoc enim fecit semel seipsum offerendo.*

*Nego minorem*: Et ad Apostolum dico, Christum vocari unum Sacerdotem, sicut in Evangelio seipsum appellat unum Magistrum, Matth. 23. *Unus est Magister vestester Christus: Et unum Pastorem*, Joan. 11. *Fiet unus ovile, & unus Pastor*: quia videlicet ipse est, qui per Vicarios, Doctores, & Pastores docet, & pascit; unde non habet Sacerdotes sibi succedentes in eadem potestate, & auctoritate, sicut habebant Sacerdotes Aaronici, licet habeat Sacerdotes Vicarios, per quos seipsum inveniunt offerat. Hinc tantum abest, ut illud Apostoli oraculum nobis adverteretur, quin imò suffragatur plurimum: cum enim sit Sacerdos in æternum, idest, usque ad mundi consummationem, & sempiternum habeat Sacerdotium, quod utique otiosum esse non debet, nec tamen illud per se exerceat, necessum fuit, quod haberet Vicarios Sacerdotes, per quos sacrificaret, sicut habet Vicarios Pastores, & Magistros, per quos ovibus, & Discipulis suis, de congruis pascuis, & doctrinis providet.

*Obijciunt tertio*: Quod est Sacramentum, & Testamentum, non potest esse sacrificium propriè dictum: sed Eucharistia est Sacramentum simul & Testamentum: igitur non est sacrificium. Minor constat. Major probatur: Rationes Testamenti, & Sacramenti pugnant cum ratione sacrificii: siquidem per Sacramentum Deus nobis aliquid

tribuit, & largitur, nempe gratiam sanctificantem; per sacrificium autem nos offerimus Deo, & ipsi victimam immolamus. Similiter Testamentum est promissio hæreditatis accipiendæ ab hærede, cui delegatur, tanquam ea indigenti: sacrificium autem est oblatio victimæ in honorem Dei, & testificatio sui supremi dominii, tuzque plenitudinis: igitur, &c.

*Distinguo maiorem*: Quod est sacramentum, & Testamentum, non potest esse sacrificium secundum eandem rationem, concedo: secundum diversam, nego, & concessa minore, similiter distinguo consequens; quemadmodum enim Agnus Paschalis in lege veteri simul erat sacramentum, & sacrificium; sacramentum quidem, quatenus erat signum visibile invisibilis gratiæ; sacrificium autem, in quantum immolabatur Deo; sic Eucharistia, quatenus nobis confert gratiam sanctificantem, habet rationem sacramenti; quatenus verò offertur Deo in illius honorem, & obtestationem illius supremi dominii in mortem, & vitam hominum, habet rationem sacrificii. Similiter nil repugnat, quod eadem res sit Testamentum, & sacrificium, & impendatur simul in honorem, & utilitatem testatoris, & hæredis; nam testator potest ea conditione hæreditatem legare, ut hæres illius partem impendat, vel in extruendo mausoleo, vel curando ut singulis annis sacra fiant in ipsius testatoris requiem. Adde, quod ipse hæres legatæ sibi hæreditatis compos possit illam in sui testatoris honorem, & utilitatem impendere. Quidni igitur Christus D. Eucharistiæ sacramentum nobis tanquam hæreditatem delegans facultatem fecerit, ipsum usurpandi in nostram utilitatem, ut est res sacra, & eam offerendi in Dei honorem, quatenus sacrificium?

*Obijciunt quatuor*: Non aliter nunc conficitur Eucharistia, quam eam primò Christus consecravit, sed Christus non consecravit Eucharistiam per modum sacrificii: igitur nec sic modò confici potest. Major constat. Minor probatur: Si enim Christus Eucharistiam consociendo seipsum obtulisset in sacrificio, cum hoc fuisset valoris infiniti, superfluum fuisset sacrificium crucis.

*Nego minorem*: Nam (ut diximus) cum Christus D. fuerit sacerdos secundum ordinem Melchisedech, qui panem, & vinum in sacrificium offerebat, consequens est, quod Eucharistiam in pane, & vino

*Fraſſen Theol. Tom. XI.*

consociendo etiam verum sacrificium præfiguratum à Sacrificio Melchisedech obtulerit: Sacerdotium enim correlativè habet ad sacrificium propriè dictum, juxta illud Apostoli ad Hebr. 5. *Omnis Pontifex constituitur, ut offerat dona, vel sacrificia pro peccatis.*

*Insuper*: Ex verbis institutionis Eucharistiæ aperte colligitur, quod Christus eam instituendo verum sacrificium obtulerit; nam Lucæ 22. legimus: *Et accepit panem gratias egit, & fregit, & dedit eis dicens: Hoc est corpus meum, quod pro vobis datur; ubi &c. datur, utpote verbum præsentis temporis significat in ultima cœna Christi D. corpus jam in verum sacrificium fuisse oblatum.*

*Nec obstat*, quod apud eundem Evangelistam de calice legamus: *Hic est calix novum Testamentum in meo sanguine, qui pro vobis fundetur*; nam in Græcis exemplaribus legitur in præsentem funditur. Et insuper relativum qui, non refertur ad sanguinem, sed ad calicem, ut constat ex textu Græco: Sanguis autem Christi in sacrificio cruento crucis non est effusus per calicem: igitur illa effusio sanguinis pro hominum salutem, de qua ibi fit mentio, non potest propriè intelligi de sola effusione cruenta in cruce, sed etiam de incurenta, quæ fiebat in institutione Eucharistiæ.

His adde, quod hæc Eucharistiæ institutio habeat omnes conditiones ad verum sacrificium desiderandas; ibi enim reperitur oblatio sensibilis, scilicet corporis & sanguinis Christi sub speciebus panis, & vini in honorem Dei facta: nam, inquit S. Augustinus lib. 4. de Trinit. cap. 15. *Quid tam grate offerri, & suscipi possit, quam caro Sacrificii nostri, corpus essetia Sacerdotis nostri?* Fuit etiam sufficiens hostia immuatio, non quidem per mortem veram & realem Christi, sed per consumptionem specierum, ejus ratione Christi corpus amissum esse sacramentale. Fuit denique legitimus Minister & Sacerdos, qui sacrificium obtulit super mensam, quæ gerebat vicem Altaris, idque in Dei honorem, & obtestationem illius supremi in hominibus dominii: quapropter hanc oblationem facturum, oculos in cœlum elevavit, & Deo gratias egit.

*Obijciunt denique*: Victima, quæ in vero & propriè dicto sacrificio offertur, debet occidi: sed Christus, qui offertur in

S Missa,

Missæ, non occiditur, nec moritur: igitur Missa non est verum ac propriè dictum sacrificium.

*Respondet*, maiorem esse veram de sacrificio, quale fuit sacrificium crucis, non verò de sacrificio incruento quale fuit sacrificium Melchisedech, quale pariter est sacrificium Missæ.

*Secundò dico*, Christum in Eucharistiæ sacramento mylicè, & moraliter occidi: Tum, quia constituitur in Eucharistia modo veluti mortuo; siquidem ibi nullam habet functionem, & operationem sensuum exteriorum; hinc de Christo in Eucharistia existente dici potest, quod de eodem testatur S. Joan. Apocalyp. 5. *Vidi agnum stantem tanquam occisum*; ita equidem divinus ille Agnus in Eucharistia, quia vivit vita immortalis & omnino beata; ibi tamen est, tanquam occisus, quia scilicet nullos exurit exteriores, & sensibiles vitæ actus.

Tum, quia sacrificium Missæ est repræsentativum sacrificii crucis, siquidem in eo recolitur memoria Passionis, & ut inquit Catechismus Romanus de Eucharistia c. 81. *Unam, & idem sacrificium fateri, & haberi debet, quod in Missa peragitur, & quod cruce oblatum est, quemadmodum una est, & eadem hostia, Christus videlicet Dominus noster, qui seipsum in ara crucis semel tantummodo cruentum immolavit, neque enim cruenta & incruenta hostia, due sunt hostiæ, sed una tantum*; unde sanguis Christi ex vi verborum ponitur separatim à corpore, fitque in hoc incruento Missæ sacrificio mystica effusio sanguinis *per gladium verborum*, inquit S. Cyrillus: Hinc S. Gaudenzius tr. 2. in Exodum, Eucharistiam appellat *exemplar passionis Christi*: Quapropter etiam 1. ut 22. iussit Dominus Apostolis: *Hoc facite in meam commemorationem*; nam, inquit Apostolus jam pluries à nobis laudatus, *Quotiescumque manducabitis panem, & calicem bibetis, mortem Domini annuntiabitis*.

## QUÆSTIO SECUNDA.

*Quale sit, & in quo formaliter consistat Missæ Sacrificium.*

**N**otandum primò: Multiplex esse sacrificiorum genus, ut constat ex lib. Levitici; quæ universim dividuntur vel ra-

tione materiæ, idest, rei oblatæ, vel ratione finis. *Ratione materiæ* sacrificium dividitur in victimas, immolationes, & libamenta: *Victimæ* erant ex animantibus, videlicet ovibus, capris, bobus, columbis, passeribus, & turturibus: *Immolationes* ex rebus inanimis, sed solidis, ut farina, panis, oleum, thure: *Libamenta* verò ex rebus liquidis, ut vino, & aqua.

*Ratione verò finis* triplex est, nempe laetitium, pacificum, & propitiatorium: *Primum* offerebatur Deo ad testandum ipsius Majestatis honorem, & supremum in universa imperium, idcirco victima tota in eo comburebatur, ideoque dicebatur *holocaustum*, quasi totum incensum, & consumptum, ut significaretur, quod quemadmodum totum animal solvebatur in vaporem, & sursum ascendebat, ita etiam totus homo sacrificium offerens, & omnia quæ ipsius erant, Dei potestati, & dominio esse subiecta.

*Pacificum* illud erat, cujus finis præter cultum Dei, est gratiarum actio pro beneficiis divinitus acceptis, vel accipiendis; unde pacificum duplex erat, nempe *Eucharisticum*, quod offerebatur ad gratias agendas pro beneficiis divinitus acceptis, & animi gratitudinem declarandam: & *impetratorium*, quod pro accipiendis beneficiis offerebatur. In hoc autem sacrificio pacifico victima dividebatur in tres partes, quarum prima incendebatur in honorem Dei, secunda cedebat in usum, & victimæ sacerdotum, tertia præbatur ei, qui victimam offerebat, ut significaretur, quod salus hominis procedit à Deo mediante Ministris, & cooperantibus ipsis, qui salvari cupiunt.

*Propitiatorium* verò illud erat, cujus finis præter cultum Dei erat placare Deum offensum, & peccati veniam obtinere: illudque pro varietate peccatorum, & personarum varium erat, & multiplex; quippe aliud offerebatur pro perjurio, aliud pro aliis peccatis, & similiter aliud offerebatur pro peccato summi Sacerdotis, aliud pro peccato Regis, vel Magistratus, aliud pro peccato totius populi, & aliud pro privatorum hominum peccato. In hoc autem sacrificio victima dividebatur in duas partes, quarum una comburebatur, altera verò cedebat in usum Sacerdotum, ut significaretur, quod expiatio peccati sit à Deo per ministerium Sacerdotum, nisi quando sacrificium offerebatur pro peccato Sacerdotis,



tis, vel totius populi; tunc enim tota vitima incendebatur; quia conveniens non erat, ut Sacerdotes, participarent illi sacrificio, quod tam pro eorum, quam pro totius populi peccatis ad satisfaciendum Deo offerebatur. Quæritur autem, utrum Eucharistiæ sacrificium horum omnium sacrificiorum rationem in se contineat, & complectatur.

*Notandum secundò*, quòd etsi sacrificiorum legis tam naturæ, quam scriptæ varii fuerint fines immediati, tamen, inquit *Arcudius*, lib. 3. de Sacramentis cap. 7. unus eorum omnium finis immediatus erat representatio sacrificii Christi, qui ideo dicitur Apocalypsis 13. *Agnus occisus ab origine mundi*; quia videlicet omnia à mundo condito oblata sacrificia cum figurabant, ac representabant: hinc, quoniam dupliciter reipsa immolatus est Christus, non sine mystico antiqua sacrificia partem cruentè, partim incruentè offerebantur. In lege naturæ Melchisedech incruentè panem, & vinum obtulit, & sacrificavit. At verò Abrahā, cæterique Patriarchæ cruentè animalia immolarunt. In lege scriptæ animalia immolabantur, ac fructus terræ, aut alia ex illis confecta, nulla sanguinis effusione interveniente, quæ nulla fieri poterat, offerebantur.

His igitur omnibus sacrificiis, & pro omnibus cum personis, tum peccatis in lege gratiæ unum ab illis figuratum succellit in cruce cruentum, incruentum in Altari, ut hac oratione fit Christus D. Sacerdos in æternum secundum ordinem Melchisedech, panem, & vinum offerens, sacratissimum, inquam, corpus suum, & sanguinem. Hæc optime declarat S. Leo sermone 8. de Passione Domini: Nunc, inquit, *carnealium sacrificiorum varietate cessante, omnes differentias hostiarum una corporis, & sanguinis implet oblatio*. Et Sanctus Joannes Chrysostomus in Psal. 95. *Lex in veteri Testamento multas habebat hostias, hanc quidem pro peccatis, illam verò diuinam holocausta, aliam vocatam laudis, aliam salutaris, permultasque alias, & varias pro his, qui innumeris piaculis recensebantur. Omnino magnus erat, & sine modo numerus sacrificiorum in lege, quæ omnia nova superveniens gratia uno complectitur sacrificio, unam, & veram statuenti hostiam*. Sanctus quoque August. q. 57. in Leviticum In multis, inquit, *Sacrificiis, quæ pro peccatis offerebantur, unum hoc*

*nostrum sacrificium significatur, in quo vera sit remissio peccatorum*.

*Notandum teritiò*, Eucharistiæ sacrificium concipi posse habere vim aliquid efficiendi, & impetrandi ex quadruplici capite: *Primò* quidem, quatenus est opus bonum, & attenditur ex parte operantis, sive Sacerdotis offerentis; cum enim sit actus virtutis Religionis, eisdem planè effectus habere potest, quos habent cæteræ virtutis actiones, & iisdem omnino modis, nempe vel per modum meriti, de condigno, aut de congruo, vel per modum impetrationis: siquidem homo iustus per quoslibet virtutum actus mereri potest augmentum gratiæ, & gloriæ, & satisfacere Deo pro peccatis prioribus suis peccatis debitis, necnon & bona temporalia, & spiritalia promereri; maxime quando hunc virtutis actum in eos fines elicit, & refert. *Secundò*, hoc sacrificium potest concipi habere vim aliquam operandi ex parte dignitatis, & excellentiæ rei oblatæ; quò enim res majoris perfectionis, & pretii Deo offertur, eò movetur efficacius ad largiendam suam gratiam, & conferenda beneficia homini offerenti; sicut enim preces, ita etiam munera solent habere vim impetrandi. *Tertiò*, potest sacrificium concipi habere vim impetrandi, quia offertur nomine Ecclesiæ, quæ cum sit Christi D. Sponsa, non habens maculam neque rugam, ac subinde Deo semper accepta; inde fit, quòd ejus preces, & munera Deo semper grata sint, etiam si per manus peccatoris offerantur. *Quarò* tandem concipi potest Eucharistiæ sacrificium habere vim, & efficaciam aliquid efficiendi, & impetrandi ex parte Christi instituentis, & offerentis, quatenus videlicet Christus hoc sacrificium instituit, ipse externo actui sacrificii annexa voluit esse sua merita, ad certum effectum conferendum ei, pro quo offertur, dummodò ipse non ponat obicem, idque independenter à devotione, vel indevotione immediata offerentis; qui utique modus agendi dicitur *ex opere operato*, quia effectus infallibiliter sequitur ex positione externi operis in subiecto non ponente obicem: vel concipi potest eam efficaciam habere ratione dignitatis, & excellentiæ ipsius Christi D. quatenus videlicet, cum ipse sit primarius offerens, sacrificium ab eo oblatum maximam habet dignitatem, ratione ejus meretur rem peccatam à Deo impetrare.

Quibus ita præmissis, tria hic supersunt determinanda: *Primum*, utrum Missæ sacrificium in se complectatur tria sacrificiorum genera: *Secundum*, quomodo possit esse propitiatorium, & satisfactorium pro peccatis tam mortalibus, quam venialibus; *Tertium*, utrum omnes suos effectus operetur ex opere operato.

## CONCLUSIO PRIMA.

**M**issæ sacrificium non solum est latreuticum, & Eucharisticum, sed etiam impetratorium, & propitiatorium pro peccatis. Ita Concilium Trident. sess. 22. de sacrificio Missæ c. 2. & can. 3. his verbis: *Si quis dixerit Missæ Sacrificium tantum esse laudis, vel gratiarum actionis, aut nudam commemorationem sacrificii in cruce peracti, non autem propitiatorium, vel soli prodesse sumenti, neque pro vivis, & defunctis, pro peccatis, penis, satisfactionibus, & aliis necessitatibus offerri debere, anathema sit.*

Quod autem sit Latreuticum, aperte constat, utpote cum offeratur Deo in signum, & oblationem supremi sui domini, non solum in vitam, & necem aliorum hominum, sed etiam ipsius Christi D. unigeniti sui filii. Unde plus honoris, & gloriæ Deo accedit ex celebratione unius Missæ, quam accederet, non solum ex omnibus operibus quantumvis perfectis, & meritoriis; sed etiam ex oblatione, & sacrificio omnium omnino creaturarum, si omnes in Dei gloriam, & honorem immolarentur, & in nihilum abirent: cum enim Christus D. longè plures, ac præcellentes perfectiones, & dotes complectatur, utpote cum sit Deus homo, quam omnes puræ creaturæ; etiam longè major accedit Deo honor ex illius oblatione, quam ex immolatione omnium creaturarum.

Quod pariter sit Eucharisticum, & valeat ad rependendas Deo gratias pro acceptis beneficiis, sufficiens constat ex ejus nomine; vocatur enim sacrificium Eucharistia: Quia, inquit S. Augustinus lib. de spiritu, & littera, in ipso verissimo, & singulari sacrificio, Domino Deo nostro gratias agere admonemur. Quod etiam mente præfata futurorum significaverat Vates Regius Psal. 115. his verbis: *Quid retribuam Domino, pro omnibus, quæ retribuit mihi? Calicem salutaris accipiam.*

Similiter est impetratorium, non solum

beneficiorum spiritualium, sed etiam temporalium, quod utique significat Apostolus 1. ad Timoth. 2. cum ait: *Obsecro omnino heri orationes, postulationes, gratiarum actiones pro omnibus hominibus, pro Regibus, & omnibus, qui in sublimitate sunt, ut tranquillam, & quietam vitam agamus.* Quem utique textum S. Ambrosius lib. 5. de Sacramentis, & S. Augustinus epist. 69. explicat de sacrificio Missæ. Eadem veritas constat ex communi, & perpetua Ecclesiæ doctrina, quam tradit Tertullianus, cum ait lib. ad Scapulum cap. 2. *Sacrificamus, inquit, & pro salute Imperatoris, sed Deo nostro.* Et Cyrillus Hierosolymitanus Catechesi 5. ubi scribit: *Obsecramus Deo pro communi Ecclesiæ pace, pro tranquillitate mundi, pro Regibus, pro militibus, pro sociis, pro ægrotis, & afflictis, & in summa pro omnibus, qui egent auxilio, hoc sacrificium offerimus.* Idem testatur Eusebius lib. 4. de vita Constantini cap. 45. & Chrysostomus homil. 21. in Acta Apostolorum, & Augustinus lib. 22. de civitate cap. 8. supra à nobis memoratus, ubi narrat quomodo per oblationem sacrificii corporis Christi cessaverit dæmonis vexatio in domo Tribunitii. Suffragatur pariter ratio: cum enim, ut jam diximus in 2. Notabili, Eucharistiæ sacrificium successerit omnibus sacrificiis legis Naturæ, & Mosaicæ, & eorum omnium virtutem in se contineat, quod etiam protestatur Ecclesia in oratione secreta post septimam Dominicam Pentecostes his verbis, *Deus, qui legalium differentiam viduarum unus sacrificii perfectione sanxisti, &c.* Consequens est, quod, cum antiquius essent sacrificia pro impetrandis bonis temporalibus, & spiritualibus, etiam & Eucharistiæ Sacramentum hanc virtutem, & efficacitatem eminenter in se contineat.

Tandem hoc sacrificium reverè propitiatorium est ad remissionem peccatorum mortalium, & venialium. Ita Trident. sess. 22. cap. 2. his verbis: *Docet sancta Synodus, Sacrificium fieri verè propitiatorium esse, per ipsumque fieri, ut si cum vero corde, & recta fide, cum metu, & reverentia contriti, & penitentes ad Deum accedamus, misericordiam consequamur, & gratiam inveniamus in auxilio opportuno. Huius oblatione placatus Dominus gratiam, & donum Penitentiae concedens, peccata etiam ingentia dimittit.*

Eadem veritas colligitur ex verbis institutionis; nam Christus significat, se tradere cor-

corpus, & sanguinem suum in remissionem peccatorum, ut diximus quæst. præcedenti. Indicat etiam Paulus ad Hebr. 5. dicens: *Omnis Pontifex constituitur, ut offerat dona; & sacrificia pro peccatis.* Igitur cum in nova lege sint veri Sacerdotes, & verum sacrificium, debent illud offerre tanquam propitiatorium pro peccatis.

Huic veritati suffragatur etiam auctoritas S. Patrum, maxime verò S. Cypriani, vel alterius Auctoris serm. de cæna Dom. ubi Eucharistiam vocat *bolocastium* ad purgandas iniquitates, & infirmitates sanandas. S. Cypilli Hierosolymit. Catechesi 5. mystagogica: *Postquam confectum est spiritale illud sacrificium, & cultus ille incrementis, obsecramus Deum super ipsa propitiationsis hostia pro communi pace Ecclesiarum.* Et paulo post: *Offerimus Christum pro nobis mactatum, ut Deum nobis, & defunctis propitium reddamus.* S. Chrysostomi homil. 3. de incomparabili natura Dei verus finem ait: *Quod sicut homines ramos olearum, gerentes movere Reges consueverunt, eoque arboris genere misericordiam commemorant, & humanitatem: sic Angeli tunc (dum Missæ sacrificium celebratur) pro ramis oleaginis corpus Domini ipsum præsentantes, rogant pro genere humano, quasi dicant: Pro his Domine reamur, quos tu adeo dilexisti, ut pro eorum salute mortem obiens, animam in cruce efflaret: pro his supplicamus, pro quibus ipse tuum largitus es sanguinem: pro his oramus, pro quibus corpus immolasti.* Tandem sic concludit. *His itaque magis magisque animadversis, fratres charissimi, omnes t. tempore illo in Ecclesiam properemus, ut Dominum ad misericordiam invitemus, & tempestivo adjuventi gratiam comparemus.* Subscribit S. Hieronymus in caput 1. epistolæ ad Titum, ubi ait: *Quotidie Episcopus pro suis populique peccatis illibatas Deo offert victimas.* Et S. Augustinus c. 57. in Levitic. *Vetera sacrificia inquit, unum hoc nostrum Eucharistiæ sacrificium figurarunt, in quo fit vera remissio peccatorum.*

Suffragatur etiam ratio; siquidem in lege naturæ, & Mosaica fuerunt aliqua sacrificia pro peccatis elluendis, ac subinde multo magis debent esse in lege gratiæ, quæ eis longè excellentior est, sed in lege gratiæ nullum aliud est sacrificium præter Eucharistiam, per quod Christi merita, & satisfactiones applicantur, & communicantur: igitur illud debet esse remissivum peccati.

*Fraffen Theol. Tom. XI.*

*Obijcit Calvinus:* Sacrificium Missæ non potest affirmari esse propitiatorium pro peccatis, quin fiat injuria merito Passionis Christi, nam, inquit c. 8. n. 3. *Si Christus in cruce semetipsum in sacrificium obtulit, quo nos in perpetuum sanctificaret, & æternam redemptionem nobis acquireret, haud dubie vitæ atque efficaciæ ejus sacrificiū nullo fine præstat: quare aut Christi sacrificiū, quod in cruce implevit purgationis æternæ vim defuisse fastiduum erit, aut uno semel sacrificio Christum in omnia secula defunctum esse.*

*Nego antecedens;* Quemadmodum enim sacrificia legis naturæ, aut Mosaicæ, quæ expiatoria erant, & ordinata ad placandum Deum, non evacuant meritum crucis, imò illius gloriam, & efficacitatem mirum in modum commendabant, utpotè cum essent ipsius figuræ, omnemque vim suam ab illo mutuarentur; ita nec Eucharistia derogat efficacitati Passionis Christi: imò illam plurimum commendat, quippe cum nedum sit illiustypus, & repræsentatio, sed etiam ejus fructus, & meriti applicatio, ratione cujus solius vim habet remittendi peccata. Non enim ea ratione diximus Eucharistiam esse sacrificium propitiatorium quali per illud quotidie redimeremur, ita quod mors Christi non fuisset sufficiens ad nostram redemptionem, & defuisset aliquis effectus internus, qui per Eucharistiæ sacrificium debuisset impleri; hoc enim falsissimum est: nam, inquit Apostolus ad Hebr. 8. *Christus per proprium sanguinem introivit semel in sancta, æternam redemptionem inventa.* Et c. 10. *Una oblatione consummavit in æternam sanctificator.* Sed solum asserimus Eucharistiam esse sacrificium in ratione mediæ, & applicationis quoad effectum; ut nempe summa Passionis Christi virtus per illud in nos derivetur.

*Urget Calvinus:* Idcirco Apostolus infert, sacrificia veteris legis fuisse imperfecta, nec potuisse mundare conscientias, quia sæpius illa iterare necessum erat. Alioqui, ait cap. 6. cessassent offerri, idcirco quod nullam haberent ultra conscientiam peccati cultores semel mundati: Unde subdit: *Ubi autem eorum remissio jam non est oblatio pro peccato.* Ex quibus inferre licet, vel quod Christi D. Passio non fuerit sufficiens ad mundandam conscientiam, si ad hujusmodi mundationem iterum confertur Missæ sacrificium, vel saltem quod Missa sit sacrificium imperfectum, quippe

S 3 cum

cum sæpius iteretur sicut Sacrificia veteris legis.

*Respondeo*, sensum Apostoli esse, quod Sacrificia veteris legis non fuissent equidem repetita, si habuissent vim mundandi à peccatis, quia semel mundati iteratò Sacrificio opus non habuissent ad illam munditiem sibi conciliandam, unde ex præcepto legis iterabatur Sacrificium, siue homo relapsus fuisset in peccatum, siue non: Hac autem ratione Sacrificium crucis non potest censerì imperfectum quippe cum supremam habeat vim sanctificandi homines, quibus illius meritum applicatur; unde, ut mox diximus, non iteratur illud Sacrificium crucis per Sacrificium Missæ, sed tantum illius virtus, & meritum applicatur, quæ utique repetita applicatio non derogat illiusefficacitati; alioquin non liceret etiam repetere summptionem Eucharistiæ, per quam ipsemet Calvinus ibidem faceret Christi Passionis virtutem ubertim in nos exundare. Nec officit, quod repetatur sæpius Missæ Sacrificium; nam iudicium non est, quod illud sit imperfectum: Tum, quia non tantum repetitur, ut propitiatorium est, sed etiam ut Læuteicum, Imperatorium, & Eucharisticum: Tum, quia quando repetitur ut propitiatorium, non repetitur propter peccata de novo commissa.

*Urget iterum*: Apostolus ibidem ait, *Sine sanguinis effusione non fit remissio*: sed in Missa non fit sanguinis effusio: ergo nec peccati remissio.

*Respondeo*, sensum Apostoli verum esse de Sacrificiis veteris legis, quæ ut plurimum erant cruenta, quando offerebantur pro peccatis, ait enim: *Omnia penè in sanguine mundantur secundum legem, & sine sanguine non fit remissio*. Nota *secundum legem*. Adde quod in Eucharistiæ sacrificio fiat etiam sanguinis effusio, eo sensu, quod Christus in cruce fundens sanguinem suum virtute illius effusionis nobis impetravit remissionem peccatorum; quæ remissio nobis applicatur per Sacrificium Missæ. Et insuper fit quædam sanguinis effusio mystica, quia vi verborum sanguis ponitur præcis, & scorsim à corpore sui speciebus vini, & reverà scorsim ab illo existeret, nisi Christus ratione suæ immortalitatis expers esset doloris, & mortis.

## CONCLUSIO SECUNDA.

**M**issa Sacrificium non producit gratiam sanctificantem, neque remittit peccata immundatè. Hæc est communior apud Theologos, & colligitur ex Concilio Trid. sess. 22. c. 2. ubi ait: *Sacrificium Missæ verè propitiatorium esse, priusquam fieri, ut si cum vero corde, & recta fide, cum metu, & reverentia contriti, ac penitentes ad Deum accedamus, misericordiam consequamur, & gratiam inveniamus in auxilio opportuno*. Quibus significat, idcirco Missæ sacrificium esse propitiatorium, quoniam per ipsum accipimus dona, siue actualia gratiæ auxilia, quibus disponimur ad veram penitentiam remissionem peccatorum per infusionem gratiæ sanctificantis. Hanc autem esse genuinam Concilii mentem, colligere licet ex verbis sequentibus, ait enim: *Huius quippe oblatione placatus Dominus, gratiam, & donum penitentem concedens crimina, & peccata, etiam ingenia dimittit, utique per contritionem charitate perfectam, aut per Attritionem cum Sacramento: non autem proximè, & immediatè merito, & virtute huius sacrificii*.

*Suffragatur etiam ratio* à priori ex differentia, quæ est inter Sacramentum, & Sacrificium, nempe quod *Sacrificium* immediatè refertur ad cultum, & honorem Dei: secundario autem, ac veluti per redundantiæ in nostram cedat utilitatem: *Sacramentum* verò primario institutum est ad nostram sanctificationem; unde congruum est, quod Sacramentum gratiam, & peccati remissionem immediatè conferat: Sacrificium verò dumtaxat mediatè, quatenus videlicet Deum placando conciliat ejus misericordiam, ac cum movet ad conferenda auxilia necessaria ei homini, pro quo offertur, quibus excitetur, & juvetur ad agendam penitentiam, qua mediante reconciliatur Deo, & peccatorum remissionem obtineat.

*Adde*, quod nullibi legitur virtutis promissio facta Sacrificio, certò, & infallibiliter remittendi peccata, sicut hæc virtutis promissio facta est Baptismo, & penitentiae sacramento: quin potius contrarium significat Concilium Trid. nam sess. 14. c. 4. docet, quod *Attritio sine Penitentiae Sacramento per se ad justificationem perducere peccatorum nequeat*; perducere autem, si Sacrificium immediatè peccata mortalia remittit.

mitteret, adeoque primam gratiam conferret.

*Probatum etiam à posteriori ex plurimis inconuenientiis, quæ ex opposita sententia emergerent: Primum* namque sequeretur, quod Sacerdos celebrans in peccato mortali cum sola Attritione posset iustificari; quia per attritionem removeret obiectionem suscipiendæ gratiæ sanctificantis per sacrificium producendæ: falsum autem est, ut mox diximus, quod quis cum sola attritione extra sacramentum Pœnitentiæ possit iustificari.

*Secundò* sequeretur, quod unicum sacrificium posset iustificare omnes attritos etiam dormientes, & gravissimos alioqui peccatores pro quibus hoc sacrificium offerretur, quamvis nullam actualem dispositionem haberent: sed hoc est absurdum: alioquin maiorem virtutem haberet, quam sacramenta: etenim Sacramenta Baptismi & Pœnitentiæ, licet per se ordinentur ad remissionem peccati, non possunt tamen illud remittere in homine adulto sine prævia ejus dispositione, & devotione: *qui enim creauit te sine te, non se iustificabit sine te*; ac proinde id multo magis dicendum est de Missæ Sacrificio.

*Tertiò* sequeretur, quod Sacrificium Missæ haberet maiorem efficacitatem, quam sacrificium crucis: nam cruciatum crucis Sacrificium non iustificat per se immediate, sed tantum mediatis Sacramentis; licet enim Christus D. pro nobis sufficientissimè passus fuerit, & nos æterno Patri reconciliauerit, tamen nobis adhuc necessarius est Baptismus, & adultis peccatoribus necessarium est pœnitentiæ sacramentum in re, vel in voto susceptum: igitur &c.

*Tandem*, sequeretur Confessionem sacramentalem non esse absolute necessariam adultis peccatoribus, qui ingentia crimina admisissent, sed sufficeret, quod pro eis Sacrificium offerretur, si enim hoc haberet vim immediate conferendi gratiam sanctificantem homini non penitenti obiectionem, posset peccator adultus cum sola Attritione recipere gratiam sanctificantem.

*Næc ualeat reponere*, Attritionem illam includere saltem votum, & proposium Confessionis. Nam si exigat votum confitendi consequens est, quod Missæ Sacrificium per se, & immediate non sufficit ad efficiendam iustificationem, *Deinde* quantumvis

illa Attritio includeret votum Confessionis non esset adhuc sufficiens, ut peccator per Missæ sacrificium iustificaretur; alioqui esset reus peccati mortalis, & cognosceret se habere dumtaxat Attritionem, procurando pro se celebrari Sacrificium, posset secure ad Eucharistiam accedere, quia videlicet existimaret, se reuere iustificari, quod tamen damnat Concil. Trid. sess. 13. can. 22. scribit *Statuit, atque declarat S. Syn. illis, quos conscientia peccati mortalis grauat, quantumcumque se etiam contritos existiment, habita copia Confessoris, necessariò præmittendam esse Confessionem sacramentalem.*

*Dices*: Non minoris efficacitatis est sacrificium Eucharistiæ respectiue ad remissionem peccatorum, imò multo maioris, quam Sacrificia expiatoria veteris legis ad eluendas noxas, & maculas, pro quibus mundandis offerebantur: sed illa immediate purgabant ejusmodi maculas: ergo etiam immediate Eucharistia debet habere vim auferendi peccatorum sordes.

*Distinguo maiorem*: Non minoris est efficacitatis, quantum ad positionem effectus, concedo; quantum ad modum ponendi huiusmodi effectum, nego: Eucharistia equidem æque infallibiliter confert ad remissionem peccati, ac Sacrificia veteris legis conferebant ad eliminationem maculæ, pro qua removenda instituta fuerant, quia videlicet Eucharistia sacrificium promeretur actualia gratiæ auxilia, quibus necum homo possit penitere, sed etiam reuere peniteat, & media sua penitentia peccatorum ventiam obtineat. Licet autem peccati maculam solummediate elueret, nihilominus longè præstantioris est virtutis, quam Sacrificia veteris legis, quia ea dumtaxat ordinabantur ad abstergendas quasdam legales, & corporeas sordes: Sacrificium autem Missæ ordinatur ad removenda peccata, quibus anima inficitur, & reuere coram Deo sordescit. Unde, quia longè præstat emaculatio animæ, etiam mediata, & infallibilis, expiatione corporis immediata, quantum scilicet anima præstat corpori: & ejus macula peior est macula corporis: hinc etiam Missæ Sacrificium, quamvis dumtaxat mediatè conferat ad emaculationem animæ, nihilominus longè præstantius est Sacrificiis veteris legis, quæ tantum ad legales, & corporeas sordes abstergendas erant instituta.

## CONCLUSIO TERTIA.

**M**issæ Sacrificium confert suum effectum ex opere operato, si non adju impedimentum ex parte illius, pro quo offertur. Hæc est pariter communior apud Theologos tamque docet S. Thomas in 4. dist. 45. q. 2. art. 1. ubi ait, *prodesse sacrificium Missæ ex opere operato, licet Sacerdos fuerit malus*. Idem pariter docet subtilis Doctor, *Quodlibeto* 20. n. 2. ubi sic ait: Hic præmittendum est unum, hoc scilicet, quod probabile videtur, quod Missa non solum valet virtute meriti, sive operis operantis, sed etiam virtute sacrificii, & operati. Vel non solum valet ratione meriti personalis Sacerdotis offerentis; sed etiam virtute meriti generalis Ecclesiæ, in cujus persona per Ministrum offertur sacrificium. Probat: Alioquin Missa mali Sacerdotis, qui in alio actu non meretur personaliter, sed demeretur, nulli valeret in Ecclesia, quod reputatur communiter inconveniens, juxta illud Jo: 6. *Panis, quem ego daba, caro mea est pro mundi vita*. Quandoquidem enim Christus, ut summus Sacerdos offert, panis, quem dat, id est, caro ejus, est mundi vita. *Hec Doctor.*

*Probat autem conclusio: primò* quidem ex Concilio Trid. sess. 22. cap. 1. ubi docet, *Christum præcepisse Eucharistiæ sacrificium, ut salutaris virtus Passionis suæ nobis applicaretur ad quotidianorum peccatorum remissionem*. Et enim divina hæc institutio facillè ostendit opus operatum, quod clarissimè etiam apparet ex verbis, quibus Christus in nocte cene consecravit Eucharistiam, *Hoc est corpus meum, quod pro vobis datur, hic calix, qui pro vobis effunditur in remissionem peccatorum, hoc facite, &c.* verba enim apertissima sunt, nec sunt de sacramento solum, sed etiam de sacrificio, manifestamque gratiæ promissionem continent.

*Deinde* si Eucharistiæ sacrificium valeret tantum ex opere operantis, sequeretur, non habere excellentiorem agendi modum, quam sacrificia legalia, quæ hoc etiam modo proderant. *Demque*, si Missæ sacrificium non produceret effectum ex opere operato, sequeretur, quod quando offertur a pravo Sacerdote, & in peccato mortali existente, sit ultragetur, ac careret omni suo ef-

fectu: at hoc est falsum, nam, inquit Concilium Trid. ibidem c. 1. *illa munda oblatio est, quæ nulla indignitate, aut malitia offerentium inquinari potest*. Addi potest ex eodem Concilio c. 2. quod ille effectus causatur ex opere operato, qui produci- tur ex sola dignitate sacrificii petenda ex merito, & dignitate tum victimæ, tum principalis sacerdotis offerentis: at effectus sacrificii Missæ causatur ex merito, & dignitate utriusque: *Unam enim*, inquit Concilium, *eademque est hostia, idem nunc offerens Sacerdotum ministerio, qui seipsum tunc in cruce obtulit, sola offerendi ratione diversa*.

*Dices primò*: Quod producit gratiam ex opere operato, potest facere de attrito contritum, necnon & causare gratiam ultra recipientis dispositionem: sed Eucharistia neutrum habet, ut constet ex priori conclusione: igitur non producit suum effectum, nec causat primam gratiam ex opere operato.

*Distinguo majorem*: Si illam gratiam causet immediatè, sicut sacramenta Baptismi, & Pœnitentiæ, concedo: si solum causet mediatè, impetrando videlicet auxilium, seu dispositionem ad gratiam obtinendam, nego.

*Dices secundò*: Quod efficitur per modum impetrationis, non produci- tur ex opere operato, sed auxilia gratiæ ad peccati remissionem conducentia obtinentur virtute sacrificii Missæ tantum per modum impetrationis: igitur non causantur ex opere operato.

*Distinguo majorem*: Si illam impetratio dumtaxat fiat per modum orationis, & deprecationis, concedo, si fiat ratione operis, quod agitur, hoc est ratione dignitatis, tum rei oblatæ, tum principalis offerentis, qualiter Missæ sacrificium gratiam impetrat, & suum effectum produci- tur, nego.

*Dices teritiò*: Causa operans ex opere operato infallibiliter suum ponit effectum, sed Missæ sacrificium non est ejusmodi, experientiam enim constat, illud offerri pro conversione plurimum peccatorum, qui tamen non convertuntur, igitur &c.

*Respondet primò*, negari posse majorem universaliter sumptam, nam licet sacramentum Extremæ-Unionis conferat ex opere operato ad restituendam corpoream sanitatem; tamen illam non causat infallibiliter. Similiter licet Eucharistiæ sacramentum pro-

producat ex opere operato auxilium efficax ad perseverandum, tamen illud infallibiliter non producit.

*Respondeo secundò*, distinguendo majorem: Si causa illa agat per modum Sacramenti, concedo: si per modum sacrificii tantum, subdistinguo: Ponit effectum suum infallibiliter per modum applicationis actualis, quasi effectus ille conferri debeat statim, ac sacrificium oblatum est, nego: per modum impetrationis; ita quòd effectus, qui impetratur, conferatur quando, & quomodo Deo visum fuerit, juxta sapientem, & suam illius dispositionem, concedo. Nec aliud certè vult Concilium Tridentinum sess. 22. cap. 2. cum ait: *Sacrificium istud verè propitiatorium esse, per ipsumque fieri, ut... misericordiam consequamur, & gratiam inveniamus in auxilio opportuno.*

### QUÆSTIO TERTIA.

*In quam actione essentialiter consistat Missæ Sacrificium.*

**N**otandum primò, sex potissimum distinguuntur posse actiones in Missa, quibus hoc sacrificium perficitur, & integratur, quarum aliquæ Consecrationem præcedunt: aliquæ sunt consecrative, seu Consecrationem comitantur, & efficiunt; aliæ verò ipsam subsequuntur: *Prima* est oblatio panis, & vini, quæ *Offeritorium* appellatur: *Secunda* est consecratio corporis, & sanguinis Christi sub speciebus panis, & vini: *Tertia* est oblatio corporis, & sanguinis consecrati, quæ fit his verbis: *Offerimus præclara Majestati tue de tuis donis, ac datis hostiam puram, &c.* *Quarta* est fractio ipsius hostiæ, & illius divisio in tres partes, quarum duæ servantur in patena sumenda in utilitatem Ecclesiæ militantis, & patientis; altera verò mittitur in calicem in honorem Ecclesiæ triumphantis, quæ inebriatur ab ubertate domus Dei, & de torrente voluptatis ejus potatur: *Quinta* est sumptio hujus Sacramenti facta à Sacerdote: *Ultima* tandem est hujus Sacramenti distributio populo fidei ad sacram Synaxim accedenti. Hinc plures oriuntur diversæ sententiæ inter Theologos, in quam actionem actionum consistat ratio formalis sacrificii Missæ.

*Notandum secundò*, omnes penè Theologos invicem convenire, quòd oblatio facta ante consecrationem non habeat rationem

formalem Sacrificii: *Tum quia* Christus D. perfectum, & integrum sacrificium Missæ obtulit, nullibi tamen legimus, nec ex Scriptura, nec ex Traditione apparet, quòd hanc oblationem fecerit. *Tum quia* Ecclesia semper habuit verum, & perfectum Sacrificium, nec tamen hanc utramque oblationem usurpavit, ut constat ex antiquioribus Liturgiis: *Tum quia* Ecclesia statim post illam oblationem, significat illam solum esse quandam materiæ preparationem ad futurum Sacrificium; nam in Canone post peractam oblationem legimus: *Veni sanctificator omnipotens, æterne Deus, & benedic hoc Sacrificium tuo sancto nomini præparatum.* *Tum denique*, quia Concilium Tridentinum definit sess. 22. cap. 2. quòd res oblata in hoc Sacrificio sit corpus, & sanguis Christi, sed per illam oblationem, quæ fit ante consecrationem, non offertur corpus Christi, utpote cum nondum positum sit sub speciebus panis, & vini, sed solum ad ista materia consecranda, & convertenda in corpus, & sanguinem Christi. Neque oppositum docuit Doctor in 4. dist. 13. qu. 2. num. 5. ubi ait, *Oblatio non pertinet ad rationem consecrationis, nec necessariò requiritur, quòd offeratur: offertur enim hostia non consecrata, & tunc est Sacrificium, non Sacramentum.* Nam, ut observat Hiquex in suo Commentario num. 67. Doctor ibi sumit Sacramentum in laiori significatione, quatenus significat oblationem cæremonialem, quæ ad essentialem oblationem disponit.

*Notandum tertio*, certum esse pariter, quòd sumptio, & Eucharistiæ distributio non spectet ad essentiam Sacrificii: *Tum quia* potest verè, & perfecte celebrari sacrificium Missæ, etiamsi nullus è populo ad sacram Communionem accedat, ut docet Concilium Tridentinum sess. 22. cap. 6. & definit can. 8. his verbis: *Si quis dixerit, Missas, in quibus solus Sacerdos sacramentaliter communicat, illicitas esse, idcirco abrogandas, anathema sit.* *Tum quia* ipsa Eucharistiæ sumptio, & distributio supponit jam sacrificium peractum; siquidem est ipius sacrificii participatio: nam, inquit Apostolus 1. ad Cor. 10. *Nonne, qui edunt hostias, participes sunt Altaris? Tum denique*, quia sacrificium à solo Sacerdote celebrari, & offerri potest; illa verò distributio Eucharistiæ fieri potest interdum à Diacono, ut diximus supra.

Difficultas ergo solum superest de qua-

tuor

tuor aliis actionibus, nimirum de consecratione utriusque speciei, de oblatione, quæ sit post illam, de fractione, & divisione hostiæ, ac de sumptione utriusque speciei: in quam scilicet ex illis quatuor actionibus essentialis ratio sacrificii Missæ consistat, necnon & utrum utriusque speciei consecratio ita necessariò requiratur ad essentiam sacrificii, ut si unica dumtaxat consecraretur, irritum, ac nullum foret Sacrificium. Quæ utique duplex capitalis difficultas duabus in sequentibus Conclusionibus resolvetur.

### CONCLUSIO PRIMA.

**S**acrificium Eucharistiæ consistit essentialiter in sola consecratione, ad eam tamen integritatem requiritur sumptio. Hæc mihi videtur probabilior, quantum ad utramque partem, quatum probatur prima, idque primò auctoritate S. Ambrosii in Ps. 37. dicentis: *Ipse Christus offerri manifestatur in nobis ejus sermo sanctificat sacrificium, quod offerimus*. Porro sermo ille Christi D. non alius est, quam verba consecrationis, quibus simul conficitur Sacrificium, & Sacramentum Eucharistiæ: nam, ut ipse ait lib. 4. de Sacramentis. c. 4. *Per reliqua omnia, quæ dicuntur, laus Deo deferitur, oratione petitur propitius: ubi verò venit, ut conficiatur venerabile sacramentum; jam non suis sermonibus utitur Sacerdos, sed utitur sermonibus Christi: ergo sermo Christi hoc conficit sacramentum*. Ex quibus sic licet argumentari: Eisdem verbis conficitur Sacrificium, quibus conficitur Sacramentum, sed per verba consecrationis fit sacramentum ex S. Ambrosio: igitur & Sacrificium: Major constat, quia quantumvis ratio Sacramenti à ratione Sacrificii differat in facto esse, tamen in fieri, seu in actuali consecratione nulla inter utrumque apparet diversitas: Hinc Auctor sermonis de cena Domini docet, ex quo prolata sunt verba forme, panera, & calicem consecratum, simul Sacramentum, seu medicamentum, & holocaustum esse. *Ex quo Dominodictum est, inquit, hæc est caro mea, & hic est sanguis meus, quæsumque his verbis, & hic fide actum est, dantur isti super substantialis, & calix benedictione solemniter sacrasit ad totius hominis vitam salutemque proficit, simul medicamentum, & holocaustum ad sanandas infirmitates, & purgandas iniquitates*. Cui subscribunt

S. Chrysostomus homil. de prodictione Jude Vax, inquit, *illa, hoc est corpus meum, usque ad eius adventum præstat sacrificio firmitatem*. Et sanctus Irenæus lib. 4. c. 32. *Christus novi Testamenti novam docuit oblationem, quando panem accepit, & gratias agens, dixit: Hoc est corpus meum*.

Eadem verities probatur ratione Theologica: Primò quidem: In ea actione consistit ratio formalis Sacrificii, cui comperit ipsius Sacrificii definitio, sed hæc convenit consecrationi. Primò namque est oblatio externa: nam, inquit Concil. Trid. sess. 22. c. 1. *Christus D. Sacerdotem secundum ordinem Melchisedech se in æternum consuetum declarans, corpus, & sanguinem suum sub speciebus panis, & vini Deo Patri obtulit*. Sed id non præliit aliter, quam per consecrationem, ac subinde in ea fit oblatio, & pariter immutatio oblatæ victimæ. Primò, quia in consecratione reperitur mystica separatio corporis à sanguine: nam vi verborum corpus, & sanguis ponuntur seorsim unum ab alio, sicut in cruce revera separata fuer, atque ita Christus mysticè, & incruente immolatur. Porro hæc immutatio mystica sufficit in Sacrificio: ratio enim propter quam requiritur in Sacrificio immutatio victimæ, est ad obtinendam omnipotentiam Dei, quare nusest auctor vitæ, & necis, sed eo ipso, quo vi verborum ponitur solum corpus absque sanguine, & sanguis absque corpore, eo ipso significatur vitæ, & mortis Auctor: quia scilicet mors Christi, quæ id maximè testata est, mysticè, ac moraliter præfens in Sacrificio incruento, & commemorativo sacrificii crucenti, in quo revera mors illa obvenit: igitur cum omnes ad sacrificium desiderandæ conditiones convenient ipsi consecrationi, fatendum est, quòd in ea consistat ratio formalis sacrificii.

Secundò, In ea sola actione consistit Missæ sacrificium, quæ solasit in persona Christi, ut principalis Sacerdotis ostendens, sed talis est sola consecratio; siquidem in ea sola Sacerdos loquitur nomine, & vice Christi, & quasi ipsemet Christus esset, qui loquitur: igitur &c.

Tertiò, Sacerdotium est essentialiter propter sacrificium; ac subinde ratio essentialis sacrificii petenda est à ratione essentiali Sacerdotii, sed ratio essentialis Sacerdotii nostri adæquatè consistit in potestate consecrandi corporis Christi, ut colligitur



ex verbis formæ, quæ tradit Sacrodotium, his verbis conceptæ: *Accipite potestatem offerendi Sacrificium in Ecclesia pro vivis, & mortuis*, &c. Idem, juxta communem interpretationem, consecrandi corpus, & sanguinem Christi. Id pariter indicat character sacerdotialis, qui per se primo est potestas consecrandi.

Denique, hæc veritas apparet ex refutatione aliarum sententiarum. *Primo* namque ratio essentialis Sacrificii non consistit in oblatione, quæ fit post consecrationem, ut contendit Gabriel in 4. dist. 13. qu. 1. art. 3. *Tum*, quia per talem oblationem nulla fit immutatio hostiæ oblatæ, quæ tamen immutatio est de ratione Sacrificii. *Tum*, quia Christus Dominus instituendo Eucharistiam, verum obtulit Sacrificium, nec tamen talem oblationem fecisse legitur. *Tum*, quia hæc oblatio consequens consecrationem est dumtaxat ex institutione Ecclesiæ, & solum fit in persona Sacerdotis, & Ecclesiæ, ut patet ex illis verbis Canonis. Unde *Commemores, Domine, nos servi tui, sed & populus tua sanctæ, offerimus præclaram Majestati tue, de tuis donis, ac datis hostiam puram*, &c. Actio autem formalis Sacrificii fieri debet in persona Christi, ut potest principalis Sacerdotis, & offerentis: igitur, &c.

Nec etiam ratio essentialis Sacrificii consistit in fractione, & divisione hostiæ consecratæ: *Tum*, quia illa fractio fit solum circa speciem panis; actio autem consecrativa spectare deberet ad utramque speciem; siquidem sacrificium Missæ est secundum ordinem Melchisedech, qui panem, & vinum offerebat: *Tum*, quia talis fractio solum est quadam preparatio ad sumptionem; ideo namque frangitur hostia, non solum ad imitationem Christi, qui acceptum panem in sanctas, ac venerabiles manus suas, benedixit, ac fregit, deditque Discipulis; sed etiam ut convenientius sumatur à Sacerdote sacrificante; ac subinde illa fractio præcisè non spectat ad rationem Sacrificii: *Tum* denique, quia fractio posset omitti, adhuc perseverante integro Sacrificio; si enim casu hostia ante fractionem caderet in calicem, convenienter non posset frangi, sed ibi deberet relinqui usque ad sumptionem: igitur &c.

Denique non consistit in sola sumptione: *Tum*, quia de fide est; Christum Dominum in ultima cœna perfectum Sacrificium obtulisse, ut docet Concil. Tridentinum

sess. 21. cap. 1. & constat ex dictis in prima quæstione, sed non ita certum est, quod consecratum panem sumperit, quamvis illud ut probabilius cum plurimis Theologis docuerimus. *Tum*, quia inde sequeretur, quod si Sacerdos partem hostiæ ab alio jam consecratæ sumeret cum intentione offerendi cultum Deo, verè sacrificaret, quod tamen nullus dixerit. *Tum*, quia Sacrificium maxime offertur in persona Christi, ut principalis offerentis, & Sacerdotis, sed sumptio non est actio facta in persona Christi, sed in persona ipsius sumentis. *Tum* denique, quia sumptio consecratæ hostiæ convenit tam Laicis, quam Sacerdotibus: sed actio sacrificativa præcisè, & essentialiter solis Sacerdotibus debet esse propria: igitur in nulla ex actionibus Missæ consistit essentialiter ratio Sacrificii, quam in consecratione.

*Secunda pars* etiam facile constat; nempe quod sumptio victimæ licet non habeat rationem formalem Sacrificii, nihilominus ad ejus integritatem requiratur. *Tum*, quia id colligitur ex Rubricis Missalis, quibus cautum est, quod si forte deficiat Sacerdos post consecrationem, & addit alius, quamvis non jejunus, debeat hic supplere, & sumere consecratam hostiam, ut dicitur infra num. 17. Ex quibus apparet, sumptionem necessariò requiri ad rationem Sacrificii; alia namque non potest reddi efficax ratio, cur sit tam stricta obligatio, urgentique præceptum sumendi species consecratas ab homine non jejunò contra Ecclesiæ praxim, & consuetudinem, nisi quia hæc sumptio necessaria est ad integritatem sacrificii.

Hinc Concilium Toletanum 12. c. 5. graviter carpit Sacerdotes, qui in celebratione Missæ non sumebant corpus, & sanguinem Christi, proferretque hanc suæ justæ reprehensionis rationem: *Quale, inquit, erit Sacrificium, cujus nec ipsum sacrificium, nec ipse sacrificans particeps esse dignoscitur?*

*Obijciens primò:* Sacrificium Missæ consistere debet essentialiter in ea actione, quæ victimam immutat: atqui sola sumptio, & consumptio victimam immutat; per hanc enim solam perit, ac destruitur esse Sacramentale, quod Christus sub speciebus habuerat: igitur in ea sola consistit ratio formalis Sacrificii.

Deinde, in actione præcisè consistit ratio formalis Sacrificii, per quam præcisè representa-

sentatur Sacrificium crucis, sed hæc representatio maxime fit per summptionem: nam, inquit Apostolus, *Quotiescumque manducabitis panem hunc, & calicem bibetis, mortem Domini annuntiabitis*. Et S. Augustinus relatus à S. Prospero lib. sentent. *Cum frangitur*, inquit, *hostia, dum sanguis de calice in ora fidelium funditur, quid aliud, quam Domini corporis in cruce immolatio, ejusque sanguinis de latere effusio designatur?*

*Denique*, in die Parasceves, seu Veneris sancti revera celebratur Sacrificium: nam in Offertorio illius diei nominatur Sacrificium, sicut in aliis diebus, his verbis: *Sic fiat Sacrificium nostrum in conspectu tuo hodie, ut placeat tibi Domine Deus*. Similiter Sacerdos ad populum conversus dicit: *Orate fratres, ut meum, ac vestrum sacrificium, &c.* Tunc autem Sacerdos non consecrat, sed die præcedente consecratam hostiam sumit: igitur potissimum in sumptione constituenda est ratio formalis Sacrificii.

*Respondeo primò negando minorem*: Siquidem, ut diximus, per consecrationem sufficienter immutatur victima, & ea est causa, saltem mediata, & moralis, cur Christus sub speciebus substantialiter, ac physice definatur; cum enim consecratio Christum constituat dependentem à speciebus, ita ut tandiu habeat esse sacramentale, quamdiu conservabuntur species, sub quibus per consecrationem ponitur, ipsa pariter efficit, ut ad defitionem specierum deperdat esse sacramentale; ac subinde est causa saltem mediata istius defitionis, quod utique sufficit, ut revera fiat hostiæ immutatio. Non enim necessum est, quod consecratio sit illius defitionis causa immediata, utpote cum hæc ipsa sumptio hanc rationem sibi vindicet; non enim species sacramentales desunt esse statim, ac sumuntur, sed dumtaxat dum in stomachum trajectæ ibi alterantur, unde si ratio essentialis Sacrificii constituenda esset in eo, quod est causa immediata defitionis esse sacramentalis, priori jure repugnanda esset in digestionem specierum, quam in quavis alia actione.

*Ad secundum dico*, representationem Passionis Christi fieri quidem per summptionem, sed non proximè, & immediatè, per eam enim potius representatur Christi sepultura, quæ ad Sacrificium cruentum non spectabat, quam ipsius mors, & essentialis immolatio: igitur sumptio tantum representat Christi mortem immediatè, & ratione

alterius, quod præsupponit, scilicet ratione consecrationis; quia hoc ipso, quod Christi corpus sumitur, jam supponitur per consecrationem mysticè factus, & immutatus ex vi verborum, idque solum volunt Apostolus, & S. Augustinus.

*Ad tertium nego*, quod in die Parasceves celebratur Sacrificium, sed tantum sumitur victima die præcedente oblata, tam pro salute ipsius Sacerdotis, quam pro salute populi; unde merito populum astantem rogat, ut illa Eucharistiæ sumptio cedat tam in sui, quam in populi utilitatem. Nec obstat, quod illam summptionem appellet Sacrificium; ibi enim Sacrificii nomen sumitur non pro actione sacrificativa, sed pro consumptione hostiæ prius sacrificatæ: ideo autem illo die propriè non sacrificatur mysticè, quia in eo prædictum est Sacrificium cruentum; nam, inquit Rupertus lib. 6. de divini Officii cap. 3. *Hodie non sacrificamus, dum nobis bysina de manibus tollitur: non sacrificant amici, dum trucidant inimici*.

*Inflabis*: Eucharistia vocatur holocaustum à SS. Patribus, sed holocaustum debet omnino consumi in honorem Dei: igitur eatenus Eucharistia habet rationem Sacrificii, & Sacramenti, quatenus consumitur, sed non consumitur, nisi per summptionem: ergo in sumptione constituenda est formalis ipsius Sacrificii ratio.

*Respondeo*, Eucharistiam vocari holocaustum, non per proprietatem, neque enim fas est eam igni tradere comburendam, dum integræ sunt species, ac perfectæ; sed solum per appropriationem, & similitudinem, quatenus Christus in hoc Sacrificio totum se offert divinæ Majestati, eademque est numero hostia in Missa, ac in cruce, licet diverso modo oblata. *Denique*, Eucharistiæ Sacrificium est figura Dominiæ Passionis, in qua Christus totum se immolavit, totum fudit sanguinem usque ad ultimam guttam pro redemptione nostræ, & licet non materialibus flammis, tamen ardentissimo charitatis igne, & amore succensus fuit.

Imò possumus retorquere argumentum in adversarios: nam si Eucharistiæ propriè habet rationem holocausti: ergo non debet manducari, neque à Laicis, neque à sacerdotibus, siquidem ea est lex holocausti, ut cedat soli Deo, & nullus planè ex eo manducet, quæ etiam de causa inter multas alias

aliis comburebatur olim holocaustum, ne scilicet tandem corrumpere, & putresceret, sicque gigneret horrorem alique, cum nefas esset illud comedere, & in alios usus convertere.

Porro, inquit Guimundus lib.2. de veritate Eucharistiæ, *sacra mysteria igni traduntur, non ut combustionem consumantur, id præcipitur, sed tanquam omnium elementorum purgatifimo, & mundifimo, dignifimoque, quod omnia reliqua elementa purgat, ipsum verò ex reliquis nec inquinari vult, nec indiget expurgari, venerabiliter committi iubentur.* Et infra; *Quid si fortè curvis curiosis videantur comburi, ceriffimè noverit, quod Dominici sacramenti substantia quidem nullatenus crematur, sed à nobis, ut dictum est, celestia præens abripitur: qualitates verò sensuales, quas ibidem post immutationem substantiæ, Deus remanere altifimo consilio voluit, ostendunt quod suum est.*

Urgebis: Sacrificium est essentialiter actio victimam immutans, & destruens: sed in sacrificio Missæ reverà non destruitur victima, quatenus prærens, nisi per sumptionem: igitur, &c. Minor conflatur: Sacrificium enim dicitur, *Oblatio externa religiosa soli Deo facta* alicujus rei permanentis cum ipsius immutatione, ac subinde immutatio debet fieri circa rem oblatam. Minor etiam est evidens; nam per consecrationem v. g. non destruitur etiam moraliter corpus Christi; sed potius ponitur, & producit sub speciebus: igitur, &c.

Respondent aliqui cum Vasquezio, quòd, licet de ratione sacrificii absoluti sit, quòd destruat victimam, id tamen non est necessarium de ratione sacrificii, quòd non est absolutum, sed solum commemorativum alterius; cujusmodi est Sacrificium Eucharistiæ. Verum hæc solutio videtur insufficiens: Tum, quia quod est de natura sacrificii ut sic, omni sacrificio, quodcumque illud sit, convenire debet, sed immutatio rei oblatæ est de ratione sacrificii ut sic; hinc in omnibus sacrificiis veteris legis, res oblata destruebatur, vel per occisionem, ut in victimis, quando immolabantur vivencia, vel per combustionem, ut in immolationibus, in quibus offerebantur inanimata solida; vel per effusionem, ut in libaminibus. Tum, quia sacrificia veteris legis repræsentabant etiam Christi mortem, & immolationem futuram, nec minus tamen reverà habebant adjunctionem immutationem rei oblatæ, ac subinde

etiam in sacrificiis repræsentativis debet esse victimæ immutatio. Tum denique, quia Sacrificium distinguitur ab aliis actibus Religionis, quibus colitur Deus, maxime verò ab adoratione, quæ Deo cultum exhibet, quatenus ipsi hominem submittit tanquam suo Superiori; sacrificium verò hominem Deo submittit tanquam Auctori vitæ, & necis, ac subinde ut istud distinctè significet, debet habere annexam immutationem victimæ, eamque quodammodo destruere: igitur hæc, & aliis similibus solutionibus prætermittis,

Respondet, quòd ad rationem sacrificii perfecti sufficiat, quòd eo modo, quo Sacrificium offertur, sequi deberet connaturaliter mors victimæ, quamvis ipsa propter aliam rationem de facto non sequatur: si enim v. g. ovis post susceptum lethale vulnus à Sacerdote sacrificante in veteri lege, miraculose conservata fuisset à Deo, non minus ibi fuisset verum Sacrificium: quia illa actio significasset dominium Dei in vitam, & mortem, non minus, quàm si de facto mors accidisset. Cùm ergo consecratio, quantum est de se, vi verborum constituat corpus Christi seorsim à sanguine, unde sequeretur realis separatio, nisi obviaret Christi vita in statu naturali, & immortalis; idcò illa veram habet rationem sacrificii, quippe cum aperte, ac distinctè significet dominium Dei in vitam, & mortem hominum.

Obijciat secundò; Illa actio, quæ est productiva victimæ, non est destructiva illius, sed per consecrationem corpus Christi fit prærens per modum victimæ sub speciebus panis, & vini: igitur consecratio non est destructiva, nec immutativa corporis Christi, ac subinde nec illius sacrificativa.

Distinguo majorem: Si per actionem productivam victimam non fiat prærens modo veluti mortuo, concedo: secus, nego: at in proposito eadem consecratio, quæ efficit corpus Christi prærens sub speciebus, illud ibi constituit modo veluti mortuo: quippe, ut jam pluries diximus, vi verborum corpus ponitur seorsim à sanguine.

## CONCLUSIO SECUNDA.

Consecratio unius dumtaxat speciei sufficit ad essentialem rationem sacrificii, necesse tamen consecratio requiritur ad illius integritatem, & evidentorem significacionem

*nem Sacrificii cruenti.* Hæc sententia videtur mihi probabilior: mediat enim inter duas extremas, quarum prima affirmat utriusque speciei consecrationem esse de ratione intrinseca, & essentiali sacrificii Missæ, quam tuentur Svarcz, Vasquez, &c. Secunda verò id negat.

*Porro probatur nostra assertio primò*, quia in uniuscujusque speciei consecratione salvatur vera, & essentialis ratio sacrificii: igitur utriusque consecratio non est de ratione illius essentiali. Antecedens constat; quia, ut jam pluries diximus, Sacrificium est oblatio externa rei permanentis cum ejusdem destructione, facta à legitimo Ministro, summam Dei excellentiam, nostramque erga eundem subjctionem representans: sed sola consecratio speciei panis, esset oblatio externa corporis Christi, cum ejusdem immutatione; nam, sicut species panis distincta consecratione consecratur, ita distincta sumptio sumitur à specie vini: fieret item à legitimo Ministro, nempe à Sacerdote, & in honorem summæ divinæ Majestatis: ergo quoad hanc considerationem sola unius speciei consecratio veram, & essentialem haberet sacrificii rationem. Consequentia patet, quia enim ratio essentialis Sacramenti in qualibet specie consecrata reperitur, inde omnes concludunt, ambas species non esse partes essentielles Sacramenti Eucharistie, sed integrales tantum: quæ enim ut partes essentielles concurrunt ad unum totum essentialē constituendum, neutrum separatim acceptum fundare potest rationem illius, cujus est pars, & ejus prædicationem in recto suscipere; ut patet de corpore, & anima respectu hominis, quem essentialiter constituunt.

*Confirmatur*; quia consecratio corporis non dependet à consecratione sanguinis, nec è contrà: igitur potest una absque alia validè fieri, & sicut potest ratio Sacramenti in unica specie consecrata salvari; ita & ratio sacrificii in unius speciei consecratione. *Probatur* antecedens, quia per primam consecrationem aliquid sacrum fieret, & Deo dicatum, quod factum maneret, etiam si secunda non sequeretur: ergo illa adhuc in tali casu haberet veram, & essentialē rationem sacrificii non minus ac species consecrata Sacramenti.

*Probatur secundò*: Ratio hujus Sacrificii inveniunt essentialiter consistit in ea consecratione, qua mysticè, & Sacramentaliter representatur Sacrificium cruentum crucis: sed per unius dumtaxat speciei con-

secrationem sufficienter fit talis representatio; siquidem per solam consecrationem panis ex vi verborum ponitur corpus sine sanguine, & anima; & similiter ponitur sanguis sine anima, & corpore: igitur per cujuslibet speciei consecrationem sufficienter representatur cruenta Christi matratio: igitur, &c.

*Confirmatur*: Quia non minus ex vi verborum consecrationis sanguinis representatur sanguis, ut abstrahens à sanguine extra venas, quàm ex vi verborum consecrationis corporis representatur corpus abstrahens à vivo, & mortuo: igitur consecratio sanguinis addita consecrationi corporis non est magis idonea ad representandam separationem sanguinis à corpore, quàm aliter tantum. *Consequentia* patet; in tantum enim verba consecrationis corporis non representant corpus mortuum, sive exangue; sed abstrahens à vivo, & mortuo: quia cum revera ibi non sit corpus exangue, sed vivum, verba illa non essent vera, sed falsa; eodem modo verba consecrationis sanguinis non representant sanguinem à corpore separatim; quia revera sanguis ille in calice positus ex vi consecrationis, existit realiter intra venas corporis Christi: igitur si sola consecratio corporis non sit sufficiens ad representandum corpus exangue, ita nec ambæ consecrationes simul sumptæ ad id sufficientes erunt; alioquin verba utriusque consecrationis simul sumptæ essent falsa. Patet hæc ultima consequentia; plures enim præcisiones, sive abstractiones præcisivæ non magis sunt idoneæ ad representandam divisionem realem, quàm una tantum, ac subinde nec ambæ consecrationes magis representabunt separationem sanguinis Christi à corpore, quam una tantum, quippe cum ambæ simul sint præcisivæ, licet reverà utriusque speciei consecratio simul juncta clariùs, ac distinctius cruentum Christi D. sacrificium representet.

*Patet etiam secunda pars*, nempe quòd, licet essentialis sacrificii ratio salvari posset, ac subsistere independentèr à consecratione alterius; attamen ad integritatem sacrificii, & magis sensibilem, ac evidentem representationem sacrificii cruenti crucis, utriusque speciei consecratio necessariò requiritur, quod maxime probatur ex universalis, & perpetua Ecclesiæ praxi, quæ exemplo ipsius Christi à principio semper obtulit corpus, & sanguinem sub speciebus panis,

& vi-

& vini, & summè sollicita fuit pro utriusque speciei summone; quod signum est, Ecclesiam sic intellexisse institutionem Christi, ut quamvis in consecratione unius tantum speciei haberetur ratio veri Sacrificii, haud equidem Sacrificii totalis, & completi à Christo instituti, & præcepti. Atque hæc est ratio, quare Ecclesia semper adhibuerit tantam diligentiam, ut ipse celebrans, aut, eo deficiente, alius Sacerdos sacra Mysteria perficeret persumptionem: *Si Sacerdos, inquit Rubr. tit. de defectibus c. 10. n. 3. ante consecrationem graviter infirmetur, vel in sincopem inciderit, aut moriatur, præmittitur Missa: Si post consecrationem corporis tantum, ante consecrationem sanguinis, vel utroque consecrato id accidit; Missa per alium Sacerdotem explatur ab eo loco, ubi ille desuit, & in casu necessitatis etiam per non jejunum.*

Porro hæc utriusque speciei consecratio ita necessariò requiritur ad integritatem Sacrificii, ut etiam Ecclesia non videatur posse dispensare, quòd celebratur Sacrificium in unica dumtaxat specie; siquidem Ecclesia solum circa Sacramentorum administrationem & usum statuere potest, & variare, quæ distans Spiritu S. pro temporis opportunitate æquum judicaverit, salva semper eorum Sacramentorum integritate & essentia: at si dispicaret in oblatione Sacrificii, nempe quòd fieret sub una tantum specie, non subsisteret illius integritas completa & perfectæ: igitur, &c.

Petes: *Quanam sit præcipua, ac principalis hostia, quæ in incruento Missæ sacrificio offertur.*

Respondeo primò, esse corpus & sanguinem Christi: Tum, quia id significavit ipse Christus D. cum dixit: *Hoc est corpus meum, quod pro vobis datur.* Tum, quia id docent SS. Patres jampluries à nobis laudati, præcipuè verò S. August. lib. 17. de civitate Dei c. 20. Nam, inquit; & in alio libro, qui vocatur Ecclesiastes, ubi ait: Non est bonum homini, nisi quod manducabit & bibet; quid credibilis dicere intelligitur, quam quòd ad participationem mensæ hujus pertinet, quam Sacerdos ipse mediator Testamenti novi exhibet secundum ordinem Melchisedech de corpore & sanguine suo? Id enim sacrificium successit omnibus illis sacrificiis veteris Testamenti, quæ immolabantur in umbra

futuri: quia pro illis omnibus sacrificiis oblationibus corpus ejus offertur, & participantibus ministratur.

Respondeo 2. quòd panis & vinum habeant etiam rationem hostiæ, sed minus principalis, & preparatoris; quæ utique probatur ex modo loquendi Ecclesiæ, quippe in Offertorio Missæ appellatur panis, *Hostia immaculata*, ibi: *Suscipe sancte Pater hanc immaculatam hostiam*: Et vinum, *Calix salutaris* ibi: *Offerimus tibi Domine calicem salutaris*: ergo aliquo modo spectant ad materiam Sacrificii.

Confirmatur ex prima Antiphona in Vesperis festi Corporis Christi, quæ sic habet: *Sacerdos in æternum Christus D. secundum ordinem Melchisedech panem & vinum obtulit.* Hinc Concilium Carthaginense III. can. 24. *Ut in sacramentis corporis & sanguinis Domini nihil amplius offeratur, quam ipse Dominus tradidit, hoc est, panis, & vinum aqua mixtum. Nec amplius in sacrificiis offeratur, quam de vitis, & frumentis.* Hunc modum loquendi imitantur SS. Patres, Irenæus, Cyprianus, & alii; quidni propriè intelligendi? Enim verò per actionem externam panis & vinum immutatur in profectionem summi domini Dei. Immutantur, inquam, per destructionem physicam suæ totius substantiæ.

## QUÆSTIO QUARTA.

*Pro quibus possit offerri Missæ Sacrificium.*

Notandum primò, homines generatim distribui posse in tres ordines; quorum aliqui sunt viatores: alii terminum, ac statum viæ jam sunt adepti; alii verò partim in via, partim in termino existunt. Prioris ordinis sunt omnes illi, qui mortalem adhuc vitam agunt, & funte in tempore velut in itinerario ad æternitatem: qui rursus res in status possunt distribui: nam eorum aliqui Christo nomen dederunt, & computantur inter membra Ecclesiæ, quibus per Fidei, Spei, & Charitatis vinculum agglutinantur: aliqui intra hoc Christi mylticum corpus nondum sunt adjuncti, quales sunt infideles & cærechumeni: alii denique ab hoc corpore per Excommunicationis gladium præcisi sunt. Secundi ordinis sunt vel Beati in cælo triumphantes, vel damnati in inferno gementes; quorum status invariabilis est.

Ter-

*Tertii denique ordinis* sunt omnes animæ in purgatorio degentes, quæ partim vitæ terminatio sunt adeptæ, cum mortalem hanc vitam peccatis obnoxiam exuerint; partim verò hærent in via, quippe cum felicitatem æternam adhuc præstolentur, nec ex illa valle lachrymarum prius sint exitura, quam pro admissis delictis debitas penas luerint, & perolverint usque ad ultimum quadrantem. Queritur autem utrum pro his omnibus licitè, ac debite offerri possit Missæ Sacrificium.

*Notandum secundò*, certum esse, quòd Missæ Sacrificium nequaquam licitè ac fructuosè possit offerri pro damnatis: *Tum*, quia in inferno nulla est redemptio, nullaque satisfactio, ac propitiatio; siquidem, inquit Isaias c. ult. *Vermis eorum non morietur, & ignis non exstinguetur*. Quam utique veritatem innumera propemodum testantur Scripturarum oracula, quibus constat nullam finicandam fore damnatorum penam; quam idcirco Christus D. plerumque appellat *ignem æternum*, maxime Matth. 25. *Tunc*, inquit, *dicit his, qui a singuliserunt, discedite à me maledicti in ignem æternum*. Hinc S. Joannes Apocalypsis 20. refert, quòd *diabolus, qui seducebat eos, missus est in stagnum ignis, & sulphuris, ubi & bestia, & Pseudo-Propheta cruciabuntur die, & nocte in sæcula sæculorum*. Quem utrumque locum expendit S. August. lib. de bærebus c. 33. ubi ait: *Quod ibi (Matth. 25.) dictum est in sæcula sæculorum: quibus verbis nihil Scriptura divina significare consuevit, nisi quòd finem non habet temporis*.

Nec obstat, quòd Ecclesia in Missis Defunctorum sic oret in Offertorio. *Domine Jesu Christe Rex gloria libera animas omnium fidelium defunctorum de penis inferni, & de profundo lacu, libera eas de ore leonis, &c.* nomine enim inferni, & profundo lacus non intelligitur locus inferior damnatorum: sed animarum in Purgatorio existentium; qua ratione etiam Christus dicitur descendisse ad inferos, & ab inferis liberaisse animas SS. Patrum. Porro illæ non degent in inferno damnatorum. Unde Ecclesia orat, ut animæ fidelium Defunctorum exeat ab illo carcere, & ne post oblationem hujus Sacrificii amplius detineantur in locis tenebrosis. *Adde*, quòd Ecclesia consideret ejusmodi animas velut de corpore egredientes, & quali nondum sententiam hujus mansionis, aut loci, in quem ire

debeant, exceperint, quapropter subdit *Sed signifer S. Michael representet eas in lucem sanctam, &c.* eo pene sensu & ritu, quo tempore Adventus, quasi Christus nondum venisset, orat. *Veni Domine & nobis iuvare: Rorate cali desuper, &c.*

Nec pariter obstat, quòd plures historiarum ferant, varios homines à pœnis inferni solutos fuisse precibus, & meritis SS. vivorum; nam Trajanus Imperator per preces S. Gregorii, Falconilla Ethnica femina intercessione S. Teclæ Virginis ab inferno dicuntur soluti. Hoc, inquam, non obstat: *Tum*, quia omnes istæ & similes historiarum dubiæ ac nutantis omnino sunt fidei: *Tum*, quia si veræ sint, dici potest costales resuscitandos, nondum pœnis inferni fuisse addictos, Deo eorum judicium per extraordinariam Providentiam differente; eosque solum per imaginem quandam, non autem in rei veritate cœpisse experiri pœnas vitæ futuræ, ut eorum apud homines mortales acerbitas resisterent. Difficultas ergo tantum superest de Beatis, nec-non & de animabus Purgatorii, ac de triplici Viatorum sorte.

*Notandum tertio*, Sacrificiū Missæ efficacitatem, & virtutem exerceri posse dupliciter, vel per modum applicationis infallibilis, seu ex opere operato, vel dumtaxat per modum liberalis impetrationis, & suffragii. Censetur autem Sacrificium valere per modum suffragii, & impetrationis, quando videlicet suum effectum non consequitur ex virtute ipsius operis elicit; ita quòd ad applicationem hujus Sacrificii Deus certa lege non constituerit effectum infallibiliter sequendum, putà remittere pœnis peccatis debitas tam vivis, quàm defunctis: sed solum Sacrificium ad id consecrare per modum impetrationis; ut quemadmodum orationes vivorum defunctis solum prosunt, prout Deo placuerit eas acceptare, neque certa lege constituerit propter ejusmodi preces, & orationes debitas tam vivorum, quàm mortuorum peccatis pœnas infallibiliter remittere; ita etiam Missæ Sacrificium profut tam vivis, quàm defunctis. Queritur ergo qualiter, & pro quibus Sacrificium Missæ debeat offerri.

## CONCLUSIO PRIMA.

**M**issæ Sacrificium offerri non potest pro Beatis, quatenus est propriè propitiatio.

—

rium, vel satisfactorium: sed quatenus est gratiarum actio pro felicitate ipsius concessa. Prima pars est evidens: Beati namque omnino incapaces sunt culpæ, & pœnæ, ac subinde nostris precibus non egent & Sacrificiis, ut ab his eximantur & solvantur. Hinc præclare docet Concilium Tridentinum sess. 25. de invocatione Sanctorum, Sanctos in cœlo cum Deo regnantes non egere nostris precibus, sed nos eorum orationibus adjuvari; quapropter sess. 21. c. 3. prius dixerat: *Quantis in honorem, & memoriam Sanctorum nonnullis interdum Missas Ecclesia celebrare consueverit, non tamen illis Sacrificium offerri licet, sed soli Deo, qui illos coronavit; unde nec Sacerdos dicere solet: Offero tibi sacrificium, Petre, vel Paulæ sed Deo, de illorum victoriis gratias agens, eorum patrocinia implorat, ut pro nobis intercedere dignentur in cælis quorum memoriam facimus in terris.* Unde can. 5. sic definit: *Si quis dixerit impossibilem esse, Missas celebrare in honorem Sanctorum, & pro illorum intercessionem apud Deum obtinenda, sicut Ecclesia intendit, anathema sit.*

Quibus Concilium duo significat: Primum, quod reverà Missæ sacrificium offerri possit pro Beatorum victoriis celebrandis: Secundum, pro etiam impetranda eorum accidentali gloria; qua ratione in Missa post lotionem manuum orat: *Ut illis (nempe omnibus sanctis) sacrificium proferat ad honorem; nobis autem ad salutem; ut illi pro nobis intercedere dignentur in cælis, quorum memoriam agimus in terris.* Quibus significatur, Missæ sacrificium posse aliqua ratione censei impetratorium pro Beatis, quatenus nempe conferat ad augendam eorum gloriam, & beatitudinem accidentalem.

Quod utique præclare docuerat Innocentius III. epist. ad Archiepiscopum Lugdunensem, & refertur cap. Cum Martib, de celebratione Missarum, ubi cum inter varia quæstia etiam petisset Episcopus, quare mutatum fuerat, quod in Secreto Missæ S. Leonis secundum antiquiores codices legebatur, nempe: *Anne nobis Domine, ut anime famuli tui Leonis hæc proferat oblatio;* in modernis autem sacramentariis haberetur: *Ut intercessione B. Leonis proferat oblatio:* Respondet Pontifex: *Quod cum Sacra Scriptura dicat auctoritas, quod injuriam facit Martyri, qui orat pro Martyre, idem esse ratione consensum de aliis Sanctis sententiam.* Th. W. tom. XI.

tiendum; quia orationibus nostris non indigent pro eo quod sunt perfecti Beati, omnia eis ad vota succedunt: sed nos potius orationibus eorum indigemus, quos (cum miseri sumus) undique mala nostra perturbant. Unde, quod in plerisque orationibus continetur, *Prose, vel proficiat huic Sancto, vel illi talis oblatio ad honorem, & gloriam:* ita debet intelligi, ut ad hoc proferat, quod magis ac magis glorificetur à fidelibus in terris, licet plerique reputent, non indignum Sanctorum gloriam usque ad iudicium augmentari: & ideo Ecclesiam interim sanè posse augmentum glorificationis eorum petere.

Advertendum tamen, quod facile non debeat apud vulgus prædicari, nostra obsequia, necnon & sacrificium Missæ, Sanctis prodesse ad honorem, & gloriam; ne videlicet anam inde capiant cogitandi, eos non esse perfecti Beatos, & illos nostris orationibus, ac suffragiis indigere: certo namque certius est, Sanctos suis suffragiis, & orationibus nobis plurimum prodesse; illis vero nostras orationes, & vota nil conferre, nisi ad gloriam accidentalem. Quam utique plebecula rudis, & agrestis cum vix possit distinguere ab essentiali, ideo satius est ab hujusmodi locutionibus abstinere.

## CONCLUSIO SECUNDA.

Missæ sacrificium religiose offertur pro defunctis fidelibus, ut obtineant remissionem pœnæ temporalis, idque ex opere operato. Hæc est de fide, quantum ad primam partem, quam tradit Concil. Trid. sess. 22. cap. 22. Non solum, inquit, pro fidelium vivorum peccatis, pœnis, satisfactionibus, & aliis necessitatibus, sed pro defunctis in Christo nondum ad plenum purgatis ritè juxta Apostolorum Traditionem offertur. Porro hæc Traditio Apostolica constat ex continua Ecclesiæ praxi, ut patet ex Liturgiis SS. Jacobi, Matthæi, & Marci, & testatur Clemens Romanus lib. 8. Constit. cap. 9. ex Tertulliano lib. de corona militis cap. 3. & S. Cypriano lib. 1. epist. 9. & S. Chrysost. homil. 3. in epist. ad Philippenses circa finem, ubi scribit: *Non frustra insinuerunt Apostoli, ut cum tremenda mysteria celebrantur, fieret eorum commemoratio, qui ex hac vita decesserunt; sciebant enim magnum inde lucrum, multamque utilitatem his provenire: cum enim adhuc populus universus, & Collegium sacer-*

*cerdotale manus attollat, & coram posita sit tremenda hostia, quomodo iram Dei non placabimus, pro illis orantes? Idem docent ceteri Patres, quorum oracula profecti solent in controversia cum hæreticis de Purgatorio, à quibus, ne longior sim, hic recensendis superfluo; & omittere tamen non possum, quæ præclare scribit S. Angust. in Enchiridio cap. 109. Neque negandum est, inquit, Defunctorum animas pietate suorum vivorum relevari, cum pro illis Sacrificium Mediatoris offertur, vel elemosynæ in Ecclesia fiunt. Sed eis hæc profunt, qui cum viverent, ut hæc sibi postea prodesse possent, meruerunt. Est enim quidam vivendi modus, nec tam bonus, ut non requiratur ista post mortem, nec tam malus, ut ei non proficiat ista post mortem. Est verò talis in bono, ut ista non requiratur, & est rursus talis in malo, ut nec his valeat, cum hæc vita transierit, adjuvari. Quocirca hic omne meritum comparatur, quo possit post hanc vitam relevari quispiam, vel gravari. Et cap. 110. sic inquit: Non enim omnibus profunt suffragia Ecclesiæ. Et quare non omnibus profunt, nisi propter differentiam vitæ, quam quisque gessit in corpore? Cum ergo Sacrificia, sive Altaris, sive quarumcunque elemosynarum pro baptizatis Defunctis omnibus offeruntur, pro valde bonis (idest, pro Beatis) gratiarum actiones sunt; pro non valde malis (idest, existentibus in Purgatorio) propitiationes sunt: pro valde malis (idest, damnatis) etsi nulla sint adjuventia mortuorum, qualescunque vivorum consolationes sunt.*

*Probatursæcunda pars, nempe quod Missæ sacrificium prodest Defunctis ex opere operato, per solutionem pœnæ, quæ adhuc illigantur; idque primum ex Concil. Trid. sess. 25. in decreto de Purgatorio, ubi inter cætera ait: Cum Catholica Ecclesia Spiritu S. edocita ex sacris litteris, & antiqua Patrum Traditione, in sanctis Conciliis, & novissimè in hac Oecumenica Synodo docuerit, Purgatorium esse, animasque ibi detentas fidelium suffragiis, potissimum verò acceptabilis Altaris Sacrificio juvari, præcipit & Synodus, &c.*

*Ex quibus sic licet argumentari: Sententia Concilii est, animas in Purgatorio degentes certius, & efficacius juvari per oblatum pro eis Missæ sacrificium, quam per jejuniâ, elemosynas, & alia vivorum suffragia, sed his non solum per modum impetrationis, sed etiam ex opere operato, & infallibiliter juvantur, quatenus per hujusmo-*

*di opera satisfactio operi correspondens animabus applicatur, sicut satisfactiones Sanctorum, quæ sunt in Ecclesiæ Thesaurò, applicantur per Indulgentias: ergo multo magis juvari poterunt sacrificio Missæ, per quod nobis, & aliis applicatur fructus Passionis Christi: Major constat ex verbis Concilii. Minor verò expresse traditur à Catechismo Romano part. 2. c. 5. n. 61. ubi scribit: Ut animæ quod ad Contritionem, & Confessionem attingunt, nemo pro altero dolere, aut consiteri possit: ita quæ divina gratia prædita sunt, aliter nomine possunt quod Deo debetur persolvere; quæ res sit, ut quodam passio alter alicuius onera portare videatur: nec verò de hoc cuiquam fidelium dubitandi locus relictus est, qui in Apostolorum Symbolo Sanctorum Communionem continentur.*

*Licet autem ibi solum loquatur de fidelibus vivis, tamen eadem ratio pariter viget pro defunctis; ipsi namque ad Sanctorum Communionem spectant. Secundò, si quæ ratio contrarium suadere posset, maxime, quia præcipua conditio ad percipiendum fructum hujus Sacrificii ex opere operato, est status viatoris: animæ autem in Purgatorio existentes non sunt amplius in via, sed extra dominium Ecclesiæ militantis; ac subinde non possunt ex certa lege bona ipsius participare, sed tantum per modum liberalis impetrationis, nempe prout Deo placuerit, orationes vivorum, & Ecclesiæ sacrificia pro Defunctis acceptare, sed hæc ratio nulla est; nam, cum animæ in Purgatorio existentes sint membra viæ Christi, quæ non sunt omnino extra viam, cum sint adhuc in viâ ad cælum; ideocirò tam Sacrificium potest eis prodesse, quam prodest vivis.*

*Dices: Illæ Animæ non sunt membra Ecclesiæ visibilis, nec in eas Ecclesia potestatem, & jurisdictionem habet: igitur nec sunt in statu, in quo possit eis ex opere operato prodesse visibile Sacrificium.*

*Nego antecedens: Quamvis enim animæ illæ non pertineant ad Ecclesiam, quatenus illius visibilia membra, pertinent tamen ut membra invisibilia, quæ nondum viæ terminum attingerunt, sed adhuc cum Ecclesia militante peregrinantur à Domino, suntque in viâ ad solvenda debita, quæ ex peccatis in hac vita commissis, & non omnino expiatis contraxerunt. Itaque illæ animæ, quæ viatrices sunt, pertinent ad Ecclesiam militantem, cum nondum Triumphanti incorporentur.*



*Dices secundò:* Ecclesia non potest illis animabus applicare fructum Sacramento: ergo nec sacrificii. *Consequentia* patet, quippe cum Ecclesia non habeat majorem efficacitatem applicandi fructus sacrificii, quam Sacramenti.

*Nego consequentiam:* Et ratio disparitatis est, quòd Sacramenta tantum sint instituta pro vivis; quippe cum suos effectus in anima non producant, nisi dependente à signo sensibili corpori applicato: sacrificium autem independenter ab omni signo sensibili, & ex sola voluntate offerendis, ordinantis illud ab bonum alterius, producit suum effectum. *Insuper,* Sacramenta ordinantur ad gratiam conferendam; Animæ autem in Purgatorio non sunt capaces suscipiendæ novæ gratiæ; quippe cum non sint amplius in statu crescendo in præmio essentiali, quod cuilibet gratiæ augmento correspondet. Sacrificium autem ordinatur ad solvendas pœnas; quippe cum sit applicatio meritorum Christi patientis pro solvendis nostris criminibus.

*Dices denique:* Animæ existentes in Purgatorio non sunt in statu satisfaciendi, sed satisfaciendi; ergo nulla satisfactio jam eis prodesse potest, saltem ex opere operato.

*Distingo antecedens:* Non sunt in statu satisfaciendi activè, & per seipsas, concedo: passivè, & per alios, nego: Consequentium enim est, ac justæ Dei ordinationi congruum, ut oblata pro eis animabus Sacrificia Deus acceptet in satisfactionem pro commissis ab eis peccatis luendam; nam quæ ratione sunt in statu solvendi pœnas, eadem ratione aliorum satisfactionibus juvari possunt, præsertim Christi D. cum debitum ex justitia solvi possit, non solum solutione propria, sed etiam aliena.

### CONCLUSIO TERTIA.

**M**issæ sacrificium offerri potest pro omnibus fidelibus viatoribus, qui a fidelium Communione per excommunicationem non sunt separati. Hæc est communis, & prima pars, colligitur ex Apostolo ad Hebr. 5. ubi ait: *Omnis Pontifex ex hominibus assumptus pro hominibus constituitur in iis, quæ sunt ad Deum, ut offerat dona, & sacrificia pro peccatis.* ... *Et propterea debet quemadmodum pro populo, ita etiam Et pro seipso offerre pro peccatis.* Quibus verbis Apostolus

significat, Sacerdotem non tantum debere sacrificium offerre in propriam suam utilitatem, sed etiam in utilitatem populi, maxime baptizati, & fidelis; quippe fideles propter suam intimam cum Christo unionem, quatenus sunt membra corporis Ecclesiæ, cujus ipse caput est, longè capaciores sunt suscipiendi effectus sacrificii, quam infideles, & non baptizati. Hinc etiam Ecclesiæ mens est, ut sacrificium potissimum offeratur pro fidelibus, ut colligitur ex Offertorio Missæ, his verbis: *Sed Et pro omnibus fidelibus Christianis vivis, atque defunctis.* Et initio Canonis orat Sacerdos sic: *Imprimis, quælibet offerimus pro Ecclesia tua sancta Catholica, & omnibus Oribodoxis, atque Catholicæ, & Apostolicæ fidei cultoribus.* Et ceterè rationi consentaneum est, quòd cum Missæ sacrificium sit bonum Ecclesiæ relictum per legitimos Ministros dispensandum, ut pro omnibus fidelibus baptizatis generatim Deo offeratur, & nullus ab ejus fructu, & utilitate arceatur, nisi præcisus sit à participatione bonorum ipsius Ecclesiæ.

Nam, ut refert *secunda pars* conclusionis, non licet orare pro excommunicatis, maxime qui *nominatim denunciati sunt à Judice*, quod utique constat ex jure Canonico extra de sententia Excommunicationis cap. *A nobis*, ubi Innocentius III. interrogatus, utrum si aliquis excommunicatus, in quo indicia fuerunt Pœnitentiæ manifesta, nec per eum steterit, quò minus reconciliaretur Ecclesiasticæ unitati, non suscepto beneficio Absolutionis decesserit, pro absoluto ab Ecclesia sit habendus, & utrum pro tali recipienda sit elemosyna, & à fidelibus sit orandum. Respondet: *Quantumcumque se quis iuramento præstet, quòd Ecclesiæ mandato pareret, humiliare caraverit, quantumcumque Pœnitentiæ signa præcesserint, si tamen morte præventus Absolutionis non potuerit beneficium obtinere, quamvis absolutus apud Deum fuisse credatur, nondum tamen habendus est apud Ecclesiæ absolutus.* Igitur pro tali non est recipienda elemosyna, neque à fidelibus orandum. *Probat*ur consequentia ex cap. *Sacris* 38. eodem titulo, ubi præfatus Pontifex Archiepiscopo Scrignonensi scribit in hæc verba: *Licet is, qui voluntarius excommunicatus illi communicaverat, qui cum omnibus fautoribus, & participibus suis excommunicationis sententia sunt adstricti, ad cor rediens, de mandato Ecclesiæ excommunicatus, qui prius foverat,*  
1 2 expu.

*expugnauerit, non tamen priusquam Absolutionis gratiam perceperit, habendus est absolutus: nec si occumbat in huiusmodi bello, sunt Absolutiones, vel Oblationes recipienda pro eo, vel orationes Domino porrigenda, nisi cum de ipsius viventis Pœnitentia, per evidentia signa constiterit, & iuxta cuiusdam Constitutionis nostre tenorem defuncto etiam Absolutionis beneficium impendatur.* Ex quibus constitutionibus Doctores communiter inferunt, excommunicatum excommunicatione maiori, de quo maximè nobis est sermo, omnibus communibus Ecclesiæ suffragiis esse privatum, putà Indulgentiis, sacrificiis, & orationibus, quæ sunt nomine Ecclesiæ.

Dixi in probatione secundæ partis, qui nominatim denunciati sunt à Iudice; probabile enim est, quòd liceat offerre Sacrificium nomine Ecclesiæ pro excommunicatis toleratis, putà hæreticis occultis, & etiam fortè pro degentibus in regnis, in quibus habent libera suæ religionis exercitia; ita docet Lugo disp. 19. n. 87. cum aliis quibus aliis, quos ipse laudat. Cujus utique ratio sumitur ex constitutione Concilii Basileensis sess. 20. qua statuitur, quòd nemo deinceps à communione alicujus in Sacramentorum administratione, vel receptione, aut aliis quibuscunque divinis, prætextu cuiuscunque sententiæ, aut censure Ecclesiasticæ, seu suspensionis, aut prohibitionis, ab homine, vel à jure generaliter promulgatæ, teneatur abstinere, vel aliquem vitare, aut interdictum Ecclesiasticum observare, nisi sententia, prohibitio, suspensio, vel censura huiusmodi fuerit in, vel contra personam, Collegium, Universitatem, Ecclesiam, aut locum certum, aut certam à Iudice publicam, vel denuntiata specialiter, & expressè, &c.

Quibus verbis Concilium permittit communicationem cum excommunicatis nominatim à Iudice non declaratis, in Sacramentis, & aliis quibuscunque divinis, ac subinde permittit, ut pro iis Sacrificium offeratur.

Nec valet reponere, Concilium loqui solum de communicatione externa, quæ fit in auditione Missæ, necnon in assistentia divini officii, non autem de communicatione interna, qualis est ea, quæ fit per Missæ sacrificium, aut preces Ecclesiæ. Id, inquam, non obstat: Si enim liceat cum huiusmodi excommunicatis inire societatem in audienda Missa, & Horis Canonicis recitan-

dis, pari ratione licebit publicè pro ipsis orare; nam in Missa nomine Ecclesiæ oratur pro omnibus circumstantibus, & dum quis recitat cum alio divinum Officium Primæ, vel Completorii v. g. dicit: *Miserere tui omnipotens Deus, &c.* & consequenter quando Ecclesiæ permittit communionem in orationibus, etiam permittit, ut pro communicantibus oretur: quidni ergo pariter licentiam pro ipsis sacrificandi, & applicandi eis fructum ex sacrificio proveniente?

#### CONCLUSIO QUARTA.

**M**issa Sacrificium offerri potest pro Catechumenis, & Infidelibus nondum baptizatis, illique prodest per modum impetrationis. Probatur hæc assertio ex continua, & antiqua Ecclesiæ praxi, quam tradit S. Apostolus 1. ad Timoth. 2. cum ait: *Obsecro primò omnium fieri obsecrationes, orationes, postulationes, gratiarum actiones, pro omnibus hominibus, pro Regibus, & omnibus, qui in sublimitate sunt; qui utique tunc temporibus erant Infideles.* Hunc autem Apostoli textum S. Augustinus explicat de publicis orationibus, inter Missarum solemniam fieri solitis: *Multa hinc, inquit, dici possunt, quæ improbanda non sunt, sed lego his verbis (Apostoli supra) hoc intelligere, quòd omnis, vel pene omnis frequentat Ecclesiæ, ut preces accipiat amicus discipulus quas facimus in celebratione Sacramentorum, antequam illud, quod est in Domini mensa, incipiat benedicere: orationes cum benedicunt, & sanctificatur, & ad distribuendum communicatur, quam totam petitionem ferè omnis Ecclesiæ Dominica oratione concludit.* Et paulò inferius: *Interpellationes autem, sive.... postulationes sunt cum populus benedicunt; sunt enim Advocati velus Advocati, susceptos suos per manus impositionem misericordissimè offerunt pietati: quibus peractis, & participato tanto Sacramento, gratiarum actio cuncta concludit; quam in his etiam verbis ultimam commendat Apostolus.* Hæc autem causa præcipua fuit ista dicendi, ut his breviter perscrictis, atque significatis, non putaretur neglegendum esse, quod sequitur: *Pro omnibus hominibus, pro Regibus, & c.* qui in sublimitate sunt, ut queramus, & tranquillam vitam agamus in omni pietate, & caritate: ne quisquam, sicut se habet humana cogitationis infirmitas, existimaret, non esse ista faciendo pro his, à quibus persecutorem patebatur Ecclesiæ,

cum

cum membra Christi ex omni essent omnium genere colligenda.

Ei præverat S. Clemens Romanus lib. 8. Constitutionum Apostolicarum cap. 5. ubi signanter præscribit modum orandi pro Catechumenis; & Tertullianus lib. ad Scapulam cap. 2. scribens: *Itaque sacrificamus pro salute Imperatoris, sed Deo nostro.* Et S. Chrysostomus homil. de Adam, & Eva, ubi scribit: *Cum enim sanctæ plebis Sacerdotes per mandata sibi dæta legatione fungantur apud divinam clementiam humani generis causam, totamque secum Ecclesiam aggregantes, atque congemiscientes possulant, ac precantur, ut Infidelibus donetur fides, ut ab idololatria, & impiis erroribus liberentur, ut Judæis ablato cordis velamine, lux veritatis appareat, ut hæretici Catholica fidei receptione respiciant, ut Schismatici spiritum redituæ charitatis accipiant, ut lapsi Pœnitentiæ remedia conscrvantur, Catechumenis ad regenerationis Sacramenta producendis celestis misericordiæ aula referatur: hæc non inaniter à Domino peti, rerum ipsarum monstrat effectus.* Subscribit pariter Sanctus Cœlestinus primus epist. ad Episcopos Galliarum cap. 11. *Sanctarum plebium Præsules, inquit, publicæ legationis funguntur, & apud divinam clementiam humani generis causas agunt, & tota ingemiscente Ecclesia possulant, ut Idololatria ab impietatis sua liberentur erroribus, ut Judæis ablato cordis velamine lux veritatis appareat, ut hæretici Catholica fidei perceptione respiciant, &c.*

Dices: Concilium Bracharense primum cap. 35. statuit: *Ut Catechumenis, sine redemptione Baptismi defunctis, simili modo neque oblationis sanctæ commemoratio, neque psallendi impendatur officium, nam & hoc per ignorantiam usurpatum est.*

Respondeo, Canonem illum intelligendum esse solum de Catechumenis defunctis, qui in suscipiendo Baptismo nimium negligentes absque ejus perceptione, & sine sufficientibus Pœnitentiæ signis decesserant, qualiter etiam intelligendus est Chrysostomus serm. 3. in epist. ad Philippens. ubi ait: *Non frustra ab Apostolis sanctum est, ut in celebratione venerandorum Mysteriorum memoria fiat eorum, qui hinc discesserunt. Noverint illis multum hinc emolumenti fieri, multum utilitatis: Stante siquidem universo populo, manus in celos extendente, cuncti item Sacerdotalis, verendæque posito (id est, incepto) Sacrificio, quomodo Deum non placare.*

Fræss. Thes. Tom. XL

mus pro istis orantes? Verum illud quidem de illis dicimus, qui in fide abscesserunt. Catechumenos verò neque isto solatio dignamur; sed omni hujusmodi destituti sunt auxilio, uno quodam dempto. Quamvis illo? Pauperibus illorum nomine dare licet, unde illis nonnihil refrigerii accedit.

His enim, & similibus verbis, quæ subijcit S. Chrysostomus, significat tunc temporis ab Ecclesia prohibitum fuisse orationes, & sacrificia fieri pro defunctis Catechumenis, ad incutiendum terrorem Catechumenis viventibus, & ad coercendam eorum in suscipiendo Baptismo negligentiam. Unde non dicit, Catechumenos esse incapaces omnis fructus sacrificii, aliarumque orationum; sed, inquit, *neque isto solatio dignamur*, propter scilicet prohibitionem Ecclesiæ pro isto tempore; sicut etiam de factis non dignamur isto solatio excommunicatos, non quia incapaces sunt, sed quia Ecclesia prohibuit publicè pro illis offerre, vel orare, de quibus conclusio præcedenti. Quod ut clariùs ostenderet, addidit: *Pauperibus illorum nomine dare licet*: quasi diceret, tamen non liceat propter prohibitionem Ecclesiæ publicè offerre, vel orare pro Catechumenis; tamen minime prohibitum est pro ipsis dare elemosynam.

### QUÆSTIO QUINTA.

*Qualis sit valor, & effectus Sacrificii, & quomodo possit applicari.*

**N**otandum primò: Nomine valoris, hic intelligi moralem dignitatem, quam habet sacrificium; & nomine verò effectus, id quod intuitu talis valoris confertur. Porro valor sacrificii Missæ attendi potest. 1. Ex parte Christi offerentis, & hostiæ: 2. Ex parte meritorum totius Ecclesiæ, cujus nomine sacrificium offertur: 3. Ex parte dispositionis, & devotionis Sacerdotis offerentis. *Insuper* valor sacrificii ex parte Christi D. attendi potest, vel quantum ad sufficientiam, vel quantum ad actualem influxum seu fructum, qui de factis confertur ei, pro quo Missæ sacrificium offertur: qui utique fructus maximè consistit; vel in impetratione beneficiorum; vel in solutione pœnæ peccatorum remissis debite. Quæritur autem quantus, & qualis sit valor, & effectus hujus sacrificii.

Notandum secundò: Quantitatem valoris

1 3 Missæ

Missæ attendi posse duplicem, unam *intentionem*, alteram verò *extensionem*: Prior attenditur secundum meritum, & pretium illius Sacrificii in se considerati: Posterior verò æstimatur, & colligitur ex numero subjectorum, quibus applicari potest; ita quod eò major æstimetur illis valor, quo pluribus absque divisione posset applicari; ac subinde valor ille sit infinitus, si infinitis subjectis simul prodesse possit. Prior quantitas dicitur *categorematica*, quia attenditur, & æstimatur secundum certos gradus perfectionis, & valoris, quos Sacrificium istud in se complectitur; ita quod censetur infiniti valoris intensivè, si infinitis perfectionis gradus in se complectatur. Posterior verò dicitur *syncategorematica*, quia tantum attenditur penes subjecta, quibus prodesse potest, & applicari: ita quod hoc Sacrificium censetur infiniti valoris, si infinitis hominibus possit prodesse. Porro circa hanc controversiam resolvendam triplex est capitalis Authorum sententia: quarum *prima* affirmat, hoc Sacrificium esse infiniti valoris quantum ad vim impetrandi, & satisfaciendi, *syncategorematicè*; ita Cajetanus, Vasquez, & plures alii recentiores: *Secunda* verò id negat, ita subtilis Doctor, Richardus, Durandus, & plures alii tam veteres, quam recentiores, cum Suarez, Toletus, &c. *Tertia* incedens media via docet, virtutem impetratricem huius Sacrificii esse infinitam *extensivè*; ita ut possit pro pluribus, & pluribus offerri absque singulorum præiudicio; secus autem de virtute satisfactoria, quam fatentur esse limitatam, & determinatam; ita ut pluribus non possit prodesse sine sui diminutione, & divisione: ita Averſa qu. 11. sect. 7. cum pluribus aliis, quos ipse laudat.

*Notandum tertio*, fructum Missæ attendi posse triplicem, nempe generalem, specialem, & specialissimum. *Generalis* est ille, quem Ecclesia intendit applicari omnibus omnino fidelibus, tum vivis, tum defunctis: vivis quidem, seu presentibus, seu absentibus, quorum quisque maiorem, aut minorem fructus portionem recipit juxta Christi determinationem, intentionem Ecclesiæ, & propriam uniuscujusque cooperationem ad sacrificium. Quanta autem portio unicuique contingat, Deus scit: certum tamen est, unumquemque plus gratiæ recipere, quò plures habet titulos ad maiorem

portionem habendam, ut si v. g. non tantum interfit, sed & intersit Sacro, &c. *Specialis* verò fructus est ille, qui obvenit illis, pro quibus Sacerdos specialiter offert sacrificium juxta praxim Ecclesiæ, modò pro una, modò pro alia persona offerentis sacrificium Missæ. *Specialissimus* denique valor, & effectus est ille, qui obvenit Sacerdoti, & ita illi proprius est, ut juxta multorum sententiam, aliis ab offerente Sacerdote applicari non possit.

Porro hanc Missæ valoris, & fructus partitionem primus omnium invenit, & docuit Subtilis Doctor qu. 20. *quodlib. n. 3.* ubi ait: Potest meritum, vel specialiter oratio, in triplici gradu intelligi valere alicui, sive pro aliquo. Uno modo *specialissimè*, & sic semper valet oranti, quando est in gratia: ipse enim habet motum animi bonum, & elicit opus bonum. Iste malus, & illud opus; nam sic sunt alterius, pro quo orat, sicut orantis: nec potest iste, ordinata voluntate, sic illud alteri dare; quod non sit suum meritum; quia magis tenetur ex charitate diligere seipsum, quam alium: imò forte non posset dare alteri sic, quoniam istud esset peccatum. Alio modo *generalissimè* & sic valet toti Ecclesiæ: nec enim debet orans alicuius de Ecclesiâ excludere, sed ex intensione habituali omnes includere. Tercio modo, scilicet, modo medio; valet illi, cui per orantem *specialiter* applicatur. *Probat*ur: Non valet ei specialissimè; patet ex primo membro. Sed nec præcisè valet sibi generalissimè, sicut cuicumque: tunc enim frustra in Ecclesiâ essent speciales orationes assignatæ, aliæ pro vivis, aliæ autem pro mortuis: & iterum pro vivis aliis & aliis, putà, benefactoribus, amicis, & aliis: ut patet in orationibus Missæ Romani pro diversis assignatis personis, & statibus, & congregationibus. Frustrà, inquam, essent istæ specialiter assignatæ: quia non plus valerent illis, quam generaliter cuicumque in Ecclesiâ.

His ita præmissis, duo maxime sunt hæc in questione determinanda: *Primum*, quòd Sacerdos possit applicare virtutem sacrificii pro libito: *Secundum*, quòd ejus valor eò minor sit in singulis, quò pro pluribus offertur.

## CONCLUSIO PRIMA.

**R**evera valor Sacrificii Missæ applicari potest à Sacerdote illis, quibus libuerit; ita Subtilis Doctor qu. 20. quodlibetica n. 13. ubi ait: *Dico quod in potestate Sacerdotis celebrantis est aliquo modo, scilicet speciali applicare virtutem sacrificii. Idque probat duplici auctoritate S. Augustini in Enchiridion cap. 89. ubi ait: Neque negandum est, defunctorum animas, pietate suorum viventium relevari, cum pro illis sacrificium Mediatoris offertur. Ergo, inquit Doctor, offerens potest applicare illis sacrificium, & illæ per hoc poterunt relevari. Idem in sermone de Cathedra S. Petri: Ostendam, inquit, qua ratione animæ defunctorum juvari possunt: adhibeant pro eis Sanctorum preces, & Sacerdotalis eos prosecutione Domino commendent. Juvantur ergo animæ per hoc, quod Sacerdos pro eis applicat virtutem Sacrificii.*

Addit Doctor rationem congruentiæ n. 14. Quia, inquit, ubi in domo aliqua, aliquod bonum est distribuendum diversis secundum eorum exigentiam, vel indigentiam, rationabile est, quod Dominus domus non immediate singulis distribuat, sed talis distributio alicui, vel aliquibus certis Ministris in domo committatur. Ita videtur regulariter in familiis ordinatis: æque ergo, vel magis debet esse in domo Dei, quæ est Ecclesia, quod bonum ibi virtute sacrificii communicandum, non solum Deus distribuat, sed aliquis Minister in Ecclesia: nulli autem magis convenire potest in Ecclesia, quam Sacerdoti sacrificium offerenti, cui sicut convenit determinare intentionem suam, pro quo specialiter offertur, sic convenit sibi dispensatoriè, vel dispositivè determinare, cui virtute sacrificii bonum, quod impetratur, reddatur.

*Dices primò:* Non spectat ad instrumentum, quod virtutem habeat applicandi actionem, vel effectum actionis, hoc enim proprium est agentis principali: sed Sacerdos, quantum ad virtutem sacrificii est merè instrumentum, & organum inanimatum; licet enim sit organum vivum, quantum ad meritum personale in celebrando; quia sic meritum celebrationis Sacrificii provenit ex ejus parte, quatenus ipse vivit vita gratiæ; tamen quantum ad illud bonum, quod ex

opere operato provenit ex sacrificio, Sacerdos est tantum organum veluti mortuum ratione sui characteris: quia effectus ille exposito sacrificio infallibiliter sequitur, etiam si Sacerdos non vivat vita gratiæ.

*Negat minorum Doctor ibidem:* Quialicet, inquit, bonum, quod impetratur virtute Sacrificii, non impetretur virtute meriti personalis Sacerdotis, sed virtute meriti Ecclesiæ, in cujus persona fit oblatio, & ob cujus gratiam oblatio acceptatur: & ideo quoad hoc, scilicet tale bonum sic impetrandum, Sacerdos, licet sit merè organum; tamen ratione Ordinis habet gradum notabilem in Ecclesia, propter quem sibi convenit offerre, vel oblationis virtutem determinare, & in hoc non est præcisè organum, sed Minister, & Dispensator.

*Dices secundò:* Bonum, quod non debetur illi, non habet iste jus alii assignandi vel applicandi: sed bonum, quod debetur virtute sacrificii, non habet Sacerdos in quantum celebrans, sed tantum ut est ipse nuntius offerens petitionem Ecclesiæ; & bonum, quod virtute Sacrificii debetur, non sibi debetur; quia eadem esset virtus Sacrificii, si ipse esset in mortali peccato: ergo, &c.

*Respondet Doctor:* Quòd si bonum reddendum virtute sacrificii non debeat Sacerdoti pro se; debetur tamen Ecclesiæ secundum ejus distributionem: quia ipse ex ordine suo est nuntius Sponsæ ad Sponsum, offerens petitiones specialiter pro determinatis personis, & ita dispositoriè, vel dispositivè determinans eis illud, quod pro talibus petitionibus reddetur.

Observat insuper Doctor *ibidem* n. 7. quòd et si Sacerdos sacrificium pluribus applicet, & pro pluribus celebret, quòd ejus devotio non minuat magis, quam si pro uno dumtaxat celebraret: distractio, inquit, non necessario concurret ex hoc, quòd pro pluribus celebratur; quia non oportet celebrantem pro multis tunc de eis actu cogitare, sed sufficit, quòd ante recollegerit istos, pro quibus intendit specialiter orare, & intentionem suam talem Deo obtulerit; ex tunc enim, si tantum in communi memoriam eorum habeat, hoc sufficit, quia Deus orationem, & devotionem suam pro illis acceptat, pro quibus ordinavit prius se velle offerre: & in isto casu verum est, quòd propter multitudinem attentionis actualis ad singulos mi-

nuitur, quia non est ad eos, nisi in communi, sed devotionem, quæ est mentis motus in Deum, non oportet minui. Quam veritatem hoc exemplo illustrat: Non minus, inquit, devotè celebrat quis de omnibus Sanctis quàm de uno Sancto: quia etsi minus distinctè attendat ad quemlibet; tamen attentio ad totam communitatem sufficit ad devotionem, non tantum æqualem, sed majorem, quàm sufficeret attentio ad unum eorum, nisi forte ad illum, in quo eminenter est illud, quod est materia devotionis ad omnes, qui est solus Deus trinus. Sic quando oratur pro multitudine, sive communitate indigente, ut impetretur sibi bonum, quo indiget, major compassio potest haberi, & ita majus desiderium impetrandi illud, quo indiget; quàm si pro uno indigente oraretur, & ita non minuitur devotio, licet minuatur iactantia actualis, & distincta.

## CONCLUSIO SECUNDA.

**M**issæ sacrificii valor, & effectus non est infinitus syncategorematicè, sed finitus; subindeque oblatum pro pluribus minus prodest, quàm si pro uno duntaxat offerretur. Ita Subtilis Doctor supra n. 20. ubi ait: Dici potest, quòd Missa non tantum valet virtute sacrificii applicata pluribus in eodem gradu; sicut si uni soli applicaretur. Probat: Quia bonum, quod debetur virtute sacrificii, correspondet secundum plenam iustitiam alicui merito in Ecclesia: sed illud meritum est finitum, & certi gradus: ergo sibi secundum iustitiam plenam adæquatè correspondet bonum certi gradus reddendum, ita quòd nihil reddatur virtute sacrificii, nisi illud, vel inclusum in illo: ergo si totum illud reddatur illi, nihil virtute sacrificii reddetur illi, quia, quod daretur illi, nec est istud bonum, quod datur illi, nec includitur in illo, ut aliquid ejus, & per consequens ex opposito consequentis, si virtute sacrificii aliquid bonum detur illi, non totum datur illi, quod debetur virtute sacrificii; daretur autem ei totum in medio gradu, si sibi soli specialiter applicaretur. Ita Doctor, quibus aperte demonstrat, Missæ sacrificium esse finiti valoris, ac subinde minus prodesse singulis, dum pro pluribus offertur.

Porrò hujus conclusionis probatio à priori alia non est, quàm Christi D. voluntas, quæ utique ordinavit, ut sua merita, & satisfactiones, quas pro nobis æterno Patri obtulit in cruento crucis sacrificio, non nisi finito modo, ac determinato applicarentur per sacrificium incrementum, quæ utique Christi D. voluntas colligitur ex sensu, & praxi Ecclesiæ: nam, inquit Doctor ibidem n. 3. Si idem numero sacrificium ob suam infinitatem, ex æquo pluribus, imò & infinitis prodesse posset, ac si uni tantum illorum applicaretur, frustra in Ecclesia essent speciales orationes assignatæ, aliæ pro vivis, & aliæ pro defunctis; & iterum pro vivis aliis, & aliis; ut patet in orationibus, & collectis, quæ in Missali Romano assignantur pro diversis personis, statibus, cælibus: frustra, inquam, id ita fuisset præscriptum; quippe non plus valeret illis, pro quibus specialiter offerretur, & oraretur, quàm prodesset generaliter cuicumque fidelium in Ecclesia consistentium.

Sequetur insuper, inquit ibidem Doctor, quòd Sacerdotes, qui non ex stipendio, nec ex aliqua obligatione, sed ex mera devotione celebrant, deberent sacrificium offerre pro omnibus simul fidelibus vivis, & defunctis; & peccarent contra charitatem, quoties locus fieret: nam charitas postulat, ut Missæ sacrificium offeratur pro omnibus, quibus prodesse potest absque aliorum præjudicio, atque ita Sacerdos per unam Missam solvere posset debitum omnium animarum in Purgatorio existentium.

Sequetur tertio, quælibet Sacerdotem unico sacrificio satisfacere posse pro quibusvis foundationibus, & obligationibus pia Testatorum voluntate præscriptis, & sic frustra tot sacrificia pro eisdem personis repeti: quippe cum semel oblatum etiam pro omnibus defunctis remitteret eis omnes penas eorum remissis peccatis debitas. Hoc autem omnino alienum est ab assidue Ecclesiæ praxi, quæ semper censuit, Missæ sacrificium debere, ac posse pluries offerri, etiam pro specialibus, ac privatis personis.

Sequetur tandem, quòd Sacerdos, pluribus ex iustitia obligatus ad Missam, ratione diversi stipendii celebrandam pro pluribus, possit per unam Missam illis debitis facere satis: at hoc est absurdum; sic enim frustraretur fidelium pietas, damnarentur iusta, & æqua pro celebrandis Sacra-

ab Ecclesiæ propofitis taxata stipendia, & laxaretur Sacerdotibus inſeſta avaritiæ lues.

*Reponit Vafquez*, diſp. 331. c. 3. negando hanc ſequelam, *Primo*, quia, inquit, qui ſtipendium tribuit Sacerdoti, non ſolum petit ab eo applicationem Sacrificii, ſed etiam orationes Eccleſiæ, & impetrationem earum, quæ ſunt finiti valoris, ac proinde tantum ſingulis proſunt, ſi inter plures, quàm ſi inter pauciores dividantur.

*Verum contra primo*, Sacerdos ille pro ſingulis poſſet orare, & ſic omnes æqualem effectum impetrationis acciperent, ac ſi pro ſingulis ſeorſum offerret. *Denique*, impetratio Eccleſiæ ſe habet per accidens ad ſolutionem debiti ex parte Sacerdotis; nam excommunicatus, qui Miſſam celebraret ex debito, ſatisfaceret ſuæ obligationi, etiam ſi nomine Eccleſiæ nihil impetraret, quippe cum ab ea ſit præciſus.

*Reponit ſecundo*, Sacerdotem in eo caſu idco agere contra juſticiam, quia cum ſtipendium detur ratione ſuſtentationis, ut qui altari ſervit, vivat de altari, ipſa juſtitia non paritur, ut qui ſemel ab uno in ſuſtentationem ſtipendium accepit, iterum ad idem opus aliud ſtipendium accipiat.

*Verum contra*, inde ſequeretur *primo*, quod qui ſtipendium accepit pro celebrando uno Sacro in Natali Dom. non poſſit iterum ſtipendium accipere pro ſecunda, & tertia Miſſa; quippe cum jam habeat rationem accepti ſtipendii pro prima Miſſa, unde ſuſtinetur illa die, & vivat de Altari. *Secundo*, ſequeretur, quod Sacerdos, qui liberaliter promiſit, ſe celebraturum Sacrum pro uno, poſſe iterum acceptare ſtipendium ab alio pro eodem Sacro faciend; quippe cum Miſſa æquè duobus prodeſſet, ac ſi pro uno dumtaxat offerretur.

*Dices primo*: Sacrificium crucis ſuit valoris infiniti; ergo & Miſſæ sacrificium pariter eſt valoris infiniti. Antecedens communiter admittitur à Theologis; Conſequentia verò probatur: *Tum* quia ſacrificium Miſſæ eſt idem numero cum ſacrificio crucis ex parte rei oblatæ, & principalis offerentis; eſt enim in utroque ſacrificio eadem victima, & idem ſacerdos: *Tum* quia eadem eſt viſſatisfactoria ex opere operato in utroque ſacrificio; nam, ut diximus, Chriſtus nunc de novo non ſatisfacit, ſed per ſacrificium crucis ſemel ſatisfecit, & hæc ſatisfactio applicatur nobis per incrementum Miſſæ ſacrificium.

*Nego conſequentiam*: Quamvis enim ſacrificium crucis fuiſſet infiniti valoris inde non ſequitur, quod ſacrificium incrementum Miſſæ ſit pariter infinitum; quippe id, quod applicat perfectionem cauſæ principalis, in eodem gradu hujusmodi perfectionem non participat.

Porro Miſſæ ſacrificium applicat ſatisfactiones ſacrificii crucis, ac ſubinde non habet eandem virtutem ſatisfaciendi, quam habuit crucis ſacrificium: unde ſacrificium crucis debuit habere quãdam vim infinitam, quia una oblatione Chriſtus conſumere debuit in æternum ſanctificatos; cum enim hoc ſacrificium non eſſet iterabile, debuit extendi ad omnes, & eſſe ſatisfactorium pro omnibus; ſecus eſt autem de ſacrificio Miſſæ, quod Chriſtus voluit pluries offerri, & frequentari; idcirco non debuit habere valorem infinitum, alioquin fruſtrâ fuiſſet repetendum.

*Ad probationes autem dico*: ad *primam* quidem, quod valor oblationis non ſemper repetatur ex parte principalis offerentis, & dignitate rei oblatæ, ſed etiam ex parte applicationis. Porro applicatio meritum Chriſti, quæ ſit per ſacrificium Miſſæ, finita eſt, & determinata, ut conſtat ex praxi Eccleſiæ: igitur, &c. Idem dicendum ad *ſecundam probationem*; licet enim effectus Miſſæ ſacrificii fiat ex opere operato, tamen cum pendat ab applicatione Sacerdotis offerentis, idcirco determinatur juxta determinantis intentionem. Non igitur reſtè inferitur infinitas ſacrificii ex infinitate rei oblatæ, & principalis offerentis, alioquin ſequeretur, quod oblatio, qua B. Virgo Filium ſuum obtulit in templo, habuiſſet valorem infinitum, & ſimiliter oblatio illa, qua Filium ſuum morientem Patri obtulit, fuiſſet infiniti valoris ex parte B. Virginis, ſiquidem Chriſtus in eo ſacrificio erat victima, & principalis offerens. Quamvis ergo hoc ſacrificium ſit idem cum ſacrificio, quoad principalem offerentem, & victimam oblatam, inde non ſequitur, quod ſit ejusdem valoris quoad oblationem; nam oblatio in hoc ſacrificio eſt actio Sacerdotis, quæ eſt finiti valoris; oblatio verò quæ facta fuit in ſacrificio crucis, erat infiniti valoris, & dignitatis ex ea parte, qua procedebat ex perſona infinita, & increata Verbi.

*Objicies ſecundo*: S. Hieron. ut refertur de conſecr. diſt. 5. cap. Non mediocriter,

815

ait: *Dum pro centum animabus Psalmus, vel Missa dicitur, nihil minus, quam si pro una qualibet earum diceretur, accipitur: sed id dici non posset, si sacrificium non esset infiniti valoris.*

*Respondet primò*, certò non constare, quòd ea sententia sit S. Hieron. *Secundò*, responderet Doctòr, illius legitimum sensum esse, quòd uni Sacerdoti non minus profuit unica Missæ celebratio, & recitatio attentata, & cum fervore spiritus paucorum psalmorum, quàm multiplex remissa, & frigida cum tristitia spiritus, & cordis anxietate; unde immediate hæc verba præcedunt: *Melior est quinque Psalmotum decantatio cum cordis puritate, & serenitate, & spirituali hilaritate, quàm totius Psalterii modulatio cum anxietate cordis, & tristitia.* Quæ verba, *inquit Doctòr*, dixit S. Hieronymus, si tamen reverà dixerit, ad consolationem Monachorum, qui, si pro multis orare teneantur, non est necessum, quòd propter ea plures fundant orationes, quæ eis tedium inferrent, sed facius est, quòd pauciores Missas, & Psalmos celebrent cum devotione, & fervore spiritus.

*Obijciat tertio*: Bonum spirituale proportionatur spiritui, & spiritus, v.g. Angelus est ubique totus, & non per partes communicatur, sed est totus in toto, & totus in singulis partibus: ergo bonum spirituale, & per consequens fructus sacrificii communicatur sine divisione, & ita non diminuitur, licet pluribus communicetur.

*Respondet Doctòr n. 8.* Spiritus. celsi extensivè non dividatur, tamen numeratè spiritus à spiritu distinguitur: sunt enim singulorum corporum animatorum singulæ animæ, & illæ habent bonitatem naturalem magis extensivè, quàm una ex eis: imò æquivalentem bonitati magis intensæ, secundum illud S. Augustini 7. de Trinit. cap. 6. *Plus sunt aliquid homines duo, quàm unus homo.* Et per hoc distinguitur pluralitas in Divinis à pluralitate in creaturis, quia plus aliquid hic sunt duo, quàm unum, non sic ibi. Unde subdit: *Non enim major essentia est Pater, & Filius, & Spiritus sanctus simul, quàm solus Pater, aut solus Filius.* Bonitatis etiam plures spirituum sunt majoris valoris, & ideo requirunt plura bona, vel unum majus

bonum propter quod retribuatur. Non enim, qui orando meretur vivificare unum mortuum; eadem ratione, æquè meretur vivificationem quorumcumque mortuorum. Ita dico, quòd bonum spirituale communicatur sine divisione quantitativa: secundum extensionem tamen communicatur cum distinctione, scilicet aliud alteri, & ita requiritur distinctum meritum, propter quod reddatur, & hoc dico æquale intensivè.

*Insuper*: Saltem bonum spirituale non communicatur per partes: ergo si virtute hujus Missæ debetur bonum utique tantumquam unum totale præmium; illud non reddetur per partes, sic scilicet, quòd pars dabitur uni, & pars alteri.

*Respondet Doctòr n. 9.* ex S. Augustino 6. de Trin. c. 8. In his, quæ non mole magna sunt, hoc est, majus esse, quòd est melius esse. *Subjunct*: Duo verò bono æqualia sunt meliora altero: ergo in eis est major bonitas; majus autem licet non possit actu dividi, tamen totum æquantur plura parva, quàm medietas; & in illis parvis est distinctio, & pro illo uno magno, licet in se indivisibili, tamen divisibili, vel magis distinguibili in æquivalentia possent illa multa reddi. *Applicat ad propositum*: Si hic tanto merito debetur adæquatè tantum: illud in se dividi non potest, sed tamen illi æquivalere possunt multa bona minora, & ita ipsum potest dividi valore, dum pro ipso diversa bona minora distinctè reddantur. Non ergo illud bonum spirituale realiter per partes datur, sed datur in multis bonis minoribus, quæ respectu illius boni habent partialem valorem.

*Urgetur*: Qui spiritum recipit, totum spiritum recipit: ergo similiter, qui aliquod bonum spirituale recipit, recipit ipsum totum.

*Respondet Doctòr*: Si possibile esset, eundem spiritum distribui multis in valore, sicut hic est possibile de bono reddendo virtute orationis, unicuique minus bonum daretur: & fortè etiam spiritus minus communicaretur, si transscenderet suum susceptivum proportionatum; sicut fortè anima non æquè vivificaret corpus quantumcumque cresceret; sed passo proportionato æquè communicatur: in proposito receptivum propor-

,, tio-



tionatum bono illi, quod est reddendum pro merito, est una persona, & quod datur illi, datur non per partes.

*Inflabit denique:* Aliqua etiam corporalia non minus communicantur pluribus, quam paucioribus, ut patet de lumine candelæ æquæ plura illuminabilia illuminantis, ac si unicum eorum tantum illuminaret: Patet etiam in voce, quæ æqualiter simul immutat auditum plurium audientium, ac si unum illorum solum immutaret: igitur à pari bonum spirituale valoris Sacrificii pluribus applicatum non minus proderit singulis, quam si uni tantum applicaretur.

*Respondet* Subtilis Doctor n. 11. Cum dicitur, quod æquæ illuminantur plura illuminabilia, sicut unum, verum est, quando illa plura sunt partes ejusdem illuminabilis adequatæ; puta, quando sunt contenta in eadem sphaera, sive intra eandem sphaeram respectu illuminantis, ut contentum. In proposito autem, duo illi, pro quibus oratur, non sunt per se partes unius, quod sit susceptivum adequatum boni reddendi virtute orationis: sed uterque per se est susceptivum adequatum. Ita Doctor. Fateor equidem, quod Deus potuit efficere, & ordinare, ut Missæ Sacrificium æqualiter proderet pro pluribus, ac plures æqualiter ab eadem candelâ illuminantur: non tamen ita statuit, sed potius voluit, ut fructus, & valor Missæ se haberet ad modum pecuniæ, quæ divisa inter multos minus prodest. Quod ita ordinaverit, constat ex dictis in confirmatione nostræ sententiæ.

*Obijciunt denique:* Idem Sacerdos unica actione plures baptizare potest: ita ut omnibus æqualis conferatur gratia ex opere operato: ergo pariter offerens Missæ Sacrificium pro pluribus, æqualiter proderit, & valebit omnibus illis ex opere operato. Consequentia patet, quia tam Sacramentum, quam Sacrificium hoc valorem suum habent præfertim ex opere operato. *Confirmatur,* quia per Sacrificium Missæ virtus meritorum Christi nobis applicatur, quæ certe non minuitur ex eo, quod pluribus applicetur: ergo Sacrificium, per quod applicatur, cum pro multis offertur, eodem modo singulis proderit, ac si pro paucioribus offerretur. Tandem certum est, Sacerdotem in Missa commemorationem facere non solum ejus, qui stipendium dedit pro sacro, sed etiam aliorum, ut propinquorum, & amicorum, quod utique non liceret, si ob id in ejus

fructu, qui dedit elemosynam detrimentum aliquod pateretur.

*Nego consequentiam:* Quia, inquit Doctor in 4. dist. 6. q. 2. cum Sacramentum Baptismi sit ablutio passiva, sequitur, quod tot erunt Sacramenta Baptismatis, quot homines abluti; atque adeo multiplicato Sacramento, multiplicabitur etiam illius effectus: Missæ verò Sacrificium pluribus applicatum solum est unicum; unde ex opere operato unicum habet effectum.

*Ad primam confirmationem* nego pariter consequentiam, licet enim per Sacrificium Missæ virtus meritorum Christi nobis applicetur; non tamen applicatur ad æqualitatem, & cum omni plenitudine, inquit Doctor, sed tantum inadæquatè, & quoad determinatos effectus.

*Ad secundam confirmationem* respondet Doctor, quod, quando Sacerdos obligatus ex stipendio accepto ad celebrandam Missam pro aliquo; nihilominus insuper erat in Memento pro amicis, propinquis, &c. non sic orat, quasi specialiter intendat illis quoque applicare valorem Sacrificii, qui ei ex opere operato correspondet; hoc enim totum quoad substantiam, & fructum tenetur applicare illi, qui stipendium dedit: sed tantum applicat fructum, qui ex Sacrificio provenit per modum imperationis ex opere operantis, sive ex merito personali. Quod utique legitime præstare potest, quia per huiusmodi fructus particularis applicationem, nihil detrahitur fructui correspondenti oblationi, quæ sit in persona Christi, in utilitatem ejus, qui stipendium dedit.

Petes 1. *An Sacerdos possit licitè, & legitime accipere simpliciter stipendium pro celebratione Missæ.*

Affirmo cum omnibus Theologis, Idque probatur ex illo Lucæ 10. *Dignus est operarius mercede sua:* Iustum enim est, ut qui in bonum aliorum applicantur ministrando spiritualia, mutuo ab illis ad vitam temporalem fovendam & sustentandam necessaria accipiant, ut egregie probat Apost. 1. ad Cor. 9. *Quis, inquit, militat suis stipendiis nunquam, quis plantat vineam, & de fructu ejus non edit? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dicit? Scriptum est enim in lege Moysi: Non alligabis os bovi trituranti. Nunquid de bobus cura*

*cura est Deo? An propter nos utique hoc dicit?* Nam propter nos scripta sunt, quoniam debet in spe, qui erat, arare: & qui triturat, in spe fructus percipiendi. Si nos vobis spiritualia seminavimus, magnum est, si nos carnalia vestra metamus? Si alii potestatis vestre participes sunt, quare non potius nos? Sed non vbi sumus hac potestate: sed omnia sustinemus, ne quod offendiculum demus Evangelio Christi. Nescitis, quoniam qui in sacrario operantur, quæ de sacrario sunt, edunt, & qui altari deserviunt, cum altari participant? Ita & Dominus ordinavit iis, qui Evangelium annuntiant, de Evangelio vivere. Quibus verbis significat Apostolus, non solum eos, qui Evangelium annuntiant, sed etiam quæ in offerendo Sacrificio altari deserviunt, posse legitimè pro beneficiis spiritualibus impensis temporalia ab eis, quibus spiritualia largiuntur, accipere; unde nihil mirum si Ecclesia approbat praxim accipiendi stipendii pro impenso labore, & opere in celebratione Missæ.

Nec obstat, quod in hoc interveniat pactum aliquod, in quantum datur stipendium, ut fiat sacrum, & vicissim fiat sacrum, ut accipiatur, vel propter acceptum stipendium: Nulla enim in hoc intervenit Simoniz labe, quia stipendium non datur pro ipsa Missa, quasi esset illius pretium: sed, inquit Doctor q. 20. quodlibetica ad 3. art. principalem, elemosina liberaliter offertur cum petitione orationis; & recipiens elemosinam tenetur secundum iustitiam exaudire mendicantem orationem suam: & tunc ex iustitia liberaliter tomen, scilicet sine conventionione, & computatione obligat se ad orandum pro benefactore; vel si est communis aliqua, Prelatus ejus se pro tota obligat: vel ipsam totam obligat, vel ipsa tota se totam obligat, & qualibet istarum obligationum potest esse stricta, licet non sit secundum commutationem hujus pro illo.

Itaque stipendium non datur pro ipsa Missa: sed vel pro sustentatione Ministri, vel pro ipso externo ministerio, quæ sunt aliquid temporale. Unde justum Missæ stipendium non debet mensurari penes valoris Sacrificii; qui etiam sic non sit infinitus formaliter, tamen adeo summus est, ut nullum bonum temporale possit ipsi ex æquo comparari. Neque etiam mensurari debet penes effectum, quem consequitur ille, cui Sacrificium applicatur; quia effectus illi per se primò sunt quid spiritualia; licet in-

terdum tendant in consecutionem rei temporalis: sed stipendium mensurari debet vel ex lege Ecclesiastica illud taxante; vel ex iusta & rationabili consuetudine, vel, si hæc deficiunt, ex honesta, & frugali Sacerdotis in unum diem sustentatione. Quapropter stipendium majus legitimè exigi non potest, quàm quod à Superiore potestatem habente, puta Episcopo, vel ejus Officiali taxatum est: vel si taxatum non fuerit, exigi non potest majus, quàm quod communi consuetudine receptum, & approbatum est à viris prudentibus, & timen- tibus Deum; quod tamen non impedit, quin Sacrificium offerri postulas, longò uberius stipendium, quàm illud, quod taxatum est, ex liberalitate possit largiri.

Peres 2. Utrum quando quis potest ut secundum suam intentionem plura celebrentur Sacra, nec dat justum stipendium pro singulis, possit Sacerdos propria auctoritate numerum Missarum ita determinare, & recipere, ut conveniens stipendium pro singulis habeat.

Affirmant multi Casuistæ: Quia, inquit, tunc fit injuria Sacerdoti, à qua potest seipsum redimere; quamvis promiserit pro quolibet modico uno stipendio se Missam celebraturum: non secus ac famulus & operarius, cui condigna merces non tribuitur, potest damnum suum, ut potest, refarcire.

Verum præter quàm quòd hæc sententia periculoso fundamento nititur, mihi omnino videtur improbanda: Tum, quia directè militat in fidelitatem servandam in omnibus pactis, vergitque in fraudem, & deceptionem illius, qui Sacrificia postulat, quique tot Sacrificia alibi certò potuisset obtinere, in illis nempe locis, in quibus minora sunt taxata stipendia; quia non ita carè vivitur: Tum, quia hanc sententiam tantam minus tutam proscriptis sacra Cardinalium Congregatio, ordinata secundum determinationem Concilii: nam die 24. Julii anno 1625. inter cætera hæc decrevit: Pro pluribus Missis, etiam ejusdem qualitatibus celebrandis plura stipendia, quantumcumque incongrua, & exigua, sive ab una, sive à pluribus personis collata fuerint, aut conferantur in futurum Sacerdotibus, sacra Congregatio sub oblatione divini judicii mandat, ac præcipit, ut absolute tot Missæ celebrentur, quot

quot ad rationem attributæ elemosynæ præscriptæ fuerint: alioqui graviter peccant, & ad restitutionem tenentur.

Petres denique: *Utrum quis accepto iusto, & taxato in sua Dioecesi stipendio pro Missis celebrandis, possit curare totidem Missas in alia Dioecesi celebrari pro minori stipendio, remissa sibi aliqua accepti stipendii parte; puta si quis 24. aut 30. asses Parisiis exceperit pro duabus Missis celebrandis, possit curare totidem Missas celebrari in ea Dioecesi, in qua tantum quinque aut sex asses taxantur pro stipendio.*

Affirmant Suarez disp. 86. sect. 3. Emanuel Sa, & nonnulli alii ex recentioribus Casuistis; quia, inquit, hoc in casu non fit injuria nec danti stipendium; quippe eodem tot sacra pro eo celebrentur, quae ipse postulavit; nec Sacerdoti Missas dicens; quia datur ei justum stipendium secundum ordinationem suæ Dioecesis. Verum hæc sententia mihi videtur omnino improbanda. Tum, quia Sacerdos ille, qui 24. vel 30. asses recepit, & tantum 10. aut 20. largitur, nullum habet jus retinendi partem residuam hujus pecuniæ, neque titulo gratuito, quoniam hæc residua pars ipsi non donatur, neque à vero Domino illius pecuniæ, neque à Sacerdote dicente illas Missas; unde facit utrique injuriam, retinendo partem pecuniæ, quæ destinata fuerat pro legitimo stipendio. Nec habet etiam jus in eam partem pecuniæ titulo onerario; quippe cum ipse non subeat onus dicendi Missam, neque tantum laboret in querendo Sacerdotem, qui has Missas celebret, ut propter eum laborem iussit sibi retinere possit illam pecuniæ partem: Tum, quia hæc sententia omnino proscripta fuit ab eadem sacra Congregatione Concilii, quæ supra; eodem enim decreto definit, non posse Sacerdotem majori accepto stipendio pro celebratione Missæ partem ipsius retinere; *Sacra Congregatio, inquit, omne dampnabile lucrum ab Ecclesiâ removere volens, prohibet Sacerdotem, qui Missam suscepit celebrandam cum certa elemosyna, ne eandem Missam alteri, parte ejusdem elemosynæ sibi retenta, celebrandam committat.*

Nec obstat, quod Julius II. dicitur concessisse Generali Ordinis nostri, qui tunc erat, ut in sua visitatione posset sic in multitudine Missarum dispensare, ut in qualibet Missa posset recitari novem orationes, seu

Collectas, & quilibet Collecta valeretur pro una Missa, quam concessionem extendit Leo X. anno 1613. ut quilibet Generalis futurus idem facere posset. Et super valore istarum concessionum consultus Navarrus, respondit lib. 5. Conciliorum tit. de Privilegiis, valere eam concessionem, licet ea utendum esset cum magna consideratione, nec posse sine magna necessitate recipi talem numerum Missarum, cum proposito decipiendi illos, qui pro talinúmero Missarum elemosynas offerunt.

Insuper, idem Leo X. dicitur concessisse Patribus nostri Ordinis, quod si elemosyna non æquivaleret uni regali, possent unica Missa satisfacere, etiam si duas, vel tres, aut quatuor celebraturi essent occasione plurium elemosynarum, ut refertur in Compendio Privilegiorum Fratrum Minorum, verbo *Missæ*, ubi idem ab eisdem Pontificibus concessum Patribus Minimis, refert Laurentius Perinus.

Hæc, inquam, non obstat: Tum, quia omnia ista privilegia censentur revocata per supra dicta Decreta Congregationis approbata, & confirmata auctoritate summi Pontificis: Tum, quia, ut observat præfatus Auctor Privilegiorum nostri Ordinis: hæc omnes concessionis Pontificis sunt surreptitiae: Tum etiam, quia essent concessæ in præjudicium animarum, & æqui ac iusti regiminis Ecclesiæ; ac sunt repudiandæ.

Inde tamen inferre non licet, quod qui habet beneficium, ratione cujus debet singulis diebus Missam celebrare, teneatur omnem illius beneficii fructum eo die obvenientem ei largiri, cui Missam celebrandam commendat; nam beneficii cujuscumque fructus non solum obvenit propter celebrationem Missæ, sed etiam propter recitationem Officii, & dignitatem, ac necessitatem status Ecclesiastici; quapropter ex æquo satisfaciatur largiendo celebranti Missam taxatum stipendium in ea Dioecesi, in qua commorantur.

Plures sunt alie similes hæc de reformari solite questionculæ; de quibus consulere poteris Theologos Morales, seu Casuistas; sed cave à laxioribus, quia lata porta, & spatiosa via est, quæ ducit ad perditionem, & multi sunt, qui intrant per eam. Quam angusta porta; & ardua via est, quæ ducit ad vitam! & pauci sunt, qui inveniunt eam. Faxit Deus ut eam, & invenire, & per eam ad æternæ felicitatis sacrarium pervenire valeamus.



fectu dicitur *Confirmatio*, quia nisi aliquis obex interveniat, Christiani, qui per Baptismum nascuntur in Christo; suntque, ait S. Petrus epist. 1. c. 1. *quasi modo geniti infantes*, per hujus Sacramenti virtutem, & divini unguenti perfusionem tanto robore firmantur, tantaque donantur animi fortitudine, & constantia, ut Christi fidem, ac Religionem generosissimè coram sevientibus etiam tyrannis profiteantur: nulloque poenarum, ac suppliciorum terribilimento à recta fide, & pietate deterreri possint. A *cæremonia*, qua hoc Sacramentum suscipientes consignantur in fronte, appellatur à S. Clemente epist. 4. *Consignatio*, à S. Cypriano epist. 73. *Signaculum Dominicum*, quibus prelusit Apostolus ad Ephes. 4. scribens: *Nolite contristare Spiritum S. in quo signati estis*. Ratione *materia*, ex qua conficitur, appellatur à S. Dionysio de Ecclesiastica Hierarchia cap. 4. *Perfuditrix unctio*, *consummatio*, quod Christianum consummatum efficiat, perficiat, & absolvat; cum enim Christianus dicatur à Chrismate, non censetur eo nomine dignus, qui non est unctus. Ab eodem etiam ibidem appellatur, *Unguentum divinum*, ac *desicium*; eo quippe Christianus delibutus unguento necdum ipsemet Christo, idest, Uncto assimilatur, sed & tanta S. Spiritus plenitudine perfunditur, ut per hæc magna, & pretiosa dona efficiatur confors divinae naturæ. A *ritu*, quo Sacramentum illud conferre solebant Apostoli, vocari solet à Patribus, maxime Græcis, *Manus impositio*, juxta illud Actor. 8. *Tunc imponebant manus super eos, & accipiebant Spiritum sanctum*. Aliis etiam plurimis hissimilibus gloriæ titulis illustrari solet à SS. Patribus, ut constabit in hujus Disputationis decursu, maxime verò in præfati Articulo, quem tribus questionibus absolvemus: quarum *Prima*, hujus Sacramenti essentiam generatim: *Secunda*, illius materiam: *Tertia*, ejusdem formam speciatim explicabit.

### Q U Æ S T I O P R I M A.

*Utrum Confirmatio sit verum, ac propriè dictum novæ legis sacramentum, & quando nam à Christo fuerit institutum.*

**N**otandum primò, mirum non esse, quod hæretici post ejuratam Christi fidem, etiam Confirmationem, Christianitatis Sa-

cramentum abjiciant; cum enim Christianus dicatur à Chrismate, sicut Christus ab unctione, non potuerunt illi conferre sacra, & Christianæ unctionis Sacramentum, qui Christi legem, & religionem evertere, ac pessumdare moliti sunt. Præ cæteris autem hujus Sacramenti impugnatoribus insensissimi extiterunt *Novatiani* ex Theodoro lib. 3. hæreticarum fabularum, ubi ait, eos non obsignare Chrismate, quos baptizant, quod Novatus in lecto decumbens baptizatus fuerit sine consecutis Baptismi cæremoniis, nec postea ab Episcopis fuerit confirmatus. Quod etiam testatur S. Cornelius summus Pontifex epist. ad Fabium Antiochenum, quam refert Eusebius lib. 6. c. 35. ubi loquens de Novato, ait: *Neque Domini sigillo ab Episcopo consecratus fuit, quo quidem neutiquam potius, quomodo, quæ, &, spiritum sanctum adeptus est?* Ariani similiter hoc Sacramentum contempserunt, ut colligitur ex Concilio Nicæno can. 31. Arabico, & Arclatensi 2. can. 17. & Trullensi can. 95. *Donatista* pariter in hoc Sacramentum contumeliosi fuerunt, ut scribit Optatus lib. 2. contra Parmenianum, ubi refert, ampullam vitream sacri Chriftomatis à Donatistis projectam per tenebram, divinius servatam fuisse illæam.

Eundem errorem innovavit *Voicestus* lib. 4. Trialogi cap. 14. ubi negat probari posse hoc Sacramentum ex Scriptura: adijcit insuper nonnullos dicere illud à diabolo introductum, quos ipse non reprehendit. Ita refert Thomas Vvaldenis tomo 2. cap. 111. Verum sicut post hominum memoriam sacrorum rituum insensissimi fuerunt Lutherus, & Calvinus, etiam præ cæteris in hoc Sacramentum desavierunt; *Lutherus* enim lib. de captivitate Babylonica, illud appellat inventum purè humanum: *Mirum*, inquit, *quid illis in mentem venerit, quod sacramentum Confirmationis fecerunt ex manuum impositione*.

Calvinus autem lib. 7. Institut. cap. 19. num. 5. cum retulisset ritum administrandi hujus Sacramenti, & illud fictitiam Confirmationem appellasset, subdit: *Pulchrè, & venustè, sed ubi Dei Verbum, quod Spiritus sanctus præsentiam hic promittit: ut vota quidem obsequere possunt: unde ergo nos certiores faciemus, Christum suum esse vas Spiritus sancti? Videmus oleum, crassum scilicet, & pinguem liquorem, præterea nihil. Quoniam autem hæc ad ejus impietatem non*

non sufficiebant, addit numero octavo, *Verum definire hanc confirmationem possum, quam ipsi baptizati definiunt: nempe insignem esse baptismi contumeliam, quæ usum ipsius obscurat, imò abolet: falsum esse diaboli pollicitationem, quæ nos à veritate Dei abstrahit: aut si maior, oleum diaboli mendacio pollutum, quod velut offusis tenebris simplicium mentes fallit: Deinde ore pectus oblatrans in Sanctum Melchiam, quod in celebri sua epistola ad Episcopos Hispaniæ scripsisset, Confirmationem præstantius esse sacramentum, quam Baptismus, sic cum verbis maledicis, & contumeliosis interpellat. Os sacrilegum, tunc pinguedinem furore dumtaxat anhelitus tui inquinatam, & verborum murmure incantatam, aude: Christi sacramentum opponere, & conferre cum aqua verba Dei sanctificata? At parum hoc ipsum erat tue improbitatis, nisi etiam præferres; Hæc sunt sancta Sedis responsa, hæc Apostolici iripodis aracula. Ut autem obstruatur os loquentium iniqua,*

Notandum secundò, ex Hincmaro Rhemenfi Episcopo lib. de variis capitulis Ecclesiasticis c. 16. multiplicem antiquius frequentatam fuisse, sed maxime quadruplicem manuum impositionem; nempe curativam, ordinativam, reconciliativam, & confirmativam. Prima erat ad fugandos corporis morbos, & exerendam saluiferam illam virtutem, quam Christus D. Apostolis, ac in eum credentibus promissit, his verbis Marci ult. *Super agros manus imponent, & bene habebunt. Secunda*, nempe ordinativa est, quæ Sacrorum Ministris constituitur, de qua S. Paulus 1. ad Timoth. 4. *Noli negligere gratiam, quæ in te est, quæ dato est tibi per impositionem manuum Presbyteri.* Et iterum c. 5. *Nemini cuius manus imposueris.* Tertia, cujus frequens est mentio apud veteres, erat reconciliativa, quæ Pœnitentes ad gratiam Absolutionis admittentibus; illius enim meminit Concilium Carthagin. quartum can. 8. Agathenæ can. 11. Araulicanum primum c. 3. ubi loquens de Pœnitentibus infirmis absolvendis, ait: *Quod si supervenerint, sicut in ordine Pœnitentium, ut offensu necessariis pœnitentiæ fructibus legitimam Communionem cum reconciliatoria manus impositione recipient.* De eaprice, inquit Hincmarus, loquitur S. August. lib. 3. de Baptismo c. 16. eum ait: *Manus impositio, non sicut de Baptismo, repeti non potest, quid enim est aliud, quam oratio super*

*hominem? Quarta denique erat confirmativa, quæ Spiritus S. plenitudinem longè, quàm in Baptismo, majorem Apostoli largiebantur, juxta illud Act. 8. Tunc imponebant manus super eos, & accipiebant Spiritum sanctum.* Porro de hac postrema manus impositione nobis futurus est sermo in sequentibus.

Notandum tertio, ex Concilio Florentino in decreto de Armenis, quo loco illius manus impositionis confirmativa, datur in Ecclesia Confirmatio, & cum cæteris unctioes simplex Sacerdos valeat exhibere, hanc non nisi Episcopus debet conferre, quia de solis Apostolis legitur (quorum vices tenent Episcopi) quod per manus impositionem Spiritum sanctum dabant. Quoniam autem hæc Confirmatio simul cum Baptismo solebat antiquitus concedi: idcirco interduum cum ipso Baptismo à nonnullis è SS. Patribus confundi videtur, quod etiam scissæ colligit S. Petrus, dum Act. 2. ait Judæis conversis Pœnitentiam agite, & baptizari ut unusquisque vestrum in nomine Jesu Christi, in remissionem peccatorum vestrorum, & accipietis donum Spiritus sancti; etenim per hunc donum Spiritus sancti, non obscurè Confirmationem significat, quippe per solum Baptismum in Scriptura nullibi legitur datus Spiritus sanctus, idest, ejus donorum plenitudo, qualiter conferri solet in Confirmatione, quibus ita præmissis, sit

## CONCLUSIO PRIMA.

Confirmatio est verum, ac propriè dictum nova legis sacramentum. Hæc assertio est de fide expressè definita in Concilio Florentino in decreto de Armenis, & Tridentino sess. 7. de hoc Sacramento canone 1. his verbis: *Si quis dixerit, Confirmationem aliosam ceremoniam esse, & non potius verum, & propriè dictum sacramentum: aut olim nihil aliud fuisse, quàm Ecclesiæ quamdam, quæ adolescentie proximi fides suæ rationem coram Ecclesia exponant, anathema sit.* Ejusdem etiam meminerunt Laodicenum, canon. 48. Oportet, inquit, baptizari sacratissimum Christum percipere, & celestis regni participare fieri. Et Eliberitanum can. 38. ubi statuit: *Peregrini navigantes, aut si Ecclesia in proximo fuerit, posse fidelem, qui lavacrum suum integrum habet, nec sit bigamus, baptizare in necessitate infirmitatis possum Ca-*

rectum enim; itaut si supervixerit, ad Episcopum cum perducatur.

Hæc autem veritas aperte colligitur è Scripturis sacris, maxime verò ex illo ad Ephes. 11. *In quo* (scilicet Christo) *et credentes signati estis Spiritu promissionis sancto, qui est pignus hereditatis nostre.* Et cap. 4. *Nolite contristare Spiritum sanctum Dei, in quo signati estis in die Redemptionis.* Dicimur autem per Confirmationem signati Spiritu promissionis, quia Dominus pollicitus est se miserum Spiritum sanctum, ut patet Joan. 14. 15. & 16. Dicuntur verò fideles, quos alloquitur Apostolus, signati in die Redemptionis, id est, in die Baptismi, in quo baptizati à peccati servitute redempti, & liberati simul ab Apostolis confirmabantur. Hæc autem signatio sine unctione non fiebat, ut idem Apostolus innuit 2. Cor. 1. *Qui autem confirmat nos voscum in Christo, et unxit nos Deus, qui et signavit nos, et dedit pignus in cordibus nostris,* per manus scilicet Antistitum: nam de sacramento Confirmationis verba illa S. Ambrosius lib. de iis, qui initiantur, cap. 7. interpretatur: *Repeto, inquit, quia accepisti signaculum spirituale, spiritum sapientiæ, et intellectus, spiritum consilii, atque virtutis, spiritum cognitionis, atque pietatis, spiritus sancti timoris, et serva, quod accepisti. Signavit te Deus Pater, confirmavit te Christus D. et dedit pignus Spiritus in cordibus tuis, sicut apostolica Lectio didicisti.* Ita etiam ex S. Chrysostomo locum illum intellexit Occumenius: *Qui in veteri Testamento, inquit, ungebatur, aut Sacerdotes erant, aut Prophete, aut Reges. Et nunc, inquit Apostolus, unguimur, ut Reges quidem, efficiamur, principatus super affectiones habentes.*

Eandem veritatem indicat S. Joannes epist. 1. cap. 2. *Sed vos, inquit, unctionem habetis à Sancto, et nescitis omnia.* Verba enim illa interpretatur S. Athanasius de Confirmatione, epistol. ad Serapionem his verbis: *Christus dicitur spiritus, et sigillum est, cum Joannes scribat: Unctio, quam accepisti ab eo, manet in vobis. Et in Ioh. idem scriptum est: Spiritus Domini super me, eo quod unxerit me.*

Colligitur pariter hæc veritas ex gestis Apostolorum, qui passim leguntur per manus impositionem contulisse Spiritum sanctum. Sic Actor. 8. *Oraverunt pro ipsis, ut acciperent Spiritum sanctum; nondum enim in quicquam illorum venerat, sed baptizati* *Fraßen Theol. Tom. XI.*

*tantum erant in nomine Domini Jesu; tunc imponebant manus super illos, et accipiebant Spiritum sanctum.* Quibus significatur, quod etiam si jam Samaritani fideles baptizati exceperant Spiritum sanctum, unà cum gratia sanctificante, per Baptismum collata; nihilominus dicuntur illum non exceperisse, quia videlicet illam S. Spiritus plenitudinem per Confirmationem conferri solitam, ac uberissimam illius donorum plenitudinem nondum exceperant. Idem refertur cap. 19. ubi legimus, quod cum S. Paulus eos, qui baptizati erant Baptismo Joannis, jussisset iterum baptizari, manus eis imposuit, & venit Spiritus sanctus super eos.

Ex quibus omnibus sic formari potest argumentum: Omne signum sensibile gratiæ sanctificantis divinius institutum, est verum, ac perfectum novæ legis sacramentum, sed talis est Confirmatio: igitur &c. Majorem ultrò admittunt hæretici. Minor verò probatur: Illa manuum impositio, quam usurpabant Apostoli, erat verum sacramentum; liquidem erat *primo* signum sensibile: *Secundo* per illam conferebatur infallibiliter gratia; quippe cum daretur Spiritus sanctus: *Tertiò*, divinius erat institutum; nam Apostoli propria auctoritate non potuissent aliquod signum instituire, ut ad ejus collationem certò, & infallibiliter daretur Spiritus sanctus, sed illa manus impositio aliud non erat sacramentum, quam Confirmatio; non enim erat Baptismus, quandoquidem fiebat post Baptismum, & jam baptizatis conferebatur, ut ex statim dictis liquet: igitur distinctum à Baptismo erat sacramentum.

Reponunt *primo* hæretici, illam manuum impositionem fuisse tantum cærimoniam quandam Baptismi, qua Apostoli baptizatos Deo commendabant, & offerebant, atque pro ipsis orabant.

Verum *contra* *primo*, id gratis dicitur, & sine ullo scripturæ, & SS. Patrum testimonio: *Secundo*, mendaciter & falso, quippe cum per illam manuum impositionem daretur Spiritus sanctus majori plenitudine donorum, quam in Baptismo fuisset collatus, ac subinde illa cæremonia nobiliorem dignitatem, ac virtutem habebat, quam Baptismus: *Tertiò*, imperitè; si enim illa manuum impositio fuisset dumtaxat levis quedam Baptismi cæremonia, & nuda Baptizatorum oblatio, potuisset adhereri à quocunque, qui pos-

posset Baptismum conferre: hoc autem repugnat Scripturæ; quos enim Philippus Diaconus baptizaverat Samaritæ, eisdem ita Deo non obtulit, nec manum eis imposuit, ut S. Spiritus plenitudinem acciperent, sed ad hoc beneficium conferendum missi sunt SS. Petrus, & Joannes Apostoli.

*Reponunt secundò*, per Spiritum sanctum oollatum per manus impositionem, non intelligi gratiam sanctificantem, & gratum facientem, sed gratias gratis datas, putà donum linguarum, & Prophetiæ.

*Verùm* quàm futilis, & inanis sit hæc elusio, probatur *primò*, quia Spiritus sanctus non dicitur dari per collationem gratiarum gratis datarum, sed per infusionem gratiæ sanctificantis, & charitatis, quæ diffunditur in cordibus nostris per Spiritum sanctum: *Secundò* gratiæ gratis datæ non conferebantur omnibus, sed aliquibus tantum, prout Ecclesiæ expediebat. Unde Apostolus 1. ad Cor. 12. *Numquid omnes Prophetæ? Numquid omnes loquuntur linguis?* &c. Sed donum Spiritus sancti tribui solitum per manus impositionem, conferebatur omnibus, quibus ab Apostolis manus imponebantur. Unde S. Petrus Act. 2. probat ipsum eundem Spiritum, quem acceperunt Apostoli in die Pentecostes, omnibus dandum esse fidelibus, & effundendum super omnem carnem. Porro Apostoli in die Pentecostes nedum acceperunt gratias gratis datas, sed etiam gratiæ sanctificantis augmentum, & divinum robur, cælestemque virtutem ad Christi fidem, & Religionem animosè propagandam, ut ipsemet Christus D. promiserat Lucæ ult. *Sedete in civitate, donec induamini virtute ex alto.* Et Act. 1. *Accipietis virtutem Spiritus sancti, & eritis mihi testes in Judea, &c.*

*Reponunt terciò*, illam manuum impositionem fuisse dumtaxat quamdam ceremoniam à Christo institutam, qua conferebantur egregia Spiritus S. dona ad illustranda, & facilius stabilienda Ecclesiæ nascentis exordia, qualis etiam erat virtus patranda miracula: at hoc beneficium cum ipsis Apostolis defuisse, upote cum jam non conferantur ea dona cum signis sensibilibus linguæ igneæ.

*Verùm* hæc responsio directè militat in SS. Patres; nam S. Cyprianus epist. 73. loquens de Samaritanis baptizatis à Philippo Diacono, cum dixisset: *Quia legitimum, & Ecclesiasticum Baptismum consecuti fuerant,*

*baptizari eos ultra non oportebat: sed tantummodo, quod deerat, id à Petro, & Joanne factum est, ut oratione pro eis habita, & manu imposta invocaretur, & infunderetur super eos Spiritus sanctus.* Statim subdit: *Quod nunc quoque apud nos geritur, ut qui in Ecclesia baptizantur, Præpositis Ecclesiæ offerantur, & per nostram orationem, & manus impositionem Spiritum sanctum consequantur, & signaculo Dominico confirmetur.* Et S. Augustinus lib. 15. de Trinitate cap. 26. *Orabant, inquit, Apostoli, ut Spiritus sanctus in eos veniret, quibus manus imponebant, quem morum in suis Episcopis, seu Præpositis etiam nunc servat Ecclesia.*

Ut autem omnino perfidia hæreticorum effluentium cum Calvino, Sacramentum Confirmationis primùm à Melchiade esse memoratum, pateat, placet hic atterere auctoritates SS. Patrum, qui ab ipsis Apostolis acceptam de hoc Sacramento doctrinam continuam Traditione ad nos usque propagarunt. Prodit imprimis S. Dionysius, qui cap. 2. Ecclesiæ Hierarchiæ expressam hujus Sacramenti mentionem facit. Scribit enim: *Baptizatum indutum alba veste ad Pontificem ducunt, ille droino, ac despo prosus unguento virum signat.* Et cap. 4. loquens de Sacramento Eucharistiæ, ait: *Ei finitimum est aliud Sacramentum, quod Præceptoris nostri unguenti Mysterium nominant.* Idem habet S. Clemens Romanus epistol. 4. ad Julianum, & Julianum, ubi circa medium scribit: *Omnibus firmandum est sine mora renasci Deo, & consignari ab Episcopo. Idem, septiformem gratiam Spiritus sancti percipere... quia aliter perfectus esse Christianus nunquam poterit, nec sedem habere inter perfectos, ut à B. Petro accepimus, & ceteri apostoli, præcipiente Domino, docuerunt.* Idem docet lib. 3. Constit. cap. 16.

Similiter Urbanus primus in sua Decretali epist. scribit cap. 7. *Omnnes fideles per manus impositionem Episcoporum, Spiritum sanctum post Baptismum accipere debent, ut veri Christiani inveniantur.* Pariet Cornelius epist. ad Fabianum Antiochiæ Episcopum, scribit minimè esse putandum Novati Clinici Baptisma perfectum, aut consummatum fuisse, aut Spiritum sanctum intervenisse, eò quod jacens in lecto pro necessitate perfusus sit, nec reliqua in eo, quæ Baptismum subsequi solent, adimpleta sint, nec signaculo Christiatus confirmatus sit, unde nec Spiritum sanctum unquam potuit promereri.

Idem



Idem facto suo comprobavit S. Sylvester, qui hoc Sacramentum Constantino administravit, ut ipsemet Constantinus testatur in edicto pro Christianis ubi legitur *Septiformis gratia Spiritus S. linteis beati Christum unctionem, & vexillum sanctae crucis circumvit in mea fronte, dicens: Signet te Deus sigillo fidei, in nomine Patris, & Filii, & Spiritus sancti*. Hujus pariter Sacramenti meminerunt SS. Pontifices, Eusebius ep. 3. Innocentius I. epist. 1. Damasus epist. 4. Leo epist. 85. &c.

Sed eis praeivit Tertull. lib. de Resurrectione carnis c. 8. ubi declarans veterem Ecclesiae consuetudinem administrandi eodem die tria Sacramenta adultis optime dispositis, nempe Baptismum, Confirmationem, & Eucharistiam, de Baptismo ait: *Caro abluitur, ut anima emaculetur, de Confirmatione: Caro ungitur, ut anima consecratur, caro signatur, ut anima muniat, caro manus impositione adumbratur, ut anima spiritu illuminetur*. Quibus verbis tria designat, quae in Sacramento Confirmationis ministrando observari solent: nam primò ungitur Chrismate, deinde signatur sigillo crucis, demum manu Episcopali impositione adumbratur. De Eucharistia autem ait: *Caro corpore, & sanguine Domini vescitur, ut anima de Deo saginetur*.

Ei subscribit Origenes hom. 9. in Leviticum.

Subscribunt pariter omnes SS. Patres Graeci simul, & Latini, maxime vero S. Ambrosius lib. 7. de Spiritu sancto c. 6. signat, inquit, à Spiritu sumus, sicut enim in Christum morimur, ut renascamur: ita etiam spiritu signamur, ut splendorem, atque imaginem ejus, & gratiam tenere possimus, quod est utique spiritale signaculum. Nam, & si spiritu signemur in corpore, veritate tamen in corde signamur, ut spiritus sanctus exprimat in nobis imaginis celestis effigiem.

Similiter S. Hieronymus dialogo contra Luciferianos sic Orthodoxum loquentem inducit. *Non quidem abno, hanc esse Ecclesiarum consuetudinem, ut ad eos, qui longi in minoribus urbibus per Presbyteros, & Diaconos baptizati sunt, Episcopi ad invocationem spiritus sancti manum imposuerunt excurrat*. Quid si hoc loco queris, quare baptizatus in Ecclesia, nisi per manus Episcopi non accipiat spiritum sanctum, quem nos asserimus in vero Baptismo tribui? Disce hanc ob-

vationem ex ea auctoritate descendere, quod post ascensum Domini spiritus sanctus ad apostolos descendit.

Idem approbat S. Cyrillus Hierosolymitanus, qui ex quinque Catechesibus, quas pro informandi Catechumenis, qui eodem die Baptismum, Confirmationem, & Eucharistiam debebant suscipere, primam, & secundam scripsit de Baptismo: quartam, & quintam de Eucharistia: Tertiam composuit de Confirmatione, in qua inter cetera scribit: *Quemadmodum panis Eucharistiae post S. spiritus invocationem non amplius est panis communis, sed est corpus Christi, sic & sanctum hoc unguentum non amplius est unguentum nudum sed est Christum Christi, quod adventu spiritus sancti per ipsius Divinitatem energiam habet, qua frons, & alii sensus tui symbolicè inunguntur, & corpus quidem isto visibili unguento perungitur, anima verò sancto, ac vivifico spiritu sanctificatur*.

Consentit etiam Theodoretus in 1. capite Canticorum, ubi scribit: *Qui initiatur Baptismo, post abnegationem satanae, & Confessionem fidei, veluti signo ac nota regiae spiritualis unguenti Christum inuncti sub ea visibili unguenti specie invisibilem S. spiritus gratiam percipiunt*. Similia habet S. Damascenus lib. 4. de fide orthodoxa c. 10. ubi ait: *Apostoli datum spiritum sanctum in forma ignis, nobis per oleum*. Idem pariter affatim ceteri Patres, sed unus pro omnibus sit S. Augustinus, qui pluribus Sacramento Confirmationis commendat, maxime verò libro contra litteras Petilianus c. 104. ubi referens illud Psalmi: *Oleum peccatoris non impingunt caput meum*, ait: *In hoc unguento sacramentum Chelismatis vult Petilianus interpretari, quod quidem in genere visibilium sacramentorum sacrosanctum est, sicut ipse Baptismus*.

Ex quibus omnibus aperte liquet, quam stolidè, quamque mendaciter Lutherus, & Calvinus effutiant hujus Sacramenti nullum apparere vestigium, nec in Scriptura, nec in Traditione. Quibus utique reponi potest, quod Luciferianis reponerat S. Hieronymus: *Exigis ubi scriptum sit. In Actibus Apostolorum: sed etiam si scriptura auctoritas non subesset, totius orbis in hac parte consensum instar praecepti obtineret*.

Reponunt haeretici illam unctionem cujus meminerunt SS. Patres, fuisse tantum unam ex baptismi caeremoniis. Tum, quia prius manuum impositio cum aliis baptismi

primi cæremoniis exercebatur, ut patet ex SS. Dionysio, Clemente, & Cyrillo Catechisti 62. *Tum quia Tertullianus ubi mentionem fecit unctionis ex Chrismate libro de baptismo, concludit: Diximus quantum medicatrici nostræ leuit, de uniuersis quæ baptismi religionem firunt.* Ergo censet eam spectare ad baptismi cæremoniam. Similiter S. Cyprianus, *epist. 70.* agens de tali unctione, ita eam necit cum baptismo, ut ab ejus invaliditate, vel validitate inferat baptismum iterandum esse, vel non. *Tum denique, quia ipsemet epist. 73.* affirmat Samaritanis jam baptizatis per impositionem manuum Apostolicarum fuisse factum, quod eorum baptismo dicerat. Similiter ex supra laudato Eliberitano Canone unctio dicitur baptismi perfectio: Ergo à baptismo non distinguitur.

*Nego antecedens, & consequentiam, & ad 1. Confirmationem dico, duplicem à prædictis Patribus distingui unctionem; unam, quæ baptismum præcedit, quæque fieri debebat à Presbyteris ex oleo puro circa totum baptizandi corpus, aut saltem in vertice capitis; quæ quidem unctio erat veluti præparatio ad baptismi internam unctionem, seu gratiam recipiendam: & ejus meminit S. Clemens lib. 7. *conflit. cap. 43.* Tum, S. Cyrillus laudatus: *Alia erat unctio, quæ non ex puro oleo, sed ex Chrismate, neque ante, sed post baptismum, nec à Presbyteris, sed ab Episcopis, nec denique circa totum corpus, sed in baptizati fronte fieri debebat.* Unde S. Cyrillus Catechisti 3. *Postquam, inquit, ex aquis sacri lavacri ascendisti, datum est Chrysma, quod gerit imaginem illius, quo unctus est Christus, hoc autem est Spiritus sanctus.**

Eandem sententiam confirmat S. Dionysius lib. de Hierarch. Eccles. cap. 2. Nam ibi duplicem in baptismo unctionem fieri solitam aduertit; unam, quæ totum baptizandi corpus perfunditur à Sacerdotibus ante sacramentalem Baptismi abluitionem, & formæ prolationem; seu, ut loquitur ipsemet S. Dionys. *Antequam Hierarcha eum, quæ iniungitur, ter demergat, & in tribus demergens, immersionibusque trium diuine beatitudinis personarum nomina appelles, & invocet.* Alteram, quæ completam baptismi collationem subsequitur; & ei confertur, quando indutus candida veste restitutus suo sponsori per Sacerdotes ad Hierarcham deducitur ungendus, & hæc un-

ctionem in sua theoria à priori in hoc distinguit, quid habeat vim perficiendi, & eum, qui baptizatus est, suauitate odoris fragrantem faciat, quæ proculdubium Confirmationi conuenient.

*Ad S. Cyprianum dico, eum quidem jungere Confirmationem cum abluitione, non tamquam cæremoniam cæremoniæ, sed tamquam Sacramentum roborans sacramento gignenti, & spiritualem vitam conferenti; tria siquidem sacramenta uno eodemque die ministrabantur: Baptismus, quo spiritualiter nasci, Confirmatione, qua roborari, & Eucharistia, qua nutriti possint homines, ut constat etiam ex S. Dionysio, tum ex Tertul. tum ex S. Ambrosio lib. 1. de iniciandis cap. 2. tum denique ex ipso S. Cypriano, qui loco citato ita loquitur: *Unge quoque necesse eum, qui baptizatus sit, ut accepto Chrismate id est, unctione, esse unctus Dei, & habere in se gratiam Christi possit; porro autem Eucharistia, & unde baptizati unguntur, oleum in altari sanctificatur: id est, oleum ad altare sanctificatur, & Eucharistia conficitur.* Sic enim subdit: *Unde nec unctio spiritualis apud hæreticos potest esse, quando constat oleum sanctificari, & Eucharistiam fieri apud illos omnino non posse: scire autem, & meminisse debemus scriptum esse; Oleum peccatoris non ungit caput meum.* Ex quibus legitime inferre licet eironicè, quod si Confirmatio ab hæretico fieri nequeat, nec Eucharistia; quia altare, & Ecclesiam non habent, ideo nec baptismus fieri potest.*

*Eodem modo Resp. Tertullianum intelligendum, sic ut vult legisse de baptismo; non tamquam de unica actione secundum entitatem, sed secundum continuitatem, quia Confirmatio nulla mora post baptismum conferri solebat. Quod autem eam unctionem non puram esse baptismi cæremoniam teneat, satis indicat, dum eam ejusdem cum baptismo significationis, ac virtutis esse doceat his verbis, *sic in nobis carnaliter currit unctio, sed spiritualiter proficit; quomodo & ipsius baptismi carnalis actus, quo in aqua mergimur, spiritualis effectus, quo à delictis liberamur.**

*Ad Concilium Eliberitarum dico, illud non dicere baptizatum à Laico ad Episcopum ducendum, ut perficiatur baptismus; sed ut baptizatus perfici possit; quod uique verum esse non abnuo, siquidem per Confirmationem perficitur, & roboratur vita spiritualis per baptismum accepta.*

*Obijcies primò* : Frustrà fiunt per plura, quæ fieri possunt per pauciora : sed omnis effectus, qui per Confirmationem præstari potest, sufficienter obtinetur per Baptismum, & Eucharistiam; nam in Baptismo infunditur gratia, virtutes communicantur, ipseque Spiritus sanctus tribuitur: pariter in Eucharistia vires spirituales crescunt, non secus ac corporis vigor cibo, & potu roboratur; unde de Eucharistia explicari solet illud Psalmistæ oraculum: *Panis corbo- minis confirmat*; igitur vanum prorsus, ac inutile est Confirmationis Sacramentum.

*Respondet Seraphicus Doctor* in 4. dist. 7. dub. 1. ubi profert varias hujus argumenti solutiones: *Primo* modo, inquit, respondetur, quòd istud Sacramentum ordinatur ad robur per se, sed Eucharistia per accidens. Sed hoc non solvit, quia live per se, live per accidens, dum tamen habeat effectum eundem, videtur alterum superfluum. *Secundus* modus dicendi est, quòd Confirmatio confirmat contra malum, sed Eucharistia in bono. Sed nec illud sufficit, quia omne Sacramentum, cum sit remedium, est contra malum, & ita Eucharistia. *Alii dicunt*, quòd duo sunt nobis necessaria, scilicet fides, & mores, & unum confirmat in fide, scilicet Confirmatio: sed Eucharistia quantum ad bonos mores; quia, ut dicit Bernardus, Eucharistia non solum delet venialia, sed etiam consensum fortificat, ne inclinetur ad mortalitatem. *Alii dicunt* quòd utrumque fortificat fidem: sed duo necessaria sunt ad fidem firmam, scilicet corde credere, & ore confiteri: & Eucharistia confirmat quantum ad fidem in corde, sed Confirmatio quantum ad Confessionem, live prolationem in ore. *Alii dicunt*, quòd utrumque fortificat charitatem, quia ab ejus fortitudine pendet fortitudo omnium. Sed charitas potest deficere dupliciter, scilicet per defectum alimenti, vel per actionem contrarii, sicut patet in igne materiali: & contra primum est Eucharistia, quæ cibatur: contra secundum Confirmatio, ut impugnantibus resistat. *Alii dicunt* aliter, & probabilius, quòd Confirmatio est ad corroborationem fidei, sed Eucharistia charitatis: & hoc patet, quia hic est signum Confessionis fidelis, ibi signum unionis. Et si queratur, quare magis confirmantur hæc duæ virtutes, quàm aliæ, dicendum, quòd quia in his duabus pendet fortitudo spiritualis ædificii, quantum ad intellectum, & affectum. Et quia in fide est prima

elevatio, in charitate elevatio summa, & utrobique difficultas, & quia pronitas est ad contrarium; ideo magis confirmantur.

*Verum* brevius, & clarius, *respondendo* negando minorem; quamquam enim gratia sanctificans, & idem Spiritus sanctus in omnibus Sacramentis novæ legis consecratur; nihilominus diversos in fines, & varios effectus collimat hæc communicatio; quòd maxime verum est in tribus præfatis Sacramentis; in Baptismo enim infunditur gratia, & virtutes Spiritus sancti ad innocentiam, in Confirmatione ad pugnam, in Eucharistia ad animæ delicias, & saginam. In Baptismo confertur plenitudo justitiæ, in Confirmatione plenitudo fortitudinis, in Eucharistia plenitudo devotionis. In Baptismo regeneramur in novam creaturam, in Confirmatione roboramur ad vitam spiritalem tuendam, in Eucharistia hujus vitæ spiritualis deliciis impinguamur: Sicut ergo non est superflua Eucharistia, tamen si gratia, & Spiritus sanctus in Baptismo consecrantur; ita nec supervacanea est Confirmatio, quæ distinctum à duobus aliis Sacramentis effectum tribuit.

*Obijcies secundò* : Sacramenta novæ legis conferre debent gratiam ex opere operato, ut jam pluries diximus: at id non est de Confirmatione; nam, ut observat S. Augustinus lib. 3. de Baptismo cap. 16. Apostoli per manuum impositionem non consecrabant Spiritum sanctum, sed dumtaxat quasdam sensibiles gratias gratis datas; imò neque has gratias virtute manuum impositionis contrebant, sed dumtaxat merito suæ orationis: *Orabant enim* (inquit lib. 15. de Trinitate cap. 26.) *ut Spiritus sanctus veniret in eos, quibus manus imponebant, non ipsi eum dabant.* Idem S. Cyrillus lib. 2. in S. Joannem cap. 2. negat Apostolicam manum dedisse Spiritum sanctum, sed eum ab Apostolis exoratum advenisse: igitur Confirmatio non habet veram rationem Sacramenti.

*Nego minorem*: & ad priorem S. Augustini auctoritatem dico, eum dumtaxat velle, quòd tunc quidem daretur Spiritus modo sensibilis; nunc autem modo insensibilis: *Neque enim*, inquit, *temporalibus, & sensibilibus miraculis attestantibus per manus impositionem modo datur Spiritus sanctus, sicut antea dabatur ad commendationem rudis fidei, & Ecclesie primordia dilatanda. Quis enim hoc expectat, ut ii, quibus manus ad accipiendum*

*Spiritus sanctum imponitur, repente incipiant loqui linguis? sed invisibiliter, & latenter intelligitur per vinculum pacis, eorum cordibus divina caritas inspirari.*

*Ad alias, tum S. Augustini, tum S. Cyrilli sententias dico eos, vel non ibi intelligentes esse de Confirmatione, sed de alia manu impositione, aliis sibi ipsi contradicerent, cum, ut jam diximus, uterque asserat Apostolos Spiritum sanctum dedisse: vel eos velle quidem Apostolos non dedisse Spiritum sanctum ut causas principales, sed ut instrumentales: Vel denique loquuntur de manus impositione non ordinaria aut Confirmatoria, sed reconciliatoria, qua scilicet recipiebantur poenitentes ad pacem, & Ecclesiasticam communionem.*

Triplex siquidem erat manuum impositio; per quam dabatur Spiritus sanctus; nam per Ordinatoriam dabatur ad potestatem debite exercendam in Sacramentis conficiendis, aut ministrandis; per Confirmatoriam dabatur ad roborandam animam in fidei confessione. Per Reconciliatoriam dabatur ad remissionem peccatorum. De hac autem triplici manus impositione ibidem agit Augustinus. Nam illius propositum erat solvere argumenta S. Cypriani, qui ex eo, quod in sola Ecclesia dari potest, & accipi Spiritus sanctus, colligebat sacramenta Hæreticorum esse nulla, & invalida, quod argumentum ut dilueret, initio capituli explicat quid significetur per *Spiritum sanctum qui in sola Ecclesia Catholica dari potest*, dicitque: *Spiritus sanctus, qui in sola Catholica Ecclesia per manus impositionem dari dicitur, nimirum hoc intelligi majores nostri voluerant, quod Apostolus ait; quoniam caritas Dei diffusa est in, &c. ubi impositionem manuum sumit genericè, quatenus prædictis convenit, dicitque Spiritum sanctum, idest, charitatem non posse habere nisi bonos; ac proinde cum extra Ecclesiam nullus sit bonus, concludit; Non autem habent Dei charitatem, qui Ecclesie non diligunt unitatem: ac per hoc rectè intelligitur dici non accipi nisi in Catholica Spiritus sanctus; non enim temporalibus, & sensibilibus miraculis attestantibus per manus impositionem modò datur Spiritus sanctus, &c. Quibus accipit manuum impositionem non genericè, sed magis strictè, idest, pro confirmatoria, qua dicit dari Spiritum sanctum non attestantibus signis externis, sed latenter, ut supra dixi: ibi tamen nulla est æquivocatio, quia quod convenit toti gene-*

ri, rectè declaratur exemplo unius speciei.

*Deinde redit ad argumentum S. Cypriani, & distinguit tria Sacramenta, donum Spiritus sancti, gratis datum, & gratum facientem, nempe charitatem; dicitque extra Ecclesiam, & in pravis hominibus posse esse duo priora. Cum ergo sit aliud Sacramentum, quod habere etiam Simon Magus potuit, aliud operatio Spiritus, quæ in malis hominibus etiam fieri solet; sicut Saul habuit Prophetiam, aliud operatio ejusdem Spiritus, quam nisi boni habere non possunt, sicut est finis præcepti caritas de corde puro, & conscientia bona, & fide non ficta: quodlibet Hæretici, & Schismatici accipiant; caritas, quæ cooperis multitudinem peccatorum, proprium donum est Catholicae unitatis, & pacis.*

Ac proinde contendit baptizatos ab Hæreticis debere in Ecclesiam unitatem, & gremium adunari, ut charitatem habere possint per impositionem manuum reconciliatoriam. Et quia poterat aliquis suspicari hanc manuum impositionem repeti non posse, sicut Baptismus, Confirmatio, & Ordinatio, subjungit. *Manus autem impositio non sicut baptismus repeti non potest: quid est enim aliud nisi oratio super hominem? Quibus aperte satis indicat se non loqui de impositione manuum confirmatoria: siquidem posset respondendi, est Chrismatio, unctio, &c. Ut tu ipse dixisti locis citatis.*

*Inflabis: Manus impositio reconciliatoria non erat diversa à confirmatoria: Ergo si una iterari possit, potest & alia.*

*Probatur antecedens, tum ex Concilio I. Arelat. can. 8. Si ad Ecclesiam aliqui de hæresibus venerint, interrogent eos nostra fidei sacerdotes symbolum, & si perviderint in Patre, Filio, & Spiritu sancto eos baptizatos, manus eis tantum imponatur, ut accipiant Spiritum sanctum: quod si interrogati non responderint hanc Trinitatem, baptizantur. Tum ex Laodicensi, can. 7. ubi statuitur, ut Novatiani, & Thebsaradecatis ad Ecclesiam revertentes, nostra fidei symbolum doceantur, & uncti sancto Chrismate sic mysteriis communicent sacerdotibus, &c.*

*Distinguo antecedens: In Ecclesia Orientali concedo: in Occidentali, nego: Nam, ut notant summi Pontifices, Vigilius epist. I. cap. 3. & Gregorius lib. 9. epist. epistola 61. hæretici idcirco ad Ecclesiam redeuntes ungebantur in Oriente; quia Ariani, & Novatiani non chrismabant in Oriente: unde etiam illi jubentur ungi: at in Occidente*

*chrism-*

chrismaabant, idcirco per solam manuum impositionem recipiebantur. Vel si Confirmationis Sacramentum eis ministrabatur, non tamen statim ac recipiebantur, sed opportuno tempore; ut etiam modò sit cum Calvinistis, & Lutheranis ad Ecclesiæ gremium sese recipientibus.

## CONCLUSIO SECUNDA.

**S**acramentum Confirmationis fuit à Christo D. institutum, idque in die Cœnæ. Prima pars jam sufficienter constat ex dictis de Sacramentis in communi, eamque apertè definit Concilium Tridentinum sessio. 6. de Sacramentis in genere, can. 1. Si quis dixerit, inquit sancta Synodus, Sacramenta novæ legis non fuisse omnia à Jesu Christo instituta, aut esse plura, vel pauciora, quam septem, videlicet Baptismum, Confirmationem, Eucharistiam, Pœnitentiam, Extremam-Uctionem, Ordinem, & Matrimonium; aut etiam aliquod horum septem non esse verè, & propriè sacramentum, anathema sit.

Eandem veritatem docet subtilis Doctor in 4. dist. 5. quæst. 1. num. 3. ubi scribit: De Sacramento Confirmationis supponitur institutum esse à Deo, licet tempus, & modus hujus institutionis in Scriptura non legatur: fortè quia Historiographi Scripturam usque ad tempus illud non produxerunt: non enim produxerunt ultra tempus Apostolorum, nec etiam usque ad plures annos ante mortem eorum: toto autem tempore Apostolorum, fortè mansit donum linguarum in Sacramento Confirmationis. Nec est improbabile, multa esse tradita autoritative à Christo Ecclesiæ per Apostolos, quæ tamen in Scriptura non legimus, ut dicit Damascenus lib. 4. cap. 4. ubi loquens de adoratione imaginum, ait: Est autem nobis tradita ista Traditio, quemadmodum oportet ad Orientem adorare crucem, & alia plurima his similia. Quibus verbis Doctor tria significat: *Primum*, quòd Confirmatio sit divinitus instituta; *Secundum*, quòd illius institutionis tempus, & modus non præscribatur in Scriptura; *Tertium*, quòd illius institutionis modus, & tempus maxime appareat, & innotescat per Traditionem. Ubi Doctor non negat, Sacramenti Confirmationis veritatem colligi posse ex Scriptura sacra, ut per-

peram ei affingit Basilius Pontius parte 1. sui Tractatus de Confirmatione, cap. 3. numer. 11. sed tantum, quòd tempus illius institutionis expressè in Scriptura sacra non designetur.

*Secunda pars* colligitur ex S. Fabiano summo Pontifice epist. 2. cap. 1. is enim cum accepisset quoddam Episcopos Orientales, non per singulos annos in Cœna Domini Chrisma conficere, sed duos, vel tres annos confectionem S. Chrismatis semel actam conservare; quoniam vel balsamum per singulos annos non poterant reperire, vel putabant non esse necesse singulis annis chrisma conficere, dum confecti copia Chrismatis abundabat; Cum, inquam, hæc accepisset S. Fabianus, morem illum verbis his correxit; Errant, qui talia excogitant, & mente vesana potius, quam recta sentientes hæc dicunt. In illa enim die Dominus Jesus, postquam cœnavit cum Discipulis suis, & lavit eorum pedes (sicut à sanctis Apostolis Prædecessores nostri acceperunt, nobisque reliquerunt) Chrisma conficere docuit. Ipsa enim lavatio pedum, nostrum significat Baptismum, quoniam sancti Chrismatis unctione perficitur, & confirmatur. Sicut igitur ipsius diei solemnitas, per singulos annos est celebranda; ita ipsius sancti Chrismatis confectio per singulos annos est agenda, & de anno in annum renovanda, & vetus Chrisma in sanctis Ecclesiis cremandum. Ista à sanctis Apostolis, & à Successoribus eorum accepimus, vobisque tenenda mandamus. Hæc sancta Romana Ecclesia, & Antiochena à tempore Apostolorum custodit. Hæc Hierosolymorum, & Ephesianorum tenet: in quibus Apostoli prædicates hæc docuerunt, & vetus Chrisma incendi, & non amplius quàm uno anno uti permiserunt.

Ex quibus sic formatur argumentum: Ea, quæ ex instituentis Christi voluntate pendunt, aliter nobis innotescere non possunt, quàm ex Scriptura vel Traditione; conjecturis enim, vel convenientiis hæc in parte indulgere, Theologi non est: atqui tempus institutionis Confirmationis ex Scripturis apertè non elicitur: ex Traditione autem, testante Fabiano, constat Christum in die Cœnæ Apostolos Chrisma conficere docuisse, quæ est idonea, & necessaria Confirmationis materia; ergo sicut tunc Christus Baptisma instituit, non quando

Apostolos baptizare populos docuit, vel Baptisma promisit; sed quando materiam Baptismatis designavit, & ( ut volunt alii ) tactu suæ mundissimæ carnis in Jordane consecravit: ita tunc Confirmationem instituit, quando Chrisma consecrare docuit. Unde Ecclesia Catholica eam sententiam approbans, sacrum Chrisma eodem consecrare consuevit, in perpetuum institutionis Salvatoris monumentum.

Idem habet Catechismus Romanus cap. de hoc Sacramento, num. 8. ubi ait: *Consecratur autem Chrisma solemnibus caeremoniis ab Episcopo. Ita enim Salvatore nostrum docuisse in extrema Cæna, cum Chrismatis consecranda rationem Apostolis commendaret, Fabianus Pontifex, sanctitate, & Martyrii gloria clarissimus tradidit.*

*Confirmatur:* Si alio tempore, quàm die cœnæ instituta fuisset Confirmatio, maximè vel cum Christus Matth. 19. pueris manus imposuit, ut nonnulli volunt: vel quando, Joan. 20. dixit Discipulis: *Accipite Spiritum sanctum*: sed neutrum rectè potest asseri. *Non quidem primum:* Tum, quia parvuli nondum erant baptizati, ac subinde non erant capaces suscipiendi Sacramentum Confirmationis: Tum, quia illa manuum impositio non erat confirmativa, sed tantum curativa: nam, ut observant sanctus Hieronymus, & Anselmus parvuli illi Christo fuerant oblati, ut benedicerentur, & curarentur ab infirmitatibus suis: Tum denique, quia Joan. 7. legimus: *Nondum erat Spiritus datus, quia Jesus nondum erat glorificatus.* Nondum, inquam, datus: nempe ad intrepidè, & constanter profitemendam Religionem, & fidem Christi, qualiter divinus ille Spiritus conferretur in Confirmatione.

*Non etiam secundum:* Tum quia Joan. 20. datus est Spiritus sanctus Apostolis ad remittenda peccata; nam itam Christus subiungit, *quorum remisistis peccata, &c.* Sed Sacramentum Confirmationis per se non ordinatur ad remissionem peccati: Tum, quia eo loci Christus D. Apostolos quidem instituit Episcopos, & eis dat facultatem non solum regendi Ecclesiam, quam acquisivit sanguine suo, & administrandi Sacramenta Ordinis, & Confirmationis, tunc autem non censetur Sacramentum propriè institui, quando Minister ejus designatur; sed solum cum ejus forma, & materia præscribitur: non enim Christus censetur

instituisse Sacramentum Baptismi, quando misit Apostolos in universum mundum prædicare, & baptizare: neque censetur instituisse Sacramentum Ordinis, quando Apostolos constituit Episcopos; nam, ut docet Concilium Tridentinum, sess. 22. capite 1. Apostolos constituit Sacerdotes in die cœnæ: igitur, &c.

*Dices primo:* Statim ac Sacramentum institutum est, potest administrari: sed Sacramentum Confirmationis non potuit administrari ante Christi Resurrectionem: Tum, quia, ut mox diximus, Apostoli nondum erant ordinati Episcopi, nec consequenter poterant hoc Sacramentum administrare: Tum, quia Spiritus sanctus conferri non poterat ante Christi glorificationem, juxta illud Joan. 7. *Nondum Spiritus erat datus, quia Jesus nondum erat glorificatus.*

*Distingue majorem:* Si ita expediat concedo: secus, nego: potest enim Sacramentum institui pro alio tempore congruenti applicandum; ac subinde potuit Christus Sacramentum Confirmationis instituire in die cœnæ; etiamsi duntaxat in die Pentecostes illius effectum & fructum extraordinario modo Apostoli essent consecuturi. Quod autem ita fuerit, non obscure colligitur ex præclaro illo, & protus mirando sermone, quem habuit Christus Dom. ad Discipulos in die cœnæ, in quo pluries meminit concedendi Spiritus sancti non solum Apostolis, sed etiam omnibus in eum credentibus: concedendi, inquam, sensibili aliqua caeremonia nondum usitata in ipsius S. Spiritus receptione, quem jam invisibili & insensibili modo pluries receperunt, tum in susceptione Baptismatis, tum quando in Sacerdotes fuerunt inaugurati, tum denique, quando Christi D. corpore & sanguine fuerunt faginati.

*Dices secundò:* Doctor subtilis in 4. dist. 2. quæst. 1. num. 4. colligens Sacramentorum institutionem ex Scriptura, ait: *De Confirmatione patet institutum, Joan. 20. Accipite Spiritum sanctum. Vel in die Pentecostes, Act. 2. & dist. 7. n. 3. Et si obijciat, inquit, primò contra materiam, & formam simul; quia Christus non sic instituit, ut patet Joan. 20. quando insufflavit, & dedit Discipulis Spiritum sanctum. Et similiter, Act. 2. quando misit Spiritum sancto in linguis igneis confirmabantur, &c.* igitur ex mente Doctoris Sacramentum Confirmationis tantum

fit

fuit institutum, vel *Joan. 20.* vel in die Pentecostes.

*Nego consequentiam*, & ad primum dico, Doctorem ibi significare, quod ex *Joan. 20.* & *Act. 2.* optime possit colligi, quod Confirmatio fuerit instituta à Christo: Tum, quia *Joan. 20.* confirmata fuit institutio, quando videlicet Christus constituit Apostolos Episcopos, & consequenter Ministros ordinarios hujus Sacramenti: Tum, quia in die Pentecostes acceperunt Apostoli per extraordinariam Dei potentiam, & modo sensibili & extraordinario effectum Confirmationis, nempe S. Spiritus plenitudinem ad Christi fidem, & Religionem animose propagandam.

Quod autem nihil aliud voluerit Doctor, patet ex præfata dist. 7. dum respondens ad prædictam objectionem scribit. *Quod Christus non alligavit potentiam suam Sacramentis, & ideo ipse fuit in terris, fuit post Ascensionem in caelo existens, potuit confirmare Apostolos sine tali materia, & tali forma; nempe sine Chrismate, & verbis proferri solitis in administratione hujus Sacramenti.* Quod autem ibi non loquatur Doctor de temporis institutionis, patet; quia paulo post subiungit: *Supponitur hoc Sacramentum institutum à Deo, licet tempus & modus hujus institutionis in Scriptura non legatur.*

Itaque dicendum arbitror, hoc Sacramentum fuisse quidem institutum in die cœnæ, & inchoatum; completum autem *Joan. 20.* quando Christus Apostolos instituit Episcopos; collatum autem, & ministratum, sed extraordinario modo, in die Pentecostes, ut refertur *Act. 2.* quia nempe eodem die Apostoli receperunt plenitudinem Spiritus sancti, quæ est hujus Sacramenti effectus.

## QUÆSTIO SECUNDA.

*Quænam sit legitima materia Sacramenti Confirmationis.*

**N**otandum primò, seu potius revocandum ex jam pluries dictis, duplicem esse Sacramentorum novæ legis materiam, remotam scilicet, & proximam. Remota est res illa sensibilis, circa quam ceremonia versatur, seu illa, cujus fit usus, & applicatio, cujusmodi est aqua in Baptismo: Proxima verò est ipsemet usus, seu ejusdem rei sensibilis applicatio, in quam

proximè ac immediatè tendit Sacramenti forma, cujusmodi est infusio aquæ in Baptismo. Porro de hac utraque materia agitur in præfenti, quænam videlicet certò, & necessariò requiratur ad validam hujus Sacramenti collationem.

*Notandum secundò*, circa hujus quæstionis resolutionem Theologos invicem non consentire: tres enim in capitales eunt sententias, quarum prima contendit, solam manuum impositionem esse necessariam, & etiam nunc sufficere ad essentiam hujus Sacramenti, quæ quidem videtur sententia quorundam Canonistarum; imò Sirmundus in *Antirrhetico*, num. 10. docet, eam dumtaxat materiam fuisse in usu tempore Leonis primi, motus ad id asserendum verbis Canonis Atracianici Concilii primi à se correcti, & explicati: *Ubi, inquit, præcipitur, ut si quis in Baptismo christum fuerit, non chrismetur iterum in Confirmatione, sed manus tantum ipsi ab Episcopo imponatur; ex quo inferi undionem chrismaticam non esse de essentia hujus Sacramenti, sed dumtaxat accidentalem quædam ceremoniam institutam ab Ecclesia; & ipsi manuum impositioni superadditam ad majorem ornatum; subindeque ipsam posse ex dispensatione summi Pontificis præteriri: & hoc Sacramentum per solam manuum impositionem validè, & licet conferri.* *Secunda sententia* ait, saltem oleum olivarum esse de necessitate, & essentia hujus Sacramenti, balsamum verò solum requiri ex præcepto Ecclesiæ, sicut mixtio aquæ in calice; ita Cajetanus qu. 72. Sotus in 4. dist. 4. qu. 1. Navarrus in Manuali cap. 22. quibus cum plurimis aliis subscribit Estius in 4. dist. 7. §. 8. *Tertia* denique sententia asserit, etiam balsamum esse de necessitate Sacramenti, ita communiter veteres Theologi: quæ autem eorum sententiarum probabilior sit, & tutior, hic determinandum est.

*Notandum tertio*, difficultatem pariter moveri, utrum ex hypothesi, quod chrisma compositum ex oleo olivæ, & balsamo, sit essentialis materia remota hujus Sacramenti, debeat hæc mixtio necessariò esse benedicta, idque ab Episcopo; ita quod ad id non sufficiat prævia solius Sacerdotis benedictio saltem ex consecratione, & dispensatione summi Pontificis. Quocirca, tria hic occurrunt determinanda: Primum, utrum materia essen-

sentialiter requisita ad hoc Sacramentum debeant esse chrisma ex oleo olivæ, & balsamo compositum: *Secundum*, utrum ab Episcopo necessario benedictum: *Tertium*, qualiter, & in qua parte corporis per materiam proximam applicandum.

### CONCLUSIO PRIMA.

**M**ateria remota Sacramenti Confirmationis est *Chrisma confectum ex oleo olivarum, & balsamo*. Ita traditur in decreto Eugenii de unione Armenorum his verbis: *Secundum Sacramentum est Confirmatio, cujus materia est chrisma confectum ex oleo, & balsamo per Episcopum benedicto*. Ubi summus Pontifex facit approbante Concilio, ad materiam Confirmationis perque balsamum, atque oleum considerat. Idem longè antè docuerat S. Fabianus Pontifex epistola 2. ad Episcopos Orientis, ubi Apostolos chrismatis consecrationem à Domino accepisse, nobisque reliquisse testatur: Dionysius etiam cap. 4. Eccles. Hier. sic habet: *Dicimus igitur unguenti consecrationem esse collectionem quandam suaviorum spirantum materiarum, quæ in se magnam vim, & copiam fragrantium qualitatum contineat*. Quod idem S. Basilii in Psal. 132. expressè ait, *Chrisma ex variis condimentis consistere; verum nullum illorum separatim tantam emittit fragrantiam, sed illorum mixtura, & instructio maximam reddebat odoris redolentiam*. Quod & docuit S. Clemens lib. 8. Constituit. Apostol. cap. 44. necnon 2. & 3. Concilium Carthaginense; & apertè S. Cyprianus, vel quisquis est Author Tract. de Unct. chrismatis, ait enim: *Hodie sacrum Chrisma conficitur, in quo mixtum oleo balsamum Regia, & Sacerdotalis gloria exprimit dignitatem*. Oleo enim, quod luminis alimentum subministrat, & vires corpori si per unctum illo fuerit, augeat celestis gratia largiatur, nitor conscientia, & ardor caritatis indicantur. Et S. Gregorius magnus in illud Cant. 1. *Bonus Cypri in vineis Engaddi*, ait: *In Engaddi Balsamum gignitur, cum oleo Pontificali benedictione chrisma efficitur*: Ex quibus liquet, oleum, & balsamum æquè pertinere ad materiam sacramenti Confirmationis: quamvis enim apud profanos auctores nomen *chrismatis* quodlibet unguentigenus significet; at tamen apud Sanctos Patres, & Scriptores Ecclesiasticos hoc nomen non solum oleum, sed etiam balsamum cum

oleo permixtum designat, ut constat non solum ex laudatis SS. Patribus, sed etiam ex Amalario Fortunato, qui floruit sub Ludovico Pio anno 831. cui nuncupavit opus de Officiis Ecclesiasticis lib. 1. cap. 12. agens de consecratione Chrismatis, *Hic, inquit, non oleum, sed & balsamum consecratur, &c. Odor balsami in oleo opinionem bonarum virtutum late disperfam, operante gratia Spiritus sancti demonstrat: Oleo additur balsamum, quia nitet in vultu Christi celestis splendor, &c.* Ex Hugone de S. Victore de Sacramentis lib. 2. par. 17. cap. 1. *Chrisma, inquit, est oleum cum balsamo mixtum, quo unguuntur capita Pontificum, & Regum, quo etiam baptizatus Sacerdos ungitur in vertice, sicut eodem Pontifex per impositionem manus confirmandos ungitur in fronte*. Idem docet Innocentius III. epistola ad Patriarcham Constantinopolitanum, & refertur de sacra unctione, ubi ait: *Conficitur Chrisma, inquit, quod ex oleo fit, & balsamo, mystica ratione; per oleum enim nitor conscientie designatur, juxta quod legitur: Prudentes Virgines acceperunt oleum in vasis suis cum lampadibus: per balsamum odor bonæ famæ exprimitur, propter quod dicitur, sicut balsamum aromatizans odorem dedit*.

Etiā huic non absimilem hujus congruam materiam ex balsamo, & oleo confectam profert Catechismus Romanus, num. 7. Cui enim dixisset, chrisma ex oleo, & balsamo esse confectum unguentum, quod Confirmationis materiam esse, Ecclesia, & Concilia perpetuò docuerunt, subdit: *Negus verò ulla alia materia, quam chrismatis, aptior videri poterat ad illud declarandum, quod hoc Sacramento efficitur*. Oleum enim, quod pingue sit, & natura sua manet, ac diffundit, gratie plenitudinem exprimit, quæ per Spiritum sanctum à Christo capite in alios redundat, atque effunditur, sicut argentum, quod descendens in barbaram Aaron, usque in urorum vestimenti ejus. Uncti enim cum Deo: oleo lætitiæ præ consortibus suis, ac de plenitudine ejus nos omnes accepimus: balsamum verò, cuius odoratus iucundissimus est, quid aliud significat, quam fidei, cum sacramento Confirmationis perficiuntur, eam virtutum omnium suavitatem effundere, ut illud Apostoli quomodo dicitur: *Christi bonus odor sumus Deo? Habet præterea balsamum eam vim, ut, quidquid eo circumcinctum fuerit, putrescere non sinat, quod quidem ad hujus Sacramenti virtutem significandam valde accommodatum videtur: cum plane con-*  
flet.



*Act, fidelium animos celesti gratia, quæ in Confirmatione tribuitur, præparatos, faciliè à scelerum contagione defendi posse.*

*Dices primò:* Illud non potest conferri materia essentialis Sacramenti, sine quo Sacramentum validè conferri potest, sed sine chrismate ex balsamo, & oleo confecto licitè, ac validè collatum fuit Confirmationis sacramentum ab Apostolis; liquidem nullibi legitur Apostolos confirmandos Chrismate unxisse, & consignasse, sed tantum eis manus imposuisse: igitur tale chrisma non est essentialis materia hujus Sacramenti.

*Respondet Doctor, dist. 7. qu. 1. nu. 3. cum Apostolis in primitiva Ecclesia potuisse dispensari, & maxime quia in Confirmatione ab eis collata erant aliqua signa sensibilia, puta communiter descensus Spiritus sancti super confirmandos, & donum linguarum, sed tamen cessantibus talibus miraculis, Ministri debuerunt hanc materiam, & hanc formam servare.* Quibus verbis Doctor probabiliter sustinet cum Apostolis fuisse dispensatum, ut Confirmationis effectum conferrent sine debita materia, & cum sola manuum impositione, & oratione.

Quod autem probabiliter dumtaxat, & dubitativè profert Doctor, distinctè affirmant Alensis, & S. Bonaventura, idque tanquam certum supponere videtur Eugenius quartus in decreto pro unione Armenorum, dicens; *loco illius manus impositionis Apostolicæ dari nunc in Ecclesia Confirmationis sacramentum.* Nec abs re quidem; cum enim Confirmatio ordinetur ad conferendam gratiæ plenitudinem, dum insolito, & extraordinario modo gratia infunderetur, tunc sacramentum Confirmationis eodem ritu eis conferre minimè opus erat; sic Christus eximia sua potestate excellentiæ nulli Sacramento alligatæ, inquit Doctor suprà, *sive in terris, sive post Ascensionem in cælo existent, potuit confirmare Apostolos sine materia, & forma Sacramenti.* Similiter Apostoli, cum ad suam orationem, & manus impositionem, viderent sensibiliter, & per aspectabiles effectus communicari Spiritum sanctum, idcò tunc opus non erat adhiberi sensibilem sacramenti Confirmationis materiam, & formam, quippe cum patientibus miraculis aperte constaret concessam fuisse Spiritus sancti plenitudinem.

*Verùm respondet, quòd etsi ita fortè actum fuerit, nihilominus non improbabile est*

Apostolos manus imponendo, pariter adhibuisse legitimam Sacramenti Confirmationis materiam. Dicitur quidem in Actis Apostolicis eos manuum impositione Spiritum S. dedisse, sed sola dedisse non dicitur; sicut in Scripturis dicimur fide justificari, sed sola fide nos justificari nullibi legitur. Dictum est ergo impositione manuum ab Apostolis datum fuisse Spiritum S. ar non sola: sicut dum dicitur aqua deleri peccata, non excluduntur verba formæ, quibus accedentibus ad elementum fit Sacramentum.

Quòd autem Apostoli, manus imponendo ad Confirmationem, pariter chrismate confirmatos linerint, testis est S. Dionysius c. 4. Ecclesiasticæ Hierarchiæ, ubi sermonem faciens de Sacramento Confirmationis, dicit: *Est quædam perfectior operatio, quam Duces nostri chrismatis balsamum nominant.* Ubi per Duces intelligit Apostolos, quorum ipse Discipulus fuerat. Idem pariter testatur S. Cyprianus epist. 37. ubi cum dixisset, *quod deerat, (supple Samaritanis baptizatis per Philippum) id, inquit, à Petro, & Joanne factum est, ut oratione pro iis facta, & manu imposita invocaretur, & infunderetur super eos Spiritus, statim subdit: Quod nunc quoque apud nos geritur, ut qui in Ecclesia baptizantur, Præpositi Ecclesiæ effrangent, & per nostram orationem, & manus impositionem Spiritum sanctum consequantur, & signaculo Dominico confirmantur.* Quibus verbis S. Cyprianus aperte significat, eandem esse Episcopalem manus impositionem in ministranda Confirmatione cum ea, quam usurparunt Apostoli in confirmandis Samaritanis: Porro Episcopalis manus impositio confirmativa, reverà Sacramentum est: igitur talis etiam erat Apostolica. Hoc etiam aperte docet Eusebius Papa in sua epist. Decretali, ubi ait: *Manus impositione sacramentum magna veneratione tenendum est, quod ab aliis perfici non potest, nisi à summis sacerdotibus, nec tempore Apostolorum ab aliis, quam ipsi Apostoli legitur, aut sentiri esse peratum: neque ab aliis, quam ab illis, qui Apostolorum tenent locum, unquam perfici potest, aut fieri debet.* Quibus verbis Eusebius significat in Scripturis legi ministratum ab Apostolis Confirmationis sacramentum, sed non legitur sibi, quàm eis in locis, ubi fit mentio collati Spiritus S. per Apostolicarum manuum impositionem ac subinde, censet, illam manus impositionem

ncm

nem Apostolorum fuisse confirmatoriam. Idem pariter docet Fabianus Papa loco in prima questione laudato, ubi dicit Apostolos & docuisse, & observasse consuetudinem Christum renovandi singulis annis.

Unde ad decretum Eugenii respondet Bellarminus lib. 2. de Sacramento Confirmationis c. 9. per illum modum loquendi Pontificem non distinguere ritum à ritu, sed personas à personis. Dici etiam potest, quòd hoc loquendi modo significare voluerit ordinem successionis inter Apostolos, & Episcopos eorum Successores, necnon & diversitatem effectus, quatenus manus impositio facta per Apostolos conferebat non solum effectum invisibilem, nempe plenitudinem Spiritus sancti, sed etiam visibilem per donum linguarum, quod utique tunc temporis ad fidem stabiliendam, & propagandam congruebat: Episcopi verò Apostolorum successores Spiritum S. conferunt tantummodo invisibilem, scilicet quoad plenitudinem gratiæ, quæ est effectus per se hujus Sacramenti; nam donum linguarum non per se, sed per accidens, & ex speciali Dei ordinatione temporis, locis, & personis accommodata, ad Confirmationis sacramentum spectat.

His omnibus adde, quòd, licet sola manus impositione tanquam Confirmationis materia Apostoli ex speciali dispensatione semper ipsi essent; non rectè tamen inde colligeretur Christum unctiorem ad sacramenti Confirmationis materiam à Christo non fuisse designatam, nec ab Ecclesia cessante dispensationis ratione esse usurpandam, quamvis enim fortè cum Apostolis dispensatum fuisset, ut baptizarent in solo nomine Jesu, inde non est consequens, quòd etiam nunc taliter sit baptizandum.

*Insuper:* Verisimile non est, Christum D. pro Sacramenti materia assignasse id, quod rarissimum erat, & nonnisi summo pretio poterat comparari, sed balsamum tunc temporis adeo rarum erat, ut teste Plinio lib. 12. & 25. solum oriretur in Judæa, idque dumtaxat in duobus hortis regiis: unde etiam Titus, capta Hierosolyma, & Judæis omnibus devictis, arbuticula balsami, veluti quid pretiosissimum Romam reportavit: igitur verisimile non est, Christum ordinasse, ut Apostoli, & nascentis Ecclesiæ Rectores, qui summa bonorum mundialium inopia laborabant, balsamum

in sacramento Confirmationis ministrando adhiberent.

*Nego minorem:* Primò, quia falsum est, quòd tunc temporis magna esset balsami penuria: nam ipsemet Plinius ibidem subiungit suo tempore balsamum montes, & colles vitium instar implevisse; unde id, quod scribit de balsami penuria, ad priora sæcula referendum est. Hoc ipsum confirmat Josephus lib. 8. de bello Judaico cap. 2. ubi dicit Reginam Saba Salomoni plantam attulisse balsami: cuius, inquit, *serax est nostra regio*. Quapropter Fabianus summus Pontifex admittere noluit Orientalium Episcoporum excusationem, qui renuebant quotannis renovare Christum, verere combuto, causantes balsamum agrè reperiri.

*Insuper,* etiam si reverà rarum fuerit balsamum tunc temporis, nihilominus cum non requiratur tanta quantitas ejus ad constituendum Christum, facile comparari poterat ab Apostolis, & Episcopis primitivæ Ecclesiæ ex fidelium elemosynis. Jam verò facili negotio, & modico pretio balsamum haberi potest; siquidem asportatur ex India, & America in varias regiones, quod licet colore, & fortè specie differat à Syriaco, nihilominus quia in fragrantia odoris, & in aliis effectibus, & proprietatibus cum eo convenit, idcirco Paulus III. & Pius IV. declaraverunt, illud sufficere ad validam Confirmationis materiam.

*Urgebis:* Si balsami admixtio essentialis esset materia hujus Sacramenti, ejus omisso hoc Sacramentum redderet invalidum: sublata enim parte essentiali, res perit, & essentia, sed omisso balsami non reddit invalidum Confirmationis sacramentum, ut constat ex cap. *Pastoralis*, de sacramentis non iterandis, ubi Innocentius III. rescribens ad Episcopum Heliensem, hac inter cetera habet: *Præterea nos consulere voluisti, an permitti debeat ministrare, qui sua impositione manuum fuerit ad Ordinem Subdiaconatus assumptus: In si Confirmationis sacramentum in eo debeat iterari, qui per errorem fuit non Christum, sed oleo delinitus. Ad quod breviter duximus respondendum, quòd in talibus non est aliquid iterandum, sed cautè supplendum, quod incautè prætermisissimum fuerat.*

*Nego minorem:* Er ad Innocentium dico cum verbis citatis solum voluisse, vel quòd prior unctio, quia publicè facta fuerat, pu-

bli:

blicè propter vitandum scandalum non debeat iterari: sed defectum substantialem esse supplendum privatim, & occultè, utendo videlicet omnibus, quæ sunt de necessitate Sacramenti, nempe unctioe olei, & balsami, circa eum, qui per errorem non Chrismate, sed simplici oleo fuerat delinitus. Vel dico Innocentium ibi non respondere ad casus propostos in particulari, sed solum hanc tradere regulam generalem, ex qua iudicent ii, ad quos rescribit, quid sibi faciendum sit, quando Sacramenta ministrabunt, nempe ut privatim suppleatur id, quod in Sacramentorum administratione fuit omissum, si id tantum erat quid accidentale: si autem quid essentiale, tunc totum Sacramentum esse repetendum, idque secretò, & prudenter ad evitandum scandalum; ita quòd Sacramentum, utpote nullum, & invalidè collatum, cautè suppleatur: qui utique supplendi modus iterationem non importat; quia, ut habetur de Consecratione dist. I. cap. *Solemnitates*, non dicitur iteratum, quod nescitur esse factum.

*Inflabis iterum:* Non magis balsamum spectat ad essentialia materiam Confirmationis, nec minus prætermitti potest, quàm duodecim genera aromatum, ex quibus Græci Chrisma faciunt, ut habetur in eorum Euchologio, & significare videtur S. Dionysius c. 4. de Eccles. Hierarchia, his verbis: *Dicimus igitur*, inquit, *unguenti consecrationem esse collectionem quandam suavitè spirantium materiarum, quæ in se magnam vim, & copiam fragrantium qualitatum continent. Cujus qui facti sunt participes, odorem bonum ex se efflant, proportionè fragrantis Communionis, quæ in eis inflat.* Necnon & S. Basilus Magnus exponens illud Psalms 132. *Sicut unguentum in capite*, ubi ait: *Oleum illud sacerdotale ex variis condimentis confabatur. Verum nullum illorum, & in unctio maximam reddebat odoris redolentiam.* Rectè igitur huic unguento concordiam comparavit, multarum enim virtutum coadunatio perfecta virtutis fragrantiam operatur. Ita veritè Arcudius. Licet enim Basilus declaret, atque describat unguentum antiquæ legis, illud tamen etiam figura nostri, & potest nostrum etiam quoad materiam esse perfectum; atque fuerit illud, cum in effectu longè sit præstantius: sed ista omnia aromatum genera non spectant ad essentialia materiam Confirmationis: ergo nec balsamum.

*Nego majorem:* Certum enim est quod

illa aromatum genera, quæ oleo, & balsamo ex usu Ecclesiæ Græcæ in conficiendo Chrismate solent adhiberi, non sint de necessitate Sacramenti, sed ad ritum quemdam accidentalem huius Ecclesiæ pertineant. Unde cum in sacra Rituum Congregatione dubitaretur utrum talis Græcorum usus esset tolerandus, decretum fuit esse tolerandum si post exactam inquisitionem constaret, illum esse antiquissimum; sed monendos esse Græcos Orthodoxos, ut hujusmodi aromata in tam parva quantitate admisceantur, quòd semper balsami odor prævalcat, & oleum in sua natura subsistat.

## CONCLUSIO SECUNDA.

**U**T *Chrisma sit legitima, & sufficiens materia Confirmationis, debet esse benedictum ab Episcopo: non est tamen improbabile, quòd ex dispensatione summi Pontificis ad id sufficeret simplicis Sacerdotis benedictio.* Prima pars apertè docetur ab Eugenio, in decreto pro unione Armenorum; ubi, sacro approbante Concilio Florentino, ait: *Secundum Sacramentum est Confirmatio, cujus materia est Chrisma confectum ex oleo, quod minore significat conscientia, & balsamo, quod odorem significat bonæ famæ, per Episcopum benedictio.* Et paulò post addit: *Legitur tamen aliquando per Apostolicæ Sedis dispensationem, ex rationabili, & urgente admodum causa, simplicem Sacerdotem chrismate per Episcopum confecto, hoc administrasse Confirmationis Sacramentum.*

Idem docent varia alia Concilia: Primò quidem Romanum secundum sub Sylvestro can. 5. *Constitutum etiam clara voce idem Sylvester Episcopus urbis Romæ, ut nemo Presbyterorum Chrisma conficeret, dicens: Quoniam Christus à Chrismate vocatur.* Similiter Carthaginense tertium can. 36. ubi decernitur: *Ut Presbyter in consilio Episcopi Virgines non consecret; Chrisma verò nusquam conficiat.* In sexto verò can. 36. statuitur: *Ut Presbyter singulis annis ante festum Paschæ petant Chrisma ab Episcopo proprio.*

Item in Toletano VIII. celebrato anno 652. tempore Martini, cap. 7. ubi cum damnasset quorundam sacerdotum presumptionem, qui cò temeritatis progressi fuerant, ut, quæ Episcopalis erant munera, usurparent, statim subdit: *Qua de re nosse vos convenit, quòd Episcopalis eminentia culmina-*

au-

authoritas non immerito sacris omnibus esse summa percensuit, quæ cæteris Sacerdotibus exercenda prohibuit, scilicet templum sacrationem, chrismatis benedictionem, sacrorum ordinum institutionem, quæ tam divinaliter ordinata persolunt, quam excellentissimè consecrantur: quia & tantò ab eis singulariter impenduntur, quanto eidem summo culmini peragenda servantur. Idem denique tradunt Concilia primum Braccarense cap. 4. ubi balsamum appellat benedictum, quod pro salute animarum per Spiritus sancti invocationem consecratur. Et Vormatiense can. 2. his verbis: *Chrisma consecrare nullus præter Episcopum præsumat; nam illi soli hæc dignitas concessa est.* In eadem sententiam unanimi calculo conspirant SS. Patres, quorum autoritates fulsissimè referunt Bellarminus lib. 2. de hoc Sacramento cap. 8. & Basilii Pontius parte 2. cap. 3.

Suffragatur etiam ratio Theologica, quæ à priori nulla alia assignari potest, quàm Christi D. voluntas ita statuentis, & ordinantis, quæ utique nobis innotescit per continuam Ecclesiæ praxim, & doctrinam. Cur autem Christo D. huius Sacramenti materiam potius, quàm Baptismi, voluerit esse consecratam, hanc rationem proferit Doctor dist. 7. q. 1. n. 3. *Quod Chrismus, inquit, contactu sua carnis mundissima omnem aquam consecraverit in usum Baptismi, non sic autem materiam illam Confirmationis; & ideo requiritur hic specialis sanctificatio. Quod etiam est rationabile magis hic, quàm ibi, quia Baptismus est Sacramentum necessitatis, & ideo potest à quocumque Ministro conferri, & rationabile est, quod in aqua non consecrata, aliquem materia conveniens non posset esse communis, & sic impediretur salus multorum. Quam utique rationem approbat Catechismus Romanus nu. 8. dicens: *Quod in plerisque aliis Sacramentis Christus ita eorum materiam instituit, ut sanctitatem quoque illi tribuerit; non solum enim aquam elementum Baptismi esse voluit, cum inquit: Nisi quis renatus fuerit ex aqua, & spiritu, non potest introire in regnum Dei, sed cum ipse baptizatus esset, effecit, ut ea deinceps vi sanctificandi prædita esset, quare dictum à S. Chrysostomo: Aqua Baptismi purgare peccata credentium non posset, nisi tactu Domini corporis sanctificata fuisset. Quoniam igitur Dominus hanc Confirmationis materiam usu ipso, & traditione non sacravit, necessarium est, ut Sanctus, & religiosus precationibus consecratur: neque**

ad aliud ea consilio, nisi ad Episcopum pertinere potest, qui ejusdem Sacramenti ordinarius Minister institutus est.

Dices; Qui potest majus, potest & minus in eodem genere operationis, sed simplex Sacerdos potest majorem efficere consecrationem, quàm sit consecratio Chrismatis, putà consecrationem Eucharistiz: igitur multò magis poterit consecrare Chrisma.

*Distinguo majorem:* Si ad utramque potestatem habeat, concedo: secus, nego: ac Sacerdos non habet potestatem circa quamlibet consecrationem inferiorem consecratione corporis Christi; alioquin propria autoritate confirmare posset, & ordines conferre, templa, & Altaria consecrare, & facere similes hujusmodi consecrationes; quæ licet inferiores sint consecratione corporis Christi; fieri tamen non possunt à simplici Sacerdote, quia ad illas efficiendas non habet auctoritatem. Unde ad vulgare illud axioma, *qui potest majus, potest minus;* dico istud equidem verum esse in eodem omnino genere, & ordine operationis; sic qui potest ferre pondus centum librarum, facilius negotio deferre poterit pondus viginti librarum; ac istud axioma falsum est in disparato ordine operationis, non enim sequitur, homo potest ratiocinari, & producere hominem: ergo pariter volare potest, & generare muscam.

Hinc satis mirari non possum, quo pacto Cajetanus ad quæst. 72. art. 3. tam debili ratione, ac fundamento nixus ausus fuerit à communi Theologorum sententia declinare, ut assereret simplicem Sacerdotem, deficientem Episcopo, posse Chrisma benedicere, & consecrare.

Quod autem ex dispensatione, & concessione summi Pontificis probabile sit, simplicem Sacerdotem posse Chrisma benedicere, & consecrare, non obscure significat Doctor loco mox laudato n. 2. ubi ait: *Materia remota Confirmationis est Chrisma compositum ex oleo olivæ, & balsamo, sanctificatum specialiter ab Episcopo, vel ab alio, cui talis sanctificatio potest committi.* Clarius verò ac distinctius in reportatis ibidem num. 11. ubi ait: *Debet Chrisma compositum ex oleo olivæ, & balsamo sanctificatum sanctificatione Episcopali communiter.* Hanc autem sententiam aperit tuncur Cajetanus, Victoria, Valentinus, &c. & ex nostris Hiquerus, Brancatus, Pitigianis, & communiter deo-

ulæ,

uista, paucis demptis cum Fabro, & Ponticio. Suffragatur hæc ratio: Non minus summus Pontifex concedere potest simplici Sacerdoti facultatem benedicendi, & consecrandi Chrisma, absente Episcopo, & urgente necessitate, quam hoc Confirmationis Sacramentum administrandi: sed revera potest summus Pontifex conferre, imò de facto contulit facultatem conferendi hujus Sacramenti: igitur, &c. Minor constabit ex dicendis de Ministro extraordinario hujus Sacramenti. Major verò patet: Non enim plus videtur requiri facultatis in conficiendo Chrismate, quam in conferendo Sacramento Confirmationis.

*Repones fusan*, disparitatem esse in eo, quod facilius concedi possit potestas ministrandi hoc Sacramentum, quam conficiendi Chrisma; quia materia Sacramenti debet esse invariabilis; benedictio autem Episcopi est de essentia hujus materiz, & ideo variari non potest: secus autem est de Ministro, qui potest esse duplex, sicut in Baptismate, nempe ordinarius, scilicet Episcopus, & extraordinarius nempe Sacerdos ex delegatione.

*Verum* hæc responsio perit principium, & supponit tanquam verum, quod vocatur in quæstione, & dubium nimirum benedictionem Episcopi ita esse essentialem materiz hujus Sacramenti, ut ea deficiente, nulla, & invalida foret materia. Fateor equidem, Chrisma necessarii debere ab Episcopo consecrari, tanquam ab ordinario consecrante: at non tanquam à consecrante essentiali.

*Adde*, quòd, qui concedit potestatem in ordine ad finem aliquem, etiam necessario illam concedere debet in ordine ad media necessariò prærequisita ad hujusmodi finis consecutionem: at consecratio Chrismatis est medium necessariò prærequisitum ad legitimam hujus Sacramenti administrationem: ergo si facultas administrandi hujus Sacramenti concedi possit simplici Sacerdoti, pari ratione concedi poterit facultas consecrandi Chrismatis.

*Reponessecundò*, disparitatem inter utrumque repeti ex eo, quòd legatur equidem facultas concessa simplicibus Sacerdotibus ad ministrandum hoc Sacramentum; nullibi autem appareat facultas aliquando concessa ad benedicendum Chrisma.

*Verum contra primò*; ex negatione facti rectè colligi non potest negatio potestatis,

& defectus autoritatis: sicut ergo antiquam dispensationem fuisse cum simplicibus Sacerdotibus, ut extraordinarie conferre possent Confirmationis Sacramentum, non poterat legitime negari potestas in summo Pontifice ad concedendam eis hanc facultatem: ita neque ex negatione facti in dispensatione de facienda consecratione, inferre licet defectum potestatis in summo Pontifice ad hujusmodi facultatem concedendam.

*Adde*, quòd non leve appareat hujus dispensationis argumentum in Concilio Toletano primo c. 20. ubi hæc habet: *Quamvis perinde ubique custodiantur, ut absque Episcopo Chrisma nemo conficiat; tamen quia in aliquibus locis, vel provinciis, Presbyteri dicuntur Chrisma conficere, placuit, ex hoc die, nullum alium, nisi Episcopum, Chrisma conficere, in per Diocesim destinare.* Et paulò post: *Episcopo sane, certum est, quod omni tempore licet Chrisma conficere. Sine consensu autem Episcopi, nihil penitus Presbyteri agere presumant.* Statutum verò est, *Diaconum non chrismate, sed Presbyterum absente Episcopo, presente verò non, nisi ab ipso fuerit præceptum.*

*Nec valet quorundam responsio*: Concilium hoc factum non approbasse, sed potius redarguisse, utpote cum prohibuerit. Id, inquam, non sufficit ad elevandam vim hujus autoritatis: nam eo ipso, quòd Concilium factum istud irritum non declarat, nec jubet repetendam esse Confirmationem, jam supponit cum legitima primum autoritate consuetudinem illam ex concessione summi Pontificis invaluisse in illis provinciis, quam deinceps cessante necessitate propter Episcoporum copiam legitima de causa abrogavit: enim verò si existimasset Episcopalem consecrationem validitatem hujus Sacramenti essentialiter esse prærequisitam, haud dubie providisset, ut confirmati Chrismate per simplicem sacerdotem benedictio, iterum confirmarentur, ne perpetuo hujus Sacramenti fructu, & effectu destituerentur.

*Confirmari etiam potest ex Concilio Hispanensi secundo celebrato anno 657. nam cap. 7. arguens, & damnans factum Agapii Cordubensis Episcopi, qui ex ignorantia licentiam fecerat Presbyteris consecrandi Altaria, ita statuit: Quaprovis, cum Episcopi plurima Presbyteris mysteriorum communis sit dispensatio, quadam tamen autoritate*

veteris legis, quadam novellis, & Ecclesiasticis regulis sibi prohibita venerint, sicut Presbyterorum, & Diaconorum, ac Virginum consecratio, constitutio Altaris, benedictio, vel unctio, siquidem nec liceat eis benedicere Ecclesiam, vel Altaria consecrare, nec impositiones manuum fidelibus baptizandis, vel conversis ex bareti Spiritum sanctum tradere; nec Chrisma conficere, nec Chrismate baptizatorum frontem signare, sed nec publice quidem in Missa quemquam penitentem reconciliare. Quæ omnia eis à Sede Apostolica prohibita esse noscuntur. Audis, quia prohibita à Sede Apostolica, non autem ex eo quod Episcopalis benedictio requiratur essentialia sacramenti? si autem id non liceat, quia prohibet Sedes Apostolica, haud dubie licitum erit, dum illa concedet.

*Dices:* Concilia, & SS. Patres absolute significant consecrationem Chrismatis spectare dumtaxat ad Episcopos: igitur simplici Sacerdoti concedi non potest.

*Distinguo antecedens:* Tanquam ad Ministros ordinarios, qui propria autoritate hanc consecrationem faciant, concedo: itaut nulli alteri ab Episcopo hæc potestas concedi possit, nego: licet enim Concilia, & Patres, ut dicemus infra, aperte significant, solos Episcopos esse Ministros hujus Sacramenti; nihilominus, ut constat ex dicendis, ea facultas concedi potest, & de facto fuit concessa simplicibus Sacerdotibus, qui ex delegata sibi potestate hoc Sacramentum administrarunt.

*Insuper:* Quoties concessa fuit simplici Sacerdoti facultas administrandi Confirmationis Sacramentum, toties cautum est, ut illud administraret ex Chrismate ab Episcopo benedicto; ita namque habet Concilium Florentinum supra, dicens: *Legitur tamen aliquando per Apostolica Sedis dispensationem ex rationabili, & urgente admodum causa, simplicem Sacerdotem Chrismate per Episcopum confecto, hoc administrasse Confirmationis Sacramentum:* Igitur aliter fieri non potest.

*Nego consequentiam:* Nam, ut dixi, ex Concilio Toletano, & Hispalensi, aperte satis colligitur, quod aliquando etiam delegata fuerit simplici Sacerdoti facultas consecrandi Chrismatis: idcirco autem in expressis concessionibus summi Pontificis, quibus facta est facultas simplicibus Sacerdotibus hoc Sacramentum administrandi,

cautum est, quod Chrisma esset ab Episcopo benedictum; quia sic benedictum Chrisma facile haberi poterat, & in varias orbis regiones deferri. Nihilominus, si iusta adesset causa, nempe si contingeret casus, quod in longinqua aliqua regione, quæ primum ad fidem converteretur, nec Episcopus posset esse præsens, nec Chrisma ad eam deferri ab Episcopo benedictum, non video quare Pontifex secundum probabilem sententiam, præsertim tempore persecutionis, quando hoc Sacramentum est maxime necessarium ad fortiter fidem profitendam, quare, inquam, non posset Sacerdoti ibidem commoranti delegare potestatem consecrandi Chrisma, & eodem Chrismate confirmandi.

### CONCLUSIO TERTIA.

**M**ateria proxima Confirmationis est unctio in fronte facta cum Chrismate benedicto in modum crucis. Ita Subtilis Doctor supra laudatus num. 2. ubi scribit: *Materia proxima, idest, illud visibile, quod concurrat in sacramento, est unctio facta in fronte in figura crucis cum Chrismate sanctificato:* Quod utique aperte confirmat Concilium Florentinum: Idem, inquit, in fronte, ubi veracundie sedes est, confirmandus inungitur, ne Christi nomen consisti erubescat, & præcipue crucem ejus, quæ Judeis est scandalum, Gentibus autem stultitia, propter quod signo crucis signatur. In quibus verbis exprimitur, ut patet, unctio in fronte per modum crucis. Idem pariter dicunt omnes SS. Patres, Dionysius de celesti Hierarchia cap. 2. *Assumentes autem illum (baptizatum) Sacerdotes, susceptori suique accessus duci cognant, & una cum ipso illum vestem baptizati munditia congruam induunt, sicque indutum rursus ad Pontificem ducunt.* Illo divino ac desico profluvio unguento virum signant (utique signaculo Christianorum, quod est crux) *sacratissime communione participem facit.* Manifestius S. Ambrosius lib. 6. de Sacramentis c. 2. *Unxit, inquit, te Deus, signavit te Christus. Quomodo? Quia crucis ipse signatus forma ad illius passionem, accepisti signaculum ad illius similitudinem.*

Idem pariter suadet ratio Theologica: Illud enim necessarium requiritur ad Sacramentum, quod per verba essentialia forme exprimitur fieri à Ministro, sed unctio per modum crucis exprimitur per hæc verba for-

formæ. *Signo te signo crucis*, &c. Igitur hæc consignatio per modum crucis est necessaria.

Deinde, consignatio, quæ fit in Confirmatione, significatur fieri more Christiano: at omnis Christianorum consignatio fit per modum crucis, ut docet Stephanus quintus, & refertur de consecrat. dist. 5. c. 10. his verbis: *Numquid non omnia Christiana sacerdotalis ministerii crucis figura perscrutantur? Numquid Baptisimus unda, nisi cruce sanctificato, peccata relevantur? Et, ut cetera prætereamus, sine crucis signaculo, quis sacerdotii gradus ascendit? Idem docet sanctus Chrysostomus tr. 118. in Joan. Postremum, quid est, quod omnes noverunt, signum Christi, nisi crux Christi? Quod signum nisi adhibeatur siue frontibus credentium, siue ipsi aqua, ex qua regenerantur, siue oleo, quo Chrismate unguuntur, siue sacrificio, quo aluntur, nihil eorum rite possunt.*

Ipsa pariter consignatio fieri debet in fronte, ex continua Ecclesiæ praxi, ut docet Innocentius I. epist. 1. c. 3. ubi loquens de unctionibus, quæ fieri possunt à simplici Sacerdote, subdit: Non tamen frontem, ex eodem oleo signare, quod solis debetur Episcopis, cum tradunt Spiritum Paracletum. Idem pariter docet Damasus ep. 4. inhibens Chorepiscopis huius sacramenti ministerium his verbis: *Nec Chrismate baptizatorum frontes signare.* Hinc S. Augustinus ser. 2. in Ps. 36. *Crux, inquit, jussu de patris generis humani sublata est; cum enim sub antiquis scelerati crucifigerentur, modo nullus crucifigitur, honorata est, & finita est; finita est pena, manet in gloria: à locis supplicium, scitis transitum ad frontem Imperatorum.* Et in Psalmum 44. *Attende gloriam crucis Christi, jam in fronte Regum crux illa fixa est, cui inimici insulaverunt.* Et in Psalmum 95. *Dominus regnavit à ligno, quia pugnavit cruce sua Christus, viciu Reges, & subjugatis eis, ipsam crucem in fronte fixit, & gloriantur de illa, quia ibi est laus illorum.*

Dicit: S. Cyrillus Hierosolym. Catechesi 3. docet non solum frontem, sed & alias corporis partes Chrismate inungendas esse, maxime verò quinque sensuum organa, ait enim: Primum frons illinitur, ut eum à nobis abstergas pudorem, quem primum homo transgressu perpetuo circumferebat humilem efficiat, ut possimus vultu non velato gloriam Dei insuere: deinde verò aures unguuntur... postea nares, &c. Quem etiam ritum plurimum

servant Græcorum Ecclesiæ, ut patet ex divetis Græcorum Euchologiis. Insuper S. Ambrosius lib. de iniciandis c. 6. dicit caput inungi; deinde verò unguentum in barbam effluere: igitur unctio non solum in fronte debet fieri.

*Respondet*, quod est alia corporis partes inungantur Chrismate, nihilominus solam unctionem in fronte esse de necessitate, & essentia hujus sacramenti; cum enim frons sit sedes pudoris & erubescentiæ, prius est ungenda, quam cæteræ partes, ut confirmatus Christi fidem, & Evangelium profiteri non erubescat. Ad S. Ambrosium dico, cum ibi non loqui de unctione confirmatoria, sed de caeremoniali, quæ fit in verace, dum quis baptizatur: de confirmatoria enim tantum agit c. sequenti.

Differt autem hæc unctio, quæ fit in fronte per Episcopum (ut observat Durand. l. 6 de ritibus Ecclesiasticis) ab illa, quæ fit in cerebro, siue in vertice per sacerdotem. Primum, quia secundum Rabanum de Consec. dist. 5. c. novissimè. In illa signatur supra baptizatum Spiritus sancti descensio ad habitationem Deo consecrandam; in hac verò signatur ut ejusdem Spiritus sancti septiformis gratia cum plenitudine sanctitatis, scientiæ, & virtutis venire in homine declaratur. Secundum, differunt quia per illam, quæ fit in vertice, anima Christo desponsatur: per istam verò, dicitur, & dotatur. Item per illam ostenduntur vulnera esse sanata: per hanc plenitudo gratiarum confertur, quod ex verbis utriusque unctionis potest perpendi. In collatione enim illius unctionis dicit sacerdos: *Deus omnipotens Pater Domini nostri Jesu Christi, qui te regeneravit ex aqua, & Spiritu sancto, qui te ibi dedit remissionem omnium peccatorum, ipse te hinc Chrismate salutis in vitam æternam.* His verbis, quæ est salutatio in vitam æternam, per hanc unctionem obtineri ostenditur, sed hæc verba transcendit Episcopus in unctione Confirmationis, dicens: *Emite in eum septiformem Spiritum sanctum illum Paracletum de cælis: Spiritum sapientiæ, & intellectus, Spiritum consilii, & fortitudinis, Spiritum scientiæ, & potestatis, & imple eum Spiritu timoris Domini, & confirma eum signo sanctæ Crucis, præparatus in vitam æternam: confirma, inquam, ut Spiritum sanctum non amittas.* In Concilio Tolet. de conc. de v. cap. addum, & c. sequenti dicitur, quod nullus debet bis confirmari, sicut nec baptizari.

Post orationem, quam communiter dicit Episcopus super omnes confirmandos, si plures sint, singulariter cuilibet frontem linat in modum crucis, Christum pollice, dicens cuilibet. *In nomine Patris, & Filii, & Spiritus S. Pax tecum.* Quæ salutatio fit ad novum hominem, qui dignus est salutari propter vitæ novitatem, & qui secundum Deum creatus est in iustitia, & sanctitate, & veritate: interim enim, cum erat vetus, non erat salutandus, sed tantum erat pro eo orandum. Ideo autem fit in modum crucis, & cum Christum, sicut & omnia Christum cum crucis figura perficiuntur: de consecr. dist. 5. numquid ut appareat, quod est illius, per cujus crucem redemptus est, sine quo signaculo non oportet nos ante Deum representari. Quod fit cum pollice, quia ille in consecratione Pontificis est ad hoc specialiter consecratus. Hæc Durand. quibus addit.

Subsequenter Episcopus confirmatum percussit in faciem. *Primo*, ut tenacius memoriæ teneat, se hoc Sacramentum recepisse: *Secundo*, quia hoc Sacramentum datur baptizato ad robur fidei, ut præmissum est, ut videlicet sit ita fortis in fide in baptismo suscepta, quod ulterius coram quocumque confiteri nomen Christi non erubescat. *Tertio*, hæc percussio representat manuum impositionem, quoniam Apostoli per manus impositionem confirmabant. *Quarto*, ad terrendum malignum spiritum, ut fugiat, neque redire audeat, sicut fecit beatus Benedictus, liberans per alapam monachum, qui à maligno spiritu vexabatur, ut legitur in Dialog. Greg. lib. 2. c. 32.

Duo ergo facit Episcopus: *Primum*, quia cum ungit in fronte: *Secundum*, quia ipsum percussit in facie: *Unctio* significat unguentum gratiæ quantum ad actus audaces aggrediendi ea, quæ percutiunt ad fidem: *Percussio* verò fit, ne ulterius confundatur, aut timeat confiteri nomen Christi, quasi dicat Episcopus confirmato: Ita sis fortis, ut quicumque te percusserit, vel quocumque alio modo tibi confusionem fecerit pro eo, quia Christi fidem confiteris, tu in his omnibus non erubescas, percussus enim in facie erubescere solent: Similiter etiam fit alcubi propter eandem causam militibus novis. Ita Durandus.

### QUÆSTIO TERTIA.

*Quenam sit forma legitima, & valide Confirmationis.*

**N**otandum *primo*, citra controversiam esse, quod huiusmodi Sacramenti forma, sicut & aliorum Sacramentorum, quæ consistunt in usu, sint aliqua verba, quæ materiam proximam significant, & expriment: commune etenim est omnibus Sacramentis novæ legis, ut materia, & forma consent, idest elementa visibili, & verbis quibusdam formæ rationem gerentibus, si matrimonium excipias, quod, ut dicemus, per nuptus, & signa consensum declarantia valide potest contrahi. Quod maxime verum est de Confirmatione: siquidem Apostoli Act. 8. leguntur oravisse, ut qui baptizati jam fuerant, Spiritum S. per manuum impositionem acciperent: quæ utique oratio fuit instar formæ: vel erat ipsamet forma, quæ idcirco dicitur oratio, quod ad ejus prolationem, & impositionem manuum Spiritus S. super confirmatos velut exoratus, & precibus interpellatus illaberetur. Verum controversatur inter Theologos, quænam verba ad Confirmationis formam necessariò sint adhibenda.

*Notandum secundò*, eam esse quorundam Græcorum sententiam, ut refert Arcudius lib. 2. c. 6. quod verba, quæ dicuntur à Pontifice super unguentum consecrandum, sint hujus Sacramenti forma. Ita Gabriel Philadelphius in tr. de Sacramentis, ubi agens de consecrationis forma, ait: *Forma unguentum, & quæ vult habent illud informandi.* Eodem errore laborat Nicolaus Cabasilas in lib. de expositione Liturgiæ c. 29. qui cum vellet probare formam consecrationis esse deprecatoriam, recenset à simili cæterorum Sacramentorum formas esse deprecatorias, præcipue verò sacri unguentis. Idem pariter censet Marcus Ephebinus in opusculo, cujus inscriptio est, quod non solum à voce Dominicorum verborum sanctificantur divina dona, verum etiam à consequente oratione, & benedictione Sacerdotis. Verum, ut optime notat Arcudius, hi omnes turpiter hallucinantur: Tum, quia Sacerdos Græcus ex dispensatione Sacramentum Confirmationis tribuit, non potest autem Christum consecrare: igitur hujus Sacramen-



ti forma, & essentia non consistit in precibus, quibus Christina consecratur. Tum; quia unguentum consecratum à Pontifice, habet tantum rationem materiæ: igitur huius Sacramenti forma non consistit in illius Chrismatis consecratione. Tum denique, quia plurima verba in benedictione, & consecratione Chrismatis profert Pontifex, quæ illi Græci ultrò fatebuntur non omnia spectare ad huius Sacramenti formam. Nec in illis aliqua certè designari possunt, in quibus præcisè huius Sacramenti forma ratio consistat: igitur inanis est, & absurda eorum sententia, ac subinde solum restat libranda difficultas de legitima forma, usurpari solita ab Ecclesia Orientali simul & Occidentali, Græca videlicet, & Latina.

Notandum tertio, duplicem solitò circumferri formam conferendæ Confirmationis, quarum prima in Ecclesia Latina frequentata concipitur his verbis: *Signo te signo crucis, & confirmo te Chrismate salutis, in nomine Patris*, &c. Quæ utique forma pridem in usu fuit apud Latinos, ut colligitur ex Ritualibus antiquissimis, quos laudant Alcuinus, & Amalarius Fortunatus, qui solum poenè abhinc 200. annis. Necessit, quòd his verbis expressa non inveniantur apud SS. Patres; nam, ut docet Innocentius I. epist. 1. ad Decentium c. 3. agens de Confirmatione: *Verba, inquit, dicere non possum, ne magis prodere videar, quam ad consultationem respondere*. Forma verò usitata apud Græcos hæc est: *Signaculum donationis Spiritus sancti, supple, donatur tibi*. Quam utique formam antiquitus frequentatam fuisse apud Græcos, pluribus probat Arcudius lib. 2. c. 2. maxime verò ex B. Asterio Episcopo Amasii. Tradit etiam Cardinalis Bessarion in tr. de sacramento Eucharistiæ, ubi asserit hanc formam expressam fuisse in secunda Synodo Oecumenica. Quæ, inquit, verba, quæ sacrum Chrismate perficiunt, tradens in 7. can. ita ait: *Obsecrantes, hoc est, sanctissimo Chrismate eos Chrismantes, dicimus signum domini Spiritus sancti, & hæc verba secundum eos, hoc Chrismatis sacramentum perficiunt*. Idem pariter docet Hieronimus Patriarcha Constantinopolitanus in sua censura hæresis Calvinianæ, quam Stanislaus Socoloreus è Græco in Latinum vertit, & orationibus illustravit; explanans autem caput tertium ejusdem censuræ, ubi habetur hæc Græcorum forma, addit: For-

mam hanc verborum sacramenti Confirmationis olim fuisse, testatur can. 7. Concilii primi Constantinopolitani: *Signatos, inquit, sive unctos, primum sancto Chrismate, & frontem, & oculos, & nares, & os, & aures, & eos signantes dicimus, Signaculum domini Spiritus sancti*. Non dissimilis est item ea formula, quæ nunc in Ecclesia utitur: *Confero te signo sanctæ crucis, & Chrismo te deo salutis*. Quam item vetustissimam esse, patet ex D. Ambr. de iis, qui mysteriis instituuntur c. 7. *Signavit te Deus Pater, confirmavit te Christus D. & dedit pignus Spiritus in cordibus tuis, sicut Apostolica lotione didicisti*.

Quibus præmissis, duo hic occurrunt statuenda: Primum, quænam sit legitima forma huius sacramenti à Latinis usurpata: Secundum, utrum probanda sit forma usitata apud Græcos.

### CONCLUSIO PRIMA.

Forma ordinaria, & legitima Confirmationis apud Latinos est hæc, aut ei æquivalens: *Signo te signo crucis, & confirmo te Chrismate salutis: In nomine Patris, & Filii, & Spiritus sancti*. Ita docet Concilium Florentinum in Decreto unionis Armenorum, & habet Pontificale Roman. à Clemente octavo, atque ab universa Ecclesia Latina probatum. Quòd etiam ratione suaderi potest, quam tradit Catech. Rom. n. 6. Illa enim est forma conveniens, quæ quidquid ad sacramenti essentiam pertinet, aptissime declarat: atqui præfata forma aptissima est ad declarandum sacramenti Confirmationis essentiam, causam, & effectus; etenim maxime hæc tria in Confirmatione observanda sunt, divina potestas, quæ ut principalis causa in Sacramento operatur, tum robur animi, & spiritus, quod per sacram unionem fidelibus ad salutem tribuitur: deinde signum, quo notatur is, qui in certamen Christianæ militiæ descenditurus est.

Ac primum quidem verba illa: *In nomine Patris, & Filii, & Spiritus sancti*, quæ extremo loco posita sunt: alterum ea, *Confero te chrismo salutis*: quæ in medio sunt: tertium, quæ in principio formæ locantur, *Signo te signo crucis*, satis aptè declarant. Quamquam si etiam ratione aliqua probari non possit, hanc esse huius sacramenti veram, & absolutam formam,

Ecclesie Catholicæ auctoritas, ejus magisterio ita semper edocui sumus, non patitur nos ea de re quidquam dubitare.

Porro ad hanc formam respexisse videtur Apost. 2. Cor. 1. his verbis: *Qui autem confirmat nos vobiscum in Christo, & unxit nos Deus, qui & signavit nos, & dedit pignus Spiritus in cordibus nostris.* Imprimis hoc Sacramento confirmamur à Deo Patre in Christum, idest, in fide erga Christum, quam intrepide tutamur, & ad quam mores fidei exigitur. In hoc etiam Sacramento imprimi militibus suis insignia sua Princeps noster Christus, cujus cruce pugnamus, vincimus, triumphamus, coronamur. Infunditur etiam Spiritus S. pignus, & donum notionale, infirma cordis, & corporis virtute firmans perpeti. Paterni milites spirituales eligit, Filius acceptat, Spiritus sanctus instruit, & firmat. *Signavit te Deus Pater*, inquit S. Ambrosius lib. de iis qui iniciantur, c. 7. *Confirmavit te Christus Dominus, & dedit pignus Spiritus in cordibus tuis.* A Patre ergo milites vocamur, à Christo militie adscribimur, sed à Spiritu sancto armamur, juxta illud Cyrilli Hierosolymitani Catech. 3. *Ut Salvator post Baptismum, & Spiritus sancti adventum ingressus in prælum devictis adversariis, sic & vos post sacrum Baptisma, & Christum mysticum induti armis sancti Spiritus adversus oppositam potestatem constituti, & praeliamini dicentes: Omnia possum in eo, quia me confortat Christo.*

Verba ergo ista *Confirmo te, Signo te*, Spiritus S. effusam plenitudinem significant, idem namque in *Confirmatione* sortes efficiuntur, quia Spiritu sancto roboramur. Nam Christus in celum ascensus, cum Spiritum sanctum Apostolis polliceretur, hoc eodem virtutis nomine Spiritum S. expressit, Lucæ 24. *Scitote*, inquit, *in civitate, quondamque induamini virtute ex alto:* Nihil ergo mirum, si quo orationis genere Spiritum S. Christus promittit, eodem Ecclesie promissum dari significet. Dixi autem in conclusione, aut aliis verbis æquivalentibus; siquidem valeret forma, si loco confirmæ quis diceret, *Confirmetur*, vel, *Confirmet te Deus*, supple *per me*: Perinde enim est ad formam hujus sacramenti, quod fiat modo imperativo, vel indicativo. Hæc enim forma imperativa usus est S. Sylvester in Confirmatione Constantini Magno, quam Imperator in edicto suo (quod habetur

tom. r. Conciliorum post Conc. Rom. II. sub Sylvestro) his verbis: *Levatoque me de venerabili fonte, induto vestibus candidis septiformis gratia sancti Spiritus confirmationem adhibuit beati Christissimi unitione, & vexit me sanctæ crucis in mea fronte lividi, dicens: Signet te Deus sigillo fidei suæ, in nomine Patris, & Filii, & Spiritus sancti, in confirmationem fidei.*

Imò nonnulli probabiliter docent, eam fieri posse verbis deprecativis, ut existimat Hiquæus n. 71. idque colligit non solum ex ritu, quo Apostoli conferebant Confirmationem; nam Actor. 8. legitur: *Oraverunt pro ipso, ut acciperet Spiritum sanctum;* sed etiam ex illis verbis S. Augustini lib. 5 de Trinit. c. 20. *Neque enim, inquit, aliquis Discipulum cum dedit Spiritum sanctum; orabant quippe, ut veniret in eos, quibus manus imponebant, non ipsum dabant, quem morem in suis Præpositis etiam nunc servat Ecclesia, &c.*

Ex quibus, inquit Hiquæus, non incongruè interpretari licet modum deprecativum esse sufficientem. Eum autem fuisse in usu, colligitur ex forma, qua usus est Sylvester, & videtur S. Augustinus similem modum in suo tempore, tanquam consuetum indicare. Neque incongruè intelligitur ille locus S. Ambrosii lib. 2. de sacramentis c. 7. ad hunc modum confirmandi alludere: *Venisti ad sacerdotem, quid tibi dicit? Deus Pater omnipotens, qui te regeneravit ex aqua, & Spiritu sancto, concessitque tibi peccata tua, ipse ungit in vitam æternam, &c.* Et quamvis hæc esse verba Sacerdotis ungentis in vertice, dicat Amalarius lib. 1. de Offic. c. 27. tamen verba Episcopi, quæ subjungit, etiam deprecatoria sunt, & non indicativa potestatis, unde ipse dicit: *Emite in eum* (verba sunt Episcopi) *seperformem Spiritum sanctumque Paracletum de calis, Spiritum sapientia, & intellectus; Spiritum consilii, & fortitudinis; Spiritum scientia, & pietatis; adimple eum Spiritus amoris Domini, & confirma eum signo crucis in vitam præparatam æternam, &c.* Ad hæc autem verba S. Ambrosii rectè postulat alludere, qui in clausula sequenti declarat effectum Confirmationis; *Vide*, inquit, *ubi unctus es? In vitam*, inquit, *æternam: Noli hanc vitam illi vice anteferre:* v. g. si exurgat inimicus aliquis, si velis tibi vitam tuam auferre, si minatur mortem, ut prævaricaretur quisquam, vide quid

eligas. Noli eligere illud, in quo non es unctus, sed elige, in quo unctus es, & vitam eternam vitæ præferas temporali, &c. Et lib. 3. sequenti, postquam c. 1. explicavit effectum Baptismi, c. 2. Sequitur, inquit, *Spiritale signaculum, quod audisti hodie legi, quia post fontem superest, ut perfectio fiat, quando invocatione Sacerdotis Spiritus sanctus infunditur; Spiritus sapientia, & intellectus; Spiritus consilii, & virtutis, &c.* ubi agit de Confirmatione, quæ Baptismo accedit, tanquam perfectio. Huc ergo verba etiam ultimi capitis lib. 2. quasi ejusdem materiz continuatio non intermissa, referenda sunt. Hæc Hiquius. Verum, quamquam ista non sint omnino improbabilia, nihilominus certum est, quod servanda sit usitata forma verbis indicativis expressa; peccaret enim graviter apud Latinos, qui alienam ab ea formam usurparet, secilis autem est apud Græcos, ut significabit

## CONCLUSIO SECUNDA.

**V**Aliud, ac legitime Græci utuntur hac forma in conferenda Confirmatione. Signaculum doni Spiritus sancti.

Probatum primo ex præfato canone 7. Concilii Constantinopolitani, in quo, ut diximus, non alia servabatur forma in recipiendis hæreticis, & confirmandis, quam forma mox assignata: sic enim hunc Canonem refert, & vertit Arcudius: Eos, qui recte fidei adiciuntur, & parti eorum, qui ex hæreticis salvantur, recipimus secundum subiectum hic tenorem, & consuetudinem: *Arrianos videlicet, & Macedonianos, & Sabatianos, & Novatianos, qui se puros, & singulos vocant, & Quartodecimanos, scilicet Tetraditas, & Apollinaristas dantes quidem libellos, & omnem hæresin anathematizantes, quæ non sentis, ut sancta Dei Catholica, & Apostolica Ecclesia, recipimus obsequendos, sive ungendos, primum sancto Christum, & frontem, & oculos, & nares, & os, & aures, & eos signantes dicimus: Signaculum donationis Spiritus sancti.* Ubi haud dubie sermo est de Sacramento Confirmationis. Idem antea statutum, & ordinatum erat in Concilio Laodiceno cap. 7. Hæreticos, inquit, *Novatianos, Photinianos, Quartodecimanos, seu quos ipsi vocant fideles conversos, non prius esse recipiendos, decernimus, quam omnem hæresim, possessionem eam, qua erant infideli, anathematizaverint; tum* *Fraßen Theol. Tom. XI.*

*demum ab ipsis dictis fideles mysteria fidei edocui, sanctoque Christiane inunctos, ad sacrificium Communionis mysterium participandum admittendos.*

Repones, Canones Concilii Constantinopolitani non esse approbatos ab Ecclesia, ut testatur S. Gregorius lib. 6. epist. 31. *Canones, inquit, Constantinopolitani Concilii Eudoxianos damnant, sed quis fuerit eorum auditor Eudoxius, minime dicunt. Romana autem Ecclesia eosdem Canones, vel gesta Synodi illius hæcenus non habet, neque nos accipimus.*

Verum contrarium apparet ex sexta Synodo, ut refertur c. 7. dist. 16. ubi præfata Synodus decernit: *Confirmamus & ceteros sanctorum canones & Synodos, idest, Nicenam, Constantinopolitanam, &c.* Et c. 17 ejusdem distinctionis. Transcribitur hæc professio Romani Pontificis ex libro divino: *sancta octo universalis Concilia: idest, primum Nicanum, secundum Constantinopolitanum, &c. usque ad unum apicem inviolata servare, & pari honore & veneratione digna habere, & quæ prædicaverunt, & statuerunt, modis omnibus sequi, & prædicare, quaque condemnaverunt, ore & corde condemnare profiteor.* Accedit etiam Leo quartus in epistola ad Episcopos Britanniz, & refertur dist. 20. c. 1. ubi inter cætera hæc habet: *Quibus, inquit, in omnibus Ecclesiasticis utimur iudiciis, sunt canones Apostolorum, Nicanorum, &c. Constantinopolitanorum, & isti omnino sunt, per quos judicant Episcopi, simul judicantur & Clerici:* Unde ad S. Gregorium dico cum intelligendum esse solum de Canone 5. illius Concilii, in quo statuitur, Sedem Constantinopolitanam esse secundam post Romanam, & ceteris præferendam. Quem utique Canonem non recipit Ecclesia Romana, ut constat ex epistola Leonis primi ad Anatholium, & ex epistola Leonis octavi, vel noni adversus Michaellem; unde etiam Baronius ad annum 393. existimat, & non sine fundamento, hunc canonem adscititium esse, & à Præfultibus Constantinopolitanis Canonibus aliis insertum.

Verum, quidquid sit de isto canone Constantinopolitano, certum est, præfatum Gregorii formam pridem ab eis fuisse usurpatam, nec usquam à Latinis reprobata: Tum, quia hujusmodi forma habetur in veteri Euchologio Græcorum jussu Urbani octavi recusso, & approbato: Tum, quia

quia in omnibus Conciliis, maxime Lugdunensi, & Conciliis, in quibus actum est de Græcorum erroribus, nusquam hic fuit eis obiectum, quod invalida Confirmationis forma uterentur: *Tum*, quia Clemens octavus in Bulla, qua perstringit abusus Græcorum, quæ habetur tom. 3. Bullarii folio 47. cum prohibuisset Presbyteris Græcis, ne Confirmationis Sacramentum conferrent, prohibuit quoque, ne ista verba, *Signaculum domini Spiritus sancti*, nullatenus proferrent: si autem illa verba non essent verba Confirmationis usitata apud Græcos, sed tantum quædam Baptismi cæremonia, non prohibuisset Presbyteris, ne huiusmodi verba proferrent: *Tum denique*, quia in hac forma continetur quidquid necessarium est ad veram formam Confirmationis; nam tria ad veram Confirmationis formam requiruntur, nempe actus Ministri, secundò robur spirituale, quod significatur homini conferri per Sacramentum; tertio, ipsius materię, seu signi sensibilis applicatio designata, at tria hæc in præfata Græcorum forma reperiuntur: *Primo* namque significatur principalis causa conferens plenitudinem roboris, nempe sancta Trinitas, cum dicitur *in nomine Patris, &c.* significatur pariter, & exprimitur actus, qui per Ministrum exercetur, necnon & ipsum suscipiens: nam huius sensus formæ est hic, *Hoc, quod tibi do, est signaculum domini Spiritus sancti*; hæc enim important duo illa vocabula, *signaculum domini*, non secus ac apud Latinos synonyma sunt hæc, *hic est liber tuus, & do tibi hunc librum*.

Nec obstat, quod non scribatur verbum substantivum; sufficienter enim subintelligitur, quemadmodum plerumque fit apud Latinos, ut patet ex locutionibus; *Lumen Chrysi*; *Gloria in excelsis Deo*; *Gloria Patri, &c.* *Filio*, &c. Unde ubi in Exodo c. 24. legitur: *Hic est sanguis fœderis, quod pepigit vobiscum Dominus*; Apostolus ad Hebr. 9. idipsum exprimit sine verbo substantivo, scribens: *Hic sanguis Testamenti, quod mandavit ad vos Deus*. In ea pariter designatur effectus duplex Sacramenti: primus videlicet character, qui exprimitur nomine signaculi, & gratia sanctificans, quæ designatur nomine domini. Unde Cardinalis Bessarion, & Arcudius locis laudatis, docent hanc Græcorum formam æquivalere formæ à Latinis usurpatæ.

Nec obstat, quod Catumfyrutis in con-

cordia utriusque Ecclesię tr. 1. accusatione 7. dicat huiusmodi verba, *Signaculum domini Spiritus sancti*, non esse formam Confirmationis, sed cuiusdam Chrismationis reconciliatorię, quæ olim in Ecclesia Græca solebat in Baptismo adhiberi: Contrarium enim huius assertionis sufficienter constat ex omnibus mox dictis. Nec pariter obstat, quod Severus Patriarcha Alexandrinus lib. de Ritibus Baptismi, qui habetur tomo 6. Bibliothecę sacrę, proferat formam consecrationis similem Romanę. Hoc, inquam, non obstat; quippe, sicut in Ecclesia Latina in diversis Ritualibus amplexus diversę referuntur formę consecrationis, ita mirum videri non debet, quod etiam in diversis Euchologiis Græcis, diversę huius Sacramenti formę reperiantur.

## ARTICULUS SECUNDUS.

*De præcipuis, ac propriis Sacramenti Confirmationis effectibus.*

**Q**Uatuor potissimum huius Sacramenti mirandos effectus recenset ac declarat Catechismus Romanus n. 16. & sequentibus, ubi scribit: Pastores docebunt, Confirmationem hoc cum cæteris Sacramentis commune habere, ut, nisi impedimentum aliquod ex parte ejus, qui illud recipit, inferatur, novam gratiam tribuat: etenim hæc sacra & mystica signa ejusmodi esse, demonstratum est, quæ gratiam declarant, atque efficiunt. Sed præter hæc, quæ cum aliis communia censenda sunt: *Primum*, quidem illud propriè Confirmationi tribuitur, quod Baptismi gratiam perficit: qui enim per Baptismum Christiani effecti sunt, quasi infantes modò geniti teneritatem adhuc & mollietatem quamdam habent, ac deinde Chrismatis Sacramento adversus omnes carnis, mundi, & diaboli impetusturbustiores fiunt, & eorum animus in fide omnino confirmatur ad confitendum, & glorificandum nomen Domini Nostri Jesu Christi: ex quo etiam nomen ipsum inventum esse nemo dubitat.

Nec verò confirmat solum, sed augeat etiam: de quo Melchisedes ita testatur: *Spiritus sanctus, qui super aquas Baptismi salutifero descendit illapsus, in fonte plenitudinem tribuit ad innocentiam: in Confirmatione augmentum præstat ad gratiam.*

Deinde non augeat modò, sed admirabili quæ-

quadam ratione augeat. Hoc autem pulcherrimè indumentum translatione Scriptura significavit, atque expressit; inquit enim Dominus Salvator, cum de hoc Sacramento loqueretur: *Sedens in crotale, quoad usque induamini virtute ex croto.*

Habet præterea Confirmatio eam vim, ut characterem imprimat: quo fit, ut nulla unquam ratione iterari possit: quod etiam in Baptismo supra observatum est; ac de Sacramento Ordinis quoque suo loco planius exponetur. Hæc igitur si à Pastoribus sæpe, & accuratè explicata erunt, vix fieri poterit, quin fideles cognita hujus sacramenti dignitate, atque utilitate illud summa cum diligentia sanctè, & religiose suscipere studeant.

Quoniam autem quatuor illi, & similes effectus maximè collimant in infusionem gratiæ, & characteris impressionem, ideirco duæ occurrunt hoc in articulo libranda controversiæ: *Prima*, quænam specialis gratia per Sacramentum Confirmationis conferatur: *Secunda*, utrum characterem imprimat, ratione cujus non possit ullatenus iterari.

### QUESTIO PRIMA.

*Utrum, & quænam specialis gratia per Sacramentum Confirmationis conferatur.*

**N**otandum primò, citra controversiam esse, quod per Confirmationem conferatur gratia sanctificans; quippe cum veteram ac perfectam Sacramenti novæ legislationem & dignitatem obtineat: porro ea est novæ legis Sacramentorum efficacia, ut ex opere operato ad hominis salutem & sanctificationem conferant; ac subinde largiantur gratiam, qua hujusmodi sanctitas formatur, & firmatur: sed difficultas movetur de speciali gratia, quæ per hoc Sacramentum ita conferatur, ut per aliorum Sacramentorum receptionem de via ordinaria non possit obtineri.

Notandum secundò, pariter certum esse, quod Sacramentum Confirmationis per se, & ex primaria intentione Christi instituentis non habeat vim conferendi primam gratiam, sed tantum secundam, nempe augmentum gratiæ sanctificantis jam in homine existentis. Quamvis enim per accidens fortè posset intercedere conferre primam gratiam, ubi aliquis bona fide existimat se, vel debet sa-

cramentum Pœnitentiæ suscepisse, vel non perdidisse gratiam in baptismo acceptam, vel saltem se esse contritum, dum ad Sacramentum Confirmationis accedit; nihilominus aperte constat ex dictis de Sacramentis in communi, quod Confirmatio ex ratione sua formali, & per se non habeat vim conferendi primam gratiam: *Tum*, quia definitum est in decreto unionis Concilii Florentini, nec non in Trid. sess. 5. can. 3. & sess. 14. can. 1. duo solum esse Sacramenta per se instituta ad eluendum peccatum mortale, nempe Baptismum, quo originale, & Pœnitentiam, qua actuale tollitur. Itaque solum movetur questio de gratia secunda, hoc est de augmento gratiæ sanctificantis per Confirmationem conferendo, qualis videlicet sit illa gratia.

Notandum tertio, certum pariter esse, quod gratia per Confirmationem collata necessaria præsupponere debeat gratiam baptismalem, siquidem prius est fieri Christianum, quam corroborari, & perfici: priusque est nasci, quam adolescere, & in virum perfectum evadere. Sed controversitur apud Theologos, utrum gratia Confirmationis sit præstantior, ac copiosior gratia baptismali. Porro utriusque hujus gratiæ comparatio potest fieri dupliciter, ut bellè observat Scraphicus Doctor dist. 7. ar. 3. q. 3. *Uno modo* ratione præsuppositionis, & hac ratione constat, quod gratia Confirmationis præstantior sit baptismali; nam bene, & perfecte vivere melius est, quam tantum vivere; *alio modo* ratione efficaciz, seu effectus formalis, quem utraque gratia confert. Quæritur autem, utrum gratia per Confirmationem collata hoc utroque modo sit præstantior baptismali. Duo itaque hic sunt statuenda: *Primum*, quænam sit specialis gratia per Confirmationem conferenda: *Secundum*, utrum, & qualiter sit præstantior gratia baptismali.

### CONCLUSIO PRIMA.

**C**onfirmatio per se ordinatur ad conferendam specialia gratia auxilia, quibus homo roboratur, & annectitur ad consuetudinem Religionem Christianam, & Catholicam, & fideliter consummandam fidei certamen. Ita subtilis Doctor dist. 7. q. 1. m. 1. ubi ait: *Confirmationis sacramentum est unctio... significans efficaciter ex infusione divina unionem anime, per gratiam roborantem, ad consuetudinem*

cum constantia fidem Christi. Idipsum docet Concilium Florentinum in Decreto Unionis, ubi agens de Confirmatione, ait: *Effectus autem hujus sacramenti est, quia in eo datur Spiritus sanctus ad robur, sicut datus est Apostolis in die Pentecostes, ut audacter Christi constaretur nomen.*

Quemadmodum enim Apostoli Confirmationis effectum in die Pentecostes per internum, & externum S. Spiritus in eos illapsum, ibant gaudentes à conspectu Concilii, quoniam digni habiti sunt pro nomine Jesu contumeliam pati, & summa animi fiducia Christum ubique predicabant, juxta solemne illud ipsius Christi promissum. Act. 1. *Accipietis virtutem Spiritus S. & eritis mihi testes in Hierusalem, & in omni Judæa, & in Samaria, & usque ad ultimum terræ:* Sic homo confirmatus speciale animi robur obinet, non tantum ad expugnandas assiduas interiores, & exteriores diaboli infestationes, sed maxime ad protestandam fidem coram tyrannis, & Ecclesiæ impugnatoribus: sicut ergo baptizatus potestatem spiritualem accipit protestandi fidem in Ecclesia, & coram aliis fidelibus per susceptionem aliorum Sacramentorum, ita confirmatus accipit specialia gratiæ auxilia ad suam fidem profitendam coram infidelibus, & Ecclesiæ adversariis.

Hinc S. Clemens lib. 3. Constitutionum Apostolicarum, c. 17. ait: *Unguentum est Confirmatio professionis.* Et epist. 4. Confirmationem appellat perfectionem Christianismi: *Cum autem, inquit, regeneratus fueris per aquam, & postmodum septiformis Spiritus gratia ab Episcopo confirmatus, quia aliter perfectus Christianus esse nequaquam poteris, nec sedem habere inter perfectos.* Hoc ipsum docet S. Dionysius lib. 4. Ecclesiasticæ Hierarchiæ: *Adventum Spiritus sancti, inquit, consummans unguenti inunctio largitur.*

Quæ sit autem Spiritus S. adventus consummatio, & quem in finem deserviat, discrete explicat S. Melchisedes Papa epist. ad Episcopos Hispaniæ, dum scribit: *Spiritus sanctus, qui super aquas Baptismi salutifero descendit illapsu, in fonte plenitudinem irruit ad innocentem, in Confirmatione augmentum præstat ad gratiam.* Et quia in hoc mundo tota ætate victuris inter invisibiles hostes, & pericula gradiendum est, in Baptismo regeneramur ad vitam, post Baptismum confirmamur ad pugnam; in Baptismo abluimur,

post Baptismum reboramur. At si continuo transiurus sufficiens regenerationis beneficium, victuris tamen necessaria sunt Confirmationis auxilia. Regeneratio per se salvat mox in pace beati sæculi recipiendus. Confirmatio autem armat, & instruit ad agones huius mundi, & prælia reservandos. Quia autem post Baptismum cum acquisita innocentia, immaculatus pervenit ad mortem, confirmatur moris, quia non potest peccare post mortem.

## CONCLUSIO SECUNDA:

**B**aptismus ratione efficacis, & universalitatis effectuum est simpliciter perfectio Confirmatione, ratione verò præsuppositæ, & Ministri, Confirmatio dici potest Baptismo perfectior secundum quid. Utraque pars est Doctoris, disp. 7. q. 4. n. 2. Dico, inquit, quod Baptismus est simpliciter nobilissimum sacramentum, loquendo de nobilitate sacramenti penes finem principalem sacramenti, qui est collatio gratiæ; nam ad majorem gratiam, & ad plures effectus simpliciter nobiliter confertur Baptismus, quàm Confirmatio. Siquidem Baptismus est janua aliorum Sacramentorum, insuper confert primam vitam spiritualem, omnium peccati turpitudinem, & penam eliminat, hominemque Dei amicum constituit, ei cælum refert, claudit infernum, &c. qui utique effectus longè plures sunt, & præstantiores, quàm qui per Confirmationem solent haberi: Majus enim est, inquit Seraphicus Doctor, beneficium, mortui vivificatio, quàm ipsius viventis, & infirmi perfecta sanatio: majus pariter donum est de inimico fieri amicum, quàm de amico magis amicum.

Secundam autem partem sic declarat Doctor ibid. *Confirmatio dici potest nobilior, quia multum addit Baptismo; & insuper ratione Ministrum, quia à nobiliori Ministro confertur; sed non est hoc propter ejus nobilitatem, sed propter Baptismi majorem necessitatem: quæ pluribus Ministris conceditur, ista non.* Quibus verbis Doctor Confirmationis dignitatem supra Baptismum repetit, tum ex parte gratiæ perficientis, & consummantis Baptismum, necnon & ex parte dignioris Ministri, liquidem Baptismus à quolibet confertur potest in necessitate, & à simplici Sacerdote extra necessitatem. Confirmatio vero nonnisi ab Episcopis: quod etiam discernen notat Rabanus lib. 1. de institutione Clericor. cap. 30. dicens: *Nobilissimum à sum-*

à summo Sacerdote per impositionem manus paracletus traditur baptizatus, ut roboretur per Spiritum sanctum ad prædicandum alii idem donum, quod ipso in Baptismate consecutus est per gratiam vitæ donatus æterna. Signatur enim baptizatus cum chrismate per Sacerdotem in capitis summitate: per Pontificem verò in fronte, ut in priori unctione significetur Spiritus sancti super ipsum descensio, ad habitationem Deo consecrandam; in secunda quoque ut ejusdem Spiritus sancti sepius gratia cum omni plenitudine sanctitatis, & scientiæ, & virtutis venire in hominem declaratur. Quibus verbis Rabanus significat per confirmationem conferri plenitudinem sanctitatis, quatenus videlicet gratia per hoc Sacramentum collata completur, & perficitur gratiam Baptismi; non quod hæc sit illa perfectior simpliciter, & absolute, sed quia est illius augmentum, & complementum, ea videlicet ratione, qua tertius gradus caloris additus duobus prioribus censetur eorum complementum, quamvis tertius gradus in se, & partialiter sumptus, sit imperfectior priore calore, ut duo.

*Nec obstat*, quod Melchisedech summus Pontifex in epistola ad Episcopos Hispaniæ, à quibus interrogatus fuerat, utrum Confirmationo nobilior esset Baptismus; *Respondet* Sacramentum Confirmationis majori veneratione venerandum esse, & tenendum. Hæc enim non ideo dicit, quod censetur amplior, & perfectior gratiam per confirmationem, quam per Baptismum tribui; Sed quia, inquit, à maioribus fit, id est à summis Pontificibus, quod à minoribus perfici non potest. Porro hæc dignitas, quæ accedit Sacramento ex parte Ministri nobilioris, est tantum extrinseca, nec per se Sacramentum altero præstantius efficit; alioqui Confirmatio esset etiam nobilior Eucharistia, quæ per simplices Sacerdotes efficitur. Itaque sacramenti dignitas, & præstantia maximè petenda est ex dignitate effectus, & rei cujus sacramentum est signum; sacramentum enim est signum prædicatum; signi verò practici dignitas desumitur ex signato, seu significato.

## QUÆSTIO SECUNDA.

*Utrum Confirmatio imprimat characterem, nec possit iterari.*

**N**otandum primum, ex Arcudio, c. 17. non defuisse ex antiquis Patribus qui hoc sacramentum iterarent, ut etiam Baptismum, si ab hæreticis collatum fuisset. Cuius utique erroris in Africa auctor extitit Agrippinus Episcopus Carthaginensis, S. Cypriani Prædecessor: nam quod S. Cyrillus Hierosolymitanus in Procatechesi dixerat: *Soli hæretici rebaptizantur, siquidem prius illud non erat Baptisma*, facili modo exponi potest de hæreticis, qui inter baptizandum legitimam formam non usurpabant. Eo modo intelligendus est S. Basilius Magnus, dum epist. ad Amphilochoium propendere videtur in sententiam S. Cypriani, & Agrippini, de Baptismo ab hæreticis collato, dicens: *Neque poterant Spiritus sancti gratiam alii imperire, a qua ipse exciderant.* Quæ ratio æquè militat adversus confirmationem ab hæreticis collatam. Et cerè si S. Basilius hæreticorum Baptisma libenter iterasset, citra ullam dubitationem idem vir sanctus ab eis collatum Confirmationem geminasset: existimo tamen ea de re nihil dixisse, ac statuisse S. Basilius, eo quod hæretici gentilis, præsertim illi, de quibus cum Amphilochoius interrogaverat, Confirmationem aspernarentur: quocirca simpliciter mandat, eorum Baptismo non rejecto, si ita visum aliis fuerit, prorsus tamen esse confirmandos: *Omni autem, inquit, ratione statuitur, ut, qui cum Baptismo illorum ad Ecclesiam se adiungunt, a fidelibus scilicet inungantur.*

*Notandum secundò*, illam etiam apud Catholicos Ecclesiæ Præsules tempore S. Cypriani viguisse consuetudinem iter: in confirmandi eos, qui ab hæreticis Confirmationis sacramentum videbantur excipisse. Quamobrem S. Cyprianus epist. 74. eos Præsules carpit, quod ab hæreticis baptizatos non rebaptizarent, sed confirmatos ab eis denuò inungerent: cum tamen aut utrumque Sacramentum ab hæreticis collatum ipse nec ac repudiare, aut utrumque ratum habere, & acceptare deberent: *Si Majestati nominis*, inquit S. Cyprianus, *tribuunt, ut, qui in nomine Jesu Christi ubicunque, & quomodocunque baptizantur, innovati, & sanctificati*

*cati iudicentur: cur non ejusdem Christi nomine illic, & manus baptizato imponitur, ad accipiendum Spiritum: cur eadem ejusdem majestas nominis non prævalet in manus impositione, quam voluisse contendunt in Baptismi sanctificatione? Hanc eandem sententiam de iteranda Confirmatione ab hæreticis collata tueri videntur nonnulla Concilia: sed quo sensu eorum sententia sit accipienda, dicendum erit in præsentis quæstione,*

*Notandum tertio, ex eodem Arcudio, cap. 18. eam esse Græcorum nunc à veritate Catholica, & Ecclesiæ sinu aberrantium erroneam de Confirmatione sententiam, quod Baptismus etiam ab hæreticis collatus sit quidem validus, nec subinde ulla ratione iterandus: secus autem de Confirmatione sentiunt: eorum enim mos est, hæreticos quoscunque, sive in hæresi natos, & educatos, sive in eam lapsos, si se convertant, Christum consignare, quocirca Armenopolus in suo Compendio Canonum, dum recenset 47. Canones Apostolorum, hoc addit scholium: Baptizatum rebaptizare prohibitum id quidem est, sed unguento iungere, nequaquam: licet hoc quoque sacri Baptismi pars esse videatur. Hunc autem morem Græcorum Confirmationem iterantium referunt, & approbant Job Monachus in tractatu de Sacramentis, Simeon Theſſalonicensis, & Nicolaus Cabasilas in 2. orat. de vita in Christo, necnon & Gabriel Philadelphensis in suo Tractatu de Sacramentis, ubi inter cætera scribit: duo esse Sacramenta, quæ characterem indelebilem imprimunt, nempe Baptismum, & sacrum Ordinem; quantum verò ad divinum unguentum, seu Confirmationem, addit nonnullos pie etiam his duobus adjungere, quasi id pro certo, & rato ipse non habeat. Ut autem eorum error, quem jam ex parte exploravimus, tum in Disputatione de Sacramentis in communi, cum in quæstione de non iterando Baptismo, funditus convellatur, sit*

### CONCLUSIO UNICA.

**C**onfirmationis Sacramentum characterem imprimi omnino indelebilem; ac subinde iterari non posse. Hæc est de fide determinata in Concilio Tridentino sess. 7. can. 9. his verbis: *Si quis dixerit, in tribus Sacramentis, Baptismo scilicet, Confirmatione, & Ordine, non imprimi characterem in ani-*

*ma, hoc est, signum quoddam spirituale, & indelebile; unde ea iterari non possunt, anathema sit. Idem decrevit Concilium Tarracense cap. 6. his verbis: *Disium est nobis, quid quidam de plebe his vel ter, vel ed amplius, Episcopis ignorantibus tamen, ab eisdem Episcopis confirmantur; unde visum est nobis, Confirmationem, sicut nec Baptisma, iterari minime debere. Idem pariter probat consens, ac perpetua Ecclesiæ praxis, quæ Sacramentum hoc ritè collatum nunquam iteravit: non est autem verisimile, Ecclesiæ, quæ tanta sollicitudine filiorum suorum saluti ac sanctificationi invigilat, voluisse semel confirmatos novo hujus Sacramenti fructu fraudare, si illius percipiendi capaces essent. Unde merito subtili Doctor dist. 7. qu. 4. inquirens, utrum Sacramentum Confirmationis possit iterari: *Respondet, inquit, iterari non debet, ita quod scienter, quia iterans peccat mortaliter: sed nec potest iterari sic, quod iteratum habeat propriam efficaciam. Ratio principalis est institutio divina, & congruentia: quia per istud Sacramentum instituitur aliquis in determinato gradu Ecclesiæ, scilicet in gradu bellatoris; & Sacramentum instituitur in gradu determinato non iteratur, & juxta hoc adduntur congruentiæ, quia imprimi effectum indelebilem, scilicet characterem.***

*Colligitur autem, & probatur hæc veritas ex illo Apostoli ad Hebræos 6. ubi sic scribit: *Quapropter intermittentes instructionis Christi sermonem, ad perfectiora feramur, non rursum jacientes fundamentum Pœnitentiæ ab operibus mortuis, & fidei ad Deum, baptismatum doctrinam, impositionis quoque manuum, &c.* Subjungit autem: *Impossibile est enim eos, qui semel illuminati (per Sacramentum Baptismi) gustaverunt etiam donum cælestis, & participes facti sunt Spiritus sancti (per confirmationem) gustaverunt nihilominus verbum Dei verbum, virtutesque sæculi venturi, & prolapsi sunt, rursus renovari ad Pœnitentiam: Idem, recipere fructum Pœnitentiæ, nempe gratiam sanctificantem, & illius augmentum, iterum videlicet suscipiendo Baptismum, aut confirmationem; nam per illam manuum impositionem S. Paulus confirmationem intellexit, ut tradunt SS. Patres, Anselmus, Theophilactus, sed præcipue Chrysostomus.**

*Unde idem homil. 3. in 2. ad Cor. dicit, & aperte docet, Confirmationem imprimere signaculum indelebile; cum enim dixit-*



dixisset; Per unctionem internam Spiritus sancti simul antiquitus constitutos fuisse Prophetas, Sacerdotes, & Reges: Ad eundem inquit, modum tu quoque in Baptismo Rex, & Sacerdos, & Propheta effeceris. Rex cum omnes pravitas actiones in terram abieceris, ac peccata interemissi. Sacerdos, cum teipsum Deo obtulisti, & corpus sacrificasti, a quo adeo ipse quoque mactatus es. Si enim ei commortui sumus, inquit, & convivemus ei. Propheta denique, cum futura predicis, ac divino numine afflatus, atque obsequaris. Quemadmodum enim nota quædam euidam multis, ita fidelibus quoque Spiritus imponitur. Quod sit, ut, si ordinem desidereris (nota) omnibus perspicuus fiat. Judæi enim signaculi loco Circumcisionem habebant, nos autem pignus spiritus. Hætenus Chryostomus, qui clarissimè docet signaculum Spiritus sancti (quod nimirum imprimitur fidelibus per Baptismum, & multo magis per Confirmationem) instar Circumcisionis esse indelebile, quo fit, ut agnoscantur ea notæ regia, qui militiam Christi deferunt. Missas facio omnes illas cæterorum Patrum auctoritates, hanc eandem veritatem insinuant, quas fulsimè refert Basilius Pontius parte 3.

Ratio autem incongruentiæ, cur non iterandam confirmationem, petitur ex eo, quod hoc Sacramentum datur per modum consecrationis, scilicet cum chrismate consecrato, sicut olim Sacerdotes, & Reges ungebantur in lege: natura autem consecrationis reiterationem non admittit: Hac ratione utitur Mag. 4. sent. dist. 7. ad probandam interabilitatem Baptismi, & Ordinationis, quam desumplex ex S. Augustino lib. 2. contra epistolam Parmenianic. 13. ibi: *Utrumque enim sacramentum est, & quædam consecratione utrumque homini datur, illud cum baptizatur, istud cum ordinatur, adeoque in Catholica (Ecclesia) utrumque non licet iterari.* Subjungit Mag. Quod indubitanter etiam de Confirmatione: tendendum est. Concinit Toletanum VIII. c. 7. Nequaquam inquit, aliquando potest profanari, quod divina professione, simulque Apostolica Traditionis auctoritate sacrum vocatur extitisse. (Agit contra eos, qui metu sacris initiati, penitentia suscepti status ducti, pristina pertentabant conjugia.) Verum sicut sanctum Chrisma collatum, & altaris honor propter consecrationem (qua per Episcopos tantum exercenda, & conferenda sunt) evelli non queunt;

ita quoque sacrum decus bonorum, quod bis compar habetur, & socium, qualibet fuerit occasione perceptum, manebit omnimodè inconvulsus.

Obijciat 1. Plurimis Conciliorum, & SS. Patrum decretis sancitum est, ut hæretici ad Ecclesiam redeuntes, Chrismate inungantur: sed verisimile non est, nullos ex hæreticis illorum temporum reverè Confirmationem excepisse: igitur eorum sententia non est, quod Confirmatio characterem indelebilem imprimat, ratione cujus non possit iterari. Major patet ex can. 7. Concilii Constantinopolitani primi: necnon, & ex c. 7. Concilii Laodiceni à nobis jam laudati art. præced. quest. 3. n. 7. Similiter ex Concilio Arelatensi primo can. 8. necnon secundo c. 17. in quibus Ariani, & Bonifacii ad Ecclesiam revertentes jubentur Confirmationem suscipere.

Denique Concilium Arausicanum primum can. 2. ubi sic statuit: *Hæreticos in mortis discrimine positos, si Catholici esse desiderant, si desit Episcopus a Presbyteris cum Chrismate, & benedictione consignari placet.* Idem docent summi Pontifices, Gregorius Magnus lib. 9. epist. 61. Arianos, inquit, per impositionem manus Occidentis, per unctionem vero sancti Chrismatis, ad ingressum sanctæ Ecclesiæ Oriens reformat. Idem habet Eusebius epistola 3. *Hæreticos omnes, inquit, quicumque Dei gratia convertuntur, & in sancta Trinitatis nomine credentes baptizati sunt: Romana Ecclesiæ regulam tenentes, per manus impositionem reconciliari precipimus: igitur &c.*

Respondet, Concilia ista intelligenda esse primo vel de hæreticis, qui nullo modo fuerunt confirmati, tum quod respuerent Confirmationis Sacramentum, ut Novatiani, qui ut refert Theodoretus lib. 5. de hæreticis tabulis, Confirmationem minimè præbebant: *Iis, inquit, qui ab ipsis Novatianis baptizantur, unguentum sacrum non exhibent, quocirca eos, qui ex hac hæresi cum Ecclesiæ corpore se consociant, omni laude digni Patres ungi jusserunt.* Qua ratione etiam S. Leo ep. 35. ait hæreticos baptizatos, dum ad Ecclesiam revertuntur, non esse rebaptizandos: sed hoc eis esse conferendum, quod ibi defuit, ut per Episcopalem manus impositionem virtutem Spiritus sancti consequantur. Vel certè quia ipsi à Ministro non idoneo fuerant confirmati, simpliciter videlicet Sacerdote, qui sine ulla summi Pontificis

fœdis dispensatione, imò etiam contra illius prohibitionem Sacramentum confirmationis contulerat; quales præsertim fuerunt Presbyteri Photiani, seu Photii schismatici sectatores, quibus Adrianus II. (ut ipsemet testatur in epistola, quam scripsit ad Ignatium Patriarcham Constantinopolitanum, & habetur in Synodo 8.) non solum in Bulgarorum terris; sed ubique Gentium sacris omnibus interdixerat. *Scripsisti*, inquit Adrianus, *ut nostri Presbyteri ex ditione Bulgarorum cum ignominia, & dedecore pel-lerentur .... Quid si dicas, prius à vobis Presbyteris Constantinopolitana Diocesis ab regio- ne expulsos, haud inficias imus, erant Photia- ni: illiusque symmista, quibus non solum in Bulgarorum terris, sed ubique Gentium sacris om- nibus diximus interdiciendumque*. Photius etiam intrusus in sedem, quam Prophanus occupa- vit, in sua epist. encyclica ad Patriarchas dissimulans suorum Presbyterorum suspen- sionem à sacris, hoc ipsum vitio vertit Latinis, quòd Confirmationem iterarent; quæ licet falsò ac mendaciter dixit, ta- men consuetudinem Ecclesiæ univcrsalis de non iterando Chrismate attexit contra La- imos: *Quoniam etiam illos, inquit, quia Pres- byteris Chrismate uncti fuerunt, iterum Chri- smare non horruerunt, Episcopus seipsum iustan- ses, & Presbyterorum Chrismate inutile esse, & irritum ab illis administrari, peremptoriè docen- ses, &c. Non reperitur aliquis qui talem un- quam auribus acceperit insipientiam, quam isti mente capti audent non dubitarent: illos videlicet, qui semel tincti sunt Chrismate, iterum chrisimantes, & Chrismatorum excelsa, & divina mysteria in magnas nugas, & derisum ingentem convertentes*. Et infra: *Itera- ta chrismatio illorum, qui baptizati sunt, & Chrismate tincti, neque Canonum auctoritate indiget, credo, ut damnetur: cum vel ipsa so- la rei narratio superet omnem impietatis excus- sum, &c.* Hæc notat Arcudius contra mo- dernum errorem Græcorum, qui chrisma- tionem tenebant; quod vel ipse Author to- tius schismatis Photius damnat, à Latinis contra Canones, & veritatem factum. Cæterum malignè, quia nullum fuit huius rei exem- plum præter illud, quod factum est inter Bul- gares, quia, & ab iis, qui nullam authori- tatem habuerunt in aliena Diocesi, & qui sa- cris erant interditi, erantque sacerdotes simplices, ex more Græcorum ministrari, non verò Episcopi, qui apud Græcos solam ordina- tionem faciunt, illa Confirmatio fuerat facta.

*Respondeo secundò*, Concilia, & SS. Patres non loqui de chrisimatione confirmativa Neophytis in Ecclesia tribui solita, sed de chrisimatione, benedictione, & manuum im- positione reconciliatoria, quæ scilicet mini- strari solebat hæreticis à Ecclesia rever- tentibus: cuius utique argumentum est, quòd hæc omnibus promiscuè hæreticis concedi jubeatur, nullo facto discrimine inter eos, qui Confirmationem ab Episcopis acceper- sent, & illos, qui ipsa non fuissent signati. Porro hæc chrismatio erat pura cæremonia nihil conducent ad sacramentum Confirma- tionis; nihilominus à solo Episcopo fieri so- lebat, nec poterat esse simplex Sacerdos, nisi urgente mortis discrimine, hæreticos re- conciliare, ut statuit S. Leo epist. 79. cap. 6. *His verò, inquit, qui ad iterandum Baptis- ma, vel metu cœssi sunt, vel errore traducti, & imò se contra Catholica fidei Sacramen- tum egisse cognoscunt, ea custodienda est mo- deratio, qua in societatem nostram non nisi per Penitentiam remedium, & per benedictio- nem Episcopalis manus communionis recipiant unitatem*.

*Obijcis secundò*: Euchologium, seu Ritu- ale Græcum per totam Græciam receptum, & probatum, in quo leguntur nonnullæ preces expiæ, seu reconciliatrices ejusdem Methodii Patriarchæ Constantinopolitani; item & modus recipiendi à Chri- stianismo transfugas, si quando eos resipis- cere, & ad fidem Catholicam redire con- tingat: modus autem iste est, quòd unge- tur conversus unguento baptizans infans. Pre- cationibus autem peractis, & absolutis, in calce illius Rubricæ præscribitur ratio un- ctionis, & in quibusdam partibus ungi de- beat conversus: denique recitatur forma hu- jus Sacramenti: igitur reverè iterari potest, & de facto à Græcis iteratur Confirmatio- nis sacramentum.

*Distinguo consequens*: Iteratur illegitimè, & invalidè, concedo: licitè, & validè, nego: Ad antecedens autem dico, non esse magnificiendas illas preces, & Rubricas; quippe cum Methodius earum concin- nator non sit magnæ auctoritatis, imò nul- lius: non enim is est Methodius sanctus Confessor, qui circa annum 840. multa pas- sus est pro tuendo cultu sacrarum imaginum, neque enim verisimile sit, virum sanctum, & doctum, inquit Arcudius cap. 18. non observasse locum Pauli ad Hebræos 6. si- mulque illius loci Græcos expositor ex Chry-  
sostom

sofotomum, Theodoretum, Theophilactum, Oecumenium ex eo Apostoli oraculo affirmantes, Baptifmum, & Confirmationem imprimere fignaculum indelebile, & utrumque Sacramentum non effe iterabile. Sed Methodius ille hujusmodi Rubricæ artifex fine dubio, inquit idem Arcudius, fuit fchifmaticus infectus errore Photii, qui vixit circa annum 1240.

*Dico fecundo* cum eodem Arcudio, verifimile effe illas Rubricas de ungendo, & abluendo ad Ecclefiam revertente, & poft preces proferendo fuper eum formam Confirmationis, additas fuiſſe per modum appendicis à poſterioribus Græcis, cujus utique argumentum eſt, quòd illam appendicem nonnulla exemplaria manuſcripta non habeant, ut videre eſt, maxime in Euchologio manuſcripto Monafterii Cryptæ Ferratz, quod ipſe Arcudius præ manibus habuit.

Petes: *Quas pœnas incurrat, qui ſcienter Confirmationis Sacramentum iteratè miniſtrat.*

*Reſpondet Doct̃or*, qu. 5. illam effe pœnam à jure præſcriptam contra ſacramentum Confirmationis iteratè miniſtrantem, & ſuſcipientem. *Dico, inquit*, quòd univerſaliter nulla pœna Canonica, quæ non eſt inſcripta à Papa condente jus, incurritur ipſo jure. Nec propter argumenta exponendum Canones, ſive à ſimili, ſive à contrario ſenſu, eſt aliquis ulli pœnæ adſcriptus, quia poſſunt exponere jus conditum: non autem condere novum per ſuas expoſitiones. Unde Innocentius, qui tamen fuit Papa, cum feciſſet magnum opus, exponendo jus Canonicum, cum fuiſſet requiſitus ab aliis, quale robur vellet illum tractatum habere; dixit, quòd nollit ipſum eſſe authenticum, ſed tantummodo magiſtrale. Cum ergo non inveniatur in jure Canonico expreſſe pœna irregularis inſcripta, proteratione Confirmationis: ſequitur, quòd non incurrat. Et hoc maxime patet, quia Conſtitutiones pœnales ſunt reſtringendæ, non ampliandæ, & ſi voluiſſet Legislator pœnam talem inſcripiſſe pro iteratione Confirmationis, ſicut Baptiſmi, potuiſſet expreſſiſſe hoc, ſicut ibi. Et confirmatur per eandem illud de consecr. diſt. 5. *dictum*, ubi nulla pœna inſignitur Epifcopo iterum confirmanti, ſed nec ſuſcipienti, niſi quod

ſoli Deo ſub habitu regulari, vel Clericali ipſum religioſiſſimè ſamulari, decretum eſt. Hic autem innuit non pœnam irregularitatis, ſed magis oppoſitum, puta exercitium offici Clericalis. Nam in executione Ordinum, & præcipue in confeſſatione Euchariftiæ Clericus Deo ſuo religioſiſſimè ſamulatur. *Hec Doct̃or.*

Quibus verbis, inquit *Hiquens*, Doct̃or cenſet, bis confirmantem non incurtere pœnam irregularitatis, ſicut incurrit re-baptizantes, quia talis pœna in jure Canonico non reperitur, pœnæ autem reſtringendæ ſunt unde argumentum à ſimili in materia odioſa, & pœnali non valet. Doct̃orem ſequuntur Paludanus diſt. 7. quaſt. 2. Gabriel art. 3. dub. 5. Covarruvias in Clement. *ſi furioſus*: citans Turrecrematam, & alios: ſolum enim reperitur in Concilio Tarraconenſi apud Gratianum capite *Qui bis*, de consecr. diſt. 4. quòd debeat in Monafterio ſub habitu Clericali, aut regulari ſamulatum præſtare Deo: ſed hoc neque omnes obligat, cum ſit Concilii Provincialis, nec fuit receptum, neque in ipſo Concilio habetur. Et eo admiſſo tanquam jure incurſo, ut notat Doct̃or, magis ſupponit contrarium, nempe in ſamulatu Dei ipſum non conſtitui irregulare, ſed poſſe uti Ordine. Accedit, quòd irregularitas non incurritur, niſi in caſibus jure expreſſis, cap. *ſi qui*, de ſententia excommunicationis in 6. Hanc ſententiam etiam ſequuntur Moderni, ut Soto, & Suarez. *Ita Hiquens.*

## ARTICULUS TERTIUS.

*De Miniſtro, & ſubjecto Sacramenti Confirmationis.*

**E**A fuit erronea inter alias *Poieſi* ſententia, quòd omnis, & quilibet Sacerdos cenſeretur conferendæ Confirmationis legitimus Miniſter, ut conſtat ex Concilio Conſtantiensi ſeſſ. 8. Idem pariter docuit Armachanus lib. 1. de quaſtionibus Armenorum c. 4. & eam dubiam, ac probabilem cenſet *Duraudus* diſt. 7. quaſt. 3. imò Suarez diſp. 36. ſeſt. 2. in eandem ſententiam Doct̃orem ſubtilem, ſed perperam, adducit: *Forè idem*, inquit, *ſentis ſcetus*.

*Verùm*, hoc erroneum dogma obſtinatiſſimè præ cæteris propugnavit Photius Patriarcha Conſtantinopolitanus & ſchifmatis Gra-

Græcorum antesignanus, ut constat ex ejus encyclica epistola ad Patriarchales sedes Orientis, in qua stomachatur, & bilem effundit adversus Ecclesiam Romanam, ut refert Arcudius c. 11. quod cum mos, & consuetudo esset Constantinopolitanis Patriarchis Chrisma à se consecutum in varias deinde Ecclesias Episcopis, & Presbyteris ed baptizatos consignaturis mittere, consuetudini illi morem gerens Photius, ad Bulgarorum Gentem recenter ad Christi fidem conversam unguentum à se consecratum misit, quo Presbyteri Græci baptizatos confirmarent. Hanc Confirmationem Legati Nicolai primi in Bulgariam auctoritate Apostolica missi reprobarunt, & populos iterum confirmarunt; tum quod unguentum esset à Photio suspensio à divinis consecratum, tum quod forset à Photio Presbyteris peraque suspensis, ut testatur Adrianus epistola ad Patriarcham Ignatium, in cujus Sedem obtusus erat Photius ad ministratum. Indignari, & furere cepit Photius, atque ad damnum Ecclesiæ Hierarcham Concilium congregare. Hanc suspensionis suæ, & Presbyterorum suorum rationem Photius prætermisit, utque ostenderet confirmatos à suis Presbyteris non debuisse iterum confirmari, conatus est ostendere Presbyterum legitimum esse Confirmationis Ministrum, nullaque proinde suspensione eorum Confirmationem irritam, invalidamque fuisse. Duo itaque maxime hoc in articulo sunt statuenda: *Primum*, quis sit legitimus Minister, tum ordinarius, tum extraordinarius Confirmationis: *Secundum*, quinam sint capaces illius suscipiendæ, & quas dispositiones prærequirant.

### QUÆSTIO PRIMA.

*Quinam sit legitimus Minister Sacramenti Confirmationis.*

**N**otandum *primò*, duplicem solitò distinguì hujus Sacramenti Ministrum, ordinarium scilicet, & extraordinarium: *Ordinarius est*, qui ratione sui characteris, & ordinis, necnon & institutionis Christi completam habet auctoritatem hoc Sacramentum ministrandi, qualis censetur omnis, & solus Episcopus: *Extrordinarius* verò ille est, qui ex delegata sibi facultate, & virtute hoc Sacramentum confert. Quæritur autem, utrum Episcopus ita sit ordi-

narius, ac necessarius hujus Sacramenti Minister, non solum necessitate præcepti, sed etiam sacramenti; ut si simplex Sacerdos propria, vel delegata sibi auctoritate illud conferre tentaret, nil nisi invalidum, & irritum ageret.

*Notandum secundo*, circa Ministrum extraordinarium hujus sacramenti, tres effectuales Theologorum sententiæ; quarum duæ sunt extremæ, tertia verò media: *Prima* docet, solum Episcopum ita de jure divino esse sacramenti Confirmationis Ministrum, ut nec Episcopus, nec summus Pontifex possit illam administrationem simplicis Sacerdoti delegare; ira sentit Durandus, Major, Adrianus, & nonnulli Recentiores cum Estio: *Secunda* contendit, simplicem Sacerdotem posse esse Ministrum extraordinarium hujus sacramenti, non solum ex commissione summi Pontificis, sed etiam ex delegatione Episcopi, quamvis summus Pontifex id non prohibet. *Tertia* verò media, quæ est communior & probabilior, concedit per dispensationem, & delegationem solius summi Pontificis simplicem Sacerdotem validè ac licitè posse hoc sacramentum administrare. Ita Alensis, & Seraphicus Doctor, necnon & Subtilis dist. 7. q. 1. ubi, ut optimè notat Hiquius, in hac sententia non fuit dubius, ut ait Averfas neque obscurus, ut dicit Suarez; neque sibi contrariis, ut vult Soto; perspicua enim, & clara sunt illius verba, nam cum dixisset, hoc sacramentum confertur debere à Ministro idoneo, quis sit ille idoneus Minister, explicat cum ait: *Minister est Episcopus, vel alius, cui committi poterit*. Quibus verbis significat, Ministrum ordinarium hujus sacramenti esse Episcopum, extraordinarium verò Sacerdotem, cui committi potest facultas hoc sacramentum administrandi.

*Notandum tertio*, facultatem ordinariam, vel extraordinariam fundari non in sola jurisdictione propria, vel delegata; neque in solo ordine, aut characterè Episcopali, aut Sacerdotali, sed in utroque: non quidem in sola jurisdictione, alioqui Episcopus degradatus hoc sacramentum validè conferre non posset, quippe cum per degradationem spoliaretur omni prorsus potestate jurisdictionis. Neque pariter in solo ordine, quippe cum character Ordinis Episcopalis, vel Sacerdotalis per se & immediate non tendat, nec exerceatur in corpus mysticum,

eum, nisi interveniat aliqua jurisdictionis potestas; alioqui Episcopus quoslibet obvios, etiam alterius Diocesis, & sibi non subditos, non solum validè, sed etiam licitè confirmare posset, & ordinare: igitur facultas proxima, & immediata ad conferendam Confirmationem, utramque connotat facultatem Ordinis, & jurisdictionis. Hinc Sacerdos quilibet potentiam habet remotam fundatam in ordine, & charactere Sacerdotali, quæ per dispensationem, sive delegationem jurisdictionis: eo ferè modo, quo potestas remota ad absolvendum (quam quilibet Sacerdos accipit in sua ordinatione) fit proxima per potestatem jurisdictionis ab Episcopo, aut à summo Pontifice delegatam. Sicut ergo character Sacerdotalis non significat absolutè, & simpliciter potestatem absolvendi à peccatis, sed sub conditione; nempe si accesserit jurisdictio, sic quoque non significat simpliciter, & absolutè potestatem confirmandi, sed conditionatè, si nempe accesserit summi Pontificis delegatio.

## CONCLUSIO PRIMA.

**O**rdinarius Minister Confirmationis est omnis, & solus Episcopus: Ita determinatur in Concilio Tridentino sess. 7. can. 3. *Si quis dixerit, sanctæ Confirmationis ordinarium Ministerium, non esse solum Episcopum, sed quemvis simplicem Sacerdotem, anathema sit.* Idem antea statuerat Concilium Florentinum in Decreto Eugenii, necnon & Constantiense, damnando errores Vviclefi.

Colligitur etiam ex Scriptura sacra, *Act. 8.* ubi legimus missos fuisse Petrum, & Joannem in Samariam, ut eis, quos Philippus baptizaverat, per manuum impositionem conferrent Spiritum S. at nulla alia proferri potest ratio hujus laboriosæ peregrinationis, & longioris itineris, nisi quia munus conferendi Spiritum S. solis Apostolis, & Episcopis eorum successoribus ex Christi institutione conveniebat, ut egregiè docet S. Chrysost. homil. 18. in Acta Apostolorum, ubi querit, quare baptizati à Philippo non accepissent Spiritum S. & duo respondet: *Vel quia, inquit, Philippus non dederat, hoc re forsitan dixerunt Apostoli; sed cum responsum ei non attulisset, statim subdit. Vel quia hujusmodi donum Philippus non habebat: erat enim ex septem illis, id*

*quod magis videtur dicendum; Unde mea sententia hoc Philippus unus ex septem erat, secundum à Stephano, ideoque baptizans Spiritum S. non dabat, neque enim facultatem habebat, hoc namque donum solis duodecim Apostolis datum erat: virtutem quidem acceperant faciendi signa, non autem dandi aliis Spiritum sanctum. Idipsum præclare docet Ildorus Pelusiotæ epist. 45. libri 1. Si Philippus, inquit, a quo Baptismus acceperat, ex Apostolorum numero fuisset, Spiritum donandi potestatem profecto habuisset: at verò baptizabat tantum ut Discipulus, Apostoli autem gratiam explebant, atque perficiebant, ut qui hujusmodi muneris tribuendi potestatem, atque auctoritatem divino beneficio acceperant, Eadem pariter ratione utitur Eusebius Papa epist. 4. ad Episcopos Tusciz: *Manus impositionis Sacramentum, inquit, magna veneratione tenendum est, quod ab aliis perfici non potest, nisi à summis Sacerdotibus: nam tempore Apostolorum ab aliis, quam ab ipsis Apostolis non legitur, aut scitur peractum esse.* Constat Innocentius III. jam à nobis supra laudatus, necnon VI. & epist. ad Episcopum Tusculanum in regno Cypri Legatum Apostolicum: *Soli, inquit, Episcopi consignent chrismate in frontibus baptizatos, quia hujusmodi unctio non debet, nisi per Episcopum fieri: quoniam soli Apostoli, quarum vices gerunt Episcopi, per manus impositionem, quam Confirmatio, vel frontis chrismatio representat, Spiritum sanctum tribuisse leguntur.**

Varias hujusce rei congruentias proferit Seraphicus Doctor dist. 7. art. 1. qu. 3. *Primo*, quia Episcopi sunt Prælati principales in Ecclesia; Prælati autem duplex est officium, scilicet inferiores in gradu constituti, & collocare in ordine, & murum opponere, se sive gregem suum defendere; ideo ipsi soli Ordines faciunt, & corroborant. *Secundo*, quia in his duobus sacramentis, nempe Ordine, & Confirmatione, datur gratiæ plenitudo: ideo ab his debent dari, qui habent plenitudinem auctoritatis, ab aliis non. *Tertio*, quia per hoc sacramentum fideles adscribuntur militiæ Christi; porro Episcopi duces sunt, ad quos spectat militum conscriptio. Aliæ similes proferri possunt congruentiæ: sed nulla potior assignari potest ratio, quam Christi D. voluntas, quæ nobis per Ecclesiam innoteceat.

*Obijciunt primò:* Si soli Episcopi sacramentum Confirmationis validè ac legitime con-

conferre possent; maxime quia sunt Apostolorum Successores, sed tales sunt etiam simplices Presbyteri: igitur pari ratione possunt confirmare. Major constat ex dictis. Minor pariter: enim verò si Sacerdotes non essent Apostolorum Successores, sicut Episcopi, non possent consecrare Christi D. corpus & sanguinem; nec offerre Missæ Sacrificium; hoc enim solis Apostolis mandavit Christus; cum dixit: *Hæc facite in meam commemorationem*: igitur, &c.

*Distinguo minorem*: Sacerdotes sunt Apostolorum Successores in omnimoda participatione eorum autoritatis, & ministerii, nego: in potestate consecrandi, baptizandi, & absolvendi, concedo. Soli enim Episcopi in omnimoda Apostolis à Christo delegata autoritate, & ministerio succedunt. Observandum enim est penes Apostolos omnem prorsus fuisse primitus nascentis Ecclesiæ statum & auctoritatem: *Primo* namque primi fuerunt fideles, & Ecclesiæ membra: *Secundo*, in ultima cæna Sacerdotes fuerunt inaugurati: *Tertio* post Resurrectionem Joan. 20. Episcopi sunt instituti. Juxta primum statum, omnes fideles dici possunt eorum Successores: Secundum repræsentant Sacerdotes: Tertium verò soli reserunt Episcopi: Unde licet omnes Christiani, & Sacerdotes aliqua ex parte dici possint Apostolorum Successores; nihilominus soli Episcopi hanc dignitatem, & appellationem propriè sibi vendicant: quippe cum succedant in autoritate & omni ministerio, quod Christus ipsis delegavit Joan. 20. cum dixit: *Sicut misi me vivens Pater, & ego mitto vos*. Hanc veritatem aperte prodit sanctus Anacletus Pontifex epist. 2. ad Episcopos Italæ in qua inter cætera scribit, *In novo Testamento post Christum Dominum à Petro Sacerdotalis corporis ordo .... ceteri verò Apostoli cum eodem parvi consortio honorem & potestatem acceperunt, ipsumque principem eorum esse voluerunt .... qui etiam jubente Domino in tota orbe dispersi Evangelium prædicaverunt; ipsi quoque decedentibus in locum eorum successerunt Episcopi .... Inde ab eis (Apostolis) electi sunt 72. Discipuli, quorum ipsum gerunt Presbyteri: atque in eorum locum sunt constituti in Ecclesiâ. Porro quod Apostoli confirmaverint, non ut Presbyteri, sed ut Episcopi, etsi sacra Scriptura aperte & distinctè non significet; tamen Traditio clamat, Concilia decernunt, & docent*

SS. Patres, ac summi Pontifices jam sæpius laudati.

*Inflabit*: Simples Sacerdotes conferre possunt Sacramenta Confirmatione perfectiora: ergo multo magis Confirmationem. *Probat* antecedens Baptismus perfectior est confirmatione; quippe per Baptismum plena fit remissio peccatorum; omnique expungitur reatus penæ, & ut diximus, gratia præstantior per Baptismum, quàm per Confirmationem tribuitur. Similiter Eucharistia præstantior est Sacramentum, quàm Confirmatio: ergo cum simplices Sacerdotes baptizare possint, & Eucharistiam conficere, multo magis poterunt propria autoritate confirmare.

*Nego consequentiam*: si enim vera esset hæc conclusio, sequeretur pariter, quod simplex Sacerdos posset Ordinem conferre: etenim Sacramentum Ordinis non est tantæ efficacitatis, & dignitatis, quàm Baptismus, & Eucharistia; imò inde pariter inferre liceret, quod cum in casu necessitatis non solum Clericus quivis, sed Laicus etiam validè ac licitè possit baptizare, poterit eisdem confirmare: quod utique absurdum est.

*Urgebis*: Neutiquam absurdum, & illicitum videtur, quod simplex Clericus, imò etiam & Laicus urgente necessitate possit Sacramentum Confirmationis conferre, absente Episcopo: igitur nulla solutio. *Probat* antecedens ex Act. 9. ubi Ananias, qui non erat Episcopus, imò fortè neque Sacerdos, manus imposuit Paulo, cumque confirmavit; nam ipsi manus imponens, ait: *Dominus misit me Jesus, qui apparuit tibi in via, qua veniebas, ut videres, & implearis Spiritu sancto*. Porro hæc Spiritus sancti plenitudo est effectus Confirmationis: igitur, &c.

*Respondes primo*, hæcenus non esse satis probatum, quod Ananias non fuerit Episcopus; nec fortè probari potest. *Deinde* etiam si non fuerit Episcopus, ut docet S. Augustinus lib. 2. questionum Evangelicarum qu. 40. ubi loquens de S. Paulo, *Ad Ananiam* inquit, *missus est, ut illo Sacerdotio, quod in Ecclesiâ constitutum est, Sacramentum doctrinæ fidei perciperet*: unde si ex dispensatione summi Pontificis, ut dicemus sequenti conclusionem, simplex Sacerdos legitime confirmare potest, multo magis Ananias ex dispensatione Christi, à quo mittebatur, potuit hoc Sacramentum conferre. *Denique* dico,

illam manuum impositionem non fuisse confirmatoriam, sed curatoriam; unde & facta est ante Baptismum, non ut ex tunc, sive per eam impleretur Spiritu sancto, sed ut visum reciperet, & postea per Baptismum gratiam Spiritus sancti. Sequitur quippe vers. 18. *Et confesum ceciderunt ab oculis eius tanquam squama: & visum recepit: & surgens baptizatus est.* Confirmatur ex vers. 12. *Et vidit virum Ananiam nomine introeuntem, & imponentem sibi manus, ut visum recipiat.* Et verò si visibiliter descendit Spiritus in Cornelium, aliosque fideles primitivę Ecclesię, quidni etiam descendisset in Paulum, si revera per impositionem manus Ananię, Confirmationis Sacramentum excepisset?

*Obijciens secundò:* S. Paulus monet Timotheum epist. 1. cap. 4. *Noli negligere gratiam, quę est in te, quę data est tibi per Prophetiam cum impositione manuum Presbyteri;* videlicet in Confirmatione: igitur revera simplex Sacerdos, & Presbyter confirmare potest.

*Respondet primò:* In vulgata jussu Clementis octavi commendata, non legi *Presbyteri*, sed *Presbyterii*, ut significetur Sacramentum Ordinis Presbyteratus, in quo concessa fuerat gratia. Vel si placeat altera lectio, dico nomine *Presbyteri* Paulum ibi intelligere Episcopum: Tum, quia Presbyter idem est quod senior: quod utique nomen etiam Episcopis conveniebat propter dignitatem: Tum, quia nomen Sacerdotis, & Presbyteri olim specialiter accommodatum erat Episcopis, ut videre est in multis Conciliis Toletanis, necnon & apud Sidonium Apollinarem lib. 9. epist. 3. ubi alloquens Faustum, qui in Episcopum assumptus fuerat ex Abbate Lyrincensi, ait: *Nihil ab Abbate mutatus per Sacerdotem*, id est, Episcopum. Quam utique interpretationem approbat S. Hieronymus: nam scribens ad Rusticum Narbonensem, ait: *Quoniam, & ipsi Presbyteri, ut legimus, Episcopi nuncupantur, secundum quod scriptum est ad Episcopum: Noli negligere gratiam, quę in te est, &c.* Concinit pariter S. Ambrosius in cap. 4. ad Ephesios, ubi cum scripsisset: *Apud Ægyptum Presbyteri consignant, si presens non sit Episcopus;* quod nomine Presbyteri Episcopum seu sorte Chorepiscopum, vel Sacramentum intelligat, apparet, quia statim subdit: *Nam, & Timotheum Presbyterum a se creatum, Episcopum vocat: quia primum Presbyteri Episcopi appellabantur, ut* *Frassen Theol. tom. XI.*

*recedente uno alius succederet:* Concinit pariter S. Augustinus, sive quis alius fuerit Author questionum veteris, & novi Testamenti, 4. 101. ubi similiter cum scripsisset: *In Alexandria, & per totam Ægyptum, si desit Episcopus, consecrat Presbyter*, subdit: *Presbyterium autem intelligi Episcopum probat Paulus Apostolus, quando Timotheum, quem ordinavit Presbyterum, instruit qualem debeat creare Episcopum. Quid est enim Episcopus, nisi primus Presbyter, hoc est, summus Sacerdos? &c.* Et infra: *Multum distare inter Diaconum, & Sacerdotem liber approbat, quem dicimus Abus Apostolorum. Cum enim ex Samaria credidissent Philippo predicanti Diacono ab Apostolis ordinato, miserunt, inquit, ad Petrum, & Joannem, ut venirent, & ibi, qui crederent, darent Spiritum sanctum per manus impositionem.*

Ex his apparet, quod quando S. Ignatius epist. 13. & S. Ambrosius lib. 3. de Sacram. cap. 3. dicunt *(spirituale signaculum, & septiformem Spiritum sanctum dari ad invocationem Sacerdotis, nomine Sacerdotis intelligunt Episcopum.*

*Obijciens terò:* Ille censendus est ordinarius minister Confirmationis, qui absente Episcopo vel ab eo pręsente iustus, potest confirmare: sed id potest simplex Presbyter: igitur, &c. Probat minor ex variis Canonibus, quibus statuitur, quod Presbyter absente Episcopo, imò & ipso pręsente, si ab eo iustus fuerit, possit ungere Chrismate; *Primò* quidem ex Concilio Toletano primo can. 20. *Statutum verò est, Diaconum non chrismare, sed Presbyterum absente Episcopo; pręsente verò non, nisi ab eo fuerit pręceptum.* Item ex Concilio Arauciano primo can. 2. *Hæreticos in mortis discrimine positos, si Catholici esse desiderant, si desit Episcopus, a Presbyteris cum chrismate, & benedictione consignari placeat.* Similiter ex Concilio Romano sub Martino Papa, can. 11. *Presbyter pręsente Episcopo non signet infantes, nisi ab Episcopo fuerit illi pręceptum.*

*Nego minorem,* & ut planior fiat illius probationis solutio, observandum est tres hodie in Ecclesia Catholica diversas esse unctiones; quarum prima fit ante Baptismum in pectore, & humeris cum oleo Catechumenorum: *Secunda* post Baptismum in vertice baptizati cum Chrismate, & *Tertia* in fronte, quę est Confirmatio. *Secunda* olim non erat in usu quando Sacramentum Confirmationis una semper cum Baptismo ministrata

batur; eam autem instituit Sylvester Papæ cum enim multi suo tempore statim post Baptismum immatura morte decederent, quibus absente Episcopo Confirmatio dari non poterat, ut illi in ultimo certamine aliquod præsidium acciperent contra tentationes demonis ex orationibus Ecclesiæ, hanc unctionem unâ cum precibus post baptismum placuit adhiberi. Ita testatur Damasus in vita Sylvestri, his verbis: *Hic & hoc instituit, ut baptizatum inquit Presbyter Christum levatum de aqua, propter occasionem transitus mortis.* Porro hujus etiam unctionis fit mentio in Ordine Romano in Officio in Sabbato sancto ubi legimus: *Ipse vero Presbyter facit de Chrismate crucem cum pollice in vertice eorum, ita dicendo: Deus omnipotens, &c.* Ejusdem consuetudinis expressis verbis meminit S. Gregorius lib. de Sacramentis ubi ait: *Ut autem surrexerit a fonte, ille, qui eum suscipit, offerat eum uni Presbytero, qui faciat signum crucis de Chrismate cum pollice in vertice ejus.*

De hac ergo unctione, quæ Presbyteris erat prohibita in præsentia Episcopi sine expresso ejus consensu, intelligendi sunt Canones in objectione allegati: in nullo quippe eorum exprimitur consignatio frontis, quæ tamen propria est Confirmationi: præsertim cum alii Canones, quos supra citavimus, in periculo mortis solum Baptismum permittant Sacerdotibus.

*Obijciat* S. Hieronymum dialog. adversus Luciferianos, ubi scribit: *Quid si hoc loco quæris, quare in Ecclesia baptizatus non nisi per manus Episcopi accipiat Spiritum sanctum, quem omnes asserimus in vero Baptismate tribui; Dicit banc observationem ex ea auctoritate descendere, quæ post Ascensum Domini, Spiritus sanctus ad Apostolos descendit; & multis in locis idem factum reperitur ad bonorem potius Sacerdotis, quam ad legis necessitatem.* Similiter epist. ad Evagrium ait: *Quid facit excepta ordinatione Episcopus, quod Presbyter non faciat? Igitur ex ejus mente simplex Sacerdos, saltem in absentia Episcopi, valide posset hoc Sacramentum conferre.*

*Nego consequentiam.* Et ad primum dico, S. Hieronymum ibi non negare solis Episcopis concessam esse facultatem conferendi Spiritum sanctum per manus impositionem; imò id expressè probat exemplo Apostolorum, qui ut recenter baptizatis Sacramentum Confirmationis administrarent, Sama-

riam descenderunt. Sed causam assignans, cur Christus D. ordinaverit, quòd soli Episcopi essent Ministri ordinarii Sacramenti Confirmationis, ait, quia id requirebat honor summi Sacerdotii, seu Episcopalis dignitatis, potius quàm legis necessitas, quia videlicet aliter ordinare potuisset, si voluisset. Itaque sensus sancti Hieronymi est, quòd Sacramentum Confirmationis, cum non sit simpliciter necessarium ad salutem, non debeat passim, sicut Baptismus, ab omnibus conferri, sed illius collatio spectet dumtaxat ad Episcopos, ita ordinante Christo D. ad majorem honorem eorum dignitatis; Episcopus enim, qui in Ordine Sacerdotali principem locum obtinet, non modò honoratur, cum illud Sacramentum, tanquam dux Christianæ militiæ, baptizatis confert. Qui utique sensus patet ex antecedentibus, & consequentibus: ait enim Spiritum sanctum, id est, gratiam sanctificantem tribui in vero Baptismate, ex quo liquet, Confirmationem non esse absolute necessariam. Et ad idem intentum subjungit verbis citatis: *Alioquin si ad Episcopos tantum precatione Spiritus sancti (id est, gratia sanctificans) defluit, legendi sunt, qui in viculis, aut in castris, aut in remotioribus locis per Presbyteros, & Diaconos baptizati, ante dormierunt, quam ab Episcopis inviserentur.*

Ad secundum dico, S. Hieronymum vel nomine Presbyteri intelligere Episcopum, cum ibidem, indiscriminatim de utroque loquatur; vel assignasse tantum ordinationem ex pluribus ministeriis, quæ Episcopis ex officio conveniunt, non autem quòd voluerit, simplicem Sacerdotem posse quodlibet munus Episcopale, sola dempta Ordinatione, præstare.

## CONCLUSIO SECUNDA.

**S**implex Sacerdos ex ordinatione, & dispensatione summi Pontificis potest esse extramurarius Minister hujus Sacramenti. Hæc est communior, & probabilior; imò solutus in 4. dist. 7. qu. unica art. 11. censet eam sententiam esse certam Ecclesiæ sanctionem: *Est, inquit, iam non solum opinio, sed & Ecclesiæ sanctio.* Idem etiam sentire videtur Basilii Pontius part. 4. cap. 3. n. 11. idque colligit ex Concilio Florentino in decreto Eugenii, ubi cum dixisset Pontifex, loquens de Sacramento Confirmationis; *Ordinarius Minister est Episcopus; satis aperte signi-*



significans per illum loquendi modum, extraordinarium esse simplicem Sacerdotem; & ut nulla prorsus remaneret occasio dubitandi de ejus mente, statim subdit: *Legitur tamen aliquando per Apostolicam Sedis dispensationem ex rationabili, & urgente admodum causa, simplicem Sacerdotem Chrysimate per Episcopum confecto hoc administrasse Confirmationis Sacramentum.* Ubi summus Pontifex non solum eam dispensationem factam recenset, sed eam etiam unâ cum Concilio approbat, & ex rationabili causa processisse testatur.

Neque id leviter quidem dictum fuit; nam ibidem aperte testatur, quidquid in ipso decreto sancitum est, nonnisi matura cum deliberatione, & exacta rerum discussione fuisse determinatum. Multis itaque, inquit, *adhibitis disputationibus, colloquutionibus, & tractatibus postquam non mediocrem testimoniorum inspectionem, qua ex sanctis Ecclesie Patribus, & Doctoribus deducta sunt, & eorum, de quibus agitur, rerum discussionem, tandem expedire judicavimus, ne ulla in futurum de fidei veritate apud ipsos Armenos hæsitatio esse valeat, atque idem per omnia sapiant cum Sede Apostolica, unoque ipsa stabili, & perpetua sine ullo scrupulo perseveret, ut sub quodam brevi compendio orthodoxæ fidei veritatem, quam super præmissis Romana proficietur Ecclesia, per hoc decretum, sacro hoc approbante Florentino Concilio, ipsi Oratoribus ad hoc etiam consentientibus, traderemus.* Hæc Eugenius, ex quibus Pontius tria colligit: *Primum*, instructionem illam datam esse Armenis post longam disputationem Patrum: *Secundum*, dari hujusmodi compendium orthodoxæ fidei, quem in his rebus Romana tenet Ecclesia. *Tertium*, est, hujusmodi compendium factum fuisse, sacro approbante Concilio Florentino, & ipso Romano Pontifice præsentem. Verumetsi nolum subscribere huic sententiæ, nempe quod certum sit certitudine fidei, simplicem Sacerdotem esse ministrum extraordinarium Confirmationis; atamen ex his Concilii verbis saltem inferre licet, non improbari, imò approbari concessionem factam simplicibus Sacerdotibus administrandi Confirmationis Sacramentum.

Eandem concessionem Leo X. & Adrianus VI. fecerunt Patribus nostri Ordinis ad conversionem Indorum destinatis, ut patet apud Rodriguez *questionum regularium quæst. 19. art. 3.* Quin etiam hoc privilegium à

posterioribus summis Pontificibus concessum fuisse Patribus Societatis Jesu, idem Rodriguez testatur quæstione 31.

Unde Concilium Senonense hoc privilegium veluti certum ac concedi solum videtur supponere; nam de Abbatibus loquens c. 38. ait: *Si qui sint, qui contendunt sibi competere facultatem confirmandi ex privilegio, volumus, quod cum primùm fuerint requisiti de privilegio, fidem facere teneantur.* Idem colligitur ex Concil. Trident. sess. 7. can. 3. ubi cum ait, solum Episcopum esse *Ministram ordinariam* hujus Sacramenti, satis aperte insinuat videtur, alium esse posse extraordinarium, scilicet Sacerdotem, ex dispensatione, & concessione summi Pontificis; cum enim agit de cæteris Sacramentis, per solos Episcopos, aut Sacerdotes ministrandis, nunquam adhibet particulam determinantem, *ordinarium*, sed aliam restringentem, & excludentem omnes alios, qui non sunt, nec Sacerdotes, nec Episcopi: sic sess. 14. cap. 6. loquens de Sacramento Pœnitentiæ, ait: *Ad quosvis alios homines, præter Episcopos, & Sacerdotes, ministerium clavium extendi non posse.*

Probatur *secundò*, ex facto S. Greg. primi, qui cum (lib. 3. epistolarum epist. 26. quæ est ad Januarianum Caralitimum Episcopum) prohibuisset, ne Presbyteri ac simplices Sacerdotes Sardinia chrisment in fronte: Presbyteri, inquit, baptizatos infantes, figurare in frontibus Chrysimate non præsumant, sed Presbyteri baptizatos ungant in pectore, ut Episcopi postmodum ungere debeant in fronte; audiens ex hac sua prohibitione grande scandalum in ea insula fuisse subortum, secundam ad eundem scripsit epistolam, quæ est nu. 26. in qua præfatam prohibitionem revocat, & simplicibus Sacerdotibus confirmandi licentiam facit: *Pervenit quoque ad nos, inquit, quosdam scandalizatos fuisse, quod Presbyteros tangere in fronte eos, qui baptizati sunt, prohibuimus: & nos quidem secundum usum veterem Ecclesie nostræ fecimus; sed si omnino hac de re aliqui contristantur, ubi Episcopi desunt, ut Presbyteri etiam in frontibus baptizatos chrysimate tangere debeant, concedimus, &c.* Hæc autem inhibitiō facta, & scandalum ex ea ortum, supponit, consuetudinem contrariam viguisse in Sardinia; neque factum ut irritum annullat S. Gregorius, seu declarat nullum; aliàs ordinaret, ut iterum ab Episcopis signarentur in fronte baptizati. Præsumptio

forte de nullitate Confirmationis facta à Presbyteris, occasionem scandali dedit, aut certe confuetudo renovata, quæ fuit ab initio legitime introducta, & continuata, & in aliis partibus in usu forte, ut in Hispania; sicut patet ex Canonibus Tolitano, & Hispanensi supra citatis, ubi actum est de Chrismatis benedictione.

Accessit & necessitas illius insulæ, in qua rurales pene incolæ erant idololatæ, ut patet ex epist. 23. 25. & hac ipsa 26. quibus paucitas Episcoporum non sufficiebat consignandis in Baptismo per chrismationem, quæ tum simul cum Baptismo fiebat ex consuetudine primitivæ Ecclesiæ, quæ ex *act. 8. & 19.* significatur. In ea autem insula non videntur plures fuisse Episcopi, quam tres, Cyriacus, Felix, & Januarius: vel ergo inextinguenda erat hæc consuetudo baptizandi, & simul chrismandi infantes: vel certe differendum chrismatum contra consuetudinem: utrumque autem sine scandalo fieri nequivit in eo rerum statu, & necessitate conversionis: scandali ergo causam dedit intermissa consuetudo, & forte dubium in populo ortum de Confirmatione aliàs facta à Presbyteris. Et forte hanc causam præoccupant illa Gregorii verba, *Non quidem secundum usum veterem Ecclesiæ nostræ fecimus*, &c. scilicet particularis Romanæ: neque obstant decreta antiqua, tanquam factum esse nullum declarantia: ergo ejus verba explicari debent ita ut licet Episcopo, tanquam ex jure divino Ministro ordinario, conveniat chrismare; non tamen ita indispensabiliter, quin ex commissione idoneus ad hoc Minister sit Sacerdos; quam interpretationem, & facilitas dispensandi ad vitandum scandalum, & ipsa dispensatio facta confirmant; quin etiam probant, priorem usum fuisse ratum à S. Gregorio, quantum ad valorem Sacramenti: quippe cum confirmatos à Sacerdotibus non jussit iterum confirmari. *Ita Hiquens.*

*Reponunt aliqui*, in originali epistolæ S. Gregorii non haberi, *qui baptizati*, sed, *qui baptizandi*, ut habetur apud Gratianum dist. 90. cap. 1.

*Verum*, hæc responsio nullius est momenti, quippe Ecclesiæ nusquam in praxi habuit, ungere baptizandum in fronte chrismate; sed oleo catechumenorum in pectore, & humeris: neque ad hanc unctionem faciendam opus erat dispensatione summi Pontificis, cum id manus à tempore S. Syl-

vestri perpetuo Ecclesiæ usu fuerit commissum. *Adde quod* posterior epistola S. Gregorii sit revocatoria prioris, in qua prohibuerat Presbyteris confirmare, dicens: *Presbyteri baptizatos infantes signare sacro in frontibus Chrismate non præsumant. Sed Presbyteri baptizatos ungant in pectore, ut Episcopi postmodum ungere debeant in fronte.*

*Reponunt alii* quatuor dicendi modos, quibus hæc S. Gregorii auctoritatem eludere ac elevare tentant, quorum duos primos rejicit Doctor *dist. 7. q. 1. n. 4.* duos autem priores relinquit judicio prudentis Lectoris: Est autem primus, *inquit*, quod Papa consensit, quod possent ungere in fronte oleo, sed non chrismate: Sed hoc est contra textum litteræ, sicut patet ibidem. Item hoc concessit eo quod pro ejus subtractione erant quidam scandalizati, & si concessisset illud fieri oleo solo, ostendens quali fieret chrismate, esset simulatio contra veritatem doctrinæ, sicut si concederetur panem benedictum pro Eucharistia dari.

*Secundus modus* dicendi est, quod propter scandalum vitandum concessit illud ad tempus, vel magis permisit. Sed istud nihil est: quia *utrumque scandalum nasci permittitur, quam veritas relinquitur*. Extra de Reg. juris c. 3. Item in hac concessione peccasset Gregorius mortaliter si concessisset de facto, quod non potuisset de jure: & præbisset Sacerdotibus occasione peccandi mortaliter, scilicet faciendi quod non licebat eis facere.

His duobus modis rejectis, ut nihilominus Pontifici sua maneat integra auctoritas, ac rectitudo facti, *inquit Doctor*: Alii possunt esse duo modi dicendi probabiles. Unus quod in primitiva Ecclesia non erat differentia inter Sacerdotes, & Episcopos. Quam probat duplici auctoritate S. Hieronymi: Prima ponitur dist. 95. c. 5. & inticulatur: Hieronymus ad cap. 1. Epistolæ ad Titum: *Olim, inquit, idem erat Presbyter, qui & Episcopus, & antequam diaboli insinûs studio in Religionem, &c. dicerentur in populis, ego sum Pauli, ego autem Apollo, ego vero Cepha, communi Presbyterorum consilio Ecclesiæ gubernabantur*, &c. Secunda refertur dist. 93. cap. 23. ex epist. ad Evangelium Presbyterum ubi scribit: *Cum Apostolus perspicue docere eisdem esse Pres-*

*hyeros, quos Episcopos. Et infra: Quid enim facit excepta Ordinatione Episcopus, quod Presbyter non facit? Quae ultima verba, Doctores dederunt occasione recedendi, seu improbandi hunc modum.*

*Respondeo, inquit, n.6. si à principio fuit aliquis actus proprius Episcopo, sicut dicit Hieronymus, præter consecrationem, quid potest Episcopus, quod non potest Presbyter? ... sequitur, quod à principio erat differentia Episcopi, & Presbyteri: tamen illæ autoritates non concludunt oppositum, sed sunt exponendæ sicut Glossa exponit, scilicet, quod fortè nomina erant synonyma, & administratio, idest, gubernatio Ecclesie communis fuit, sed tamen non dispensatio quæcunque Sacramenti. Quod probatur dist.21. In novæ: In loco Apostolorum fuerunt Episcopi, sed septuaginta duorum Discipulorum vicem gerunt Presbyteri: ergo à Christo fuit distinctio Episcopi, & simplicis Presbyteri. Ita Doctor. Sed*

*Contrà, inquit, nonne Philippus fuit de septuaginta duobus, & Stephanus, & cæteri Diaconi, non Presbyteri? Item ad Titum cap.11. Propter hoc te reliqui Crete, ut constitueres Presbyterus: ergo non Episcopus hoc non potuit. Hoc etiam probatur per cap. seq.95. dist. quod super illud Pauli fundatur: Noli negligere gratiam, quæ in te est, &c. Quoniam (ait) Presbyteri Episcopi nuncupantur, secundum quod scriptum est ad Episcopum: Noli negligere gratiam, quæ in te est, &c. Et alibi ad majores natu, Qui vos posuit Episcopos regere Ecclesiam Dei. Hæc Hieron. ex quibus inferi Doctor. Non distinguit ergo Episcopum à Presbytero, qui non dicit, quod Confirmatio fuerit data per Episcopum tantum, sed loquitur de Presbytero. Nec etiam legitur in Actibus distinctio Sacerdotum ab Apostolis, qui erant Episcopi. Hucusque Doctor, immediate subiungens: Et si illud est verum (non asserit esse verum) tunc Sacerdoti ex officio potuit competere confirmare, sicut & Episcopo, quia ex prima institutione non erat alius gradus in Ecclesia: tamen propter necessitatem postea multiplicati sunt Sacerdotes, & restricta est potestas ab eis quantum ad aliqua, quæ reservata sunt solis Sacerdotibus maioribus, qui dicti sunt Episcopi. Fraffen Theol. Tom. XI,*

*scopi. Et talis actus esset confirmare. Quod si verum est, Gregorius bene potuit Sacerdotes illos subiectos Januario Episcopo licentiarè ad confirmandum: quia in hoc non concessit potestatem eis non convenientem, sed revocavit prohibitionem prius eis factam.*

*Prosequitur: Sed si contra hoc obijciat, quia secundum ista cum in primitiva Ecclesia non legantur alii confirmasse, quam Apostoli, si tunc quicumque Sacerdotes erant Episcopi, vel æquales, quantum ad istum actum: ergo solis Episcopis debetur ex officio.*

*Respondeo, inquit, quod vel nulli alii ab Apostolis erant Sacerdotes, quia illi soli tunc poterunt sufficere; vel si alii erant, detulerunt Apostolis in isto actu propter manifestationem Spiritus sancti evidentem, quæ fiebat in collatione istius Sacramenti, ut cum majori reverentia, & devotione suscipiatur propter excellentiam Ministrorum. Hæc Doctor pro tertio modo.*

*Cætèrum eum & ille modus minus placeat Doctori Subtili, utpote non plene satisfaciens argumentis in contrarium, appositum quartum, dicens: Quartus modus dicendi est, quod si à principio non licuit Sacerdoti simplici, Papa tamen potuit quemlibet Sacerdotem illius regionis facere Episcopum, quantum ad istum actum non conferendo tamen sibi simpliciter gradum Episcopalem, nec quantum ad alios actus: & tunc quilibet eorum verè confirmavit tanquam Episcopus, quantum ad istum actum: & ratio conferendi istum gradum cuilibet Sacerdoti, quantum ad istum actum, poterat esse scandalum vitandum. Hic tandem quiescit Doctor non dubitans (ut perperam illum intelligit Pontius cap.3. nu.1.) de concessione Pontificis, aut ejus sufficientia (quam palam ubique supponit) sed potè diligentem inquisitionem modi explicandi hujusmodi dispensationem, tacite innuens hunc quartum, cui nihil omnino opponit, fore amplectendum.*

*Probatur tertio conclusio variis Authorum testimoniis, qui asserunt facultatem confirmandi sæpè simplici Sacerdoti fuisse commissam. In primis enim hanc consuetudinem, ut Presbyteri confirmarent, viguisse in Aegypto, tradit Author corvus Ambrosio, & qui citatur nomine Ambrosii in cap.4.*

epistolæ ad Ephesios : & Author librorum veteris, & novi Testamenti, qui sub nomine S. Augustini communiter citatur : nam quæst. 101. sic ait : *In Alexandria, & per totum Egyptum, si desit Episcopus, consignat Presbyter.*

Item in Ecclesia Græca, jampridem, & diu ante schisma inductum, morem fuisse, ut Presbyteri Græci darent communiter Confirmationem, ex concessione videlicet summi Pontificis tacita, vel expressa, eaque de re non fuisse reprehensos in Concilio Florentino, scribit Arcudius lib. 2. de Sacramentis c. 10. imò consuetudinem illam Ecclesiæ Græcæ tacite approbasse videntur Eugenius, & Concilium : nam sect. 25. cum Eugenius undecim quæstiones Græcis proposuisset, inter quas sexta erat : *Cur non Episcopi, sed Sacerdotes inungant sacro Chrismate, cum hoc Pontificibus sit datum?* addit in fine Concilium : *Hec à Latinis objecta, Mithlenensis Præsul, legitime, & secundum Canones, omnia dissolvit, præter quam duo, videlicet separationem Matrimonii quoad vinculum, & creationem Patriarchæ extra Constantinopolim.* Igitur tacite Eugenium cum Patribus Concilii Florentini, qui ejus Decreto subscripserunt, approbavit ritum Græcorum confirmandi per simplices Sacerdotes.

Dicit : Innocentius tertius hanc dispensationem revocavit, & eam consuetudinem irritam fecit; prohibuit enim Parochis Constantinopolitanis, ne amplius cuiquam conferrent Sacramentum Confirmationis, & collatum statuit nullum esse. Similiter Innocentius quartus epist. ad Episcopum Tusculanum Apostolicæ Sedis Legatum in regno Cypri, de Ritibus Græcorum consultus, quod attinet ad Confirmationem, ita rescribit : *Soli autem Episcopi conferunt Chrismate in frontibus baptizatos, quia bujus usus non debet, nisi per Episcopos exhiberi, quoniam soli Apostoli, quorum vices gerunt Episcopi, per manus impositionem, quam Confirmatio, vel frontis Chrismatio repræsentat, Spiritum sanctum tribuisse leguntur.*

Respondet Arcudius cap. 15. Innocentium tertium prohibuisse solum Latinis Presbyteris, qui eo tempore Constantinopoli degabant, dum videlicet Galli Imperatores ibi dominarentur, ne hanc facultatem confirmandi infantes sibi arrogarent, quod utique constat ex Epistola ejusdem Pontificis ad Lucium suum Vicarium, in qua ita scribit : *Mandamus, quatenus omnibus Latinis*

*Presbyteris diffidè prohibeas, ne talia de cætera sua temeritate præsumant.*

Ad Innocentium quartum respondet, quòd cum non solum in regno Cypri, sed in toto ferme Oriente ille mos confirmandi per simplices Presbyteros invaluisse, fortè legatus Pontificis, agnita difficultate, Decretum istud hac de re publicate prætermisit, nec executioni mandavit, quod commodè fieri haud posset. Sed quidquid sit, verius dicendum arbitror, quòd etsi aliqui Pontifices hanc praxim Græcorum revocaverint, tamen cum Eugenius quartus in Concilio Florentino approbaverit Decretum Græcorum, etiam tacite quoad hoc revocavit Constitutiones Innocentii tertii, & quarti, qui per ducentos fere annos ipsum Eugenium quartum præcesserant. Ex his itaque sufficienter, & aperte constat, reverè aliquando concessam fuisse facultatem administrandæ Confirmationis per simplices Sacerdotes, & Ecclesiam Latinam sic concessam Confirmationem tanquam verum, ac validum Sacramentum approbasse. Quod insuper constat aperte in objectionum solutione.

Obijciunt itaque primò varias summorum Pontificum, & Conciliorum auctoritates, quibus significari videtur confirmandi potestatem ita proprium esse Episcoporum munus, ut nullo casu nullaque accedente dispensatione simplicibus Sacerdotibus committi possit. Prodit in primis Eusebius Papa epist. 3. ad Episcopos Thusciz, & Campaniæ, declarans Confirmationis sacramentum ab aliis perfici non posse, nisi à summis Sacerdotibus : nam si aliter præsumptum fuit, irritum habeatur, & vacuum, nec inter Ecclesiastica unquam reputabitur Sacramenta. Damasus etiam epist. ad Episcopos Numidiz : *Quod est* (scilicet Corepiscopis, inter simplices Sacerdotes præcipuis) *non licet Sacerdotes consecrare, nec Diaconos, aut Subdiaconos, nec Virgines, nec Altare erigere, nec ungere, aut sacrare, nec Ecclesias dedicare, nec Chrisma consecrare, nec Chrismate baptizatorum frontem signare.* Quod Iohs Apostolus, eorumque Successoribus proprii sit officii tradere Spiritum sanctum, liber Aluum Apostolorum docet, præsertim cum nullus ex septuaginta Discipulis; quorum isti (Chorepiscopi) in Ecclesia speciem gerunt, legatur donum sancti Spiritus per manus impositionem tradidisse. Hec ergo, quia omni carent ratione, nullus deinceps usurpet, aut consentiat Sa-

cerdotum, qui noluerit à nostro sacerdotali collegio separari. Et Innocentius I. epist. 1. ad Decentium cap. 3. loquens de Chrismatione frontis, ait: Pontificibus solis debetur, ut vel consensent, vel Spiritum Paracletum tradant, non solum consuetudo Ecclesiastica demonstrat, verum & lectio Actuum Apostolorum. Nam Presbyteris Chrismate baptizatos ungere licet, non tamen frontem ex eodem oleo signare, quod solis debetur Episcopis, cum tradunt Spiritum Paracletum. Et Magnus Leo epist. 88. Nec Chrisma consicere, nec Chrismate baptizatorum frontem signare Presbyteris, & Coepiscopis liceat. Quæ omnia solis debentur summis Pontificibus auctoritate Canonum præcipitur. Et Gelasius epist. ad Episcopos Lucaniz: Presbyteros ultra modum suuotendere prohibemus, nec Episcopali fœssigio debita sibimet audaciter assumere: non consicendi Chrismati, non consignationis Pontificalis adhibenda sibimet arripere facultatem. Idem luculentius docet Ioannes III. epist. ad Episcopos Germaniz, & Galliz, cap. 1. ubi cum probasset auctoritate Actuum Apostolorum 8. & SS. Damasi, ac Leonis Magni, necnon Concilii Neocæsariensis can. 13. solos Episcopos esse Ministros Confirmationis, quam ibi appellat manuum impositionem, & inde collegisset, quod Chorepiscopi, qui erant simplices Presbyteri, & referebant 70. Discipulos, quorum nullus per manus impositionem legitur tradidisse Spiritum sanctum, Confirmationis sacramentum administrare non possent, nec deberent, sic eos urget: Si meliores sanctioresque cæteris Apostolis esse putatis, facite quæ illi non fecerunt, & superextollis vos illis. Si verò ejusdem Ordinis essis, & æquiparare vos vultis illis, nolite ea agere, quæ illi non egerunt: sed imitamini, prout melius potestis, exempla, & vestigia eorum. Illi autem, præcipiente Domino, illisque denuntiantes, ut illi, & Successores eorum tantummodo per manus impositionem traderent Spiritum sanctum, nulli unquam ex septuaginta tradere Spiritum sanctum per manus impositionem, permiserunt eis (quorum ipsum, ut prædictum est, Chorepiscopi, antequam prohibiti essent, gerebant in Ecclesia) scientes illicitum fore, dantes exemplum, ne unquam talia præsumerent. Unde in Actibus Apostolorum scriptum est: Cum audissent Apostoli, &c. Non ergo, ut iam dictum est, alique ex septuaginta, licet panes essent Apostoli, ad hoc corpus persequendum direxerunt: sed Petrum, & Joan-

nem Apostolos per manus impositionem tradere Spiritum sanctum miserunt, quorum vicem Episcopi in Ecclesia gerunt, & non Chorepiscopi, qui septuaginta Discipulorum formam, ante prohibitionem eorum, gerebant. Quod illi non fecerunt, vos facere nolite, ne dissimiles eis, & indigni eorum successionem, & ministerio esse videamini.

Idem pariter decernunt Concilia, Hispanense secundum cap. 7. Toletanum octavum cap. 7. Meldense cap. 44. Vormatiense cap. 8. Metense cap. 5. Unde Ratramnus Corbejensis diluens Græcorum objecta, quæ Nicolaus Pontifex refellenda in Gallias miserat, ait: Nunc ad illud veniamus, quod obicitur, quia penes Romanos baptizatorum frontes Presbyteri non linunt. Ut hoc fiat, & apud Romanos, & apud omnes Occidentales, tam ex Evangelio, quam ex Apostolorum Actis, constat esse assumptum; constat namque Spiritus sancti gratiam per unctionem frontis ex Chrismate ab Episcopis donari, quod nulli præter Episcopos esse concessum, Evangelica testatur auctoritas. Igitur Ecclesia Romana non approbat facultatem concessam simplici Presbytero ad Confirmandum.

**Nego consequentiam:** Et ad præfatas auctoritates dico, eas esse intelligendas de Ministro ordinario, quem constat solum esse Episcopum, qui propria auctoritate sacramentum Confirmationis possit dispensare; non autem de Ministro extraordinario, & delegato, qualis potest esse simplex Sacerdos, qui ex commissione, & dispensatione summi Pontificis rationabili de causa delegari potest in Ministerium hujus Sacramenti.

**Nec obstat,** quod Ioannes tertius dixerit, solos Apostolos, & Episcopos eorum Successores tantummodo præcipiente Domino, illisque denuntiantes, tradere posse Spiritum S. per manus impositionem. Hoc, inquam, non obstat: Tum, quia dubia est prorsus hujus epistolæ auctoritas, utpote quam Binius, necnon & Baronius supposititiam esse lubodorantur: Tum, quia ibi Ioannes agit de Chorepiscopis, & simplicibus Presbyteris, qui propria auctoritate hoc munus sibi arrogabant.

**Instabit:** Eodem modo præfati Pontifices, & laudata Concilia loquuntur de administratione Confirmationis, atque de consecratione Chrismatis, ut constat præcipue ex Damaso, & Leone Magno,

necnon & Conciliis Hispanensi, & Tolitano, sed Ecclesia nusquam concessit simplicibus Sacerdotibus facultatem consecrandi Chrismatis: imò ex continua ejus praxi, cui nec Græci schismatici obliuiscuntur, solus Episcopus Chrisma conficere valide potest, nec idonea unquam habita est Confirmationis materia, nisi solum Chrisma ab Episcopo benedictum: igitur confirmandi facultas ita ordini Episcopali est propria, ut nulli alteri possit delegari.

*Respondet primò*, verum quidem esse, quòd consecrandi Chrismatis, & ministrandæ Confirmationis ordinarius Minister sit solus Episcopus. Quod utique non obest, quin utriusque Minister possit esse simplex Sacerdos ex delegatione, & commissione summi Pontificis, ut diximus agendo de benedictione, & consecratione Chrismatis.

*Secundò dico*, non eandem esse concedendæ facultatis ad consecrandum Chrisma, ac ad ministrandam Confirmationem, necessitatem, & rationem; quippe Chrisma semel ab Episcopo benedictum, potest in varias orbis plagas, ubi nulli adestent Episcopi, deportari; & sic à simplici Sacerdote, in casu necessitatis, ministrari possit Confirmationis sacramentum, quod utique fieri non posset, nisi concederetur hæc dispensatio.

*Urgebis*: Si quæ esset rationalis causa dispensandi, ut Confirmatio ministrari possit à simplici Sacerdote, maxime quando imminet mortis periculum, nec conveniri potest Episcopus, sed Innocentius tertius cap. 4. de Consuetudine, decernit, ut potius fideles careant sacramento Confirmationis, etiam in mortis discrimine, quam illud à simplici Sacerdote accipiant: igitur existimavi Innocentius, Confirmandi potestatem ita propriam esse Episcopis, ut simplici Sacerdoti nulla ratione possit delegari.

*Respondet*, Pontificem hoc factò coercere voluisse temeritatem, ac presumptionem quorundam Presbyterorum, qui sine ulla speciali delegatione à summo Pontifice, sed ausu temerario confirmandi potestatem sibi arrogabant. Quam utique temeritatem, ut compesceret summus Pontifex, maluit, ut hoc Sacramento non absolute ad salutem necessario carerent fideles, quàm ut illud ab hujusmodi Sacerdotibus peterent.

*Obijcies secundò*: Nec Ecclesia, nec summus Pontifex unumquodque potest ea, quæ sunt de

jure divino, & quæ spectant ad essentiam Sacramentorum, sed Episcopus de jure divino, & ex institutione Christi est designatus Minister Confirmationis; Minister autem non minus spectat ad essentiam, & integritatem Sacramenti, quam materia, & forma: igitur nec Ecclesia, nec summus Pontifex possunt hujusmodi potestatem simplici Sacerdoti delegare.

*Distinguo majorem*: Episcopus est institutus à Christo Minister Confirmationis, ordinarius, concedo: solus, & cum exclusione cujusque alterius, etiam per delegationem, nego: Quamvis enim ex Christi institutione Episcopus sit designatus ordinarius Minister hujus Sacramenti, hoc tamen non officit, quominus ex eadem Christi voluntate gravi de causa summus Pontifex possit ad id simplicem Sacerdotem delegare. Sicut ex Christi institutione Episcopus potestate ordinaria à peccatis absolvere potest; Sacerdos verò peccata dumtaxat remittere potest, si ab Episcopo jurisdictionem obtineat. Neque in his alia ratio querenda est, quam Christi instituentis beneplacitum nobis ex Traditione, & Ecclesiæ Catholicæ à Spiritu sancto gubernatæ usu notatum. Quomobrem in hujusmodi indulgentia Papa jus divinum non mutat; sed tantum declarat simplicem Sacerdotem in tali urgentis necessitatis casu, ex sua tamen commissione confirmare, idque esse voluntati, & Christi Sacramentorum Authoris institutioni consentaneum.

*Urgebis*: Potestas confirmandi fundatur in charactere Ordinis Episcopalis: igitur qui non habet eum characterem, nulla ratione potest confirmare. Probat antecedens: Si hæc potestas præcisè non fundetur in charactere Episcopali, & potestate Ordinis, Episcopus eam sibi vindicare debet ratione jurisdictionis, quam in suam Diocesim obtinet: sed ita non est: igitur in solo charactere Episcopali fundatur. Major constat, duplex enim solum in Episcopo distinguitur autoritas, nempe Ordinis, & characteris annexa; vel jurisdictionis, qua universæ Diocesis principatur. Minor etiam constat: Tum, quia Episcopus exauctoratus, & censuris Ecclesiasticis irretitus, imò & in heresim lapsus, tamen illicite, tamen valide confirmat, licet omni jurisdictione sua sit orbatus: Tum, quia jurisdictionem suam potest Episcopus in alios derivare, & de facto eam Vicariis Generalibus impertit, subindeque posset aliis Sacerdotibus confirmare.

di, sicut à casibus reservatis absolvendi facultatem concedere, quod in Ecclesia inusitatum, & inauditum est: Ergo non confirmat Episcopus, nisi ratione potestatis Ordinis, seu characteri suo divinitus alligatæ: ergo quicumque eo characterē Episcopali carebit, in vanum confirmabit. Quod usque adeo verum est, ut ipse Papa electus, & in Episcopum nondum consecratus, tametsi primam, & maximam habeat in totam Christi Ecclesiam auctoritatem, & jurisdictionem, ipse tamen confirmare alios non potest, defectu characteris Episcopalis. Ergo confirmandi facultas est essentialiter characteri Episcopali annexa.

*Respondet*, hanc auctoritatem conferendæ Confirmationis, fundari proximè in potestate Ordinis Episcopalis, tamquam Ministri ordinarii; remotè verò in characterē Sacerdotali, & quæ nonnisi per delegationem summi Pontificis perfici possit; ita quòd Episcopus ratione sui Ordinis, & characteris ex divina institutione jure ordinario independentè à quocumque vel permitte, vel prohibente, possit validè hoc Sacramentum administrare: simplex autem Sacerdos, cum habeat tantum inchoatam hanc auctoritatem, eò quòd ratione sui characteris sit capax excipiendi illam tamquam delegatam; idcirco remotè dumtaxat hanc auctoritatem sibi vendicat, quæ nonnisi per delegationem reduci potest ad potentiam proximam; eo scilicet modo, quo potestas remota ad absolvendum, quam quilibet Sacerdos accipit in sua ordinatione, sit proxima per potestatem jurisdictionis ordinariam, vel delegatam, postmodum ab Ecclesia concessam. Itaque potestas confirmandi competit tam Episcopo, quam Presbytero, ratione ordinis ac consecrationis; Episcopo quidem complete, proximè, & absolute; Presbytero verò tantum incomplete, remotè, ac conditionatè, si videlicet accedat dispensatio, & commissio summi Pontificis, per quam illa remota potestas sit proxima.

*Inflabit*: Illa Sedis Apostolicæ concessio, & commissio nihil reale tribuit simplici Sacerdoti; ergo per eam illius character Ordinis compleri non potest, neque perfici.

*Distinguo antecedens*: Nihil confert reale physicum, concedo: morale, nego. Cum autem character non sit quid physicè concurrens ad Sacramenti ministerium, & effectum, sed tantum quid morale, & per modum signi operans; hinc non mirum videri

debet, si per simplicem concessionem id obtineat, quod suapte natura non habebat.

*Vel aliter distinguo*: Nihil confert, quo Sacerdos fiat ordinarius Minister, concedo: quod fiat extraordinarius, nego. Plura namque ad ordinarium, quam ad extraordinarium ministerium desiderantur: quia primum concernit statum, & per modum permanentis; aliud verò solam deputationem, quæ potest auferri.

### CONCLUSIO TERTIA.

*Solus summus Pontifex, non autem Episcopus, delegare potest simplici Sacerdoti auctoritatem conferendæ Confirmationis.* Hæc est communior, & verior, colligiturque ex Concilio Florentino; nam in decreto Eugenii, ut specialis prærogativa Sedis Apostolicæ profertur, quòd per ejus dispensationem simplices Sacerdotes aliquando confirmaverint; quibus insinuat, id nec concessum ab aliis Episcopis, nec valere, si aliquando concederetur. *Insuper*, si Patres ejusdem Concilii non supposuissent tamquam certum, quòd Presbyteri ex sola delegatione Episcopi confirmare non possent, haud dubiè non proposuissent scilicet. 25. hanc questionem Græcis, *Cur non Episcopi sed Sacerdotes inaugurant sacro Chrismate.* Suffragantur etiam rationes in prima conclusione expressæ, necnon & continua Ecclesiæ praxis, qua constat à nullo unquam Episcopo, hoc privilegium simplici Sacerdoti fuisse concessum; cum enim nullum extet decretum summi Pontificis, prohibens Episcopis, ne privilegium hoc simplici Sacerdoti conferant, non esset cur illa potestate aliquando non fuissent usi.

Cum itaque nusquam legatur, Presbyteros ex Episcopi jussione confirmasse, sed tantum ex Sedis Apostolicæ delegatione, signum est, quòd ex institutione Christi D. solus summus Pontifex, ob plenitudinem suæ potestatis, constituere possit simplicem Sacerdotem in Ministerium extraordinarium hujus Sacramenti.

*Dices primò*, Quidquid summus Pontifex potest in universa Ecclesia, idipsum potest Episcopus in sua Diocesi: igitur sicut summus Pontifex delegare potest simplici Sacerdoti facultatem confirmandi per universam Ecclesiam, idem potest Episcopus in sua Diocesi.

*Distinguo antecedens*: Quidquid potest ratio-  
ne

ne Ordinis, seu consecrationis Episcopalis, concedo: ratione jurisdictionis, nego. Porro delegate simpliciter Sacerdoti facultatem confirmandi, spectat ad auctoritatem jurisdictionis, quam summus Pontifex supremam in Ecclesia obtinet.

*Dices secundò:* Sacerdotes Græci validè Confirmationis sacramentum administrent: at id non præstant ex concessione Romani Pontificis, quippe cum hujus concessio, seu privilegium nullibi appareat: igitur solum obtinuerunt ex delegatione suorum Episcoporum.

*Nego minorem:* Nam, ut notat Arcudius cap. 15. circa medium; *Tutissimum est dicere, Græcorum Presbyteros, per suos Patriarchas, & Antistes ejusmodi facultatem à summo Pontifice obtinuisse, à quo omnis jurisdictio, quasi à capite in alios, veluti membra, mediari, vel immediate derivatur, & diffunditur.* Addit id etiam fortè ab initio fuisse concessum ab universali Ecclesia Orientali, non corrigente à principio, sed diu tolerante Romano Pontifice; cum enim summus Pontifex, antequam Ecclesia Græca à Romana infenso schismate divulsa fuisset, annuatim Chrisma Constantinopolim mitteret, ut idem testatur Arcudius c. 9. haud dubium est, quòd rescierit Presbyteros Græcos solitos esse confirmare infantes: quare vel expressè consensit, vel tacitè; si enim Constantinopolitani tantum deferrent Ecclesiæ Romanæ, ut ab ipsa peterent sacrum Chrisma, quod ipsimet ex Ordinis potestate poterant consecrare, quanto magis eorum Presbyteri abstinuissent à conferendo Confirmationis sacramento, si illud Romanus Pontifex improbasset?

## QUÆSTIO SECUNDA.

*Quæ sit necessitas suscipiendi hujus Sacramentis, & quinam sint capaces illius susceptionis.*

**N**otandum primò, seu potius revocandum ex jam pluries dictis, necessitatem recipiendi alicujus sacramenti solito distingui duplicem, *medii* videlicet, & *præcepti*. Sacramentum illud dicitur necessarium necessitate mediæ, sine quo salus hominis ad illius susceptionem adstricti obtrahere nequit; sic necessarius est Baptismus in re, vel in voto suscipiendus in nova lege; necessarium patitur Pœnitentiæ sacramen-

tum ad eluendum peccatum mortale post Baptismum commissum. Necessitas verò præcepti ea est, qua Sacramenti suscepcio necessaria est ex mandato, vel divino, vel Ecclesiastico; itaut illi, ad quos præceptum istud dirigitur, salutem non possint obtinere absque susceptione hujusmodi Sacramenti, nisi fortè infirmitas, aut aliqua alia necessitas ab illo præcepto servando illos eximat. Quæritur autem, an aliquo ex his modis Confirmationis sacramentum sit ad salutem necessarium.

*Notandum secundò,* necessitate mediæ adhuc posse distingui duplicem: unam quidem *absolutam*, per quam aliquid ad salutem ita necessarium est, ut sine eo salus æterna non possit obtineri; alteram autem tantum *ad melius*, & *perfectius esse*, per quam aliquid non est ita ad salutem necessarium, quin sine eo salus æterna possit obtineri, sed comparari non possit cum tanta perfectione, & facilitate. Similiter necessitas præcepti dupliciter potest attendi, nempe vel respectu totius communis, puta totius Ecclesiæ, & cæteris omnium fidelium, vel tantum respectu cujuslibet fidelis in particulari: plura namque necessaria sunt respectu communis, quæ itidem non sunt necessaria respectu particularium.

*Notandum tertio,* duplex distingui posse subiectum capax recipiendæ Confirmationis, nempe vel infantem, sed rationis capacem, vel adultum, qui sit sui juris. Unde movetur controversia inter Theologos, quænam ex parte utriusque dispositionis præquirantur ad validè, & fructuosè suscipiendum Confirmationis sacramentum, quæ utique controversia cum non sit gravis ponderis, & momenti, etiam facili negotio discutietur in tribus conclusionibus sequentibus.

## CONCLUSIO PRIMA.

**C**onfirmationis Sacramenti suscepcio non est præcepti, & per se necessaria ad salutem necessitate mediæ absoluta. Hæc conclusio communis est apud Theologos, eamque tradit Alensis 4. par. qu. 25. memb. 2. S. Bonaventura dist. 7. art. 3. qu. 2. S. Thomas qu. 3. art. 2. necnon & subtilis Doctor dist. 7. q. 1. ubi de sacramento Confirmationis scribit: *Respondet, quid non est simpliciter necessarium ad salutem, juxta illud Marci ult. Qui crediderit, & baptizatus fuerit, salvus erit. Nec-*



non in de consecr. dist. 5. ubi habetur, quod baptizatus per solum Baptismum salvatur. Porro verba distinctionis illius desumpta sunt ex cap. 2. epistolæ Melchiodi ad Episcopos Hispaniæ, ubi ait: Spiritus sanctus, qui super aquas Baptismi salutifero descendit illapso, in fonte plenitudinem tribuit ad innocentiam: in Confirmationis augmentum præstat ad gratiam... Et quamvis comminatio transiit sufficiens regenerationis beneficia, virtutis tamen necessaria sunt Confirmationis auxilia.

*Suffragatur etiam ratio:* Tum, quia ad salutem instituendam sufficit innocentie status, necnon & quilibet gradus gratiæ sanctificantis: cum ergo hoc Sacramentum non sit institutum ad conferendam primam gratiam, sed dumtaxat ad ejus augmentum; inde consequens est, quod eo prætermisso salus possit obtineri: Tum, quia effectus hujus Sacramenti, videlicet animi robor, & constantia, ad tuendam, & protestandam fidem coram tyrannis, aliis mediis ab adultis sperari, & obtineri potest, putâ per sacrificia, orationes, aliaque bona opera vitæ æternæ meritoria; multo magis obtineri possunt auxilia actualia ad fidem, & religionem animo constanti profitendam. *Adde*, quod maxime parti auditorum nunquam se offerat aliqua occasio defensionis fidei: Tum denique, quia si Sacramentum hoc esset absolutè ad salutem necessarium, haud dubie Ecclesia summo studio curaret illud administrari statim post Baptismum, ne videlicet plures infantes ante rationis usum post susceptum Baptisma ex hac vita migrantes, propter defectum hujus Sacramenti de salute æterna periclitarentur: nihilominus ex assidua ejus praxi constat, hoc Sacramentum non ministrari solere parvulis ante septennium, ut dicemus infra: igitur &c.

*Dices:* Nemo salvari potest, quin sit perfectus Christianus, & habeat in se Christi gratiam, sed sine hoc Sacramento nullus potest esse perfectus Christianus, nec habere in se Christi gratiam. Probat auctoritate S. Cypriani epist. 70. *Ungi quoque necesse est eum, qui baptizatus est, ut accepto Crismate, esse unctus Dei, in habere in se gratiam Dei possit.* Et S. Clemens Romanus epist. 4. *Omnibus, inquit, festinandum est sine mora renasci Deo, in dñm ab Episcopo consignari, id est, seipsi formam gratiam Spiritus sancti percipere: cum aliqui perfectus Chri-*

*stianus nequaquam esse possit, is qui hoc Sacramentum prætermiserit, ut à B. Petro accepimus, in ceteri Apostoli præcipiente Domino docuerunt.* Et Urbanus Papa in epist. sua cap. 7. *Omnes fideles per manus impositionem Episcoporum Spiritum sanctum post Baptismum accipere debent, ut pleni Christiani inveniantur.* Quibus concinit Concilium Auteliense cap. 8. ubi ait: *Quia numquam erit Christianus, nisi Confirmatione Episcopali fuerit chrismatus.* Hinc Concilium Laodicenum can. 48. ait: *Oportet baptizatos post Baptismum sacramentum Crisma percipere, in celestis regni participes fieri.* Igitur ex his omnibus liquet, Sacramentum Confirmationis esse necessarium ad salutem; unde Hugo Victorinus lib. 2. par. 7. cap. 3. aperte pronuntiat, omnino periculolum esse sine manus impositione ex hac vita migrare: *Quia, inquit, sicut in Baptismo remissa peccatorum accipitur, ita per manus impositionem Spiritus Paracletus datur: illic gratia tribuitur ad remissionem peccatorum, hic datur ad Confirmationem: Quid autem prodest, si à lapsu erigeris, nisi etiam ad standum confirmeris?*

*Distinguo minorem:* Sing Confirmatione haberi non potest gratia Christi, nec quis esse plenus Christianus, quantum ad ipsius gratiæ augenti plenitudinem, & completam nominis Christiani significationem, concedo: quantum ad consecutionem gratiæ sanctificantis ad salutem absolutè sufficientis, necnon & quantum ad susceptionem characteris Christiani, quo quis verè inter Christi membra computetur, & ipsius corpori mystico, nempe Ecclesiæ, inseratur, nego. Per Baptismum enim imprimitur ille character, quo baptizatus reverà censetur membrum Christi, & ipsius corpori mystico inseritur. Similiter per eum consequitur gratiam sanctificantem ad salutem æternam sufficientem; nam qui crediderit, & baptizatus fuerit, salvus erit: Verum Confirmatio non confert modicum ad ipsius gratiæ plenitudinem, & perfectionem, siquidem per hoc Sacramentum tribuitur sancti Spiritus plenitudo, quantum ad augmentum gratiæ habitualis, ac virilem, & celestem animi constantiam, qua Christianus vegetatus, & roboratus, fidem, & religionem Christianam, etiam cum evidenti bonorum omnium iactura, ac vitæ dispendio tuteatur. Confert pariter ad plenam, & omnimodam Christiani nominis significationem, liqui-

liquidem Christiani nomen, sicut & Christi, derivatum esse ab unctione Chrismatis, docet S. Augustinus lib. 17. de Civitate Dei cap. 16. *Quis enim, inquit, tam rudis est in hac Religione, vel tam surdus adversus ejus famam longe latiusque diffusam, ut Christum à Chrismate, hoc est, ab unctione appellatum esse non noverit?* Et lib. 20. cap. 10. explicans illa verba Apocal. *Erunt Sacerdotes Dei, & Christi*, scribit: *Non utique de solis Episcopis, & Presbyteris dictum est, qui propriè jam vocantur in Ecclesia Sacerdotes; sed sicut omnes Christianos dicimus, propter mysticum Chrisma, sic omnes Sacerdotes, quoniam membra sunt unius Sacerdotis. Ubi signanter dicit, nos dici Christianos, propter mysticum Chrisma, nempe sacramentum Confirmationis, cujus materia est unctio Chrismatis, ad quam haud dubie nominis ethymologia alludere voluerunt Pontifices, & Patres, & Concilia, dum negant eos esse Christianos, vel plene Christianos, qui hanc Chrismatis unctionem non acceperunt.*

*Vel aliter distinguo:* Sine Confirmatione fideles non possunt esse pleni Christiani, plenitudine quoad abundantiam, concedo: quoad sufficientiam, nego: Duplex enim distingui potest gratiæ plenitudo respectu hominis baptizati: una quoad sufficientiam, quæ datur in Baptismate, & hominem complet, ac perficit in iis, quæ sufficienti ad salutem: alia verò quoad abundantiam, quæ in ipsa Confirmatione tribuitur, ut Christianus perfectus Christi miles evadat. Porro prior plenitudo sufficit ad salutem; posterior verò desideratur tantum ad melius esse.

Dum verò Patres, & Concilia dicunt, hujus Chrismatis susceptionem necessariam esse ad salutem, intelligendi sunt de his, qui ex negligentia, & contemptu hoc sacramentum non susceperunt. Qualiter se ipsum explicat Hugo Victorinus; nam post verba in objectione laudata statim subdit: *Propterea timendum est illi, qui per negligentiam amittunt Episcopi præsentiam, & non suscipiunt manus impositionem, ne forte propterea damnentur, quia perficere debuerunt, dum potuerunt. Propter eos enim, qui articulo temporis præveniuntur, instituta est illa, qua Sacerdos baptizatum statim in vertice linat, sacri Chrismatis unctio, ut in hoc ipso ostendatur, quantum Sacramentum istud necessarium sit ad salutem, cum tam sollicitè universi caveantur, ne forte sint ipsi ad hac viam sub-*

*strabantur.* Quibus verbis significat, cate-nus hoc Sacramentum necessarium esse ad salutem, quatenus ejus contemptus perniciosus esset; quippe cum ipsum contemptorem fraudat amplissimo gratiæ augmento, quod facili sibi poterat comparare. Quæ utique solutio, & explicatio est Doctoris loco laudato; nam respondens ad auctoritatem petitam ex Gratiano de consecratione dist. 5. his verbis: *Omnes fideles per manus impositionem Episcoporum post baptismum Spiritum suscipere debent, ut pleni Christiani inveniantur*, ait: *Dico, quod loquitur de adulto, qui debet suscipere, id est, non contemnere, & pro tempore congruo suscipere in effectum: judicaretur enim contemptus, si omnimoda opportunitate oblata, non susceperetur.*

Ex his aperitè constat, qualiter intelligenda sint verba Melchiadis initio conclusionis jam laudata: *Si continuò transiurus sufficiat regenerationis beneficia, videtur tamen necessaria sunt Confirmationis auxilia.* Non enim ait: *Necessaria est Confirmatio, sed, necessaria sunt Confirmationis auxilia:* quæ utique, ut diximus, aliunde haberi possunt, quàm per Confirmationem: quamvis valde congruum sit, imò necessarium necessitate ad melius esse, ac consequi infallibiliter, ratione operis operati, sicut obtinentur per Confirmationem, quàm ex opere operantis, sicut comparari possunt per preces, & orationes, & alia opera meritoria; idcirco idem Pontifex in eadem epist. præmittit de Baptismo, & Confirmatione: *Ita conjuncta sunt hæc duo Sacramenta, ut ab invicem nisi morte præveniente, nullatenus possint segregari;* potentia videlicet concedentis, & convenientis, quia nimirum Confirmationis gratia, & character est veluti complementum, & perfectio characteris gratiæ Baptismalis.

## CONCLUSIO SECUNDA.

**S**acramentum Confirmationis est necessarium necessitate præcepti respectu ad universam Ecclesiam, non autem ad singulos fideles in propria, & privata persona spectatos.

Prima pars communis est, in Ecclesia namque necessario debent esse aliqui confirmati: siquidem Ecclesia est Respublica legitime ac ritè à Deo, & Christo instituta: igitur in ea debent aliqui destinari ex munere, qui Rempublicam illam tueantur, &

sub

sub Ducibus suis militent, ad ipsius defensionem: destinantur autem ad hoc militiæ genus Christiani per Confirmationis Sacramentum & Duces eis constituuntur Sacerdotes, & Clerici, per Ordinum susceptionem: igitur qua ratione necessariò debent esse in Ecclesia Duces aliqui, qui cæteris præstint, parè ratione necessum est, quòd aliqui destinentur in milites, sub ipsis Ducibus strenuè pugnaturi: hoc autem fit per Confirmationem: igitur, &c.

Deinde, in Concilio Mediolanensi quarto præcipitur Episcopis, & Parochis, ut omni vigilantia curent, hoc sacramentum sibi subditis fidelibus ministrari; nam loquens de sacramento Confirmationis, ait: *Videant (Parochi) ne quis eorum, qui sibi in curam traditi sunt, illud suscipere negligat. Quare præmoneant, quod etiam Concilium Vornaciensis canonem sancitum est, ut quicumque intra Parochie suæ fines habitant, neque confirmati adhuc sunt, illud omnes suscipiant, qui ea ætate sunt, qua Episcopus eos duxerit esse debere, qui ad hoc Sacramentum tunc accedant.* Ne autem aliquis existimaret, verba illa solam admonitionem, non autem præceptum continere, statim addit: *Si quis verò neglexerit, canonicis subiaceat disciplinis.* Neminem autem pœnis Canonicis addidit Ecclesia, propter omissionem solius consilii, sed propter præcepti transgressionem. Ex hoc Concilio liquet præceptum esse animarum Rectoribus, ut sibi subditis Sacramentum Confirmationis ministrent, ac subinde necessum est, quòd in Ecclesia aliqui sint, qui hoc sacramentum suscipiant.

*Secunda pars* non est contra Doctorem, ut ei perperam affingit Gonetus disp. 6. art. 3. Doctor enim 4. dist. 17. q. 1. n. 11. ait: *Extrema Unctio est instituta a Christo, & Confirmationis Sacramentum, ut dictum est supra; & tamen neutrum est simpliciter necessarium, nec est præceptum de isto, vel illo recipiendo.* Porro, quòd nullum sit præceptum, quo fidelis quisque teneatur sub peccato ad suscipiendam Confirmationem per se, & dicere, probatur: Præceptum enim, si quod esset, maximè vel naturale, vel divinum positivum, vel Ecclesiasticum: sed neutrum ex illis apparet: *Non quidem naturale:* quodnam enim illud esset nisi fortè præceptum charitatis servandæ erga seipsum, quo unusquisque obligatur ad procuranda sibi media necessaria ad salutem? at ita non est, quippe, ut dictum est in conclusione pri-

ma, Confirmatio non est per se medium necessarium ad salutem.

*Non est etiam aliquod præceptum divinum positivum,* quippe cum nullibi in Scriptura sacra præscribatur obligatio suscipiendæ Confirmationis, sicut præscribitur de Baptismo, Eucharistia, & Pœnitentia suscipiendis: neque etiam id colligi potest ex Traditione; quippe cum nulla sufficiens Traditio habeatur in Conciliis, aut Patribus quæ præceptum hoc divinum persuadeat; Neque etiam id inferri potest ex effectu hujus Sacramenti, quippe cum sine eo salus possit obtineri; & insuper effectus ille, nempe gratia roborans, & sanctificans possit per alia media, quàm per Confirmationem haberi.

*Denique nullum apparet præceptum Ecclesiasticum:* Tum, quia Ecclesia non assolet imponere præceptum de aliquo Sacramento suscipiendo, nisi jam præsupponatur divinum aliquod præceptum; unde illa solum determinat tempus, & modum, quo divinum illud præceptum debeat impleri, ut constat de Eucharistia, & Pœnitentia: unde cum nullum sit præceptum divinum de Confirmatione suscipienda, nullum pariter Ecclesiasticum apparet.

*Adde,* quòd nullis in Conciliis hujusmodi præceptum apparet; nam quòd protulimus ex Concilio Mediolanensi, obligat quidem Pastores ad hoc Sacramentum ministrandum, necnon ad invigilandum sedulo, ut à sibi commissis ovibus post septennium suscipiatur; non autem ipsis subditis distinctam obligationem præscribit hoc Sacramentum suscipiendi. *Adde,* quòd Concilium istud sic provinciale, nec subinde potuit obligare Ecclesiam universalem, nisi constet illud esse ubique receptum, & probatum; hæc autem receptio, & probatio nullibi legitur. Itaque licet Ecclesia præscribere potuerit, quòd unusquisque fidelium post septennium teneatur suscipere Confirmationis Sacramentum, sicut præscripsit, & præcepit, ut singulis annis, fideles adulti sua peccata confiterentur, & Eucharistiam sumerent; attamen id non præcepit, nec præscripsit.

*Dices primo:* Homo ex præcepto charitatis erga seipsum, magis obligatur ad procurandum sibi bonum, & complementum vitæ spiritualis, quàm corporeæ: sed tenetur ad applicandum sibi media necessaria ad augmentum, & fomentum vitæ corporeæ per nutritionem: igitur etiam in vita spiritali ex præcepto charitatis obligatur ad procuran-

tan.

randum sibi medium, quo vita spiritalis foret possit, & augeri, quale est sacramentum Confirmationis.

*Respondet negando paritatem*, & ratio discriminis est, quod medium ordinatum ad augmentum vite corporæ, unicum sit, nempe nutritio; secus autem est de vita spiritali, quæ, ut jam pluries diximus, aliis mediis, quam Sacramento Confirmationis augeri potest.

*Dices secundò*: Eodem præcepto imperatur Confirmatio, quo imperatur fidei professio, & religionis ac sanctitatis propugnatio, non solum contra sensibiles, sed etiam contra spirituales adversarios; ubi enim præcipitur finis aliquis, etiam præcipiuntur media, quibus ille finis potest obtineri: sed præcepto divino tenemur ita fidem ac religionem propugnare; igitur pariter tenemur Confirmationis Sacramentum suscipere.

*Distinguo majorem*: Si finis præceptus non possit obtineri, quam per certa, & determinata media, cujusmodi media cum ipso fine censentur præcipi, concedo: secus, nego. Porro quamvis Deus specialiter Confirmationem ordinaverit, tamquam particulare ac proprium medium obtinendæ gratiæ, quæ temptationibus, & persecutionibus occurramus; atamen sunt alia media generalia, quibus spiritalis ille vigor, & animi robur potest obtineri; nempe frequens Eucharistiæ perceptio, fervens oratio, & alia hujusmodi pia opera, quibus homo divinum sibi in necessitatibus auxilium conciliare potest.

*Ex his itaque sequitur*, quod Confirmatio necessaria sit dumtaxat ad melius esse, quam utique necessitatem egregie explicat Gerson tom. 2. in compendio de sacramentis col. 78. Dicit potest, inquit, quod uno modo loquendi Confirmatio necessaria est, alio modo non. Necessitas enim duplex invenitur; quædam absoluta, & quædam conditionata. Dicitur necessitas conditionata, idest, secundum quid, ut si homo non debeat debilitari, necesse est bene comedere: & isto modo dici potest, quod Confirmatio ad salutem est necessaria. Nam ad hoc, quod debeat vita spiritalis, & salus in Baptismo adepta robustè contra hostes spirituales custodiri, necesse habet hoc Sacramento confirmari, & custodiri. Unde dicit Hugo de S. Vi-dore, quid prodest, si per Baptismum in lapsum erigeris, nisi etiam per Confirmationem ad non-dum converteris? Non quia sine Confirmatione

non valet Baptismus ad salutem, quia hoc falsum est: sed quia frequenter in pugna spiritali accideret etiam facilitas evadendi, & proinde damnatio, nisi esset Confirmatio.

Non quidem per se, quasi carentia Confirmationis esset causa damnationis, sed per accidens, nempe vel quia homo propter contemptum suscipiendi hujus mediæ a Deo ordinati ad obtinenda media necessaria, quibus propugnare possit fidem, & adversus impugnantes quoslibet hostes Religionem tueri; indignus censetur, qui hujusmodi auxilia aliis mediis post se consequi: vel quia gravius urgente temptatione uberiori eget auxilio ad resistendum, & vincendum, quod utique efficacius per Confirmationem, quam per quodlibet aliud medium obtineret; unde fit, ut Confirmatione neglecta, hujusmodi medio uberiori orbatu minoris habeat vires ad resistendum. Quò fit ut plerumque succumbat, siquæ damnationis periculum incurrat.

Igitur omnibus modis incumbere debent Animarum Rectores, ut ad hujus sacramenti susceptionem creditis sibi divinitus oves provocent, & adhortentur; Tum, ut abundantem gratiæ plenitudinem per hoc sacramentum conferendam obtineant; Tum, ut induantur virtutibus ex alio, quæ validius, & animosius adversus quoslibet insistentes, & impugnantes salutis adversarios repugnare, & eis expugnatis, æternam gloriæ coronam promereri possint. Quod utique prælatè docet Catech. Rom. n. 14. Docendum est, inquit, hoc sacramentum hujusmodi necessitatem non habere, ut sine eo salvis quis esse non possit; quamquam vetò necessarium non est, à nemine tamen prætermitti debet: sed potius maximè cavendum est, ne in re sanctitatis plena, per quam nobis divina munera tam longè imperrunt, aliqua negligentia committatur; quod enim omnibus communiter ad sanctitatem Deus proposuit, ad omnibus etiam summo studio expectandum est. Ac sanctus quidem Lucas, cum admirabilem illius Spiritus sancti effusionem describeret, ita inquit: *Et factus est repente de celo sonus, tamquam adveniens Spiritus vehementer, & replevit totam domum*. Deinde paucis interjectis: *Et repleti sunt omnes Spiritu sancto*: Ex quibus verbis licet intelligere: quoniam domus illa sanctæ Ecclesiæ figuram, & imaginem gerebat, ad omnes fideles Confirmationis Sacramentum, cujus initium ab eo die dictum est, perti-

neret: Atque id etiam ex ipsius Sacramenti ratione facile colligitur: illi enim sacro Chrismate confirmari debent, quibus spirituali incremento opus est, & qui ad perfectam Christianam Religionis habitum perduciendi sunt: at nulli id non maxime convenit; ut enim hoc spectat natura, ut, qui in lucem eduntur, adolescant, atque ad perfectam ætatem perveniant, etiam intermedium quod vult minus assequatur: ita communis omnium mater Catholica Ecclesia vehementer optat, ut in eis, quos per Baptismum regeneravit, Christiani hominis forma perfecte absolvatur: id autem quoniam mysticæ unctionis Sacramento efficitur, perspicuum est, eam ad universos fideles aquæ pertinere. Ita Catechismus.

## CONCLUSIO TERTIA.

**O**mnis, & solus baptizatus est subiectum capax valide recipiende Confirmationis. Hæc est communior apud Theologos; quod enim solus baptizatus sit capax recipiende Confirmationis, aperte constat: Tum, quia Baptismus est janua aliorum Sacramentorum, per quam proinde in Ecclesiam intrare prius necesse est quam aliorum Sacramentorum quis possit esse particeps: Tum, quia prius est hominem spiritualiter nasci, quam roborari, & augeri; nascitur autem fidelis per Baptismum; roboratur vero per Confirmationem: igitur &c. Tum denique, quia character Confirmationis supponit characterem Baptismi; etenim character baptismalis respicit fidem nascentem, & inchoantem; character vero Confirmationis respicit statum fidei, inquit deraphicus Doctor dist. 7. art. 3. q. 3. igitur merito Urbanus Papa decrevit, sicut refertur dist. 5. de consecrat. Omnes fideles per manus impositionem Episcoporum Spiritum sanctum post Baptismum accipere, ut plene Christiani inveniantur: Quia cum Spiritus sanctus infunditur, eor fidele ad prudentiam, & constantiam dilatatur. Quibus verbis summus Pontifex duo significat: Primum, quod solus baptizatus sit capax suscipiendi hoc sacramentum: Secundum, quod quilibet baptizatus, cuiusvis ætatis, status, conditionis, & ætatis, sit idoneum illius subiectum; siquidem generatim profert, omnes fideles, &c.

Dicitur: Actorum 1. Spiritus sanctus datus fuit Cornelio, & sociis ejus, antequam baptizarentur: sic enim dicitur versu 44. Ad-

huc loquente Petro verba hæc cecidit Spiritus sanctus super omnes, qui audiebant verbum. Et versu 47. Tunc respondit Petrus: Numquid aquam quis prohibere potest, ut non baptizentur hi, qui Spiritum sanctum acceperunt, & c. Et iussit eos baptizari in nomine Domini Jesu Christi. Utique postquam acceperint Spiritum sanctum: igitur Confirmatio non necessarii supponit Baptismum.

*Distinguo consequens:* Non necessario supponit Baptismum in re vel in voto, nego: semper reipsa susceptum, concedo: Quamvis enim forte Cornelius, & socii excepissent Confirmationis effectum, nempe plenitudinem Spiritus sancti, ante realem Baptismi susceptionem; tamen jam baptizati fuerant in voto, aut per Contentionem, aut per dilectionem Dei super omnia. Vel aliter dico cum subtili Doctore in 4. dist. 7. qu. 1. et 3. quod Christus non alligavit potentiam suam Sacramentis; & ideo sicut ipse fuit in terris, sive post Ascensionem in celos potuit confirmare Apostolos sine materia, & forma, quæ nunc in Ecclesia essentialiter requiruntur ad Sacramentum Confirmationis; ita per extraordinariam virtutem, potuit quos voluit, sive in celis, sive in terris existens confirmare antequam realem Baptismi susceptionem. An autem ita confirmaverit Cornelium, & Socios ejus quis determinabit?

Ceterum nullus baptizatus arcendus est à Confirmatione; si enim aliqui baptizati arcendi essent à susceptione hujus Sacramenti, maxime parvuli, & infantes ante rationis usum, & adultam ætatem, sed ita non est; siquidem Act. 8. & 19. legitur: Apostolos omnibus baptizatis, nemine excepto, manus imposuisse, ut reciperent Spiritum sanctum, idque haud dubie exemplo ipsius Spiritus sancti, qui Act. 2. visibiliter descendit in die Pentecostes, non tantum supra Apostolos, sed etiam supra singulos eorum, qui in eodem loco erant congregati. Porro ibi non solum erant viri adulti, sed etiam mulieres, & parvuli, juxta illud Vaticinium Joelis 2. In novissimis diebus, dicit Dominus, effundam de Spiritu meo super omnem carnem, & prophetabunt filii vestri, & filia vestra, & juvenes vestri visiones videbunt.

His accedit antiqua Ecclesiarum praxis, quæ constat parvulis fuisse ministratum Confirmationis Sacramentum; cuius utique testis est Innocentius primus episcopus ad Decretum cap. 3.

cap. 3. *De consignandis infantibus*, inquit, manifestum est, non ab alio, quam ab Episcopo, fieri licere. Necnon & S. Augustinus tract. 6. in primam canonicam S. Joannis, ubi scribit: *Quando imposuimus manum istis infantibus, attendit unusquisque vestrum, utrum linguis loquerentur*. Sed præcipue praxis ista confirmatur ex Ordine Romano, titul. de Sabbato sancto, ubi refertur mos, & ritus baptizandi, & confirmandi infantes; ibi namque legimus, quod Pontifex veniens ad infantes (recens baptizatos) tenente Archidiacono *Chrisma*, involutus scapulis, & brachiis, ex panno lino, elevata & imposita manu super capita eorum, de oratione super eos cum invocatione sepius gratia Spiritus sancti: oratione expleta interrogantibus Diaconibus nomina singulorum, Pontifex sinistro pollice in *Chrismate*, faciat crucem in frontibus singulorum ita dicendo: *Confirmo te in nomine Patris, &c.*

Nec obstat, quod infantes non sint capaces actualis auxilii per Confirmationem conferendi ad fidem constanter, & animosè tuendam, maxime cum moriuntur ante adultam ætatem. Hoc, inquam, non obstat; sunt enim capaces augmenti gratiæ suscipiendi per hoc Sacramentum, ratione ejus majorum sunt consecutori gloriæ; si ante adultam ætatem ex hac vita migraverint.

Vesum, quamquam validè, imò & fructuose pueris nondum ratione utentibus conferri possit hoc Sacramentum: nihilominus sapienter cautum est in Concilio Aurelianensi cap. 3. *Ut jejuni ad Confirmationem veniant perfecta ætatis*: Hoc est, inquit Glossa, non ante septennium, quod etiam decernit Catechismus Romanus n. 14. scribens: *Illud observandum est, omnibus quidem post Baptismum Confirmationis Sacramentum posse administrari: sed minus tamen expedire hoc fieri, antequam pueri rationis usum habuerint: quare si duodecimus annus non expectandus videatur, usque ad septimum certe hoc Sacramentum differre, maxime convenit: neque enim Confirmatio ad salutis necessitatem instituta est; sed ut ejus virtute optime instructi, & parati inveniremur, cum nobis pro Christi fide pugnandum esset: ad quod sanctæ pugne genus pueros qui adhuc usu rationis careant, nemo aptos esse judicari.*

Addiuntur etiam aliz rationes: Primò, quia major exhibetur reverentia sacramento, dum aliquis sciens, & volens debi-

ta cum veneratione ad illud accedit: *Secundò*, major etiam utilitas, & fructus advenit suscipienti, dum cum propria dispositione, & animi fervore, hujus sacramenti effectum, & fructum colligit. *Tertiò*, quia inde magis vitatur periculum iterationis hujus sacramenti. Quod utique contingere posset, si quis certò nesciret, se illud accepisse.

His tamen non obstantibus, sine ullo scrupulo posset Episcopus Sacramentum Confirmationis infantibus nondum adultæ ætatis conferre eis in locis, ubi rarò adfunt Episcopi, nec facilis ad eos patet recursus; præstat enim rationis usum prævenire, quam postea defectu occasionis hujus Sacramenti fructu perpetuò carere. Quod utique statuisse videtur Concilium Mediolanense quintum parte 2. tit. de Confirmat. cum ait: *Si Episcopus ob aliquam causam justam, atque adeo necessariam parvulo, & infanti, qui non modò eam ætatem (septennii) expleat, sed ne attingat quidem, ministrandum aliquando censuerit; ne sit vetitum*. Porro iusta illa causa apparet, vel cum in puero præmaturus est rationis usus, & malicia supplet ætatem: vel cum imminet mors; ita quod si diu differatur hujus Sacramenti collatio, infans sit frustrandus augmento gratiæ, quod per illud Sacramentum exceperet: vel cum, ut statim dictum est, occurrit occasio præsentis Episcopi, forè eum in locum non reversuri.

Ex his sequitur, non esse improbabile, quod Sacramentum Confirmationis conferri possit perpetuò amentibus jam baptizatis; siquidem illi non minus sunt capaces augmenti gratiæ sanctificantis, necnon & auxiliorum actualium ad fidem pro tempore opportuno tuendam, & prohtendam, si videlicet naturaliter, aut certè per miraculum, rationis fiant compotes, quam parvuli, quinondum adultam ætatem, & plenum rationis usum sunt adepti; eadem enim utrobique apparet ratio.

Petēs: *Quinam sint rjūs, quæve cæremonie in ministrando Confirmationis Sacramento.*

Respondendo imprimis desiderari Patrinum, qui confirmandum Episcopo præsentet, & se pro eo fidejussorem constituat. Ita imprimis decrevit Higinus Papa, ut refertur de consecrat. dist. 4. cap. 100. *In Catechismo, & in Baptismo*, inquit, & in Confirmatione, unus Patrinus fieri potest si necessitas

cogit; non est tamen consuetudo Romana, sed per singulos singuli recipiunt. Ibidem etiam cap. 101. legitur hoc decretum Leonis Papae: Non plures, inquit, ad suscipiendum de Baptismo infantem accedant, quam unus sive vir, sive mulier, in Confirmatione quoque id ipsum fiat. Et cap. ult. de cognatione spirituali in 6. statuitur: Quamvis non plures, quam unus vir, vel una mulier accedere debeant ad suscipiendum de Baptismo infantem . . . de Confirmatione insuper idem iudicium est habendum.

Licet autem haec Decreta ex parte revocata sint per Concilium Tridentinum sess. 24. cap. 2. quantum ad Baptismum, concedens quod unus & una baptizatum de fonte suscipiant; attamen nihil innovat circa Confirmationem; unde unicus ad eam patrinus, aut una duntaxat matrina sufficere potest respectu confirmandi sui sexus, ut decernitur in Pontificali Romano, ubi cum decretum esset: *Adulti, seu alii majores, ponant pedem suum super pedem dextrum Patrini*. Quo ritu significatur recens confirmatum sui Patrini sectari debere vestigia; & ad ejus exemplum in virtutis; & salutis via procedere; statim subditur: *Ideo neque masculi sumunt Patrini, neque feminae masculinae matrinae esse debent; utpote quia illa superpositio pedis magis convenit adultis ejusdem sexus, quam diversis*.

Potro nullus assumi potest in confirmando Patrinum aut matrinam, qui non sit confirmatus, ut decretum est in Concilio Moguntino de consecratione dist. 4. his verbis: *In Baptismo vel in Chrismate, non potest alium suscipere in filium, qui non est baptizatus, vel confirmatus*. Quod pariter decernit Pontificale Romanum his verbis: *Nullus qui non sit confirmatus, potest esse in Confirmatione patrinus*.

Alias in hoc suscipiendo Sacramento caeremonias servari solitas sic explicat Ca-

techismus Romanus, num. 20. Qui confirmantur sacro Chrismate, inquit, in fronte unguuntur; nam hoc Sacramento Spiritus sanctus in animos fidelium sese infundit, in eisque robur & fortitudinem augere, ut in spirituali certamine viriliter pugnare, & nequissimis hostibus resistere queant. Quocirca declaratur; eos nullo metu, aut verecundia, quarum affectionum signa maxime in fronte solent apparere, à libera Christiani nominis confessione absterrendos esse.

*Præterea* nota illa, qua Christianus à ceteris veluti miles insignibus quibusdam ab aliis distinguitur, in fronte ut illustriori corporis parte imprimenda erat.

Sed illud quoque solemniter religione in Ecclesia Dei servatum est, ut in Pentecoste præcipue hoc Sacramentum administraretur: quod hoc maxime die Apostoli Spiritus sancti virtute roborati, & confirmati sint: cujus divini facti recordatione fideles admonerentur, quæ, quantaque mysteria in sacra Unctione cogitanda essent.

Deinde verò qui unctus, & confirmatus est, ut meminerit se tanquam fortem Athletam paratum esse ad omnia adversa invicto animo pro Christi nomine ferenda, manu leviter in maxilla ab Episcopo ceditur.

Postremo autem pax ei datur, ut intelligat se gratiæ celestis plenitudinem, & pacem, quæ exuperat omnem sensum, consecutum esse. Atque hæc summa eorum sit, quæ de Chrismatis Sacramento à Pastoribus non tam quidem nudis verbis, & oratione, quam inflammato quodam pietatis studio explicanda sunt, ut ea in animis, intimisque fidelium cogitationibus inserere videantur. Ita Catechismus. His adde quæ de hujusmodi ritibus diximus articulo 1. quæst. 2. nu. 23. ex Durando. Interim dignetur Deus confirmare quod operatus est in nobis. Amen.

Finit Tomus Undecimus.



# I N D E X

Rerum Notabilium, & Sententiarum, quæ in hoc Undecimo  
Volumine continentur.

*Prior numerus significat paginam, posterior vero columnam.*

## A

### *Accidens.*

**A**ccidentia Eucharistica non sunt in statu violento. 184. 2  
Respectiva habent, alia Accidentia pro sub-  
jecto. ibid.  
Incertum est, utrum omnia Accidentia ab-  
soluta sint sine subjecto immediato. ibid.  
Qualis existere potest sine substantia, &  
quantitate. ibid.  
Accidentia verè post consecrationem eadem  
perseverant. 182. 2  
Et existunt sine subjecto substantiali. 183. 1

### *Actio.*

**A**ctio sumitur quinque modis. 171. 1  
Christus ut est in Eucharistia non potest ha-  
bere ullam Actionem corpoream per se. 202. 2  
Christus potest habere Actionem spiritualem  
transientem, imò & loco motivam corpo-  
ream ex parte termini. ibid.  
Duplex est Actio; immanens, & transiens.  
199. 2

### *Alimentum.*

Non eadem est spiritualis, & corporeæ Ali-  
mentis indigentia. 226. 1

### *Aqua.*

**A**quam in calice esse miscendam vino; Probat  
1. exemplo Christi D. 2. ratione SS. Patrum.  
3. quia hæc mixtio repræsentat Christi Pas-  
sionem. 4. quia significat unionem Christi  
cum Ecclesia. 5. duarum naturarum in Chri-  
sto. 6. transformationem nostræ mortalita-  
tis in statum immortalem. 69. & 70  
Aqua naturalis debet misceri in calice; &  
perinde est utrum frigida sit, aut calida,  
misceri debet in modica quantitate; quæ  
prius debet converti in vinum, quam in  
sanguinem Christi Dom. ut docet Innocen-  
tius III. cui subscribunt Theologiæ Prin-  
cipes. 73. 2. & 74  
Obijciuntur SS. Patres, qui videntur asse-  
rere Aquam immediate converti in sangui-  
nem Christi, sed solvuntur. 76. 1  
Explicatur Concilium Triburiense. 77. 1  
Christus D. modicam Aquam calici immudit.  
ibidem.

Licet Aqua in calice consecrato remaneat,  
non committitur Idololatria; nec sacerdos  
cum calicem sumendo solvit jejunium ca-  
nonicum, ibid.  
Quomodo converti possit in vinum. 78. 2  
Conversio Aquæ in vinum, priusquam in  
sanguinem Christi convertatur, dicitur no-  
vum commentum Scholasticorum. ibid.  
Sed immerito; nam Innocentius III. eam ut  
communiorē approbat. 79. & 80  
Quo sensu S. Chrysostomus dixerit nobis non  
esse licitum uti Azimis, præclare explicat  
Arcudius. 58. 1

## B

### *Beatus.*

Beato historicus parum certus. 151. 2

### *Berengarius.*

Berengarii hæresis, & iterata sæpius perfidia  
declaratur. 113. 1  
Duplex fuit capitalis error Berengarii cir-  
ca Eucharistiam. 169. 1  
Berengarius obiit in fide Ecclesiæ. 216. 2

### *Bonum.*

Bonum spirituale communicari potest cum sui  
divisione. 294. 1

## C

### *Consecratio.*

Consecratio est duplex. 16. 2  
Consecratio non est pars essentialiter con-  
stituens Eucharistiam. ibid.  
Quomodo Consecratio victimam producat,  
& simul perimat. ibid.  
Verba Consecrationis non sunt accipienda  
eo ordine quo dicuntur, non sunt promif-  
soria, sed demonstrativa. 9. 2  
Verba metaphorica Consecrationis Calicis  
per se manifestantur. 127. 1  
Uterque Panis, azimus, & fermentatus est  
sufficiens ad validam materiam Consecra-  
tionis. 50. 1  
Quam pessimè, & erroneè de forma Con-  
secrationis differant hæretici. 80. 2  
An, & quibus verbis Christus Consecraverit.  
82. 1.

Non



# ET SENTENTIARUM.

Non etiam consistit in oblatione post Consecrationem fieri solita, neque in divisione hostiæ, nec in sola sumptione; hæc tamen ad illius integritatem requiritur. 178. & 279  
 Quomodo per Consecrationem victima mutetur. 280. 1  
 Græcorum error, quod Consecratio non fiat per verba Christi. 93. 2  
 Quare Armeni volebant aquam admiscere vino consecrando. Non conveniunt Theologice circa hujus mixtionis necessitatem. 68. 1  
 Christus in consecrando suo corpore, & sanguine usus est verbis, ut docent SS. Patres. 83. 2  
 Sacerdotes verbis Christi consecrant, ut docent SS. Patres Græci, & Latini; suadet etiam ratio Theologica. 86. 2  
 Obijciunt SS. Patres, qui videntur alserere Eucharistiam confici per orationem; sed explicantur, & solvuntur. 88. 1  
 Quo sensu S. Gregorius dixerit ad orationem Dominicam confici corpus Christi. 89. 2  
 Explicantur verba Liturgiæ Græcorum. 90. 1  
 Quare à Patribus Græcis Eucharistia post Consecrationem dicatur antitypa corporis Christi. 91. 1  
 Utrum Græci reverà consecrent. 92. 1  
 Verba formæ assertivæ, & recitativæ profertur. ibid. 2  
 Sacerdos Consecrans gerit personam Christi, & suam propriam. ibid. 2  
 Duplex est partialis Consecratio, & una totalis. 93. 2  
 Quenam sit forma Consecratoria corporis, & sanguinis, quæ explicatur. 94. 1  
 Quatuor sunt verba de essentia formæ Consecratorię corporis. 95. 1  
 Præcedentia verba Consecrationis videntur necessariò præmittenda, ut indicat Doctor subtilis, ac oppositum est probabilius. ib. 2  
 Sacerdotis intentio sufficienter determinat verba consecrationis, ut admittit Doctor; cuius rationes in oppositum solvuntur: at tamen ea significatio à sola Ministris intentione non pendet. 97. 1  
 Quomodo verba Consecrationis dici possint proferri in persona Christi. 99. 1  
 In quibus verbis præcisè consistat forma Consecrationis Calicis. ibid. 2  
 Verba hæc, *Hoc facite in meam commemorationem*, non sunt de essentia. ibid.  
 Neque alia antecedentia, aut consequentia hæc, *Hic est Calix sanguinis mei*, vel *Hic est sanguis meus*; ut docent SS. Patres, & indicant Liturgiæ Græcorum, & Maronitarum; & suadet ratio Theologica. 100. 1  
 Quare, & quando Ecclesia jubeat formam

Consecrationis repeti: explicatur Concilium Colonienſe. 101. 2  
 Verba quæ spectant ad essentiam orationis non semper sunt de essentia formæ. ibid.  
 Quare verba, quæ necessaria sunt ad significationem effectum non sine de essentia. 102. 1  
 Forma eadem, quæ pertinet ad sacramentum, etiam confert ad sacrificium. ibid.  
 Ecclesia universalis non consuevit consecrandum esse in fermentato propter cavendam hæresim Ebionitarum, nec propter Quartodecimanos. 65. 2  
 Non est necesse, quod Consecrans sciat determinatè quanam verba Consecrationis sint essentialia. 103. 1  
 Verba Consecratoria vera sunt pro ultimo instanti Consecrationis, quia propositiones illæ sunt effectivæ. 103. 1  
 Unde affirmat rem quæ sit, non quæ prius extitit. 104. 1  
 Suum effectum producant ut significativæ, non autem ut veræ, ut præclare docet Doctor. ibid. 2  
 Potuit institui Eucharistia in verbis non significativis. 106. 1  
 Quenam sint, quæ impediunt à legitima Consecratione. 217. 2  
 Ecclesia Latina semper Consecravit in azymis. 64. 2  
 Communio.  
 Communio est faciendâ de jure divino, & Ecclesiastico. 226. 2  
 In primitiva Ecclesia quotidie fiebat sacra Communio. 227. 1  
 Deinde ter fiebat in anno, ac tandem præceptum est, ut saltem semel fiat. 228. 1  
 Quinam à sacra Communionem sint arcendi. ibid. 2  
 Peccatori autem occulto publicè petenti non est deneganda. 230. 1  
 Quinam hæretici censuerint necessariò Communicandum esse sub utraque specie. 231. 1  
 Quare Communio sub utraque specie olim fuerit non solum licita, sed etiam præcepta. ibid. 2  
 Reverà Ecclesia Laicis præcepit Communionem tantum sub specie panis. ibid.  
 Communio sub utraque specie non est de jure divino. ibid.  
 Christus Communionem non præcepit. 233. 1  
 Res eadem dici potest manducari, & bibi. ib.  
 Verba Christi quibus suum manducandum Corpus, & bibendum sanguinem jubet, sunt accipiendâ disjunctivè. ibid.  
 Quo sensu Apostolis dixerit Christus: *Bibite ex hoc omnes*, &, *Hoc facite*, &c. ibid. 2  
 Christus D. suo exemplo Communionem sub

# INDEX RERUM,

utraq; specie non fuisset, quia non omnia, quæ fecit, facienda præcepit. 220. 1  
 Cur Eucharistia sit fumenda à jejunio cum primum fuerit post Cœnam instituta. *ibid.*  
 Antiquitas etiam fiebat Communio sub unica specie. *ibid.* 2  
 Quanta mala accidant indignè Communicanti. 256. 2  
 Confessio præmittenda est Communioni non solum à Sacerdotibus, sed etiam à Laicis nisi fortè urgens necessitas excuset. 245. 1  
 Tres requiruntur dispositiones ex parte corporis ad dignam Eucharistiæ sumptionem. 246. 2  
 Communio potest certis in casibus sumi à non jejunis quando urget necessitas. 247. 2  
 Qualiter viri, ac mulieres olim Eucharistiæ susceperent. 234. 2  
 Quanta cura cavebant SS. Patres ne aliquid Eucharistiæ in terram caderet. *ibid.* 2  
 Quomodo infatibus Eucharistia dabatur. 235. 2  
 Abstemii quomodo Communicabant, & Sacerdotes recenter ordinati. *ibid.*  
 Communio non debet fieri sub duplici specie necessitate sacramenti. 236. 1  
 Explicantur SS. Patres, qui Communionem sub duplici specie necessariam videntur asserere. 237. 1  
 Quare Ecclesia Communionem sub utraque specie Laicis interdixit. *ibid.* 2  
 Quare potius Ecclesia præfens interdixit usum Calicis quam vetus. 238. 2  
 Sanguis Christi est hereditas legata fidelibus quantum ad realem sumptionem, non quantum ad modum sumptionis. *ibid.* 2  
 Quodnam jus fideles habeant petendi Calicem. *ibid.*  
 Sumptio utriusque speciei relicta est dispositioni Ecclesiæ. 238. 2  
 Ecclesia potest de nova concedere sumptionem utriusque speciei. 239  
 Plus gratiæ non confertur per sumptionem utriusque speciei quam unius. *ibid.*  
 Reges Galliæ possunt Communicari sub duplici specie in die suæ coronationis. *ib.* 2  
 Communio Laica non erat Communio corporis Christi sub una specie tantum. 240. 1  
 Sed erat exauthoratio Clerici, & ad statum Laicorum redacti. *ibid.* 2  
 Quid sit Communio peregrina. 241. 2  
 Quam necessaria sit præparatio ad Communionem, de qua pessimè senserunt hæretici. 242. 2  
 Ipsi hæretici perperam, & erroneè existimant corpus Christi ab indignis non suscipi. *ibid.*  
 Prærequiritur ad debitam Communionem status gratiæ, necnon & aliarum animi præparationes. 243. & 244.

Qui conscius est peccati mortalis debet præmittere confessionem Communioni. *ibid.*

## Confirmatio.

Quare inusitata methodo quinto tantum loco agamus de Confirmatione. 298. 1  
 Quare hoc sacramentum appelletur 1. Confirmatio, 2. Consecratio, 3. Unctio. 299. 1  
 Et manus impositio. *ibid.*  
 Varii hæretici hoc sacramentum impugnarunt maxime verò Novatiani, Ariani, Donatistæ, Lutherani, & Calvinistæ. *ibid.* 2  
 Quadruplex olim erat manuum impositio, 1. curativa, 2. ordinativa, 3. reconciliativa, 4. confirmativa. 300. 1  
 Cur interdum Confirmatio cum baptismo confundatur. *ibid.* 2  
 Confirmatio est verum sacramentum. *ibid.*  
 Confirmatio fuit à Christo Domino instituta, idque in die Cœnæ. 307. 1  
 Non autem quando parvulis manus imposit, neque Joan. 10. 308. 1  
 Quare non potuit conferri statim, ac fuit institutum. *ibid.* 2  
 Quid censeat Doctor de tempore institutionis Confirmationis. *ibid.*  
 Qui nullum censebant baptismum hæreticorum, etiam Confirmationem ab eis *factam* iterandam esse docebant. 324. 2  
 Quosensu ii, qui baptismum hæreticorum approbabant, Confirmationem improbant. *ib.*  
 Erronea recentiorum Græcorum sententia de Confirmatione iteranda. *ibid.*  
 Confirmatio imprimit characterem. 326. 1  
 Tres sunt sententiæ circa materiam remotionis Confirmationis. 308. 2  
 Oleum olivarum, & balsamum sunt materia sciendæ Confirmationis. *ibid.*  
 Probabile est, quod Apostoli ex dispensatione confirmaverint per solam manus impositionem. 311. 1  
 Probabile pariter, quod chrisma adhibuerint. *ibid.* 2  
 Cur salvetur Confirmatus, & percutitur ab Episcopo. 317. & 318  
 Forma constituitur in verbis. *ibid.*  
 Græci recentiores errant circa formam Confirmationis. *ibid.*  
 Alia est forma à Latini's, & alia usurpata à Græcis. 319. 1  
 Quænam sit forma legitima Confirmationis. *ibid.* 2  
 Perinde est, quod sit indicativa, vel imperativa. *ibid.*  
 Fortè etiam posset esse deprecativa. *ibid.*  
 Quænam sit forma à Græcis usurpata. 321. 1  
 Nec obstat, quod in ea simpliciter non sit verbum *Ej.* 322. 2  
 Quæ-

# ET SENTENTIARUM.

Quatuor præcipui Confirmationis effectus declarantur. *ibid.* 2  
 Certum est, quod gratia sanctificans per Confirmationem conferatur. *323. 2*  
 Non quidem prima nisi per accedens. *ibid.*  
 Quot modis gratia Confirmativa tum baptismali possit conferri. *ibid.* 2  
 Cur Confirmatus percutiatur alapa: quare pax ei detur. *217. 2*  
 Confirmatio confert robur ad fidem tuendam. *323. 2*  
 Cur præter Baptismum, & Eucharistiam adhuc necessaria sit Confirmatio. *305. 1*  
 Quare olim sensibiliter daretur Spiritus sanctus, nunc autem insensibiliter. *ibid.* 2  
 In quibus fundetur facultas ministrandæ Confirmationis. *331. 1*  
 Solus Episcopus est ordinarius minister Confirmationis. *ibid.* 2  
 Licet Sacerdos possit conferre sacramenta perfectiora Confirmatione, non tamen potest confirmare. *332. 1*  
 Licet Episcopus sit minister ordinarius Confirmationis de institutione Christi, potest tamen ad id delegari simplex Sacerdos. *340. 2*  
 Potestas Confirmandi proximè fundatur in potestate ordinis Episcopalis, non in potestate jurisdictionis. *348. 2*  
 Simplex Sacerdos potest esse minister extraordinarius Confirmationis. *334. 2*  
 Solus Summus Pontifex delegare potest auctoritatem Confirmandi. *ibid.*  
 Duplex est subiectum Confirmationis excipiente. *342. 2*  
 Confirmatio non est necessaria necessitate mediè absolute. *ibid.*  
 Præceptum est de Confirmatione suscipienda respectivè ad universam Ecclesiam. *344. 2*  
 Non autem respectivè ad singulos fideles, quia ad id non obligantur ex aliquo præcepto naturali, aut divino positivo, aut Ecclesiastico. *345. 2*  
 Confirmatio tantum necessaria est necessitate ad melius esse. *346. 1*  
 Quamquam per accedens ejus omisso voluntaria sit periculosa. *ibid.* 2  
 Solus baptizatus est subiectum capax recipiendæ Confirmationis, & omnes etiam pueri. *ib.*  
 Convenientius est tamen, ut nonnisi post septennium suscipiatur, nisi ad id quedam urgeat necessitas; conferri possit perpetuo amentibus. *348. 1*  
 Debent adhiberi patrini, qui jam sint Confirmati. *ibid.* 2  
 Cur unctio fiat in fronte, & maxime die Pentecostes. *ibid.*  
 Qua ratione Concilia dixerint hoc sacramen-

*Erasm. Theol. Tom. XI.*

tum esse necessarium ad salutem: *344. 1*  
 Cur potius concedatur facultas Confirmandi, quam benedicendi Chriftianis. *339. 2*

*Calvinus.*

Falsò dicit Calvinus Ecclesiam primitus usam fuisse pane fermentato pro materia confirmandæ Eucharistie. *31. 1*  
 Cæna Calvinistica non potest esse ea, quam commendat Apostolus. *355. 1*

*Cæna.*

Duplex apud Judæos die Paschatis fiebat egrna; legalis, & vulgaris. *49. 2*

*Christi Corpus.*

Realitas corporis, & sanguinis Christi in Eucharistia constat ex verbis institutionis. *123. 1*  
 Licet Christus non sit amplius in terra præsentia spectabili; est tamen præsens præsentia supernaturali, & sacramentali. *128. 2*  
 Idem infusum divina, & Apostolica traditio, quam egregiè commendat Apostolus. *129. 1*  
 Idem confirmatur ex Liturgiis Apostolicis, quarum auctoritatem elevare tentant hæretici, sed frustra; quamquam enim illæ non essent ab Apostolis, nihilominus veritati Catholicæ suffragarentur. *130. & 131*  
 Acta Passionis S. Andree idem confirmant: proferuntur momenta, quibus hæretici ea acta impugnant. solvuntur. *131. 2*

Quare sacramentum corporis appelletur corpus. *147. 1*

Quomodo Christus D. dicatur tribus diebus, & nobis fuisse in sepulchro. *139. 2*

Quomodo S. Augustinus dixerit homines non manducaturus corpus Christi, quod videbant. *60. 1*

Monita observanda in doctrina S. Augustini. 1. quod aliqui ejus scripta pessimè erant interpretaturi, 2. quod dicta figuratè sint ex aliis dictis explicanda. 3. quod mysterium Eucharistie non erat perspicuè declarandum coram Cathæcumenis, & Paganis. *148. & 149*

Christus potuit habere verum esse sacramentaliter, antequam illud haberet naturaliter. *35. 2*

Quomodo ea in hypothesi B. Virgo censetur Mater Christi. *36. 2*

Christus aliter dicit se esse vitem, & aliter panem esse corpus suum. *162. 1*

Aliquid dici potest inesse Christo D. duobus modis. *199. 2*

Utrum Christi corpus sit sub indivisibili, est incertum, tamen sententia affirmans est probabilior. *194. 2*

Quid sit, videre corpus Christi specificativè, & redaptativè. *205. 1*

Christi Domini corpus non movetur in Eucharistia.

# INDEX RERUM,

charistia per se, neque per accidens. *ib. 2*  
 Corpus Christi in Eucharistia non potest vi-  
 deri naturaliter. *209. 2*  
 Neque etiam potest videri divinitus ut ibi  
 existens. *ibid.*  
 Quod minus aperte ab uno Evangelista di-  
 citur, explicatur ab alio. *124. 1*  
 Exploditur ridicula quorundam hæretico-  
 rum expositio; proferuntur momenta aliorum  
 hæreticorum; verum eorum argutia retun-  
 ditur, ac futilitas demonstratur. *125. 2*  
 Quot modis Christi corpus dici possit fran-  
 gi in Eucharistia. *126. 1*  
 Vi verborum solum corpus, & sanguis po-  
 nuntur sub speciebus. *188. 1*  
 Illud corpus non est materia, nec cum ac-  
 cideotibus. *ibid. 2*  
 Nec ut connotat animam. *ibid.*  
 Nec ut involvens formam substantialem in  
 communi. *ibid.*  
 Corpus Christi non est unitum speciebus in-  
 trinsecæ, sed tantum extrinsecæ. *197. 2*  
 Ipsis tamen ita est conjunctum, ut eis per-  
 euntibus illud pereat. *ibid.*  
 Corpus per concomitantiam ponitur sub specie  
 vini, & sanguis sub specie panis. *190. 1*  
 Contrarium hujus rei non docet Doctor. *ib. 2*  
 Quomodo panis, & corpus Christi sint ter-  
 mini impossibiles. *176. 1*  
 Quomodo per *verba* consecrationis corpus  
 Christi fiat præsens Eucharistiæ. *ibid. 2*  
 Illa præsentia non dicitur propria localis. *ib.*  
 Christi corpus in sacramento recipit novum  
 respectum realem. *178. 1*  
 Non major requiritur virtus ad movendum  
 corpus Christi existens in Eucharistia, quam  
 ad illud ibi constituendum. *206. 2*  
 Intellectus viatoris non potest videre corpus  
 Christi in Eucharistia. *207. 1*  
 Id verò potest intellectus separatus, aut  
 beatus. *ibid.*  
 Licet corpus Christi sit loco substantiæ, non  
 tamen movetur localiter sicut substantia. *206. 2*  
 Quid significetur nomine Corporis, contro-  
 vertitur. *188*  
 Utrum corpus Christi habeat suam quanti-  
 tatem in Eucharistia, disceptatur. *187. 1*  
 Præsentia realis corporis Christi probatur  
 rationibus Theologicis. *153. 1*  
 Non repugnat, quòd idem corpus sit in di-  
 versis locis. *155. 2*  
 Nec in loco minimo. *156. 1*  
 Unum Corpus potest esse alicubi sacramen-  
 taliter priusquam sit alibi naturaliter. *37. 1*  
 Corpus Christi ad speciem corruptionem  
 non corrumpitur. *117. 2*

Egregia admonitio ad hæreticos. *ibid.*  
 Quid significaverit Christus D. dum dixit,  
 Consummatum est.

## Chrisma.

Chrisma debet esse beoedictum ab Episcopo.  
*313. 2*  
 Quare potius simplex Sacerdos consecrare  
 possit corpus Christi quam Chrisma. *314. 2*  
 Probabile tamen est id posse ex dispensatio-  
 ne summi Pontificis. *ibid.*  
 Sicut posset hoc sacramentum ministrare.  
*311. 1*

## Christianus.

Quid requiratur ut quis perfectus Christia-  
 nus coelestetur. *343. 1*  
 Christus, & Christianus dicuntur ab unione  
 Chrismatis. *ibid. 2.*

## D

### Deus.

Deus eo magis ab homine est honorandus, quan-  
 to propter eum indigna susceperit. *112. 2*

### Dæmon.

Dæmones possent cognoscere præsentiam Cor-  
 poris Christi, si Deus permitteret. *208. 2*

## E

### Ebionita.

Cur Ebionitæ notati sint hæresis. *65. 2*

### Episcopus.

Soli Episcopi proprie dici possunt Apostolo-  
 rum successores. *332. 1*  
 Quo sensu S. Hieronymus dixerit idem posse  
 Presbyterum quod Episcopus. *334. 1*  
 Incertum est utrum Ananias non fuerit Epi-  
 scopus, & Confirmationem Paulo tribue-  
 rit. *332. 2*

### Eucharistia.

Duplex est Eucharistiæ significatio, sacra-  
 mentalis, & mystica. *68. 2*  
 Christus D. reverà totus est sub qualibet  
 specie consecrata. *181. 2*  
 Aliquid continetur in Eucharistia duobus  
 modis. *186. 2*  
 Quo sensu Eucharistia post consecrationem  
 adhuc dicatur panis. *161. 2*  
 Christus D. Eucharistiam instituendo qua-  
 tuor simul fecit. *82. 1*  
 Plura requiruntur ad dispensationem quam  
 ad consecrationem Eucharistiæ. *218. 2*  
 Qua ratione tres Personæ divinx sint præ-  
 sentes Eucharistiæ. *193. 1*  
 Quo sensu Eucharistia dicatur holocaustum.  
*280. 2*  
 Cur species consecratæ corruptæ igni tra-  
 dantur. *ibid.*  
 Chri-

## ET SENTENTIARUM.

Christus est verè , & realiter in Eucharistia. 118. 2  
 Ut colligitur 1. ex verbis promissoris Christi. ibid.  
 Probabile est Christum D. comedisse suum corpus in Eucharistia. 128. 1  
 In Eucharistia simul est commemoratio , & rei præsentia. 127. 2  
 Quomodo Eucharistia constet , aut perniciatur verbis. 18. 2  
 Corpus , & sanguis Christi D. non sunt partes essentielles hujus sacramenti , quia non sunt sensibilia , nec significant , sed significantur. 19. 2  
 Quo sensu sint intelligendi SS. Patres contrarium insinuant. 20. 1  
 Species habent formalem rationem sacramenti , ut colligitur , 1. ex Innocentio III. 2. ex Hugone Victorino , 3. ex professione fidei Berengarii. 21. & 22  
 Qua ratione panis , & vinum sint materia specierum. 22. 1  
 Quo sensu Sacerdos species conficiat. ibid.  
 Quomodo species Eucharisticæ debeant adorari. ibid. 2  
 Non verò tabernaculum , aut ciborium. 23. 2  
 Qualiter species Eucharisticæ sint animæ cibus. 237. 1  
 Traditur sacramenti Eucharistiæ deus. ibidem.  
 Sacramentum Eucharistiæ est unum ratione signati , & finis , ibid. 2  
 Eucharistia ratione diversarum specierum dici potest multiplex sacramentum materialiter ; formaliter verò est unicum. 25. 1  
 Idque unitate non indivisibilitatis , sed integritate essentialitatis. 26. 2  
 Species enim dici possunt concurrere partialiter ad constituendum integrum sacramentum. 27. 1  
 Eucharistia servabatur olim à fuscipientibus. 10. 2  
 Quod fieri prohibuit Concilium Toletanum primum. 12. 1  
 Ministrabatur etiam defunctis. ibid.  
 Parvuli reliquis Eucharistiæ solebant assumere. ibid. 2  
 Servabatur in Altari , tum pro devotione fidelium , tum ut deferretur ad ægrotos. 12  
 Quo sensu S. Clemens dicat reliquias sacramenti non esse servandas , & Origenes , & Hesychius , & Evagrius , & Humbertus. 13. 2  
 Quatuor sunt in Eucharistia. 16. 1  
 Unde quadruplex Auditorum sententia de ejus ratione formali. ibid.  
 Eucharistia instituta est ad manifestationem Dei in nos amoris , sapientiæ , & poten-

tiæ ; necnon ad maiorem Christi gloriam , & hominum salutem. 31. & 32  
 Convenienter etiam instituta fuit Eucharistia ut implerentur Prophetarum oracula. 32. 2  
 Et figuræ veteris Testamenti , maximè verò octo , 1. Oblatio Melchisedech , 2. Agnus Paschalis , 3. Manna , 4. aqua fluens de petra , 5. sacrificia Aaronica , 6. Oblatio Manue , 7. Mel à Jonathâ gustatum , 8. Sanguis , & aqua de latere Christi ; at omnium figurarum præcipua fuit Agnus Paschalis. 33. 2  
 Potuit Eucharistia institui ante factam Incarnationem. 35. 1  
 Species tamen secundum se sunt verum sacramentum , sed non integrum essentialiter secundum omnem modum directè significanti , licet sit integrum secundum rem significatam. 27. 1  
 Unitas specifica Eucharistiæ præcipuè colligitur ex unitate significati. 28. 2  
 Eucharistia est multiplex numero sacramentum , non ex pluralitate numerica fumentium , sed specierum. ibid.  
 Fideles invicem præcisè non sunt unum corpus , eo quòd Eucharistiam sumant. 29. 2  
 Unitas significati Christi corporis non efficit unitatem Eucharistiæ. 30. 1  
 Plures hostias accipiens non accipit plura sacramenta formaliter , sed tantum materialiter. ibid. 2  
 Unitas refecionis connotat unitatem Eucharistiæ. ibid.  
 Hoc sacramentum ob diversa motiva fuit institutum. 31. 1  
 Eucharistia confici debet ex pane , & vino , ut testantur Evangelistæ , Concilia docent , ratio congrua suadet. 40. 2  
 Varia olim offerebantur ad Altare , non ad consecrationis materiam. 43. 1  
 Materia conficiendi corporis est panis triticus ; ex propriè dicto tritico confectus. 44. 1  
 Aqua naturali coalescens , igne decoctus. 45  
 Materia calicis est vinum vitigenum , non agreste , nec in botro. ibid.  
 Prohibetur error Aquariorum. 46. 2  
 Olim fiebat sacrificium manè , & vespere in quibusdam Ecclesiis. 47. 1  
 Unde ortus Græcorum error circa azimam. 48. 1  
 Potuit institui Eucharistia etiam Adamus non peccasset. 37. 2  
 Circa Eucharistiæ materiam varii hæretici erraverunt , maximè Gnostici , Ophitæ , Artotyritæ , Aquarii , Armeni , Lutherus , Græci. 38  
 Eucharistia congruè conficitur ex pane , & vino. 40. 1  
 Et-

# INDEX RERUM,

Eucharistia instituta fuit præsente Juda. **63. 1**  
 Hæretica Novatianorum sententia de Eucharistia. **6. 1**  
 Cur fuerit institutum hoc Sacramentum. **ib. 2**  
 Eucharistia habet omnes conditiones ad verum sacramentum. **ibid.**  
 Quam gratiam significet. **7. 1**  
 An efficiat quod significat. **ibid. 2**  
 Quomodo constare debeat materia, & forma. **8. 1**  
 Sacramentum Eucharistiæ est permanens, ut optimè probat Concilium Tridentinum, & colligitur ex Scriptura, necnon ex doctrina ipsorum hæreticorum. **ibid. 2**  
 Quare variata methodo prius de Eucharistia, quàm de aliis Sacramentis disputemus. **1**  
 Quàm varia SS. Patres encomia congesserint in Eucharistiæ laudem. **3. 1**  
 Quare appelletur 1. Eucharistia, 2. panis, 3. fractio panis. **ibid.**  
 Corpus Christi sacramentum corporis Christi, sacramentum Altaris, sacramentum fidelium, sinaxis. Communio, mensa Domini, quid fuerit Agape, Viaticum, cœna Dominica. **3. & 4**  
 Referuntur primi Eucharistiæ impugnatores. **108**  
 Eucharistia instituta est in pane azimo. **14. 1**  
 Impia Græcorum evasio præcluditur; etiam ex S. Joanne, & ex SS. PP. Latinis, ac Græcis, maxime S. Chrysostomo. **34. & 35**  
 Proferuntur fundamenta Græcorum ex Scriptura. **ibid.**  
 SS. Patres tuentur realem Christi D. corporis in Eucharistia præsentiam. 1. quia figuræ rationem ab ea remouent. 2. Id ipsum probant qui dixerunt Christi corpus ore corporeo sumi, & nobis uniri, non fide tantum, sed re ipsa. **743**  
 3. qui docent Christum ideo latitare sub speciebus panis, & vini, ne horror esset sumentibus. **135. 2**  
 4. Quia maxime in hoc mysterio fidem exigunt, **ibid.**  
 5. Quia magnum in Eucharistia miraculum intervenire testantur ex eo quod Christus sit simul in cœlo, & in terra. **6. ex eo quod qui species contrahat, dicitur tangere Christi corpus. ibid.**  
 7. quia ex hoc mysterio alia confirmant. **8. quia Christus in Eucharistia adoratur. 9. quia in Eucharistia fit conversio panis, & vini in corpus, & sanguinem Christi. 136. & 137**  
 Quod omnium præclarissimè declarat Sanctus Ambrosius. **139. 2**  
 Proferuntur hæreticorum momenta contra

libros S. Ambrosii de Sacramentis, sed diluuntur. **141. 2**  
 Quo sensu SS. Patres appellarint Eucharistiam figuram corporis Christi. **143. 1**  
 Quàm variæ sint appellationes Eucharistiæ, ut est Sacrificium. **259. 1**  
 Quæ fuerit panis benedictio à Christo D. à nonnullis dicitur consecratio. **84. 2**  
 Quare potius Christus usus fuerit forma Eucharistiæ, quàm aliorum Sacramentorum. **ibidem.**  
 Eucharistia considerari potest in fieri, aut in facto esse. **ibid.**  
 Per concomitantiam ponitur personalitas Verbi, & unio hypostatica, contrarium tamen docuit Avercia. **197. 1**  
 Quomodo pronomen possessivum, meum, usurpetur in forma Eucharistiæ. **ib. 2**  
 Unio etiam præterita sufficere potest ut anima Christi posset dicere, Hoc est corpus meum. **ibid.**  
 Organizatio est forma intrinseca. **192. 1**  
 Licet fortè substantia panis per se sub illis indivisibilibus non existeret per se primò. **195. 1**  
 Utrum per divisionem hostiæ nova indivisibilia producantur, incertum est. **196. 1**  
 Christus habet suam quantitatem in Eucharistia, idque in ordine ad se, non in ordine ad locum. **ibid. 2**  
 Præsentia formalis Christi est aliquid reale. non aliquid modus substantialis, nec accidens absolutum, nec respectus intrinsecus adveniens, sed extrinsecus. **197. & 198**  
 Christo in sacramento concomitanter inest omnis operatio, quæ primò inest ipsi in cœlo. **200. 1**  
 Christus habere potest operationes immunes in Eucharistia, etiam sensationes saltem concomitanter, quamvis ejus organa non sint localiter extensa. **202. 1**  
 Christus ut est in Eucharistia non potest in se aliquid convertere, posset tamen nutrire, & respirare saltem concomitanter, & penes effectum, non verò penes actum. **203. 2**  
 Quare Eucharistia posset adorari cultu latræ quamvis in ea panis remaneret. **170. 1**  
 Quare potius Christus dixerit hoc, quàm hec, est corpus. **171. 1**  
 Quæ fuerit mens Doctoris subtilis in explicandis verbis consecrationis. **ibid. 2**  
 Beatus clarè cognoscit in Eucharistia non esse substantiam panis. **210. 1**  
 Duplex est Eucharistiæ minister. **217. 1**  
 Quinam errant circa Eucharistiæ ministrum. **ibid.**  
 Sacerdos quantumvis malus validè consecrat. **ibid. 2**

# ET SENTENTIARUM.

De hæretico, & schismatico dubitat Magister *sententiarum.* **112. 1**  
Solutus Sacerdos est minister Eucharistiæ conficiendæ. **112. 1**

Proponuntur fundamenta hæreticorum contra præcedentem conclusionem, sed exponuntur, & solvuntur. **112. 1**

Quomodo sumptio Eucharistiæ nobilior sit consecratione, & vice versa. **116. 1**

Duplex est Eucharistiæ dispensatio. **118. 2**

Solutus Sacerdos habet jurisdictionem dispensandæ Eucharistiæ. **ibid. 2**

Diaconi in necessitate possunt dispensare Eucharistiâ. **220. 1**

Non tamen ex auctoritate principali, sed subsidiaria. **ibid. 2**

Diaconus potest ministrare Viaticum absente Sacerdote; non verò Subdiaconus, aut Laicus, licet hoc factum fueris antiquitus. **222. 1**

Triplex est modus suscipiendæ Eucharistiæ. **ibid. 2**

Eucharistia non est necessaria ad salutem necessitate mediæ tam adultis, quam parvulis. **223. 1**

Eucharistia non est ejusdem necessitatis, ac baptismus, & utriusque discrimen optime declaratur. **224**

Quo sensu S. Augustinus velit potum esse Eucharistiæ, ac Baptismi necessitatem. **225. 2**

S. Augustinus non censet Eucharistiâ esse absolute necessariam parvulis. **226. 1**

Proferuntur varii effectus Eucharistiæ in anima. **251. 1**

Proferuntur effectus Eucharistiæ erga corpus. **255. 1**

Si consecrata, aut consecrata fuisset Eucharistia in triduo mortis, fuisset verum Christi corpus sine anima. **189. 1**

Divinitas adest per concomitantiam. **192. 1**

SS. Trinitas adest per concomitantiam. **ib.**

## F

*Facundus.*  
Facundus Hermianensis non favebat Calvinistis. **152. 2**

*Fides.*  
Quomodo fides haberi possit de eo, quod non est visum, nec cognitum in se. **204. 2**

*Figura.*  
Non omnis Figura refiguram excludit. **143. 2**

Aliqua possunt esse simul Figura, & veritas. **122. 1**

Qua mente Tertullianus dixerit Eucharistiâ esse Figuram Corporis Christi. **143. 2**

Expenditur mens S. Augustini appellantis

Eucharistiâ esse Figuram Corporis Christi: solvitur posterior illius auctoritas, quare dixerit Christum fide manducari. **144. 2**

## G

*Gratia.*  
Gratia confirmativa non est simpliciter perfectior baptismali. **324. 1**  
Sed tantum secundum quid. **ibid. 2**

*Gregorius.*  
Gregorius VII. ante, & post mortem miraculis clarus. **192. 1**

Quam familiare sit hæreticis figuras, & umbras festari. **128. 2**

## H

*Hostia.*  
Totus Christus est sub qualibet parte Hostiæ post divisionem, & etiam ante divisionem. **193. 1**

Præsentia Corporis Christi in Hostia, est ad modum præsentiae Angeli, nec propterea est infinitæ præsentiae. **194. 1**

Corpus, & sanguis Christi sunt principalis Hostia, quæ offertur: panis autem, & vinum minus principalis. **283. 1**

## I

*Impositio.*  
Triplex erat manus Impositio. **306. 1**

*Incarnatio.*  
Incarnatio concipi potest dupliciter. **35. 2**

*Joannes.*  
Varil præter Erigenam, & Subtilem Doctorem videtur appellari nomine Joannis Scoti. **108. 1**

Joannes Erigena erravit circa Eucharistiâ, sed levi fundamentum. **ibid. 2**

## J

Judæi suum Pascha celebrant die 14. primi mensis, à quo die per septem sequentes dies solis azymis vesci licebat; Festivitates azymorum, & Paschæ eodem die celebrabantur, erant tamen distinctæ. **49. 1**

Omnes Judæorum festivitates à vespere in vespem celebrabantur. **ibid. 2**

*Impositio manus.*  
Manus Impositio ab Apostolis usurpata non erat nuda baptismi cæremonia. **307. 2**

Neque solum gratiæ gratis datur conferebat. **ibid.**

Neque sacre ritus ad illustrandam nascentem Ecclesiam, qui nunc defecit. **302. 2**

Ja

# INDEX RERUM,

## *Justitia.*

Adamo non peccante Verbum incarnatum  
fuisse. 31. 1  
Aliquid incipere potest vel simpliciter, vel  
secundum quid. ibid.  
Intellectus variè potest considerari. 104. 2

## M

### *Mysterium.*

Mysteria novæ legis non debent omnimodè  
respondere figuris. 70. 2

### *Mixtio.*

Quare Sacra Scriptura improbet mixtionem  
aque vino. ibid.  
Mixtio aque non est de essentia Sacramenti;  
neque à Christo Domino præcepta; cui as-  
sertioni non repugnant Concilia, nec S.  
Cyprianus. 71. & 72

### *Missa.*

Duplex est Missa: Catechumenorum, scilicet  
& Fidelium. 258. 2  
Legitimè potest recipi stipendium pro Mis-  
sa absque labe simoniæ. 297. 2  
Ex quo mensurandum. 296. 1  
Sacerdos non potest plura modica stipendia  
accepta pro diversis Missis, ad unam re-  
stringere. ibid. 2  
Nec illius partem sibi arrogare dum Missam  
ipse non celebrat. 297. 1

### *Minister.*

Duplex est Confirmationis Minister. 330. 1  
Tres sunt sententiæ de Ministro extraordi-  
nario. ibid.

### *Motus.*

Explicatur quomodo movens aliquid per se  
moveat etiam per accidens quod est in mo-  
tu per se. 206. 1  
Motio Corporis Christi ad motum specierum  
non est novum miraculum. ibid. 2

## P

### *Pascha.*

Gravis controversia fuit inter Arianos, &  
alias Ecclesias pro die Paschatis. 66. 2  
Pascha est necessariò celebrandum die Domi-  
nico. 60. 1  
Non differebatur Pascha Judæorum in se-  
quentem diem Sabbati. ibid. 2  
A quo die computandi 30. dies à Pascha ad  
Pentecosten. 61. 1  
Christus manducavit Agnium Paschalem in se-  
cunda vespere diei 14. & prima diei 15. 62. 1

### *Potestas.*

Duplex in Christo Potestas; aut duplex ejus-  
dem Potestatis usus. 83. 1

Duplex est Potestas jurisdictionis. 218. 2  
Quid præcisè significant pronomina, hoc,  
& hic. 126. 1

## Q

### *Quantitas.*

Duplex est Quantitatis positio, seu extensio.  
187. 2

## R

### *Ratramnus.*

Ratramnus ejusdem erroris Joannis Erigenæ  
insimulatur; sed immeritò; liber enim de  
Corpore Christi non ab eo, sed à Scoto Eri-  
gena videtur editus, & evulgatus sub emen-  
tito nomine Bertrami. 110. 2

### *Rupertus.*

Perperam hæretici fingunt Rupertum errori  
suo patrocinari, contrarium apertè docet  
pluribus, maxime in libris de divinis officiis.  
149. 2

Rupertus apertè agnovit transubstantiatio-  
nem. 169. 1

## S

### *Sabaturn.*

Quid sit Sabaturn secundò primum. 61. 2

### *Sacerdos.*

Quare Sacerdos plures simul possit ex sequo  
baptizare, non verò ita pro multis offerre.  
295. 1

Qua ratione omnes fideles dicantur Sacerdo-  
tes. 213. 2

Solvitur Tertulliani locus obscurus, expendi-  
tur factum Frumentii, & Sanctæ Petro-  
nillæ, necnon historia deprompta ex prato-  
spirituali. 214

Grande miraculum, quod accidit occasione  
puerorum Missam ludicrè celebrantium.  
215. 2

Quilibet Sacerdos validè consecrat. 216. 1  
Sacerdos degradatus validè consecrat, etiam  
hæreticus. ibid. 2

### *Sacramentum.*

Quenam requirantur ad rationem Sacra-  
menti. 7. 2

Tria sunt in Sacramentis novæ legis. 15. 2  
Sacramentum dici potest necessarium, vel ne-  
cessitate medi, vel præcepti. 221. 2

Duplex est Sacramentorum materia. 309. 1

### *Sacrificium.*

Quot modis sumatur Sacrificium. 259. 1  
Quid sit Sacrificium propriè dictum, & ex-  
penduntur illius definitionis particule. ib. 2  
Ex quibus apparec quomodo Sacrificium di-  
stinguatur à cæteris rebus cultui divino de-  
servientibus. 260. 1

Quam.



## ET SENTENTIARUM.

Quam pessimè de Missæ Sacrificio senserint Lutherus, Calvinus, & Bernardinus Ochlin. 267. 1

De fide est Missam esse verum Sacrificium novæ legis, quia in nova lege debet esse aliquod Sacrificium. ibid.

Christus est Sacerdos secundum Ordinem Melchisedech, qui verè fuit Sacerdos, & Sacrificium obtulit in pane, & vino. 263. 2

Cur S. Apostolus hujus Sacrificii non meminerit, & quomodo illud explicent SS. Patres. 265. 1

Quo sensu aliqui negent esse altaria, & Sacrificia inter Christianos. 266. 2

S. August. clarissimè Missæ sacrificii virtutem declarat. 267. 2

Sacrificium Missæ non officit Sacrificio Crucis. 268. 1

Immo necessum est ad applicandum illius meritum. ibid. 2

Quomodo Christus sit unus Sacerdos licet habeat Sacerdotes Vicarios. ibid. 2

Eucharistiam ut sacrificium Christus primum obtulit. 269. 2

Sacrificia dividuntur ratione materie, & finis in victimas, immolationes, & libamenta; ratione verò finis in holocaustum, pacificum, Eucharisticum, impetratorium, & propitiatorium. 270. 1

Omnia sacrificia veteris legis sacrificium Crucis, & Eucharistiæ adumbrabant. 271. 1

Eucharistiæ Sacrificium vim habet impetrandi, & efficiendi ex quadruplici capite. ib. 2

Sacrificium Missæ est Latreuticum, Eucharisticum, impetratorium, & propitiatorium. 272. 1

Ex hoc non fit injuria Passioni Christi. 273. 2

Quare vetera Sacrificia dicantur imperfecta ex eo, quod iterarentur, nec tamen Missa pluries iterata sit imperfecta. ibid.

Quomodo in Missa fiat remissio per sanguinis effusionem. 274. 1

Sacrificium Missæ non confert peccatorum remissionem immediate, sed tantum mediatè. ibid.

Quamvis Missæ sacrificium tantum mediatè remittat peccata, nihilominus efficacius, & præstantius est sacramentis veteris legis. 275. 1

Sacrificium Missæ producit suum effectum ex opere operato. 276. 1

Quod agit ex opere operato non semper producit suum effectum infallibiliter. ibid. 2

Sed præcipuè distingui possunt actiones in Missa. ibid.

Sacrificii essentia non consistit in oblatione prævia ad consecrationem, nec in distribu-

tionem, sed in sola consecratione. 277. 1  
In omni Sacrificio etiam repræsentativo, requiritur immolatio Victimæ; non semper quæ fiat realiter, sed quæ fieret nisi aliud obesset. 281. 2

Conservari posset essentialis ratio Sacrificii in unius tantum speciei consecratione. ibid.  
Utraque tamen species requiritur ad Sacrificii integritatem. 283. 1

Tres distingui possunt hominum ordines pro quibus cogitari posset, quod offerri deberet Missa sacrificium. ibid. 2

Non potest offerri pro damnatis. ibid.

Quo sensu Ecclesia oret ut animæ defunctorum liberentur de pœnis inferni. ibid.

Duplex esse potest applicatio sacrificii Missæ. 284. 2

Missæ sacrificium offerri potest pro Beatis. ib. Non ut est impetratorium. ibid.

Nisi fortè ad gloriam accidentalem. 285. 1

Religiosè offertur pro defunctis. ibid. 2

Ipsis enim prodest ex opere operato. 286. 1

Sunt enim membra invisibilia Ecclesiæ. ib. 2

Quæ sunt in statu satisfaciendi per alios. ibidem.

Etiā potest offerri pro omnibus vivis. ibid.

Dummodo non fiat excommunicati, nominatum denunciati. 287. 2

Etiā offerri potest pro infidelibus. 288. 2

Et Catechumenis vivis. ibid.

Non autem vita functis. 289. 1

Triplex est portio in Sacrificio Missæ. 290. 1

Generalis, specialissima, & specialis. ibid.

Sacerdos potest applicare fructum, & valorem sacrificii Missæ. 291. 1

Licet sit instrumentum quo Christus Dominus utitur in offerendo sacrificio. ibid. 2

Sacerdotis devotio non minuitur propter multitudinem eorum pro quibus offertur. ibid.

Valor, & effectus sacrificii Missæ non est infinitus. ibid.

Valor sacrificii Missæ non æquivalet sacrificio Crucis. 293. 1

Quo sensu S. Hieronymus censetur dixisse unam Missam pluribus prodesse ex æquo. 294. 1

*Sanguis.*

Sanguis Christi propriè dicitur testamentum. 297. 1

Non omnis Sanguis, quem habuit Christus, ponitur sub speciebus. 289. 2

Nec solus Sanguis, qui in Passione fusus fuit, ponitur sub speciebus, sed omnis, quem nunc habet. ibid.

*Simoniacus.*

Simoniacus non potest integrum proferre, Gloria Patri, &c. 152. 2

Sum.

# INDEX RERUM, ET SENTENTIARUM.

*Sumptio.*  
Sumptio potius representat sepulturam, quam mortem Christi. 280. 1

## T

### *Theodoretus.*

Theodoretus tres scriptis adversus Eutychianum dogma dialogos. 164. 1

In primo probat Christum habuisse verum corpus. 164. 2

Quare Corpus Christi gratiam appelleret. ibid. 2

Theodoretus probat Corpus Christi verum fuisse etiam post Ascensionem. 166. 1

Aperitur mens Theodreti de transubstantiatione. ibid. 2

Cavillationem Eutychianorum optime refutavit Theodoretus. 167. 1

Quid censuerit Theodoretus de Eucharistia. ibid.

Quare præ cæteris SS. Patribus asseruerit Symbolorum immutationem. ibid. 2

### *Transubstantiatio.*

Quid significet transubstantiatio. 158. 2

De fide est debere admitti Transubstantiationem in Eucharistia. 159. 1

Colligitur Transubstantiatio ex verbis consecrationis. ibid. 2

Quo sensu dicit Origenes Eucharistiam materiam in secessum ire. 162. 1

Perperam obijciuntur SS. Patres. ibid. 2

Proponitur gravis difficultas ex verbis Theodreti. 163. 2

Videtur ejus vulgatam versionem non esse genuinam. 164. 1

Præcluditur effugium Eutychianorum. ibid. 2

Duplex mutatio in Symbolis per Consecrationem. 165. 2

Possent verba Consecrationis esse vera in sensu speculativo, quamvis non haberet Transubstantiatio. 169. 2

Realitas Corporis non est idem articulus fidei cum Transubstantiatione. ibid.

Transubstantiatio est vera conversio. 171. 2

Transubstantiatio fit per actionem productivam. 172. 2

Proponuntur auctoritates SS. Patrum. 173. 1

Et explicantur à Doctore Subtili. 174. 1

Quomodo Transubstantiatio dicatur substantialis licet per eam nihil producat. 175. 1

Non est simplex Translocatio. 176. 1

Transubstantiatio est actio. 177. 1

Sed qualis contrahitur. 178. 1

Solus Deus est causa efficiens principalis Transubstantiationis. 178. 2

Sacerdos tamen habet rationem causæ instrumentalis. 179. 1

Transubstantiatio fit in instanti. ibid.

Nihil remanet panis post Transubstantiationem. ibid.

Nec forma, nec materia, &c. ibid.

Quæ sit genuina Subtilis Doctoris sententia de desiccatione panis. 180. 1

Si Transubstantiatio panis sit productiva panis non annihilatur. 181. 1

Quomodo panis desinat, & corpus Christi incipiat esse sub speciebus panis. ibid.

Quam insulse, & stolidè Doctor à nonnullis carpatur. 182. 1

## V

### *Vinum.*

Duplex est vini species. 40. 1

### *Votum.*

Duplex est Votum rei faciendæ, vel suscipiendæ. 222. 1

### *Unctio.*

Triplex est Unctio in Ecclesia baptismum significans. 334. 1

Qualiter differat Unctio, quæ fit in fronte ab ea, quæ fit in vertice. 317. 1

Fieri debet cum pollice. 317. 2

Quo sensu SS. Patres, & Concilia decessant esse ungendos Hæreticos accedentes ad Ecclesiam. 327. 1

### *Unitas.*

Unitas specifica est duplex. 24. 1

# F I N I S.